



UNIVERSITEITSBIBLIOTHEEK GENT



9000000140915



cūria dāt cūria s̄ fī lū cūria cūria
s̄ hoc s̄ cūria s̄ fī lū cūria cūria

B SCHOTANI
EXAMEN
IURIDICVM



J. Harkens. Sculpsit

LUGD: BATAV:
apud IOHANNEM ELSEVIER
Acad: Typog: 1657.



Ne Libris H. Buchbawp
rio

BERNARDI SCHOTANI
EXAMEN
JVRIDICVM,

QVO

Fundamenta Jurisprudentiæ secundum se-
riem Digestorum, subjectis suis locis
titulis Codicis, explicantur,

*Recognitum, & altera fere parte
locupletatum.*

EDITIO ULTIMA.



LVGDVNI BATAVORVM,
Apud JOHANNEM ELSEVIRIUM,
Academiæ Typographum.

CIC IOC LVII.



V I R I S

Clarissimis, Consultissimisque,

D. HENRICO BROUWER,
Reipublicæ Lugd. Bat. Senatori,

D. HENRICO van GERWEN,

D. PETRO vander MARSCHE,
Prætori in Soeterwoude, ac Co-
horti Civium Præfecto:

Juris Utriusque Doctoribus, Advocatis
peritissimis, æquissimis.

Viri Clarissimi, Consultissimi,

Neminem sibi soli natum,
verum omnes quod ha-
bent, publico, cui habent,
debere, natura & æquitas postulant:
omne quippe bonum communicati-
vum & diffusivum sui cum sit, commu-
nicare & diffundere etiam natura non
recusat. Quid non commune quod
natura optimum fecit? Sol omnibus
lucet. Luna innumerabilibus comi-

*

tata

tata syderibus etiam feras ducit ad
pabulum. quid aquis dici formosius
potest ? in publico tamen manant.
Quem naturæ impetum etiam Philo-
stratus nobis repræsentat in passere,
qui cum vidisset grana incurioso à
puerulo frumenti sparsa in angipor-
tu, indicavit id aliis passerculis, qui
eò volarunt. Unde Apollonius, Vi-
detis, inquit, quo pacto aviculæ mu-
tuam de se curam habeant, quantum-
que communi gaudeant societate.
Verùm hæc demum est regula per-
fectissimi Christianissimi; hoc est de-
cretum exactissimum & accuratissi-
mum; hoc est summum fastigium, ea
quærere quæ in commune confe-
runt. Hæc ratio, hæc causa est, cur
& ego bono publico, ut in aliis, ita
quoque hoc in opere, hætenus ob
molem suam molesto & non satis
commodo, commodiori forma meis
typis imprimendo deesse nolui; ra-
tus, mihi incumbere, Viri de inclyta
hac Academia optime meriti optima
scripta innovando perpolire. quæ
quin

quin sint utilissima nullus dubito.
Quid enim magis è re bonoque pu-
blico est quam viam monstrare quâ
jus suum cuique tribuatur? Quid ain-
pius utilitati publicæ profuturum,
quam ea publicare, quæ hominem
Reipublicæ cum lenitate & fortitu-
dine gerendæ parem reddunt, ut illa
erga bonos, præmiis afficiendo, hac
erga pravos, severè corrigendo, uta-
tur?

Clarissimis autem nominibus ve-
stris, Viri Clarissimi, Consultissimi,
hoc, si quid est, consecrare volui &
debui. Volui, ut hâc ratione vobis
olim Præceptoris fidelissimi, cujus
memoria vobis gratissima, memo-
riam renovarem. persuasum etiam
habeo, hæc Dogmata Juris nullius
tutelæ tutius committi, quam con-
stantibus Juris & æqui Defensori-
bus. Debui, ut sic amicitia, quam
sanguinis inter nos fundavit conjun-
ctio, publicum extaret monimen-
tum. Proinde etiam atque etiam
rogo, velletis hoc, quicquid est,
* 2 ejus-

ejusdemque inscriptionem , cùm ve-
stri fori , vobisque debeatur , vestra
quoque tam gratosè ac benignè ad-
mittere ad subsellia , quam ingenuè
ac libenter à me offertur. Valete.

C. V.

Omni officio.

Addictissimus

JOH. ELSEVIER.

*Dabam Lugdun. Batav. Non.
Mart. Ann. CLD LDC LVIL*

EPI-

EPIGRAMMA

IN

EXAMEN JURIDICUM

Amplissimi, Consultissimique Viri,
D. BERNHARDI SCHOTANI
Juris Professoris primarii, Rectoris Ma-
gnifici, Collegæ conjunctissimi.

Vt primum multâ premitur caligine verum,
 Æthereumque tegit nox inimica jubar;
Sic priscum multâ premitur loligine iustum,
 Et creperi fervent jurgia densa fori.
Itur in anfractus, vix Ius se Iure tuetur,
 Innumerisque gemunt pulpita mæsta apinis,
Exercet rabulam rabula, & quas occupat artes,
 Sentit, & agnoscit se nocuisse sibi.
Ducitur in varias Iuris Prudentia formas,
 Atque hornam Themidem vix capit ipsa Themis.
Lassatur vastâ pubes generosa papyro,
 Et rectum in dubio tramite querit iter:
Non tulit hoc nostri jam gloria prima Lycæi,
 Et doluit tricis rostra forumque premi;
Ingenuosque animos, & priscum ardentia rectum
 Pectora vult dubia dememinisse plage,
Et planam calcare viam, quâ purpurat Æquum,
 Atque Themis faciles pandit amica sinus.
Quod calamo, SCHOTANE, doces consinia recti,
 Ingenii laus est hac quotacunque tui:
At quod inoffenso vitæ morumque tenore
 Exemplum recti te simul esse jubes:
Hoc SCHOTANE tuum decus est, hæc gloria: Verè
 Ius priscum exemplo qui docet, ille docet,

FRIDERICVS SPANHEMIVS.

II.

In idem Examen.

Vasta liber congesta brevis dispunctaque iusto
 Ordine, turbatis vendicat à salebris.
 Hæc videas servesque tibi, doctissimus ordo
 Si placet, eximius vel sine labe nitor.
 E tenebris lux alma micat; lucente Schotano
 Nil poterit posthac juris habere Σχότῳ.

THEOD. GRASWINKE L.
 I. C.

III.

In idem Examen.

Pejor ut exhausto meliori vena metallo
 Intravit avum, mox decus, probitas, pudor
 Excedunt adytis; terra subeuntur Erinni:
 Stipante furiam fraude, furto, cadibus.
 Virtus pro vili, furor est pro lege potentum:
 Calcatur insons, jus truci veget manu.
 Dia vices sed enim nostras miserata Themistis
 Ruentem Erinnyos orbitam sufflaminat.
 Enthea percutiens sacro pectuscula thyrsō,
 Vincla are figi precipit minacia.
 Numine quo rapti Draco, rugosique Solones
 Scripsere jura; hi septia, ille sanguine.
 Hinc Tucça, & Labeo, de hinc Pauli & cura Modestus:
 Sacris dedere legibus fatam penum.
 Ast dum quisque suo cudit moderamina ductu,
 Dum scita plures & responsa congerunt;
 Vastum surgit opus, praegrandi mole laborans;
 Legesque perdit expetita copia.
 Quin perplexa animi dum sensa ambage loquuntur;
 Struxere labyrinthos inextricabiles.
 Sæpius hinc ipso offendunt in limine mystæ;
 Tricisque & operis vastitate territi,
 Iura, salutarunt quæ vix à limine, relinquunt;
 Sponseque in ipsis nuptiis renunciant.

Ecco

*Ecce Atlas juris, SCHOTANUS, quem sua pridem
Sublime cælo tollit eruditio,
Caca aperit, dubia exponit, nodosa resolvit:
Chartisque cuncta digerit catus tribus,
Quæ Digesta tenent, duodeno & Codice Princeps
Edicta scribit, plura per volumina.
Spes patriæ, Themidi sacra pubes arripe fila
Feliciterque evade labyrinthi dolos,
Semina qui sulcis non mandat vere juventa,
Autumnus illi vacuus ibit fructibus.*

*Amoris debique honoris arrhabonem
L. M. oppignorabam*

I. L I R Æ V S.

IV.

In idem Examen.

*Q*uem facili methodo, quem clara in luce juvabit
Perplexi cæcum carpere juris iter;
Hoc Ariadnæo vitabit devia filo,
Hac faciat tenebras noctis abire face.
Magnum est tam multis viva jus pandere voce,
Quot SCHOTANE tuam cernimus ire domum.
Larius at pater hoc cunctis opus edere scripto,
Vnde suæ possint discere jura domi.


A. MOL. I. V. L.

Dicatum Celsiss. PRINCIPIS
G U L I E L M O,
Nassovio-Auriaco, &c.

Assurgit cum Marte Themis, bellique furorum
 In medio, Batavos non cupit esse rudes.
Quin, dum se va foris pugnat Bellona, tubasque
 Inter & arma suâ vi, sine lege, furit,
Consultrix Astræa domi pacatius Aulam
 Instruit, & Patriæ parturit una Patrem.
Magne Heros, cui virtutes in bella paternæ
 Luxuriant, atque hoc sub Duce Ductor ovas,
Et bellare minor discis majoribus ausis;
 Crede: parum pugna, quod tibi restet, erit.
Subjecit sibi cuncta Parens; quæ pauca supersunt
 Oppida, Batavici nominis horror habet.
Tot tu pace reges populos, quot vicerit armis
 Dux Pater; atque isthoc omine jura lege.
Nassovia laus quanta Domûs! Cum Belgica dicet
 Omnis, & Hollandus, qui sciet ista, nepos;
Constamus geminis una de gente columnis;
 Quarum Mars unam struxerat, Ars aliam.

C. BOYVS.
 Jctus.

PRIMA



P R I M A
P A N D E C T A R U M

P A R 3.

Lib. 1. D. Tit. 1. & Lib. 1. Inst. Tit. 1.

DE JUSTITIA ET JURE.

Quis est finis studii Iuridici?

IUSTITIA, ejusque administratio. *arg. Nov. 30. c. 9. §. 1. Nov. 69. in prafat.* Idcirco enim jura addiscimus & docemus, ut advocando, judicando, docendo, æquum ab iniquo, licitum ab illicito, separantes, veram philosophiam, non simulatam, affectantes, justitiam sedulo colamus. *L. 1. §. 1. D. h.*

DE JUSTITIA.

Quomodo definitur Iustitia?

Constans, & perpetua voluntas jus suum cuique tribuendi. *pr. Inst. L. Iustitia. 10. pr. D. h.*

Quomodo dici potest Iustitia voluntas, &c.?

Voluntas, per metonymiam subjecti pro adjuncto, accipitur pro habitu voluntatis. Potest & definitio sic explicari: Iustitia est virtus, quæ constanter & perpetuo vult jus suum cuique tribui.

Quomodo Iustitia est constans & perpetua, cum Prætor, licet iniquè quid decernat, jus tamen dicere, & justitiam administrare dicatur. L. pen. D. h.?

Quod injustè fit, non virtuti, sed vicio hominis, vel

ex malitia vel ex imperitiâ jus dicentis, imputandum est.

De qua Iustitia est intelligenda superior definitio ?

Non de universali, quia ea (cum exigit obedientiam erga omnes leges, divinas & humanas, omnesque sub se complectatur virtutes, de quibus in jure non agitur directò & propriè) finis juris nostri esse non potest. Non de divina; quia ea etiam occupata est circa hominum cogitationes, & alia, quæ per leges nostras non diriguntur. Sed de particulari, quæ consistit tantum in regulis justî, æqui, & boni; ac humanâ, quæ circa politicas, civiles, ac externas hominum actiones versatur. Amplissimis quidem verbis iustitia ab authore Deo, à concurrentibus virtutibus, earumque effectu, in legibus commendatur, sed nusquam alia, quam particularis & humana designatur, cum de juris vero fine quæritur.

Particularis quomodo distinguitur ?

Est vel commutativa, quæ jubens æqualitatem in commerciis servari, nullamque dignitatis aut meriti personarum rationem habens, res rebus ex æquat: vel distributiva, quâ honorum & pœnarum secundum cujusque dignitatem & merita fit distributio. Illa juxta proportionem Arithmeticam; Hæc, Geometricam, uti ajunt, exercetur.

Annon ergo videtur quod respectus personarum, à Deo prohibitus, nostro jure tolleretur ?

Nequaquam. Est enim *μεροσποληνία*, quando sine justa ratione aliter jus redditur in hac quàm in alia persona; sc. ex favore vel odio personæ tantum, vel ex alio principio, quod ab æquitate & iustitia non comprobatur: In iustitia autem distributiva jus diversimodè dicitur ex causâ, quam æquum & bonum suadet, pro hujus vel illius personæ qualitate.

Quid in ambiguis faciendum ?

Nihil tribuendum est gratiæ aut amicitiae. Verum partes sunt Iudicis, verba ambigua explicare in contractibus seu conventionibus, contra eum, qui ea protulit. *L. veteribus. 39. D. pact. l. 21. l. 33. D. de contrah. emt.* in legibus, statutis, testamentis, & libellis judicialibus secundum eum, qui locutus est. *L. 1. l. fin. C. de legib. l. 50. in fin. D. de legat. 1. l. 66. D. de Iudic.* Sin autem in

P A R S P R I M A.

in facto dubitatio sit, judicabit iudex pro reo. *l. 4. C. de edend.* Si in jure, cum æquitas pugnat cum expressâ legis sanctione, relationem faciet ad Principem. *d. l. 1. fin. C. de legib.* Si leges & rationes juris æquè prægnantes utrinque militent, nec aliud circumstantiæ, ob possessionem, causæ favorem aut odium, ob qualitatem justam personarum, suadeant, rem controversam proportionatâ dividet inter litigantes. *arg. l. adeo. 7. §. cum quis ex aliena. 7. vers. est tamen ff. de acq. rer. dom. vel ad transactionem partes inducet.*

D E I V R E.

Quid est Ius ?

Appellatio juris est polysema. Denotat aliquando ipsum æquum & bonum, principia, ipsasque rationes, quibus leges constant & valent. *l. pen. D. h. t.* aliquando jus constitutum. *l. 6. & 7. D. h. t.* aliquando sententiam. *d. l. pen.* vel locum, in quo jus redditur. *d. l. pen.* aliquando cognitionem, sive necessitudinem. *l. fin. D. h.* aliquando potestatem dominicam vel patriam. *l. 1. D. de his, q. sui v. al. jur.* aliquando remedium. *pr. Inst. de act.* aliquando systema præceptorum de bono & æquo.

Cum pro systemate præceptorum accipitur, quomodo definitur ?

Ars æqui & boni. *l. 1. ff. h. vel divinarum ac humanarum rerum notitia, justî ac injusti scientia. §. 1. Inst. l. 10. §. 2. ff. h.*

Quomodo explicatur hæc definitio ?

Quod sit ars, quæ in omnibus rebus humanis ac divinis, quid justum, quid injustum, quid æquum aut bonum sit, demonstrat.

Quomodo jus, quod proponitur in scholis, dividitur ?

Est vel Divinum, quod Deum habet authorem: vel Canonicum, quod à Pontificibus est profectum: vel civile, quod Imperator Iustinianus collegit vel constituit.

D E I V R E D I V I N O.

Quotuplex est jus Divinum ?

Est vel ceremoniale, vel morale, vel forense. Hoc jus

comprehensum est præcipue libris quinque Moyſis.

Quod est ceremoniale ?

Quod agit de ceremoniis. Hæ sunt actiones externæ, solemnes, quæ ordinis vel decoris ergo, aut ob cultum divinum, aut ob significationem typicam, à populo Iudaico adhibendæ erant.

Quod est morale ?

Quod desumitur ex immotis æquitatis veræ principiis, præcipiens honesta, prohibens turpia. Ius hoc congruit cum æterna iustitia & sapientiâ, obligatque hominem ad obedientiam tam internam quàm externam, propositâ & promissione præmii, si id observet, & comminatione pœnæ, si violet.

Quod est forense ?

Quod pertinet ad gubernationem populi Iudaici politicam, continetque præcepta de defensione disciplinæ in civilibus & criminalibus; ut in contractibus, dominiorum distinctionibus, hereditatum divisione, judiciis, officiis magistratum, pœnisque. Latum est in hunc finem, ut ceu nervus politiæ ac executio Decalogi, publicam tranquillitatem pareret.

Quod ius comprehenditur præceptis Decalogi ?

Tantum morale. Priori autem tabulæ ancillatur ceremoniale: utramque defendit ius Forense.

Ligatne nos omne ius divinum ?

Omne morale; cum non tantum instituto Dei, sed & naturali ac æquissimâ ratione sit fundatum. Ceremoniale per adventum Christi est sublatum. Forense, quod refertur ad ceremonias, & ex iis causam habet, quodque tantum populo Iudaico applicatur, cessat: quod verò in lege morali fundatur, & applicari potest aliis populis, obligat quidem nos, sed pro exigentia rerum potest reformari, non tolli absolutè.

DE IVRE CANONICO.

Quibus libris constat ius Canonicum ?

Libris Decreti, quod desumtum est ex Patrum, Pontificum, Conciliorum, Synodorum, aliisque scriptis; & libris Decretalium, sive constitutionum & epistolarum pontificalium.

Quomo-

Quomodo distinguitur Decretum?

Ejus tres sunt partes. Prima exhibet distinctionibus centum & unâ juris principia, jura personarum ecclesiasticarum, & similia. Secundâ multæ nobiles quæstiones ac decisiones, causis triginta sex (quarum trigesimæ tertiæ, quæstione tertiâ, inseritur tractatus de pœnitentia, distinctionibus septem) traduntur. Tertiâ, quinque distinctionibus, jura consecrationis, &c. proponit. Hisce omnibus in calce adjiciuntur canones pœnitentiales & apostolici.

Quis author est Decreti?

Compilatum est tempore Eugenii Papæ, anno Christi 1151. operâ Gratiani, Monachi Sancti Fœlicis Bononiensis; at postea approbatum à Gregorio XIII. anno Salutis 1580. & repurgatum, ac denuò editum anno 1582.

Quomodo allegantur Iura Decreti?

Ex prima parte, per numerum Distinctionum, & numerum vel initialia verba capitulorum. Ex secundâ, per numerum vel prima verba capitulorum, per numerum causarum & quæstionum. & ex tractatu de Pœnitentia, per distinctionum & capitum numerum. Ex tertiâ, per numerum distinctionum & capitulorum de consecratione. ex canonibus pœnitentialibus & apostolicis, per verba initialia aut numerum versiculorum.

Qui sunt, & quomodo distinguuntur libri Decretalium?

Sunt primò, quinque collecti & concinnati per Raymundum, Cappellanum & Pœnitentiarium Gregorii IX. ex variis constitutionibus & epistolis Pontificum præcedentium, ipsiusque Gregorii; à quo confirmati anno Christi 1230. Secundò, quinque Bonifacii octavi (qui Pontifex creatus est anno 1294.) descripti operâ Gulielmi Archiepisc. Ebrudun. & aliorum; qui Sextus mandati Pontificis appellantur. Tertiò, quinque Clementis Quinti, qui designatus est Papa anno 1305. Hosce, cum morte præventus Clemens non posset, edidit Ioannes XXII. anno sui pontificatus secundo, ac constitutiones, iis contentas, ab authore nominavit Clementinas. Quartò, extravagantium libri, qui primò Ioannis XXII. viginti; deinde,

eiusdem nec non aliorum Pontificum Constitutiones. varias quinque libris, quorum quartus non extat, comprehendunt.

Quomodo allegantur hi libri?

Omnes, per titulos & numerum vel prima verba capitulorum: hac distinctione adhibita, ut, si simpliciter allegentur tituli & capita, vel præmittatur titulis hæc nota & sive particula extrâ, libros Gregorii noni denotemus. Si addatur in Sexto vel in 6. libros Bonif. 8. Si vero nomine capituli, dicatur Clementin. vel post adjiciatur in Clementinis, Clementinarum libros: si loco capituli inveniatur extravag. vel postea addatur in extravagant. libros extravagantium designemus.

Quis ordo servatur in libris Decretalium?

Tractatur 1. De principiis juris, gradibus, ordinibus, jurisdictione, & officiis magistratuum Ecclesiasticorum, nec non de initiis & præparatoriis iudiciorum, ut pactis, transactionibus, postulationibus, restitutionibus in integrum, & receptis arbitris. 2. De ordine ac progressu iudiciorum. 3. De vita & rebus presbyterorum, uti & de contractibus, testamentis, decimis, jure patronatus, &c. 4. De eadem materiâ, ac præcipuè matrimonialibus, & eorum consequentiis. 5. De Criminalibus.

Habetne aliquem usum Ius Canonicum inter Reformatos?

Habet, non quidem ad plenè quid probandum, nisi sit receptum; sed ad instruendum, & rectius quid explicandum. Continet quippe multa eximia moralia principia, ad veram æquitatem, ac honestatem ducentia: præscribit in judicialibus, aliisque nonnullis, optimum ordinem, & jus Civile interpretatur subinde.

D E I V R E C I V I L I.

ET

D E L I B R I S J U R I S C I V I L I S.

Quibus libris comprehensum est Ius Civile?

Libri juris Civilis sunt vel Doctrinæ, vel Constitutionum. Doctrinæ sunt, vel inchoatæ, quibus prima
Iuris.

Juris elementa traduntur, uti Institutiones, vel plenariz, uti Digesta, sive Pandectæ. Constitutionum, vel veterum & aliquarum Iustiniani, uti Codex; vel solius Iustiniani, & quidem novissimarum, uti Novellæ.

Tit. 17. Lib. 1. Cod. De Jure veteri enucleando, & de authoritate Jurisprudentium, qui in Digestis referuntur.

*Quo ordine, & ex quibus libris compositi sunt libri
Juris Civilis?*

Fuerunt initio tres Codices: Hermogenianus, Gregorianus, & Theodosianus, qui Imperatorum Constitutiones complectebantur. Ex hisce unus Codex confectus, dictusque Iustinianus: uti patet ex Constitutionibus, *de novo Codice faciendo, & de Iustiniano Codice confirmando*. Post ex præstantissimis veterum Iurisconsultorum scriptis Digesta sunt collecta. Hisce absolutis, priusquam essent promulgata. §. 3. *Proëm. Inst.* compositæ sunt Institutiones ex IConsultorum commentariis, confirmatæ singulariter *xi* Calend. Decembr. & post, una cum Pandectis solemniter *17* Calend. Ianuar. anno 533. *Proëm. Inst. §. fin. Const. Tanta & Const. Dedit. C. §. fin. t.* Ita tamen, ut & Pandectarum & Institutionum libri robur suum demum obtinerent ex tertio Calend. Ianuar. ejusdem anni. *d. Const. Tanta. §. pen.* Placuit autem in specie, ut omnium IConsultorum, ex quorum voluminibus leges Pandectarum sunt desumptæ, æqualis esset authoritas in Digestis. Quibus peractis, cum Imperator observaret, Codice suo Iustiniano multa antiquata contineri, nonnulla quoque deficere, præcepit, ut ei abolito surrogaretur novus, quem repetitæ prælectionis nominatum, quinquaginta decisionibus novis in controversis causis, multisque aliis constitutionibus locupletavit. Hunc Codicem confirmavit *17* Calend. Decembr. 534. *Const. de Emend. Cod.* Post hæc omnia promulgavit Novellas 168. quibus ex prioribus legibus nonnullas abrogavit, limitavit, reformavit, & emergentibus novis negotiis jus novum constituit.

Quid proderit hac intelligere?

Ut, si lex cum lege conferatur, constet, utra prior vel posterior, & utra tollat alteram. Ita Codex Pandectis, & Institutionibus, Novellæ omnibus Iuris libris derogant. Institutiones verò, cum prima eaque concissa tantum exhibeant rudimenta, accipiunt in nonnullis interpretationem ex Pandectis, cum aliquid vel latius explicandum; uti fit *in § antepen. Inst. de nupt. § fin. Inst. de public. judic. vel limitandum; uti fit § 30. Inst. de rer. Div. junct. l. 37. & 38. D. de Rei vind. item §. 25. Inst. eod. junct. l. 7. §. 7. in fin. D. de acq. rer. dom. Sæpe eadem decidunt pugnantes I Consultorum opiniones in digesta relatas; uti patet ex §. 34. Inst. eod. junct. l. in rem 23. §. 3. D. de rei vindic. & l. 9. §. 2. D. de acq. rer. dom. & corrigunt Digesta. §. 2. Inst. de adopt. scilicet, ex vi posterioris compositionis, vel ob constitutiones novas, quæ non Pandectis, sed Institutionibus sunt insertæ variis locis, secundum mandatum imperatoris. Const. Dedit. §. sed cum oportebat. 11. Ad magn. Senat.*

Imò & videtur Codex per Institutiones corrigi?

Id non de repetitæ prælectionis, quo utimur, sed Iustiniano est accipiendum. Absurdum enim esset, ut corrigeretur Codex, qui post est compositus.

Quid sibi volunt authentica in Codice?

Sunt desumptæ ex Novellis, & suis locis subjectæ legibus Codicis, privatâ I Consulti Irnerii operâ; quocirca nihil probant, nisi respondeant iis locis, ex quibus desumptæ sunt.

Quid statuendum de Leonis Constitutionibus?

Nihil probant contra leges Iustiniani, sed tantum comprobant. Non enim Leo plenum habuit imperium; nec ex Novellæ unquam receptæ fuerunt absolutè.

Quid statuendum de libris Feudorum?

Hi privato studio potissimum Gerardi Nigri Capagisti & Oberti de Orto, qui nominantur C. un. Si de feud. vasall. interpell. fuer. sunt compilati, & pro jure valent, ubi sunt recepti. Et ubi sunt recepti, derogant juri communi, ita tamen, ut strenuus Iurisperitus casu, qui non est comprehensus feudali consuetudine, uti possit lege scripta sine calumnia. c. un. de feud. cognit.

DE METHODO STUDII IURIDICI
CIVILIS.*Qua Methodo in studio juridico civili est procedendum ?*

Cum levi ac simplici viâ sit incipiendum, ut ad difficiliora transitus facilius fiat, ante omnia exactè Institutiones evolvere oportet, easque non antè deponere, quam redditæ sint familiares, cum rationibus ex fidelis interpretatione: interim *Titulos D. de verbor. signif. ac regulis juris* memoriæ imprimi convenit. Deinde Pandectarum & Codicis studio incumbendum: initiò adhibitis paratilis: horisque succisivis commentaria Gœddæi ad *Tit. de Verb. signific.* Bronchorstii, vel alterius boni authoris notæ ad *Tit. de Reg. Jur.* legantur. Interea verò Institutiones recolantur. Post ipsæ leges (repetitis ad singulas materias & titulos paratilis præceptisque Institutionum) diligenter & in *D.* & in *C.* hoc ordine, quem hic disposui, evolvantur. In quo labore hæc notanda. 1. Investigetur ratio æquitatis remota, & proxima. 2. In librum chartaceum titulis suis distinctum, si quæ occurrant fugitiva, aut singularia, aut in paratilis omissa, referantur. 3. Loca pugnantia cum conciliatione adscribantur, vel, si conciliatio haberi facile nequeat, consulatur alius. 4. Omnia axiomata & verborum significationes ordine alphabethico annotentur singulari libro. Hæc cum absoluta sunt, disputationes, antè ad Institutiones, & post ad libros Pandectarum instituendæ sunt; quas fieri præstat privatim in collegiis. Hisce ritè peractis, strenue authores rari evolvendi eorumque sententiæ cum præcipuis legibus ac rationibus in locos communes sunt redigendæ.

Quis ordo est in libro Iuris ?

In Institutionibus præmittuntur quædam generalia; deinde secundum tria juris objecta, personas, res, & actiones, omnia explicantur. In Pandectis Iuris compilatores secuti sunt formam edicti perpetui. l. 2. *D. de statu hom.* In Codice idem fere est ordo, qui est in Pandectis, præterquàm, quod libro primo, de fide, ecclesiis, & iis, quæ eo spectant, & libro 10. 11. & 12. fusius publicum jus tractetur. In Novellis ratio temporis,

quo quæque constitutio est promulgata, habetur.

Quid est edictum perpetuum?

Fuit quondam tanta Prætoribus autoritas, ut publice albo proponerent sua jura sive edicta. Postea vero Hadriano, ut nimia Prætorum potestas refrenaretur, placuit, varia ea edicta in unum corpus colligi per Salvium Iulianum, ut ita ex eo uniforme jus dicerent. Id Corpus juris à Iuliano compositum, accepit nomen Edicti Perpetui. *l. 2. §. 18. C. de jur. vet. enucl. l. 10. C. de Condict. indeb.*

DE PRÆCEPTIS IURIS.

Quæ sunt Iuris præcepta?

Præcepta, cum accipiuntur pro universalibus principiis & juris fundamentis, ad quæ omnia singularia examinantur, sunt, Honeste vivere, alterum non lædere, & suum cuique tribuere. *l. 10. §. fin. D. §. 3. Inst. de Inst. & Iur.* Cum vero ad singula negotia, causasque, de quibus jus est reddendum, referuntur, dici possunt tot esse, quot leges. *l. 7. D. de legib.*

Quomodo distinguuntur hæc generalia principia?

Primum ad officium cujusque respectu sui: alterum ad officium cujusque erga proximum vel concivem: tertium ad officium Iudicis, qui inter partes jus distribuit, refertur.

Annon pugnat cum Primo Concupinatus, qui jure permissus est. t. t. D. de concubin. & usus lupanariorum. l. 27. §. 1. D. de pet. hered.

Ius Civile nusquam concupinat. dicit rem esse honestam absolute, sed tantum tolerat reprobando. Lupanaria quoque non sunt licita. *No. 14.* sed de facto aliquando exercentur, eodem modo, quo homicidia in viri probi ædibus nonnunquam committuntur. Quis propterea dixerit esse permissa?

Annon pugnant cum Secundo Circumventiones, quæ permittuntur l. 16. §. 4. D. de minor. Usuræ, Usucapiones?

Non dolosæ circumventiones, sed, quæ fraude carent, *l. 22. §. 3. D. locat.* quæque fundamenta sunt mercaturæ, quæ solidissimus humanæ societatis tuendæ ac conservandæ est nervus, conceduntur. Usuræ immodicæ,

dicæ, quæ gravant proximum, damnantur. Usucapiones jure publico ad excitandam diligentiam, & puniendam socordiam, utque rerum dominia sint certa, & litium finis haberi possit, atque ex tacito dominorum consensu sunt introductæ. l. 1. D. de usurp. & usucap. l. 28. D. de verbor. signif.

Annon pugnat cum Tertio, quod non omnibus maleficiis pœna constituta. l. 14. §. 14. D. de religiof. l. 29. C. ad l. Iul. de adult.?

Non possunt omnia legibus comprehendi. l. 10. & seqq. D. de leg. Nec sequitur: nō est pœna certa constituta, ergo non debet pœna infligi. Ac præterea, tam levia sunt nonnulla, ut vix mereantur publicam pœnam. Denique, cum in d. l. 29. dicatur, quod ancilla, in facili specie ibi proposita, non committat adulterium; non potest ex eo concludi, quod impunè possit verecundiæ limites transgredi. Aliud enim est non ordinaria, aliud, nulla omnino affici delinquentem pœnâ.

Tit. 2. De Orig. Juris & omnium Magistratuum, & successionem prudentium.

Quæ est Origo Juris Romani?

Si spectes principia rationis justæ, est ex æquitate, ac usu sive necessitate reip. sic postulante. si historiam, descripta est ejus. origo. l. 2. pr. §. 1. & seqq. usque ad §. 13. D. h. t. junct. l. 1. D. de Constit. princip. & §. 9. Instit. de jure natur. gent. & civil. Fuerunt initio Leges Curiatæ, à Romulo & aliis Regibus latæ, quas Papirius in unum congeffit, unde Ius Papirianum. Post ex lege Terentilia à Decemviris profectæ leges 12 tabbæ & ad eas accessit varia Iurisperitorum interpretatio; datæque sunt solemnes actionum formulæ. Ob secessionem plebis à patribus, nata Plebescita. Nimis aucto populo, & Consulta facta sunt. Ut quisque scire posset, quod Ius Prætores dicturi essent, edicta proposita. Præterea, omni imperio translato in Principes, à Principibus Constitutiones promulgatæ, & eorum autoritate certi I Consulti de jure consulentibus responderunt.

Quæ est Origo Magistratuum Romanorum?

Initio Reges & Tribuni Celerum. Regibus exactis, Consules,

Consules, Censores, & extra ordinem Dictatores. Hisce jungebantur Magistri Equitum. Tunc Tribuni plebis, ædiles. Deinde Quæstores pecuniæ ac parricidii, & extra ordinem Decemviri. Post, Tribuni militum: Ædiles Curules: Prætores varii: Decemviri in licibus judicandis: Quatuorviri: Triumviri monetales, capitales: Quinqueviri: Præfecti urbi, annonæ, aliisque reip. partibus. Fuerunt præcipui Duo Consules, Decem Tribuni plebis, Octodecim Prætores, Sex Ædiles. *d. l. 2. §. 13. & seqq.*

Quæ est successio Prudentium?

Tiberius Coruncanus primus publice jura professus est. Publius Mucius, Brutus, Manlius, fundamenta actionum primajecerunt. Ab his Publius Rutilius, Rufus, aliique. Post hos Quintus Mucius Ius Civile constituit, ac in 18 libros redegit. Hunc secuti plures, de quibus. *d. l. 2. §. 42. & seqq. h. t.*

Quomodo Ius distinguitur?

Variè. I. Cum quædam publicè, quædam privatim sint utilia, jus aliud est publicum, aliud privatum. *l. 1. §. 2. ff. de Iust. & Iur.*

Quod est Ius publicum?

Quod immediate, primariò, ac per se pertinet ad publicum reip. statum. Id consistit in Sacris, sacerdotibus, & magistratibus. *d. l. 1. §. 2.* De hoc tractatur magna parte lib. 49. & lib. 50. D. maxima parte lib. 1. ac libris tribus Posterioribus Cod.

Quod est privatum?

Quod directò & per se spectat ad res, negotia, facta, utilitatem privatorum. *d. l. 1. §. 2.*

Imò videtur omne jus esse publicum: cum ob auctoritatem, quia à Populo vel Principe omnes leges: tum ob usum, quia omnibus competunt juris remedia: tum ob finem, quia leges pertinent ad status publici tranquillitatem.

Definitio juris publici, ante proposita, non refertur ad auctoritatem, usum, aut finem; sed ad ea, circa quæ tractanda ars juris publici est occupata, hoc est, statum publicum.

Imò videtur omne Ius esse privatum: quia, cum reipub. benè est, etiam privatis benè est, ac in jure privato explicantur sacra, officium Iudicii, testamenta; quæ omnia sunt

Sunt juris publici. d. l. 1. §. 2. l. 3. D. qui test. fac. poss.

Verum id est ratione finis, non objecti, quod tantum hic consideramus. Deinde, de sacris, ut sacris simplicitas & in se, non agitur, sed intuitu commerciorum, acquisitionum: quatenus sc. sint in commercio, aut acquiri possint, vel non. Ita quoque de officio Iudicis, non quàm id in se & abstractò spectatur; sed quàm Iudex id impertit inter partes in privatorum causis. Denique, testamenta sunt juris privati: quia de hereditatibus, & ad commodum privatorum fiunt: & juris publici dicuntur certo tantummodo, qui ad essentiã rei præcipuè non pertinet.

De quo jure in hisce fundamentis tractabitur?

De jure privato potissimum; de publico obiter & incidenter.

De Jure Naturali, Gent. & Civil. Lib. I.

Tit. 2. Inst.

Quomodo secundò dividitur Ius?

Collectum est ex naturalibus, gentium, aut civilibus præceptis. Hinc Ius naturale, vel gentium, vel civile. *d. l. 1. §. 2. in fin.*

Estne & jus publicum ex iisdem præceptis?

Et si quidem principia naturalia non adeo manifestè sese ostendant in publico, tamen aliqua esse, nemo inficiari potest.

Quod est Ius naturale?

Quod ex principiis, quæ natura omnia animalia docuit, est constitutum. Ius hoc tribuitur brutis materialiter, non formaliter. Principia, ex quibus formatum est, brutis conveniunt, non leges ipsæ: quia leges tantum ab hominibus, & secundum justam rationem, quæ in bruta non cadit, possunt condi. Itaque, quod homo jure naturali facit, ad id bruta inclinatione & impetu naturæ feruntur.

Quæ sunt exempla juris naturalis?

Matrimonium, liberorum procreatio, educatio, sui corporis defensio adversus externam vim. *pr. Inst. h. l. 1. §. 3. l. 3. D. de Inst. & Iure.*

Imò videtur matrimonium esse juris civilis?

Non infrequens, ut pro vario considerandi modo, una atque eadem res, & naturali, & gentium, & civili juri tribuatur. Ita matrimonium, quod spectat

speculatur inclinatio & appetitus ad coitum, adscribitur juri naturali; quâ consensus, quem justa ratio suadet in contrahendo, juri gentium; quâ solemnitas ac forma, juri civili.

Quod est Ius Gentium?

Quod naturalis ratio inter homines communiter constituit. *d. l. 1. §. Inst. h. t.* distinguiturque à naturali. 1. Quod constituatur ex sola ratione: Naturale ex inclinatione & impetu naturæ. 2. Quod solis hominibus competat: Naturale autem secundum sua principia etiam brutis sit commune.

Imò etiam Ius Gentium saepe appellatur Naturale?

Frequenter in jure species nomen generis, & genus nomen speciei habet: (uti videre est in Iurisdictione, transactione, pacto, cognatione, adoptione) vel vocabula confunduntur certis locis, quæ aliis apertè distinguuntur. *§. 5. Inst. quib. mod. test. infirm.* Ita Ius gentium dicitur naturale, cum agitur, vel de jure formato, vel de iis, quæ tantum conveniunt hominibus, vel cum civile Ius gentium juri opponitur.

Vnde æstimatur jus gentium?

Ex æquis rationis principiis, eoque jure, quod plurimæ gentes receperunt. Vnius autem vel alterius gentis institutum non immutat juris gentium appellationem.

Quomodo distinguitur jus gentium?

Aliud est primævum, aliud secundarium. Ad primævum, quod ex simplici ac incorrupta ratione profluit, pertinent obligationes ferè omnes, dominiorum distinctiones, religio, pietas in Deum ac patriam. *l. 2. §. ff. de Instit. ac Iure.* Ad secundarium, quod est ex conflictu rationum, quarum una est alterâ superior, (quia est magis naturalis, magis æqua, aut publica) spectant bella, servitutes, manumissiones. *l. 4. §. D. eod.*

Quod est Ius Civile?

Quod quisque populus ex peculiari ratione sibi constituit, vel quia invenit, vel quia invento novam formam addidit. Id nec in totum à jure naturali vel gentium recedit, nec per omnia ei inservit; sed ei vel quid adjicit, vel quid detrahit. *l. jus Civile. 6. ff. de just. & jur. §. 1. Inst. h.*

Annon & aliter Ius Civile accipitur?

Nonnunquam pro omni jure, quo quisque populus utitur: Ita, cum Canonico opponitur. Aliquando pro eo, quo Populus Romanus fuit usus. §. 2. 3. *Inst. h. t.* Aliquando, pro eo Iure Romano, quod non est Prætorum. *l. Ius autem Civile 7. pr. junct. §. 1. de Inst. & Iur. vel, quod non est naturale, aut gentium.* Aliquando pro interpretatione Iuris peritorum ad leges 12 tabb. *l. 2. §. 5. & 6. D. de Orig. Iur.* Aliquando aliter.

Quomodo jus, quo populus Romanus usus est, dividitur?

Est vel scriptum, vel non scriptum. §. 3. *Inst. h.*

Pertinetne Scriptura ad legis essentiam?

Nulla modo: sed est tantum causa legis efficiens instrumentalitatis, qua utimur, ut melius promulgetur, & in cognitionem hominum perveniat, fideliusque memoria retineatur lex, ac ejus sententia manifestius haberi & explicari possit.

Quæ sunt species juris scripti?

Enumerantur sex. *d. §. 3. Inst. h.* Lex, Plebescitum, Senatusconsultum, Principum placita, Prætorum edicta, responsa Prudentium.

Quo referri debent leges 12 tabb. adilitium edictum, interpretatio prudentum ad leges 12 tabb. auctoritas rerum judicatarum?

Leges 12 tabb. ad legem: sunt enim instar legis ad populum & ex ejus consensu latae. Adilitium edictum pars est juris honorarii sive prætorii. §. 7. *Inst. h. t.* Interpretatio prudentum, quæ sine scripto fiebat ad leges 12 tabb. nunquam auctoritatem publicam habuit, & à responsis prudentum separata est: quippe Responsa tempore & auctoritate Principum, & à certis Iurisconsultis, quibus hoc Ius concesserant specialiter Principes, dabantur. Interpretatio vero ad L L. 12 tabb. in libera republ. privata auctoritate ab iis, qui fiduciam aliquam studiorum habebant, fiebat. Denique, Res Iudicatæ tantum sunt fundamenta consuetudinis, & per se legis virtutem non habent.

Tit. 3. De Legib. Tit. 14. Lib. 1. Cod.

Quid est Lex?

Lex generaliter accipitur, pro jure, vel omni, sive scripto,

pto, sive non scripto, vel eo tantum, quod expressa sanctione placuit, & opponitur consuetudini. *l. 32. §. 1. ff. h.* Hoc modo, est supremæ potestatis decretum, ad publicum Reip. statum, vel Civium mores, eorumque res ac negotia, ex bono & æquo factum. *l. 1. 2. ff. h. t.* At in specie, est Ius, quod Populus universus Romanus, Consule rogante, constituit. *§. 4. Inst. de jur. natur. gent. & civil.*

Quæ sunt substantialia legis?

1. Potestas & voluntas condentis. 2. Promulgatio. 3. Legis æquitas, honestas, possibilitas, manifestus sensus.

Penes quos est potestas legis in genere ferenda?

Penes eos, qui majestatem habent, & suprema auctoritate reipub. præsident, sive fuerint populus, sive optimates, sive Princeps. Primariò, independenter ac naturaliter est penes populum universum: secundariò dependenter sive ex concessione aut necessitate, penes unum, Principem, vel Optimates.

Valetne Lex, quæ destituitur ratione?

Lex, quæ in se plane iniqua est, nullius est momenti *l. 39. ff. h. t.* æqua enim ratio est anima legis. Quæ vero certæ alicui rationi minori aut inferiori adversatur, at ex majori & superiori æquitate est desumpta, omnino valet. Ita Ius singulare quidem est contra rationem juris communis constitutum; sed, cum æquissimam jus habet causam, lex est. *l. 16. ff. h. t.*

Atqui non licet in rationem juris inquirere.

l. 20. & seq. ff. h.

In hisce, quæ constituta sunt ordinis causa, tantum placita jus constituentium sequi oportet: quoniam nihil iniquitatis habent, & neminem nisi negligentiores lædunt. Ita in solemnitatibus testamentorum, & similibus, non disputandum est de ratione solemnitatis, sed exacte sunt observandæ. huc pertinent *l. 20. & 21. ff. h. t.* In illis vero, quæ sunt ordinata ex bono & æquo, debet de ratione legis constare; & si ea dari non possit, tanquam imperfecta & iniqua lex, est rejicienda. *l. 8. C. de Iudic. l. 7. C. de precib. imp. offer.*

Quæ sunt proprietates legum?

1. Desumuntur ex iis, & applicantur iis, quæ frequen-

quenter accidunt. *l. 3. 4. 5. D. h. 2.* Verant, puniunt, permittunt, jubent. *l. 7. D. h. 3.* Constituuntur jura generaliter, non in singulas personas. *l. 8. D. h. t. 4.* Referunt se ad futura, non ad præterita negotia. *l. 7. C. h. 5.* Obligant omnes ad observantiam. *l. 9. 10. C. h.*

Atqui etiam jura de raro contingentibus dicuntur

§. 22. Inst. de rer. divis. l. 3. ff. si part. hered.

Prætereunt Legumlatores rariores casus, non, quod iis debita non tribuant jura, sed ex iis rationes legum non deducant aut interpretationem faciant. *d. l. 3. 4. 5. D. h.*

Atqui etiam jura sunt singularia, quæ singularibus personis accommodantur. l. 14. 15. 16. D. h. t.

Jura singularia in *dd. ll.* non sunt, quæ certæ alicui personæ accommodantur; sed, quæ ob singularem eamque justam causam certis ordinibus civium tribuuntur, & ab omnibus generaliter debent servari. Quæ vero sunt disposita de singulari aliqua persona, ut ad eam tantum pertineant, non sunt proprie leges.

Annon aliquando ad præterita leges se referunt?

Regulariter, uti dictum est, ad futura: siue novum Ius condatur, siue veteri quid novi addatur, vel detrahatur; siue verba sint manifesta, siue ambigua. Verum aliquando etiam ad præterita. 1. Si ita expresse sancitum. *d. l. 7. C. h. uti. l. 22. §. pen. C. de SS. Eccles. l. 27. C. de usur.* 2. Si tantum interpretatio veteris juris fiat. 3. Si quid de ordine judicii, aut actionis, vel quid aliud ad substantiam rei non pertinens, addatur. 4. Si justa ratio vel favor rei suadeat, eademque sit causa præteritorum, quæ futurorum.

De Interpretatione Legis.

Quomodo est Lex interpretanda?

1. Non est judicandum de lege, nisi ea fuerit in totum perspecta. *l. 24. ff. h. t.* 2. Exacæ observanda est ejus sententia. *l. 17. 18. ff. h. t.* vel ex verbis, quæ, si non aliter sit dispositum, in propria significatione accipientur; vel ex ratione subjecta, vel ex antecedentibus & consequentibus. 3. Semper cavendum, ne absurditas, iniquitas, vel contrarietas resultet. 4. In jure generali siue communi extendi possunt verba ex sententia, ex ratione, ex exemplo, aut simili.

similitudine : non ita facile in singulari , sc. de persona in personam , de negotio in negotium. *l. 10. 11. 12. 14. 15. 16. ff. l. 2. C. h. 5.* Si contrariæ videantur esse leges, conciliatio investiganda. *l. 26. 28. ff. h.* vel si ea non possit inveniri, aut, si æquitas è diametro pugnet cum lege, quæ nullam explicationem admittit, referendum est ad Principem. *l. 1. fin. C. h.* Aliàs, si lex admittat ampliacionem aut limitationem, ex æquitate mollienda durities, vel verba restringenda sunt. *l. 4. in fin. ff. de eo quod cert. loc.*

Quid statuendum de antinomis ?

Pessimè merentur de studio & studiosis juris, qui eas temere admittunt. Præstat subtili animo diversitatis rationes discutere, qua fieri possit. Est enim sæpe novum inventum, vel occulte positum, quod dissonantiæ querelam dissolvit. *l. 2. §. 15. C. de Vet. Jur. enucl.* Multum diversitati temporum, multum justæ interpretationi dandum est. Sæpe distinguitur. 1. Inter Jus Canonicum & Civile. 2. Inter Feudale & Commune. 3. Inter singulare & commune jus. 4. Inter diversas materias. 5. Inter rationes; alia enim superior, alia inferior, alia privata, alia publica. 6. Inter substantialia rerum, naturalia & accidentalia. 7. Inter diversos considerandi modos. 8. Inter verba & mentem. 9. Inter mentem legis, ejusque extensionem & interpretationem. 10. Inter dictum simpliciter & secundum quid, sive sit antecedens sive consequens, sive quid aliud, quod præsupponitur. 11. Inter factum & jus. 12. Inter æquitatem, sive utilitatem rerum gerendarum, & strictum vel directum jus. 13. Inter juris regulam & consuetudinem. 14. Inter fieri per se & per accidens. 15. Inter fieri primario, necessario, & per consequentiam. 16. Inter jus corrigens & correctum. 17. Inter jus, quod directò probat, & indirectò, sive per argumentum. 18. Inter dictum dispositive & interrogative. 19. Inter dictum narrative aut enunciative, & decisive. 20. Inter rationem & ipsam legem. 21. Inter dictum consilii causa, & dispositive. 22. Inter dictum absolute & comparative. 23. Inter in rem & in personam: sive inter reale & personale. 24. Inter abstractum & concretum. 25. Inter permitti simpliciter, & ex necessitate. 26. Inter fictionem, similitudinem juris, & veritatem, vel etiam inter

inter rem præsentem & spem. 27. Inter hominis opinionem & veritatem. 28. Inter hominis & legis provisionem. 29. Inter legis provisionem absolutam, & eam quæ est in subsidium. 30. Inter causam & effectum. 31. Inter totum & tantum. 32. Inter materiam & certum corpus, &c.

D E S T A T V T I S.

Quid sunt statuta?

Accipiuntur, vel pro uniuscujusque populi, etiam ejus qui majestatem habet, legibus, vel pro municipali jure.

Potestne unumquodque municipium sibi condere legem?

Nequaquam suo jure, sed tunc demum, cum Superior concessit, vel confirmavit, vel non interest Superioris, & nihil fit contra legem publicam. *arg. l. 1. D. de usur. l. 3. §. 5. D. de sepulchro violat.* Potest & fieri statutum à municipibus in iis, quæ pertinent ad administrationem bonorum municipii. *t. t. D. de decret. ab ordin. fac.*

Quomodo statuta sunt interpretanda?

Vt ipsæ leges: si contra jus commune quid iis disponatur, non facile fiet extensio de casu in casum, sed in casu omisso sequi oportet jus commune.

Qui obligantur ex statutis quæ valent?

Omnes subditi, quinimo & ipsi statuentes. *l. 9 ff. de Just. & Jur.* Advenæ vero, vel extranei, non aliter, quam si vel ratione rerum in iis, quæ ad res pertinent, vel ratione contractus aut delicti, vel alia, forum ibi sortiantur. *arg. l. 1. §. fin. ff. de vent. in sp. l. 6. ff. de Eviçt. l. 50. §. 3. ff. de legat. 1. Nov. 69. Auth. qua in Provincia. C. ubi de crimin. ag. op.*

Posuntne collegia approbata condere statuta?

Non ad quarumlibet causarum decisionem, sed in iis, quæ sunt suæ professionis, & artis, & quoad ea, quæ ad collegiatos spectant tantum. *l. final. C. de Jurisdic. l. 2. §. fin. C. d. const. pecun.*

D E P L E B E S C I T I S.

Quæ jura fuerunt apud Romanos Plebescita?

Jura à plebe, sine Senatoribus & Patriciis lata. Hæc ex se non habuerunt auctoritatem juris, sed tantum quæ recepta fuerunt, primum lege Horatia, post Hortensia.

De.

De Senatus-Consultis. Tit. 16. Lib. 1. Cod.

Quid sunt Senatus-Consulta?

Iura à Senatu constituta. non tantum in libera republica, in certis & singularibus causis. *l. 9. ff. de legib. ex necessitate: quia populus ita erat auctus, ut non facile convenire posset. l. 2. §. 9. ff. de Orig. Iur. §. 5. Inst. de Iure natur. gen. & civil. sed & occupata, cum Principes vel bellis impliciti essent, vel causam ad Senatum remitterent, vel in Senatu legis faciendæ causa orationes haberent, vel ipsimet ita constituerent. l. 19. ff. de rit. nupt. l. 8. C. de legib. l. un. C. h.*

Tit 4. De Constitutionibus Principum

Tit. 14. Lib. 1. Cod.

Quæ sunt Principum Constitutiones?

Leges latæ à Principibus, in quos omne imperium summum fuit collatum. Principes enim cum, *animo condendi legem*, quid edicunt, cōsulentibus respondent, rescribunt ad preces, decernunt, interloquuntur, Ius constituunt. *l. 1. ff. h. §. 6. Inst. de Iur. natur. gent. & civil.*

A quo tempore ligant Constitutiones?

A duobus mensibus post promulgationem. *Novell. 66. cap. 1. nisi aliud spacium fuerit comprehensum: utitrium mensium. Nov. 58. in præf. vers. sciant. vel probari possit, quod in constitutionem delinquens ante lapsum duorum mensium eam non ignoraverit.*

Quomodo distinguuntur Constitutiones?

Sunt aliæ generales, quæ omnes tenent: aliæ speciales sive personales, quæ ad certas personas referuntur. *l. 1. in fin. ff. h. t. d. §. 6. Personales non egrediuntur personas. d. l. 1. in fin. d. §. 6. l. 2. C. h. at in iis, quas spectant, latissime sunt interpretandæ. l. 3. ff. h. t. modo nemini inferatur injuria aut damnum. l. 2. §. 10. & 16. ff. ne quid in loc. publ.*

Estne Princeps solutus legibus?

Majestas, quam dirigit Princeps, est lege positiva superior. Quoad majestatem igitur solutus est. *l. 31. ff. de legib. sed non quoad ea, quæ ad personam ejus privam pertinent. l. 4. C. de legib. l. 23. ff. de legat. 3. Deinde, si tyrannus esse velit, quis eum coërcebit? at verecundia*

dia Principis non admittit, ut, quod turpe est, committat. *d. l. 4. d. l. 23. §. fin. Inst. quib. mod. test. infirm.*

Estne Princeps solutus solemnitatibus?

Sive ipse suo nomine, sive alius cum vel coram eo quid agat, non opus est ulla solemnitate. *l. sancimus, 34. §. 1. & auth. seq. C. de donat. Nov. 52. cap. 2. l. omnium 19. C. de Testam.* Secus, si privatus in commodum Principis negotium gerat: tunc enim, quod non est solemniter factum, nullum habet effectum, uti de testamentis rescriptum est. *l. ex imperfecto. 3. C. de Test. §. fin. Inst. q. mod. test. infirm.*

De Mandatis Principum. Tit. 15.

Lib. 1. Cod.

Quæ sunt mandata Principum?

In genere quælibet iussu: at in specie ea, quæ pro re nata in singularibus causis ad magistratus diriguntur: vel etiam sunt officii instructiones, quibus forma reip. administrandæ, vel quid expediundum, præscribitur. Mandata in specie accepta hoc habent peculiare, quod iis non credatur, nisi per literas probentur. *l. 1. C. h. quod constitutum est ob potentiorum libidinem & concussionem refræmandam, fraudisque iuspicionem tollendam.*

Estne ulla exceptio?

Est, si de iudice, adfessore, vel collega Iudici dando, de actorum editione, de lite celeriter terminanda, allegetur mandatum. *l. 2. C. h.*

Quid juris in legatis?

Hi non ipsa mandata, sed literas fiduciæ, quas credentias appellant, exhibere tenentur.

De Precibus Imper. offerendis. Tit. 19.

Cod. Lib. 1.

Quæ sunt preces Imp. offerendæ?

Libelli, quibus supplicantes desideria sua Imperatori proponunt.

De quibus licet supplicare?

De omnibus, nisi tertii jus lædant, fisco damnosa, vel juri expresse sint contraria, ac petenti non proficiant. *l. 3. l. 7. C. h. s. vel jure ordinario obtineri possint. arg. Nov.*

Nov. 17. c. 3. vel adversentur utilitati publicæ. d. l. 3. C. h.

Estne opus, ut quis ipsa instrumenta, in quibus se supplicans fundat, addat?

Non, nisi ratio iusta aliud exigat. Debet vero summa ac vis eorum exacte exprimi. l. fin. C. h.

Licetne contra sententiam supremi Senatus supplicare?

Non quidem appellare. l. 1. §. 1. ff. à quib. non est appell. sed supplicare per modum revisionis, vel propositionis erroris, aut ex alia causa quem posse, non dubitandum; tantum autem semel in eodem negotio. l. 5. C. h. t. Debet autem revisio contra supremi Senatus sententiam peti intra 10 dies, in hunc effectum, ut impediatur executio, nisi præstetur cautio de restituendo: aliàs post decennium, intra biennium, potest offerri supplicatio Principi ad revisionem, ac fiet executio sine satisfactione. Nov. 119. c. 5. & auth. Quæ supplicatio C. h. t.

Quando libellus principi datus litiscontestat. faciat. Tit. 20. Lib. 1. Cod.

Operaturne libellus Principi oblatus litiscontestationem?

Actiones, quæ morte intereunt, dantur adversus hæredes: uti & temporales, prætorix annales, perpetuæ fiunt, si imperatori libellus sit oblatus, & is ad eum rescripserit. l. 1. 2. C. 5. l. 33. C. de donat.

Vt lite pendente vel post &c. Tit. 21. Lib. 1. Cod.

Licetne lite pendente supplicare?

Permissum est ante litem contestatam, sed non post. l. 1. C. h. t. ne per rescriptum Principis litigator circumscribatur. Ita nec post appellationem, quia lis secundæ instantiæ etiamnum pendet: multoque minus, si sententia transierit in rem judicatam, sive non appellaverit condemnatus, sive aliter acquieverit. In omnem litis æstimationem condemnabitur & infamis fiet, qui appellatione neglecta contra sententiam supplicaverit. l. 2. fin. C. h. t. sc. sine iusta causa.

Estne

Estne exceptio ab hoc jure ?

Licet supplicare pendente lite, ut 1. acta exhibeantur.
2. Lis terminetur. 3. Alius Iudex adjungatur. l. 2. C. h.
Nov. 113. c. 1.

Si contra jus vel utilit. publ. &c. Tit. 22.

Lib. 1. Cod.

Qui rescriptum ad preces impetravit, quid aget ?

Debet Iudici offerre ; Iudex autem , imo etiam
omnis is , cui non tantum cognitio , sed executio est
demandata. l. 4. C. h. t. permittet precum arguī
falsitatem sub pœna. l. 3. C. h. t. nec aliter patietur
executioni mandari rescriptum , quam causa cognita.
In causæ cognitionem veniunt hæc: 1. An pugnet re-
scriptum cum utilitate publica. 2. An per mendacium,
vel veritate suppressa, fuerit postulatum & impetratum.
3. An rescriptum jus tertii lædat. 4. An repugnet juri.
Si itaque quid pugnet cum publica utilitate, id rejicie-
tur. l. fin. C. h. t. Si mendacii convincatur supplicans,
non tantum carebit impetratis, sed & vel pœna falsi, vel
alia extraordinaria punietur. l. 5. C. h. l. 29. ff. ad. l. Corn.
de fals. Si autem juri, quod tertio quæsitum est , vel le-
gibus contrarietur , non admittendum. l. 7. C. de prec.
Imp.

De diversis Rescriptis, & Pragmat. sanction.

Tit. 23. C. Lib. 1.

Quomodo distinguuntur Rescripta Principis ?

Varie. 1. Sunt Annotationes & subscriptiones ad li-
bellos supplicantium breves, vel Epistolæ prolixiores,
vel pragmaticæ sanctiones , quibus tractatu & consilio
adhibito ad proposita respondet Princeps, maxime, cum
provincia, civitas , aut quælibet universitas supplicavit.
l. fin. §. 1. C. h. t. 2. Sunt generalia, vel personalia. 3. Sunt
Temporalia, vel perpetua. 4. Iustitiæ, vel gratiæ.

Quæ sunt Iustitiæ ?

Quibus de jure causæ secundum jus commune re-
sponderetur, vel Iudex datur ad cognitionem aut decisio-
nem Litis.

Quæ

Qua sunt gratia?

Quibus alicui quid ex gratia indulgetur, vel remittitur. Ideoque non facile in causam horum inquiritur, si administratio vel dignitas concedatur. Etenim Sacrilegium principalibus obviare beneficiis. *l. 5. C. h. t.*

Rescripta Iustitia suntne perpetua?

Sic videtur. *l. 2. C. h. t.* nisi tempus certum iis fuerit comprehensum. *d. l. 2.* At Iure Canonico. *c. 9. 23. x. h. t.* statutum, quod, si diversi diversa rescripta impetraverint, & prior impetrans non fuerit usus suo rescripto intra annum, dolo vel negligentia, posterior suo uti possit, ne malitiis indulgeatur.

Debetne aliqua clausula inseri rescriptis?

Iure Civili est addenda: si preces veritate nitantur. *l. fin. C. h.* verum, ea clausula Iure Canonico. *c. 2. extr. h.* & consuetudine subintelligitur.

Quae exceptiones possunt per rescriptum obtineri?

Tantum dilatoria, non peremptoria. *l. 4. C. de precib. Imp. off.* sic conceduntur quinquennales aut minores induciae debitoribus ære alieno oneratis.

Quare magis dilatoria, quam peremptoria?

Quia in modico tempore non est magnum præjudicium. *l. si Debitori 21. ff. de Iudic.*

Quomodo sunt concedenda inducia?

Non aliter, quam datis fidejussoribus. *d. l. 4. C. de precib.* ne in totum creditoribus suum adimatur.

Competuntne induciae quoque fidejussoribus?

Non videtur, quia hoc beneficium est personale. Et personales exceptiones non dantur fidejussoribus. *§. fin. Inst. de replic. l. 7. pr. & §. 1. ff. de Except.* quod verum est, si fidejussores renunciaverint beneficio discussionis, si non.

Quomodo debet fieri insinuatio rescriptorum?

Authentica ipsa, siue originalia, non exempla, sunt insinuanda. *l. sancimus 3. C. h.* ne fraus committatur, vel de ea commissa sit suspicio. *arg. l. 2. in fin. ff. de Fid. Instr.*

Quid, si rescriptum ad unius personam in causa communi supplicantium sit directum?

Omnibus proderit. *l. 1. C. h.* Nam rescriptum generaliter referendum est ad ea, quæ libello sunt proposita, ut, quod in una persona æquum est, simul æquum videatur in altera.

Opor.

Oportetne præcise obedire rescriptis ?

Si non satis æqua videantur, Princeps instruendus, & interim executio differenda. *Novell. 17. C. deinde 4. Et, si Princeps perseveret in proposito, & contra legem Dei, aut jus naturæ certissimum sint impetrata, non est iis parendum. l. rescripta 7. C. de precib. l. 15. in fin. ff. de Condit. Inst. l. fin. C. si contra jus vel util. Plus enim Deo, & honestatis divinis præceptis dandum, quam homini male agenti. Sin autem sint contra jus civile positivum, vel ambitiose quid sit mandatum, tandem, cum Princeps rationes non audit, iis est obtemperandum: quia publice interest, ne facile principis, penes quem est summum rerum arbitrium, authoritas convellatur. arg. l. 65. §. 2. ff. ad SC. Trebell. Præstat, cum corrigi non potest, æquo animo minus probabilem sententiam ferri. l. 27. §. 2. ff. de recept. arb.*

De Statuis & Imaginibus. Lib. 1. Cod.

Tit. 24.

Possuntne & statuae in honorem alicujus erigi sine rescripto ?

Nequaquam. *l. 1. C. h. Et, si judici vel alii magistratui à Principe is honor sit impetratus, is, ad cujus honorem erigenda est, impensas subministrabit. l. 4. C. h. nihilque ex ærario publico, vel ex privatorum collectis ad hoc desumetur. Licet enim virtutum præmia tribui bene merentibus conveniat, aliorum tamen honores aliis damnorum occasiones fieri non oportet. d. l. 4.*

De his, qui ad Statuas confugiunt. Lib. 1.

Cod. Tit. 25.

Quid beneficii consequuntur, qui ad Principum statuas confugiunt ?

Si certas habeant causas (uti metus, injuriæ) jure ac legibus defendentur. Si artibus suis invidiam inimicis creare destinent (ne inde, unde jura nasci debent, injuriæ sit occasio) ultrix in eos sententia proferatur. *l. un. C. h.*

P A N D E C T A R U M
DE E D I C T I S P R Æ T O R V M.

Quæ sunt Edicta Prætorum ?

Iura, quæ Prætores adjuvandi, supplendi, vel corrigendi juris civilis causa introduxerunt. *l. 7. §. 1. ff. de Inst. ac Iur.* Sæpe enim Ius Civile Prætores id conservantes vel confirmantes faciliiori quadam via ad exitum deduxerunt. Sæpe, quod in lege nimis erat generale, ex bono & æquo restringentes in melius reduxerunt, & quod nimis angustis cancellis inclusum, dilatarunt, & suppleverunt ex similibus. *§. 2. Inst. de hered. qual. & diff. l. necessarii. § 7. ff. de acq. vel omitt. hered. l. posthumus 12. ff. de Injust. rupt. §. 6. Inst. quib. mod. test. infirm. l. 10. & seqq. ff. de legib. l. 2. §. 13. ff. de Orig. Iur.*

Potuerunt ergo Prætores legem scriptam mutare ?

Non in totum mutandi legem, qua expressa decisio continebatur. *l. 12. §. ff. h. t. l. 3. ff. und. legit. sed emendandi iusta interpretatione, quoties lex id desiderabat, potestas iis fuit concessa. d. l. 7. §. 1. ff. de Inst. & jur. §. 3. versic. media Inst. de leg. agn. success.*

D E R E S P O N S I S P R V D E N T V M.

Quæ sunt responsa Prudentum ?

Sententiæ & opiniones eorum, quibus specialiter permissum erat à Principibus, de jure respondere. Tanta autem erat efficacia responsum, ut iudici non liceret ab iis recedere. *§. responsa 8. Inst. de jur. nat. gent. & civ.*

Estne hodie tanta I Consultorum autoritas ?

Nulla modo. Nec Iudex tenetur ea sequi. *arg. l. nemo. 13. C. de sent. & interloc.* Sed, si quis pro se duorum vel trium eminentium Doctorum consilia habeat, non facile in impensas condemnabitur. Nec adeo peccat, qui credit iis, quos Superiorum autoritas peritos rerum enunciat. *arg. l. septimo 12. D. de stat. homin.*

Quid de glossa & opinionibus communibus statuendum ?

Ex hisce probabilis quidem, sed nulla certa probatio est. Non enim æstimandum ex multitudine autorum, quid melius aut æquius est. *§. 6. Const. Deo auctore de concept. Digest.* Nec ex aliorum sententia aut exemplis

exemplis judicare. *d. l. 13. C. de sentent. ac interlocut. sed Iudices oportet veritatem, & legum & justitiæ sequi vestigia. d. l. 13.*

Atqui à pluribus perfectius potest haberi veritas. l. fin.

C. de fideicom. Et I Consulti veteres, ipseque Imperator, communem sententiam secuti. l. 4. ff. de his q. not. inf. l. 12. §. 27. D. de inst. & instr. l. 17. de Iur. patron. Convenitque, jus esse certum & juvari interpretatione Prudentum. l. 2. §. 5. 13. ff. de Orig. Iur.

Facta melius probantur per plures. *d. l. fin. C. de fideicom. non Iura. Sæpe deterioris sententia, & multas & majores, pondere rationis superare potest. d. §. 6. Const. de concept. Dig. Assolentque Doctores se invicem sequi, non recte pensitatis omnium rerum momentis, sed ut grus gruem. Deinde Imperator ac I Consulti aliorum sententiam sunt secuti, non eam recipientes pro jure certo, sed approbantes, vel potius allegantes, ad ostendendum consensum. Ita in responsis allegamus aliorum auctoritates, non quia ex iis jus metimur, sed magis confirmamus. Denique, etsi utile sit, jus esse certum in omnibus, & jura juvari per interpretationem: non tamen quis hinc deducet, glossam & communes sententias pro jure recipi oportere.*

Quæ sit longa consuetudo. Tit. Cod. 53. Lib. 8.

Quod est jus non scriptum?

Est, quod sine expressâ sanctione comprobatum est tacito consensu, longoque usu; diciturque consuetudo. *l. de quibus 32. §. 1. ff. de legib. Distinguitur à lege scripta, quod lex expresso suffragio, consuetudo tacito introducat. d. l. 32. §. 1.*

Quid proprie facit consuetudinem?

Solus tacitus utentium consensus. *d. l. 32. §. 1. quem non ex certo actuum vel annorum numero definiri oportet.*

Atqui sæpe fit mentio frequentia actuum. l. 1. C. h. & longi temporis.

Id fit propterea, quia vix potest introduci ac probari aliter, quam ex frequentibus actibus, ac longi tempo-

ris lapsu. Interim tot actus, tot anni desiderantur, quot iudici pro re nata sufficere videntur. Debent autem actus esse uniformes : observatio enim fluctuans non inducit consuetudinem. Si autem contra inveteratos mores uno ac altero casu contrarium sit observatum, non redditur fluctuans consuetudo. quod enim semel vel bis fit, prætereunt Legumlatores. *l. 3. & seqq. ff. de legib.*

Requiriturne & consensus vel scientia Principis ?

Nequaquam. Sufficit, modo non contradicat. Dum enim legem non condens patitur populum certis moribus uti, & ipse idem velle existimandus est. *arg. l. 18. ff. mand. l. 1. C. de patr. potest. c. 1. de Const. in 6.*

Quid de Iudicio contradictorio statuendum ?

Sequi quidem oportet, quod in eodem controversiæ genere frequenter & uniformiter est iudicatum. *l. 1. C. h. & primo quidem explorandum est, an contradictorio aliquando iudicio consuetudo sit confirmata. l. cum de 34. ff. de legib.* Verum, præcise non requiritur contradictorium iudicium. Non enim valet consequentia : sequimur & exploramus iudicia contradictoria, ergo sine contradictorio iudicio non inducitur consuetudo.

Qualis debet esse consuetudo ?

1. Consentanea justæ rationi. *l. 39. ff. de leg. l. 2. C. b. t.* 2. Generalis : cum pro lege, cuius requisitum est, ut generaliter constituatur. *l. 8. D. l. 9. C. de legib. valere debeat.*

Quid, si discrepantes sint variis locis consuetudines ?

Sequi oportet, si de eo casu nulla sit lex, consuetudinem ejus loci, ubi contractus est celebratus. *arg. l. 34. D. de Reg. Iur.* Sin autem de eo sit lex, consuetudo loci specialis, nisi magistratui ejus loci sit potestas condendi legem, non attenditur. *l. 1. D. de usur.*

Debetne quis à pœna excusari propter pravam peccandi consuetudinem ?

Nequaquam, si sint delicta gravia, pugnentque cum naturæ legibus. *c. flagitia caus. 32. q. 7.* Imo ob delictorum frequentiam exasperari pœnam convenit. *l. 16. in f. l. 28. §. 10. D. de pœn. l. 1. D. de abig.* Verum, in illicitis mero jure positivo, aut levioribus, consuetudo sæpe facit licitum, quod aliàs illicitum. *arg. c. obijciuntur caus. 32. q. 4.*

Debetne

*Debetne probari consuetudo ab eo, qui eam
allegat?*

Omnino, cum facti sit. Probatio autem ejus fit per testes & instrumenta; melius per testes plures, quam duos aut tres, & exactius, si illa, ex quibus consuetudo oritur, distincte asserant testes.

Quis est effectus consuetudinis?

1. In negotio, de quo lex nulla est, inducit jus. l. 32. §. 1. & seqq. ff. de legib. 2. Legem obscuriorem interpretatur. l. si de interpretatione 37. ff. eod. 3. Legi derogat; imo & eam tollit. §. pen. Inst. de Iur. nat. gent. & civil. d. l. 32. §. 1.

Quomodo consuetudo tollit legem?

Non aliter, quam si lex in desuetudinem abierit, contrariaque consuetudo observetur. d. § pen. Inst. de Iur. nat. gent. & civ. Nam, licet magna sit autoritas consuetudinis ususque longævi, non tamen est tanta, ut legem, sc. quæ est in viridi observantia, vel rationem, possit vincere. l. 2. C. h. t.

Cur dictum: cum in desuetudinem lex abiit, & contraria consuetudo observatur?

Quia sola desuetudine lex non abrogatur: Tempus enim per se non mutat rerum substantiam. l. viam 2. ff. de via publ. Verum, contraria opus est consuetudine, ut tacitus consensus populi ex frequentia actuum colligatur. d. l. 32. §. 1. ff. de Ll.

Quomodo consuetudo mutatur?

Vel lege lata, vel contraria consuetudine. l. fin. ff. de constit. princ.

De Statu Hominum. Tit 5. Lib. I. D. De Jure Personarum. Tit. 3. Lib. I. Inst.

Quæ sunt Iuris objecta?

Omne jus, quo utimur, vel ad personas pertinet, vel ad res, vel ad actiones. l. 1. ff. h. t.

Quod jus pertinet ad personas?

Quod agit de sexu, de statu, de ætate, aliaque conditione personarum.

Quomodo distinguuntur ratione sexus?

Sunt vel mares, vel feminæ. Hermaphroditos ejus

sexus æstimamus, qui in iis prævalet. *l. quaritur 10. ff. h. t.*

Quorsum opus est hac distinctione, cum natura accusatores sint, qui distinguunt inter maris & fœminæ jura. *l. maximum 4. C. de lib. prat. ?*

In successionibus, aliisque, in quibus eadem est ratio maris ac fœminæ, de quibus *d. l. 4.* agit, nulla differentia est statuenda. Cæterum, cum in publicis, tum in privatis, ob diversam inter eos rationem, diversum est jus. Ita masculus familiam conservat, tanquam princeps. *l. familia 196. pr. & §. 1. ff. de Verbor. Signif.* Fœmina est paternæ familiæ finis. *l. 195. §. fin. ff. eod.* Masculus ad officia civilia admittitur, & in majori est dignitate. *l. 1. ff. de senator.* Fœminæ arcentur à publicis. *l. 2. ff. de Reg. Jur.* atque à marito suum habent decus & nomen. *d. l. 1. §. 1. l. 8. ff. de senat.* Masculi nomine ordinariò comprehenditur fœmina. *l. 6. pr. & §§. seqq. ff. de testam. tut. non fœminæ masculus. l. si ita sit. 45. §. 1. ff. de legat. 2.* Non facile subvenitur masculis. Fœminis autem, ob imbecillitatem sexus, multis de causis: in juris ignorantia. *l. 9. ff. de jur. & fact. ignor.* in fidejussionibus. *l. 1. & t. t. ff. & C. ad SC. Velleian.* in pœnis. *l. sacrilegii 6. pr. ff. ad l. Iul. pecul. l. 38. §. 2. 7. ff. ad l. Iul. de adult.* Masculus tenetur filias dotare. *l. 19. ff. de rit. nupt. l. 3. C. de dot. promiss.* Non ita fœmina. *d. l. 3.*

Quomodo homines ratione status distinguuntur ?

Sunt alii liberi, alii servi. *pr. Inst. h.* Adscriptitii, licet habeant nonnulla liberorum privilegia; Statu liberi, licet spem libertatis obtinendæ certam habeant, revera sunt servi.

Quid est Libertas ?

Naturalis facultas ejus, quod cuique facere libet, nisi si quid vi aut jure prohibetur. *l. libertas 4. ff. h. t.*

Quid est servitus ?

Constitutio Iuris-gentium, qua quis do minio alieno subjicitur contra naturam. *d. l. 4. §. 1.*

Quomodo fiunt servi ?

Aut Iure gentium. 1. Per captivitatem, cum capiuntur in bello. *§. 17. Inst. de jur. divis.* 2. Per nativitatem, cum ex ancillis nascuntur. Aut jure civili, cum majores

maiores viginti annis se ad pretium participandum venire patiuntur. §. 4. *Inst. h. t.* vel, cum manumissi in servitutem rediguntur, ob ingratitudinem.

Estne distinctio inter servos?

Nulla, quoad statum. §. *fin.* *Inst. h. t.* multiplex, quoad officium.

De Ingenuis. Tit. 4. *Inst. Lib. 1. & Tit. 14.*

C. Lib. 7.

Quomodo distinguuntur homines liberi?

Sunt vel ingenui, vel libertini. §. *fin.* *Inst. de jur. personar.* Ingenui sunt, qui ex matre, quocunque graviditatis tempore libera, sive pater fuerit servus sive liber, sunt nati. *pr. Inst. h.*

Quomodo distinguuntur ingenui?

Sunt vel veri, qui nati sunt liberi, vel quasi, qui jura ingenuitatis, veluti jus aureorum annulorum, restitutionem natalium, ex beneficio Principis sunt consecuti.

Quid, si ingenuus, cum putaretur esse servus, sit manumissus?

Cum manumissio non oblit conditioni veræ sive veritati, reputandus est ingenuus. §. *fin.* *Inst. h. t.*

Quomodo ratione ætatis distinguuntur?

Sunt vel majores, vel minores. *t. t. ff. de minoribus.*

Quomodo minores distinguuntur?

Sunt vel puberes, vel impuberes. Impuberes ordinario, masculi, minores 14. feminæ, minores 12 annis. *pr. Inst. quib. mod. tut. finit.*

Quomodo impuberes?

Sunt vel infantes, vel pubertati aut infantia proximi. §. *sed quod diximus 10.* *Inst. de inutil. stipul.*

Qui sunt infantes?

Minores 7 annis. *l. 18. C. de Iur. de lib.* Hi nihil agere vel intelligere posse jure dicuntur. *l. 5. ff. de Reg. Iur. l. 1. §. 2. ff. de administ. tut. l. in sponsalibus 14. ff. de sponsal.*

Qui sunt infantia ac pubertati proximi?

Nihil de hac re, nisi certis casibus, jure definitum, quapropter (cum de facto quaeritur) id judicis arbitrio relinquendum. *arg. l. 1. fin. ff. de Iur. de lib.* cum alii tardiores, alii judicio sint promptiores.

Quomodo distinguuntur puberes?

Sunt alii plene, alii simpliciter puberes. Plena pubertas in masculis terminatur annis 18. §. 4. *Inst. l. 40. §. 1. ff. de adopt. 14.* in foeminis. *l. 14. §. 1. ff. de alim & cibar.*

Quomodo distinguuntur majores?

Sunt vel senes, vel nondum senes. Senectutis initium non semper est certum: ergo id Iudex moderabitur. nisi lex, uti §. 13. *Inst. de Excus. tut.* ubi 70. & *l. 3. C. qui etate vel profess.* ubi 55 annorum mentio, id specialiter determinaverit.

Annon & aliter distinguuntur persona?

Varie: prout vel corpus, vel animus & mores, vel fortuna, vel fama, vel alia spectantur.

Quomodo ob ea, quæ corpus spectant?

Sunt vel ægri, vel non ægri. Ægri vel toto corpore, vel in parte; vel laborantes morbo fontico, vel non fontico.

Quid hac ad I Consultum?

Ut intelligatur, quomodo ob corporis valetudinem nonnulli obligare sibi alios, & aliis obligari, quomodo testamentum facere, aliis præesse possint, vel aliorum regimini subesse debeant.

Quomodo ob ea, quæ animum ac mores spectant?

Sunt vel mentis compotes, vel ea capii. Eorum, qui mentis sunt compotes, nonnulli iis moribus sunt præditi, ut furiosis assimilentur. Tales sunt prodigi. *l. 40. D. de Reg. Iur.*

Quando quis dicitur furiosus, quando prodigus?

Furiosus est, qui talis est mente ac re ipsa. *l. 1. D. de Curat. fur.* Prodigus, qui prodigus declaratus est à Iudice. Furiosus si quæ gessit, nullius sunt momenti, etsi nulla declaratio Iudicis accesserit. A prodigo gesta, sunt rata, antequam interdictio facta est.

Atqui lege interdicitur Prodigo bonis. l. 1. D. de Curat. fur. l. 18. ff. q. test. fac. poss.

Lex præscribit & vult prodigo interdicendum esse bonis: verum magistratus per declaratoriam sententiam in specie ac re ipsa interdicit.

Quomodo ob ea, quæ ad fortunam spectant, persona distinguuntur?

Sunt 1. vel pauperes, vel divites. Pauperes, cum lex deficit,

deficit, non dicemus eos, quibus non sunt in bonis 50 vel 100 aurei, sed eos pro re nata Iudex arbitrabitur: pariter & divites. 2. Sunt vel plebeji, vel nobiliores.

Quomodo ob ea, quæ ad famam pertinent?

Sunt vel infames, vel non. Infames, notati infamia juris vel facti.

Aliterne distinguuntur homines?

Sunt vel miserabiles, qui commiseratione egent; de quibus *l. t. C. quand. Imp.* vel non miserabiles.

Quomodo relate distinguuntur homines?

1. Ratione potestatis. 2. Consanguinitatis. 3. Affinitatis, aliisque modis.

Quomodo secundum potestatem?

Aut publicam. ita, aut sunt magistratus, aut subditi. *l. potestatis 115. D. de Verb. Signif.* Aut privatam. ita proprie quidam sui sunt juris, quidam alieni. Improperie quidam in tutela aut cura, quidam neutro jure tenentur. *pr. Inst. de Tutel.* Improperie pari modo feminae in potestate maritorum sunt.

De his, qui sunt sui vel alien. Jur. Lib..1 Dig. Tit. 6. & Lib 1. Inst. Tit. 8.

Qui sunt alieni Iuris proprie?

Qui sunt in dominica vel patria potestate: Illi servi, hi filii fam. *pr. Inst. h. t.*

DE DOMINICA POTESATE.

Quis est effectus Dominica potestatis?

1. Quicquid acquirunt servi, dominis cedit. 2. Domini habent plenissimam in servos coërcitionem. Constitutum autem est ex humanitatis ratione, & ne ob nimiam crudelitatem dominis vel reip. damnum inferatur, ut, si nimis sæviant Domini, cogantur servos bonis conditionibus (ut scilicet precium recipiant Domini, & servi non transferantur in Dominos peiores.) vendere: & si occiderint, plectantur ordinaria pœna homicidii, ut patet ex *L. un. C. de Emend. serv. l. 1. §. 2. ff. ad l. Corn. de arg.*

Quid de servis, quorum ministerio utimur hodie?
 Non sunt in potestate, & si male agant, dimittendi
 potius, quam severe coërcendi.

De Patria Potestate. Lib. 1. Inst. T. 9.

Lib. 8. Cod. 47.

Qua est patria potestas?

Est potestas parentum in liberos.

Quomodo distinguuntur liberi in genere?

Sunt, vel legitimi & naturales simul, vel naturales tantum, vel spurii, vel ex damnato coitu nati, vel legitimi tantum.

Quoto mense nascuntur patribus in potest.?

A nuptiis contractis septimo. l. 12. ff. de stat. hom. quinimo & 182 die. l. 3. §. 12. ff. 12. de suis & legit. post obitum patris, decimo. l. 29. ff. de lib. & posth. vel ad principium undecimi. arg. Nov. 39. c. 2. In hac autem re Medicis credendum est. d. l. 12.

Quid, si fœmina statim ab obitu mariti ad secunda vota transferit, & nono mense sit enixa filium?

In dubio erit habendus pro nato ex secundo marito. arg. l. 6. D. de h. q. s. vel al. jur. d. l. 29. ff. de lib. & post.

Suntne & inter liberos monstra recensenda?

Prodigiosa portenta, quæ ratione humana carent, non possunt liberi appellari. Verum, in quibus est defectus vel excessus membrorum; alii, quæ ratione utuntur, pro liberis habendi sunt. l. 14. D. de stat. hom. l. 38. D. de Verbor. Signif. ad d. l. 10. §. 2. ff. de edil. Edict.

Qui sunt legitimi ac naturales simul?

Qui non tantum legitimi nati sunt; sed & quos lex plene agnoscit per legitimationem jure factam.

Suntne omnes liberi in potestate?

Nequaquam. Constituitur enim potestas vel nuptiis iustis, vel legitimatione, vel adoptione.

Annon & testamento?

Nulla modo; quia morte, qua patria potestas finitur, demum confirmatur testamentum. Potest quidem quis alteri hereditatem vel legatum relinquere sub conditio-

ne,

ne, ut nomen testatoris gerat. *l. facta 63. §. si vero 10. D. ad Trebell.* sed non, ut sit vel fiat filiusfamilias.

Quomodo iusta nuptia constituunt patriam potestatem?

Ex legitimo matrimonio nati sunt in potestate, nisi ipse pater sit in potestate patriæ alterius: hoc casu liberi, nisi emancipati fuerint, sunt in potestate ejus, in cuius & pater. *§. fin. Inst. h.* Nam, qui est in potestate, non potest alium habere in potestate. *l. 21. D. ad l. Iul. de adult.*

Cur dicitur, ex legitimo matrimonio?

Quia, qui nascuntur ex illegitimo, sequuntur conditionem matris. *l. 24. ff. de stat. homin.* non, quod liberi sint in potestate matris. *§. 3. Inst. de qual. & diff. hered.* vel materni avi; sed liberorum conditio sit eadem, quæ est matris, extra causam potestatis.

De Naturalibus Liberis. Lib. 5. Cod. Tit. 2. & Legitimatione.

Qui sunt naturales tantum?

Qui ex fœminâ, cum qua non est interdictum matrimonium, quamque solus pater cognovit, extra stuprum nati sunt, veluti ex concubina.

Quomodo legitimatio constituit patriam potestatem?

Cum liberi naturales tantum, per actum legi conformem fiunt etiam legitimi. *§. fin. Inst. de Nupt.*

Cur dicitur, naturales tantum?

Quia incestuosi & adulterini non possunt legitimari. *Nov. 74. c. fin. Nov. 89. c. fin.* nec spurii; quia à patre incerto sunt nati.

Quid, si quis nesciverit, fœminam, quam cognovit, esse alterius uxorem, vel sibi sanguine junctam?

Ob bonam fidem ac favorem status legitimi liberorum, quibus nihil imputari potest, legitimatio procedet. *arg. c. ex tenore SC. qui fil. sint legit. arg. l. 3. ff. de off. Præt.*

Sufficitne tempore nativitatis filii matrimonium posse contrahi, vel spectandum est tantum tempus conceptionis?

Inspiciendum est tempus conceptionis, vel nativitat-
tis, utrum liberis sit utilius. *l. nuper 11. C. h. t.*

Quibus modis fit legitimatio?

Hodie per subsequens matrimonium, & per Principis rescriptum. Modus per oblationem Curiae sublatus est.

Quomodo per subsequens matrimonium?

jure Civili dotalia desiderantur instrumenta. §. *fin.*
Inst. de nupt. l. 10. 11. C. 5. Nov. 89. c. 8.

Quid, si liberi dissentiant, & nolint legitimari?

Non fiunt legitimi. *Nov. 89. c. 11.* Potest enim quivis favori pro se introducto renunciare, vel eum contem-
nere. *l. pen. C. de pact.*

*Filio mortuo fiuntne nepotes, nati ex filio naturali, per
matrimonium avi & aviae subsequens, legitimi avo?*

Ita videtur. *arg. l. si filium. ff. de gradib.* Vti enim suc-
cedunt nepotes post mortem patris sui avo, jure repræ-
sentationis, ita quoque jus status legitimi, quod favo-
rabile est, post obitum patris ab avo per ejus nuptias
consequi debent.

Quomodo per rescriptum Principis?

1. Ad supplicationem ipsius patris. *Nov. 74. Nov. 89.
c. 9.* siquidem non habeat legitimos. *Dd. NN.* 2. Ad
preces filiorum post obitum sui patris; qui exhibent
Principi paternum testamentum, quo sunt instituti he-
redes. *d. Nov. 89. c. 10.*

Fiuntne & legitimi per nominationem liberorum?

Nequaquam; sed si pater in Testamento, aliove pu-
blico, vel privato, tribus munito testibus, instrumento,
aut apud acta nominaverit filios, probantur in dubio
legitime esse nati. *Nov. 117. c. 2.* aliàs, si certo constet
esse naturales, sola adsertio non faciet eos legitimos. *l. 5.
C. de Testam. conf. l. 16. ff. de probat. c. 3. x. qui fil. sint
legit.*

Qui sunt spurii?

Vulgo quæriti, ex incerto patre nati.

Qui sunt ex damnato coitu nati?

Qui ex incestu, vel adulterio, similique tali conjun-
ctione, per leges damnata, sunt procreati. *Qui*

Qui sunt tantum legitimi?

Qui per adoptionem sunt acquisiti.

Tit. 7. De Adoptionibus. Tit. 11. Lib. 1.

Inst. & Tit. 48. Lib. 8. Cod.

Quid est adoptio?

Actus legitimus, quo in locum filii vel alterius descendens ex beneficio legis quis eligitur.

Quotuplex est?

Est vel arrogatio; quæ est adoptio ejus, qui sui est juris; & fit tantum ex rescripto Principis: vel adoptio in specie eorum, qui sunt in patris naturalis potestate; eaque fit coram magistratu. §. Inst. h. t.

Quid desideratur in arrogatione?

In omni arrogatione vertitur causæ cognitio, utrum minor 60 annis vel major sit, qui arrogat. l. 15. in fin. D. h. Nec permittendum est ei arrogare, qui tutelam vel curam administravit, si minor 25 annis sit arrogandus; ne ideo arroget, ut rationes non reddat. l. 17. pr. h. nisi casu. l. 32. §. 1. D. h.

Quid juris in arrogatione impuberis?

Cognoscendum est, 1. an expediat pupillo. 2. an honesta sit causa arrogandi. Est autem honesta causa, si quis naturali cognatione vel sanctissima affectione ductus sit ad arrogandum. d. l. 17. §. 1. Deinde cavebit arrogator, se bona arrogati, si impubes is decedat, redditurum iis, qui heredes ab intestato sunt. §. 3. Inst. h. Nec aliter emancipabit arrogatum, nisi causa cognita filius dignus emancipatione fuerit, & tunc ei reddet omnia sua bona. Quinimo, si decedens filium exheredaverit, vel vivus sine justa causa emancpaverit, tenetur præter bona, quæ ad ipsum filius transtulit, & quorum commodum postea ei acquisivit, quartam partem filio bonorum suorum relinquere. §. 3. Inst. h. t.

Qua quarta hic intelligitur?

Totius patrimonii, non legitima tantum. quod constitutum est in poenam temerariæ emancipationis aut exheredationis.

Atqui

Atqui eo modo liberi naturales minus consequi possent, quam adoptivi; quod absurdum.

Non facile permittitur ei, qui liberos habet, adoptare. *l. 17. §. pen. D. h.* ac deinde hæc quarta, ob injuriam, quam passus est arrogatus, præstatur filio.

Possuntne omnes adoptare?

Possunt, modo specialiter non impediuntur. Impediuntur, 1. qui generare non possunt, sc. ex vitio incurabili: quibus autem vitium est temporale & curabile, possunt. *l. 2. §. 1. l. 40. in f. D. §. 9. Inst. h. t.* 2. Qui minores sunt adoptandis. Debet autem adoptans præcedere adoptandum 18 annis, h. e. plena pubertate. 3. Fœminæ; verum iis permissum ex speciali indulgentia Principis, in solatium liberorum amissorum, adoptare, non in filiosfam. sed in filios & heredes tantum. *§. Inst. h. l. 5. C. h. t.*

Potestne civis alterius municipii extraneum adoptare?

Potest. Verum propterea non mutat patriam, sed & in loco originis, & in eo, ubi est adoptans, munera & honores suscipit. *l. 7. C. h.*

Potestne adoptare, qui uxorem non habet?

Potest. *l. 30. ff. h. t.* modo uxor ei esse possit: quia naturam imitatur adoptio, non actu, sed potentia.

Quos possumus adoptare?

Et qui sui, & qui alieni sunt juris. Et in locum filii, & in locum nepotis. In locum nepotis, sive ex certo filio, sive simpliciter: sive quis filium habeat, sive non, modo habere possit. *§. 5. 6. Inst. h. t.*

Debetne filius, si adoptatur quis in nepotem, consentire?

Aut adoptatur nepos ex certo filio. hoc casu filius, ex quo adoptatur, consentire debet, ne ei invito heres suus agnascatur. *§. 7. Inst. lib. 6. ff. h.* & si non consentiat, procedit quidem adoptio, ut sit adoptatus adoptanti nepos, sed, non ut sit filio, ex quo adoptatus est, suus heres: itaque adoptatus post obitum adoptantis fiet sui juris. *l. 11. D. h.* Aut adoptatur simpliciter sine mentione certi filii. hoc casu non desideratur consensus filii. *arg. l. 7. D. h. t.* aut agnatorum. *l. 7. D. h. t.* nec post obitum adoptantis nepos erit in potestate ullius ex filiis adoptantis. De.

Debentne adoptandi consentire?

Omnino. *l. 5. 24. D. h. t.* Vnde statuendum est, septennio minorem non posse arrogari; at maiorem septennio impuberem posse ex autoritate tutoris, puberem minorem 25 annis, ex consensu Curatoris. *l. 5. D. de Reg. Iur. l. 8. D. h. t.* Ast, in adoptione in specie sufficit, modo adoptandus non contradicat. *d. l. 5. D. h.*

Quis est affectus adoptionis?

In arrogatione Arrogator non tantum arrogatum, sed & ejus liberos, quos arrogatus habet in potestate, subjicit potestati suæ. §. *illud. Inst. h. t.* In adoptione in specie adoptatum tantum. Hic nec omni casu transit in adoptantis potestatem, sed tunc demum, si ab aliquo ab ascendentibus fiat adoptio; secus, si ab extraneo, hoc est, eo, qui non erat ex superioribus. §. 2. *Inst. l. 10. C. h. t.*

Nullus ergo effectus adoptionis in specie facta ab extraneo?

Adoptatus consequitur jus succedendi ab intestato. *d. §. 2. & l. 10.* quod per emancipationem rursus amittit.

De Effectu Patriæ potestatis.

Qui sunt effectus patriæ potestatis?

Varii, quorum nonnullos referam. 1. Potest pater dare filiofamilias, non tantum instituto, sed & exheredato, tutorem. *l. 4. D. de Testam. tut. & heredem. §. 4. Inst. de pupill. subst.* 2. Nuptiæ non consistunt, nisi pater consentiat. *pr. Inst. l. 2. ff. de rit. nupt.* 3. Filiusfamilias, nec de profectio, nec de peculio adventitio, sive pater ex eo usumfructum habeat, sive non, potest testari, licet pater consentiat. *l. 11. C. l. 6. D. qui test. fac. poss.* 4. Quicquid filius acquirit, patris est. *l. 79. D. de acq. hered.* Modo non sit castrensis peculii, vel quasi; id enim totum acquiritur filiofamilias. *l. 2. C. h. t. l. 2. D. ad SC. Maced. §. 1. Inst. per. q. person. cuiq. acq.* Vel non sit peculii adventitii: id enim cedit tantum quoad usumfructum patri, nisi sit is ei ademptus. *d. §. 1. Nov. 117. c. 1. §. 5.* Pater administrat bona adventicia filiorumfamil. etiam iis invitis.

invictis. *l. 1. C. de bon. mater.* nec oneratur satisfactio-
 ne, vel rationum redditione. *l. 8. C. de bon. q. lib.*
 6. Nulla nascitur inter patrem & filium obligatio civi-
 lis. §. 6. *Inst. de inutil. stip.* sed tantum naturalis. 7. Nulla
 lis esse potest inter eos. *l. lis 4. D. de judic.* nisi certis
 casibus, quorum aliqui sunt expressi *d. l. 4. l. 53. D.*
eod. l. 1. D. ad L. Iul. de annon. l. 20. in fin. C. qui
accusa. 8. Filiusfamilias non recte sine consensu patris
 contra alium consistit iudicio. *l. fin. in fin. versio. ne-*
cessitate. C. de bon. q. lib. nisi certis casibus. *l. 8. D. de*
procurat. l. inter 6. §. 2. ff. ad L. Iul. de adult. 9. Pa-
 ter præteriens liberos in potestate constitutos, nihil
 agit. *l. inter cetera 30. D. de lib. & posth.* 10. Filius
 bona, quæ patri acquiruntur, non potest alienare. *l. 3.*
pr. C. h. t. 11. Pater potest modice ad emendationem
 filium castigare, & si in contumacia perseveret filius,
 eum offerre iudici, dicturo sententiam, quam pater
 voluerit. *l. 3. in fin. C. h.* nisi sit atrox ab ipso facinus
 admissum; tunc legis præscriptum iudex sequetur. *l. 2.*
D. ad. l. Corn. de sicar. 12. Adulterum filia cum filia
 deprehensum in sua vel generi domo, impune interfici-
 cit. *l. 20. l. 22. §. 2. D. ad L. Iul. de adult.* Hi vero
 effectus omnes non uniformiter ubique observantur.

Quib. Mod. Jus Patr. Pot. Sol.

Lib. 1. Inst. Tit. 12.

Quibus modis jus patriæ potestatis solvitur?

Variis. Primo, morte naturali, per quam anima à
 corpore dissolvitur, vel patris vel filii. Filii semper, &
 absolute: Patris, si filius non sit recasurus in alterius
 potestatem; quod fit, cum avus est mortuus, qui filium
 & nepotem ex filio habebat in potestate. *pr. Inst. h. t.*

Quis est secundus modus?

Mors civilis, per quam quis ex numero civium tolli-
 tur. hæc est deportatio. §. 1. *Inst. de cap. dimin.* non
 relegatio. §. 2. *Inst. h. l. 2. ff. de publ. judic.* Interim,
 si deportatus sit plene restitutus, reviviscit quoque jus
 potestatis. §. 1. *Inst. h. t.*

Quid de servis pœna?

Hodie non possunt esse servi pœnæ. *Nov. 22. c. 8.*

Quis

Quis est tertius modus?

Olim sola summa Patritiatus in filio dignitas, quæ erat in consiliariis Principum. §. 4. *Inst. h.* sed jure novissimo quævis dignitas, quæ à curia liberat. *Nov. 81. c. 1. §. 1.*

Quæ dignitates liberant à curia?

1. Patritiatus. 2. Consulatus. 3. Consularitas. 4. Magisterium militum. 5. Præfectura Prætoriana. 6. Præfectura urbicaria. 7. Patrocinium Fisci. 8. Principatus agentium in rebus Principis. 9. Proximatus sacrorum scriniorum. *l. fin. C. de decur. lib. 10. Nov. 81. c. 1. pr.* Adde Episcopatum. *d. Nov. 81. c. 3.*

Quis est quartus modus?

Captivitas patris vel filii. Verum, videtur ea magis suspendere potestatem quam finire, quamdiu captus vivit, propter jus postliminii, quo captus, si reversus fuerit, omnia pristina jura recipit vel in ea recidit, adeo ut non videatur abfuisse. §. 5. *Inst. h.*

Quid, si captus, apud hostes moriatur?

Per legem Corneliam fingitur mortuus eo tempore, quo primum fuit captus. *d. §. 5.*

Quis est quintus modus?

Si pater incestas & nefarias contraxerit nuptias. *Nov. 12. c. 2.*

De Emancipationibus. Tit. 42.

Lib. 8. Cod.

Quis est sextus modus?

Emancipatio. quæ nihil aliud est, quam voluntaria dimissio ex potestate. §. 6. *Inst. q. mod. pat. pot. solv.*

Quomodo fit?

1. Expresse, cum pater adit judicem, & coram eo declarat suam de emancipando filio voluntatem, & filius consentit. *l. fin. C. h.* adeo ut rescripto Principis non sit opus. 2. Tacite, cum pater diu passus est filii res ut patrisfamilias geri, sive per eos, qui testamento matris tutores nominati sunt. *l. 1. C. de patr. potest.* sive per ipsum filium. Sic etiam ex moribus, cum filius legitime contrahit matrimonium, à potestate liberatur. *arg. Num. 30. v. 16.*

Possuntne parentes vel liberi cogi ad emancipandum?

Nequaquam. *d. l. fin. C. h.* nisi justa fuerit causa. ita
cogi

cogi potest pater, si male filium contra pietatem afficiat. *l. fin. ff. si quis à parent. filiam prostituat. l. 12. C. de Episcop. aud. pecuniam acceperit ad emancipandum. l. 1. §. 3. ff. si quis à par. agnoverit legatum sibi reli-
ctum sub conditione emancipandi. l. 92. ff. de cond. & Dem. filius arrogatus probet, se esse circumscriptum in arrogatione. l. 32. 33. ff. de adopt. Liberi vero possunt cogi, si patrem injuria afficiant, aut gravent nimium: at, quando id fiat, Iudex æstimabit.*

Estne abdicatio liberorum permissa?

Nullomodo. *l. 6. C. de patr. potest. jura enim sanguinis mutari ac tolli privato arbitrio patris nequeunt. l. 8. ff. de reg. Iur.*

Quis est septimus modus?

Adoptio in specie, facta ab aliquo ex ascendentibus. *§. 8. Inst. quib. mod. patr. pot. solv.* Verum, hoc modo magis liberi transferuntur in alterius potestatem, quam in totum ab ea liberantur. Interim, quoad patrem naturalem, revera est solutio potestatis. *§. 2. Inst. de adopt. non eorum, quæ ad successionem & reverentiam pertinent.*

De Infantibus Expositis. Tit. 52.

Lib. 8. Cod.

Quis est octavus modus?

Expositio infantis. *l. 2. C. h. t. sive facta fuerit interficiendi animo, sive non.*

Quid, si invito vel ignorante patre filius sit expositus?

Pater eum reperens, restituet, non furi, sed ei, qui bona fide educavit, alimenta, & sumptus in artificium aliquod addiscendum juste factos. *l. 1. C. h. l. 16. C. de nupt.*

Quæ est pœna patris exponentis?

Expendi debet causa cum circumstantiis. si expositio sit facta citra necessitatem in loco deserto, ad mortis pœnam iudex procedet; si ex necessitate, ubi misericordiam partui captavit, non ita sollicitè vindicari oportet.

De

De Ingratis Liberis. Tit. 50.
Lib. 8. Cod.

*Possuntne liberi, liberati à potestate, invitè
redigi in potestatem?*

Non possunt. *l. fin. ff. de h. q. sunt s. vel al. jur. nisi fuerint ingrati; ut, si suos parentes, vel atrocitate convicti, vel cujuscunque atrocis injuriæ dolore pulsaverint. l. un. C. h.*

Quæ est potestas Tutorum & Curatorum?

Tutores tantum auctoritatem habent. *t. t. Inst. Cod. & ff. de auctor. l. 25. §. 4. de acq. vel omitt. hered. Curatoribus, qui rebus impuberum administrandis sunt præpositi. l. 20. ff. d. de rit. nupt. tantum jus consentiendi est. d. l. 25. §. 4. adeo, ut minores sine eorum consensu efficaciter nihil gerant. l. 3. C. de rest. in int. minor. l. fin. §. minores 2. C. de sent. pass. & restit.*

Quæ est potestas maritorum in uxores?

jure Civili maritus quidem princeps familiæ, & in domo dominus. *l. 195. §. 1. l. 196. ff. de Verb. Signif. suo honore uxorem decorat, genere nobilitat, & ei forum & domicilium dat. l. mulieres 13. C. de dignit. quæ commoda & jura retinet uxor quamdiu est vidua: nupta autem denuo minoris ordinis viro, prioris mariti dignitate privatur, ac posterioris mariti conditionem sequitur. d. l. 13. l. 8. D. de Senator. Maritus potest occidere domi suæ adulteros, secundum l. 24. D. ad L. Iul. de adult. & in accusatione adulteræ uxoris privilegia habet. l. 30. C. eod. dotis constante matrimonio est dominus. l. 30. C. de Iur. dot. habetque ejus vindicandæ potestatem. l. 9. C. de Rei vind.*

Tit. 8. De Rerum Divisione. Tit. 1.
Lib. 2. Inst.

*Quæ jura sunt occupata circa res, objectum
juris alterum?*

Quæ directo tractant de dominiis & obligationibus.

Annon obligationes rectius ad personas referuntur?

Nequaquam. Licet enim obligationum substan-
tia

tia non in eo consistat, ut corpus aliquod nostrum vel servitutem aliquam nostram faciamus, sed ut persona personæ adstringatur ad dandum, præstandum, vel faciendum quid. *l. 3. D. de obl. & act.* & per obligationes dicantur creditores ac debitores: non tamen obligationes ad personas referri possunt: quia jus personarum consistit in statu & conditione hominum; per obligationem persona personæ astringitur, non ut personæ jus sive status spectetur, sed ad quid faciendum vel præstandum, & sic ob rem. Deinde, per obligationem corpus etiam nostrum facimus, vel servitutem nostram, non quidem immediate, ut *d. l. 3.* sed mediate, qua per obligationem constituimus causam, cujus vi eum, qui nobiscum contrahit, cogere possumus, ut, per traditionem, vel quasi, corpus aliquod nostrum vel servitutem nostram faciat. Denique, quia creditores & debitores dicuntur, non ratione qualitatis alicujus personalis, sed rei, convenientius dicemus, ad jus rerum obligationes referri. Prout & obligatio potest vendi. *t. t. D. de hered. vel act. vend. legari. §. tam à 21. Inst. de legat.*

Quomodo distinguuntur res?

Variæ sunt divisiones. 1. Sunt vel divini, vel humani juris. Divini, quæ in nullius patrimonio sunt aut esse possunt: Vti res sacræ, religiosæ & quodammodo sanctæ. Humani, vel publicæ, vel privatæ. *l. 1. pr. D. h.*

Quæ est secunda?

Sunt vel in patrimonio sive dominio, vel extra patrimonium. Nullæ autem res eodem respectu in patrimonio & extra id esse possunt. *vid. l. 1. D. de us. & usuf. leg.*

Quid est dominium?

Jus, quo res cujusque est propria. Hujus effectus est, de re autoritate propria disponere prout lubuerit, modo lex non sit impedimento.

Quomodo distinguitur?

1. Est vel nuda proprietas, vel plena. Nuda proprietas, cum res alicui est propria, sed ejus usufructus est apud alium. *§. 1. Inst. de usuf.* Plenum dominium, cum domino rei non abest usufructus. *§. fin. Inst. eod.*

cod. 2. Est vel directum, quod habet dominus verus; quale est penes dominum rei emphyteuticæ: vel utile, quod est penes eum, ad quem emolumentum rei pertinet; quale est penes emphyteutam. *l. 1. D. si ager vectig. 3.* Est aliud naturale, quod competit veris dominis. ita dotis domina est uxor. *l. 30. C. de Iur. dot.* aliud civile, quod per interpretationem juris tribuitur alicui. ita maritus est dominus dotis interim, constante sc. matrimonio, & secundum actiones, quæ pro dote vel contra dotem instituuntur. *d. l. 30. C. de Iur. dot. l. 9. C. de Rei vind. 4.* Est aliud, quod alii debetur vel præstandum est, & ab alio potest avocari. *l. 66. D. de Rei vind.* tale habet venditor in re vendita. *§. 3. Inst. de empt. & vend.* aliud, quod nemo suo jure potest avocare; quale habent veri Domini, qui rem alii non debent.

Quæ est tertia divisio rerum?

Sunt vel communes, vel publicæ, vel universitatis, vel nullius, vel singulorum. *§. 1. Inst. l. 2. 3. 4. & seqq. ff. h.* Hæc ipsa includitur primæ rerum divisioni.

Atqui nulla mentio publicarum in l. 2. D. h. ?

Sub communibus comprehenduntur. *arg. l. 4. §. 1. junct. l. 2. §. 1. l. 3. 4. & seqq. h.*

Quæ sunt communes?

Quarum quidem proprietas nullius est, sed acquiri occupando possunt, ususque omnibus vacat. *§. 1. Inst. h. l. littora. §. D. de contr. emt.* uti sunt mare, littus, aqua profluens, aër. *d. §. 1.*

Quinimo littus est Populi Romani. l. 3. D. ne quid in loc. publ.

Sunt populi Romani imperio, non dominio.

Quid juris cuique concessum circa mare, littus?

Omnibus licet in mari piscari. *l. 13. §. fin. D. de injur.* in mare jacere pilas molesque. *l. 2. §. 8. l. 3. §. 1. D. ne quid in loc. publ.* & quod est supra pilas in mare jactatas ædificatum, continuo est ædificantis. quia, quod nullius est, cedit occupanti. *l. 30. §. fin. D. de acq. rer. dom.* pariter & in littore licet ædificium ponere. Præstat autem requirere consensum ejus, qui jurisdictioni præest, ne cum incommodo reipublicæ vel alterius quid in littore fiat. *conf. l. 14. l. 50. D. de acq. rer. dom.* Quamdiu autem manet ædificium, manet quoque

quoque solum ejus , qui ædificavit: at, ædificio destrutto, cedit locus derelictus occupanti. *l. 14. pr. & §. 1. D. eod. l. 6. D. h. t.*

Quæ sunt publicæ ?

Quarum usus ad omnes in populo pertinet , & proprietas per usum vel occupationem non transfertur , sed est vel nullius , vel totius populi , vel singulorum ; uti flumina, portus, ripæ fluminum. *§. 2. & 4. Inst. h.*

Quis est usus fluminum ?

Vt in publicis, non privatis, (de quibus *l. 1. §. 3. D. de flumin.*) navigare & piscari liceat. *§. 3. Inst. h.* Ita & in portu piscatio est permessa omnibus è populo. *d. §. 3.*

Quid, si quis diu piscatus sit in flumine ?

Ex hoc solo non potest prohibere alium. *l. 45. D. de usurp. & usuc.* Verum, qui in diverticulo diu est piscatus, & possessionem non amisit , recte prohibebit. *l. 7. D. de divers. & temp. pres.*

Licetne & in flumine ædificare ?

Licet, si publicus accedat consensus, & statio vel navigatio non fiat deterior , vel flumen non exarescat. *l. 24. pr. D. de damn. inf. l. 1. §. 12. 19. 21. D. de flumin.*

Quis est usus riparum ?

Potest quilibet ad eas naves adpellere , arboribus in iis natis religare , retia siccare , onus in his reponere. *§. riparum 4. Inst. l. 5. D. h.*

Quæ sunt res universitatis ?

Quæ ad certam universitatem , collegium, corpusve pertinent. Sic, ut quilibet ex ea universitate uti iis possit, nemo autem ex singulis habeat eas in dominio. *l. 6. §. 1. D. §. 6. Inst. h. l. 7. §. 1. D. quod cujusque univ.*

Quæ sunt nullius ?

Propriæ , quæ nullius privati sunt , nec esse possunt. *l. 82. D. de Reg. Jur.* Hæ vel sacræ , vel religiosæ , vel sanctæ. *§. 7. Inst. l. 6. §. 2. D. h.*

Quæ sunt sacræ ?

Quæ Deo rite sunt consecratæ ; uti templa, &c. Ecclesiasticæ sunt, quæ cultui divino indirectò inserviunt; uti quæ ad Ministros alendos , ad ædificia sacra facta templa conservanda, & alios similes usus, destinatæ sunt.

Possunt-

Possuntne res sacra alienari?

Non possunt, nisi ob famem extremam. *l. 21. C. de SS. Eccles.* ob redemptionem captivorum. *d. l. 21. & §. 8. Inst. h. t.* & nisi sint superflua vasa, & Ecclesia sit debitor, nec habeat unde solvat. *Nov. 120. c. 10. Ecclesiasticæ vero res mobiles, quæ servando servari non possunt, recte alienantur. Extravag. ambitiosa de reb. Eccles. non alien.* Immobiles non aliter, quam ex legitima causa, & iusto ordine.

Qua est legitima causa?

Causa est necessitas. *Nov. 120. c. 6. c. sicut. caus. 12. q. 2. pietas. l. 21. C. de SS. Eccles. utilitas. Nov. 120. c. 7. C. ut super in f. c. ad aures, 7. x. de rebus alien. non alien. d. c. sicut.*

Quis ordo est servandus?

Iure Civili, initium fit à rebus mobilibus, deinde ad prædia proceditur, quæ proscribuntur per viginti dies, & sub hasta venduntur, & plus offerens præfertur. *d. Nov. 120. C. 10. Iure Canonico, in Ecclesia parochiali, ubi non est Capitulum, sufficit Parochum causam deferre ad Episcopum loci, ubi res alienanda est, qui causa cognita venditionem decernit. Sin autem ibi sit Capitulum, desideratur consensus majoris partis Cleri & Episcopi. can. placuit. 50. cum 3. seqq. caus. 12. q. 2.*

Quæ sunt res religiosæ?

Quæ sepulturæ mortuorum sunt dicatæ. Ita quisque locum suum potest facere religiosum propria auctoritate: non vero per solam destinationem, sed per illationem mortui, factam eo animo, ut ibi perpetuo maneat. *l. 40. D. de relig. l. 7. §. religiosum. D. h.* Adeoque cenotaphium non erit religiosum. *l. 6. §. 1. l. 42. D. de relig. nec locus totus sepulturæ destinatus, sed quatenus corpus humatum est. l. 2. §. sepulchrum. §. D. de relig. l. 3. §. 2. D. de sepulch. viol. quod ita est accipiendum, ut, quæ juncta sunt & adhærent, simul sint religiosa.*

Quis habet jus inferendi?

In locum purum alienum, vel communem, propriumque, cujus ususfructus est penes alium, nisi certo casu, qui est *l. 2. §. 7. D. de relig.* mortuum inferre non licet: invitis sc. dominis, sociis, usufructuariis: uti nec usufructuario licet, invito proprietario. *§. 9. Inst.*

Inst. h. In commune sepulchrum licet, etiam refragantibus sociis. §. 9. *Inst. h.* quia a d hoc sepulchrum habetur. l. 5. pr. *D. de relig.*

Possuntne vendi loca religiosa?

Possunt minime, ut profana fiant, atque ideo divisioni non sunt subjecta. l. 30. *D. famil. ercisc.* quod enim semel divini juris factum, humani juris denuo fieri non potest.

Quomodo distinguuntur sepulchra?

Alia sunt hereditaria, alia familiaria. Hæc ad omnes ex familia, licet non sint heredes; illa ad heredes omnes, licet non sint ex familia, pertinent. l. 5. 6. *D. l. 4. 8. 13. C. de relig.* Singuli vero habent jus inferendi in solidum. l. 30. *D. Fam. ercisc.*

Quæ sunt res sanctæ?

Quæ certa sanctione pœnali sunt munitæ adversus injurias hominum; uti sunt portæ, & muri civitatum. Constituta autem est pœna capitalis in eum, qui hostili animo muros transcenderit. l. fin. *D. h. r. §. 10. Inst. h.*

Quid, si quis hostili animo muros municipiorum violaverit?

Etiam pœna capitali est afficiendus. Sunt enim & muri municipiorum sancti. l. 8. §. 2. *D. h.*

Quæ sunt res singulorum?

Quæ privatorum sunt dominio subjectæ. §. 11. *Inst. h.* Et hæ, vel communes, vel confusæ, vel propriæ. Communes, sunt duorum vel plurium: Et sunt tales vel ex conventionem, ut in societate; vel citra conventionem, uti, si duobus vel pluribus eadem res legata, aut donata sint. Confusæ sunt, quæ sunt nostræ, finibus indistinctis. Propriæ, quæ à singulis separatim sunt acquisitæ.

Annon & aliter res distinguuntur?

Aliæ sunt dividuæ, aliæ individuæ. Dividuæ, vel natura & re simul, sive corpore; uti res, quæ annumerantur, & in numero consistunt: vel, quæ divisæ totum non tollunt; veluti si fundus in varias regiones dirimatur: vel ex causa præter naturam, quam lex, ex justa interpretatione, ob commoditatem rerum gerendarum suggerit. Iisdem modis in contrarium etiam individuæ res dicuntur usu, &c. *vid. l. 2. l. 54. 72. l. 85.*

De Rebus Corporalibus & Incorporalibus.
Tit. 2. Lib. 2. Inst.

Annon & aliter res distinguuntur?

Sunt vel principales, vel accessoria. Sunt vel liberae, vel servae. Sunt vel corporales, vel incorporales. Corporales sunt, quae corpus habent, & tangi possunt; uti fundus, vestis, argentum, aurum. *pr. & §. 1. Inst. h. l. 1. in fin. D. de rer. divis.*

Quomodo distinguuntur corporales?

Sunt vel species, vel quantitates. Species sunt, quæ certa habent corpora & ab aliis distinctam substantiam. Eæ sunt rursus mobiles, vel immobiles. Mobiles, quæ moveri possunt, vel se moventes. Immobiles, sunt res soli, solumque coherentes.

Quid de nummis statuendum?

Si certa eorum corpora spectentur, sunt species; ut numismata aurea ac argentea, quibus pro gemmis utimur. *l. numismatum* 28. *D. de usufruct.* Si valor eorum attendatur, sunt quantitates.

Quid sunt quantitates?

Quæ numero, pondere, aut mensura constant; uti pecunia, oleum, vinum, frumentum, & in genere suo functionem recipiunt.

Quæ sunt res incorporales?

Quæ tangi non possunt, & in jure consistunt: uti hereditas, obligatio, servitus. *l. 1. in f. D. §. 2. Inst. h.*

*Quomodo hereditas, obligatio, servitus, res
sunt incorporales?*

Non , qua res hereditariæ , res in obligationem deductæ , & corpora , quibus servitus inhaeret ; sed qua ipsum jus hæreditatis, obligationis, & servitutis in abstracto spectatur.

DE TERTIO IVRIS OBIECTO.

Quod est tertium juris objectum?

Actio. non qua in bonis esse dicitur. l. 49. D. de
Verb. Sign. sed qua est remedium, ab invito in
C
judicio

judicio per judicem re ipsa obtinendi quod debetur.
pr. Inst. de act.

Quid circa hoc objectum primum considerandum?

Ad quem magistratum sit eundum, ut cognoscatur,
 cujus jurisdictio sit: deinde reliqua præparatoria recte
 observentur.

*Quomodo illi, qui reip. Romanæ administrationi &
 juri dicendo fuerunt præfecti, distincti fuerunt?*

Alii primario præfecti; alii eorum vicarii, adjuto-
 res, ac judices. Qui primario præfecti aut generatim
 in urbe aut provincia, aut in singulari civitate: vel Ci-
 viles, vel militares: vel à populo, aut senatu, vel à
 principe constituti.

Tit. 9. De Senatoribus.

Qui erant Senatores?

Qui sententiam in senatu consilii publici causa dice-
 bant. Horum dignitas liberis quoque & uxoribus
 communicatur. *l. 1. 5. 6. 7. 8. 12. D. h.*

Tit. 10. De Consulibus.

Qui fuere Consules?

Qui exactis regibus electi sunt, ut reipubl. consule-
 rent, penes quos summum imperium esset; fueruntque
 duo. Verum horum potestas imminuta: 1. Legibus
 Valerii Publicolæ. 2. Tribunitiis intercessionibus.
 3. Principum autoritate.

Tit. 11. De Off. Præfect. Prætorio. De offic.
 Præfect. Præt. Orient. & Illyric. De Offic.

Præf. Præt. Afric. &c. Tit. 26.

27. C. Lib. 1.

Qui fuerunt Præfecti Prætorio?

Qui aulæ Principis ac militibus prætorianis in suis
 locis, uti Oriente & Illyrico, Africa, &c. præerant,
 quibus Princeps rerum judiciorumque summam com-
 miserat, quique vice ac voce principis judicabant. Hi
 variis locis fuere præfecti, videl. Orient. Illyr. Afric. &c.

Tit.

Tit. 12. De Offic. Præfecti Urbi. Tit. 28.

Lib. 1. Cod.

Quis fuit Præfectus Urbi?

Cui summa rerum urbanarum fuit commissa, ad urbis custodiam, supplicia irroganda, & annonæ curam.

De Off. Præfect. Annon. Tit. 44.

Lib. 1. Cod.

Fuitne singularis Præfectus annonæ?

Fuit: at is non solus, sed cum Præfecto urbi annonam curabat.

Tit. 13. De Off. Quæstor. Tit. 30.

Lib. 1. Cod.

Qui Quæstores?

Præfecti pecuniæ publicæ conquirendæ, conservandæ, & utiliter erogandæ. Fuerunt & Quæstores Criminum, qui in crimina inquirebant, & de iis statuebant. Hi & Quæstores homicidii dicebantur.

Tit. 14. De Offic. Prætor. Tit. 39.

Lib. 1. Cod.

Qui Prætores?

Qui iuri-dicundo præerant, quasi vivæ voces legis, quique adjuvandi, supplendi, corrigendi juris Civ, causa constituti. l. 7. §. 1. D. de Inst. & Iur.

Tit. 15. De Offic. Præf. Vigil. Tit. 43.

Lib. 1. Cod.

Qui Præfecti Vigillum?

Nocturnis excubiis & incendiis arcendis præpositi. Poterant hi fures, effractores, capsarios, flagellis & fustibus castigare.

Tit. 16. De Off. Procons. & Legat.

Tit. 35. Lib. 1. Cod.

Qui Proconsules?

Missi à Senatu in Provincias cum consulari dignitate. Hisce adjungebantur Legati, quibus à Proconsulibus, cum ingressi essent provincias, mandabatur jurisdictio.

Tit. 17. De Offic. Præf. August. Tit. 37.

Lib. 1. Cod.

Quis Præfectus Augustalis?

Præfectus Ægypto, dignitate consulari. Augustalis ab Augusto, qui eum constituebat, dictus.

Tit. 18. De Off. Præsid. De Off. Rectoris

Provinc. Tit. 40. Lib. 1. Cod.

Quis fuit Præses seu Rector Provincia?

In genere omnis, qui Provinciam regebat; sive Proconsul, sive alius. In specie, qui à Principe ad Provinciam regendam fuit constitutus.

De Offic. Com. Orient. Tit. 36. Lib. 1. Cod.

Quis fuit Comes Orientis?

Cui variae Provinciae in Oriente administrandae erant.

Ut nulli patriæ suæ administratio sine speciali permissu Principis permittatur.

Tit. 41. Lib. 1. Cod.

Potuitne cuiquam patriæ suæ administratio committi?

Non facile, nisi Princeps specialiter permitteret.
L. un. C. h.

Tit. 19. De Offic. Procurator. Cæsar.

vel Rationalis.

Qui fuerunt Procuratores vel Rationales Cæsaris?

Quibus cura Fisci demandata fuit, & qui iudicabant inter Fiscum & privatos.

De Officio Magist. Officior. Tit. 31.

Lib. 1. Cod.

Qui fuerunt magistri officiorum?

Præpositi Ordinibus Palatinorum, iudices aulicorum officiorum: Ad hos disciplina morum in palatio in cubicularios, silentiarios, hoc est, secretarios, aliosque ministros pertinebat, Appellabantur & magistri Curiae.

De

De Offic. Comit. Sacrar. Largition.

Tit. 32. Lib. 1. Cod.

Qui Comites sacrar. largitionum?

Qui administrant Thesauros Principis. *L. un. C. h.*

De Offic. Comit. rer. privatar. Tit. 39.

Lib. 1. Cod.

Qui Comites rerum privatarum?

Præfetti Privato Principis patrimonio.

De Offic. Comit. sacri Palatii. Tit. 34.

Lib. 1. Cod.

Qui fuerunt Comites sacri palatii?

judices aulici apparatus, curatoresque cellæ ac penus principalis.

De Offic. Comit. sacri patrim. Tit. 35.

Lib. 1. Cod.

Qui fuere Comites sacri patrimonii?

Concurrerunt cum Comitibus rerum privatarum & sacri palatii.

Tit. 20. De Off. Juridici. Tit. 57. Lib. 1. Cod.

Quis fuit Iuridicus?

Legatus Alexandriam cum potestate ibi jus dicendi missus.

De Off. Magistr. Milit. Tit. 29. Lib. 1. Cod.

Fuerunt & militares Magistratus?

Omnino: & majores, veluti Magistri militum, quibus summa militiæ ac quæstionum militarium cura commissa fuit; & minores, veluti Tribuni militum, qui inter milites inferiori gradu jus dicebant: & comites rei militaris, qui ad limites custodiendos mittebantur.

Ne rei militar. Comitib. vel tribun. lavacra præstentur. Tit. 47. Lib. 1. Cod.

Debueruntne Provinciales Comitibus vel tribunis

lavacra, hoc est, balnea præstare?

Non tantum prohibitum, ne balnea darentur, sed

& constitutum, ne fieret adæratio, id est, æstimatio, loco balnei. *l. un. C. h.*

De Defensoribus Civitat. Tit. 55.

Lib. 1. Cod.

Erantne & minores Magistratus?

Fuerunt Defensores civitatum, quorum officium fuit patrocinari personis tenuissimis, ne opprimerentur à potentioribus, & rueri civitatis jura.

De Magistratibus municipalibus. Tit. 56.

Lib. 1. Cod.

Qui fuerunt Magistratus municipales?

Qui municipia regebant, & in iis jus dicebant secundum modum suæ jurisdictionis. Hi mancipare carceri poterant delinquentes; sed ad Præsidem, ut punirentur, mittere cogebantur.

De Offic. Vicarii. Tit. 38. Lib. 1.

Cod.

Qui fuerunt Vicarii?

Qui pro præfecto Prætorio mittebantur in aliquam diœcesin, varias provincias continentem.

De Offic. ejus, qui vicem alt. Jud. vel Præs. obtinet. Tit. 50. Lib. 1. Cod.

Qui fuerunt, qui vicem Præs. obtinuerunt?

Qui, præside defuncto vel remoto, vel ad aliam provinciam vocato, vel aliàs impedito, regebant provinciam, non ex mandato Præs. sed authoritate Principis.

Tit. 21. De Officio ejus, cui mandata est Jurisd.

Quam potestatem habebat, cui mandabatur Jurisdictio?

Tantum in eum transibant, quæ erant imperii mixti, non quæ erant meri. *l. 1. D. h. t.* nisi lex specialiter quid conferret. *arg. l. 1. §. 1. D. de tutor. & curat. dat.*

Tit.

Tit. 22. De Assessores. Domestic. & Cancellar. Tit. 5. Lib. 1. Cod.

Qui fuerunt Assessores, Domestici, Cancellarii?

Assessores, qui consiliis magistratum ac iudices iuvabant. *l. 7. C. h.* in cognitionibus, postulationibus, ac libellis. *l. 1. D. h.* Domestici, qui iudicis personam protegebant & custodiebant. Cancellarii à secretis erant iudicibus, qui scribendis & expediendis iudicum epistolis dabant operam.

De Offic. diversor. Judic. Tit. 48. Lib. 1. Cod.

Quæ sunt officia Iudicum communia?

Vt nunquam confundant invicem dignitatum gradus, sed inferiores superioribus in suis relationibus ac subscriptionibus reverentiam præstent, non eos fratres appellent, vel pares faciant. *l. pen. C. h.* ut honoratis viris ingressum & sessionem in secretariis non denegent. *l. fin. C. h.* nec foeminas ob æs alienum in publicum trahant. *l. 1. C. h.* ne quidem ob debitum fiscale. Nov. 134. c. 9.

Quomodo distinguuntur?

Sunt alii Civiles, alii militares.

De Offic. Jud. Civilium. Tit. 45. Lib. 1. Cod.

Qui sunt Civiles Iudices?

Qui paganis jus reddunt, etiam curialibus ac viris honoratis.

De Offic. militar. Jud. Tit. 46. Lib. 1. Cod.

Qui sunt militares Iudices?

Qui inter milites litigantes inter se, vel inter milites ac cives, jus dicunt.

De Contractibus Iudicum, vel eorum, qui circa eos sunt, & inhibendis donationib.

M. Tit. 54. Lib. 1. Cod.

Possuntne Iudices contractum celebrare cum iis, in quorum causis sunt, vel futuri sunt iudices?

Urbani permissu principis commercii ac ædificatio-

nis jus habuerunt, non autem iis licuit recipere donationes. Sin autem factæ erant, confirmabantur donatorum aut heredum ratihabitione post depositum officium in scriptis celebrata, vel quinquennii silentio. Provinciales, nec ex rescripto principis contrahere, ne quidem per interpositam personam, nisi victus causa, nec domum aut navem extruere, multo minus munus recipere potuerunt. *l. un. C. h.*

Cur aliter in Provincialibus?

Majus in iis periculum, ne abuterentur sua potestate: Inspectorem quippe Principem vel alium summæ authoritatis non habebant.

De Annonis & Capit. Administ. &c.

Tit. 53. lib. 1. Cod.

Quid igitur fuit Iudicibus ac Assessoribus concessum loco salarii?

Vt à donis sibi temperarent, statutum fuit, ut in præmium laboris solverentur annona & capita. Annona hic est, omne ad victum necessarium: capita sunt, pabula pro equis & mulis. Notitiæ singulis officiis delegabantur, quibus continebatur quantum pro annona & capitatione deberent singuli pendere. *l. un. C. h.*

De Mod. Mulctar. Tit. 54 Lib. 1. Cod.

Quid de mulctis statuendum?

Vt illi tantum mulctent, quibus id datum: Illi mulctentur, qui possunt: In iis rebus mulcta exigatur, in quibus debet: Servetur justus modus, ne in infinitum mulcta excurrat, & ne temere ac præcipiti festinatione ad eam procedatur, sed causa cognita.

Ut omnes Judic. tam Civil. quam Milit. post Administ. Depos. 50 dies in Civitat. vel cert. loc. perman. Tit. 49. Lib. 1. Cod.

Possuntne Iudices deposito officio statim discedere?

Debent permanere in certis locis vel civitatibus per 50 dies, & omnibus ac singulis accusandi permittere copiam. *l. un. C. h.* & si fugiant, possunt capi ac detineri,

detineri, donec omne damnum fuerit refusum. *auth. si vero. C. h. t.*

P A N D E C T A R U M

L I B E R I I.

Tit. I. De Jurisdictione.

Qua est Jurisdictio?

Potestas de causa, sive civili, sive criminali, judicandi, & judicata exequendi. Consistit itaque potestas in statuendo, & statuto exequendo.

Potestas exequendi quomodo proprie appellatur?

Imperium. Sine imperio non est proprie jurisdictio. *l. fin. §. 1. D. de eo, cui mand. est jurisd.* Vbi enim sola est cognitio potestasque judicandi, sine imperio & potestate exequendi, ibi nulla vera est jurisdictio. *d. l. fin. §. 1. l. 99. D. de Verb. Signif.* Vti pedaneis iudicibus ac arbitris est quidem potestas judicandi, sed non jurisdictio. *l. 5. 15. D. de Re jud. l. fin. C. ubi & apud quem cogn. in int. rest.*

Quomodo distinguitur Imperium?

In merum, vel mixtum. *l. 3. D. h.*

Quod est merum?

Potestas gladii, sive potestas animadvertendi in facinorosos. *l. 3. D. h.* itaque occupatur circa causas criminales. Habet autem tres gradus: Primus est, quo vita: Secundus, quo civitas adimitur: Tertius, quo delinquentes levius coercentur.

Quibus competit?

Quibus Lex, vel Princeps, concessit. *l. 1. D. de offic. ejus, cui mand. jurisd.*

Annon potest mandari?

Nulla modo. *d. l. 1. de off. ejus.* nisi aliquando, in causa absentiae. *d. l. 1.* Potest quidem cognitio de crimine recte mandari, sed nunquam ipsum merum imperium. *l. 6. D. de offic. procons.*

Si Princeps concesserit jurisdictionem, videturne & merum imperium concessisse?

Nequaquam. *d. l. 1.* sed tantum Civilem jurisdictionem. *arg. l. obligatione 6. D. de pignorib. l. fin. ff. de supell. legat.*

Quod est mixtum?

Quod occupatur circa causas civiles. Vti, si quis in possessionem mittendus, si tutor sit dandus, &c. *l. 1. D. h.*

Quare dicitur hoc mixtum, illud merum?

Merum, quia est à sola lege: mixti nonnulla sunt à lege, nonnulla à jure magistratus. Deinde merum, separatum est à jurisdictione, & consistit, non in quaestionibus bonorum, sed tantum in irrogatione poenarum: mixtum cohæret jurisdictioni. *l. 1. §. fin. D. de offic. ejus.* & pertinet non tantum ad coërcendum, sed & ad quaestiones de bonis.

Quid, si jurisdictio sit mandata?

Transeunt omnia, quæ sunt mixti imperii. *d. l. 1. §. 1. l. 4. §. 1. l. fin. §. 1. D. de off. ejus.* modo non sint talia, quæ à lege specialiter deferri solent.

Cur dicitur, modo non sint a lege specialiter delata?

Quia non tantum, quæ sunt meri imperii, sed & quæ sunt mixti, & specialiter à lege descendunt, non possunt mandari. *d. l. 1. princ.* uti tutoris datio, quæ à lege est. *l. 6. §. 2. D. de Tutel.*

Annon pugnant: A lege est tutoris datio. d. l. 6.

§. 2. D. de Tutel. & est mixti imperii?

Minime. Nam in tutoris datione spectantur duo. Primum est, potestas dandi. Illa est à lege. nam non competit jure magistratus vel imperii, sed illi tantum magistratui, cui lex eam detulit. Alterum est, exercitium dationis: hoc est mixti imperii, quia versatur circa civilem causam.

Quomodo ergo distinguitur inter, à lege & jure magistratus competere?

A lege competere quid dicitur, cum nulli magistratui competit, nisi ei, cui lex id dedit. jure magistratus, cum omni magistratui, quæ & quia magistratus est, conceditur.

Quo-

Quomodo Iurisdictio in genere accepta distinguitur?

Varie. 1. Est vel voluntaria, vel contentiosa. l. 2. D. de offic. procons. Illa exercetur inter partes consentientes, uti in emancipatione, manumissione. d. l. 2. Hæc in invitos & à se invicem dissentientes. Hoc sensu judicia sive actiones in invitos dantur. l. 83. §. 1. D. de Verbor. Oblig. 2. Est vel propria sive ordinaria, vel extraordinaria. Illam habet quisque jure suo. Hæc est ex beneficio alieno, vel quia delegata sive mandata, vel quia prorogata.

Quomodo acquiritur ordinaria?

Vel à Principe, aliove, qui eam concedere potest: vel per præscriptionem 10 vel 20 annorum, cum territorio; vel 30 annorum, sine territorio. arg. l. 10. D. si serv. vind. l. 2. C. de servit. l. fin. C. de præsc. long. temp. l. 3. C. de præscript. 30 vel 40 ann.

Quæ est delegata?

Quam quis habet ex mandato ejus, cui ordinaria est jurisdictio. Et cui mandata est, non potest alteri rursus eandem demandare. l. 5. D. h. t.

Quæ est prorogata?

Quæ competit ex submissione partium voluntaria. l. 18. D. h.

Quomodo privati litigantes partesque possunt tribuere Iurisditionem?

Non dant ei, qui non habet. l. 3. C. h. sed jurisditioni ejus, cui ea est concessa, se subjiciunt. l. 1. C. h. dum renunciant privilegio fori. l. pen. C. de pact. l. 51. D. de episc. & cleric. Ita recipitur jurisdictio magistratus, etiamsi causa ad eum non pertineat. l. 2. D. de Indic.

Annon & aliter distinguitur Iurisdictio?

Est alia Civilis, quæ exercetur in causis civilibus: alia criminalis, quæ locum habet in criminalibus. Illa ad mixtum: hæc ad merum imperium pertinet.

Quibus, & quomodo quis jus dicere potest, qui jurisditionem habet?

Cui jurisdictio concessa est, simul ei omnia sunt concessa, sine quibus jurisdictio exerceri nequit. l. 2. D. h. Interim nunquam quis sibi, nec uxori, nec liberis, nec iis, quos secum habet, jus dicet. l. 10. D. h. nunquam

quam supra modum suæ jurisdictionis; nunquam extra territorium. *l. fin. D. h.*

Quid, si plurium actionum, quarum singulae sunt infra modum, coacervatio excedat modum Jurisdictionis?

Recte coram eo Judice agetur. *l. 11. D. h.* quia singulae actiones spectandae sunt.

Quid, si mutus sint actiones, & ab uno major, ab altero minor summa petatur:

Coram eodem Judice agetur, ne in potestate calumniosa adversarii sit, an apud eundem Iudicem litigari possit. *d. l. 11. §. 1.*

Quid, si una actio communis sit plurium, & singulorum portiones sint infra modum?

Si de tota re disceptetur, agi coram eo nequit: si de partibus singulorum, recte agetur. *d. l. 11. §. 2. D. h.*

Debetne summa accipi secundum id quod petitur, aut secundum id quod debetur?

Sequimur id quod petitur. *l. pen. §. 1. D. h.* Initio enim & in præparatoriis spectamus, quæ sit actoris postulatio.

Quibus modis finitur Jurisdictio?

Propria non utendo, vel male utendo. *arg. l. pen. C. de usuf. l. 13. C. de servit.* Mandata, renunciatione mandatarii, revocatione mandatoris, morte mandatarii, imo & mandantis re integra. *l. 6. ff. h. c. pen. x. de offic. deleg §. recte & seqq. Inst. mand.* Prorogata contraria conventionione. *l. 18. D. h.*

DE ALBO CORRUPTO.

Solebant, qui Jurisdictioni sive juri dicundo præerant, album proponere: quid est album?

Tabula dealbata, in qua describebantur edicta, actiones ac reliqua jura, ut quisque intelligeret, quod jus dicendum esset à Præatore isthoc anno.

Quæ pœna corrumpentis album?

Si quis, quod jurisdictionis perpetuæ causa propositum erat, vel dum proponitur, vel proponendum est, dolo malo corruperit, datur in eum quingentorum aureorum judicium popolare. *l. 7. pr. & §. 2. D. de Jurisd.*

Quid est corrumpere dolo?

Quovis modo mutare, radere, turbare, tollere, scien-
ter, & in contemptum auctoritatis publicæ. *d. l. 7. §. 4.*

& 5.

Cur

Cur doli mentio?

Quia rusticitas, imperitia, casus, jussus prætoris, excusant. *d. l. 7. §. 4.*

Quid, si plures corruperint?

Omnes & singuli tenentur, qui dolo malo fecerunt, siue ipsimet corruperint, siue mandaverint. adeo ut nec unus solvendo reliquos liberet. *d. l. 7. §. fin. l. 8. D. eod.*

Quæ pœna est hodie, si quis chartam vel tabulam, quæ edicta ac similia proponuntur, corrumpat?

Arbitraria, nisi certa fuerit ipsis edictis comprehensa.

Tit. 2. Quod quisque Jus in alium statuerit, &c.

Quid juris in edicto, quod quisque juris &c.?

Vt, qui jus novum, cum magistratum vel potestatem habet, statuit, vel impetravit ab eo qui juridicundo præest, eodem jure utatur. Aequissimum enim est, ut quisque, quod existimavit æquum in alterius persona, id in se valere patiatur. *l. 1. §. 1. D. h.*

Quid, si quis, cum vellet statuere, prohibitus fuerit?

Cessat edictum; quia verba cum effectu sunt accipienda. *l. 1. §. 1.* Idem est si jus dixerit, inter quos Iurisdictionem non habet. quia pro nullo hoc habetur. Quid obest conatus, cum injuria nullum habet effectum? *d. l. 1. §. 1. in fin.*

Quid, si Adfessoris imprudentia jus aliter sit dictum, quam oportuit?

Non magistratui id officiet, sed ipsi Adfessori. *l. 2. D. h.*

Quid, si filiusfamilias jus novum dixerit?

Ipsè tenebitur, & non nocebit patri. *l. 3. §. 4. D. h.*

Quid, si Iudex male judicaverit?

Non proprie hoc edictum habet locum, sed litem suam facit, & actione in factum parti læsæ tenetur. *l. fin. D. de var. & extraord. cognit. pr. Inst. de Oblig. q. ex quas. malefic.* licet etiam I Consulti non bene consulentis responsum sit secutus. Interim vero I Consultus, si res ad effectum pervenerit, etiam

etiam utiliter conveniri potest ex hoc edicto.

Quomodo tenetur qui impetravit ?

Non aliter, quam si postulaverit jus novum. *d. l. 3. princ. D. h.* Si autem usus sit, & id non postulaverit, cessat edictum: si etiam postulaverit, sive usus fuerit, sive non, tenetur. *d. l. 3. pr.*

Quid si, procurator vel tutor postulaverint ?

Si procurator, tenetur ipse, & cessat in Domino edictum, qui non mandavit, vel ratum habuit, vel si procurator in rem suam fuerit constitutus. Si tutor vel curator postulaverit, ipse coërcetur. *d. l. 3. §. 1.*

Cui dabitur actio ex hoc edicto ?

Non tantum læso, sed omni, qui quandoque experitur. *d. l. 3. §. 2.* Cum enim publico jure est abusus, non est iniquum, ut omnibus è populo contra ipsum idem jus dicatur.

Daturne etiam adversus heredes ?

Licet pœnales actiones non dentur in heredes. *l. constitutiones 33. D. de oblig. & Act.* tamen hæc actio adversus heredem competet, propter abusum juris.

Tantumne ex hisce actionibus, quas habuit tempore impetrationis, tenetur impetrans ?

Non tantum ex hisce, sed & iis, quas postea consequitur. *d. l. 3. 6.*

Quod solutum est ex hac causa, potestne repeti ?

Non: superest enim naturalis causa. *d. l. 3. §. fin. &* ubi est naturale debitum, solutum repeti nequit. *l. 64. D. de cond. Ind.*

Tit. 3. Si quis jus dicenti non obtemperaverit.

Quid, si quis jus dicenti non obtemperavit ?

Dabitur adversus eum actio, non in id quod interest adversarii, sed quanti ea res est, hoc est, in pœnam & æstimationem contumaciæ. *l. un. §. fin. D. h.* Vnde, cum mere pœna sit, non datur adversus heredem. *d. §. fin. nec post annum. d. §. fin.*

Quis tenetur hoc edicto ?

Non solum reus, sed & actor. *d. l. un. §. 3.* qui non obtemperavit, hoc est, extremum in jurisdictione non fecit. uti, si rem mobilem non vindicari sit passus. *d. l.*

un. §. 1. si bonorum possessionem, pignoris captio-
nem, non admiserit, vel aliter executioni se oppo-
suerit.

*Licetne magistratui suam jurisdictionem pœnali ju-
dicio defendere?*

Licet. d. l. un. pr. Nec ex eo quid admittitur contra
l. 10. D. de Jurisd. quia non suæ personæ vel suis jus
dicit. d. l. 10. qui Jurisdictionem, quæ demandata est
publica authoritate, ejusque jus tuetur. d. l. un. ff. h.

*Quæ sunt remedia, quibus solent coerceri non obe-
dientes?*

Pertinent ad personam, arrestatio, incarceration, de-
negatio audientiæ in aliis, mulctatio: ad rem, rei se-
questratio, missio in bonorum possessionem, possessio-
nis ablatio, &c.

Tit. 4. De in jus vocando. Tit. 2. Lib. 2. Cod.

Quid est in jus vocare?

Vocare juris experiundi causa ad eum, qui jus dictu-
rus est. l. 1. D. h. t.

Quomodo fit in jus vocatio?

Olim actor solus poterat in jus vocare, propria au-
thoritate. Hic, si reus eum sequeretur, edebat actio-
nem; si non, invitum obtorto collo trahebat. Hodie
jussu judicis per nuncium publicum fit citatio, qua mo-
netur adversarius, ut ad diem certum veniat ad judi-
cem. In criminalibus præter citationem solet usurpari
arrestatio aut apprehensio jussu ejus, cui talis est Juris-
dictio: nec non in civilibus, quoties est periculum de
fuga, vel reus comparere detrectat, ejusque præsentia
necessario desideratur.

Quomodo ergo distinguitur citatio?

Est vel verbalis, vel realis. Verbalis fit denunciatio-
ne, vel literis. Eaque est vel privata & ordinaria, quam
nuncius insinuat; vel publica, qua quis per campanam,
tubam, aut edictum, ad judicem vocatur. Realis est,
quæ fit per apprehensionem. Realis citatio proprie dici
nequit.

*Possumusne ab Edictali citatione, quæ fit per literas
publice affixas, ordinario incipere?*

Non recte: exorbitat enim à jure communi. Lo-
cum

cum autem habet, 1. Si citandus efficiat, ne citatio ad se perveniat. *clemen. 1. de Iudic.* 2. Si locus non sit ruitus. *d. clemen. 1.* 3. Si contradictor sit incertus. *c. fin. de Elect. in 6.* ut si creditores incerti & diversis locis habitantes citentur. 4. Si citandus sine certo domicilio vagetur. Nec etiam recte hanc concedit delegatus, sed tantum ordinarius vel delegatus Principis.

Quomodo aliter distinguitur citatio?

Est vel dilatoria sive simplex, vel peremptoria. Dilatoria, per quam pervenitur ad peremptorium Edictum, & quæ citatum non reddit plene contumacem. *Nov. 112. c. 3.* Peremptoria est, qua comminatur, qui Edictum concessit, hoc est, citationem, se, absente parte diversa, cogniturum ac pronunciaturum. *l. 71. D. de Iud.*

Quomodo ergo pervenitur ad peremptorium?

Vel per tres dilatorias. *l. 68. l. 69. l. 71. D. de Iudic.* inter quarum singulas requiritur spacium 10 dierum. *d. l. 69. l. 13. §. 2. C. eod.* vel secundum jus novissimum, 30. *Nov. l. 112. c. 3.* vel per duas aut unam, prout Iudici æquum videbitur. *l. 72. D. eod.*

Quid fit post edictum peremptorium?

Absens citabitur, &, sive responderit sive non, agatur causa, & pronunciabitur, non semper secundum præsentem, sed & interdum absens, si bonam habeat causam, vincet. *l. 73. D. eod.*

Quid, si absit die cognitionis qui impetrauit, adversarius vero adsit?

Circumducetur edictum: non vero ut lis in totum, sed tantum instantia pereat, & res de novo sit agenda. *d. l. 73. §. 1. 2.*

Potestne, qui ex peremptorio condemnatus est, appellare?

Non, si ex contumacia abfuerit. *d. l. 73. §. fin. l. 23. §. 3. D. de appell.* Si autem justas absentiae causas reddere possit, audiendus est.

Quæ est citatio ex l. diffamari?

Est adversus eum, qui alterum super statu ingenuitatis. *l. 5. C. de ingen. manum.* super crimine, vel jure possessionis, dominii, obligationis, aut alio quocunque, diffamavit, & se adversus citandum habere actionem professus est.

In quem finem fit hac citatio ?

Quamvis nemo invitus agere compellatur. *t. t. C. ut nem. inv.* tamen, qui diffamavit, potest citari, ut actionem suam intra certum tempus à judice moderate statuendum instituat, aut perpetuum silentium sibi patiatur imponi. *d. l. 5. C. de ing. manum. l. cum Titia 18. D. de accus.* Diffamans enim tacite ad judicem provocat sua diffamatione, & se ad agendum arctat. Diffamatio autem debet probari, si ea negetur, antequam alter condemnetur ad actionem instituendam, aut ei silentium imponatur.

Quis Iudex concedit citationem ?

Generaliter in quavis causa ordinarius, sive ab ordinario delegatus. *c. 1. x. de causa possess.* Desideratur vero in delegato, ut tenorem suæ delegationis citationi inferat. *c. cum in jure x. de offic. deleg.* & in omni Iudice, ne extra suum territorium & supra potestatem concedat citationem. *l. fin. D. de Iurisd.* Nec unquam, nisi causa utilitatem publicam concernat, quem jubebit judex citari aliter, quam ad petitionem partis. *l. 68. D. de Iudic. l. fin. C. de accus. arg. l. 4. §. hoc autem. ff. de damn. inf.*

Quis potest petere citationem ?

Qui alium jure convenire potest, & legitimam standi in judicio personam habet. *l. 1. 2. C. qui legit. person. stand.*

Qui possunt citari ?

Qui non prohibentur. Prohibentur, aliqui in totum: aliqui, nisi certo modo observato. Inter prohibitos sunt Sacerdotes, dum sacra faciunt: quique propter religionem inde se movere non possunt. *l. 2. ff. h. qui equo publico in causa publica transvehuntur. d. l. 2. qui uxores ducunt, aut quæ nubunt. d. l. 2. Iudices, dum de causa cognoscunt. qui apud Prætorem causam agunt. qui funus ducunt familiare, & iuxta mortuo faciunt. d. l. 2. vel, qui cadaver prosequuntur. l. 3. ff. h. infantes, furiosi. l. 4. D. h.*

Quomodo citatio fiet, si quid movendum adversus infantes, furiosos, impuberes majores infantia, puberes ?

Si infantes, furiosi, ac impuberes habeant tutores
vel

vel curatores, illi sunt citandi. Si iis destituti sint, vocandi sunt proximi ex consanguineis, ut prospiciant illis de curatoribus ad lites. Id autem, si ab iis negligatur, Curatores ad litem constituere potest Iudex. l. 1. l. 2. §. 3. D. qui pet. tut. Puberes vero, si non habeant curatores, citandi sunt, ut legitime compareant, & sibi petant Curatores: aliàs, si ipsi nolint petere, dabuntur iis Curatores ad lites, etiam invitis. §. invito. Inst. de Curator.

Qui prohibentur citari nisi certo modo?

Infinitem parentes utriusque sexus, sive sint naturales tantum, sive naturales & legitimi simul; imo & adoptivi, & quamdiu constat adoptio, citari non possunt, nisi impetrata venia Prætoris. l. 4. §. 1. 2. l. 6. 7. 8. D. h.

Qui debent citari?

Quorum principaliter interest. l. 47. D. de re Jud. l. 39. D. de Adopt. Non illi, qui, si præsentesset, non possunt actum impedire. l. 4. §. 3. D. de fid. libert. l. 26. D. de reg. jur. In præjudicium absentium, non citatorum cum citari deberent, lata sententia, nullius est momenti. l. 1. C. t. t. C. int. res al. act.

Debetne citari, qui præsens est in iudicio & ibi convenitur?

Causam audire quidem tenetur, sed non cogitur respondere, ideoque tempus deliberandi ipsi petenti negari non potest. arg. c. 2. x. de dilation.

In quibus causis debet fieri citatio?

In omnibus, in quibus causæ cognitio, etiam levissima, est necessaria. Est enim principium ac fundamentum omnis iudicii citatio. §. fin. Inst. de pæn. bene litig.

Quam formam habet omnis citatio?

Continere debet, 1. nomen iudicis, ut cognoscatur, an sit competens, an iusserit. 2. nomen citandi. 3. nomen citantis. 4. causam. 5. locum iudicii. 6. diem ac terminum ad comparandum.

Quid, si quis citatus ad unam causam & comparens de alia rogetur?

Non tenetur respondere ad aliam, sed petet tempus deliberandi. arg. d. c. 2. x. de dilation.

Quid,

Quid, si vitiosa sit citatio?

Ea nullus est momenti: Interim, si compareat citatus, omne vitium purgatur, dato citato deliberandi spatio.

Quis insinuat citationem?

Nuncius publicus ex commissione Iudicis; cujus relationi creditur, quod ipsam insinuationem, non autem quod ulteriora.

Quomodo illam insinuat?

Si fieri possit, præstat, ut personæ ipsi insinuatio fiat: aliàs fiet ad domum, sc. uxori, liberis, &c.

Quid, si vitiose sit facta citationis insinuatio?

Suis sumptibus nuncius vitium restaurabit.

Quid, si impeditus sit à citando citationem exequi?

Affiget citationem januæ, si domum non possit ingredi, nemoque sit, qui eam suscipere velit; vel etiam portæ civitatis, si in civitatem intromitti non potuerit.

Qui sunt denique effectus citationis?

Perpetuat jurisdictionem. *l. fin. pr. & §. 1. & fin. C. h.* In realibus rem facit litigiosam. *Nov. 112. c. 1.* Interrumpit præscriptionem 30 annorum. *l. 3. l. 7. §. imo 5. C. de præscript. 30 annor.* aliquando etiam præscriptionem longi temporis. *l. 3. in fin. C. de annal. præscript.* Operatur denique præventionem. *c. proposuisti. x. de Iudic.*

Tit. 5. Si quis in Jus vocatus non ierit, &c.

Debetne vocatus in jus necessario venire?

Vocati ab eo, qui jurisdictioni præest, est venire, & non contemnere auctoritatem vocantis. *l. 2. D. h. l. 5. D. de Iudic.* &, si putet se vocatum ad incompetens forum, allegabit causam coram iudice, ut is cognoscat, an sua sit jurisdictio. *Dd. Ll.* Quod procedit, si dubitari possit, vel, si mediate iudici sit subiectus. Cæterum, si nec mediate, nec immediate sit ejus subditus, impune non comparebit. *l. fin. ff. de Iurisd.*

Suntne & aliæ causæ justæ excusandi?

Sunt variae. ut, si quis contra edictum sit vocatus. *l. 11. ff. de in jus voc.* vel ex rusticitate emanerit. *l. 2. §. 1. D. h.* si non intersit actoris, ut citatus veniat. *d. l. 2. §. 1.*

Quid

Quid, si vocatus, cum ire deberet, non ierit ?

Accusatur de contumacia, & ex causa à comperenti iudice mulctatur. *d. l. 2. pr. D. h.* & si dilatoria sit facta citatio, novum edictum sive citatio postulatur.

Quid, si quis vocaverit eum, quem ex edicto non debuerat ?

Si quis parentem sine venia vocaverit, mulctatur 50 aureis. §. *fin. Inst. de pœn. tem. litig.* & si non habeat, unde mulctam solvat, tanquam inofficiosus castigatur. *l. fin. D. de in jus voc.* Si quis alium in jus vocari prohibitum vocaverit, vel nihil agit, vel etiam arbitrarie punitur.

Habetne hodie pœna 50 aureorum, quæ vocantibus temere parentes infligitur, locum ?

Licet hodie non observeretur violentus in jus vocandi modus, sed omnis citatio fiat ex consensu Iudicis, tamen pœna hæc obtinet. Cum non fuerit ratio pœnæ tantum in modo in jus vocandi, sed in reverentia, & quia intererat, ne daretur actio adversus parentes, quæ famam illorum sugillaret. *l. 10. §. 12. D. h.*

Soletne hæc pœna aliquando remitti ?

Et si nihil sit in edicto, tamen ex æquitate moderanda est jurisdictio: ut, si liberos pœniteat, si remittant actionem, si parentes non venerint, si non inviti sint vocati. *l. 11. D. de in jus voc.*

Tit. 6. in Jus vocati, ut eant vel, &c.

Cogebaturne olim precise vocatus vocantem sequi ?

Lex hæc omnibus vocatis erat imposita, si non satisfacerent vel aliter idoneè caverent. Hodie in citatione verbali nullus est satisfactionis usus, sed in reali, quoties est talis causa, in qua fidejussor admitti potest.

Tit. 7. Ne quis eum, qui in jus vocatus est, vi eximat.

Quæ actio datur contra eum, qui in jus vocatum eximit ?

In factum, qua petitur, non quantum damni actor vere est passus, sed quanti ea res, de qua controversia est, ab actore, sive calumniator fuerit sive non, fuerit æstimata.

mata. d. l. 4. §. 1. l. 5. §. 1. D. h. Non enim jus actoris, sed factum eximentis contra legem & justitiam popularem Prætor coërcet.

Quid, si plures eximerent ?

Datur hoc judicium in singulos : & nihilominus, qui est exemptus, manet obligatus. *l. 5. §. 3. D. h.*

Quid, si quis debitorem exemerit ?

Qui debitorem vi exemit, etsi solverit, non liberat reum : quia suam pœnam, non debitum, solvit. *l. fin. D. h.*

Quando cessat hoc judicium ?

1. Si exemptus sit, qui non potuit vocari : uterque enim contra edictum facit. *l. 1. §. 2. l. 2. D. h.* 2. Si servus sit exemptus, quia vocari non potuit. *l. 3. D. h.* 3. Si ad pedaneum fuerit quis vocatus. *d. l. 3. §. 1.* 4. Si nihilominus venerit, qui eximebatur. *l. 5. §. 2.* 5. Si adversus hæredem agatur. *d. l. f. §. 5.* 6. Si heres agat, cum nihil ejus intersit. *d. §. fin.* 7. Si post annum super hac re moveatur quæstio. *d. l. 5. §. fin.*

Estne hujus Tituli aliquis usus ?

Omnino. nam non tantum placuit eos, qui custodiæ quem exemerunt, in id obligari, quod principalis reus, si condemnatus fuisset, cogeretur solvere, & in civilibus. *l. 3. C. lib. 10. de Exactor. trib.* & in criminalibus : sed & justum est coërceri extra ordinem graviter eos qui citatum vi impediunt, aut, ne ad judicem veniat, efficiunt.

Tit. 8. Qui satisfdat. cog. C. 2. 57. Inst 4. II.

Ante dictum : in jus vocati ut eant, aut satis vel cautum dent. Quid ergo satisfdatio vel cautio ?

In genere dicimur cavere satisfdando, oppignerando, jurando, nude repromittendo.

Quomodo satisfdando ?

Cavendo per fidejussores. Est itaque satisfdatio cautio, quæ fit datis fidejussoribus. *l. 1. D. h.*

Qui fidejussores sufficiunt ?

Specialiter receptum est, qualemcunque fidejussorem accipi judicio sistendi causa, pro parente, liberis, uxore, nuru. *l. 2. §. 2. D. h. l. 2. ut in jus voc. ut eant.* At pro aliis dari debet fidejussor locuples, pro magnitudine rei,

rei, quam actor petit. l. 234. §. 1. D. de Verb. Sign. Locuples autem dicitur non tantum ex bonis, sed & conveniendi facilitate. l. 2. D. h. Si habeat præscriptionem fori. l. 7. D. h. vel, si fœmina sit, miles, minor, idoneus non est. l. 8. §. 1. D. h.

Quid, si quis nolit admittere locupletem?

Arbiter sive Iudex delegatus ad eum probandum constituetur, à cujus sententia appellari potest. l. 9. & 10. D. h. & si, qui rejectus est, locuples sit notorie, & approbatus ab arbitro per sententiam, potest agi injuriarum. l. 5. §. 1. D. h.

Quid, si viriose sit satisfdatum?

Pro non cauto habetur. l. 6. D. h. Sin autem fidejussorem quis sua voluntate probavit, contentus eo esse debet, nisi medio tempore calamitas fidejussori insignis, vel magna inopia acciderit; tunc enim causa cognita de novo est satisfdandum. l. 10. ff. h.

Sufficitne Iudicio sistendi causa oppignratio loco satisfactionis?

Et si in prætoriis satisfactionibus semper fidejussores desiderentur. l. 7. D. de prætor. stipulat. tamen, si sit valde dives, licet non possessor immobilium, ex æquitate subveniendum. arg. l. 7. D. de restit. in int.

Qui dicuntur jurato promittere?

Qui jurant sese in judicium venturos. Illis vero jurare indultum, qui, cum non possident immobilia, fidejussores invenire non possunt. Nov. 112. c. 2. arg. l. fin. D. h. & qui sunt illustriores. l. pen. C. de dignitat.

Qui relinquuntur nuda sua repromissioni?

Possessores immobilium. Hi nec satisfdant, l. 15. D. h. nec jurato promittunt.

Qui possident immobilia?

Qui rem soli in agro aut civitate ex asse vel pro parte, Emphyteuticum fundum, vectigalem possident, & qui habent nudam proprietatem rei immobilis, licet ususfructus penes alium sit constitutus. l. 15. §. 1. D. h. qui fundum dotalem, sive uxor sit, sive maritus, habent. d. l. 15. §. 3. Tutores, sive ipsimet possideant, sive pupillus, possidere dicuntur. d. l. 15. §. 5. Etiam illi, à quibus res immobilis petitur. d. l. 15. §. 6.

Quid

Quid de usufructuario, creditore circa pignus, aliisque, qui actionem personalem habent, vel precario rem possident?

Non sunt pro possessoribus habendi. *d. l. 15. §. 1. 2. 4.*

Quod tempus circa possessionem spectandum?

Cautionis exactæ. Quod enim post accidit, *d. l. 15. §. fin.* non obest, nec prodest.

Habetne satisfactio in aliis quoque locum?

Iure Civili, Actor sive per se, sive per Procuratorem agat, satisfacere tenetur, se intra duos menses à tempore libelli porrecti litem contestaturum. *Nov. 96. c. 1. & ad finem in lite permansurum. §. sed hodie Inst. h. t. & expensas, si succumbat, soluturum. auth. generaliter. C. de Episc. & Cleric.* Reus verò, si ipse litem suscipiat, jurat, satisfat, vel promittit, se in iudicio usque ad terminum litis permansurum. *§. sed hodie 2. Inst. h. t. adde. l. un. C. h.* Sin autem per Procuratorem se defendat, satisfat se ad futurum sententiæ, &c. *§. 4. Inst. h. vel, si absens sit reus, præstabit satisfactionem Procurator, iudicatum solvi. l. un. C. h.* Sed hæc omnia non eodem modo hodiè observantur. Id certum est, quod defensor semper iudicatum solvi satisfat. *d. l. un. & §. 5. Inst. h. l. 46. §. 2. D. de procurat. & cum in rem agitur, etiam de rato. l. Pomponius 40. §. 2. D. de procurat.* procurator verò, de cuius mandato non est dubium, ex sua persona nulla satisfactione oneretur; sin autem sit aliquo modo dubium, debeat cavere de rato. *d. l. unic. C. h. l. 1. C. de procur.*

Suntne & alia causæ, in quibus satisfatur?

Sunt variæ, uti de sistendo delinquente. *l. 3. D. de custod. reor. de non offendendo. t. t. D. Rem salvam pupill. in legatis, fideicommissis, in usufructu. t. t. D. & C. ut leg. vel fideicom. nom. cav. t. t. D. Vsufruct. q. cav.*

Tit. 9. Si ex noxali causa agatur, quemadmodum caveatur.

Quomodo cavendum, si ex noxali causa agatur?

In eadem causa exhiberi, in qua tunc fuit, dum iudicium accipitur. *l. 1. pr. D. h.*

Tit. 10. De eo, per quem factum erat, quo minus quis iudicio se sistat.

Quid, si quis fecerit, quo minus quis iudicio se sistat?

Datur actio, quanti actoris interfuit. In hoc iudicio deducitur, si quid amiserit actor ob eam rem: veluti si reus dominium rei interim sibi acquirat aut tempore liberatus sit. *l. 3. pr. D. h.*

Quibus datur hæc actio?

Non tantum actori, sed & reo. *l. 1. §. 3. D. h. & heredi.* Reus autem, si dolo actoris non lleserit, non habebit adversus actorem actionem ex hoc edicto. cum contentus esse possit exceptione, si conveniatur, ex stipulatu de pœna: secus, si ab alio sit impeditus; nam tunc actionem propositam adversus eum exercebit. *d. l. 1. §. 3.*

Contra quos datur, & quamdiu?

Contra eos omnes, qui fecerunt dolo malo, quo minus iudicio se sistat. Illi autem fecisse dicuntur dolo malo, qui suis manibus vel per suos retinuerunt; imo & qui extraneos rogarunt, ut impedirent aut abducerent. *l. 1. §. 1. D. h. & qui venienti quid triste denunciarunt,* ob quod necesse habuerit ad iudicium non venire, nisi forte quid ipsi imputari possit, quod nimis credulus fuerit. *d. l. 1. §. 2.* Contra heredes datur, sed hætenus tantum, ut ex dolo defuncti nihil lucrentur. *d. l. 1. §. fin.* Non autem datur ultra annum. *d. l. 1. §. fin.*

Quid, si plures fecerint?

Omnes tenentur. sed si unus præstiterit pœnam, cæteri liberantur, cum nihil ulterius intersit. *d. l. 1. §. 4.*

Quomodo hic titulus distinguitur à tit. sup. ne quis eum, &c.?

Præcipua est differentia, quod hoc tit. agatur de eo, qui fecit, quo minus is, qui promisit vel cavit se venturum, se sistat. Illo de eo qui in jus vocatum, qui nondum caverat se venturum, exemit. Accedit, quod hoc quod interest; illo meram pœnam persequamur: quod hoc unius solutione omnes liberentur: illo non liberentur reliqui.

Tit. II. Si quis cautionibus in Iudic. sist.
caus. fact. non obtemperav.

*Quid, si quis cautionibus judic. sistend. causa factis
non obtemperaverit?*

Si certum fuerit, cautione comprehensum, certi ex stipulatu agatur; si incertum, incerti, in id quod interest. *l. 3. sup. si quis in ius voc. non ier.* Aestimatio autem ejus, quod interest, referenda est ad tempus, quo sisti debuit, non ad id, quo agitur. *l. 12. §. 1. D. h.*

Quis dicitur non obtemperare cautionibus?

Qui vel in totum vadimonium deserit, vel non in eadem causa reum sistit. *l. 11. D. h.*

Quando quis sistitur in eadem causa?

Cum actori persecutio non sit deteriori loco, licet exactio sit difficilior, uti si, qui sistitur, novum as alienum contraxerit, pecuniam perdiderit, alterive judicatus sistatur. *d. l. 11.* Ceterum, qui privilegio fori utitur, non videtur sisti in eadem causa. *l. 12. pr.*

*Quid, si plures una stipulatione promiserint
sisti, & unus non sit status?*

Committitur integra quidem poena jure: verum, si pro rata unius offeratur poena, exceptione doli utetur, qui convenitur. *l. 9. §. 1. D. h.*

*Quid, si dies non sit comprehensus stipulatione, intra
quem sisti debuit?*

Ne actus pereat, erit in potestate stipulatoris agere, ut dies sive moderatum spacium à judice statuatur. *l. de die 8. D. qui satisf. cog.*

Quibus ex causis cessat poena non sistentis?

Sunt variae. 1. Si transactum sit de negotio. *l. 2. pr. h.* 2. Si, qui vocatus est, municipalis muneris causa impeditus fuerit. *d. l. 2. §. 1.* 3. Si ad testimonium evocatus fuerit. *d. l. 2. §. 2.* 4. Si valetudine prohibitus. Ita & ex *l. 12. tabb.* iudicii dies sit diffusus ob morbum fonticum. *d. l. 2. §. 3.* 5. Si mulier, qui gravida est, se non stiterit, licet non sit agra. *d. l. 2. §. 4.* 6. Si tempestate vel vi fluminis, quæ sit itineri vel navigationi impedimento, detentus sit. *l. 2. §. 3. 6. 7. 8.* 7. Si magistratus quem detinuerit sine dolo. *d. l. 2. §. 9.* Si autem privatus fecerit,

D

quo

quo minus sese sisteret, convenitur ex edicto de eo, per quem fact. *d. l. 2. §. fin. l. 3. 8.* Si quis rei capitalis condemnatus sit, fidejussoribus subvenietur. *l. 4. pr. D. h. 9.* Si in vinculis fuerit, vel à militibus custoditus. *d. l. 4. §. 1. 10.* Si ei causa funeris domestici obstiterit. *d. l. 4. §. 2. 11.* Si in hostium potestate fuerit. *d. l. 4. §. 3. 12.* Si rei publ. causa abfuerit. *l. 6. D. h. 13.* Si post tres, aut quinque, pluresve dies venerit, nec actoris jus ex mora deterius sit factum. *l. Et si 8. D. h. 14.* Si homo, sisti promissus ante diem interierit sine dolo promissoris. Sin autem dolo, non ante potest peti pœna, quam dies venerit, *l. 10. §. 1. 15.* Si judex ipse vel ob morbum fonticum vel aliam rationem, isti negotio non potuerit vacare. *d. l. 2. §. 3. 16.* Si procurator vel Advocatus absit, & causa sit talis, quæ alteri non facile possit committi. *arg. l. 7. D. de restit. in integr.*

Creditur ne alleganti justam causam excusandi?

Non facile: sed, quia est res non immodici præjudicii, potest etiam solo juramento causæ veritas confirmari.

Potestne renunciari hisce causis?

Si convenerit, ne ulla exceptio objiciatur, non valebit conventio: si vero specialiter causæ certæ exceptionum expressæ sint, quibus à promissore sponte renunciatum est, valebit. *l. 4. §. 4. D. h.*

Tit. 12. De Feriis. Lib. 3. Cod. Tit. 12.

Quid sunt Ferie?

Dies, quibus jus publice non dicitur: vel, qui actibus judicialibus sunt vacui.

Quomodo distinguuntur?

Sunt vel solennes sive ordinariæ, quæ quotannis vel certis temporibus recurrunt; vel repentinæ sive extraordinariæ, quæ ob incidentem causam solent extra ordinem indici.

Quomodo solennes subdistinguuntur?

Sunt vel sacræ, quæ ad cultum Dei; vel profanæ, quæ ad usum profanum institutæ sunt. Sacræ, quæ sunt diebus Dominicis. *l. fin. C. h.* aut festis. cum mobilibus, tum immobilibus. *l. 2. 6. C. h.* Profanæ, uti messium vel vindemiarum tempore. *l. 1. 3. D. h.*

Quo-

Quomodo repentina?

Sunt etiam vel sacrae; ut dies jejunii, precum, gratiarum actionum, &c. vel profanae; uti ex quæ ob inaugurationem, adventum, nuptias, funus Principis indicendi solent.

Quis habet potestatem indicendi ferias?

Ferias indicere publicas solus Princeps potest. *l. 4. C. h.* sed indicatas potest quilibet Iudex, pro usu & justa ratione, moderari, nisi sint sacrae. *d. l. 4. junct. l. 4. D. h. l. 7. D. de off. Procons.*

Nihilne licet agere diebus feriatis?

Possunt fieri actus voluntariae Jurisdictionis; uti manumissio. *l. 7. C. h.* quibus exercentur opera non tantum misericordiae, sed & ea, quorum commoditas, coelesti provisione concessa, occasione momenti periret. *l. 3. C. h.* vel quæ differri non possunt. Item, quæ expediendi Reipubl. interest; uti investigatio latronum. *l. pen. C. h.* custodia ac disciplina militaris, vigiliae. *l. pen. D. h.* quæque pertinent ad annonam publicam, (sc. in iis, quæ alio die haberi non possunt,) vel ad cultus divini ac feriarum tuitionem, litiumque sublationem. *l. fin. C. h.* Hæc omnia tam valent in sacris, quam profanis.

Estne singularis locus de die Dominico?

Sancitum. *l. fin. C. h.* Die Dominico, omnes ab executionibus excusentur: nulla quenquam urgeat admonitio: nulla fidejussoris flagitetur exactio: taceat apparitio: advocatio delitescat: sit ille dies à cognitionibus alienus: Præconis horrida vox silescat: respirent à controversiis litigantes, habeant foederis intervallum, &c. subeat animos vicaria poenitudo: pacta conferant, transactiones loquantur. Nec hujus tamen religiosi diei otia relaxantes, obscœnis quenquam patimur voluptatibus detineri. Nihil illo die sibi vindicet scena theatralis, aut Circense certamen, aut ferarum lacrymosa spectacula. Amissionem militiæ, proscriptionemque patrimonii sustinebit, si quis hæc crediderit temeranda.

Potestne ergo die Dominico feri citatio?

Nulla modo, licet etiam fiat ad diem non feriatum: nisi periculum sit in mora, vel pietas, vel necessitas aliud suadeat.

Licetne renunciare feriis?

Recte quidem profanis ordinariis, sed non sacris.
d.l.fin.C.h.junct.l.1. §.1.l.6.D.h.

Qua praterea fieri possunt in profanis?

Præter omnia, in quibus dilatio actionem est perem-
tura. *d.l.1. §.2.D.h.* recte tutores aut curatores dantur,
atque officii sui admonentur, excusationes allegantur,
alimenta constituuntur, sive ex necessitate præsentis,
sive post secutura; ætates probantur ventris nomine,
rei servandæ, legatorum vel fideicommissorum, damni
infecti causa, in possessionem mittitur, Curator bono-
rum datur, &c. *l.2. l.3.pr. §.1.2.3.l.6.D.h.* Causæ
fiscales ac pistoriæ sive annonariæ tractantur. *l.5.pr. &
§.1.junct.l.7.C.h.* appellatio quoque fit. *l.1.C.h.*

Quid, si die feriato quid sit actum extra casus exceptos?
Quod actum, nullius est momenti.l.1. §.1.D.h.

De Dilationibus. Lib. 3. C. Tit. II.

Quid sunt dilationes?

Intermissiones judicii, ad tempus litigantibus con-
cessæ à lege, sive statuto, aut à Iudice.

Quomodo distinguuntur?

Sunt vel conventionales, de quibus inter partes con-
venit; vel non conventionales, de quibus non convenit.
Hæ vel dantur à lege; & dici possunt legitimæ: qua-
les sunt Citatoriæ, de quibus *l.69. & seqq.D. de Iudic.
Auth. qui semel.C. quomod. & quand. Iud.* Deliberato-
riæ, de quibus *Auth. offeratur.C. de lit. contest.* Probato-
riæ. *l.1. C.h.* in quibus simul vertitur officium Iudicis.
d.l.1.l.fin.C.h. Nov.69.c.2. Appellationis interponen-
dæ. *Auth. bodie.C. de appellat. Iudices.C. eod.* Executio-
nis. *l.fin.C. de usur. rei judic.* Vel dantur à Iudice, cum
iudex ex justa ratione, vel moderatur tempus à lege da-
tum, ut *d.l.1. C.h.* vel ipse concedit tempus, cum lex
nullum dedit. *l. de die 8. ff. qui satisf. cog. §.2.3. Inst. de
off. Iudic. l.1. in fin. D. de jur. delib.*

Quot dilationes solent à Iudice communiter dari?

Iure Civili, in pecuniariis & civilibus tantum una:
In criminalibus, accusatori duæ, reo tres. *l. fin. D.h.*
Ast etiam sæpius in civilibus, causa cognita. *l.7. d. h.
& lodie, secundum mores, hæc omnia fere sunt arbi-
tra-*

traria. Summopere vero cavendum, ne dilationes nimis frequententur, in injuriam partis adversæ.

Quis est effectus dilationum?

Vni ex litigantium datæ & alteri profunt. Interim nihil innovandum: & justa est per eas à mora excusatio. *l. 3. C. h.*

Debentne & feria excipi?

Nulla modo, siue solennes, siue repentinæ sint. *d. t. 3. confer l. 26. §. 7. D. quib. ex caus. maj. nisi forte justa causa aliud suadeat.*

Potestne prorogatio dilationis peti?

Potest omnino, ex causa.

Tit. 13. De Edendo. Lib. 2. Cod. Tit. 1.

Vocato in jus estne actio edenda?

Indubie: ut vocatus sciat, utrum contendere an cedere velit. *l. 1. D. h.* Et non tantum actio, sed & alia sunt edenda.

Quid est edere?

Est Codicem proferre, copiam describendi facere, vel in libello complecti, & dare, vel dictare; vel producere adversarium ad album, & demonstrare, quod dictaturus est iudicium. *l. 1. §. 1. l. 6. §. edi. 7. D. h. vel futuræ litis speciem ostendere. l. 3. Cod. h.*

Quomodo distinguitur inter edere & exhibere?

Exhibere est præsentiam corporis facere, siue sint tabulæ, siue aliarum rerum species. *l. 2. ff. ad Exhib. l. 3. §. 9. D. de tabb. Exhib. l. 22. 246. D. de Verbor. Signif.* Edere autem est copiam, siue exemplar, vel libellum, quo quis intentionem suam complexus est, dare, vel dictare, ut supra.

Qui debent edere?

Ordinatio actores. *l. 1. 4. fin. C. h.* non rei. quia, qui accusare vel agere volunt, probationes habere debent, cum neque juris, neque æquitatis ratio permittat, ut alienorum instrumentorum inspiciendorum potestas fieri debeat. Actore enim non probante, reus, etsi nihil ipse præstet, obtinebit. *l. 4. C. h. l. nimis 7. C. de Test.*

Quibus edendum est ?

Reis, non ita actoribus. Nisi 1. quis conscripserit rationes, instrumentave ex officio, cujus ministerium publicam habet causam. Tales fuerunt argentarii. *l. 4. pr. & §. 1. l. 10. pr. & §. 1. D. h.* qui edere tenebantur, siue controversia esset cum ipsis, siue cum alio. *d. l. 10. D.* Tales & hodie sunt actuarii, scribæ publici, secretarii, & similes. 2. Nisi quis administraverit alterius negotia, quales sunt Procuratores, socii, tutores. Hi vero non conveniuntur actione in factum ex edicto de Edendo, sed ordinariis mandati, pro socio, Tutelæ, ut rationes reddant suæ administrationis. *l. quadam 9. D. h. l. 1. §. 3. D. de tut. & act. distr.* 3. Nisi quis scripserit rationes alienas actoris in sua charta. *l. 3. §. 14. D. ad Exhib.* si autem in actoris charta; vindicatio & actio ad exhibendum est parata. *d. l. 3. §. 14. l. 4. 6. C. ad Exhib.* 4. Nisi quis petat à venditore vel herede edi instrumenta, vel alia acta, quibus demonstrentur fines fundi venditi. *l. Titius 48. D. de Act. Empt.* vel certitudo legatorum investigetur. *l. pradiis 91. §. 3. D. de legat. 3.* 5. Nisi communia sint instrumenta. *l. 7. C. h. l. 4. in fin. l. 5. D. fam. Ercisc.* 6. Nisi sit usurarius, qua de ejus delicto usurario quæritur. *Clem. 1. vers. cæterum de Usur.* 7. Nisi sit heres, à quo petitur editio rationum, defuncti & instrumentorum hereditariorum, ut constet legatariis, cum de l. falcidia quæritur, de quantitate hereditatis. *l. pen. §. fin. D. Ad l. falcid.* 8. Nisi sit fiscus, qui sibi petit edi, modo non sit causa capitalis. *l. 3. D. h. l. 2. §. 1. 2. D. de Iur. fisc.* 9. Nisi sit amissum instrumentum. *l. 6. §. 9. D. h.* 10. Nisi justa causa extra ordinem Iudicem moveat, ratione interesse actoris. *d. l. 6. §. 9. D. h. junct. l. 7. D. de in integ. restit.*

Potestne sæpius peti editio ?

Potest, verum non aliter, quam ex causa. *d. l. 6. §. 10. l. 7. D. h.* quam summam cognoscer Iudex.

Quid continet actio ad edendum ?

Vt, si non edatur, præstetur id, quod interest. *d. l. 6. §. 4. l. 8. §. 1. D. h.* Id vero interesse æstimatur eo tempore, quo à Prætoribus editio decernitur. *d. l. 8. §. 1.*

Quæ

Quæ sunt edenda ?

Instrumenta, rationes, actiones, quibus actor utitur.

Quæ instrumenta ?

Non necesse est tradi originalia sive ipsa authentica, nec omnia, quæ habet actor, & quibus non est usus, sed sufficiet exemplar. *l. 11. D. h.* & tantum eorum, quibus usus est. *l. 1. §. 3. D. h. edi.*

Quomodo eduntur ?

Non sunt particulæ, sed tota edenda. *l. 1. §. 4.* sic tamen, ut non sit opus edi diem & consulem. *d. l. 1. §. 2. l. 11.* scilicet, quo sunt facta, ne quid ex eo excogitetur, & prælato die fraus fiat. Diem autem, in quem solutio est concepta, edi oportet, quia est pars obligationis. *d. l. 1. §. 3.*

Quomodo sunt reddenda rationes ?

Cum die & consule: quoniam accepta & data non aliàs possunt apparere. *d. l. 1. §. 3.*

D E L I B E L L O.

Quomodo editur ordinario actio ?

Porrecto libello Iudici. *Auth. offeratur. C. de Litis-Contestat.* quo continetur intentio actoris. Hunc appellamus libellum conventionalem, vel libellum actionis.

Quare libellum actionis vel conventionalem ?

Quia sunt variae species libellorum. Sunt enim libelli supplices, sive preces, quibus citationem vel quid aliud decerni supplicantes petunt à Iudice vel Principe. Sunt libelli excusationum, quibus continentur causæ excusationis à muneribus tutelæ vel curæ, aut aliis. Sunt responsionum, quibus respondet reus ad intentionem actoris. Sunt replicationum, duplicationum, &c. Sunt positionum, salvationum, reprobationum, & similes. Verum, secundum excellentiam Libellus actionis dicitur libellus.

Quomodo hic libellus distinguitur ?

Dicitur vel simplex, qui continuus est, & unico orationis contextu constat: vel articulatus, qui per breves adsertiones & per articulos, ad circumstantias facti & causæ accommodatos, intentionem actoris exhibet.

Quæ continebit libellus actionis?

Ea omnia comprehenduntur hoc versiculo :

Quis, quid, coram quo, quo jure petatur, & à quo,

Recte compositus quisque libellus habet.

Debet autem confici secundum stylum & consuetudinem cujusque loci. In genere vero in exordio, reverenter Iudex compellendus, litigantes recte nominandi, eorumque qualitates exacte exprimendæ. Deinde, in propositione ac narratione, causa agendi valida subji-cienda. Denique, in conclusione, petitio accurate proponenda est.

Estne nomen actionis exprimendum?

Non est necesse, modo recte petitio possit intelligi. *l. 2. C. de forn. ac impet. sublat.* & id allegetur, ex quo actionis natura & efficacia explicari possit.

Debetne causa proxima tantum allegari?

In reali sufficit allegari proximam causam, dominium, vel quasi: siquidem non incidat controversia de remota causa dominii. In personalibus & remota alleganda, hoc est, & obligationis, & causa, ex qua est obligatio nata. Sed utilius est etiam, in reali addere causam dominii, ne postea agenti ex aliqua causa speciali objiciatur exceptio rei judicatæ.

Quid, si narratio sit apta, conclusio inepta?

Si inepta conclusio sit, sive narratio sit apta, sive non, nullius est momenti libellus. Sin inepta sit narratio, conclusio vero apta, valet libellus, quia conclusio reliqua ampliat, restringit, vel exponit.

Quæ sunt proprietates libelli?

Debet esse clarus ac certus. In dubio autem sustinetur, qua sustineri potest. *l. 12. §. 21. D. de reb. dub.* & si quid obscurum & ambiguum, fiet interpretatio ejus secundum eum qui libellum edidit. *l. 66. D. de judic.*

Potestne valere libellus alternativus?

Non est dubium. 1. Quoties dubitatur, qualis actio competat. *l. 1. §. 4. D. quod legat.* 2. Quoties una est alteri successoria, vel accessoria, vel coadjutoria. uti sit in hypothecaria. *l. 16. §. 3. D. de pignor.* in Publiciana concurrente cum Rei vindicatæ. 3. Quoties lex jubet alternative agi. *l. 2. C. de rescind. vend.* 4. Quoties quid alternative debetur. §. 33. *Inst. de action.*

action. Verum, si unius actionis positio, sit alterius sublatio, uti in *l. 1. C. de furt.* non valet libellus alternative conceptus.

Valetne libellus generalis?

Non est dubitandum: modo actio sit generalis. Unde & complectitur libellus generalis omne id, quod supervenit. *arg. l. 4. D. de pet. hered.*

Estne permissum corrigere libellum?

Quin ante litem contestatam permissum sit, non est dubium. *l. 3. C. h.* Post litem vero contestatam, renunciandum est instantiæ. At de novo est agendum hisce casibus. 1. Si totum genus actionis mutetur. 2. Si mutetur id, de quo principaliter est disputatum, & sunt refundendæ omnes litis impensæ. *l. 79. §. 1. D. de Iudic.* Sin autem accidentia, eaque, de quibus principalis non est controversia, & quæ facile corrigi possunt sine injuria ac molestia nimia adversarii, mutantur, nihil fit contra leges, sive ante sive post contestatam litem correctio fiat. *§. 34. 35. Inst. de act.*

Estne in omnibus libellus sollemnis necessarius?

Non desideratur in summariis sive extraordinariis causis. *Clement. sape. de Verb. Signif.*

Tit. 14. De Pactis. Et Lib. 2. Cod. Tit. 3.

Quid est pactum?

In genere duorum pluriumve in idem placitum consensus. *l. 1. §. 2. D. h.* Estque nihil aliud, quam conventio de re aliqua vel facto.

Quomodo distinguitur?

Est vel publicum, quod fit ex causa publica; uti de pace, induciis, confæderationibus Principum: vel privatum, quod fit de causa privata. *l. 5. pr. & §. 1. D. h.*

Quomodo distinguitur privatum?

Aliud habet causam, aliud eâ destituitur. Quod habet causam, Contractus dicitur: quod non habet, retinens nomen generis, appellatur pactum.

Quid est causa?

Negotium habile, quod ex vi Iustitiæ commutativæ, per confirmationem legis, producit validam obligationem.

Quid sunt contractus?

Conventiones, quæ ex justa causa producunt obligationem, hoc est, quibus ultro citroque hoc agitur, lege adjuvante, ut obligatio fiat. *arg. l. 19. D. de Verb. signif.*

Quomodo distinguuntur?

Sunt alii ab una parte, uti mutuum, stipulatio; alii ab utraque parte obligantes, uti Emptio, venditio, locatio, conductio. Rursus, alii nominati, qui certam & ab aliis distinctam essentiam habent; alii innominati, qui non habent essentiam propriam. *l. 7. §. 1. D. h. & juncta l. 5. §. 1. D. de præf. verb.* Rursus, sunt vel bonæ fidei, vel stricti juris: de quibus infra.

Pactum, quod non habet causam, quomodo distinguitur?

Est vel legitimum, vel nudum. Hoc in nudi placiti finibus consistit: illud lege aliqua speciali confirmatur. *l. 6. D. h.* Exemplum legitimi est in Constituto. *l. 1. l. 10. D. de const. pecun.* Hypotheca. *l. 17. §. 2. D. h.* Donatione. *l. 35. inf. C. de donat.* Iurejurando conventionali. *l. 5. §. 2. D. de jurejur.*

Quomodo distinguitur pactum, quod ad contractum refertur?

Idve est à contractu confirmatum, sive præcedat, sive sequatur. *l. 27. C. h.* vel contractui in continenti aut ex intervallo adjectum. *l. 7. §. 5. D. h.*

Quomodo aliter distinguitur pactum?

Est vel tacitum, vel expressum. Hoc per conventionem manifestam: Illud sine conventionem ex facto præsumitur. *l. 2. pr. & §. 1. D. h.* Sic 1. Qui chirographum reddidit, tacite pactus videtur de non petendo. *d. l. 2. §. 1.* quod in pignoris redditione diversum est. *l. 3. D. h.* 2. Qui in futurum usuras à debitore acceperit, tacite pactus videtur, ne intra id tempus agat. *l. 57. D. h. l. 2. §. 6. D. de dol. mal. & met. excep.* 3. Quæ inuenta & illata sunt in prædium urbanum, creduntur esse pignori pro mercede. *l. 4. D. h.*

Quid, si reddidero cautionem, qua & is, cui reddo, & alius est obligatus?

Remisisse illi cui reddidi, non alteri, videor. Cum autem nunquam donatio præsumatur, si alia sit ratio

ex-

explicandi. l. 7. D. de donat. is, cui redditum est, Procurator tacite constitutus in rem meam videbitur.

Quid, si habens multa de eodem debito Chirographa, reddiderim unum?

Non videor remisisse. arg. l. fin. D. de his quæ in test. debent. quia per alia exigere æque potest.

Quomodo aliter distinguitur pactum?

Est vel in rem, vel in personam. In rem, cum generaliter: In personam, cum in gratiam personæ certæ, pactum est interpositum. Vti ne à solo Titio petam. l. 7. §. 8. D. h.

Atqui, omne pactum videtur in personam, quia est semper ad commodum personæ, quæ paciscitur.

Plerumque persona pacto inseritur, non, ut personale sit pactum, sed ut constet, cum quo pactum sit. d. l. 7. §. 8. D. h. In dubio vero est pactum in rem; quia personale pactum est restrictum ad certam personam: restrictio autem non præsumitur.

Qui possunt pacisci?

Qui consentire possunt, rerumque domini sunt, & earum liberam habent administrationem. l. 1. §. 3. D. h. Prohibentur autem quidem natura; uti Infantes. §. 9. Inst. de inutil. stipul. Furiosi. l. 5. D. de Reg. Iur. Ebrii, quorum mens in totum exulat. Quidam lege, uti pupilli, infantia maiores sine tutorum authoritate, nisi meliorem faciant conditionem paciscendo. l. 5. D. de author. tut. l. 28. D. h. Qua autem locupletiores facti sunt etiam, valide conveniuntur. l. 3. D. commod. d. l. 5. D. de auth. tut. l. 10. D. de instir. act. Puberes autem recte paciscuntur. l. 101. D. de Verb. Oblig. l. 43. D. de Obl. & Act. modo nihil alienent, cum habent curatores. l. 3. C. de in integr. rest. minor. Prodigii pacto prodesse, non nocere sibi possunt. l. 6. D. de Verb. Oblig.

Quid juris in filiosam?

Nihil potest detrahare pacto rebus patris. l. 3. 28. C. l. 28. §. fin. D. h. quinimo nequit actionem nomine peculii profectitii sibi competentem remittere animo donandi. d. l. 28. §. fin. licet liberam peculii habuerit administrationem; quia non est concessum, ut donet. l. 7. pr. D. de donat. At de iis, quæ propriam ejus per-

personam concernunt, recte paciscitur. *l. 30. D. h.* Sic & paciscendo conditionem patris potest reddere meliorem. *l. 17. §. fin. D. h.* & remittit valide obligationem ex peculio, quatenus tantum vel plus consequitur. *d. l. 28. §. fin.*

Quid juris in tutoribus, & similibus?

Liquidum jus remittere non possunt. *l. 22. C. h. l. 46. in fin. D. de administ. tutor. l. 7. §. 3. D. pro emt. ac, in commodum eorum, quibus sunt præfecti, recte paciscuntur. d. l. 28. §. 1.*

Quibus quis paciscitur?

Sibi & suis heredibus. *l. 17. §. si pactus. ff. h. l. 38. §. 17. l. 126. §. Chrysogonus. D. de Verb. Oblig. §. 4. Inst. de inutil. stip. l. 73. §. fin. D. de Reg. Iur. non aliis. dd. Ll. nisi, vel inter sit ipsius paciscentis. arg. §. 1. & seqq. Inst. de inutil. stip. vel quis pactus fuerit de re aliena domino restituenda. l. pen. C. ad Exhib. vel de re propria reddenda alteri. l. 26. D. de pos. l. 3. C. de donat. q. sub mod. vel nisi, qui pactus est, sit in potestate ejus, cui paciscitur. l. 17. §. f. l. 18. D. h. vel sit tutor. l. 22. C. h.*

Quid, si quis filio suo paciscatur?

Inutile hoc est, nisi ei, ut heredi, pactum fiat. *l. avus 33. D. h. l. avus 10. D. de pact. dotalib. adde l. 21. §. 2. D. h.*

Si uni cautum per pactum, deberne hoc aliis heredibus nocere, ut illi in solidum teneantur?

Non: quia singuli pro partibus hereditariis sunt obligati ipso jure, in iis, quæ divisionem recipiunt. *l. 1. C. de action. hered.*

Quid juris est in sociis?

Hi remittere nihil possunt pacto in cæterorum detrimentum; sed recte novant, quia alia substituitur obligatio. *l. 10. l. 31. §. duo. D. de novat. nihilque perit.*

Potestne reus fidejussori pacisci, vel vice versa?

Potest: quia & ejus interest, dissolvi obligationem fidejussoris. *l. 21. in fin. D. h.* Fidejussoris autem conventio sibi facta, nihil proderit reo, quia non interest fidejussoris, reum liberari. *l. 23. D. h.* nisi fidejussor in rem suam spondit: tunc enim est propria obligatio. *l. 24. D. h.* vel nisi in specie actum sit, ne à reo petatur: tunc enim actori petenti objicietur exceptio doli. *l. 25. §. 1. & l. 26. D. h.*

De

De quibus rebus licet pacisci?

De omnibus, modo ratio vel lex non obstat. Obstat vero lex. 1. Si quid turpitudinis sit in pacto. *l. 27. §. 4. D. h.* Sic nunquam dolus futurus remittitur. *§. 3. d. l. 27.* adeo, ut nec stipulatio, nec iusjurandum turpi pactum corroboret. *l. 7 §. 16. D. h. l. 5. C. de legib.* 2. Si contra legum formam quid fiat. *d. l. 7. §. 7. D. h.*

Licetne de hereditate pacisci?

De mortui licet, modo fuerit delata. *l. 35. §. 2. C. de Inoff.* Circa vivi hominis hereditatem, Iure Civili est distinguendum inter pactum de succedendo & non succedendo. utroque modo, vel paciscitur quis de certi vel incerti hereditate, cum tertio, vel cum illo, de cuius bonis pactum. In hisce omnibus hæ regulæ observandæ. 1. Pactum, ut quis fiat heres alterius, nullius est momenti. *l. 61. D. de Verb. Oblig. imo Reciprocum pactum de hereditate acquirenda, non valet, nisi inter solos milites. l. 19. C. h.* 2. Pactum de hereditate certi inter alios valet, si is certus consentiat, & perseveraverit in eadem voluntate ad extremum vitæ spiritum. *l. fin. C. h.* Semper autem potest mutare suam voluntatem. 3. De incerti hereditate licet quolibet modo pacisci. *l. 3. §. 2. D. pro. soc.* 4. Renunciare nemo potest hereditati viventis. *l. 94. D. de acq. hered. l. 35. §. 1. C. de Inoff.* Etiam si aliquid ejus nomine quid ei sit datum. *l. 3. C. de Collat. l. 15. C. h. d. l. 35. §. 1.* Nisi tantum acceperit, quantum alias illi competere potuisset. *arg. l. 1. §. 3. D. si quis à par. manum.*

Cur dictum Iure Civili?

Quia hodie ex pactis dotalibus reciprocum pactum inter conjuges de succedendo valet: Et renunciatio- nes hereditatum, maxime si juratæ sunt, admittuntur. *d. c. 2. de pact. in 6.* Nam omne iuramentum, quod non lædit animam vel tertium, est servandum. *d. c. 2. & c. 18. x. de Iurejur.*

Suntne & alia, de quibus non licet pacisci?

Non valet pactum advocati cum cliente de quota litis. *l. litem C. de Procur. l. 6. §. fin. l. 7. ff. man. ar.* licet iura-

juratum sit. Vti nec Medici cum ægrotis de honorario modum excedente. *arg. Dd. Ll.*

Quomodo fit pactum?

Et inter absentes, & præsentes: vel re, vel literis, vel per nuncium. *l. 2. pr. D. h.*

Quis est effectus pacti?

Parit actionem 1. Si causam habeat. *l. 7. §. 12. D. h.* 2. Si legitimum. sit *l. 6. D. h.* 3. Si contractui bonæ fidei adjectum sit in continenti, sive adjiciat, sive quid detrahat. *l. 7. §. 5. D. l. 13. C. h.* 4. Si stricti juris contractui sit additum, & quid detrahat. *l. 4. in fin. l. 40. D. de reb. credit.* 5. Si confirmatum sit per contractum. *l. 27. C. h.* Non producit actionem, sed exceptionem tantum, si nudum sit. *l. 7. §. 4. D. h.* vel si adjectum ex intervallo cuilibet contractui, vel in continenti stricti juris, & quid addat. *arg. d. l. 7. §. 5. D. l. 13. C. h. & d. l. 4. §. fin. D. h. & l. 40. D. de reb. credit.* Iuxta consuetudinem (modo sit justa causa obligandi) ex quolibet pacto actio datur, nec hodie inter stipulationem & pacta distinguitur. Præterea, taciti & expressi pacti est eadem efficacia. Denique, pactum in rem ad omnes etiam heredes pertinet: Personale tantum ad certam personam. *l. 21. §. 5. l. 25. §. 1. D. h.*

Contra quem debet pactum dubium interpretari?

Contra illum, qui verba dixit. *l. 39. D. h. l. 21. 33. D. de contrah. Emption.* Debet enim sibi imputare cur non apertius sit locutus.

Quomodo tollitur pactum?

Prius per posterius; non ipso jure, sed ope exceptionis. *l. 27. §. 1. D. h.* Ast obligatio naturalis tantum, ipso jure per pactum tollitur. *l. 95. §. 4. D. de solut.*

Pactus, ne peteret, post rursus ut peteret, obligatne de novo fidejussorem jam ante liberatum ex priore pacto?

Nulla modo. *l. fin. D. h.* nisi fidejussor de novo eadem ratione, qua reus, se obligaverit. *l. 27. §. 2. vers. ead. D. h.*

Tit. 15. De Transactionibus. Tit. 4.

Lib. 2. Cod.

Quid est transactio?

Transactionis nomen in genere acceptum, ad omnem

nem modum litem finiendi refertur. *l. transacta. D. de Verb. Signif.* In specie, est conventio sive pactum de re dubia, non gratuitum. *l. 1. D. h.* Pacisci is dicitur in specie, qui indubitatam rem, vel aliquo accepto, vel non accepto, vel rem dubiam nullo accepto remittit. *d. l. 1.* In transactione lis semper debet esse. *d. l. 1. vel metui. l. 2. C. h.* & quid dari, retineri, vel promitti. *l. 38. C. h.*

Qui possunt transigere?

Qui & pacisci. Vnde pupilli transigunt recte, si conditionem suam faciant meliorem. *pr. Inst. de auth. tut. Minores. arg. l. 101. D. de Verb. Oblig. nisi quid alienent cum curatores habent. l. 3. C. de restit. in integ. min.* Prodigii, in rem suam. *arg. l. 6. D. de Verb. Oblig. Tutores & Curatores. l. 56. §. 4. D. de furt. modo nihil ex eo, quod servando servari possit, sine decreto alienent. arg. l. 22. C. de admin. tut. junct. l. 46. §. fin. D. eod.* Etiam Procuratores, non tantum instructi speciali mandato. *arg. l. 16. C. de Procurat. vel in rem suam; sed & universaliter dati. L. 60. l. 63. D. eod.* modo non agatur de dominio transferendo: quod si fiat, non possunt hi transigere, nisi habuerint mandatum cum libera, vel speciale. *d. l. 63. junct. l. 58. D. eod.* Syndici vero non aliter, quam si causa sit valde dubia. *l. 12. C. h.*

De quibus rebus fit transactio?

De dubiis. *l. 1. D. h.* Non igitur valet de re per sententiam decisa. *l. 7. D. h.* nisi dubitetur, an sententia sit lata, vel nisi appellatio aut revisio intervenerit, vel adhuc appellari possit. *d. l. 7. l. 11. ff. h. vel negetur esse judicatum. d. l. 11.*

Quid Iuris est in Criminalibus?

Transigere vel pacisci de crimine capitali, excepto adulterio, prohibitum non est: in aliis autem publicis criminibus, quæ poenam sanguinis non ingerunt, transigere non licet, citra falsi accusationem. *l. 18. C. h.*

Quare licet de capitalibus?

Quia ignoscendum est quolibet modo redimenti suum sanguinem. *l. 1. ff. de bon. eorum, qui ante sentent. l. fin. ff. de prævaric.* Et nimis durum esset, ut, qui in re tam ardua quid dedit vel promisit, haberetur pro confessio.

Qua

Qua intelliguntur per capitalia?

Tantum ultimi supplicii; quia postea dicitur, quæ poenam sanguinis non ingerunt. *d. l. 18. d. l. fin. d. l. 1.*

Licetne ante, vel post litem contestatam?

Non distinguitur. Nec enim, si reo permissum est, actori debet denegari, & vice versa.

Quare excipitur adulterium?

Propter foeditatem criminis; & quia videtur transigens se lenocinii reum facere.

Annon crimen læsæ majestatis, & similia, in quibus conscius punitur, excipitur?

Nulla modo: Licet enim conscius committendi criminis, & id non revelantes, puniantur; non tamen prohibentur transigere de commissio.

Quomodo hac transactio admittitur, cum noceat reipublicæ quia delicta manent impunita, contra l. 51. D. ad leg. Aquil. & in Turpil. incidit, qui desistit ab accusando. tot. tit. ad SC. Turpil. quinimo, qui transigit, pro confesso habetur. l. 5. D. de h. q. not infam.?

Magistratui non præjudicatur, quoad accusationes promovendas, & poenam infligendam. Poterit enim magistratus ex officio procedere, aliumque constituere accusatorem; imo cogere transigentem, qui agit, patefacere, quæ ipsi constant de facto. Ius enim publicum non tollitur privato facto. *l. 38. D. de pact.* Deinde, in Turpilianum incidit, qui desistit ab accusando sine permissione legis: non enim transactionibus, sed sordidis concussionibus est interdictum. *l. 1. §. 3. in fin. D. de calumniat.* Et denique pro confesso habetur transigens in privatis. *d. l. 5. iisque publicis, in quibus secundum leges non licet transigere.*

Quid sibi volunt verba, d. l. 18. in fin. Citra falsi accusationem?

Citra, non significat præter, sed sine; uti in *l. pro herede 20. §. Papinianus 4. vers. itaque in fin. ff. de acq. v. om. hered. l. 1. §. 1. ff. de pignor. l. 3. 26. C. de usur.* Itaque hic est sensus; Qui de publicis non ultimi supplicii criminibus transigit, potest accusari falsi.

Annon sunt aliqua, de quibus non licet transigere, nisi sub modo certo?

Sunt controversiæ, quæ ex testamento, sive scripto, sive

five nuncupativo, proficiscuntur : nam de iis nec transigi, nec veritas exquiri aliter potest, quam inspectis cognitisque verbis testamenti. *l. 6. ff. h.* Deinde, de alimentis futuris ultima voluntate relictis, non licet transigere, nisi auctore pratore; ne quid fiat contra defuncti voluntatem, vel, ne modico contenti homines, post laborent inedia. *l. 8. ff. l. 8. C. h.* De præteritis ac ex contractu constitutis transactio sine decreto fieri potest. *d. l. 8. ff. & l. 8. C. h.* imo etiam de annuis legatis testamento relictis locupleti. *d. l. 8. §. 23. ff. h.* non de alimentis annuis. *d. l. 8. §. 7. ff. h.*

Quid ergo spectabit Prator in transactione de alimentis?

Inquireret in causam transigendi, æstimabit modum alimentorum, examinabit qualitates personarum. *d. l. 8. §. 8. 9. 10. 11. ff. h.*

Quomodo fit transactio?

Vel pacto, vel Aquiliana stipulatione. *l. 2. ff. h.*

Quis est effectus transactionis?

1. Non extenditur ad illa, de quibus probabiliter non est cogitatum. *l. 9. §. 1. l. 12. D. h.* 2. Generaliter facta, non rescinditur prætextu novi instrumenti post reperti, vel specierum post repertarum, nisi dolus vel error commissus sit. *l. 19. l. 29. C. h.* 3. Iure Civili, si pacto tantum sit inita, producit exceptionem: si ab una parte adimpleta sit vel datione vel remissione, actionem præscriptis verbis. *arg. l. 15. 16. D. l. 28 C. h.* si intervenierit stipulatio Aquiliana, actionem ex stipulatu. *l. 6. C. h.*

Quid, si quis agat contra transactionem pacto factam?

Habebit reus electionem, utrum objicere ex transactione exceptionem, an ipse quoque velit à placitis recedere. *l. 14. C. h.* à jurata transactione major si recesserit, carebit recedens iis, quæ ipsi ex transactione debentur, & erit infamis. *l. 41. C. h.*

Paritne hodie omnis transactio actionem?

Non est dubium; cum & ex omni pacto hodie detur actio, uti sup. dictum.

Quod, si dolo, vel ex falsis instrumentis sit inita?

Rescindetur, modo falsitas probari possit. *l. si ex 42. C. h.*

De Errore Calculi. Lib. 2. Tit. 5. Cod.

Quid, si erratum sit in calculo?

Is error potest corrigi: etiam post decennii vel vicennii tempora. Nisi controversia de errore per transactionem vel sententiam fuerit finita. *l. un. C. h. alias enim nullus esset litium finis. l. 2. C. de re Iudic.*

P A N D E C T A R U M

L I B E R I I I.

Tit. 1. De Postulando. Tit. 6. Lib. 2. Cod.

Quid est postulare?

Est, desiderium suum vel amici in jure apud eum, qui jurisdictioni præest, exponere, vel alterius desiderio contradicere. *l. 1. §. 2. D. h.*

Qui possunt postulare?

Qui non prohibentur. Prohibentur aliqui edicto: aliqui lege: aliqui sententia.

Qui edicto?

Horum tres sunt ordines. Prohibentur alii in totum, & pro se, & pro aliis: Hoc in genere sunt minores 17 annis, furiosi, surdi. *l. 1. §. 3. ff. h.* Aliqui tantum pro aliis; ut mulieres, cæci, quique insigni turpitudine sunt notati. *d. l. 1. §. 5.* Alii pro certis possunt tantum; uti parentibus, liberis, fratribus, sororibus, uxoribus, reliquisque, qui commemorantur. *d. l. 1. §. fin. l. 2. 3. 4. 5. 6. ff. h.* Tales sunt infames ex edicto. *d. l. 1. §. 8.* Edicto prohibiti, ne quidem volente adversario admittuntur. *l. 7. ff. h.*

Qui lege?

Omnes, qui mysteriis Sacrosanctæ Ecclesiæ non sunt imbuti. *l. fin. C. h.* Judices ac arbitri in eadem causa. *l. 6. C. h.* Potentiores. *l. 1. & t. t. C. ne potentior.* Qui pacti sunt de quota litis. *l. 5. C. h.* vel aliud pactum, quo vexent alios, iniverunt. *l. 6. §. 2. C. h.*

Qui sententia?

Quibus vel in totum vel ex parte advocationibus est interdictum. *l. 8. 9. ff. h.*

De

De Advocatis diversorum judicum ac judiciorum. Tit. 7. 8. Lib. 2. Cod.

Quomodo distinguitur inter postulare, Procuratorem vel Advocatum agere ?

Postulat, qui vel suum vel alterius desiderium in jure coram Præatore proponit, vel alterius desiderio contradicit. Procurator est, qui negotia judicialia vel extrajudicialia curat, alieno nomine. Advocatum agit, qui causam alienam juris remediis ruerur.

Quid proprie constituit Iudex circa advocatos ?

Non tantum iis, qui suo vel alieno nomine postulare nequeunt, sed & omnibus, qui certis ex causis, vel ambitione adversarii, vel metu patronum non inveniunt, advocatum dabit. *l. 1. §. 4. ff. de postul.* Non permittet, ut ab una parte consistent disertissimi advocati; ne ob inopiam boni patrocinii causa alterius damnum patiatur. *l. 7. C. eod.*

Qui possunt esse advocati ?

Qui prævio examine à jurisperitis juratis sub gestis monumentorum sunt judicati legum pericia esse instructi. *l. 11. §. 1. h. t. 7.*

Quod est officium advocatorum ?

1. Non licet iis à suo foro abesse temere & ultra triennium. *l. 7. §. 2. l. fin. C. h. t. 8.* 2. Non possunt litigantibus patrocinium denegare, nisi velint carere foro. *l. pen. C. de postul.* vel intersit eorum non suscipere. 3. Causam, quam sciunt esse improbam, non defendent. *l. 14. §. 1. C. de Iudic.* ut nec bonam fallaciis pravisque artibus. *d. l. 1. 4. C. de Iud. l. 6. §. 1. ff. de postul.* 4. Non inibunt contractum de quota litis, vel alium quemlibet nocentem cum clientibus. *d. l. 6. §. 2.* 5. Non ultra quam litium utilitas postulat, in licentiam convitiandi aut maledicendi prorumpent: agent, quod causa desiderat. Et, qui probris putaverit esse certandum, infamia notabitur. *d. l. 6. §. 1.* 6. Non protrahent litem, sive jurgium. *d. l. 6. §. 4.* 7. Neminem aspernantes habebunt. *d. l. 6. §. 3.* 8. Nunquam pravaricabuntur. *l. 1. C. h. tit. 7.*

Quod

Quod consequuntur advocati solatium pro laboribus?

Etli quidem precio nummario dehonestanda non sit juris scientia. l. 1. §. 5. ff. de var. & extr. cogn. Et, qui lucro tantum capiuntur, veluti abjecti ac degeneres habendi sint. d. l. 6. §. 5. tamen modicum solatium præstare iis, qui utilissimam operam conferunt, oportet.

Possuntne advocati in sua causa petere salarium?

Nequaquam: cæterum, sub prætextu damni ipsis quid tribuendum esse, justa ratio docet. l. sed si quis 7. ff. test. quemadm. reper. l. si quando 19. §. cum oportet. C. de Testib. l. si servus communis 61. §. quod vero ff. de Furt. In causa vero communi quin petere possint aliquod redhostimentum laborum, non est dubitandum. *Id. Ll.*

Quæ sunt præmia advocatorum?

Varia. Non coguntur suspicere munera sordida, provinciales functiones, seu tributorum collectas. l. 3. C. h. t. 7. Salarium eorum cedit in quasi castrense peculium. l. 8. C. eod. Veteres & senio confecti, clarissimorum titulo honorantur, ac comitativa dignitate fruuntur. l. 1. C. h. t. 8. Filii aliis præferuntur, & quidem gratis in hoc officio. l. 11. in fin. C. h. t. 7. l. 3. §. 5. C. h. t. 8.

Quæ laus eorum?

Ea descripta est prolixè l. 14. C. h. t. 7.

De Advocatis Fisci. Tit. 9. Lib. 2. Cod.

Quod est advocatorum fisci officium?

Curare ea, quæ sunt Principis & ærarii, & quæ ad vindictam publicam pertinent. In causis Principis & ærarii, fiscalia commoda non occultent: à calumniis abstineant: prætextu fiscalis commodi nemini negotium faceant: causam fisci semel susceptam non deferant. l. 1. 3. C. h. Durante officio contra fiscum non agant, nisi sit causa pupillorum suorum, parentum, vel liberorum. l. pen. & fin. D. de postul. & deposito officio non agant contra fiscum causas, quas ante pro eo coeperant. l. 2. C. h. arg. l. 3. §. 1. C. de adu. div. jud. 1. 7. In Criminalibus inquirent sedulo, & persequantur crimina, juvent delatores. l. 5. C. de delator. lib. 10. *l. fin. C. h.*

Quæ

Quæ sunt præmia ac privilegia Advocatorum fisci?

Iure Civili consequuntur titulum Consiliariorum, ac, deposito officio, exconsularem dignitatem moderatoris Provinciæ, aut comitivam Consistorianam. *l. 8. l. 13. §. 1. C. t. 7.* Liberanturque una cum liberis à cohortali conditione. *l. 17. C. h. tit. 8.* Eorum filiis 7 tribuuntur privilegia descripta *l. 4. C. h. t. 8. l. 15. §. 1. C. h. t. 7.* Heredes etiam eorum percipiunt totius anni solatium, licet in principio anni sint mortui. *d. l. 15. §. 1.*

De Errore Advocator. vel libellos seu preces concipientium. Tit. 10. Lib. 2. Cod.

Quid, si forte advocati erraverint?

Si præsentibus litium dominis quid sit allegatum, ratum est, nisi domini contradixerint in continenti, hoc est, triduo proximo, vel appellaverint. *l. 3. C. h.*

Quid, si error fuerit commissus circa preces?

Non præjudicat veritati. *l. 2. C. h.* quæ enim aliter concipiuntur, quam concipi debent, non mutant veritatem. *l. 1. & t. t. C. plus val. quod ag.*

Ut quæ adv. part. des. Iudex suppl. Tit. 11. Lib. 2. Cod.

Quid, si forte Advocatus non allegaverit alleganda?

Non dubitandum est, quin Iudex, si quid à litigatoribus, vel ab his, qui negotiis adstant, minus fuerit dictum, sit suppleturus, & prolaturus, quod legibus & juri publico sciat convenire. *l. un. C. h.*

Debetne hic distinguere inter ea, quæ juris, & quæ facti sunt?

Certum est, quod Iudex possit supplere ea, quæ juris sint. *d. l. un.* At, si facti quæstio incidat, Iudex non simpliciter ac temere, nec proprio motu addet, quæ à partibus sunt omissa; sed magis inquirat: imo & nunquam addet, quoties ipse scit rem aliter se habere quam partes allegarunt; sic enim fiet, ut suum cuique tribuatur, Iustitiæ satisfiat, & Iudex conscientiam suam non lædat.

Atqui

Atqui Iudex non potest officium impertire nisi rogatus. l. 4. §. 8. ff. de damno infecto.

Quoties causa coram eo disceptatur, si non in specie, saltem in genere rogatur.

Tit. 2. De his, qui notantur infamia.

Tit. 12. Lib. 2. Cod.

Quid est infamia?

Est boni nominis live exultimationis læsio vel imminutio. l. 5. §. 3. ff. de variis & extraord.

Quomodo distinguitur?

Est vel juris, vel facti. Juris est, quam lex ob turpe m causam irrogat: Facti, cum fama apud graves & honestos viros oneratur.

Quot modis irrogatur infamia juris?

Duobus: vel ipso jure, cum lex ipsam turpitudinem delicti ob solum factum, non expectata sententia, notat: vel per sententiam, cum non aliter quis fit infamis, quam per condemnationem.

Quibus casibus infertur ipso jure?

Sunt varii. Vti si quis ab exercitu ignominia causa mittatur. l. 1. l. 2. pr. & §. 1. 2. 4. ff. hic. Si artis ludicrae pronunciandive causa in scenam prodierit. l. 1. l. 2. §. 5. l. 3. 4. ff. hic. Si quis lenocinium fecerit. d. l. 1. d. l. 4. §. 2. Si in adulterio foemina sit deprehensa. l. 43. §. pen. ff. de rit. nupt. Quod non est receptum in viro, quia in eo non est tantum periculum de suppositione partus. Similiter infertur ipso jure secundum jus civile, non canonicum. c. pen. & fin. x. de secund. nupt. non tantum mulieri, quæ intra annum luctus nupsit; sed & patri, qui sciens filiam, quam in potestate habet, intra annum luctus in matrimonium collocavit, & ei, qui sciens talem duxit, vel duci est passus à filio suo, quem in potestate habet. d. l. 1. l. 8. 9. 10. 11. 12. 13. pr. ff. h. nec non ei, qui bina sponsalia binasve nuptias eodem tempore habuit. d. l. 1. 13. §. 1. 2. 3. 4. ff. h. Ipso jure enim est infamis, qui transegit de privatis delictis, furti, rapinae, vel injuriarum dato pretio. d. l. 1. §. 5. l. 4. §. 5. l. 5. l. 6. §. 3. ff. h. Et qui certo improbum foenus exercet. l. 20. C.

hic.

hic. vel usuras usurarum exigit. d. l. 20. junct. l. 28.
C. de usuris.

Quibus casibus per sententiam?

Si quis in judicio publico calumniæ prævaricationisve causa quid fecisse judicatus fuerit. d. l. 1. d. l. 4. §. 4. ff. h. Si quis furti, vi bonorum raptorum, vel injuriarum, de dolo malo, nomine suo damnatus sit. d. l. 1. d. l. 4. §. 5. l. 5. 6. ff. hic. Si quis judicio publico. l. infamem. 7. ff. de publ. judic. vel ex alio extraordinario crimine, ob dolum vel insignem turpitudinem. d. l. 13. §. 8. ff. hic. vel ob dolum pro socio, tutelæ, mandati, depositi, suo nomine, directo, non contrario judicio, condemnatus est. d. l. 1. l. 6. §. 5. ff. hic.

Cur dicitur non contrario judicio?

Quia in directo tantum quæritur de dolo, in contrario regulariter de calculo. d. l. 6. §. 7.

Fitne infamis, qui pactus est in hisce judiciis pro socio &c. directis?

Nequaquam: licet enim sint actiones famosæ, & damnati notentur, non tamen pactio ita turpis est, ut in furto, aliisque delictis. l. 7. ff. h.

Irrogaturne etiam infamia in hisce directis pro socio &c. Iudiciis, ob culpam?

Nulla modo: solus enim dolus coercetur, nec in tam gravi causa doli nomine solet venire lata culpa. huc facit. d. l. 6. §. 6. & 7.

An & heres condemnatus ex hisce directis Iudiciis fiet infamis?

Fiet, si ipse male sit versatus in deposito vel mandato: non vero in tutela vel pro socio, suo nomine damnari potest; quia nec in tutelam, nec in societatem succedit, sed tantum in æs alienum defuncti. d. l. 6. §. 6. ff. h.

Quibus casibus facti infamia irrogatur?

Si quis à Iudice increpetur. l. 20. ff. l. 17. C. h. si in testamento perstringatur. l. 13. C. hic.

Qui sunt effectus infamiae?

Præcludit viam ad dignitates. l. 2. C. de dignitat. non plene infamibus creditur. l. 3. ff. de test. & si infames jure vel facto sint instituti heredes præteritis fratribus,

95 P A N D E C T A R U M
tribus, competit fratribus germanis & consanguineis
querela inofficiosa. l. 27. C. de inoffic. testam.

Quomodo sunt notati qui bonis cedunt?

Facto & jure sunt infames, si turpiter decoxerint
patrimonium: nec facto, nec jure, si per adversitates
fortunæ in calamitates hujusmodi inciderint.

Tit. 3. De Procuratoribus. Tit. 13. Lib. 2. Cod.

Qui sunt ad lites Procuratores?

In genere omnes, qui alieno nomine causam agunt;
In specie autem, qui aliena negotia mandatu domini
administrant, litemque curant. l. 1. ff. h.

De Personis dantibus Procuratores.

Qui possunt dare Procuratorem ad litem?

Qui domini sunt litis, & possunt mandare. Procu-
ratores autem & Tutores, & Curatores, non ante litem
contestatam, ut & Syndici, & actores civitatum. l. 8.
l. 11. 23. C. h. l. 74. ff. h. sed post eam procuratorem con-
stituunt. Qui vero in rem suam datus est, vel potesta-
tem substituendi à domino habet, valide constituit
etiam ante. Nec possunt procuratorem dare filiifam. in
causa, in qua nequeunt ipsi experiri. l. 8. ff. hic. Sic nec
pupilli & minores sine autoritate & consensu tutorum
vel curatorum. d. l. 11. C. h.

*Potestne Procurator etiam alium substituere in
appellatione?*

Potest, si generaliter ad causam sit datus: quia per
litis contestationem jam ante dominus litis erat factus.
l. 18. 23. C. h. Sin autem ad certum actum sit datus, non
substituet.

Quid, si minor de facto procuratorem dederit?

Si pro eo fuerit pronunciatum, ob favorem ætatis
datio confirmatur. l. 14. C. h. quod multo magis reci-
piendum est in pupillo, cum eadem, imo major, ratio
pro eo militet.

De iis qui Procuratores dantur.

Qui possunt esse Procuratores?

Qui non prohibentur. Prohibentur autem 1. Fœ-
minæ.

minæ. l. 18. C. h. l. 54. ff. h. nisi agere velint pro parentibus, quos morbus aut ætas impedit, & qui non habent qui eorum nomine agat. l. 41. ff. hic. Id enim permit-
tendum est interdum, causa cognita. 2. Milites. d. l. 54. Imo, nec pro patre, nec matre, nec uxore, nec ex sacro rescripto. l. 7. C. h. 3. Minores 17 annis, secundum D.D. Verum, jure nostro non desideratur ætas, sed traditum est indistincte, minorem 25 annis dari posse. l. 23. ff. de minorib.

Quid respondendum ad §. 5. Institut. ex quib. caus. manumittit. ad l. 12. C. h. & deinde, quod traditum, minorem non habere justam standi in judicio personam?

In hisce nulla est difficultas: quia in d. §. 5. agitur de manumissione à minore facienda, per quam minor servum amissurus erat. Hoc casu speciali ætas 17 annorum requiritur. Deinde, in d. l. 12. non agitur de procuratore, sed defensore. Denique, minor legitimam quidem non habet proprio nomine personam standi, sed recte alterius nomine, cujus periculo omnia facit. d. l. 23.

Ne liceat potentioribus, &c. Tit. 14.

Lib. 2. Cod.

Suntne & alii qui dari non possunt?

Placuit in specie, potentiores ob dignitatem repelli à procurando, ne jus tenuiorum opprimatur per potentiam patronorum. l. 1. C. h.

Quid, si actiones in potentiores sint translatae?

Is, qui transtulit, jactura debiti mulctatur, & potentior pœna arbitraria punitur. l. 2. C. h.

De his, qui potentior. nom. tit. præd. Tit. 15.

Lib. 2. Cod.

Quid, si quis nomina potentiorum titulosque prædii litigiosis affigat, vel nomina eorum in litem prætendat?

Potentior, qui consensum præbuit, per sententiam fit infamis; & qui affixerit, amittit causam; & si ea sit injusta, permixtis plumbo flagellis cæsus suppliciis metallorum deputatur. Lunic. C. h.

Ut nemo privat. tit. præd. vel vela regia
suspend. Tit. 16. Lib. 2. Cod.

*Quid, si quis suis vel alienis prædiis titulos imperatoris
imponat, aut vela Regia suspendat?*

Amittit rem vel jus suum, idque fisco cedit. *l. 1. C. h.*
& qui alienis imposuit, si plebejus sit, ultimo supplicio
afficitur: si nobilior, uti clarissimus &c. deportatur,
& servus fit: data cuilibet licentia titulos & vela tol-
lendi & frangendi. *l. 2. C. h.*

Ut nemini liceat sine judic. Tit. 17.
Lib. 2. Cod.

Licetne & signa sua rebus alienis imponere?

Non: eaque, quæ imposita sunt, licet cuilibet impu-
ne amovere, etsi etiam suas vel obligatas sibi res esse
signans dicat. *l. 1. 2. C. h.*

Ne fiscus vel respubl. procur. Tit. 18.
Lib. 2. Cod.

*Potestne fiscus vel respublica procuracionem alieni patro-
cinii causa in lite præstare?*

Nullomodo: ne quidem sub prætextu æris alieni.
l. 1. & 3. C. h. aut cessionis, aut donationis. *l. 2. & ult. C.*
h. Cavendum enim serio, ne inde injuriarum nascatur
occasio, unde jura nascuntur.

De causis, ad quas Procuratores dantur.

In quibus causis datur Procurator?

Tam civilibus quam criminalibus. Civilibus indi-
stincte, nisi lex obstat; ut in actibus legitimis, & simili-
bus. In criminalibus autem non aliter, quam si absentia
causa allegetur. *l. pen. §. 1. ff. de public. judic.* vel pœna
sit infra relegationem. *l. unic. ff. an per al. caus. appellat.*
aut sit causa, ex qua absens potest condemnari. *l. 33. §.*
2. ff. h. l. §. ff. de pœnis. In popularibus vero sequi opor-
tet responsum. *l. 42. ff. h.*

Estne

Estne distinguendum, utrum ad unam vel ad plures causas Procurator detur?

Nequaquam. *l. 1. §. 1. ff. b. Constituimus enim nonnunquam procuratorem in genere ad omnes causas, nonnunquam limitate ad certas.*

De modo, quo constituitur Procurator.

Quomodo constituitur Procurator?

Solo consensu. *l. 1. pr. ff. mandat.* Consensus autem vel expresse, vel tacite intervenit. Expresse, si expressa sit conventio. Tacite, si præsens dominus patiatur aliquid ab altero fieri, & non contradicat. *l. 6. §. 2. l. 18. ff. mandat.* vel, cum quis alteri tradit instrumenta ad causam pertinentia. Verum, ex temporis diuturnitate nullum mandatum præsumitur.

Quæ clausula solent adjici mandato procuratorio?

De indemnitate, ratihabitione, potestate substituendi, de hypotheca bonorum. sed hæc ad substantiam rei non pertinent.

Quomodo Procurator constituitur in rem suam?

Cum alicui actio ceditur cum omni ejus commodo. Id fit aliquando ex necessitate, aliquando ex voluntate.

Estne quid singulare in hac cessione?

Constitutum est *l. 22. & 23. C. mandat.* quod, qui actionem, vel in totum titulo emtionis, vel ex parte titulo emtionis, ex parte donationis, consecutus est, non possit plus consequi ab illo, contra quem cessio est facta, quam ipse revera persolvit. *Dd. Ll.*

Habetne hoc locum in omnibus actionibus?

Nequaquam. Nam cessat 1. Cum coheredes in divisione hereditatis sibi invicem cedunt actiones. 2. Si creditori nomen sit datum in solutum. 3. Cum quis possessionis suæ tuendæ causa recepit cessionem. 4. Cum cessio est facta inter legatarios sive fidei-commissarios. *d. l. 22. §. Cum actiones indubitatae sunt. d. l. 22.*

De officio Procuratoris.

Quid est officium Procuratoris?

Diligenter custodire fines mandati. *l. 10. C. b.* Et, si generaliter ad totam causam sit constitutus, potest actionem

nem proponere, adversus eam excipere, in causa concludere, sententiam audire, & ab ea appellare: imo, si non appellaverit, tenebitur domino. *l. 17. C. h. Generatim omnia faciet, quæ diligentissimus paterfamilias faceret. l. 13. l. 21. C. mandati. Debet & accipere iudicium cum ad litem suscipiendam est datus. l. 8. §. 3. ff. h. Pariter, qui ad petitorium iudicium est datus, simul ad præparatoria ac possessoria esse datus videtur. l. 56. 62. ff. h. Et, qui in duplicibus est constitutus ad agendum, simul ad defendendum mandatum habere intelligitur. l. 15. §. 1. D. h. l. pluribus 32. D. h.*

Debetne Procurator cavere?

Si dubitetur de mandato, præstanda est ab ipso cautio de rato. *l. 1. C. h.*

Quid, si non recte Procurator egerit?

Negligentia ejus siue dolus nocet domino quoad adversarium: at potest actione mandati à domino conveniri, ut præstet, quod domino abest. *l. 10. C. h. Ex contumacia autem oritur actio adversus ipsum procuratorem, non dominum. l. un. §. 2. ff. si quis jus dicent. non obtemp. scil. si sit res magni præjudicii. aliàs, in rebus minimi præjudicii, oberit contumacia Domino.*

De actione, quæ Procuratori & Domino competit.

Quæ actio datur procuratori & adversus eum?

Mandati. Directa Domino adversus procuratorem, ut præstet, quicquid ex causa mandati abest Domino. *d. l. 10. Contraria Procuratori, qua recuperat litis expensas, si quas solvit, vel sese obligavit, licet finem non imposuerit negotio. l. 46. §. 4. §. 6. D. h. Imo quoque salaria promissa vel ordinario debita, petit mandati actione Procurator. l. 1. C. mand. modo sint certæ pollicitationis. l. 17. C. l. 56. §. 3. D. mandat.*

De modis, quibus finitur officium Procuratoris.

Quibus modis finitur officium Procuratoris?

Aliquando ex facto Procuratoris vel Domini: aliquando sine facto alterutrius, ex causa extrinseca.

Quo-

Renunciatione mandati, re integra. §. 11. *Inst. de mandat.* Imo & re non integra, ex justa causa: veluti ob capitales inimicitias inter Dominum & Procuratorem ortas. *l. 8. §. fin. l. 9. & seqq. D. h.*

Quomodo ex facto Domini?

Per revocationem, quæ potest fieri ante litem contestatam, sine ulla causa. At, post litem contestatam, desiderat cognitionem causæ *l. 16. & seqq. D. h.* veluti, si procurator sit in vinculis, latiter, peregrinetur, affinitate adversario jungatur, &c.

Potestne mandatum Procuratoris in rem suam datum revocari?

Nequaquam: Is enim loco domini absolute est. Interim potest cedens, priusquam debitori sit cessio insinuata, vel debitor litem sit contestatus, vel partem solverit, recipere debitum cessum, & debitorem liberare. *l. 3. C. de novat.* Sed tenetur, quod exegit, restituere.

Quid ergo, si concurrat Procurator in rem suam cum Domino, & ambo agant? uter preferetur?

Procurator. *l. 28. §. 5. ff. h. l. 18. ff. de pign. act.* Si enim, qui simpliciter denunciat, excludat dominum. *l. 3. C. de novat.* cur non & is, qui simul agit?

Quomodo sine facto finitur officium Procuratoris?

1. Morte alterutrius, nisi ignoraverit mandatarius, ante litem contestatam, dominum decessisse. §. 10. *Inst. de mand. l. 26. ff. eod.* vel mandatarius litem sit contestatus ante obitum. *l. 23. C. h.* At solent heredes post obitum domini citari ad causam reassumendam. 2. Lite plene finita, hoc est, lata sententia definitiva.

Si Procurator fuerit condemnatus, mandaturne contra eum sententia executioni?

Nequaquam. *l. 4. ff. de Re jud. l. 61. ff. h.* Nisi sit in rem suam Procurator, aut se obrulerit. sc. cum sciret non esse cautum. *d. l. 61.*

Possuntne & aliqui alieno nomine intervenire & agere sine mandato?

Possunt; uti liberi, parentes, fratres, affines. *l. 33. ff. h. litis consortes. l. 2. C. de lit. consort.* modo præstetur cautio de rato. *l. 1. C. h. d. l. 2. C. de lit. consort.* & lis sit ante ordinata. *d. l. 2.*

hoc dicitur ad lit. consort. sed lib. si mandator sit ante ordinata possunt. De

De Defensoribus.

Qui sunt Defensores ?

Sunt in genere, qui alienam causam quovis modo defendunt : In specie autem, qui iudicium rei nomine suscipiunt, sive ex necessitate, sive ex voluntate.

Suntne ergo defensores alii necessarii, alii voluntarii ?

Sunt. necessarios appellamus, qui alieno nomine litem instituunt, sive sint procuratores in specie. l. 33. §. 3. & seqq. sive sine mandato, ut conjunctæ personæ sive consortes, agant. l. 35. pr. h.

Quid juris in Procuratore in rem suam ?

Si is utili actione experietur, non cogitur defendere cedentem, nisi in fraudem eorum, qui invicem agere vellent, cessio sit facta. l. 34. ff. h. quia non agit ex persona domini, sed proprio nomine. Directam vero intentans tenetur defendere in reconventionem, si nulla necessitate cogente cessio sit facta. l. 33. in fin. ff. h. Equum enim est, eum, qui alterius nomine ut Procurator experietur, defensionem ejusdem suscipere. d. l. 33. §. pen. Si autem ex necessitate sit cessio facta, sive utili sive directa agat, non defendet. d. l. 33. in fin. Convenit quippe subvenire hominibus in iis, quæ facienda sunt necessario. arg. l. 7. §. 1. l. 8. 4. ff. qui satisd. cog. l. 14. ff. de fidejuss. l. 3 ff. de separat.

Cessatne aliquando hæc regula : Procurator tenetur defendere ?

Cessat 1. In populari actione. l. 43. §. 2. ff. h. quia, licet alieno nomine agat, justamen suum magis persequitur. 2. Si pater nomine filii, vel maritus uxoris nomine injuriarum agat : quia magis propriam injuriam vendicant, quam alterius. arg. l. 39. §. 4. ff. 3. Si quis ab actione desistat. l. 35. in fine. ff. h. quia poena non defendentis est, ut actiones denegentur. l. 43. §. 4. ff. h. l. 5. C. h.

Qui sunt voluntarii ?

Qui ultro defensionem alterius litis in se recipiunt, & pro aliis interveniunt. Horum vero causa alia est, quam necessariorum. Necessarii enim, qui in rem alienam constituti alieno nomine agunt, ad quamlibet reconventionem tenentur respondere. l. 35. §. 2. l. 37. pr. l. 39.

l. 39. ff. h. Voluntarii autem non ulterius quam suscipiunt. l. 46. §. 1. ff. h.

Quomodo debet fieri defensio?

Boii viri arbitratu. *l. pen. ff. h. & ideo non potest videri defendere, qui actorem frustrando efficit, ne lis ad exitum perducatur. l. fin. ff. h.*

Annon & debet cavere?

Omnino: nemo enim defensor est idoneus sine satisfactione. *l. 46. §. 2. ff. h. Cavere vero debet iudicatum solvi. l. non videtur 53. ff. h. Desideratur & cautio de rato, si agens sine mandato reconveniat actione reali. l. 40. §. 2. ff. h.*

Contra quem datur actio iudicati?

Non contra dominum, sed defensorem, qui sese obtulit defensionem. *l. 4. ff. de re iudicata. l. 61. ff. hic. Procurator vero non convenitur. Dd. Ll.*

Tit. 4. Quod quisque universitat. nomine.

Potestne & dari nomine universitatis Procurator?

Potest omnino: modo sit universitas concessa Legibus vel S Consultis. *l. 1. pr. ff. h. & hic procurator appellatur Syndicus.*

Quis est Syndicus?

Procurator universitatis, qui causas & lites universitatis in iudicio persequitur; distinguitur ab actore in specie sic accepto, quod actor sit Procurator specialis ad unam causam constitutus. sæpe autem hæc vocabula confunduntur.

Qui constituunt Syndicum?

1. Lex vel consuetudo. *l. 1. ff. h. ut puta, si major natus, aut alius aliquis certus ex familia ad hoc vocatur. 2. Ipsa universitas, (cum lex vel consuetudo deficit) rota, vel ejus potissima pars; imo etiam duæ ejus tertiæ partes. l. 3. 4. ff. h. modo sint omnes legitime vocati. arg. l. 2. Cod. de decurionib. lib. 10. l. fin. C. de author. præstand. Non autem necesse est nomina omnium exprimi, nisi agatur de re universitatis alienanda. l. fin. C. de vendendis rebus civitat. lib. 11. 3. Ordo decurionum, hoc est, magistratus. *l. 3. 4. 6. ff. hic. inter quos duas partes adfuisse sufficit, & etiã numerabitur, qui electus est. d. l. 4.**

Atqui Iudex non potest officium impertire nisi rogatus. l. 4. §. 8. ff. de damno infecto.

Quoties causa coram eo disceptatur, si non in specie, saltem in genere rogatur.

Tit. 2. De his, qui notantur infamia.

Tit. 12. Lib. 2. Cod.

Quid est infamia?

Est boni nominis sive existimationis læsio vel imminutio. l. 5. §. 3. ff. de variis & extraord.

Quomodo distinguitur?

Est vel juris, vel facti. Juris est, quam lex ob turpem causam irrogat: Facti, cum fama apud graves & honestos viros oneratur.

Quot modis irrogatur infamia juris?

Duobus: vel ipso jure, cum lex ipsam turpitudinem delicti ob solum factum, non expectata sententia, notat: vel per sententiam, cum non aliter quis fit infamis, quam per condemnationem.

Quibus casibus infertur ipso jure?

Sunt varii. Vti si quis ab exercitu ignominia causa mittatur. l. 1. l. 2. pr. & §. 1. 2. 4. ff. hic. Si artis ludicrae pronunciandive causa in scenam prodierit. l. 1. l. 2. §. 5. l. 3. 4. ff. hic. Si quis lenocinium fecerit. d. l. 1. d. l. 4. §. 2. Si in adulterio fœmina sit deprehensa. l. 43. §. pen. ff. de rit. nupt. Quod non est receptum in viro, quia in eo non est tantum periculum de suppositione partus. Similiter infertur ipso jure secundum jus civile, non canonicum. c. pen. & fin. x. de secund. nupt. non tantum mulieri, quæ intra annum luctus nupsit; sed & patri, qui sciens filiam, quam in potestate habet, intra annum luctus in matrimonium collocavit, & ei, qui sciens talem duxit, vel duci est passus à filio suo, quem in potestate habet. d. l. 1. l. 8. 9. 10. 11. 12. 13. pr. ff. h. nec non ei, qui bina sponsalia binasve nuptias eodem tempore habuit. d. l. 1. 13. §. 1. 2. 3. 4. ff. h. Ipso jure enim est infamis, qui transegit de privatis delictis, furti, rapinae, vel injuriarum dato pretio. d. l. 1. §. 5. l. 4. §. 5. l. 5. l. 6. §. 3. ff. 4. Et qui certo improbum fœnus exercet. l. 20. C.

hic.

atone
n effe
. l. 5.
à de-

illegible

5. ff. h.

et ma-
derepe-
toresta-
l'animo

le obl. ex

interest,
rationem
entur, si
od eo no-

gesserit.
l. 3. §. 9
culpan

7. 1. 20. C. 2304 h.
li sele ob-
sit reus.

percipie-
uras. l. 19.
erit nego-
exponere.
l. 13.

7.130

Przechodząc więc z domu do domu
non plene infans non est
fames per te facta sit

*Potestne pater filium, vel filius patrem, vel frater fratrem
suffragio eligere?*

Non est dubitandum: quia quasi decurio vel membrum universitatis, & non ut domestica persona suffragatur. l. 5. & 6 ff. h.

Quis potest eligi?

Et qui membrum universitatis, & etiam alius: modo sit aliàs idoneus & habilis. arg. l. 1. §. 2. & 3. ff. hic.

Quis prohibetur esse Syndicus?

Qui procurator esse nequit. Filiusfamilias vero uti Procurator esse potest, ita etiam Syndicus. l. 6. in fin. ff. h.

Ad quas causas dari potest Syndicus?

Ad omnes causas, etiam ad futuras: imo non tantum ad civiles, sed & criminales.

Qua est potestas electi Syndici?

Habet eandem potestatem circa res universitatis, quam Procurator circa res privatorum. Fit dominus litis. l. 6. §. fin. Cogitur defendere. d. §. fin. Et, si de decreto dubitetur, debet cavere de rato. d. §. fin.

Quomodo finitur Syndici officium?

Eodem fere modo, quo procuratoris. d. §. fin.

Tit. 5. de Negotiis gestis. Tit. 19. Lib. 2. Cod.

Qui sunt negotiorum gestores?

In specie, qui sine mandato, vel ex mandato invalido negotia alterius gerunt; at in genere omnes, qui curam rerum alienarum habent.

*Cum in specie accipiuntur, annon tunc illi sunt tantum
qui negotia absentium gerunt?*

Non tantum illi, sed & qui præsentium: modo præsentes ignorent geri. Si enim præsens in negotio, & sciens sua administrari, non contradixerit, videtur mandasse. l. 18. ff. mandati.

Quomodo distinguitur negotiorum gestor à defensore?

In specie Defensor tantum ad litem pertinet. Negotiorum autem gestor, & ad litem & ad extrajudicialia.

Quis potest gerere?

Non tantum masculi, sed & foeminae. l. 3. §. 1. l. 31. ff. h. sc. extra iudicium: defendere enim in iudicio mulier non potest. l. 54. ff. l. 18. C. de procurat. potest etiam ge-

gerere pupillus; verum, non ulterius tenetur, quam qua
locupletior est factus. *d. l. 3. §. 4.*

Cujus negotia geruntur?

Semper alterius, etiam furiosi: non autem à-curatore
ejus officii ratione. sic alterius negotium gestum esse
dicitur, si quis pro altero non mandante fidejusserit. *l. 5.*
ff. h. vel creditoribus alterius solverit. l. 43. ff. h. vel à de-
bitoribus alterius quid exegerit. l. 45. §. fin. ff. hic.

Quid negotia hic proprie significant?

Quicquid omnino agitur, quale quale fuerit; ita ge-
rere, quolibet modo est administrare.

Quomodo dicuntur geri negotia?

Aliquando ex necessitate rerum. *l. 3. §. 9. 10. ff. h.*
aliquando voluntario.

Præsumiturne semper animus repetendi?

Sic videtur: Nemo enim suum facile jactat, & ma-
gis, qui rationes confecerit, aut protestatus sit de repe-
tendo. *arg. l. 34. ff. h. & sane, tutius omnino est protesta-*
ri de repetendis expensis, ne post obijciatur, quod animo
pietatis fuerint factæ. l. 11. 14. 15. C. h. t.

Quam actionem producit gestio negotiorum?

Datur directa, nec non contraria. *§. 1. Inst. de obl. ex*
quas. cont.

Quibus datur directa?

Non tantum dominis, sed & aliis, quorum interest,
licet non sint domini, adversus gestores, ut rationem
reddant suæ gestionis. *l. 8. C. h. & condemnentur, si*
quid non ut oportuit, gesserint vel præstent, quod eo no-
mine abest aut absfuturum est. l. 2. ff. h. c.

Quam culpam præstare debet gestor?

Siquidem ex necessitate vel ejus suspitione gesserit,
tantum dolum, vel pro re nata levem culpam. *l. 3. §. 9.*
10. ff. h. Si citra necessitatem rerum urgentem, culpam
levissimam. §. 1. Inst. de obl. qua ex q. contr. l. 17. l. 20. C. l. 34 h.
hic. Interim de casu fortuito non tenetur, nisi sese ob-
trinxerit, vel culpæ, ex qua casus securus est, sit reus.

Quid juris circa fructus & usuras?

Tenetur restituere fructus, quos percepit & percipe-
re potuit, nec tantum sortem, verum etiam usuras. *l. 19.*
§. 4. l. 37. §. 1. ff. hic. l. 24. C. de usuris. nisi gesserit nego-
tia ejus, qui non solitus est pecunias fœnori exponere.

Cui datur hæc actio?

Non illi, qui dedit pecuniam: quia ipse turpiter fecit; sed ei, propter quem quid datum est. *l. 3. §. 3. ff. hic.* Hæredi autem non competit, nec in hæredem: nisi qua pervenit. *l. 4. §. ff. hic.* Turpia enim lucra hæredibus sunt extorquenda. *d. l. 5. ff. hic.*

Annon & aliter solet puniri calumniator?

Pro modo delicti pœna arbitraria ei irrogatur. *l. pen. ff. h. &*, qui ex hac causa condemnatus est, fit infamis. *l. 1. ff. de his qui not. infam.*

P A N D E C T A R U M

L I B E R I V.

Tit. 1. De Restitutionibus in integrum.

Quid est restitutio in integrum?

Nihil aliud, quam extraordinarium remedium, quo res vel causa, in qua quis læsus est, reducitur in priorem statum, in quo ante læsionem fuit. *l. 2. §. 4. ff. de his qui in loc. publ.*

Quid requiritur, ut restitutio detur?

1. Ut coram illo, qui eam concedendi habet potestatem, proponatur. 2. Is petat, qui petere potest. 3. Ut sit justa causa restituendi. 4. Ut legitimo modo petatur restitutio.

Ubi, & apud quem cognitio in integ. rest. sit agitanda. Tit. 47. Lib 2. Cod.

Coram quo magistratu agitanda restitutio in integrum?

Coram omni ordinario; imo & delegato. *L. fin. C. h.* modo is, contra quem agitur, sit subditus. *l. 2. C. h.* vel in loco domicilii in qualibet actione personali, aut reali; vel ratione rei sitæ, in actione reali. *arg. l. 3. C. ubi in rem. act. exerc. debeat.* Coram arbitris, iisque, quibus nulla est jurisdictio, hoc remedium intentari non potest. *d. l. fin.*

Potestne inferior magistratus contra superiorem restituere?

Nulla modo, sed recte quilibet restituit adversus suam.

suam & prædecessoris sententiam. l. 187. junct. l. 16. §. ult. l. 42. ff. de minor.

Quid, si Princeps sententiam dixerit?

Non restituit alius præter Principem. d. l. 18. §. 1. & seqq.

Sed, quo fundamento restituit quis contra suam vel prædecessoris sententiam, cum nemo possit suam corrigere. l. 55. ff. de re judic. imo nec liceat post sententiam recurrere ad eundem Iudicem. l. 6. C. de appellat. & successor non debeat plus tribui, quam prædecessor habuit. arg. l. 177. ff. de R. I.

Distingui debet inter correctionem sententiæ, appellationem, & restitutionem. Corrigere nemo potest. d. l. 55. nec suam, nec prædecessoris sententiam; sed recte quis contra eam restituit. quia, qui corrigit, errorem proprium agnoscit: qui restituit, veniam dat errori partium, vel occurrit circumventioni ab alio factæ.

Etiam per Procuratorem, &c. Tit. 49.
Lib. 2. Cod.

Debetne necessario per ipsum, qui laesus est, restitutio peti?

Nulla modo: potest enim hæc causa agi etiam per procuratorem. l. unic. Cod. h. Non autem sufficit generale mandatum. l. 25. in fin. l. 26. ff. de minor. verum desideratur speciale. l. illud. 25. §. 1.

Quid, si sit conjuncta persona, quæ sine mandato possit agere. l. 35. ff. de procurat.?

Æque non potest petere restitutionem: quia est remedium extraordinarium.

In integrum restitutione postulata ne quid novi fiat. Tit. 50. Lib. 2. Cod.

Postulata in integrum restitutione, debetne interim adversus eum, qui postulat eam, executio fieri?

Nihil innovandum est pendente restitutione. l. unic. C. hic. Cæterum, si circumstantia aliud suadeat, executio fieri poterit arbitrio Iudicis. cap. suscitata x. hic.

De

De Temporibus in integrum restitutionis.

Tit. 53. Lib. 2. Cod.

Quod tempus restitutionibus indulgetur?

Regulariter quadriennium continuum ad petendam & impetrandam restitutionem. *l. ult. C. hic.* Nisi in specie contrarium statutum sit: ut fit in actione de dolo, cui biennium est constitutum. *l. ult. C. de dolo.*

Quando incipit currere tempus?

In minoribus à primo die 26 anni usque ad extremum diem 29 anni. *d. l. ult. §. ul.* quod tempus computatur de momento in momentum, adeo, ut si quis bissexto natus sit, etiam intercalaris numerari debeat. *l. 3. §. 3. ff. de minoribus.*

Quid, si minor veniam ætatis impetrauerit?

Currere incipit quadriennium à die, quo venia competenti iudici est intimata. *l. 5. C. h.* sic tamen, ut nunquam, quamdiu minor 25 annis sit qui veniam impetravit, beneficium restitutionis denegetur. *d. l. 5.*

Quando currit tempus majori ob militiam vel absentiam reipubl. causa?

Ex die, quo missus est miles, vel ex quo abesse desit. *d. l. ult. §. fin.*

Quid, si concurrat ætas cum absentia?

Utriusque causæ ratio est habenda, & assumi debet quod utilius est. *l. 1. 2. 3. C. hic.*

Quid juris in hæredibus?

Ipsis quoque datur restitutio. *l. 6. ff. de in integr. restitut.* juxta hæc regulas. 1. Si minor minori successerit, hæres ex sua, non defuncti persona restituetur; itaque ipsi post 25 suæ ætatis annum datur quadriennium. *l. 2. l. 5. §. 4. C. h.* 2. Si minor majori successerit, nondum completo quadriennio, dabitur id tempus, quod defuncto supererat. *d. l. 5. §. 2. l. 19. §. 1. ff. de minoribus.* 3. Si major minori successerit, statim ab adita hæreditate datur hæredi quadriennium. *l. 4. d. l. 5. C. h.* 4. Si major majori successit, tantum dabitur temporis, quantum defuncto supererat. *arg. d. l. 5.*

Debetne intra quadriennium peragi in totum restitutio?

Ita constitutum est. *d. l. ult.* adeo ut hic non valeat

regula , quod per litiscontestationem perpetuentur actiones temporales. *l. 58. D. de O. & A. l. 139. D. de R. I.* Sed hoc procedit , si non steterit per adversarium vel Iudicem, sive testes, vel per aliam iustam causam id impediatur. *l. 6. C. hic. arg. l. 39. D. de min. Clem. un. hic.*

Tit. 2. Quod metus causa &c. Tit. 20.

Lib. 2. Cod.

Ex quibus causis solet peti restitutio?

Eæ sunt variæ. Generalis est , quoties æquitas evidens postulat. *l. 7. D. de restitut. in int. &* , si qua Prætori iusta causa videbitur. *l. 1. D. ex quib. causis. major.* Speciales sunt, metus, dolus , atrox , minor , itatus mutatio , absentia , vel alia necessitas , sive iustus error , alienatio iudicii mutandi causa. *l. 1. 2. 3. D. de restit. in integr.* In omnibus vero tenendum, quod iustitia causæ rite debeat examinari. *d. l. 3. D. de restitut.* ac deinde, ne propter rem minimam, si majori præjudicetur, restitutio permittatur. *l. 4. D. eod.*

Quid est metus?

Timor majoris malitatis. *l. 5. D. hic.* vel mali appropinquantis imaginatio.

Quomodo distinguitur?

Est alius verus, alius præsumptus. De vero hic agitur.

Quid est vis?

Majoris rei impetus, qui repelli non potest. *l. 2. D. hic.*

Qualem vim hic intelligimus?

Nullam aliam, quam compulsivam, per quam imponitur necessitas quid faciendi , quod aliter non fieret. Itaque turbativa sive inquietativa huc non pertinet, sed ad interdicta retinendæ possessionis. Expulsiva ad interdictum unde vi. Ablativa vindicatur actione vi bonorum raptor. Offensiva vindicatur iudicio de vi, vel L. Corn. de sicar. vel occurritur ei cautione de non offendendo. Repulsiva , qua violentia illata repellitur , nulla pœna coercetur.

Quid continetur hoc edicto?

Vt rescindatur, quod per metum est gestum. *l. 1. & t. t. h.*

Quis metus sufficit?

Tantum præsens. *l. 9. D. h.* atrox, & qui cadere possit in constantissimum virum. *l. 6. D. h.*

Quid,

Quid, si ex reverentiali metu quis fuerit coactus, veluti filius à patre, uxor à marito?

Non facile dabitur restitutio, nisi quid aliud concurrat. arg. l. 22. D. de nupt.

Quid statuendum de minis?

Præstare is, qui minatus est, debet cautionem de non offendendo: Et ad arbitrium Iudicis referetur, utrum restitutio sit facienda. Debet enim distinguere inter personas, res, & qualitates earum. facilius enim mulieri vel viro imbelli, quam militi succurritur. Facilius quis restituitur ob minas capitales, quam eas, quæ sunt minoris momenti.

Quid, si quid ex metu diffamationis sit gestum?

Si sola sit jactatio de diffamando, non sufficit. l. 7. D. hic. Verum, si quis vi compulsus ad peccatum, ex quo infamia sequitur, aliud gesserit, ut peccatum illud declinaret, erit edicto locus. l. 8. §. 2. D. hoc. tit.

Qualis est hac actio?

Est actio in rem scripta. l. 9. §. fin. D. hic. personalis alias sua natura. d. l. 9. §. fin. arbitraria. l. 14. §. 4. D. hic. §. 31. Instit. de actionib.

Quibus datur?

Omnibus læsis ex metu, & eorum hæredibus. l. 3. C. h. Imo & illis, qui in aliquo deprehensi sunt delicto, & coacti per metum quid dederint. l. 7. in fin. D. hic.

Contra quos datur?

Contra omnes, qui metum intulerunt: sive sint privatae, sive publicæ personæ. l. 3. §. 1. l. 9. §. 1. D. hic. Etiam contra illos, qui rem possident, licet non deliquerint. l. 9. §. 1. & seqq. D. h.

Daturne & contra hæredes?

Non, nisi quid pervenit. l. 16. §. 2. in fin. D. hic. Quod enim turpiter & scelere quæsitum est, ad hæredem transmitti non debet. d. §. 2. Sufficitque semel pervenisse ad hæredem proximum, licet postea consumptum, & ad hæredem secundum nihil translatum. l. 17. D. hic.

Quid, si plures metum adhibuerint?

Si unus sit conventus, siquidem sponte rem ante sententiam restituerit, omnes liberabuntur; sed, etsi id non fecerit, & ex sententia quadruplum restituerit, & sic perimitur actio adversus reliquos. d. l. 14. §. fin. aut datur

datur in ceteros actio, quo minus ab ipso exactum.
l. 15. D. h.

Quid si quis rem suam vel sibi debitam per vim abstulerit?

Qui per violentiam abstulit, vel contra prohibitionem, si dominus sit, dominio excidit: si creditor sit, jus crediti amittit. l. 13. D. hic. l. 7. C. unde vi. §. 1. instituitur. de vi bonor. raptor.

Quid obtinetur per actionem ex hoc edicto?

Si reus ad interlocutionem judicis non restituat intra annum vocatus, condemnatur in quadruplum, cui inest rei persecutio. d. l. 14. §. 1. ff. hic. post annum vero condemnatio fit in simplum. l. 4. C. h.

Quid quadruplabitur?

Non tantum ipsa res, sed omnis rei causa, hoc est, fructus. d. l. 14. §. 7. & aliae accessiones.

Debetne possessor, qui vim non intulit, in quadruplum condemnari?

Debet: nec enim hoc iniquum est; quia non in quadruplum statim condemnari potest, sed tunc demum, si res non restituatur. l. 9. §. fin. l. 14. §. 3. ff. h. Itaque non videtur tam ob vim puniri, quam ob contumaciam suam.

Quomodo actio in simplum post annum datur?

Non aliter, quam causa cognita, cum alia actio non est. d. l. 14. §. 1. & 2.

Is, qui per metum coactus vendidit, debetne re-

stituere pretium?

Non est dubitandum. l. 3. & 4. C. h. nisi per vim officii sive impressionem venditio sit extorta. l. 11. C. h. Talis enim venditor non restituet pretium, quod accepit ab eo, qui impressionem fecit, ac aequè rem recuperabit. d. l. 11. C. h.

Tit. 3. De dolo malo. Tit. 21. Lib. 2. Cod.

Quid est dolus?

Dolus, vel bonus est, vel malus. Bonus, est solertia, maxime si adversus hostem vel latronem quis quid machinetur. In hoc nulla est vera malicia. l. 1. §. 3. ff. h. Malus, est calliditas, fallacia, machinatio ad decipiendum alterum adhibita. d. l. 1. §. 2. De hoc agitur hoc edicto.

Quae est summa edicti?

Quae dolo malo facta esse dicentur, si de his rebus
alia

alia actio non erit, & iusta causa esse videbitur, iudicium dabo. *l. 1. ff. h.*

Quomodo distinguitur dolus?

Est alius verus, alius præsumptus. Verus consistit in proposito fallendi; præsumptus, est ex lata culpa. *l. 226. ff. de V. S. l. 32. ff. de pos. Est & præsumptus, si quis in re illicita versetur. l. 41. ff. ad. Leg. Falcidiam.*

Annon aliter distinguitur dolus?

Est alius ex persona, qualis *hoc tit.* describitur: alius ex re, cum quidem nullum est propositum fallendi, sed ex facto latio infertur; uti si quis sit deceptus ultra dimidium in pretio. *l. 2. C. de resc. vendit. juncta l. 36. D. de verbor. Oblig.*

Annon in specie distinguitur dolus malus?

Est alius causam contractui dans, cum quis inducitur dolose ad contrahendum, qui alias non contraxisset: vel est incidens, cum quis non est dolo inductus ad contrahendum, sed circa contractum est dolo circumventus, uti si in contractu emptionis quis sit deceptus in pretio vel alio modo.

Quis est usus hujus distinctionis?

Dolus contractui bonæ fidei dans causam, reddit contractum ipso jure nullum. *l. 7. D. h. l. 3. D. pro socio.* Causam vero dans contractui stricti juris, vel in eum incidens, contractum non reddit nullum; sed vindicatur actione vel exceptione de dolo. *l. 5. C. de inutil. stipulat. d. l. 7. pr. & §. non solum. D. h.* Dolus autem incidens in contractum bonæ fidei, corrigitur per actionem ex contractu in id quod interest, vel per exceptionem doli. *d. l. 7.*

Quibus datur actio de dolo?

Omnibus latis. *l. 7. pr. h.* siue jus suum perdiderunt, aut aliter damnum sunt passi.

Contra quos datur?

Contra eos, qui dolum commiserunt, & ad quos ex dolo quid pervenit. *l. 15 pr. & §. 2. D. h.*

Estne exceptio in personis, quibus & contra quas non datur?

Primo, non datur liberis adversus parentes, cum sit famosa. 2. Non humilibus adversus eos qui dignitate excellunt. 3. Non luxurioso, vel prodigo, aut aliis vili, adversus hominem vitæ emendationis. *l. 12. §. 1. ff. h.*

Quid ergo de hisce personis dicendum?

Danda in factum actio verbis temperanda, ut bonæ fidei

fidei mentio fiat; hæredibus tamen harum personarum, ut & adversus hæredes de fraude sua, etiam actio de dolo danda est. *l. 11. §. 1. l. 12. l. 13. D. h.*

Quid, si plures dolum commiserint?

Vnus præstatione rei, vel quanti ea res est, reliquos liberat. *l. 17. D. h.*

Quid probandum est in hac actione?

1. Designari debet res, in qua dolo actor est circumscriptus. *l. 16. D. h.* 2. Designandum, cujus dolo malo quid factum. quamvis in metu hoc non sit necesse. *l. 15. §. 3. ff. h. l. 14. §. 3. D. quod met. caus.* quia in metu major est mentis trepidatio, quam in dolo. 3. Expendendum, annon alia actio dari possit: non enim competit hæc actio, si alia sit. *d. l. 1. §. 1. & 4.* quia famosa est & extraordinaria, nisi dubitetur, an aliqua actio competere possit, aut hæc concurrat cum æque famosa. *l. 7. §. 3. D. h. l. 14. §. 13. D. quod metus.* 4. Cogitandum, annon summa nimis sit modica, ut infra duos aureos. *l. 9. §. fin. l. 10. 11. ff. hic.*

Quid petitur præcipue hac actione?

Vt, quod dolo amissum est, restituatur arbitrio iudicis, &, nisi restituatur, condemnetur reus quanti interest: quod æstimandum est officio iudicis. *l. 18. pr. ff. hic.*

Estne hoc perpetuum, ut arbitrio Iudicis stetur?

Siquidem manifestum sit, rem restitui non posse, protinus condemnatur in id, quod interest. *d. l. 18.* quod etiam æstimatur iurejurando in litem, si per rei dolum res perierit. *l. 2. §. 1. l. 5. ff. de in litem jur.*

Quid, si deceptus non agat, potestne decipiens agere ad rescissionem?

Nulla modo: absurdum enim esset, quem ex sua turpitudine consequi actionem ad rescindendam. arg. *l. 13. §. 5. ff. de action. empr. l. 30. C. de transact.*

Quamdiu durat hac actio?

Ad biennium. *l. fin. C. hic.* & hoc singulare est in hac, quod, licet sit cœpta intra biennium, non tamen possit post biennium exerceri. *d. l. fin.*

Nullum ergo remedium superest post biennium?

Datur reo exceptio, quæ perpetua est. *l. 5. in fin. ff. de dol. mal. except.* Præterea competit actio decepto in factum rei persecutoria; non tantum contra decipien-

piem in solidum ; sed & contra hæredes , quatenus ad ipsos pervenit. *l. itaque 28. ff. h. quæ & perpetua est.*

Tit. 4. De Minoribus 25 annis.

De in integrum restitutione Minor. Tit. 22. Lib. 2. Cod.

Quibus subvenitur propter ætatem ?

Minoribus 25 annis , sive masculi sint , sive fœminæ, *l. 1. ff. h.*

Quæ debent probari ?

Duo : ætas , & læsio. *l. 4. & 5. C. hic.* Ætas probatur per obstetrices , vicinos , cognatos , imo & parentes , per eorum annotationes , per indices parochiales. Læsionem autem sic cognoscit Prætor , ne majori rei fiat præjudicium. *l. 24. §. 1. ff. h.* In læsione non tantum spectandum , an quid diminutum sit ex bonis , sed & ne vexentur minores litibus & sumptibus. *l. 6. h. ne etiam amittant lucrum. l. 7. §. 6. l. 44. ff. h.*

Desideraturne dolus adversarii ?

Nulla modo, *l. 5. C. h.* sed tantum læsio , si quid fecerint minores , vel prætermiserint , aut ignoraverint. *l. 8. C. h.*

Competitne hæc restitutio quibusvis minoribus ?

& quid , si sint Iuris Doctores ?

Dabitur etiam iis restitutio , si circa factum , non jus , læsi sint. *arg. l. 2. §. 43. ff. de Orig. jur. junct. l. 1. C. qui & advers. quor.*

Daturne restitutio hæredibus minorum ?

Datur : licet etiam hæredes sint maiores. *l. 18. §. fin. ff. hic. l. 6. C. h.*

De Filiofamilias minore. Tit. 23.

Lib. 2. Cod.

Potestne & minor filiusfam. restitui ?

Potest : modo ad patrem beneficium non porrigatur. *l. 3. §. 4. ff. h.* Si vero filiusfam. suo nomine fuerit obligatus valide , eo casu etiam pater eo invito potest agere ad restitutionem. *l. 27 ff. h.*

De

De Fidejussoribus minorum. Tit. 24.
Lib. 2. Cod.

Quid juris in Fidejussoribus minorum ?

Fidejussoribus non succurritur. *l. 13. ff. de minorib. l. 2. C. h.* nisi minores dolo fuerint capti. *l. 2. C. h.* vel nisi fidejussoribus possit subveniri sine damno creditoris, ut si æque actionem habeat salvam. *arg. l. 2. ff. de administ. tutor. l. 89. ff. de acquirend. hered. vel nisi fidejussores ignoraverint minorem esse. arg. l. si Titius 48. ff. de fidejuss. et c.*

Sed, quid proderit minoribus restitutio, si conveniri possint à fidejussoribus ?

Etiam minores restituentur adversus ipsos fidejussores. *d. l. 13. D. de minor.*

Cur magis fidejussoribus denegatur restitutio, quam heredibus ?

Quia fidejussores sibi debent imputare ; cum se obligent voluntario : heredes vero incidunt in hanc obligationem. *arg. l. 42. D. de R. I.*

Si Tutor vel Curator intervenerit. Tit. 25.
Lib. 2. Cod.

Quid, si Tutor vel Curator intervenerit ?

Æque restitutio competit ; sive in judicio, sive extra judicium negotium sit gestum. *l. 2. C. h.* Etiam in his, quæ ipsi tutores male gesserunt, licet personali actione minores suam consequi possint à curatoribus. *l. 3. C. h.*

Annon videtur hoc pugnare cum l. 16. D. de minor. ubi denegatur restitutio, quoties alia est actio ; at hic est actio tutelæ ?

Nequaquam. quia *d. l. 16.* habet locum, quando contra eundem alia actio competit : hoc autem casu diversa contra diversos dantur remedia ; sc. tutelæ adversus curatores, & restitutionis adversus alios. Et, si elegerit minor vel hoc vel illud remedium, æque restituetur adversus electionem. *l. fin. C. h.*

Si in communi eademque causa. Tit. 26.

Lib. 2. Cod.

Prodestne restitutio minoris etiam majoribus communem causam habentibus?

Nequaquam, cum beneficium sit personale. *l. un. C. h.* Sed hoc procedit, si causa divisionem admittat: nam si causa sit individua, etiam ad alios porrigetur restitutio. *arg. l. 10. ff. quemad. servit. amitt.*

Si adversus rem judicatam. Tit. 27.

Lib. 2. Cod.

Daturne restitutio adversus rem judicatam?

Datur, siue inferior magistratus, siue quis vice principis sententiam dixerit. *l. 3. C. h.* licet etiam curatores adstiterint, vel per procuratorem lis legitime fuerit ordinata. *l. pen. & fin. C. h.*

Quid, si sententia inciderit in tempus quo major est factus?

Cessabit restitutio. *l. 1. & 2. C. h.* nisi adversarius dolo fecerit, vel alia sit justa causa restituendi. *l. 3. §. 1. ff. de minor.*

Quid, si adversus sententiam pro patre suo adversus se latam minor velit restitui?

Audiendus est. *l. 2. C. h.* Nec in contrarium facit *l. ult. C. qui & adversus quos.* quia tunc restitutio adversus parentes non potest peti, cum de facto parentum instituitur querela. *d. l. fin.* secus, si quid allegetur de defensione non bene facta.

Si adversus venditionem. Tit. 28. Lib. 2. Cod.

Potestne minor restitui adversus suas vel curatorum venditiones?

Potest, modo venditiones sint validæ. Nam, si res immobilis, vel quæ servando servari potest, sit vendita, nulla est venditio. *l. 22. C. de administ. tutor.* ut non opus sit restitutione. *l. 16. ff. de minor.*

Quid

Quid, si minor contractum ita factum jurejurando corporaliter prestitum confirmaverit?

Non potest contra hoc juramentum venire. *l. 1. & auth. sacramenta. C. hic.*

An nullo modo datur restitutio post juramentum?

Dari debet, cum dolus vel metus intervenit. *d. auth. vel minores enormiter sunt læsi : quia & talis læsio in sedolum ex re habet. l. 36. ff. de V. O.*

Si adversus venditionem pignori. Tit. 29. Lib. 2. Cod.

Debetne subveniri minoribus adversus venditionem pignorum?

Si à patre vel extraneo, cui successerunt, oppignoratam rem creditor vendiderit, non dabitur minoribus restitutio, nisi creditor male fide sit versatus. *l. 2. C. hic.* vel etiam non observaverit solemnia quæ requiruntur. Eo enim ipso videtur esse suspectus. *arg. l. 2. C. si ex causa judicati. l. 1. C. de præd. minor.* Secus, si ipsi minores rem pignori dederunt, quia læsi tunc facilius succurritur. *l. 1. C. h.*

Si adversus donationem. Tit. 30. Lib. 2. Cod.

Daturne restitutio adversus donationem?

Datur, si minor ipse, si pater ejus, eo consentiente, quid donaverit valide. *l. 1. & 2. C. h.* Cessat autem, si sponsæ donatio si facta non immoderata, *d. l. 1. C. h.*

Si adversus libertatem. Tit. 31. Lib. 2. Cod.

Daturne restitutio minori adversus libertatem, quam contulit?

Non. *l. 4. C. h.* licet etiam dolo suo servus eam fuerit consecutus. *l. 2. C. h.*

Ergone ita minor damno afficietur?

Nequaquam. Minori enim succurritur, actione de dolo, vel in factum. *l. 2. l. 3. C. h. l. 7. ff. de dol. mal. l. 1. ff. de minor.*

Si

Si adversus transactionem vel divisionem.

Tit. 32. Lib. 2. Cod.

*Quomodo restituitur minor adversus transactionem
vel divisionem?*

Non tantum minor, sed & adversarius pristinis actionibus utetur, ac si nulla praeceisset transactio. l. 1. l. 2. C. h. l. 24. §. 4. ff. de minor.

At videtur pugnare l. 28. ff. de minor. qua minor, non autem tutor suo jure pristino uti docetur in restitutione.

Minime, quia alia est ratio tutelæ, alia transactionis vel divisionis. Ex administratione tutelæ duplex est judicium: directum, & contrarium, quorum unum alteri immediate non cohæret. At, in transactione & divisione judicium ab una parte, alteri, quod est ab adversa parte, plane cohæret, & ejusdem naturæ est.

Si adversus solutionem à tutore vel curatore fact. Tit. 33. Lib. 2. Cod.

Potestne minor restitui contra solutionem sibi factam?

Potest: & non tantum, si minori ipsi, sed & ejus curatori sit facta. l. 1. C. h. Ad quam rem desideratur causæ cognitio. d. l. 1. Non autem temere est concedenda, si curatori quis solverit. arg. l. 7. §. 2. ff. de minorib.

Quomodo ergo tuto potest solvi minori?

Ex præcepto vel sententia judicis. l. 25. C. de admin. tut. d. l. 7. §. 2. Quod enim iudice authore fit, juste fieri existimatur. l. 11. ff. de acq. vel am. poss.

Quid, si minor aliquid solverit, & velit restitui?

Audietur, licet etiam erraverit in jure. l. 2. C. h. l. pen. ff. de jur. & fact. ignor. vel de lucro tantum captando certet. l. 7. §. 6. l. 44. ff. de minor.

Si adversus dotem. Tit. 34. Lib. 2. Cod.

Potestne mulier minor adversus dotem, quam constituit, restitui?

Potest: Et non tantum ipsa mulier, si immodicam constituit, sed & heresejus. l. un. C. h. si læsa sit vel in dote

dote constituenda, vel rebus æstimandis, vel si pacto deteriore fecerit conditionem. *l. 9. §. 1. l. 48. l. fin. ff. de minorib.*

Si adversus delictum. Tit. 35. Lib. 2. Cod.

Daturne restitutio adversus delictum?

Nequaquam, si crimen sit atrocius, & pugnet cum jure naturæ: malorum enim mores infirmitas animi non excusat. *l. 1. C. h. & contra leges committens, indignus est earum beneficio. l. 37. in fin. D. de minorib.* Secus est, si civiliter quid sit prohibitum: tunc enim venia solet dari. *l. 2. C. h. l. 38. §. 2. D. ad L. Iul. de adult.* si dolus non interveniat. *l. 9. §. 5. D. de minorib.*

Quid, si minor sit confessus crimen?

Ipsi subvenietur, si non aliter de delicto constet. *l. 37. versic. dixi. D. de minor. l. 6. §. 5. D. de confess.*

Annon, si non detur restitutio in atrocioribus, debet fieri aliqua remissio?

Mitius agendum est: cum non tam ex malitia & constanti animo videtur esse commissum, quam ex ætatis lubrico. *d. l. 37. ff. de minor. junct. l. 11. D. de pæn.*

Si adversus usucapionem. Tit. 36. Lib. 2. Cod.

Daturne restitutio adversus usucapionem?

Minores non contra præscriptionem longi temporis. *l. fin. C. in quib. caus. rest. non est necess. sed longissimi.* sunt restituendi. *l. un. C. h.* Hæc, quæ longissimi est temporis, minoribus currit. *d. l. fin. l. 3. C. de præf. 30 vel 40 ann. non autem pupillis. d. l. 3.*

Si adversus Fiscum. Tit. 37. Lib. 2. Cod.

Daturne restitutio adversus fiscum?

Datur. *l. 1. C. h.* sed non aliter, quam causa cognita per procuratorem Cæsaris, præsentem Præsidi & Fisci patrono: cum in aliorum negotiis sufficiat præsidis solius cognitio. *l. 2. C. h.*

Quæ veniunt in causa cognitionem?

1. Annon nimis exiguo precio res minorum fuerint venditæ, vel ob proprium, vel parentum debitum. *l. 1. 3.*

l. 1. 3. C. h. 2. Annon quid per fraudem, aut contra solemnitatem sit factum. *d. l. 3.* Si itaque Fiscus vendiderit res minorum tanquam fisci, dabitur restitutio, non obstante præscriptione. *d. l. 3.* si vero jure creditoris debito modo, non concedetur restitutio, nisi onerata fuerint solemnitates, vel fraus probetur. *d. l. 3.*

Si adversus creditorem. Tit. 38. Lib. 2.
Codic.

Daturne restitutio contra mutuum?

Non tantum restituetur minor adversus mutuum, siue sub usuris, siue sine iis sit acceptum; sed & cautionem condicere potest, nisi creditor probaverit pecuniam esse versam in rem minoris. In hac itaque causa non est necesse, ut minor probet læsionem. *l. 1. 2. C. h. cum alias teneatur l. 5. C. de in int. rest. minor.*

Quare aliter in mutuo, quam in aliis contractibus?

Quia facile pecunia credita prodigitur. Accedit præterea odium fœneratorum, eorumque, qui luxuriam inflammant, datis nummis. Aliter in venditione receptum est, quia minori solvitur, quod solvi necesse est; credere autem non est necesse. *l. 24. §. 4. ff. de minorib.*

Si minor ab hereditate se abstin. Tit. 39.
Lib. 2. Cod.

Potestne minor restitui adversus aditionem hereditatis?

Si se non immiscuerit, non opus habet restitutione, licet non sit protestatus de non immiscendo. *l. 1. C. h.* Sin autem sese immiscuerit, vel adierit damnosam, parata est restitutio. *d. l. 1. l. 2. C. h.*

Quomodo fit hac restitutio, si minor adierit?

Vocatis solenniter creditoribus, iisque quorum interest; iudice providente, ubi & qualiter res hereditaria debeant custodiri, quantitate earum in actis manifestanda. *Auth. si omnes. h. t. desumpta ex Nov. 119. c. 6.*

Si ut omiff. heredit. vel bonor. poss. vel quid aliud acquirat. Tit. 40. Lib. 2. Cod.

Quid, si minor lucrosam hereditatem repudiaverit?

Restituetur. l. 1. C. h. quia non tantum in damnis, sed & lucris ei subvenitur. l. 7. § 6. D. de minor. si omni modo integra sit causa: Si vero jam distracta hæreditate, & negotiis finitis ad pecuniam laboribus alterius paratam veniat, repellendus est. l. 24. § 2. D. de minor. nisi fuerit suus heres. l. fin. C. de repud. vel abst. hered.

In quib. caus. non est necess. in int. rest.
Tit. 41. Lib 2. Cod.

Suntne causæ, in quibus non est necessaria restitutio?

Sunt variæ. Vti, si ipso jure munitus sit minor. l. 16. pr. §. 3. D. de minor. veluti, 1. Si patris necem non sit ultus legitimo modo. l. 1. C. h. 2. Si post quinquennium velit agere querela inofficiosi. l. 2. C. h. 3. Si sit temporalis aliqua præscriptio, uti non numeratæ pecuniæ, vel alia quævis. l. fin. C. h. Non autem, si sit 30 vel 40 annor. quæ contra puberes solos, non impuberes datur. l. 3. C. de præf. 30 vel 40 ann. 4. Si minor non interpellaverit debitorem, & sic eum non constituerit in mora. Datum enim est minoribus, ut ipso jure eorum debitores & re ipsa constituentur in mora. l. 3. C. h. 5. Si minor, curatorem habens, quid alienaverit. l. 3. C. de rest. in int. minor. 6. Si sententia sit lata adversus minorem indefensum. l. pen. C. si advers. rem. jud. vel adversus tutorem, qui non satisfecerat. l. 4. C. h. 7. Si curator prædia alienaverit sine decreto. l. 2. 4. 8. C. de prad. min. sine decr. non alien.

Qui, & advers. quos in integr. restitui non poss. Tit. 42. Lib. 2. Cod.

Possuntne omnes minores restitui?

Non restituetur, qui sobrierem suam administrans, occasione damni, non inconsulte accidentis, sed fato, velit restitui. l. 11. §. 4. ff. de minor.

Quid

Quid ergo, si diligens paterfamilias fuerit, actibusque publicis industrium se docuerit, ut lapsum eum per atatem verisimile non sit?

Non facile restituetur. Verum, si causa cognita circumventus deprehendatur, propter hoc solum non removebitur à restitutione, quod sit decurio, quod liberos procreaverit. *l. 1. C. h.*

Potestne minor adversus minorem restitui?

Inspiciendum est, quis sit captus: Proinde, si ambo capti sint, verbi gratia, minor minori pecuniam dedit, & qui accepit, perdidit; melior est causa ejus, qui accepit, & vel dilapidavit, vel perdidit. *l. 11. §. pen. ff. eod.*

Quid, si minor filiofamilias majori dederit pecuniam mutuo?

Subvenietur minori: major enim ætatis, quam SConsulti, habenda est ratio. *d. l. 11. §. fin. ff. de minor.*

Cessatne restitutio ob personam illius, contra quam petitur?

Cessat, si contra parentes petatur. *l. fin. C. h.* Sugillari enim videtur per restitutionem fama parentum, qui semper optime consulere velle liberis præsumuntur. Verum, potest dari adversus parentes actio in factum, secundum rationem. *l. 11. §. 1. ff. de dol. mal.* Quinimo & restitutio adversus matrem secundo nubentem datur. *Nov. 155. c. 1.*

Si minor se majorem dixerit, vel probatus fuerit major. *Tit. 43. Lib. 2. C.*

Quid, si minor majorem se dixerit?

Non subvenietur ei, si dolo per hoc alium ad contrahendum induxerit. *l. 1. 2. 3. C. h.* Secus, si per errorem dixerit. *l. 4. C. h.*

Quid, si juraverit se esse minorem?

Non audietur, nisi probaverit errorem per instrumenta: per testes probatio vero non sufficit. *l. 3. C. h.*

Si sæpius in integr. rest. post. fuer. *Tit. 44.*

Lib. 2. Cod.

Potestne sæpius peti restitutio?

Non potest, si ante sit denegata. *l. 1. C. h.* nisi nova causa emerferit. *l. 2. 3. C. h.*

Quomodo explicanda. l. 1. C. h. ?

Si restitutio sit denegata, potest appellari; nec datur restitutio contra sententiam. Cæterum, ut appellatio interponi possit adversus latam sententiam, qua restitutio rejecta fuit, recte restitutio petitur. *d. l. 1.*

Imo & videtur sæpius restitutio fieri. l. 7. §. 9, D. de minor.

Cum dicitur, quod sæpius non possit desiderari restitutio, debet id accipi de eadem causa: Hoc sensu, ex eadem causa, & ad idem, non potest peti restitutio. Verum, si, qui omisit hæreditatem, restitutus sit ad eam adeundam, potest petere restitutionem ad omittendam, quia non petitur ad idem, & ex eadem causa. *d. l. 7. §. 9. ff. de minorib.*

De his, qui veniam ætatis impetrav. Tit. 45.
Lib. 2. Cod.

Possuntne restitui, qui veniam ætatis impetraverunt?

Nequaquam. *l. 1. C. h.* ne quis Principis, qui solus veniam ætatis concedit, autoritate lædatur. *d. l. 1.*

Quibus solet dari venia?

Masculis viginti; foeminis octodecim annis majoribus. Modo illam ætatem recte probent, & morum honestatem ac frugalitatem. *l. 2. pr. & §. 1. C. h.*

Quid juris est concessum iis, qui veniam impetraverunt?

Possunt omnia administrare, sed non alienare prædia, sive bona immobilia. *d. l. 2. §. 1. in fin. & si immobilia alienaverint, datur iis restitutio. l. 3. C. h.*

Quid, si alicui quid sit relictum vel datum sub mentione legitime ætatis?

Intelligitur tantum ætas viginti quinque annorum. *l. fin. C. h. adde l. 50. in fin. D. de leg. 3. l. fin. ff. de cond. & demonstr.*

Si major factus ratum habuerit. Tit. 46.
Lib. 2. Cod.

Quid, si quis, postquam major est factus, id, quod in minori gestum est ætate, ratum habuerit?

Non restituetur. *l. 1, 2. C. h.* Sive expresse ratum ha-

habuerit verbis vel scriptis, sive tacite. Tacite, ut si passus est elabi quadriennium post annum vicessimum quintum : vel adimplevit in majori ætate, quod ante gessit. *l. 3. §. 1. D. de minor.* nisi dolo ad hoc fuerit inductus, vel aliter notorie erraverit. *d. l. 3, §. 1.*

De Reputationibus, quæ fiunt in jud. rest.
in int. Tit. 48. Lib. 2. C.

Quomodo debet fieri restitutio ?

Vt unusquisque suum recipiat. *l. 24. §. 4. D. de minor.* & ne minor, ut non morari debet in damno, in lucto moretur. *l. un. C. h.* Itaque minor, quicquid ad ipsum pervenit, & ex quo locupletior est factus. *l. 27. §. 1. D. de minor.* restituet, sive sit res singularis. *d. l. un. pr.* sive universalis. *d. l. un. §. f.* Habita etiam fructuum & usurarum ratione. *d. l. 27. §. 1.* At, qui perdituro credidit, is nihil recuperat. *d. l. 24. §. 4. D. de minor.*

Tit. 5. De capite minutis. Tit. 16. Lib. 1. Inst.

Quid est restitutio ex edicto de capite minutis ?

Vt, qui minimam capitis diminutionem sit passus, postquam contraxerit, sic conveniatur, quasi nulla capitis diminutio esset facta. *l. 2. §. 1. ff. h.* Atque ita actiones pristinas per subtilitatem extinctas restituit Prætor.

Cur sit mentio minimæ capitis diminutionis ?

Quia, qui maximam vel mediam sunt passi, non possunt conveniri. *l. 2. pr. D. h.*

Ergo per delictum quis eximitur obligationi ?

Actione civili ipse delinquens non convenitur, sed is, qui ejus bona occupavit. *d. l. 2. pr.* Actio autem criminalis contra ipsum delinquentem est intentanda. *d. l. 2. §. 3. & cum capite ambulat. l. 7. §. 1. ff. h.*

Quid est capitis diminutio ?

Prioris status mutatio. Cum vero status consistat in libertate, civitate, ac familia. *l. fin. ff. h.* triplex dicitur minutio. Maxima, qua libertas adimitur. Media, qua civitatis jus tollitur. Minima, qua mutatur jus patriæ potestatis, quæ fit per arrogationem, vel emancipationem. *§. 1. 2. 3. Inst. h.*

*Et hi, qui moti sunt Senatu vel munere,
capite minuuntur?*

Nulla modo, quia iis nullum ex tribus, sc. libertate, civitate, vel familia mutatur. §. 5. *Inst. h.* sic & servi manumissi non dicuntur capite minui, sed acquirere caput.

Qualis est actio ex hoc edicto?

Perpetua, &, quia rei est persecutoria, datur heredibus & contra heredes. *d. l. 2. §. fin.*

Tit. 6. Ex quib. caus. major. Tit. 54.
Lib. 2. Cod.

Quibus ex causis majores restituantur?

Ex variis. Generalis est: si qua sit justa causa. *l. 1. l. 26. §. fin. ff. h.* Speciales sunt causæ: 1. Absentia, vel ob metum non supervacuum. *l. 2. §. 1. ff. h.* vel ob necessitatem reipublicæ. *l. 4. §. l. 36. 37. 42. ff. h.* vel ob aliam probabilem ac justam rationem. *l. 26. in fin. l. 27. l. 28. ff. h.* 2. Vinculorum. *l. 1. 9. 10. ff. h.* 3. Servitutis, potestatis hostium, cui quis subiectus. *l. 1. 11. l. 14. 15. ff. h.* Non vero est justa causa sola ignorantia. *l. un. C. de usuc. transf. l. fin. C. de pres. long. temp.*

Quomodo datur ex hisce causis restitutio?

Non tantum, ut absentes, aut vinculis vel potestate hostium detenti, laxi restituantur; sed etiam illi, quibus interim contra illos non fuit agendi copia, si damnum sint passi. §. 5. *Inst. de action.*

Potest ne absentibus imputari, quod Procuratorem non reliquerint?

Nulla modo. *d. l. 26. §. fin. ff. h. t.* verum, si quis procuratorem reliquerit, per quem defendi potest, non audietur, siquidem ad eum actum fuerit datus procurator, ob quem restitui absens desiderat. *l. 39. ff. h.*

De restitut. militum. Tit. 51. Lib. 2. Cod.

Annon ergo milites restituantur?

Utique: modo occupati fuerint circa res militares, hoc est, fuerint in expeditione, in castris, aut acie. *L. fin. C. h.* Sola cateroquin militia per se non prabet restitutionem. *d. l. fin.* Daturque restitutio militibus, si dam-

damnum senserint, vel ex sententia ac venditione pig-
norū, vel usucapione, sive præscriptione. l. 2. 3. 4. 6. C. h.

De uxorib. & eor. qui reip. caus. absunt.

Tit. 52. Lib. 2. Cod.

*Daturne restitutio uxoribus militum, & eorum,
qui reip. causa absunt?*

Fuit quidem aliquando constitutum, ne uxores ma-
ritos, vel ad bellum, vel ad provinciæ administrationem
abeuntes, comitarentur. l. 4. §. 2. ff. de offic. Procons. nisi
mariti vellent ipsimet teneri ex delictis uxorū. d. l. 4.
§. 2. Re autem bene perpensa, absentia uxorū, ob vi-
rorum militiam, vel administrationem provinciæ,
aliamque causam publicam, habita fuit necessaria, &
est concessa restitutio iisdem, uti maritis. l. 1. 2. C. h. 1.

Quid, si res uxorū fuerit tempore absentiae usucapta?

Non oberit iis præscriptio, verum refundi debet pre-
cium usucapianti. l. 2. C. h. vel ab illo, qui sine causa
accepit, vel ab ipsis uxoribus, si ob debitum earum res
sit vendita. secundum l. 6. C. de restit. milit. aut pecunia
sit conversa in earum utilitatem. arg. l. 6 §. ff. l. 3. 23. C.
de rei vindic.

Tit. 7. De alienat. Judic. mut. caus. fact.

Tit. 55. Lib. 2. Cod.

*Qua est restitutio adversus alienationem iudicii
mutandi causa factam?*

Hac adversus eum, qui dolo malo, cum actionem in
rem metueret, transtulit rem in duriores vel potentio-
res, quis in integrum restituitur, ut antiquus possessor
condemnetur, quanti interfuit actoris, reum, vel talem
adversarium, non habuisse. l. 1. 2. 3. ff. h. t. Nisi velit
alienans pati iudicium in rem, ac si possideret, vel dolo
desisset possidere. Idem si pati velit, ab hac actione
liberatur. l. 3. §. fin. ff. h. quia actoris non interest ulterius.

*Potestne & is conveniri, qui ab alienante mediate
vel immediate rem accepit?*

Potest. l. un. C. h. sed tantum actione in rem, non
actione in factum, ex hoc edicto: quia ea tantum datur
ex facto contra alienantem. l. 1. D. h.

Quæ debent concurrere, ut actio in factum ex hoc edicto locum habeat?

1. Debet esse actio in rem, vel mixta, vel in rem scripta. In mere personali non habet locum, quia debitor non potest alium sibi substituere debitorem. *l. 1. C. de navat.* 2. Debet res esse alienata. *l. 1. & t. t. ff. h.* 3. Res debet esse alienata ante iudicium inchoatum: nam post, cum res litigiosa est facta, non potest alienari. *t. t. ff. & C. de litigios.* 4. Debet alienatio fieri dolo malo, vel data opera. *l. 1. l. 4. §. 3. ff. h.* 5. Debet fieri alienatio in duriores adversarium, qualis est homo alterius provinciae, vel potentior, vel qui quocunque modo possit actorem vexare. *l. 1. in f. l. 2. §. ff. h.* 6. Debet interesse actoris, talem adversarium sibi non obtrudi. *d. l. 4. §. 5. D. h.*

Datur hæc actio etiam heredibus?

Datur heredibus. *d. l. 4. §. fin. ff. h.* cum persecutionem rei contineat. *d. l. 4. §. fin.* Non tamen adversus heredes. *d. l. 4. §. fin.* nisi qua pervenit, quia ex delicto est. *l. 7. ff. h.* sed recte contra eum, qui, cum rem exhibere teneretur, pristinam iudicii causam non restituit. *l. 8. ff. h.*

Ad quid datur?

In id, quod actoris interest. *d. l. 1. l. 3. §. 4. l. 4. §. 5. ff. h.* non ut res restituatur.

Tit. 8. De receptis, qui arbitrium receperunt. Tit. 56. Lib. 2. Cod.

Qui sunt arbitri?

Varie in jure accipiuntur. Aliqui ad lites, aliqui ad contractus pertinent. Eorum, qui ad lites referuntur, sunt alii, qui deputantur ex collegio iudicum, quos solemus appellare commissarios: tales sunt arbitri familiae erciscundæ, communi dividundo. *l. 15. 17. C. fam. ercisc. l. 3. C. comm. div.* Horum mentio in *l. 9. 10. ff. qui satisd. cog.* Alii à partibus electi ex compromisso. Alii amicabile compositores, qui non tam litem definiunt, quam proxenetæ & adiutores transactionum sunt. Horum mentio in *Auth. Si vero contigerit, C. de judic.* Eorum vero, quid ad contractus pertinent, alii ad perficiendos contractus, de quibus *l. fin. C. de contrah.*

ems.

ent. ut definiant rei precium, vel usus mercedem: alii ad opera, de quibus est actum, probanda solent adhiberi. de quibus l. 24. D. locat. l. 76. in f. & seqq. ff. pro soc. ? Cum arbitri recepti dicuntur, de quibus id accipiendum.

De iis, qui ex compromisso sunt electi.

Qui possunt eligere arbitros compromissarios ?

Possunt, qui non prohibentur. Inter prohibitos sunt servi. l. 32. §. 8. ff. h. licet postea liberi fiant. d. §. 8. pupilli, sine tutoris autoritate. l. 35. ff. h. minores, mulieres in causa aliena. d. l. 32. §. 2. ff. h.

Qui possunt esse arbitri ?

Non distinguitur, utrum sint ingenui, an libertini; in dignitate positi, integræ famæ, an ignominiosi. l. 7. pr. ff. h. utrum patresfamilias, an filiusfamilias. l. 5. ff. h. Prohibentur autem esse arbitri, servi, nisi liberi facti dixerint volentibus partibus sententiam. id. l. 7. junct. l. 9. ff. h. pupilli, furiosi, surdi, muti. l. 9. §. 1. ff. h. minores 20 annis. l. 41. ff. h. Iudices in eadem causa. *P. 3 p. 210 in integ.* d. l. 9. §. 2. Iure autem Canonico. c. 7. 10. x. h. c. 21. x. de præbend. & ex consuetudine, si let in iudices committi valide.

Quot possunt eligi ex compromisso arbitri ?

Quot voluerint partes. Convenientius autem est, ut eorum numerus sit impar. arg. l. 17. §. 6. ff. h. Et, si in duos sit compromissum, & inter se dissentiant, non debent cogi ad sententiam dicendam, sed eligitur tertius, cujus authoritati pareatur. d. §. 6. nisi ante convenerit de certo assumendo. d. l. 17. §. 5.

In quibus causis constituentur arbitri ?

In omnibus civilibus regulariter, siue una, siue plures sint. l. 13. §. 1. ff. h. Non autem in restitutionibus in integrum. l. fin. C. & apud quem cogn. in int. rest. liberali causa, delicto famoso, publico iudicio. l. 32. §. 6. 7. ff. h. *C. p. 211 in integ.*

Quomodo eligitur arbiter ?

Vel nudo pacto, vel stipulatione. Solebat & olim iurejurando assumi; sed hoc correctum. Nov. 81. c. 11. auth. decernit. C. h.

Quid, si ita sit compromissum, ut Sejus pronunciet, quod Titio disceptatori placet ?

Non valet arbitrium, quia libera arbitri sententia non est futura. d. l. 17. §. 3. ff. h.

Potestne arbiter cogi ad dicendam sententiam?

Sunt hujus Edicti de receptis arbitris duo membra. Vnum est, de arbitris cogendis. *l. 3. §. 1. ff. h.* Alterum est, de compromittentibus cogendis ad parendum sententia. *l. 27. §. 2. ff. h.*

Possuntne semper arbitri cogi?

Multis casibus non coguntur. Vti, si ab initio nullius momenti sit compromissum, vel ob personas, vel ob res, vel ob modum: vel, si sit quidem compromissum validum, sed pendeat an poena possit exigi, vel si postea deficiat conditio. *l. 32. §. 3. ff. h.* Itaque non sunt cogendi, si sordes aut turpitudine arbitri sit manifesta. *l. 9. §. 3.* si arbitros infamaverint litigantes. *d. l. 9. §. 4.* si sprete auctoritate arbitrorum, ad iudicium vel ad alium arbitrum litigatores ierint. *d. l. 9. §. fin. l. 10. l. 11. D. h.* si inimicitiae capitales inter eos & litigatores oriantur, aut si aetas, aut valetudo, quæ postea contingit, id munus iis remittat. aut occupatio negotiorum propriorum, aut profectio urgens, aut munus aliquod reip. aut si alia incommoditas post susceptum arbitrium incidat. *l. 15. 16. D. h.* Item, si unus ex litigantibus bonis cedat. *l. 17. D. h. &c.*

Quomodo possunt cogi?

Indictione mulctæ. *l. 32. §. 12. D. h.* vel aliis modis.

Si in duos compromissum sit, eritne unus, ut dicat solus sententiam, cogendus?

Nequaquam. *d. l. 17. §. 2. D. h.* licet alter sit ineptus ad arbitrium recipiendum. *l. 7. §. 1. D. h.* nisi in specie sit actum, ut vel alterutrius sententia valeat. *l. 8. D. h.*

Quid, si inter se arbitri dissentiant?

Sequi oportet plurium sententiam. *l. 27. §. 3. D. h.* modo omnes fuerint præsentes. quia potuit præsentia absentis trahere reliquos in ejus sententiam. *l. 17. §. fin. l. 18. D. h.*

Quid, si in summa omnes dissentiant?

Convenit sequi minimam; qui in eam omnes consenserunt, & minor majori inest. *d. l. 27. §. 3. ff. h.*

Suntne casus, quibus arbitrorum sententia nulla est?

Sunt multi. Si ab uno, cum in plures esset compromissum. *l. 17. §. 2. ff. h.* si de aliis rebus, non absolute connexus, quam fuerat compromissum. *l. 21. §. 6. ff.*

h. l. 32.

h. l. 32. §. 15. ff. h. vel post diem sit dicta sententia. l. 1. in fin. C. h. (nisi partium consensu sit prorogatus. d. l. 21. §. 5.) Si ad locum non honestum, vel in provincia, cum Romæ esset compromissum, adesse jusserint arbitri. d. l. 21. §. 10. 11. ff. h.

Quid, si alteruter litigantium non obsequatur sententiæ?

Jure Civili novissimo datur ex valida sententia arbitrorum actio in factum, vel exceptio; modo sententia fuerit approbata, vel expresse, cum quis professus est sese acquiescere, vel tacite, per lapsum 10 dierum. *l. 4. §. C. h.* Licetque intra decem dies recedere; modo solvatur pœna promissâ, & lis iterum de integro tractabitur. Sed hæc ita, nisi quis sordes vel gratiam arbitrorum probare voluerit. Qui enim hoc probare volet, potest uti exceptione doli adversus agentem, etiamsi decendium sit elapsum. Moribus fere obtinuit, ut, licet proprie non appelletur à sententia arbitri. *l. 1. C. h.* detur tamen intra 10 dies reductio ad judicem, qui remoto compromisso est ordinarius: quâ factâ, suspendenda interim executio laudi, sive sententiæ arbitri, nisi aliter in specie convenerit. Habetque hæc reductio vicem ac effectum appellationis. *d. l. 32. §. 14. D. h. junct. l. 1. C. t. t. ff. pend. appell. nih. innov.*

Quid, si quis sui non faciat copiam apud arbitros?

Incidet in pœnam, ac si non parere veller sententiæ. *l. 1. C. h.*

Potestne arbiter mutare sententiam?

Si condemnavit vel absolvit, cum arbiter esse desierit, mutare sententiam nequit. *l. 19. in fin. D. h.* nec, si erraverit, corrigere eam potest. *d. l. 19. in fin. l. 20. D. h.*

Quid, si de pluribus controversiis non communibus assumptus est arbiter, & de una sententiam dixit, de aliis nondum? an & in prima controversia potest mutare sententiam de qua dixerat?

Multum interest, de omnibus simul ut dicat sententiam compromissum sit; annon. Nam, si de omnibus, potest mutare, nondum enim dixit sententiam, quia compromissio rerum omnium non satisfacit sententia lata in unam speciem. Secus, si separatim, quasi plura sint compromissa, rogatus sit dicere sententiam. *l. 21. pr. ff. h.*

Si

Si non corrigere, potestne explicare?

Potest hoc expresse sibi reservare, ut, si quid dubii sit in sententia, explicet. Quinimo & tacite hoc jus ei tributum esse videtur, cum ejus sit interpretari, qui sententiam dixit. *l. 1. & fin. C. de legibus.*

Tit 9. Nautæ & caupones, &c.

Quid est in edicto, Nauta, Caupones, Stabularii?

Ejusduæ sunt partes. Prima cautum est, ut, quæ nautæ, caupones, stabularii receperint salva fore, restituant. *l. 1. pr. ff. h.* Altera tractatur de furtis & damnis, quæ illata sunt rebus receptis ab iis, quorum opera nautæ, caupones, stabularii utuntur.

Qui sunt hic nauta?

In hac resunt ii, qui navem exercent; quamvis nautæ appellentur alias omnes, qui navigandæ navis causa in nave sunt. Nec enim debent per remigem aut mesonautam, sed per se, vel per navis magistrum, vel eum, cui è nautis rem eam magister commisit, obligari. *d. l. 1. §. 2.* Adeo quidem etiam obligabuntur per cultodes, quos præfecerunt ipsi, vel magister. *d. l. 1. §. 3.*

Qui sunt caupones & stabularii?

Qui cauponem vel stabulum exercent, & eorum institutores. cæterum, qui opera mediastini, id est, vilissimi servi fungitur, non continetur, nisi ei cura sit demandata. *d. l. 1. §. 5.*

Quid est recipere res salvas?

Non tantum, si in navem sint missæ, licet quoque non sint assignatæ nominatim. *d. l. 1. §. fin.* modo scientibus exercitoribus sint immissæ: verum etiam earum, quæ in littore perierint, dum receptæ sunt, periculum ad nautas pertinet. *l. 3. pr. D. h.*

Quid, si pradixerint nauta, ut unusquisque res suas servaret?

Nullum est periculum nautarum. *l. 7. in fin. pr. D. h.*

Quas res hic intelligimus?

l. 1. si ff. de p. h. Quasunque, live merces fuerint, sive aliæ; nec refert, utrum nostræ sint, an alienæ, dum tamen nostra intersit salvas esse, & nobis magis, quam quorum sunt, debent restitui. *d. l. 1. §. 6. & 7.*

Quæ culpa debet præstari?

Culpa levissima. Quia est hujus rei tanquam causa
pu-

publica. l. 3. §. 1. D. h. non vero casus fortuitus. d. l. 3. §. 1.

*Quorum factum prestari debet in prima parte
edicti?*

Non solum in navi nautarum, sed & vectorum, ut
& viatorum. l. 1. in fin. l. 2. 3. ff. h.

Estne hac actio perpetua?

Est, &, quia est rei persecutoria, & heredi, & in he-
redem datur. d. l. 3. §. 4.

*Quid, si extra negotium, quod gerunt nautae, caupones,
stabularii, quid sit receptum?*

Non dabitur actio ex hoc edicto. d. l. 3. §. 2. sed ex
qualitate contractus, qui fuit celebratus.

Quae actio datur ex secunda parte?

Non in simplum, ut ex prima; sed in duplum; &
tantum ex maleficio eorum, quorum opera exercitores
sunt usi. l. 7. pr. §. 1. & seqq. ff. h. Est itaque poenalis:
quapropter non datur adversus heredem, nisi qua per-
venit. d. l. 7. §. fin. nec in ea prestatur factum vectorum
vel viatorum. l. unic. ff. furti adversus nautas. l. 6. §. 3. ff. h.

Quid, si nautae sibi invicem damnum dederint?

Id non pertinet ad exercitores, nisi quis inter illos
fuerit mercator. d. l. 7. §. 2.

*Possuntne concurrere actio furti & actio ex prima parte
in simplum?*

Videtur quidem prima fronte id admittendum; sed
magis est, ut vel officio Iudicis, vel exceptione doli,
alterutra actor contentus esse debeat. d. l. 3. §. fin.


SECUNDA PANDECTARUM

P. A. R. S.

LIBER V.

Tit. I. DE JUDICIIS. Tit. I. Lib. 3. Cod.

Quid est Iudicium?



ccipitur aliquando pro ipsa actione, quæ in iudicium deducitur. hoc sensu dicuntur iudicia finium regundorum, familiæ erciscundæ, &c. aliquando est legitima disceptatio coram Iudice de re controversa inter litigantes. quo sensu potest processus appellari.

Quomodo distinguitur?

Est 1. vel civile, quo actor agit ad commodum suum privatum tantum, hoc est, ex contractibus, nec non ex privatis delictis, quoties actor ad suam utilitatem tantum contendit: vel criminale, quo agitur ad pœnam corporalem, vel mulctam fisco applicandam, sive ex delicto ordinario, sive extraordinario, privato, sive publico. 2. Vel possessorium, quo de possessione tantum est controversia, uti in interdictis: vel petitorium, quo ad ipsam rem agitur. huc facit l. 37. ff. hic. 3. Vel ordinarium sive plenum, in quo ordinarius procedendi modus observatur: vel extraordinarium, in quo solemnities processus quiescunt.

Ex quibus causis iudicium summarium dicitur?

Non, quod ea, quæ ex natura rei requiruntur, omit-
ti possint; qualia sunt, petitio, citatio, probatio, sen-
tentia: sed quod ordo non adeo anxie attendatur in
proponendo negotio atque probando, imo quod &
probationes plenissimæ non desiderentur præcise.

In

In quibus causis habetur summarium iudicium?

1. Cum personarum qualitas id exigit: uti, si sit causa miserabilium personarum, incarcerationum, & similium, quibus hoc indulgendum esse æquitas suadet. 2. Cum ita convenit inter partes. 3. Cum id postulat qualitas rei controversæ: uti, si sit res parvi præjudicii; vel, si agitur de dilationibus, de cautione præstanda, de dote, de alimentis, de honorariis & mercedibus, de commissione ad examen testium in perpetuam rei memoriam, de re notoria, de exoneratione à mandato, de negotio pignorationis, aliove, quo periculum est in mora, quo metus est, ut partes ad arma procedant, ut tumultus oriatur; de utilitate publica, de crimine læsæ majestatis, de liquidatione, de executione, de restitutione ob lapsum fatalium. 4. Cum actionis qualitas id desiderat: uti in actione ad edendum, ad exhibendum, in causa diffamationis ex *L. diffamari*; in causa possessionum, interdictorum,missione in possessionem, ventris nomine, ex edicto Carboniano, & similibus. 5. Cum Princeps mandat.

Quæ sunt partes Iudicii, cum ordinarii, tum summarii?

Quoad Iudicem; 1. Præparatio ad iudicium, citatio. 2. Cognitio causæ. 3. Sententia. 4. Executio iudicati. Quoad litigantes; 1. Petitio citationis. 2. Litis contestatio. 3. Causæ disceptatio. 4. Probatio. 5. Conclusio.

Quæ persona constituunt Iudicium?

Principales: Iudex, actor, reus. Minus principales: advocati, procuratores, executores, & similes.

De sportulis & sumptibus in diversis iudiciis faciendis, & de executoribus litium.

Tit. 2. Lib. 3. Cod.

Qui sunt executores?

Qui mandata Iudicum exequuntur, eaque litigantibus denunciant, sportulasque exigunt.

Quid sunt sportula?

Salaria, quæ debentur executoribus ac Iudicibus. *l. fin. C. h. Nov. 82. c. 9.*

Aqua

A quibus solvuntur sportulae?

Non ab omnibus. Nam fiscus, Episcopus in causa ad Ecclesiam pertinente, tenuioris fortunæ homines, quibus jus pro Deo, ut dici adsolet, dicitur, nihil sportularum nomine solvunt. Nov. 17. c. 3. Nov. 123. c. 28. Personæ vero Ecclesiasticæ exiguas præstant. d. Nov. 123. c. 28.

DE IUDICE.

Quis est Iudex?

Qui jus habet causas litigantium cognoscendi, & de iis judicandi.

Quomodo distinguitur?

Est vel ordinarius, vel extraordinarius. Ordinarius, qui ex ordinaria potestate: Extraordinarius, qui ex alterius, publicæ, vel privatæ personæ beneficio judicat.

Quis judicat ex privata alterius personæ beneficio?

Qui quidem ipso habet jurisdictionem, ac potestatem judicandi, sed non in causa, de qua agitur: qualis dicitur prorogatus, cui partes se subjecerunt.

Quis ex publica personæ beneficio?

Qui est vel delegatus, vel pedaneus.

Quis est delegatus?

Cui ad causam cognoscendam, decidendam, & exequendam, ab illo, qui potestatem habet, mandata est jurisdictio.

De pedaneis Judicibus. Tit. 3. Lib. 3. Cod.

Qui est Iudex pedaneus?

Cui notio causæ & judicandi facultas sine jurisdictione est commissa. Nov. 82. c. 1. 2. l. f. C. ubi, & apud quem. sic dictus, quod in minoribus, & sub pedaneis subselliis sederet. Cum enim ipse magistratus de omnibus non posset judicare, cognitionem causarum pedaneis committere solebat. l. 2. §. C. h. t.

Qui pro sua jurisdictione iudices dare, darive possunt. Tit. 4. Lib. 3. Cod.

Qui possunt dare Iudices?

Cui id lege, moribusque conceditur. l. 12. §. 1. ff. d. Iudic.

Judic. cuique ea de re, de qua agitur; atque inter eas personas, ad quas res ea pertinet, est jurisdictio.

Quid, si quis in negotio aliena jurisdictiois iudex sit constitutus?

Non peccat Iudex, si non obtemperet dationi. Et omnia coram ipso acta, nullius sunt momenti, adeo, ut non opus sit appellatione.

Qui possunt dari Iudices?

Qui non prohibentur. Prohibentur quidam natura: uti surdus, mutus, perpetuo furiosus, impubes. *l. 12. §. 2. ff. de judic.* Quidam lege: uti minor 18 annis. *l. 41. ff. de recept. arbit. senatu motus. d. l. 12. §. 2. infamis, cæcus.* (cæcus autem recte hoc munere fungi potest, si ei interrim cæcitas obvenit. *l. 6. ff. de judic. junct. l. 1. §. 5. vers. quamvis. ff. de postuland.*) Legum imperitus. *Nov. 82. miles, nisi in militaribus. l. 17. C. de judic.* Quidam moribus: uti fœminæ. *d. l. 12. §. 2. in fin.*

De Jurisdictione omnium judicum. Tit. 13. Lib. 3. Cod.

Quomodo aliter distinguitur Iudex?

Est vel competens, coram quo causa proposita potest jure tractari: vel incompetens, ad cujus notionem causa non spectat.

Quomodo competens distinguitur?

Est, vel socius, vel solitarius, vel concurrens.

Qui est solitarius?

Qui solus in causa iudex est, nec admittit jurisdictionem alterius sociam vel concurrentem.

Quis est socius?

Qui potestatem judicandi habet in communium alio territorio.

Quis est concurrens?

Qui in eadem quidem causa, sed in separato, & alio territorio jurisdictionem, aut potestatem judicandi habet. *ut in l. 2932 de reg. jurib.*

Quæ regulae sunt in singulis?

In concurrentibus est locus præventioni, ut is, qui prævenit, solus judicet. Fit autem præventio per litem contestatam in civilibus. *arg. l. 30. ff. de jud. l. pen. ff. de jurisd. &*

per

per citationem in criminalibus. In sociis, qui sunt in eodem collegio, major pars prævalet. l. 19. ff. ad munic. l. 36. ff. de re jud. In solitariis nunquam per præventionem cuiquam præjudicari potest.

2 pars tituli

DE FORO COMPETENTI.

Quid in genere circa competentem vel incompetentem Iudicem observandum est?

Sive actio sit civilis, sive criminalis, actor sequitur forum rei. l. 2. C. h. Itaque, qui ad incompetentem Iudicem est vocatus, opponet ante litem contestatam exceptionem declinatoriam, qua dicat, se non teneri ad actoris intentionem respondere, propter fori incompetentiam. arg. l. 52. ff. de Iud.

Quibus modis dicitur Iudex vel forum competens?

Vel ex communi, vel singulari jure, sive privilegio. Ex communi, vel vi ipsius Territorii, vel ex accidenti aliquo. Ex vi territorii, vel ob domicilium personæ, vel ob situm rei.

Quomodo ob domicilium?

Ex habitatione, quæ non æstimatur ex nuda contestatione, aut destinatione, nec ex maxima rerum ac fortunarum parte; sed ex re & facto. l. 20. ff. ad municip. ubi quis larem constituit, unde rursus non sit discessurus, si nihil avocet, & unde cum profectus est peregrinari videtur. l. 7. C. de incol. Pariter nec æstimatur ex solo tempore; nisi studiosus per 10 annos continuos in eadem civitate habitaverit. l. 2. C. de incolis.

Potestne domicilium pro libitu mutari?

Potest alio transferri; verum lis, ubi cœpta est, finiri debet. l. 19. ff. de Iurisd. l. 7. l. 30. ff. de Iudic.

Cujus domicilium spectatur?

Solius Rei. Debet enim actor, ut supra dictum est, sequi forum Rei. l. 2. C. h.

Quid, si Reus in loco domicilii non inveniatur?

Æque ipsi erit forum competens, ubi domicilium habet. l. 4. §. prator ait. ff. de damn. infect. c. causam. x. de dol. & contumac.

Quomodo ob situm rei sit forum competens?

Si ibi agatur, ubi est res sita: licet is, qui conveniendus est, non habeat ibi domicilium. qua de re agitur. t. t. C. ubi in rem actio.

Quo-

Quomodo ex aliquo accidenti tribuitur forum ?

1. Ex consensu. 2. Ex causæ continentia.

Quomodo per consensum reus sortitur forum ?

Vel expressum, vel tacitum. Expressum; si se submiserit jurisdictioni, cui aliàs subditus non esset. *l. 18. ff. de jurisd. l. 1. C. eod.* Tacitum; 1. Vbi litem contestatur. *arg. l. 4. C. h.* 2. Vbi contraxit. Contraxisse autem intelligitur, non ubi instrumentum est scriptum, cum alibi solvi debeat. *l. 65. ff. de judic.* sed ubi solvenda est pecunia. *l. 21. ff. de Oblig. & Act. l. 3. ff. de reb. auth. jud. possid.* scilicet, vel loco adjecto, vel si non sit adjectus, loco contractus, modo reus ibi inveniat. *arg. l. 19. §. 1. ff. de judic. c. 1. contrahentes de for. comp. in 6.* 3. Vbi deliquit. *l. 1. C. ubi de crimin.* 4. Vbi reperitur, si incertis sedibus vagetur; si fugitivus sit, vel talis, ut de foro ejus non constet. *arg. l. 1. C. ubi quis de cur. vel cohort. l. 27. §. 1. 2. ff. ad municip. nisi satisfecerit, se judicium passurum certo convenienti loco. l. 3 l. ff. de reb. auth. jud. poss.*

Quomodo propter continentiam, vel connexitatem causa ?

1. Ex jure territorii; cum enim res una eademque actione petendæ variis locis sunt sitæ, fit, ut coram eodem, & proxime superiore Iudice possessores rerum forum accipiant. *arg. l. 1. 2. ff. de quib. reb. ad eund. jud. eat.* 2. Ex consortio litis inter plures, qui communem litem habent; uti, si unus ex consortibus litis privilegium aliquod habeat, ceteri poterunt, accessorie, eodem foro privilegiato uti; vel, si in diversis territoriis habitent debitores, poterunt iidem vocari ad proxime superiorem judicem. *arg. d. l. 1. 2. ff. de quib. reb. ad eund. Iud. l. 5. C. Arbit. tut.* 3. Ex jure interventionis tertii. *l. 49. ff. de Iudic.* 4. Ex jure reconventionis. *l. 14. & Auth. seq. C. de sent. & interlocut.* 5. Ex jure ac consequentia actionis; uti petitorium ibi est instituendum, ubi possessorium. *l. 10. C. de Iudic.* & sæpe ibi criminalis, ubi civilis actio instituitur. 6. Ex jure ipsius rei. Ita in individuis receptum, & in accessoriis, ac consequentiis negotiorum, ut ibi exigantur, ubi de parte, à qua reliqua divelli nequeunt, vel ubi de principali reagitur vel actum est.

Qui dicuntur habere forum ex singulari jure, sive privilegio?

Vel, qui ibi forum habent, ubi jure communi habere non possunt: vel forum non accipiunt, ubi alias jure accipere debebant; vocaturque exemptio, vel forum privilegiatum. Contingit autem id, vel ex ratione litigantium, vel ex ratione causæ.

Quomodo ratione personarum?

Varie: sic forum privilegiatum habent, nonnulli ob dignitatem: sic pupilli, viduæ, alique miserabiles homines: studiosi, milites, & similes.

Ubi Senatores vel clarissimi conven.

Tit. 24. Lib. 3. Cod.

Quomodo persona superiores publicæ?

Constitutum est Iure Civili, ut, qui in clarissima dignitate sunt constituti, in civilibus sive pecuniariis causis, si in urbe vel locis suburbanis habitent, coram præfecto prætorio, vel urbi; si in provinciis degant, ubi larem foveant, aut ubi majorem bonorum partem possident, & assidue versantur, recte conveniantur. *l. 2. C. h.* In criminalibus, nullam habeant fori prærogativam. Omnem enim ejusmodi honorem reatus excludit. *l. 1. C. h.* Illustres vero rei criminum, apud nullum, quam apud Principem, vel sacrum cognitorem à Principe datum, accusari possunt. *l. 3. C. h.* Ita tamen, ut is cognitor tantum cognoscat, & ad Principem referat, reservata ipsi Principi ultione. *d. l. fin. §. 1.*

Qui sunt Clarissimi, & qui Illustres?

Clarissimorum nomen, generaliter acceptum, tres Senatorum ordines complectitur; videlicet, Spectabiles, Illustres, & Clarissimos in specie. Hic intelliguntur clarissimi in specie, & Senatores, qui sunt infra illustres. Illustres sunt Præfecti Prætorio, Præfecti Urbi, Quæstores, Magistri militum, Magistri officiorum, Comites rerum privatarum, Comites domesticorum, Principes agentium in rebus. *d. l. f. pr. hic. l. 32. C. de appellat. l. 2. vers. fin. autem. C. de tempor. appellat. l. 6. C. ubi caus. fiscal. & similes.*

In quibus causis militantes fori præscriptione
uti non possint. Tit. 25. Lib. 3. Cod.

Habentne milites privilegium fori ?

Milites non possunt conveniri coram alio, quam Magistro militum. *l. 6. C. de jurisd. om. judic.* sive causa sit civilis, sive criminalis. nisi pro functionibus, debitique publicis in iudicium vocentur. *l. unic. pr. C. hic.* nisi privatas negotiationes exerçant sine commeatu, hoc est, literis, quibus licentia, ut ad tempus absint, conceditur. *l. un. C. h.* nisi non militare, sed commune delictum commiserint. *l. fin. D. de accusat. l. 4. §. 5. & 6. D. de re milit.* Sed hodie receptum, ut ad magistrum militum remittantur, etiam communiter delinquentes.

Quando Imperator inter pupillos, &c.

Tit. 14. Lib. 3. Cod.

Habentne & privati speciale in hac causa privilegium ?

Datum est pupillis, viduis, diuturno morbo fatigatis, & debilibus, jus ad supremum Tribunal, adeoque ipsius Principis, alios vocandi. Non autem vocari possunt. *l. un. C. hic.* nisi speciali ex causa subjiciantur supremo Iudici.

An & idem privilegium referetur ad minores, viduas, divites, vel cælibes fæminas ?

Non est dubitandum : minores enim recte inter miserabiles referuntur. *l. 1. D. de min.* nec distinguitur inter viduas divites vel pauperes. *d. l. un. hic.* & nomine viduæ etiam venit virgo, quæ virum non habuit. *l. 242. §. viduam. D. de Verb. Signif.*

Habentne idem hoc privilegium omnes pauperes ?

Habent, uti patet ex verbis. *d. l. unic.* aliquæ fortunæ injuria miserabiles. Quæ cum sint generalia, non tantum ad morbo fatigatos, & debiles, sed generaliter ad omnes, qui ex adversitate aliqua commiserationem merentur. Beneficia enim Principis, si ratio eorum admitat, generaliter sunt accipienda. *l. 3. D. de const. Princip.*

Quos accipere oportet pro pauperibus ?

Non simpliciter illos, qui 50 aureos in bonis non habent

habent. arg. l. 10. D. de accusat. vel centum. arg. §. 3. Inst. de success. libert. sed eorum definitio relinquenda est Iudicis arbitrio.

Quid, si persona ha privilegiata contra privilegiatas agant?

Non erit privilegio locus. Est enim recepti juris, quod privilegiatus contra privilegiatum non utatur suo jure. arg. l. 11. §. pen. D. de minor. l. 8. D. de excusat. tut. nisi unius privilegium sit urgentius alterius.

Quid, si lis coram ordinario Iudice sit contestata?

Æque evocationem concedi, est verius. Ordinarium quidem est, quod, ubi lis cœpta est, ibi debeat finiri. l. 30. D. de judic. sed id non procedit in extraordinario privilegio, quale hoc est; & quidem magis, cum textus generaliter loquatur. Accedit, quod jurisdictio Principis cum omnium jurisditione concutrat, & quod ratio. d. l. un. hoc casu sit eadem, cum ea, qua agitur de lite primum instituenda. Potest quippe tam formidari potentia adversarii, processu pendente, quam cum primum moveri incipit.

Atqui sic sumptibus inanibus vexarentur adversarii.

Evocanda est causa prout jam cœpta est, &, si quid mutetur cum adversarii jactura, ea resarcienda est. l. 79. ff. de judic. arg. l. 4. C. de emancipat. vel, si iudicanti ita videbitur (uti, si non magnopere intersit adversarii, vel evocationi aliquam adversarius causam dederit) suspendenda est quæstio de sumptibus ad finem processus.

Quid, si miserabiles persona vel meruerint à tertio, vel dederint aliis cessionem?

Si obtinuerint cessionem, hoc privilegio frui debent, cum non distinguatur in d. l. unic. nisi in fraudem cessio sit facta. Sin autem actionibus cesserint, cessionarii agentes utili actione jure communi utentur, (quia cessio id, quod rei est, tantum transfert, non quod personæ adhæret) secus, si directam instituant vivis cedentibus.

Habentne & Persona Ecclesiastica singulare forum?

Iure Civili, & Canonico, peculiare iis datum fuit forum. l. 25. 33. C. de Episc. & Cler. l. 13. & 29. C. de episcop. aud. c. 1. de for. compet.

DE PRIVILEGIO STUDIOSORVM.

Quod privilegium Studiosi habent ?

Forum sortiuntur coram Episcopo loci, ubi vivunt, vel coram suo præceptore. *Auth. habita. C. ne filius pro patre. vel coram Principe. arg. l. unic. Cod. Quand. Imp. Quod & in nunciis eorum recipiendum est. d. auth. hab.*

Possuntne omnes privilegiati foro suo renunciare ?

Possunt, quâ privata causa spectatur: & renunciantes possunt obligari, non, quâ publicum jus negligitur, vel quid sit, ex quo metui vel præsumi possit malum. *arg. l. pen. C. de pact. junct. l. 38. ff. eod. l. 27. ff. de reg. jur. l. 26. ff. de Verb. Oblig.*

DE FORO VXORVM.

Vbinam uxores conveniri debent ?

In foro maritorum, sive privilegium mariti habeant, sive non. *l. 9. C. de incol.*

Ubi quis de Curial. vel Cohort. &c. Tit. 23.
Lib. 3. Cod.

Vbi de Curiali, vel Cohortali, vel alia conditione conveniuntur ?

Vbi ad suæ conditionis subjectionem vocantur, nisi fugerint: Tunc enim possunt capi, & sortiuntur iudicem ejus loci, ubi comprehensi sunt, qui eos, re examinata, convictos rerum probatione, restituit societati eorum, à quibus fugerunt. *l. 1. 2. C. h.*

Qui sunt de Cohortali, vel Curiali conditione ?

Curiales sunt, qui Ordini Decurionum adscripti, munera municipalia obeunt. Cohortales, apparitores Præsidum perpetui, & adscripti cohorti, quæ Præsidum jussa exequitur.

Quomodo ratione cause tribuitur forum ?

Cum certi Magistratus certis causis sunt præfecti. Hoc modo causa Ecclesiastica, quoad religionem, & cultum Dei, coram Iudice Ecclesiastico: militaris coram militari: secularis coram seculari tractanda est.

Ubi

Ubi causæ Fiscales, &c. Tit. 26. Lib. 3. Cod.

Vbi agitur de causis fiscalibus, vel divina domus, hominumque ejus :

De Fiscalibus pecuniariis, siue ex contractu, siue ex delatione ad fiscum pertineant, disceptatur apud Caesaris Procuratorem, vel ejus rationalem. *l. 1. 2. 5. C. h.* De criminalibus, apud Præsidentem provinciæ. *d. l. 1.* vel Procuratorem, cum fungitur vice Præsidis. *l. 3. C. h.* De causis vero divinæ domus, hoc est, privati patrimonii Principis hominumque ejus, apud Comitem rerum privatarum, vel rationalem. *l. 7. l. pen. C. h.* In criminalibus, apud Præsidentem provinciæ, adhibito Procuratore, vel rationali privata rei. *l. 8. 9. 10. C. h.* Imo & placuit, ut tam in civilibus quam criminalibus, coloni, inquilini, & servi dominici, siue agant, siue conveniantur, non alium habeant Iudicem, quam Præpositum sacro cubiculo, & comitem domorum. *l. fin. C. h.*

Ubi de Criminibus agi oporteat. Tit. 15.
Lib. 3. Cod.

Vbi oportet agi adversus delinquentes de Criminibus ?

1. Vbi deliquerunt, vel delictum inchoarunt. *l. 1. C. h.* quia convenit ibi esse supplicii, ubi est delicti exemplum. *arg. l. 28. §. pen. D. de pænis.* & quia facilius probatio haberi potest, ubi delictum est perpetratum. *arg. l. 2. C. ubi de ratiocin.* 2. Vbi domicilium habent; quod forum generaliter tribuitur. 3. Vbi reperiuntur. *d. l. 1. & 2. C. h. Novell. 69. c. 1. & auth. qua in provincia. C. h.* Nec ullum privilegium fori allegare possunt: Reatus enim criminis omne privilegium excludit. *l. 1. C. ubi Senator.*

Quid, si Iudex, sub quo delictum est commissum, desideret sibi remitti delinquentem a Iudice sub quo repertus est?

Et si quidem consuetudinibus multorum locorum aliter observetur: tamen in atrocioribus, ad terrorem ejusdem loci hominum, præstat facinorosum remitti. *l. 7. & 1. ff. de custod. reor. l. 3. ff. de re milit. l. 28. §. 15. ff. de pænis, Nov. 134. c. 5.*

Quid,

Quid, si concurrant, Iudex domicilii, & is, sub quo delinquens repertus est?

Præventioni erit locus. *arg. l. 30. ff. de Iudic.* Nec enim Iudex domicilii aliquam videtur habere prærogativam.

An & in contractibus necessario facienda est remissio?

Nequaquam. *l. 2. §. omnes 4. ff. de judic. c. 1. §. contra-hentes. de for. compet. in 6. Nisi ex speciali privilegio. c. 1. de privileg. in 6.*

Ubi de possessione, &c. Tit. 16. Lib. 3.
Codic.

Si per vim quis sit dejectus de possessione rei, ubi agendum?

Si de vi quærat, ubi vim quis passus est, vel ubi domicilium habet reus. *l. un. C. h. vel ubi reperitur. l. 1. C. ubi de Crimin.* si de possessione, sive vi quis sit dejectus sive non, proponendum est interdictum, ubi possessio sive res est. *d. l. un.*

Ubi Fideicommissum peti oporteat. Tit. 17.
Lib. 3. Cod.

Vbi debet agi de Fideicommisso?

Fideicommissum singulare ibi petendum est, vel ubi res est. *l. 38. D. de judic. l. 3. C. ubi in rem actio.* quia Fideicommissarius singularis habet in rem actionem. *l. 1. C. comm. de legat.* vel ubi domicilium habet hæres, quando personali actione is convenitur. *arg. l. 19. §. 1. D. de Iudic.* Fideicommissum vero universale, cum actione in rem agitur, petendum est, ubi hæreditas est relicta. *l. un. C. h. vel pars ejus major. l. 50. D. de Iudic.* vel ubi fiduciarius domicilium habet, cum personalis actio instituitur: hoc observato, ut ibi præstetur, ubi testator præstati voluit. *l. 47. 108. D. de legat. 1. l. 50. adde l. 38. de Iudic.*

Vbi debet fideicommissarius ab hæreditariis creditoribus conveniri?

In loco domicilii sui, non autem ubi domicilium est fiduciarii. *l. 56 §. pen. & fin. D. ad SC. Trebell.*

Ubi conveniatur, qui certo loco dare promissit. Tit. 18. Lib. 3. Cod.

Ubi convenitur, qui certo loco se daturum promissit?

Directa actione, non ibi, ubi est celebratus contractus; sed, ubi solutio facienda est. l. 19. §. 1. & seqq. ff. de judic. junct. l. contraxisse. ff. de oblig. & act. Actione autem arbitraria, si loco adjecto debitor non solverit, loco quovis alio idoneo. l. un. C. h. facta commemoratione ejus loci, quo solvi convenerat. & tunc æstimatur, quanti alterutrius interfuerit loco adjecto non solvi. d. un. C. h. l. 2. l. f. D. de eo quod cert. loc.

Ubi in rem actio exerceri debeat. Tit. 19.

Lib. 3. Cod.

Ubinam actio in rem moveri debet?

Vel in loco domicilii possessoris: est enim locus domicilii semper forum competens. Vel ubi res est sita. l. 3. C. h. Nec distinguitur, utrum sit res mobilis vel immobilis. l. 1. & d. l. 3. C. h.

Quid, si ipse possessor alium suo nomine habeat in possessione?

Is, qui in possessione est, ubi conventus fuerit, verum possessorem nominabit; & intra certum temporis spatium, per Iudicem definiendum, denunciabitur possessori, ut veniat ad defendendum, & ipse actionem excipiat. l. 2. C. h.

Quid, si verus possessor facta denuntiatione non compareat?

Interrumpetur ex eo die, quo possessor sive detentor vocatus est, præscriptio, tanquam lis esset contestata, & Iudex edictis legitimis propositis reum citabit, negotioque summam discussio, actorem in possessionem rei immittet, omni allegatione absenti, vero sc. possessore principali questione salva. d. l. 2. C. h.

Ubi de hæreditate agi oporteat. Tit. 20.

Lib. 3. Cod.

Ubi de hæreditate agendum, vel ubi hæredes scripti in possessionem mittendi sunt?

Possessorium hæreditatis iudicium proponitur, ubi here-

hereditas est, ac res hereditariæ sitæ sunt. *l. un. C. h. l. un. C. ubi de possess. Petitorium, ubi omnis actio in rem. d. l. 3. C. ubi in rem. act.*

Ubi de ratiociniis tam publicis quam privatis.
Tit. 21. Lib. 3. Cod.

Vbinam de ratiociniis agendum?

Actiones de rationibus reddendis movendæ, ubi quis administravit: sive administratio fuerit publica, si-
ve privata. *l. 1. C. h. quia instructio ac probatio ibi est fa-
ciliior. l. 2. in f. C. hic. Quinimo & in loco domicilii quis
ob eam causam conveniri potest. arg. l. 19. & seq. de jud.*

Ubi causa status agi debeat. Tit. 22.

Vbi causa status movenda?

Vbi reus habet domicilium: sive fuerit reus in quasi
possessione servitutis, sive libertatis, vel alterius status.
l. 3. 4. f. C. h.

Ne quis in sua causa judicet. Tit. 5. Lib. 3. Cod.

Potestne quis Iudex esse in propria causa?

Nec esse Iudex, nec sibi jus dicere quis potest. *l. un.
C. h. l. 10. D. de jurisd.*

An nec quis in suorum causis?

Potest filius patri esse Iudex. *l. 77. D. de judic. vel etiam
arbitr. l. quin etiam 6. D. de recept. arbitr. quæ & quia res
consensu geritur. l. 2. pr. & §. 1. l. 47. D. de jud. l. ex con-
sensu. D. de appell. non aliter.*

Qui legitimam personam standi in iudicio
habeant. Tit. 6. Lib. 3. Cod.

*Cum supra dictum sit, persona iudicii & litigantium con-
stituere principaliter iudicium, & de Iudice hucusque
sit actum: qui sunt ergo litigantes?*

Actores & rei, qui legitimam personam standi in iu-
dicio habent.

Qui habent legitimam personam standi in iudicio?

Regulariter omnes. Experiuntur autem aliqui ob
statum. ita servi, nisi agatur de re atrocissima. *l. 53. D.*

de judic. ita filiusfamilias non agit, nisi ex justa causa: ut, si pater absit, si injuriam, furtum, vel damnum injuria sit ipse passus, si legationis vel studiorum causa abfuerit, vel alia sit similis. *l. 18. D. de jud. l. 8. D. de procur. l. 17. D. de reb. cred.* Aliqui ob aetatem: ita impuberes & minores. *l. 1. & 2. C. h.* siquidem tutorum autoritas, vel curatorum consensus non accesserit, adeo ut sententia in illorum causis contra ipsos lata, sit ipso jure nulla. *l. 1. 2. C. h. l. 4. C. si adversus rem judic.* Interim vero minores actionem momentaneae possessionis recte movent, quia non patitur moram, & celeriter est expedienda. *l. 3. C. de interd.* Sic etiam suo nomine experiri possunt, si veniam aetatis impetraverint. Aliqui ob poenam: uti deportati, ii que, quibus postulationibus omnibus est interdictum.

DE ACTORE.

Quis est actor?

Qui prior ad iudicium provocavit, & si in duplicibus litigantes simul provocaverint, sorte est dirimendum, ut sciatur, uter actor vel reus fuerit. *l. 13. 14. ff. de iudicis.*

Ut nemo invitus agere. Lib. 3. Cod. Tit. 7.

Potestne quis invitus cogi ad agendum?

Nequaquam: Imo nec accusare quis cogitur. *l. un. C. h. nisi agatur ex l. diffamari.*

Potestne quis cogi, ut institutam actionem ad finem perducatur?

Potest: quia per litis contestationem quasi iudicio contrahitur de sententia expectanda. *l. 3. §. 11. ff. de pecul.* Sed hoc procedit, nisi malit liti vel instantiae renunciare; id enim ordinario permissum est.

Quid, si quis liti aut instantiae renunciet?

Siquidem ob causam novam, post emergentem, de qua ante constare non potuit, quia justam litigandi causam habuit, non tantum valide renunciat, sed & nullae litis expensae ipsi imputabuntur. *arg. l. 10. in fin. ff. de judic. l. 15. ff. de jur. fisc. l. 2. C. de abol.* Sin autem temere litem moverit, recte quidem renunciat, verum litis sumtus solvet. *l. 79. pr. ff. de iudic.*

De

De consortibus ejusdem litis. Tit. 40.

Lib. 2. Cod.

Quid, si ejusdem litis sint varii consortes?

Possunt singuli pro sua parte, vel unus, lite ante ordinata, reliquorum nomine & in solidum agere & defendere: verum, si agat unus, necessario cavebit de rato; si vero defendat, de judicato solvendo. l. 2. C. h. Sumptus autem à reliquis recte petet actione negotiorum gestorum. arg. l. 40. ff. de negot. gest. junct. l. 3. §. 3. & 7. ff. eod.

Quid, si aliqui ex consortibus litem deserant?

Portio ea accrescet agentibus. arg. l. 7. ff. fam. ercisc. nisi ex pacto cum adversario inito id fuerit factum.

D E R E O.

Quis est reus?

Qui convenitur, sive actione pulsatur: qui & fugiens dici solet. l. 2. & ex jurejurando Calpurn.

Ne uxor pro marito, vel maritus pro uxore,
&c. Tit. 12. Lib. 4. Cod.

Potestne uxor pro marito, maritus pro uxore, vel mater pro filio conveniri?

Non potest. l. 1. l. f. C. hic.

Quid, si maritus deliquerit, vel administrationem publicam habuerit?

Æque uxor dotem non amittet. l. 2. C. h. Imo nec obligatur patrimonium uxoris ob administrationem mariti. vid. l. 3. C. h. Certum quidem est, quod fructus rei dotalis, constante matrimonio, pignori capi possint. l. 9. D. de Muner. sed hoc non contrariatur, cum fructus sint mariti.

Ne filius pro patre. Tit. 13. Lib. 4.
Codic.

Potestne filius pro patre, vel pater pro filio conveniri?

Non potest filius pro patre conveniri (licet pater contraxerit debitum ob alimenta filii. arg. l. 13. C. si cert. per.)

sive sit debitum ex causa publica, sive privata. *l. 2. & 4. C. h.* Nisi quatenus filius successit patri. *l. 14 C. de res vind.* vel nisi pater administraverit causam primipilarem. *l. f. C. de primipil.* Pariter nec pater pro filio emancipato convenitur. Imo conventus, si per errorem solverit, repetere potest. *l. 1. C. h.*

DE REPRESSALIIS.

Quomodo ergo repressalia sunt permixta, si nunquam liceat aliquem pro alio convenire?

Non facile, cum belli speciem habeant, conceduntur: sed tunc demum, quando concurrunt sequentia. 1. Cum justa est causa. sc. cum in quaestione magni momenti requisitus Iudex iustitiam administrare recusavit. 2. Cum is, cui iustitia denegata est, suo magistratui probavit liquido damnum, quod passus est, ac simul denegationem iustitiae. 3. Cum magistratus læsi monuit literis vel legatione alterum magistratum, de quo querela est delata, ut is compellat damnum refarciri læso, nisi velit adversus se repressalias concedi. 4. Cum magistratus læsi adhibuit consensum supremi magistratus, qui populū repræsentat, vel alias ipsius populi: ante enim permitti non possunt.

Quid sunt repressalia, & quomodo distinguuntur à pignorationibus?

Repressaliæ fiunt ex autoritate Principis, ob iustitiam denegatam. Pignorationes sine autoritate Principis, ob turbatam jurisdictionem vel possessionem. Repressaliæ suo modo sunt permixtae. *arg. Auth. habita. C. ne fil. pro patre.* Pignorationes vero in totum prohibita. *Nov. 52. cap. 1.*

Annon aliqui repressaliis eximuntur?

In specie id tributum est studiosis, publicisque Professoribus omnium artium & facultatum, eorumque nunciis. *d. Auth. habita.*

An servus ex suo facto post manumissionem teneatur. Tit. 14. Lib. 4. Cod.

Tenetur ne post manumissionem servus ex suo facto?

Nequaquam ex contractu. *l. 1. & 2. C. h.* sed recte ex delicto. *l. 4. C. h.*

Quando.

Quando fiscus, vel privatus, debitoris sui debitorum convenire possit. Tit. 15. Lib. 4. Cod.

Potestne debitor debitoris à creditore conveniri?

A privato tantum potest duobus casibus. 1. Si debitor condemnatus nihil habeat in bonis præter nomina. l. 2. C. h. 2. Si nomina in solutum sint data. l. f. C. h. vel cella. d. l. fin. vel oppignerata. l. 4. C. quæ res pign. Fiscus vero recte convenit debitorem debitoris, modo debitor non sit solvendo, & suum debitum agnoscat, l. 3. & 4. C. h.

Ut actiones ab hæredibus. &c. Tit. 11. Lib. 4.

Possuntne actiones ab hæredibus & contra hæredes incipere?

Possunt hodie. l. unic. C. h. t.

De hæreditariis actionibus. Tit. 16. Lib. 4. Cod.

Quomodo conveniendi sunt hæredes?

Ad Si personales sint actiones, pro rata hæreditatis parte, non habita ratione emolumenti. l. 2. C. h. l. 1. C. si cert. petatur. sc. qua sunt rei persecutoria, & res, sive obligatio divisionem patitur. l. 2. §. 1. & seqq. ff. de Verb. Oblig. Reales vero dantur adversus hæredes qua possident, adeo ut & unus in solidum, si possideat, conveniri possit. l. 2. C. h.

Ex delictis defunctorum in quantum hæredes conveniantur. Tit. 17. Lib. 4. Cod.

In quantum tenentur hæredes ex delictis defunctorum?

Non solent actiones ex delictis dari adversus hæredes, nisi quid ad eos pervenerit. l. un. C. h. l. 5. ff. de calum. vel nisi lis fuerit cum defuncto contestata. hoc enim casu ad pœnam pecuniariam ex delicto in solidum tenentur hæredes. l. 87. & 139. D. de Reg. Jur. illo tantum, quatenus pervenit. d. l. unic.

Quid juris, si iudicio publico agatur?

Si ad pœnam corporalem instituaturs accusatio, post mortem ea nec institui, nec peragi poterit ante instituta.

Si ad poenam pecuniariam, secus est. vid. & confer l. 20. D. de accusat. l. 2. D. ad L. Iul. repet. l. fin. D. ad L. Iul. peculat.

Quid, si defunctus dolose in contractu versatus fuerit?

Siquidem instituatur actio ex contractu persequutoria rei tantum, hæres in solidum tenetur. l. 12. 49. D. de obl. & act. l. 7. §. datur. D. de pos. l. 152. §. f. l. 157. §. f. D. de Reg. Iur. l. 17. C. de negot. gest. l. 1. C. de hered. tut. Si ob dolum ad poenam agatur, non in solidum, sed in quantum pervenit. §. 1. Inst. de perpet. & temp. act. vel in solidum, si lis sit contestata. d. §. 1. l. 26. & seq. D. de dolo malo.

De formulis & impetrat. act. sublatis.

Tit. 58. Lib. 2. Cod.

Suntne hodie formulæ & impetrationes actionum observandæ?

Nullatenus. l. 1. & 2. C. h. ne videantur leges magis verbis, quam rebus esse impositæ. l. 2. in f. Cod. Comm. de legat.

Licetne ergo confuse litigare?

Quamvis formulæ quoad aucupationes syllabarum sint amputatæ. l. 1. C. h. tamen desideratur, ut non aliter actio instituatur, quam eo modo, qui conveniat rei & proposito negotio. l. 2. C. h.

De Litiscontestatione. Tit. 9. Lib. 3. Cod.

Cum de personis iudicium constituentibus hætenus sit dictum, dic, quo actu iudicium inchoetur?

Litis contestatione. Quæ nihil aliud est, quam controversiæ facta ab actore narratio, & ad eam rei contradictio. l. un. C. h. l. 14. §. 1. C. de judic. Hæc omnino est necessaria, adeo ut omissa sententiam reddat ipso jure nullam. arg. l. 1. C. h.

Quomodo distinguitur?

Distinguunt eam nonnulli in affirmativam & negativam. sed re vera tantum est negativa: semper enim contradictio desideratur. d. l. un. & l. 14. §. 1. l. 73. D. de procurat.

Quomodo fit legitime litiscontestatio?

Siquidem narrationem litis præcedentem contradic-
tio

Actio subsequatur, quæ certa sit. Nec necesse est, ut in continenti subsequatur: sufficit enim, & eam fieri ex intervallo. *arg. d. l. un. & d. l. 14.*

Qui sunt effectus litis contestationis? ^{De actio in act. d. l. de malo}
^{quæ finit in l. l. un.}

Varii. 1. Actionem temporalem perpetuat. *l. 139. ff. de Reg. Iur. l. 9. §. 3. ff. de jure jur.* 2. Efficit, ut actio, quæ morte aliàs extingueretur, etiam adversus hæredem competat. *l. 87. de Reg. Iur.* 3. Interrumpit usucapionem: Ex bonæ fidei possessore, malæ fidei facit. *l. 10. Cod. de acq. poss. l. 7. C. de præscript. 30 annor. l. 22. C. de rei vind.* 4. Inducit novationem. *l. 29. junct. l. 11. §. 1. ff. de novat.* 5. Facit rem litigiosam in actionibus personalibus. *arg. l. 2. C. de litig. uti citatio in realibus. Nov. 112. c. 1.* 6. Transfert periculum rei in adversarium, maxime, si prædo sit, & justam contradicendi causam non habeat. *l. 40. ff. de petit. hered.* 7. Parit usuras tam in stricti juris, quam bonæ fidei judiciis. *l. 35. ff. de usur. junct. l. 32. §. 2. cod.* 8. Facit curatorem vel procuratorem dominum litis. *l. 11. 23. C. de procurat.* 9. Præcludit viam dilatoriis exceptionibus. *l. pen. C. de except. nisi post emerferint, vel reus de iis servandis fuerit protestatus.* 10. Impedit, quò minus cedens liberare possit eum, contra quem cella est actio. *l. 3. C. de deleg. 11.* Impedit, quo minus creditor, qui cum pluribus fidejussoribus in partes viriles litem contestatus post deprehendit aliquos non esse solvendo, in eos, qui solvendo sunt, petitionem redintegrare possit. *l. 16. C. de fidejuss.*

Suntne nonnulla, quæ impediunt litis contestationem?

Sunt varia: ea sc. quæ ab ingressu judicii quem remouent, & non permittunt causam in dubium vocari. *c. 1. & 2. hic in 6.* uti sunt exceptiones transactionis, rei judicatae, litis per jusjurandum finitæ, & similes.

De pœna temere litigantium. Tit. 16.

Lib. 4. Inst.

Suntne certi modi, quibus litigantes coërcentur, ne temere ad litigandum procedant?

Sunt varii. 1. Est infamia. 2. Pœna pecuniaria. 3. Jurisjurandi religio.

Quæ est pœna infamia?

Non ex omnibus actionibus, sed ex quibusdam.

G. 5.

dam-

damnati sunt infames: veluti furti, vi bonorum raptorum, injuriarum, de dolo, item tutelæ, mandati, depositi, directis ob dolum, non contrariis, item pro socio. §. 2. *Inst. hic. l. 1. ff. de his qui not. infam.* Insignis enim est malicia, non tantum committere delictum, sed & actum, dolo malo gestum, ad extremum litigando in judicio tueri.

Qua est pœna pecuniaria?

Condemnatio in expensas & litium damna. §. 1. *inf. Inst. hic. l. 79. princ. ff. de judic.* quinimo & in mulctam extraordinariam, si manifesta sit calumpnia.

De plus petitionibus. Tit. 10. Lib. 3. Cod.

Quibus modis plus petitur?

Variis. re, si major summa: loco, si incommodiori loco: tempore, si ante tempus: causa, si simpliciter, quod alternative debetur, petatur. §. 33. *Inst. de act. l. f. C. h.*

*Quia causa habet toto
Jure.*

Qua est pœna plus dolo malo petentium?

Qui tempore plus petit, tenerur duplicare inducias, pacto concessas, quæ sunt inter diem petitionis & eum diem quo solvi debet. d. §. 43. & l. 2. C. h. Qui vero aliis modis plus petit, reddere tenerur triplum damni, quod propter hanc rem passus est adversarius, sive nomine sportularum, sive ex alio à causa. d. l. 2. & 3.

Quid, si tutores vel curatores plus petant?

Nullum ex eo sentiunt damnum pupilli vel minores, sed ipsimet tutores vel curatores l. 1. C. h.

*Quia d. minoribus
nostit.*

Quid, si per errorem plus petatum sit?

Potest is error, ubi cognitus fuerit, ad sententiam usque in eodem judicio corrigi. §. 34. & 35. *Inst. de actionib.* Solet enim ignorantia in talib. à pœna excusare. l. 29. D. mandat. Is enim tantum in pœnam plus petitionis incidit, qui dolo malo plus petit. l. 3. C. h.

An ergo nunquam licet ante diem agere?

Et si quidem ordinario non liceat petere, quod in diem debetur, nisi cum dies venerit, & vexari non debeat reus ante tempus: tamen audiendus est creditor, si ex causa agat, ut adveniente die sibi solvatur. arg. l. 16. D. de petit. hered. l. 1. C. de sentent. quæ fin. cert. quant. Quod magnum habet usum in actione redimtum, & aliis causis, Deinde, & ante diem potest agi ex
justa

justa ad cautionem, licet debitum exigere nequeat. *l. 41. D. de judic. l. 2. de evict. l. 38. D. pro socio.* Quod non tantum in bonæ fidei judiciis, secundum *Dd. Ll.* sed & in stricti juris actionibus ob æquitatem rei admitti debet.

De Jurejurando propter calumniam dando. Tit. 59. Lib. 2. Cod.

Quomodo juramento coërcentur temere litigantes?

Iurare debent de calumnia: hoc est, jurato declarare, se causam bona fide agere & acturos esse.

Qui debent jurare?

Non tantum actores, verum etiam rei, *Auth. hoc sacr. & Auth. in isto. C. h. t.* Imo & ex causa Advocati & Procuratores.

Nullisne ergo remittitur?

Remittitur parentibus in causis liberorum. *l. 7. §. 3. ff. de obseq. parent.* Et est indultum nonnullis, quos dignitas, sexus, verecundia, vel morbus impedit, ut domi suæ jurent, adversario vel procuratore ejus præsentem. *l. 2. §. 1. C. h.*

Quid, si actor vel reus in judicium venire nequeat?

Potest procurator ex speciali mandato in animam mandantis jurare. *c. f. hic in 6.* nisi Iudex ex speciali causa voluerit personas principales præstare jusjurandum.

In quibus causis præstatur?

In omnibus: sive summarie, sive ordinarie agatur. *l. 1. & 2. C. h.* Non vero in criminalibus judiciis facile exigendum est ab accusatis: ne perjuriis derur occasio, & quis se prodere cogatur. *arg. c. 19. caus. 2. q. 1.* Accusatoribus recte imponitur, quia nusquam aliter constitutum, & hodie inscriptiones in crimina cessant.

Quid, si omissum sit hoc juramentum?

Non vitiabitur per hoc processus: omitti enim potest expresse vel tacite: sic tamen, ut Iudex non impediatur deferre, quoties res postulat. *l. 2. §. 4. C. h.*

De ordine Judiciorum. Lib. 3. C. Tit. 8.

Quis ordo debet servari in actionibus, sive in judiciis, si plures oriantur quæstiones?

Sunt hic varia observanda. Præferri enim debet actio, quæ

quæ alteri facit præjudicium: sic, qui iudicio familiæ
erciscundæ acturus est, si ei de statu controversia fiat,
prius præjudicalem actionem movebit. *l. 2. C. h. quo facit*
textus in l. 54. ff. de judic. l. 16. & 18. de Except. l. 7. ff.
de petir. hered. Unde etiam ordinario causa momenti
sive possessionis, proprietatis quæstioni præfertur. *l. 3.*
C. de judic. l. 13. Cod. de rei vind. §. 4. Inst. de interd. De-
inde, major quæstio præfertur minori. *d. l. 54. l. f. C. h.*
Quæ vero major habenda, æstimabit Iudex. Hinc re-
gulariter prius de criminali, quam civili causa agendum.
l. f. C. h.

Cur dicitur regulariter?

Quia arbitrio iudicis committitur, ut aliquando ci-
vilis præponatur. *arg. l. quoniam C. ad. L. Iul. de adulter.*
l. 8. C. de plagiar. ac præterea, quia sæpe cumulatur civi-
lis cum criminali, cum res exigit. l. 3. C. h.

DE CONCURSU ACTIONVM.

Quando actiones dicuntur concurrere?

Cum duæ pluresve actiones personales, vel reales, aut
mixtæ, eidem aëtori adversus eundem reum competunt
ex una vel pluribus causis. *l. 10. D. aët. empt. l. 56. D. de*
furt. & singulæ excerci possunt.

Suntne aliqua regula observanda in concursu?

Sunt variæ. Concurrunt vel mere rei persecutoriæ
solæ, vel pœnales solæ, vel pœnales cum persecutoriis,
vel mixtæ solæ, vel mixtæ cum persecutoriis rei, vel
mixtæ cum pœnalibus. In hisce omnibus diversa jura
obtinent.

Quæ est prima regula?

Si concurrant mere rei persecutoriæ ex eadem causa,
una tantum licet experiri. *l. 43. §. 1. D. de Reg. Iur. l. 18.*
34. §. 1. D. de oblig. & aët. l. 38. §. 1. D. pro socio. Quod
enim semel nostrum factum est, amplius nostrum fieri
non potest, & ut bis idem exigatur, bona fides non pa-
titur. *l. 3. §. 4. D. de acq. poss. l. 57. D. de Reg. Iur.*

Annon debet hac regula limitari?

Debet. 1. Quoties dubitatur utra actio competat.
arg. l. 1. §. 4. D. quod legat. l. 16. C. de inoff. 2. Quoties in
actione altera, qua non est actum, quid amplius est,
vel quid peti possit, cujus ante non est facta mentio.
l. 43. l. 47. D. pro soc. l. 28. D. de aët. empt. d. l. 34.
§. 2.

§. 2. D. de oblig. & act. Et sic consumi dicuntur victoria & condemnatione sive consecutione potius, quam electione sive institutione sola.

Quæ est secunda?

Si rei persecutoriæ solæ concurrant ex diversis causis, singulis uti permissum est. quod explicandum est in actionibus realibus, non, ut quis sæpius eandem rem possit obtinere; quod fieri jure non potest: sed ut, quod non obtinuit ex priori causa, id obtineat per posteriorem. Ergo interest, an simpliciter quis rem suam perierit, an adjecta causa. si simpliciter, rursus non potest agi. l. 11. §. 1. 4. 5. l. 12. 13. 14. 15. pr. & §. 2. l. 27. D. de except. rei judic. Si causa adjecta, non nocebit, si post ex alia causa experiatur. d. l. 11. §. 2. & l. 14. §. 2. verum, in actionibus in personam, singulas obligationes singulæ causæ sequuntur: nec ulla earum alterius petitione vitatur. d. l. 14. §. 2. Adeo ut non tantum post unius rejectionem, altera uti liceat. l. 28. D. de liberat. leg. l. 93. §. 1. D. de leg. 3. verum etiam post condemnationem ex alterutra, sive ejusdem generis actiones sint. l. 10. D. de act. empt. sive diversi. d. l. 18. D. de oblig. & act. Quin etiam non tantum licet instituere diversas actiones, sed etiam restaurare ac repetere easdem, ob certas causas: ut si justo errore deceptus priorem moverit. l. 13. D. de inst. act. l. 1. §. f. D. quand. de pecul. l. 4. §. f. D. Quod cum eo qui. si in priori judicio temporalis fuerit exceptio. d. l. 1. §. f. l. 15. ff. de obl. & act. Vel, si generali actione peracta, postea ob rem particularem eadem actione agatur.

Quæ est tertia?

Si mere pœnales plures concurrant, omnibus experiiri licet, sive ex uno delicto & facto, sive ex uno facto & pluribus delictis, sive ex pluribus delictis & factis nascantur. hoc addito temperamento, ut, si ex pluribus factis & delictis nascantur, singulis in solidum possit agi: nullius enim debet dari impunitas. l. 2. ff. de privat. delict. l. 27. 32. §. f. D. ad Leg. Aquil. si ex uno facto & uno vel pluribus delictis nascantur, possit agi omnibus. l. 1. §. 4. ff. de publ. & vectig. l. 43. §. 1. de Reg. Jur. l. 30. 32. 34. 35. de oblig. & act. sic tamen, ut consumantur, qua in posteriori nō est quid amplius, & liceat omnibus agere,

agere, si ante leviori si actum. l. 41. §. 1. ff. de oblig. & act. d. l. 34 eod. l. 1. ff. de vi bon. rapt. Adeoque erunt partes Iudicis, ut, quod plus est in reliqua actione, actori adjudicet, Quinimo & aliquando ex justa causa eadem actio, si ante minus peticum fuerit quam peti poterat, potest repeti. l. 26. ff. ad leg. Aquil.

Qua est quarta regula?

Si concurrat rei persecutoria cum poenali, neutra alteram tollat. vid. l. 7. §. 1. de condict. furt. §. f. Inst. de oblig. q. ex delict. & alius casibus expressis l. 45. ff. pro socio. l. 44. §. 2. de oblig. & act. l. 29. ff. de pos. l. 42. ff. locat. l. 2. §. 1. ff. de tut. & ration. Sunt enim hae actiones ex causis diversis, & complectuntur diversas res, adeo ut exceptio rei judicatae non possit obstare, nec objici aequitas, quae vetat bis idem exigi.

Qua est quinta?

Si concurrat mixta cum rei persecutoria, potest postea altera earum proponi, si una quis egerit & obtinuerit, qua altera plenior est. l. 7. §. 1. ff. commod. l. 34. §. f. de obli. & act. l. 47. §. 10. ff. pro socio.

Qua est sexta regula?

Si mixtae concurrant cum poenalibus vel inter sese, haecenus consumuntur, qua vel idem vel tantundem iis petitur. l. 1. ff. de vi bon. rapt. l. 14. §. f. l. 15. ff. Quod met. caus. l. 2. §. 3. ff. de priv. delict.

Annon eget hac regula temperamento?

Eget omnino: nam tunc tantum procedit cum ex uno facto plura delicta nascuntur. l. 1. §. 22. ff. de tutel. & rat. redd. Sin autem sint plura delicta, singulis tota poena petitur: nunquam enim delictum ob aliud delictum non punitur. l. 2. ff. de privat. delict.

De Cumulatione actionum.

Qua est actionum cumulatio?

Est plurium actionum unius vel plurium rerum nomine in eodem libello coacervatio.

Suntne nonnullae regulae de prohibita cumulatione?

Sunt. Et prima est: Non conceditur cumulatio, cum una actio ita se habet ad alteram, ut possibile sit, ab-

solutoriam latam in una parere, exceptionem rei judicatae in altera. *l. 16. 18. D. de except. l. 11. §. 4. D. de except. rei jud.*

Qua est secunda regula?

Non conceditur etiam cumulatio, cum plures actiones sic se habent, ut una electa, altera tollatur. *l. 9. §. 1. D. de tribut. act. l. 6. D. de except. rei jud.* Eaque regula non tantum procedit, cum electio actionum datur; sed & cum actiones sibi invicem sunt contrariae. *l. 1. C. de furt. arg. l. 14. 16. C. de inoff. testam.*

Qua est tertia?

Cum actione, quae praedictum parit, & quam ex ordine praecedere oportet, non potest ea cumulari, quae necessario sequi debet, quando est diversus agendi finis, diversumque petitur.

Tit. 2. D. De inofficioso testamento. 28.

Lib. 3. Cod. 18. Lib. 2. Inst.

Cum hucusque in genere sit actum de preparatoriis judiciorum, ipsisque judiciis; & methodus exigat, ut de ipsis actionibus singulis agatur. Quomodo ergo distinguuntur actiones?

Sunt vel in rem, vel in personam, vel mixtae. In rem, vel universales, vel speciales. Universales, quibus rerum universitas petitur; qualis est petitio hereditatis, quae vel inest querelae inofficiosi, vel directo ex sua causa instituitur. Speciales; ut rei vindicatio, confessoria, negatoria.

Quid est querela inofficiosi?

Remedium extraordinarium, siue actio, qua certae personae, quibus id jure speciali datum est, conqueruntur se inique esse defuncti testamento exheredatos. *l. 1. §. 1. D. de testam. l. 1. §. 1. D. de inoff. testam.*

Quibus datur querela?

Datur parentibus, liberis, & certo casu fratribus.

Quibus liberis?

Liberis utriusque sexus. *l. 1. 3. 5. ff. hic. l. 7. 15. C. h. siue sint sui, siue emancipati. pr. & §. 1. Inst. h. junct. Nov. 115. c. 3.* non tantum legitime natis; sed & legitimatis per subsequens matrimonium; per rescriptum.

Prim.

timatis, non aliter, quam si legitimi liberi non sint. *arg. Nov. 89. c. 9.*

Quid juris in adoptatis?

Arrogati, qui quartam habent, à querela removen-
tur. *l. 8. §. 15. ff. h.* reliqui vero adoptati, qui transeunt
in potestatem patris adoptivi, recte querelam hanc in-
stituunt. *§. 2. Inst. hic.* at adoptati ab extraneo, hanc
movere nequeunt. *l. 10. C. §. 2. Inst. de adopt.*

*Quid juris in naturalibus tantum, spuris, & dam-
nato coitu natis?*

Ex damnato coitu nati, nec contra matris, nec con-
tra patris testamentum quid movere possunt, quia non
succeedunt ab intestato. Spurii vero, quia patrem cer-
tum demonstrare non possunt; & naturales tantum,
quia ipsis à patre nihil præter alimenta præstari debet,
conqueri de paterno testamento nequeunt: sed recte
de matris. *per l. 29. §. 1. ff. h. l. 2. & ff. unde cognati.*
vero adversus matris illustris, si concurrant cum liberis
legitimis, testamentum non audiuntur. *arg. l. 5. Cod. ad
SC. Orfit.*

*Quid, si pater nec legitimos liberos, nec legitimam
uxorem reliquerit, sed tantum naturales;
competitne eo casu ipsis querela?*

Non. quia tantum ipsis est concessum, ut ad duas
uncias succedant ab intestato. *Novell. 89. c. 12. §. 4. &
nusquam legitima ipsis tribuatur. unde nec querelam
habent. arg. Nov. 18. c. 1. in fin.*

Quibus parentibus datur?

Illis, qui ab intestato essent succelluri, sine distin-
ctione sexus vel potestatis.

Quibus fratribus?

Tantum germanis & consanguineis, eoque demum
casu, quo turpes personæ sunt institutæ hæredes. *l. 1.
D. l. 27. C. h.* Absurdum enim esset, turpitudine nota-
tos præferri fratribus honeste viventibus. Cæteris vero
cognatis & uterinis fratribus non competit. *d. l. 27.*

Quæ sunt hoc casu turpes personæ?

13

Quæ vel facti vel juris infamia sunt notatæ. *d. l. 27.
C. h.* Quia in re & iudices convenit esse prouiores, ut
etiam infamiam facti admittant notabilem aliquam:
cum exheredationes & fratrum exclusiones sint odio-
sæ. *arg. l. 19. D. de lib. & posthum.*

Datur.

PARS SECUNDA.

Daturne etiam hac querela hereditus exheredatorum?

*Daturne etiam hac querela heredibus exheredatorum?
Communiter statuitur, ad suos indistincte transmitti. 7. lib. 20.*

l. 5. 34. 36. §. 2. C. h. Ad extraneos vero non aliter, quam si fuerit preparata. arg. d. Ll. & l. 6. C. de transact. Verum iustitiam & rei ipsi convenientius defendetur, querelam ad liberos simpliciter; ad alios non, nisi preparata sit, transire.

Quando dicitur preparata?

Cum vel denunciatio, vel editio actionis, multo magis cum litis contestatio est facta. l. 7. ff. h. t. Sin autem mutaverit is, cui querela inofficiosi competit, voluntatem, preparatio dicetur sublata. l. 1 §. 1. ff. h.

Contra quos datur?

Contra omnes hæredes scriptos, vel etiam viva voce nuncupatos. l. 15. §. f. l. 17. 24. 29. §. f. D. l. 31. C. h. non tantum directos, sed & fideicommissarios. l. 1. C. hic. quinimo & illos, qui hæredum locum obtinent. l. 10. C. h. modo adita sit hæreditas. l. 8. §. 10. ff. l. 36. C. h.

Coram quo Iudice instituenda est ?

Coram eo, sub quo h. res domicilium habet. l. 29. §. f. D. h. l. 19. D. de judic. aut sub quo h. hereditas est sita. arg. l. 3. C. ubi in rem act. & aliquando in foro exheredat, si is conveniatur ad hereditatis, quam possidet, restitutionem: potest enim per modum contradictionis sive reconventionis querelam adversus petentem movere. l. 8. D. h. cum enim ipsi datur actio, multo magis exceptio. l. 156. §. 1. D. de R. Jur. c. 71. cod. in 6.

Quomodo instituitur querela?

Olim opus erat colore, quasi non sanæ mentis fuisset testator. *pr. Inst. l. 5. D. h.* Sed hodie actor, cum narravit, se à defuncto patre, filio, vel fratre ex hæredatum inmerito, reumque adiisse hæreditatem, petit, testamentum declarari inofficiosum, vel ex hæredationem, non iusta vel non vera ex causa factam, rescindi quoad institutionem hæredis. Cui deinde additur petitio hæreditatis, hoc modo: Ac consequenter contendit actor, se declarari hæredem ab intestato ex asse aut pro patre. Et pro ea, ex qua hæres est, sibi hæreditatem adjudicari, reumque condemnari ad eam restituendam cum omni causa. *quod causa significat ibi l. 20. de iur. vind. Quis*

Quis est hujus actionis hodie effectus?

Vt testamentum rescindatur quoad hæredis institutionem, manentibus legatis & fideicommissis salvis.

Novell. 115. c. 3. in f. & c. 4. Auth. ex caus. Cod. de liber. præter.

Quid, si pater per querelam filium, qui instituit honestam personam, reddiderit intestatum, debetne & frater cum ipso admitti?

Non admitteretur, licet aliàs succedat ab intestato: quia, cum recte est exclusus, non poterit ex accidenti & alieno ac adventitio jure in fraudem legis admitti. *arg. l. 6. ff. qui, & a quib. manum.*

Debetne dicto casu pater in solidum succedere?

Tantum in eam portionem, quam habiturus esset ab intestato: reliquum vero, quod fratribus ab intestato cederet, manet penes hæredem scriptum; quia id in querela inofficiosi receptum, ut pro parte quis intestatus fieri possit. *l. 15. in f. l. 17. D. hic.*

Suntne casus, quibus querela cessat?

Varii. 1. Si testamentum militare sit. *l. 8. §. 3. & 4. D. h.* 2. Si sit testamentum factum à patre filio impuberi. *d. l. 8. §. 5.* 3. Si legitime filius sit exheredatus. *Nov. 115. c. 3.* 4. Si testator sit testatus de peculio caltrensi vel quasi. *l. f. §. 1. C. h.* 5. Si filius post obitum testatoris approbaverit testamentum, vel expresse paciscendo cum heredibus. *l. 35. §. 2. C. h.* vel tacite agnoscendo legatum. *§. 4. Inst. h. suo nomine. §. 4. & 5. Inst. h.* 6. Si alia quadam ratione exheredatus pervenire possit ad hereditatem. *§. 2. Inst. eod.* 7. Si institutus fuerit quis ex legitima, vel etiam minima aliqua ejus parte, sive etiam certa re. *§. 3. Inst. l. 30. C. h.*

Quid, si filius pactus sit cum patre testatore, quod non sit motorus controversiam adversus testamentum?

Ejusmodi pactum non obstat. *l. 35. §. 1. C. h.* quia præstat magis, filios meritis ad paterna obsequia, quam pactionibus astringi. *d. l. 35. §. 1.* imo nec obstat pactum, licet pater filio quid eo nomine donaverit. *d. l. 35. §. 1.*

Quid, si filius agnoverit legatum, quo minus legitima portione ei relictum est?

Testamentum quidem valebit; sed, si non adjecerit filius, nullam sibi superesse de legitima quæstionem, nul-

nullum sibi facit præjudicium : semper enim agere potest ad supplementum legitimæ. *d. l. 35. §. 2. C. h.*

Quid, si filius sit institutus ex re certa, debetne ea esse contentus ?

Nequaquam : potest enim æque agere ad supplementum legitimæ. *l. 30. C. h.* Non enim patri aliter permittitur testari, quam ut liberis detur vel postea suppleatur legitima.

D E L E G I T I M A,

Quid ergo est legitima ?

Est portio portionis ab intestato debita iis, quibus, si exheredentur, querela inofficiosi datur; ex ratione naturali introducta, jure vero civili plene constituta & definita.

Quanta portio hereditatis est legitima ?

Fuit olim quarta. Iure vero novissimo, si liberi sint quatuor vel pauciores, est triens; si quinque vel plures, est semis. Quod augmentum etiam in parentibus, vel fratribus locum habere, indicat *Nov. 18. c. 1. in fin. junct. l. 1. 15. ff. l. 27. C. h.*

Faciuntne hic etiam exheredati partem ?

Nulla modo : habentur enim pro mortuis. *arg. l. 17. ff. h. l. 1. §. 5. ff. de conjung. cum emanc.*

Quid debet observari circa legitimam ?

1. Ut non titulo legati, sed institutionis, quia honorabilior est, relinquatur. *Nov. 115. c. 3.* 2. Ut non gravetur modo, fideicommisso, conditione, aut mora. *l. 30. §. 2. C. h.*

Estne legitima hereditatis vel bonorum quarta portio ?

In se est pars hereditatis, sed ratione computationis est bonorum. Non enim aliter computari potest, quam ære alieno & impensis funeris deductis. *l. 8. §. 9. ff. h.*

Estne ergo ulla ratio, fideicommisso onerandi legitimam ?

Variæ sunt propositæ, verum non satis legibus convenientes. Cæterum, si pater sic caverit testamento : Volo, ut liberi, priusquam ad divisionem procedant, eligant, vel solam legitimam non oneratam, vel totam suam portionem, universali onere fideicommissi, non

tantum in bonis supra legitimam, sed & in legitima gravatam. Liberi eo casu tenentur, priusquam hereditatem dividant, declarare, utrum legitimam solam sine gravamine, an totam portionem cum onere velint; & sic non tam pater quam liberi sua electione legitimæ onus imponunt. Licet enim pater directo non possit, hoc tamen modo per indirectum efficit. Multa quippe oblique fieri possunt, quæ directo facta non valent, arg. l. 1. ff. de auth. tut.

Quamdiu durat querela, vel actio ad supplementum?

Querela quinquennio tollitur. l. 8. §. f. D. l. 34. in f. C. h. conditio vero ad supplementum legitimæ perpetua est, quia est actio personalis ex lege, quæ 30 annis præscribitur. l. 3. C. de præscript. 30 vel 40 annor.

De inofficiosis donationibus. Tit. 29.

Lib. 3. Cod.

Quid, si parens donationibus immensis facultates exhausserit ante obitum?

Datur querela inofficiosa donationis, siue consilio fraudandæ legitimæ, siue non fraudandæ, sit facta. Per hanc liberi agunt, ut donatio inofficiosa declaretur & rescindatur, & consequenter, legitima libera adjudicetur. l. 1. & tot. tit. C. h.

In quibus convenit hæc querela cum inofficiosi, & differt ab ea?

Convenit, 1. Quod utraque occurat inofficiosis parentum actionibus. 2. Quod utraque non detur, nisi post obitum; quia testamentum vires demum post mortem accipit; & legitima est portio hereditatis, quæ non potest esse vel peti ex bonis viventis. l. 1. ff. de hered. vel act. vend. l. 1. §. Si impuberis. ff. de collat. bon. 3. Quod utraque non detur, cum remedio alio quis uti possit. §. 2. Inst. de inoff. test. junct. l. 4. & 6. C. h. 4. Quod utraque cesset, si filius approbaverit voluntatem patris, vel expressa voluntate, vel tacita per lapsum quinquennii. l. 35. §. 2. C. de inoff. junct. l. 6. l. f. C. h. l. 8. §. f. ff. de inoff. Differt vero hæc à querela inofficiosi, quod 1. hæc sit ex contractu; que-

rela

rela inofficiosa, ex testamento. 2. Quod hac tantum
petatur legitima. l. 1. & 2. C. h. querela inofficiosa, *altera pars*
tota portio hereditatis, salvis legatis. Novell. 115. c. 3. *manus scripta*
in fin. *pro in qu. rela*
inofficiosa test.

Quando debet quantitas patrimonii spectari?

Non tempore donationis, sed mortis: cum agatur
de re, quæ demum post obitum petenda & æstimanda est.

Imo videtur quod in totum revocari debeat donatio. 1. per
l. 8. C. de revoc. donat. 2. quia querela hac ad exem-
plum inofficiosa, l. 2. l. f. C. h. quæ totam insti-
tutionem tollit, introducta est?

Nihil ex locis dictis sequitur. Quia in d. l. 8. non
agitur de inofficiosa donatione, quæ in odium libero-
rum erat facta; sed de ea, quam fecit pater liberos non
habens, isthac sc. mente, ut revocetur, si postea libe-
ros suscipiat. Deinde, querela hæc ad similitudinem
inofficiosa testamenti constituta est, ut sit una vel simi-
lis causa. d. l. 2. & f. in omnibus, in quibus lex aliter
non constituit. Lex autem voluit jus dici aliter in do-
natione, quam inofficioso testamento in hac specie,
uti supra probatum.

Quibus casibus cessat hæc querela?

Fere omnibus, quibus inofficiosa; uti, si salva sit re-
lictæ quantitas legitimæ, vel, si liberi sint ingrati, &c.

De inofficiosis dotibus. Tit. 30.

Lib. 3. Cod.

Quid, si immoderatis dotibus parens exhausserit
facultates suas?

Eo modo potest querela institui, quo ob inofficio-
sam donationem. l. un. C. h. Scilicet, si actum sit, ut
qui dotem accepit, eam lucretur, & post mortem pa-
rentis non sit dos conferenda.

Quid, si per alios contractus parens patri-
monium dissipaverit?

Siquidem id fuerit factum in fraudem legitimæ, &
alii lucrum sine onere senserint, liberis est favendum.
l. f. D. Si quis in fraud. patron. Sin autem lucrum alii,
in quos bona sunt translata, non percipiant, aliorum
causa erit melior. arg. l. 8. §. 9. ff. de inoff. testam.

Tit.

Tit. 3. De petitione hæreditatis. 31.

Lib. 3. Cod.

Quid est petitio hereditatis?

Est actio in rem universalis, qua actor petit hæreditatem delatam sibi restitui ab eo, qui eam possidet.

Annon rectius dicitur mixta. l. 7. C. b. ?

Sua natura est in rem : verum, qua habet ex acciden-
ti præstationes quasdam personales, ut puta, nomine
eorum quæ à debitoribus sunt exacta, vel si quæ sint à
possessore soluta, distracta; si fructus percepti. l. 25. §. 13.
junct. §. 1. ibid. & l. 31. inf. D. h. & mixta dici potest.

Quomodo distinguitur?

Datur vel directo heredi; quæ est vel civilis vel prætoria: vel obliquo; quæ est fideicommissaria.

Quibus ergo datur civilis?

Datur vero hæredi, live ex testamento, live ab intestato. *l. 1. 2. & 3. ff. h.* live suo nomine & per se, live per alios effectus sit hæres. *d. l. 2.* Nec tantum hæredi ex assë, sed & ex parte. *l. 10. §. 1. ff. h.*

Quid, si quis ex certa re sit institutus?

Si solus sit nominatus hæres, ei hæc actio competit: quia rejicitur rei mentio, & habetur pro instituto ex alle. l. 1. §. 4. ff. de hered. inst. Si cum aliis scriptis vel simpliciter vel ex partibus hereditatis concurrat, erit loco legatarii. l. 13. C. eod. & propterea actio hæc ei denegabitur. Sin autem alii, cum quibus vocatur, sint quoque vocati ex certis rebus, competet & huic & aliis hæc actio. arg. l. 9. §. 13. ff. eod.

*Quid, si quis ex testamento adierit, & ejus vires ignora-
verit, posteaque petere velit hereditatem ab
intestato?*

f. vent. in 2^a Et si quidem necessario nemo teneatur in libello ex-
primere, utrum ex testamento, vel ab intestato petat:
tamen, si quis de facto ex testamento petierit, cum
ignoraret vires testamenti, non prohibetur legitimam
hereditatem vindicare. l. 8. ff. l. 3. C. h. l. 19. vers. cate-
rum. ff. de inoff. l. 97. in fin. de acq. hered.

Contra quos datur hac actio ?

Contra eos, qui possident vel pro herede, hoc est, bona

bona fide putant, vel ex causa aliqua contendunt se hæredes esse. *l. 11. ff. h.* vel pro possessore; quales sunt prædones, qui interrogati cur possideant, quia possidemus, responsuri sunt. *d. l. 11. §. 1. l. 12. 13. ff. h.* Nec distinguitur, utrum totam hæreditatem, an partem etiam minimam hæreditatis jure detineant. *l. 9. & 10. ff. h.* Quinimo & contra debitores hæreditatis, qua contendunt ratione ejus debiti esse hæredes. *d. l. 13. §. f. l. 14. 15. 16. junct. l. 42. ff. h. t.*

*Annon & utiliter dari potest adversus illos
qui non possident?*

Potest; uti, si quis sese liti obtulerit: habetur enim pro possidente. *d. l. 13. §. 13. l. 45. D. h.* sc. ut teneatur, quanti interfuit actoris, non decipi. *d. l. 45. junct. l. 39. D. de dol. mal.* Pariter &, qui dolo desit possidere, hac actione quasi possidens tenetur. *d. l. 13. §. 14. l. 25. §. 8. D. hic.*

Daturne etiam contra emptores hæreditatis?

Expressi sunt casus. *d. l. 13. §. 4. & seqq.* ut si venditor non extet; si modico vendiderit bonæ fidei possessor, sive sponte, sive ex jussu testatoris; si quis sciens alienam emerit hæreditatem; si à fisco quis emerit. *d. l. 13. §. 7. 8. & 9.* Quibus addi debent similes casus, quibus æquitas hanc dari postulat, & emptor hæreditatem possidet, tanquam universitatem à se emptam: alias vero debet dari ordinario vindicatio. *l. 2. §. emptor. C. h.*

Quæ res veniunt in petitionem hæreditatis?

Non tantum hæreditaria corpora; sed & aliæ omnes res, quarum periculum ad hæredem pertinet: uti res pignori datæ defuncto, vel commodatæ, depositæve. Etiam illæ, in quibus possessor retentionem tantum habuit: uti late hæc explicantur *l. 19. 20. D. h.* Quinimo & eæ res, quas postea cœpit possessor possidere. *l. 4. l. 18. §. pen. l. 41. ff. h.*

Qua forma actio hac instituitur?

Actor, postquam narravit defuncti hæreditatem sibi delatam, vel ex testamento, vel ab intestato, adversariumque possidere, petit, se declarari hæredem, & reum condemnari, ut hæreditatem in totum vel pro parte sibi restituat cum omni causa.

Quis denique est effectus hujus actionis?

Ut interim nihil distrahatur, nisi sint, quæ servando *Sic p. 5 ad 5. line ser.*

servari non possunt, vel ad causam funeris pertinent, similemque rationem habent. *l. 5. ff. hic.* Quinimo prohibendus est possessor, antequam lis inchoetur, aliquid ex hæreditate distrahere: nisi maluerit cavere pro omni quantitate hæreditatis, vel rerum ejus restitutione. *d. l. 5.* Deinde, ut, si condemnetur reus, restituat omnem rem & fructus: eique rursus restituantur, quæ nomine rerum hæreditariarum aliquo modo absunt; uti, si quid erogaverit. *l. 19. & 20. D. l. 2. C. h.*

Quid, si legata sint solvenda pendente hac actione?

Consultum est hæredi, non aliter solvere, quam accepta cautione de restituendis iis cum usuris. *l. f. pr. C. h.*

Quid, si possessor quid ex rebus hæreditariis dilapidaverit, donaverit?

Conven. Bonæ fidei possessor si ex hæreditate sumtum quem fecerit, quid dilapidaverit, perdiderit, donaverit, dum re sua se abuti putat, non præstabit hæredi. *l. 25. §. 11. ff. h. junct. l. 1. C. h.*

Quos fructus tenetur possessor restituere?

B Bonæ fidei possessor, siue sint fructus naturales, siue industriales, non tenetur nomine fructuum quos percipit, nisi, qua locupletior ex iis est factus. *d. l. 1. C. h.* Malæ fidei autem possessor non tantum de perceptis, sed & iis, quos percipere potuit, tenetur. *l. 1. C. h.* Præstat quoque usuras rerum venditarum. *l. 1. C. h.* maxime, post motam controversiam. *d. l. 1. l. 20. §. 12. ff. h.*

Quando bonæ fidei possessor in mala fide constituitur?

Non tantum per litis contestationem, sed & per denunciationem sibi factam. *l. 20. §. 11. l. 25. §. 7. ff. h.* nec refert, à quo fuerit denunciatum. *d. l. 20. §. 11. in fin.* Quanquam enim litis contestatæ in S Consulto fiat mentio, tamen & idem ad controversiam motam est referendum. *d. l. 25. §. 7.*

Quid statuendum de impensis?

Bonæ fidei possessor deducit omnes impensas necessarias & utiles, siue res extet, siue non extet. *l. 38. l. 39. ff. h.* Non vero ita voluptarias. *d. l. 39.* Malæ fidei vero possessor deducit quoque necessarias. *d. l. 38. l. 4. C. h.* & utiles, modo res extet & melior sit reddita. *d. l. 38. in f. l. 6. §. 5. ff. de negot. gest.* Non autem voluptarias. *d. l. 39.* Interim vero tollere potest, si id fieri queat sine detrimento rei. *d. l. 39. §. 1.*

Quæ

Quot annis tollitur hac actio?

Etsi in rem sit, tamen non tollitur decem annis, sed longissimo demum tempore. *l. 7. C. h.*

Tit. 4. Si pars hæreditatis petatur.

Quid, si partem hæreditatis quis petat?

Qui hæreditatem vel partem petit, is non ex eo, quod possessor occupavit, sed ex suo jure jus meretur. *l. 1. §. 1. ff. h.* Nec, qui partem petit, hoc consequitur hac actione, ut à communione discedatur, sed incumbit judici, ut partem pro indiviso restitui jubeat. *l. 7. ff. h.*

Quid, si ex parte sim petiturus, cohæres autem meus possideat cum extraneo, cohæres vero tantum suam partem, à quo petam?

Ab extraneo, licet cohæres pro indiviso suam partem possideat. *d. l. 1. §. 3. ff. h.*

*Quam partem petet hæres, si aliqui deliberent; vel si-
lius, si uxor patris sit prægnans?*

Siquidem aliqui deliberent, petet hæres tantam partem, quanta deberetur, si alii adiissent; salvo sibi reliquo, si postea non adeant. *l. 2. ff. h.* Et, si vidua patris sit prægnans, filius petet illam partem, quæ deberetur, si tres filii posthumi patri nascerentur. *l. 3. ff. h.* Manet autem filio salva actio in posterum, si non tot nascantur, ut integram suam portionem consequatur.

Tit. 5. De possessoria hæreditatis petitione.

Quæ est possessoria hæreditatis petitio?

Quæ datur illis, quibus est edicto Prætoris bonorum possessio concessa. Eaque non competit, uti interdictum, ad solam possessionem; sed habet eundem effectum, quem civilis petitio hæreditatis. *l. 1. 2. ff. h. nominat hæres in diffinit.*

Tit. 6. De fideicommissaria hæreditatis petitione.

Quæ est fideicommissaria hæreditatis petitio?

Quæ datur iis, quibus ex fideicommisso est restituta hæreditas. *l. 1. ff. h.* contra illos, qui pro hærede vel possessore possident; non autem adversus eum, cujus est restituere hæreditatem. *l. 3. §. 1. ff. h.* Hæc eodem effectum est prædita, quo civilis petitio hæreditatis.

Lib. 6. Digestorum.

Tit. 1. Derei vindicatione, Tit. 32. Lib. 3.
Cod.

Quid est Rei vindicatio?

Specialis in rem actio, qua Dominus rei specialis agit
adversus possessorem ad restitutionem.

Quibus datur hac actio?

Directa datur iis, qui vel jure gentium, vel jure civili
sunt domini. l. 23. C. h. Et si ab iis dominium abire spe-
retur, uti, si conditio legati vel libertatis extiterit. l. 66.
D. h. l. 205. D. de Reg. Jur. Datur & marito, constante
matrimonio. l. 9. C. h.

Contra quos datur?

Directa contra possessores, omnesque, qui suo vel
alieno rem tenent nomine, restituendique habent fa-
cultatem. l. 9. D. h. Utiles, 1. contra eos, qui judiciali-
ter sunt confessi se possidere, litique se obtulerunt, licet
non possideant. l. 45. ff. de pet. hered. l. 7. l. 25. l. 27. D.
h. l. pen. D. de dol. l. fin. si usus f. pet. nisi actor non igno-
ret eos non possidere. d. l. 25. 26. D. h. vel ii, qui se ob-
tulerunt, negent, ante litem contestatam, se possidere,
d. l. 25. 2. Contra eos, qui dolo malo desierunt possi-
dere. l. 69. ff. h. l. 131. 150. ff. de Reg. Jur.

Quid, si quis desierit possidere lata culpa?

De lat. culpa Siquidem ante litem inchoatam possidere desierit,
non debet conveniri & condemnari, tanquam posses-
sor. Et si enim doli nomine veniat plerumque lata cul-
pa. l. 226. ff. de Verb. Signif. non tamen id hoc casu, quo
agitur de summo præjudicio, recipiendum est. Interim,
post litem contestatam desinens possidere lata culpa,
condemnandus est. l. 36. §. 1. ff. h. sic tamen, ut, si de-
sideret, cum litis æstimationem solvit, ipsi cedi de-
beant ab actore actiones. l. 63. ff. h.

*Debetne distinguere, si dolo quis desierit possidere,
inter litem contestatam & non conte-
statam?*

Sic plerisque videtur, sed reclamant textus. in l. 27.
§. 3. l. 36. ff. h.

Quid,

Quid, si reus casu fortuito post litem contestatam possessionem amiserit?

Absolveretur : modo non fuerit in mora , postquam intellexisset , sibi nullam causam esse contradicendi ; & aliter apud ipsum non perierit , quam apud actorem perisset. *arg. l. 14. §. 1. ff. de pos. l. 12. §. 3. ff. ad exhib. l. 5. ff. si cert. petat. l. 40. ff. de petit. hered. l. 15. §. f. l. 17. §. 1. l. 21. l. 36. pr. & §. 1. l. pen. ff. h. l. 6. §. 3. ff. de pignor.* Itaque , si actor rem fuisset distrahturus , si possedisset , etiam is casus , quem mora præcessit , imputabitur reo. *d. Ll.*

De quibus rebus datur hac actio ?

De quibuslibet rebus , corporalibus & singularibus. *l. 1. ff. h. mobilibus & immobilibus*, etiam si sub eodem genere species plures petantur ; veluti , si petatur grex , armentum , equitium. *d. l. 1. §. f. 2. l. 3. ff. h.* Imo omnes , quæ non prohibentur. Ast tignum , alienis ædibus junctum , res sacræ , eæque omnes , quæ non sunt in commercio , hac actione non petuntur.

Quomodo debet hac actio institui ?

Debet exacte designari res , & utrum actor totam , vel partem , & quotam quis petat. Itaque in rebus , quæ constant pondere , pondus , in signatis , numerus , in iis , quæ mensurantur , mensura exprimeretur. *l. 6. ff. h.* Adeo ut manifeste constare debeat , qualis quantaque sit res. Debet præterea allegari à parte actoris dominium ; à parte rei possessio. *arg. §. 1. Inst. de action.* Imo & utile est , causam dominii adjicere , ne , si ex alia deinde agatur causa , obstat exceptio rei judicatæ. *l. 14. §. 1. & 2. ff. de except. rei jud.* Et tandem actor petet , se dominum declarari , & adversarium condemnari ad rem restituendam cum omni causa. *¶ ois fructib;*

Quos igitur fructus restituet possessor ?

Bonæ fidei possessor non tenetur de consumptis , licet sit factus locupletior. *§. 35. Inst. de rer. divis. l. 48. pr. ff. de acquir. rer. domin.* Verum de perceptis , quæ locupletior est factus , *arg. d. §. & d. l.* Extantes vero cogitur omnes restituere. *l. 22. C. h.* Malæ fidei possessor non tantum de perceptis , sed & quos percipere potuit , tenetur. *l. 5. C. h.*

Bonæ fidei possessor via retentionis, opposita exceptione doli, sumptus in rem factos sibi servat, qua fructuum ante litem contestatam perceptorum summana excedunt. l. 48. ff. h. t.

Quos igitur sumptus bonæ fidei possessor recuperat?

NB
l. 2 c. 2.
in § 30 ult. § 2
t. 1. m. f. p. ff.
de cond. indeb.
no fecerat.

De necessariis nullum est dubium, quin eos etiam malæ fidei possessor recuperet. l. 5. C. h. In utilibus ex personis & causis constituendum. Finge, & dominum idem facturum fuisse: reddat impensam, qua pretiosior res est facta, &, si plus pretio fundi accessit, solum, quod impensum est: adeo, ut semper minimum præstari debeat, ut, si meliorationes superent impensas, impensæ solvantur; si impensæ meliorationes, præstentur meliorationes. l. 38. ff. h. l. 58. ff. de legat. 1. l. 29. §. 2. ff. de pignor. Quod tamen sic accipe, ne possessor, qui in bona fide est, damnum patiat. arg. l. 14. ff. de cond. indeb. Finge, pauperem esse dominum, sufficit per-
mittere tollere sine detrimento rei. d. l. 38. sc. nisi pauper vendere velit. d. l. 38. in fin.

Quid ergo de voluptuariis dicendum?

Tollere eos potest etiam malæ fidei possessor, vel repetere, si dominus non sit paratus permittere ut tollantur. d. l. 38. & l. 9. ff. de impens. sc. ut dominus tantum det, quantum his ablati habiturus est possessor. d. l. 38. vers. constituimus. Cæterum, bonæ fidei possessor etiam eos deducere potest, quatenus cedunt in utilitatem domini. arg. d. l. 38. junct. l. 14. ff. de cond. indeb.

Quid, si possessor restituerit possessionem sine mentione impensarum?

Boisf. d. 7. c. 1. Existimant aliqui, nullam actionem dari. per l. 48. ff. h. l. 33. ff. de cond. indeb. l. 14. ff. de except. doli. Sed id nimis durum est. Quapropter ex æquitate, cum saepe extra id, quod agitur, detur actio, propter utilitatem rei, putamus concedendam esse actionem utilem negotiorum gestorum. l. 5. C. h. l. 6. §. 3. ff. de negot. gestor. vel conditionem sine causa, quæ generalis est. l. 1. §. 3. ff. de cond. sin. caus.

A quo tempore fructus a bonæ fidei possessore percepti, sunt compensandi cum impensis?

Omnes percepti, etiam ante litis contestationem. d. l. 48.

d. l. 48. l. 65. ff. h. Imo etiam consumti. *d. Ll. sc.* ut compensentur cum illis impensis, quæ eo tempore, quo percepti sunt fructus, factæ erant. *arg. d. Ll.*

Quid, si tamen reus nolit rem restituere?

Si non animo frustrandi petat dilationem, modicum tempus, ex iudicis arbitrio, ipsi concedendum est: modo præstet cautionem. §. 2. *Inst. de off. jud.* Sin ex contumacia nolit restituere, manu militari res ab ipso est auferenda: & si non possit restituere, siquidem dolo fecit, præstaturus est, quantum adversarius iuraverit in litem, sine ulla taxatione: si vero nec possit restituere, nec dolo fecerit, quanti adversarii interfuit, condemnandus est. *l. 68. ff. h.*

Tit. 2. De Publiciana in rem actione.

Quæ est actio Publiciana?

Est actio in rem Prætoria, quæ datur ei, qui à non domino bona fide & ex justa causa rem accepit, & nondum usucepit, adversus quemvis possessorem, modo possessor non sit ipse dominus. *l. pen. & f. D. h. t. ad rem, quam amisit, recuperandam cum omni causa.*

Quæ debent concurrere, ut hæc actio locum habeat?

1. Ut autor, à quo res actori acquisita est, non fuerit dominus. §. 4. *Inst. de act.* 2. Ut actor bona fide & ex justo titulo rem sibi comparaverit. *d. §. 4.* 3. Ut res non sit usucapta. *d. §. 4.* 4. Ut res fuerit actori tradita. *l. l. 2. 3. D. h.*

Quomodo ergo actor instituet actionem?

Cum narravit, se ab eo, quem putabat dominum, rem iuste comparasse, & sibi fuisse traditam, petet, ut declaretur quali dominus, adversariusque condemnentur ad rem restituendam cum omni causa.

Quid, si pretium nondum sit solutum?

Dabitur æque hæc actio, modo res animo domini transferendi sit tradita. *l. 8. D. h.*

Tit. 3. Si ager vectigalis, hoc est, emphyteuticarius petatur.

Possuntne & agri vectigales actione in rem peti?

Possunt omnino. Sunt autem vectigales, quibus

bus uti licet, quamdiu vectigal pendatur. *l. 1. pr. h.* Qui itaque in perpetuum fundum fruendum conduxerunt à municipibus, quamvis non efficiantur domini, tamen competit iis actio in rem adversus possessorem quemlibet, imo & ipsos municipes, modo vectigal actores solvant. *l. 1. §. 1. l. 2. D. h.*

Proceditne hoc tantum in perpetuis?

Et in perpetuis, & in temporalibus: modo tempus non sit nimis breve. *l. 3. D. h. junct. l. 1. §. quod ait. D. de superfic.*

Daturne & actio in rem aliis utilibus dominis?

Non est dubitandum quin & superficiariis. *l. 73. §. 1. & Ll. seqq. D. de rei vind.* aliisque similibus detur. sic & vasallis. *c. 1. §. rei autem. De investit. de re alien.* adeoque ratione sui juris, non directi domini agant.

P A N D E C T A R U M

L I B E R VII.

Tit. 1. De usufructu, & quemadmodum quis utatur, fruatur. Tit. 33. Lib. 3. Cod. & 4.

Lib. 2. Inst.

Danturne & nomine servitutum actiones in rem?

Et si proprie in servitutibus, quia sunt res incorporales. *l. 3. D. de acq. possess.* non sit possessio, sc. vera, est tamen talis, quæ consistit in usu: unde & res incorporales quasi possideri dicuntur. *l. 3. D. h. l. fin. D. de servit.*

Quid est servitus?

Ius, quo res aliena personæ vel rei nostræ utilitatem præstat.

Cur dicitur aliena?

Quia nemo jure servitutis utilitatem ex re sua accipit, & nulli res sua servit. *l. 5. D. si usufr. pet. l. 26. D. de servit. præd. urban.*

Quo-

Quotupelix est ?

Est vel personalis, vel realis. Personalis, cum res personæ inservit. Species servitutum personalium sunt ususfr., usus, habitatio, & aliæ similes.

Cur dicitur, & aliæ similes ?

Quia multæ sunt, uti iter, aquæ haustus, quæ ad personam certam referuntur, quæ sunt personales.

Quid est ususfructus ?

Est Ius servitutis personalis, alienis rebus utendi fruendi, salva rerum substantia. l. 1. D. h.

Quomodo distinguitur à commodato & conductione ?

Commodatum & conductio sunt contractus, nec personam directo afficiunt, nec cum persona extinguuntur: ususfructus vero est servitus, quæ constituitur personæ per contractum, vel alium modum, & cum persona extinguitur.

Valerne distinctio ususfructus in causalem & formalem ?

Potest quidem doctrinæ causa retineri. verum ususfructus, acceptus pro servitute, non est alius, quam formalis; cum hic tantum designet jus utendi fruendi alienis rebus salva substantia: ille vero nihil aliud sit, quam emolumentum, quod ex re sua quisque consequitur. Is itaque servitus dici non potest, cum in re propria nulli sit servitus. l. 5. D. si ususfr. petat.

Quomodo accipiendum est, quod ususfructus sit pars domini. l. 4. D. h. cum in l. 25. D. de Verb.

signif. id negetur ?

Dominium est vel plenum, in quo est ususfructus; hoc modo ususfructus est pars domini. d. l. 4. D. h. l. 126. §. 1. D. de verb. oblig. vel nudum, à quo ususfructus, alteri constitutus, separatur; hoc modo, nec pars domini est, nec dici potest. Unde tandem fit, ut causalem dicamus esse partem domini, non formalem: quia formalis proprietati opponitur. §. 1. junct. §. f. Inst. h.

Quibus modis constituitur ususfructus ?

Constituitur, vel ex factō hominum, vel à sola lege. Ex factō hominum: 1. Per testamentum. §. 1. Inst. h. 2. Per contractum. d. §. 1. 3. Per Iudi-

cem, in iudiciis divisoriiis, cum alteri proprietas, alteri ususfructus adjudicatur. *l. 6. §. 1. D. h. l. 16. §. 1. D. fam. ercisc. l. 6. §. 10. D. comm. divid. 4.* Per usucapionem, decennio, inter præsentes, vicennio inter absentes. *l. f. C. de præs. long. temp.* A sola lege. uti, si patri in bonis filii-fam. adventitiis constituitur. *l. 6. & f. Cod. de bon. qua lib. vel matri, quæ transit ad secunda vota, in bonis, quæ ex successione liberorum prioris matrimonii ad eam pervenerunt. l. 3. §. 1. Cod. de secund. nupt.*

In quibus rebus constituitur?

In omnibus fructioni accommodatis, sive sint mobiles, sive immobiles. *§. 3. Inst. l. 28. 41. D. h. vel in omnibus bonis, vel in bonorum parte etiam incerta. l. 29. 43. D. h.*

Quomodo relinquitur?

Pure, vel sub conditione. *l. 9. §. 4. D. ad exhib. l. 16. quib. mod. ususfr. amitt. etiam ad tempus. l. 16. §. 2. D. fam. ercisc. vel ex die. l. 4. D. h. tam pro parte divisa, quam indivisa. l. 5. D. h.*

Quid, si usufructuarius omnium bonorum habuerit potestatem alienandi vel bona minuendi?

Non videtur relictus esse ususfructus, sed proprietas cum onere restituendi superfluum, adeo ut diminuerе possit; non tamen in totum, sed tantum ad tres quadrantes, & quadrantem teneatur restituere, & de eo restituendo cavere, nisi cautio fuerit remissa. *Nov. 108. c. 1. l. 2 ff. l. 715 junct. præf. ibid.* Imo & quartam, quam restituere debet, imminuere potest ex justa causa, vid. redemptionis captivorum, dotis, sponsalitiæ largitatis. *d. Nov. 108. c. 1. in fin.* siquidem aliam non habuerit substantiam.

Annon &, cui eo modo ususfructus est relictus, tenetur conficere inventarium?

Æquius est, ut, licet testator ipsi hoc remiserit, conficiat sumptibus petentis. *arg. l. 54. pr. versic. si non intervertendi. D. ad SC. Trebell.*

Quæ emolumenta habet usufructuarius?

Omnem fructum, sive res fuerit mobilis sive immobilis. *l. 7. D. h. & quicquid dominus habere potest. d. l. 7. versic. unde. l. 59. §. 1. D. h.* adeo ut, quæ domino in recognitionem vel feudi, vel emphyteu-

seos

seos jure præstari solent, lucro usufructuarii cedant.

Quid, si sylvæ ususfructus sit legatus?

Si sylvæ fuerit cædua, i. in hoc habeatur, ut cæda-
tur, & quæ succisa ex stirpibus sive radicibus renasca-
tur. *l. 30. D. de Verb. Signif.* potest eam usufructuarius
succidere, quoties rami, virgulta, vel arbuta medio-
cri quantitate sunt renata; eaque potest, licet defun-
ctus non soleret, vendere. *l. 9. §. fin. D. h.* & pedamen-
ta & ramos ex arboribus sumer. *l. 10. D. h.* Si sylvæ
non sit cædua, uti, quæ ex arboribus frugiferis constet,
& ad hoc habetur, ut ex fructibus utilitas quærat, &
tantum ex ea succidere licet, quantum in vineam suffi-
ciat, modo non fundum deteriore reddat. *d. l. 10. nec
grandes arborescædat. l. 11. D. h.*

*Quid, si ex sylvæ non cædua arbores evulsæ, vel per
tempestatem ejectæ?*

Amputare potest usufructuarius, quantum usui villæ
suffecerit, modo non succidat in materiam lignorum.
l. 12. D. h. Sed debet dominus eas tollere. *l. 19.
§. 2. D. h.* Sin autem fuerint demortuæ, pertinent
ad usufructuarium, ita tamen, ut novas substituat.
l. 18. D.

*Quid, si seminarii ususfructus sit re-
lictus?*

Pertinebit ad usufructuarium: eique vendere &
seminare licebit. Debet autem seminarium agri, cau-
sa paratum, renovare, quasi sit instrumentum agri,
ut finito usufructu, domino restituatur. *d. l. 9. §. 6.
D. h.*

*Quid, si navis ususfructus sit
legatus?*

Navigatum mittenda est, licet naufragii periculum
immineat: navis etenim ad hoc paratur ut naviget.
l. 12. §. 1. D. h.

*Potestne & lapidicinas & cretisolinas
instituire?*

Potest, si non agri partem necessariam huic rei
occupaturus est: proinde & venas metallorum in-
quirere ei permissum, easque, quas paterfamilias insti-
tuit, exercere, si nihil agriculturæ nocebit. Et, si
forte in hoc plus redditus sit, quam in vineis, arbutis,

vel oliveris, etiam hæc deicere poterit: siquidem ei permittitur meliorare. *l. 13. §. 4. & 5. D. h.*

Quid, si vestimentorum verus usus fructus sit legatus?

Recte iis utetur usufructuarius, non tamen ea locabit. *l. 15. §. 4. D. h.* Proinde, etsi sint scenicæ vestes, iis tantum in scena utetur, imo & locabit, licet restator commodare, non locare fuerit solitus. *d. l. 15 §. 5.*

Potestne usufructuarius ædificium exstruere, vel servitutem imponere fundo?

Nec ædificium ponet in fundo, nisi quod ad fructus recondendos est necessarium. *l. 13. §. 6. in f. D. h.* Ita nec servitutem imponere potest, quia causam proprietatis deteriores facere non debet. *l. 15. §. 7. junct. l. 13. §. 4. D. h.* Recte vero retinet servitutem, licet non acquirat. *d. l. 15. §. 7.*

Potestne proprietarius servitutem imponere?

Non potest, nisi qua deterior fructuarii conditio non fiat. *l. 16. D. h.* Non enim debet proprietatis dominus ita uti, ut deteriores conditionem usufructuarii faciat. *d. l. 15. §. 6.*

Ad qua onera fructuarius tenetur?

Debet rem usufructuariam reficere, si impensa sit modica. *l. 7. §. 2. D. h.* nam magna ad dominum pertinet. *l. 20. D. de damn. infect.* Quæ autem magna sit, a iudice definiendum est. Quinimo, si hæres absente fructuario reficiat, habebit negotiorum gestorum actionem. *l. 48. pr. D. h.*

Quid ergo, si usufructuarius paratus sit recedere ab usufructu?

Non est cogendus reficere, & liberatur actione negotiorum gestorum, si proprietarius refecerit, etiam eo casu, quo refectio ad usufructuarium pertinet. *d. l. 48. & 64.* Imo & licet derelinquere post acceptum iudicium. *d. l. 64.*

Annon & alia onera sustinere debet?

Agnoscat vectigalia, tributa, decimas, quæ ex re præstari debent. *d. l. 7 §. 2. l. 27. §. 3. D. h. c. a nobis. x. de decimis.* nisi in constitutione usus fructus aliter placuerit. *l. 52. D. h.* Et omnia onera rei, quæ ad perpetuam rei causam non spectant. *d. l. 27. §. 3.*

Quo-

Quousque fructus ad usufructuarium pertinet?

Quamdiu vivit, siquidem vel ab ipso vel ab alio ejus nomine sint percepti. l. 12. §. 5. D. h. licet nondum sint deveci in horreum. l. 13. D. quib. mod. ususfr.

Quid, si fructus casu in terram deciderint?

Non sunt fructuarii. d. l. 13. nisi ab eo sint loco moti vel congregati, aut alio modo percepti.

Tit. 2. De usufructu accrescendo.

Quid, si duobus vel pluribus ususfructus ejusdem rei sit relictus?

Si separatim sint relictæ partes, singulis suæ partes debebuntur, & deficientium portiones erunt proprietarii. l. 1. D. h. junct. §. f. Inst. de usufr. & jus accrescendi cessat. d. Ll. & si non sit specialiter facta partis mentio, dimidia debebitur. l. 43. D. de usufr. Sin autem conjunctim sit relictus, deficientis vel deficientium portiones aliis accrescent. d. l. 1.

Quot modis sit conjunctio?

Tribus, aut re, aut verbis tantum, aut re & verbis simul. l. 142. D. de Verb. Signif. l. 89. D. de legat. 3.

Qui sunt re conjuncti?

Qui disjuncta oratione ad ejusdem rei usumfructum vocantur conjunctim sine partium mentione; hoc modo: Titio usumfructum fundi Sejani do, lego. Cajo ejusdem fundi usumfructum do, lego.

Imo videtur sic fieri translatio & ademptio.

l. 5. D. de admin. legat.

Distingui debet. aut enim quis legat hac formula: usumfructum, quem legavi Titio, Cajo lego. & est translatio. d. l. 5. aut ejusdem rei usumfructum vel eundem usumfructum Cajo lego. hæc formula est conjunctio. d. l. 142.

Imo disjunctio appellatur. §. 8. Inst. de legat.

Disjunctim quidem. d. §. 8. ratione verborum & orationis: alias recte conjunctim, respectu rei, ad quam duo pluresve vocantur, res legari dicitur.

Qui sunt conjuncti verbis tantum?

Qui una ac continua oratione, ad ejusdem ususfructus partes æquales vocantur; uti, Titio & Sejo fundi
Inscr

Tusculani usumfructum aequis partibus lego. d. l. 142.

Qui sunt re & verbis simul conjuncti?

Quos verborum & rei nexus copulat. ut: Titio, Sempronio, & Caio, fundi Tusculani usumfructum do, lego. d. l. 142.

Quid, si uni ususfructus, alteri fundus sit legatus?

Etiam inter hos est conjunctio respectu ususfructus. l. 3. §. 2. D. h. l. 19. D. de usu & usufr. leg. 33. D. de usufr. ac proprietas pertinebit ad eum solum, cui fundus est relictus. Dd. Ll.

Estne in omnibus conjunctionis speciebus jus accrescendi?

De re & verbis conjunctis, quia duplex in iis vinculum est, non est dubitandum. l. 1. D. h. d. l. 142. Pariter quoque in re tantum conjunctis, nisi quis dicere malit, in iis esse jus non decrescendi. d. §. 8. Inst. de legat. junct. l. un. §. 10. & 11. D. de caduc. toll. & in verbis conjunctis, recipiendum est. arg. l. 89. D. de legat. 3.

Annon unus ex conjunctis alteri præfertur?

Mixtim conjunctis, deficiente mixtim conjuncto, cæteris præfertur: Si re tantum conjuncti concurrant cum verbis tantum conjunctis, ac deficiant re conjuncti, neutri præferentur: si verbis tantum conjunctus deficiat, admittentur soli conjuncti verbis. l. 69. D. de legat. 3. 89. ibid.

Imo videtur in conjunctis verbis tantum non esse jus accrescendi. propter l. 1. 3. & pen. hic.

Nihil hæc leges probant; quia d. l. 1. intelligenda est de casu, quo separatim, non conjunctim, unicuique partis rei ususfructus est relictus, hoc modo: Titio partem dimidiam ususfructus fundi Tusculani do, lego: Sejo alteram dimidiam. Deinde, in d. l. 3. id tantum indicatur, quod sit jus accrescendi, quando in duobus, qui solidum habuerunt, concursu facto, divisus est usufr. At in conjunctione verbali, ususfructus non est divisus, sed in ea partium fit mentio pro indiviso tantum, in spem concursus. Denique, in l. pen. proponitur casus, quo singulis ab hæredibus, singulis separatim, vel pluribus ex æquis portionibus, sc. à singulis hæredibus, ususfructus est relictus; hoc autem casu nulla est conjunctio.

Quid

Quid de onere statuendum est?

Conjunctis re & verbis, vel verbis tantum, accrescit pars vacans cum onere adjuncto: conjunctis vero re tantum, sine onere. *l. un. §. 11. D. de caduc. tollend.* quia in re conjunctis non tam accrescit, quam non imminuitur legatum; & conjuncti consequenter magis retinent sibi integrum legatum, quam partem aliorum acquirunt. E diverso, quia conjuncti mixtim & verbis tantum, magis ex personis deficientium, quam propriis, partes deficientium capiunt, non possunt, dum commodum acceptant, respuere onus impositum. *d. l. un. §. 11. vers. & ideo. junct. l. 177. D. de Reg. Jur.*

Tit. 3. Quando dies ususfructus legati cedat.

Quando cedit dies ususfructus?

Si pure sit relictus, ab adita hereditate *l. un. §. 4. D. h.* Si ex die legetur, non ante quam dies venerit. *d. l. un. §. 3.* Nec etiam actio de usufructu ante competit. *d. l. un. §. 4.*

Quid, si usufructus per annos singulos legetur?

Non cedit simul, uti quidem si simpliciter sit legatus; sed per tempora adjecta, adeo ut plura esse legata videantur. *d. l. 1. in pr.*

Tit. 4. Quibus modis ususfructus, vel usus amittitur.

Quibus modis ususfructus, vel usus amittitur?

Variis. 1. Morte fructuarii. *§. 3. Inst. de usufr. l. 3. l. pen. Cod. eod.* Nec ad heredem transmittitur, nisi ita speciarim cautum. Quinimo, si heredum facta sit mentio simpliciter, heredes primi intelligentur, & omnes reliqui successores & substituti excludentur. *l. 14. Cod. de usufruct.* non vero finietur morte ejus, qui usumfructum contractu constituit. *l. 3. §. 1. C. eod.* 2. Capitis diminutione, maxima & media. *§. f. Inst. l. pen. §. f. C. eod.* 3. Non utendo per modum & tempus. Per tempus, ut decennio inter praesentes, vel vicennio inter absentes. *d. l. pen. C. & l. pen. C. de*

de servit. l. f. C. de præscript. long. temp. scilicet, si non utatur intra hoc tempus per se vel per alium, potest enim ad alios transferri. *l. 12. §. 2. D. de usufr.* scilicet ut jus ipsius servitutis maneat radicatum in persona usufructuarii. Per modum, si intra tempus lege constitutum non utatur fruatur ad modum præscriptum, vel, si quis modum, qui pro conditione est, nolit adimplere. *arg. l. 1. 2. C. de h. q. sub modo. 4.* Si proprietario sit cessus, vel usufructuario obvenerit proprietas. *§. 3. Inst. de usufruct.* Si autem extraneo sit cessus, non finietur ex eo, sed nihil actum est. *5.* Interitu rei: est enim ususfructus jus in corpore, quo sublato, & ipsum jus tollitur. *l. 2. D. h.* unde, si ædes perierint, ne quidem ususfructus areæ debetur, quia non areæ, sed ædium ususfructus est relictus. *l. 1. §. 3. l. 10. D. h.* *6.* Adjecti temporis vel conditionis existentia. *l. 5. l. 12. vers. sin autem. C. de usufr.*

Quando exspirat ususfructus relictus universitati?

Spatio centum annorum. *l. 56. D. de usufr.* nisi universitas ante fuerit sublata: veluti, si civitas aratrum sit passa. *l. 21. D. h.* Itaque, si oppidum per tempus sit desertum, jus pristinum retinetur vel recuperatur. *arg. l. 85. D. de Verb. Signif. junct. l. 7. §. 1. D. q. cui usq.*

Quid, si ususfructus annuus sit relictus?

Non amitteretur non utendo, quia plura sunt legata. *l. 28. D. h.* nisi singuli anni spectentur. potest enim præscriptio fieri ex præteritis, sed non futuris annis, quia in futuris dies interpellat pro homine, & ideo nunquam usumfructum futurorum annorum quis recte possidet. *arg. l. 14. Cod. de contrah. stipul.*

Amittiturne etiam ususfructus abusu?

Non ita simpliciter, sed tunc demum, cum ingens inferatur damnum. *arg. l. 9. §. f. D. de damn. infect. l. eos. C. de aqueduct. auth. in rem. C. de SS. Eccles.*

Tit. 5. De usufructu earum rerum quæ usu consumuntur.

Potestne & utiliter in rebus, quæ usu tolluntur, vel minuantur, ususfructus constitui?

Propter utilitatem rerum censuit senatus, etiam usumfructum

fructum constitui. quo S. Consulto non id effectum, ut proprie esset eorum rerum usufructus; nec enim auctoritate senatus naturalis ratio commutari potest; sed remedio introductio coepit quasi usufructus haberi, l. 1. & 2. D. b.

Quomodo hoc introductum est?

Ut tantundem restitueretur quantum pretii est in ipsis rebus. §. 2. Inst. de usufr.

Quae sunt illae res, quae usu tolluntur vel minuantur?

Quarum usus non est, nisi in abusu: quales sunt, pecunia, oleum, frumentum, & similes. d. l. 1. & d. §. 2.

Quid juris est circa numismata vel vestimenta?

Numismatum aureorum vel argenteorum veterum, quibus pro geminis uti solent, verus usufructus recte legatur, si testator de speciebus restituendis cogitaverit. l. 28. D. de usufr. In vestimentis primum spectanda est voluntas testatoris, quam sequi oportet. Si de ea non constet, distinguendum est inter ea, quibus rarissime utimur, ut sunt scenica, & similia; in hisce verus erit usufructus: & ea, quae in quotidiano sunt usu; in hisce erit quasi usufructus. l. 15. §. 4. & 5. D. junct. §. 2. Inst. de usufr.

Quid, si pecunia legata, ut post mortem legatarii ad alium redeat?

Licet usus sit facta mentio: tamen legata proprietas censetur sub onere fideicommissi. l. f. D. h. l. 15. D. de aur. & arg. nisi constet, testatorem imperitia lapsum de usufructu sentisse. l. 15. D. de usu & usufr. leg.

Sed quid refert, utrum ex causa fideicommissi, an ex causa usufr. restituere quis debeat?

Magna est differentia. usufructuarius cum sibi non possideat, proprietario nullam facit restitutionem: fiduciarius autem ipse interim dominus est, antequam restituere debeat. Et si fideicommissarius vel nolit acceptare, vel nequeat, quia conditio deficit, manebit fideicommissum apud gravatum & ejus haeredes. l. un. §. Sin auctorem. C. de caduc. toll.

Tantumne per legatum quasi usufructus constituitur?

Videtur statuendum. Sed, re bene perpenſa, certum est, etiam constitui per contractum: quia in genere omnes

omnes servitutes contractu constitui posse, placuit :
& in specie contrarium de quasi usufructu non est tra-
ditum.

Annon igitur hoc casu erit mutuum ?

Nequaquam : quia in mutuo non est jus personale ;
quale est in quasi usufructu ; sed tantum conventio de
restituendo eo , quod mutuo datum est.

Quibus modis finitur ?

Morte naturali & civili usufructuarii. l. 9. & 10. D. h.
non verò non utendo, non interitu rei: quia dominium
in usufructuarium est translatum, & res non in specie ;
sed in genere est restituenda.

Tit. 6. Si ususfructus petatur, vel ad
alium, &c.

Quae actiones nomine ususfructus competunt ?

Siquidem ex contractu debeat, movenda est actio
personalis ex obligatione, quæ descendit ex contractu
ex quo est alter obligatus : sin autem ex jure constituto
sit agendum, proditæ sunt actiones in rem : quibus
non agitur adversus eos, qui obligati sunt ad servitutem
præstandam, sed qui res usufructuarias detinent, & ita
usumfructum impediunt. Suntque actiones confessoriaæ,
vel negatoriaæ.

Qua est actio confessoria ?

Qua fructuarii agunt ad restitutionem ususfructus ex
re ab alio possessa, siue fuerit ipse dominus, siue alius
possessor. l. 1. & 5. D. h. cum fructibus perceptis, &
omni eo, quod interest. d. l. 5. § 7.

*Quare non datur dominis ? & si non detur, quomodo do-
mini jus suum persequentur ?*

Quia dominus in sua re non habet jus servitutis sibi
constitutum, hoc est, jus utendi fruendi separatum. d. l.
5. D. h. & si re sua uti impediatur pro re nata, vel utetur
interdicto Vti possidetis, vel Vnde vi, vel rem vindica-
bit, vel instituet actionem negatoriam.

*Quid, si quis desierit possidere, vel liti se
obtulerit ?*

Si sine dolo desierit, absolvetur. arg. l. 6. h. l. 27. §. 1.
da rei vind. Si se liti obtulerit, & quasi possessor actio-
nem.

nem acceperit, pro possessore damnabitur. *d. l. 6. & l. 25. D. de rei vind.*

Qua forma proponitur actio confessoria?

Cum actor narravit jus usufructus recte sibi constitutum, adversariumque id impedire, petit, id jus suum declarari, hoc est, sibi esse jus utendi fruendi, adversariumque condemnari, ut rem restituat cum omni causa, atque patiatur actorem iis rebus uti frui, & de cætero non impediat.

Quæ est negatoria?

Hæc datur domino fundi, adversus eum, qui usufructum sibi usurpat. *§. 2. Inst. de action.*

Quare hæc magis domino datur, quam confessoria?

Quia dominus hic agit de servitute quam alter sibi usurpat, & contendit de libertate rei suæ, negando servitutem.

Qua forma hæc actio est instituenda?

Premissa narratione convenienti, petit actor dominus, ut Iudex declaret, suas res liberas esse ab usufructu, & reo non esse jus utendi fruendi, ac proinde reum condemnari ad restitutionem rerum, cum omni causa. *d. l. 5. §. 5. & seqq. D. h.*

Tit. 7. De Operis Servorum.

Quid juris est in operis servorum?

Operis servorum legatis, secundum nonnulla usus. *l. 5. D. h.* secundum nonnulla usufructus videtur esse legatus. *l. 3. & 4. D. h.*

Tit. 8. De usu & habitatione.

Quid est usus?

Est servitus personalis, qua datum est jus alienis rebus utendi, in quantum necessitati personæ secundum ejus conditionem & dignitatem sufficit.

In quibus convenit cum usufructu, & ab eo differt?

Convenit, quod iisdem modis in genere constituitur & finiatur. *pr. Inst. h.* Differt in multis. 1. Quod usufructuarius omnes consequatur fructus: usuaris tantum eos, qui inserviant necessitati quotidianæ.

dianæ. 2. Quod usufructuarius omnia possit aliis cedere gratis vel accepto pretio : usufructuarius nec jus suum cedere , nec quid vendere , nisi nullus sit alius usus , quam per venditionem. *l. 22. D. h.* 3. Quod usufructuario possit pro parte jus constitui. *l. 5. D. de usufr. non usuario. l. 19. D. h.* licet plures possint usum habere. unde usus dicitur individuus : usufructus dividuus. *l. 14. 25. D. quib. mod. usufr. amit. l. 1. §. 9. D. ad leg. falcid.*

Quid juris est in usu adium ?

Vt usufructuarius eas habitare , una cum familia , hospites excipere , & , si fœmina sit usufructuaria , maritus quoque ibi morari queat. & vice versa. *l. 2. §. 1. l. 3. & seqq. D. h.*

Quid , si ampla domus sit relictus usus ?

Licet usufructuarius non possit occupare totam domum : tamen iis , quæ vacabunt , conclavibus proprietarius non utetur. quia vel licebit usufructuario aliis temporibus tota domo uti. *l. 22. §. 1. D. h.* vel recipere usufructuarius poterit inquilinum , à quo percipiet pensionem , dummodo ipse inhabitet. *l. 2. & 4. D. hic.*

Quid juris est in fundo ?

Potest , 1. in fundo habitare , modo non impediat eos , per quos opera rustica fiunt. 2. Omnibusque fructibus uti ad usum quotidianum , quantum sibi , suis , hospitibus & convivis sufficiat. *l. 10. §. f. l. 11. 12. pr. & §. 1. D. h.*

Quid juris in jumentis ?

Poterit iis uti , non aliis locare. Itaque , si armenti boum usus sit relictus , & ad arandum , & ad cætera , ad quæ boves apti sunt , uti potest. *§. 2. Inst. d. l. 12. §. 3. hic. § 5 & 6.*

Quid in usu pecudum ?

Vt non fœtu , non lacte omni fruatur ; sed modico. *d. l. 1. 2. §. 2. sc. quantum moderate sufficiat.*

Quomodo hoc accipiendum est : Fructus sine usu esse non potest ?

Is , qui fructum , hoc est , usumfructum habet , non potest non habere usum quoad se. *l. 14. §. 1. D. h.* Si vero usufructuarius consideretur in abstracto , potest esse usus sine fructu. *l. 5. §. 2. D. usufr. quemad. cav.*

Quis reficiet rem , cujus usus est relictus ?

Proprietarius , si ex ea accipiat fructus , sive sit hæres ,

res, siue legatarius: si proprietarius non percipiat fructus, usuarius reficere cogendus est. *l. 18. D. h.*

DE HABITATIONE.

Quid est habitatio?

Est jus habitandi ædes alienas jure servitutis.

In quibus cum usu adium convenit, & ab eo distinguitur?

Convenit, quod iisdem modis constituatur, quod in heredes transferri non possit. *l. 10. pr. D. h.* Differt, quod plus in habitatione sit, quam in usu: nam, cui habitatio relicta est, ædes alteri locare, quamvis ipse non inhabitet, potest. §. *pen. Inst. h.* Quod habitatio tantum amittatur morte naturali, non civili. *d. l. 10. D. h.* nec, non utendo pereat. *d. l. 10.*

Tit. 9. Usufructuarius quemadmodum caveat.

Quomodo cavebit usufructuarius?

In vero usufructu & usu duo sunt membra cautionis. unum est, de utendo fruendo ad arbitrium boni viri, hoc est, utendo ita, ut viro bono convenit. alterum est, de re usufructuaria restituenda finito usufructu. *l. 1. pr. & §. 36. l. 11. D. h. l. 4. C. de usufruct.* In quasi usufructu unicum est, de restituenda re in genere, siue ejus æstimatione, finito usufructu. §. 2. *Inst. de usufruct.*

Suntne hæ cautiones de substantia?

Nequaquam, siue verus, siue quasi usufructus petatur: quia nonnullis personis remissæ sunt, & usufructus vel quasi ante cautionem subsistit. *l. 5. §. 1. D. de usufruct. ear. rer.* Interim tamen necessariæ sunt, quoties hæres eas exigere voluerit. Nec potest quis usumfructum consequi, nisi eas præstiterit. *l. 1. C. de usufruct.*

Possuntne remitti à testatore?

Nequaquam. *l. pen. C. ut in poss. legat.* licet illa cautio, quæ fit fideicommissi causa, recte remittatur. *d. l. pen. l. 1. D. ut in poss. legat.*

Qui-

Quibus ergo remittitur?

1. Fisco: quia cum is semper locuples censeatur, non solet satisfacere. *l. 3. §. 5. D. si cui pr. l. 1. §. 18. D. ut legat. serv. caus. cav.* 2. Patri, in bonis adventitiis filiorum. *fam. l. f. §. fin. autem. Cod. de bon. q. liber.* 3. Donatori, qui proprietatem reservato usufructu donavit. *arg. l. 28. D. de Reg. Iur. l. 7. D. ut legat. nom. caveat.* 4. Si ex die proprietatis alicui legata sit, usufructus pure: quia certum est, ad eum, vel ejus heredem, proprietatem perventuram. *l. 9. §. 2. D. h.*

Facitne fructuarius fructus suos ante præstitam cautionem?

Non est dubitandum, modo bona fide nactus sit & ex voluntate proprietarii possessionem rerum usufructuarum: quia cautio omissa tantum condicatur, non fructus aut usurae petuntur. *d. l. 5. §. 1. ff. de usufr. ear. rer. l. 5. l. 9. §. 4. ff. ad exhib.*

Sed annon is, qui non cavet, tenetur de percipiendis?

Benignius est, fructus à tempore litis super cautione præstanda contestatae ad proprietarium pertinere, si tergiversetur usufructuarius. *l. 13. pr. ff. de usufr.*

Quomodo debet fieri cautio?

Vel per fidejussores, vel pignora: cautionis enim nomen generaliter accipitur. *l. 1. §. 9. ff. de collat.*

Quando dabitur actio adversus usufructuarium, si contra cautionem agat?

Finito usufructu: sed recte faciet proprietarius, si intestatum redigat, quales res sint, cum iis frui incipit usufructuarius, & ab usufructuario exigat cautionem, ut, si non recte iis utatur, committatur statim stipulatio. *l. 1. §. 4. & §. ff. h.*

Quid, si usufructuarius non possit invenire fidejussores, nec habeat pignora?

Si homo sit frugi, præstabit juratoriam cautionem. *Nov. 112. c. 2. Auth. generaliter C. de episc. & cler.* Si sit vitæ suspecta, locari præstat rem tertio, vel credi domino, ut is pro fructibus solvat. *arg. l. 5. §. Imperator. ff. ut legat. nom. cav.* Quid vero fieri debeat partibus dissentientibus, ex æquo & bono iudex æstimet.

P A N D E C T A R U M

L I B E R V I I I.

Tit. 1. De Servitutibus. Tit. 34.
Lib. 3. Cod.

Quæ est servitus realis ?

Est, qua res aliena nostræ rei servit, hoc est, utilitatem præstat.

Cur dicitur, utilitatem præstat ?

Quia quoties nec hominum, nec prædiorum utilitas servatur, non valet; veluti, ne per fundum tuum eas aut ibi consistas. l. 15. ff. h. l. 5. §. 1. ff. de serv. præd. rustic.

Imo videtur, quod inutilis servitus constitui possit. l. pen. ff. h. l. fin. ff. si servit. vind.

Non ea servitus, quæ nec est nec esse potest utilis, sed quæ tantum potentia est utilis, & ex eventu aut in futurum aliquando commodum adferre potest, constituitur. d. l. pen. & f. Utile enim & illud dici potest, quod quandoque commodum adfert. arg. l. 5. ff. si servit. vind.

Imo & ex amœnitate constituitur servitus. l. 3. ff. de aq. quotid. & æstiv. ?

Recte, quia ea ratione etiam aliqua est prædii utilitas.

Quibus modis constituitur realis servitus ?

1. Contractu, per quem realiter constituitur, si quis, post promissionem, passus sit alterum servitute uti. arg. l. fin. ff. h. junct. l. 3. ff. de Oblig. & act. 2. Testamento, per quod immediate acquiritur. l. 80. de leg. 2. 3. Præscriptione longi temporis. l. 2. fin. C. h. l. fin. C. de præsc. long. temp.

An ergo non desideratur titulus ?

Non videtur. l. 10. ff. si servit. vindic. Verum contrarium est probabilius. arg. pr. Inst. de usucap. l. un. Cod. de usucap. transform. l. 24. C. de rei vind. l. 8. in pr. C. de præscript. 30 ann. arg. l. 2. C. h.

Quid ergo respondendum ad d. l. 10. ?

Textus is debet accipi de illo, qui jam præscripserat, is enim

Is enim non ulterius est inquietandus. Deinde, inferri potest ex eo textu, non desiderari, ut probetur titulus: verum nequaquam is textus rejicit titulum. Aliud enim est, non probati debere; aliud, non requiri titulum.

Quid dicendum est de scientia domini?

Illam non requiri manifestum est ex *l. fin. C. de præsc. long. temp. l. un. C. de transform. usucap. l. 2. C. h. l. 5. §. 3. D. quod. vi aut clam.*

Quid, si servitus constituatur, ne aliter sit ejus usus, quam alternis annis?

Tempus præscriptionis duplicatur. *arg. l. 7. D. quemad. servit. amit. l. fin. Cod. h. t. c. de quarta. x. de præscript.*

Quis constituere potest?

Tantum prædii dominus: servitus enim realis res ipsas earumque dominia afficit. *l. 6. pr. D. Comm. præd. In re vero communi nemo dominorum jure servitutis quicquam, altero invito, facere potest. l. 26. de S. V. P.*

Potestne ex tempore, vel ad tempus constitui?

Servitutes ipso quidem jure, neque ex tempore, neque ad tempus, neque sub conditione, neque ad conditionem constitui possunt: sed tamen, si hæc adjiciantur, per pacti vel doli exceptionem occurreretur contra placita servitutem vindicanti. *l. 4. D. h. Promissio servitutum vero recte admittit diem vel conditionem. l. 25. §. 10. D. fam. excisc.*

Potestne modus adjici?

Potest; veluti, quo genere vehiculi agatur, vel non, &c. *l. 2. §. 2. Sic intervalla dierum ipso jure recte adduntur. d. l. 4. §. 2.*

Potestne servitus pro parte domini acquiri?

Servitus realis, quia usus ejus est individuus, pro parte in obligationem non deducitur. *l. 17. ff. h. sic & dominus rei pro parte, nec acquirere, nec adimere potest, sc. si rei pars sit indivisa. l. 6. §. si quis partem ff. com. præd.*

Si simpliciter servitus sit concessa, quid juris?

Si per fundum sit concessa, totus fundus servire censetur in infinitum, qua alter non l'editur. *l. 9. D. h. l. 21. D. de servit. rust. præd. Quapropter, ne quis in infinitum vagetur, solet certa pars assignari, qua serviat.*

l. 13. §. 1. ff. de servit. præd. rustic. l. 22. ff. eod.

Cujus erit electio, si pars nulla sit assignata?

Videtur electio permitti debitori, modo captio alterius evitetur. *l. 26. ff. de servit. præd. rustic. l. 9. ff. h.*

Quomodo distinguitur servitus realis?

Est vel urbana, vel rustica. *tot. tit. Inst. h.*

Tit. 2. De servitutibus urbanorum prædiorum.

Quæ est servitus urbana?

Quæ prædio urbano constituta est. Est autem prædium urbanum, ædificium ad inhabitandum exstructum. *§. 1. Inst. h. tit.*

Vnde æstimatur urbanum prædium?

Non ex loco, sed ex materia sive usu. *l. 198. ff. de Verb. Signif.* sive igitur ædificia sint in oppidis, sive ruri, semper urbana censenda. *d. §. 1. & d. l. 198.*

Stabula suntne urbana prædia?

Si ad usum rusticum, uti ad pecora stabulanda, vel ad fructus fundi condendos, sint exstructa, sunt rustica: si ad merces recondendas, vel alium usum urbanum inserviant, urbana sunt. *d. l. 198.*

Quid statuendum de hortis?

Si sint in ædificiis, vel eorum continentibus, urbana sunt prædia: Sin aliter, magis non sunt urbana. *d. l. 198. junct. l. 4. §. 1. ff. in qui. caus. pign. tac.*

Refer nonnullas species servitutum urbanarum.

Sunt variae. 1. Altius tollendi. *l. 2. ff. h. §. 2. Inst. de act.* cujus jure vicinus cogi potest ad certam altitudinem ædificare: vel vicinus habet facultatem altius ædificandi præter usitatum ex lege vel statuto morem. 2. Altius non tollendi. per quam Domino prædii dominantis concessum est jus à vicino, ut is vicinus altius ædificare non possit. *arg. d. l. 2.* 3. Ne luminibus officiatur. qua constitutum est jus, ut quis vicini lumina non possit reddere obscuriora, sive id fiat plantatione arborum, sive altiori vel depressiori ædificio, sive alio modo. *l. 15. 17. ff. h.* cum alias, cui servitus altius non tollendi est constituta, viridariis vel arboribus plantatis offici ejus luminibus possit. *l. 12. ff. h.*

4. Lu-

*l. 28. Communi
obviando*

4. Luminum. per quam constitutum est jus, lumina, hoc est, fenestras habendi in vicini vel communi pariete. *l. 4. l. 15. l. 40. ff. h.* 5. Prospectus. qua quis tenetur in suum locum, aream, vel hortum, prospectum vicini admittere. 6. Ne prospectui efficiatur: cum quidem non est datus prospectus in certum locum, sed id jus constitutum, ut vicinus non possit libertatem prospectus etiam in alia loca impedire. 7. Tignum immittendi in alterius parietem. *d. l. 2.* 8. Projiciendi. per quam licet emittere è nostro pariete, ut provehatur quidem supra alienum, non vero in eo requiescat. *l. 242. §. 1. ff. de verbor. Sign.* 9. Oneris ferendi. per quam vicinus in sua columna vel pariete cogitur onera nostra ferre. In qua receptum est (etsi generaliter verum sit, servitutum non eam esse naturam, ut quis faciat, sed quid patiat. *l. 15. ff. de ser.*) quod columnam restituere debeat columnæ dominus. *l. 33. ff. h. junct. l. 6. §. 2. ff. si servit. vind.* quod verum est, nisi dominus prædii servientis rem derelinquere velit: id enim permittendum est. *d. l. 6. §. 2.* Hisce addi possunt aliæ species, quales recensentur in *l. 2. & seqq. ff. h.* atque aliis locis.

Annon etiam iter, & similes, quæ alias rusticæ censentur, servitutes, aliquo modo sunt urbanae?

Sunt omnino. sc. quæ debentur urbano prædio. Est enim regula certissima, servitutes ab eo prædio, quod dominatur, denominari. Si igitur iter, vel similes servitutes, ædibus debeantur, urbanae sunt, quemadmodum & altius tollendi, vel non tollendi, si prædio rustico debeantur, rusticæ sunt.

Tit. 3. De servitutibus rusticorum.

Quæ sunt servitutes rusticæ?

Quarum usus ad prædium rusticum refertur. Species prædiorum rusticorum sunt, fundus, villa, hortus, stabulum, horreum, &c.

Quæ sunt species servitutum rusticarum?

Præcipuæ sunt, iter, actus, via, æqueductus, ad quas accedunt & aliæ. *l. 2. ff. h. t.*

Quid est iter?

Est jus eundi & ambulandi hominis per fundum alienum, sc. ad suum prædium rusticum. *pr. Inst. l. 1. D. h.*

non

non tantum, quàm quis pedes, sed & qua eques com-
meat. l. 12. D. h. & sella aut lectica vehitur. l. 7. ff. hic.

Quid est actus?

Ius agendi vel jumentum vel vehiculum. l. 1. 7. ff. h.
adeo ut, quicquid eundi vel agendi gratia fiat, ad actum
referri possit. d. l. 7. quique habet actum, etiam iter ex
consequentia habere dicatur. d. l. 1.

Quid est via?

Est ius eundi, agendi, & ambulandi, & trahendi la-
pidem, hastamque rectam ferendi, modo fructus non
lædantur. d. l. 1. vers. via l. 7. D. h.

Quæ est latitudo harum servitutum?

Actus & itineris non est certa, nisi fuerit à contra-
hentibus, vel testatore determinata: quod si non fa-
ctum, & quis certam latitudinem constitui velit, ad
arbitrium judicis confugiet. l. 13. §. 2. D. h. Viæ ve-
rò latitudo certa est, in porrectum octo, in anfractu,
id est, ubi flexa est, sexdecim pedum. d. l. 13. §. 2.
junct. l. 8. D. h. Et, si locus non adjecta latitudine no-
minatus sit, per eum qua libet iri poterit. Sin autem in
fundo locus non sit demonstratus, una poterit eligi via
latitudinis legitimæ: de quo si dubitetur, arbitri offi-
cium invocandum est. d. l. 13. §. fin.

*Quid, si nimis angusta constituatur via, ut neque
vehiculum neque agi jumentum ea possit?*

Est magis iter, quam via, vel actus, sed si jumentum
ea duci poterit, non vehiculum, actus videtur acqui-
situs. l. 13. D. de servit.

Quid, si pro parte legetur vel adimatur?

Neque legatum, neque ademptio valet. l. 11. in f. ff. hic.

Quid est aquaductus?

Est jus aquæ ducendæ per fundum alienum, ad sui
prædii commodum. d. l. 1. vers. aquaductus. Hac ser-
vitude constituta, licebit fistulam suam in rivo ponere,
quæ aquam latius exprimat, &, quod velit, in rivo fa-
cere, dum ne domino prædii aquagium deterius faciat.
l. 15. ff. h.

*Potestne per eum locum, per quem alteri via est data,
alius aquaductus cedi?*

Non potest. l. 14. ff. h. Nec enim jus quæsitum alte-
ri invito adimi potest.

Quomodo alia servitutes, videlicet, jus pascendi in alieno, fructus cogendi, coactosque habendi, pedamenta sumendi, lapides projiciendi, cadendi, provolvendi, exportandi, itineris ad haustum, l. 3. D. h. calcis coquenda, lapides eximendi, sylvam cadenda, tugurium habendi. l. 6. ff. h. & similes servitutes, sunt rusticae?

Non aliter, quam quâ ad utilitatem prædii rustici fuerint constitutæ: aliàs enim, si ad commodum personæ tantum spectent, sunt personales: si ad utilitatem prædii urbani pertineant, sunt urbanæ.

Tit. 4. Communia prædiorum tam urbanorum quam rusticorum.

Quæ sunt communia servitutibus tam rusticorum, quam urbanorum?

Ea sunt varia. 1. Sine prædiis præsentibus aut futuris constitui non possunt. l. 1. §. 1. D. h. Futuro autem ædificio servitus recte acquiritur. l. 23. §. 1. D. de servit. præd. urb. l. 10. D. de servit. præd. rustic. Et quæcunque servitus fundo debetur, omnibus fundi partibus debetur: & ideo, quamvis particulatim venierit, omnes partes servitus sequitur, ita ut singuli recte agant, jus sibi esse: si tamen fundus, cui servitus debetur, certis regionibus inter plures dominos divisus sit, quamvis omnibus partibus servitus debeatur; tamen opus est, ut hi, qui partes non proximas servienti fundo habebunt, transitum per reliquas partes fundi divisi jure habeant. l. 23. §. 3. D. de servitut. præd. rustic. 2. Vicina debent esse prædia, eo modo ut utilitatem præstare possint. l. 5. 7. §. 1. l. f. D. de servit. præd. rust. l. 7. §. 1. D. h. l. 14. §. 3. D. de alim. legat. l. 17. §. 2. D. de aqua & aq. pluvi. junct. fin. l. 5. 6. D. si serv. vind. Non tamen desideratur, ut prædia sint contigua. 3. Servitutes semper denominantur à prædio dominante, quia semper à potiori fit denominatio. 4. Omnes servitutes reales ab iisdem & iisdem modis constitui possunt. l. 5. 16. ff. h. §. fin. Inst. de servit. 5. Concessa servitute sunt concessa omnia, sine quibus servitutis usus non est. l. 6. §. 2. D. l. 11. D. h. Si servit. vind. arg. l. 2. D. de juris. 6. Prædium alienatum servitutes sequuntur. l. 12. D. hic.

Tit.

Tit. 5. Si servitus vindicetur, vel ad alium pertinere negetur.

Quæ actiones nomine servitutum competunt ?

Sunt prodictæ actiones in rem, quarum quædam confessoria, alia negatoria dicuntur. Confessorii vindicatur servitus, negatorii libertas prædiorum.

Quibus dantur hæ actiones ?

Directæ tantum veris prædiorum dominis. l. 2. D. h. tit. utiles etiam aliis, qui jus in re habent; quales sunt creditores, quibus fundus est oppigneratus, emphyteutæ.

Quid, si plures agant vel conveniantur ?

Singuli possunt in solidum agere, & singuli tenentur in solidum defendere. l. 4. §. 3. & 4. D. h. quia hæc res divisionem non recipit. d. l. 4. §. 4. l. 17. sup. D. de servit.

Cui incumbit probatio in hisce actionibus ?

Sive confessorii, sive negatorii agatur, semper actor probare tenetur. l. 15. D. de oper. nov. nunt. l. 8. §. 3. R. l.

Habetur ne in hisce actionibus ratio fructuum ?

Et fructus, & id quod interest, præstari debent. l. 4. §. 2. 3. l. 6. §. 6. D. h.

Qua forma instituuntur hæ actiones ?

Petit actor in confessoria declarari jus servitutis sibi esse, & adversarium condemnari, ut patiatur actorem ea servitute uti. In negatoria declarari rem esse liberam à servitute, quam reus usurpat, ac consequenter reum condemnari, ne postea servitute utatur, & ut idonee ejus nomine caveat. d. l. 15. adjecta utrobique tam in confessoria quam negatoria clausula de fructibus & eo quod interest.

Tit. 6. Quemadmodum servitutes amittuntur.

Quomodo servitutes amittuntur ?

Varie. 1. Confusione, quæ fit, cum idem utriusque prædii, & servientis & dominantis, factus est dominus, sc. in solidum. l. 1. D. h. Nam per partes, licet non possit acquiri ab initio, recte retinetur. l. 8. §. 1. D. de servit. ideoque, si quis prædium sibi serviens emerit, tollitur servitus; adeo ut, si denuo vendat, non aliter

servitus transeat, quam si servitutis sit mentio facta. *l. 30.*

*Limita de l. 9
C. de servit.*

D. de servit. præd. urban. 2. Existencia conditionis, sub qua prædium legatum erat: siquidem hæres pendente conditione servitutem imposuerit. *l. 11. §. 1. ff. h. resolutio enim jure concedentis, resolvitur jus accipientis, arg. l. 105. D. de condit. & demonstr. 3.* Remissione servitutis. *arg. §. 40. Inst. de rer. divis. 4.* Actu servituti contrario; ut, si stillicidii immittendi jus habeam, & permiserim ædificare, stillicidii jus amitto, &c. *l. 8. D. h. §. Rei interitu: est enim servitus jus prædio inhærens, quo sublato, & ipsa servitus tollitur. l. 14. D. h. Sin autem res restituatur, ipsa servitus quasi reviviscit, modo non tantum temporis præterierit, quo solet amitti servitus. d. l. 14. junct. l. 23. & 24. D. quib. mod. usus fr. amitt. 6.* Negligentia per præscriptionem longi temporis. *l. pen. C. h. sive omnino nulla, sive alia servitute quis fuerit usus. d. l. pen. junct. l. 17. D. h. Nec enim servitute quis videtur usus, nisi is, qui suo jure uti crediatur. l. fin. D. h. & recte retinet etiam, qui parte tantum usus est. l. 8. §. 1. l. 9. D. h. ut in via, sive ipse, sive qui ejus nomine in possessi. est, aut mercenarius, aut hospes, aut medicus, quive ad visitandum venit, vel fructuarius, sive suo, sive nomine domini, denique, quicumque quasi debita via usus fuit, sive ad fundum nostrum, sive ex fundo, licet & malæ fidei possessor sit. l. 20. & seqq. ff. h.*

Quid, si servitutis usus alternis mensibus, aut annis, vel uno die per quinquennium concedatur?

l. 7. ff. h. aliter. Primo casu duplicabitur tempus. l. 7. ff. h. aliter dantur 20 anni. l. fin. de servit.

Estne differentia inter servitutes finiendas quoad præscriptionem?

Est: urbanæ enim non aliter amittuntur, quam si quid contra sit factum: ut, si jus immittendi habeam, & exemero tignum, non aliter tollitur, quam si foramen sit obstructum. l. 6. ff. de servit. præd. urban. Rusticæ vero solo non usu tolluntur. l. 10. §. 1. ff. h. junct. d. l. 6. & l. 18. §. 2. ff. h. Differentiæ ratio est: quia rusticæ non aliter exercentur, quam facto: urbanæ vero sine facto hominis per sola ædificia, iisque adhærentia annexa vel affixa, consistunt.

*Sed videntur hodie servitutes quoad prescriptionem
esse equiparata. l. pen. Cod. de servit.*

Id verum, ratione temporis : non modi.

hic prohibetur & amittitur & utitur.

P A N D E C T A R U M

L I B E R I X.

Tit. 1. Si quadrupes pauperiem fecisse dica-
tur. Tit. 9. Lib. 4. Inst.

Quid continetur edicto, si quadrupes pauperiem, &c.

Si animal meum pauperiem fecerit, sine culpa homi-
nis vel instigatione, datur actio in factum noxalis, ad
damni æstimationem, vel animal dedendum. l. 1. D. h.

De quo animali edictum hoc intelligitur?

Proprie & directo de eo, quod gregatim solet pasci :
utiliter verò de omni bestia, etiam cane, vel fera quali-
bet. l. 1. §. 5. D. §. 1. Inst. h. quinimo & non tantum de
quadrupede, sed & non quadrupede utilis actio datur. l.
pen. D. h. l. 47 §. 1. D. de greg. §. 1. D. de actionib. §. 1.

*Sed quomodo de fera vel cane dabitur hæc actio, cum
competat de edilic. edicto. l. 40. & seqq. D. de
Ædilit. edict.*

Non est novum, ut unius rei nomine plures actiones
dentur, & maxime, si diverso respectu competant, una
utiliter, altera directo, ut hic.

Cur dicitur animal meum?

Quia hæc actio adversus dominum animalis datur, &
spectatur dominium tempore litis instituendæ : noxa
enim caput sequitur. d. l. 1. §. 12. Itaque, si, postquam no-
cuerit, alienatum sit, contra novum dominum dabitur
actio. d. §. 12. Et, si ante licem contestatam perierit,
cessit. d. l. 1. §. 13.

Quid, si ergo culpa domini animal pereat?

Et hoc casu actioni huic erit locus, modo non sit le-
vissima. arg. l. 63. ff. de rei vind.

Quid est pauperies?

Damnum sine injuria facientis datū: quadrupes enim,

cum sensu careat, injuriam proprie committere non videtur. *l. 1. §. 2. ff. h.*

Quando igitur pauperiem facit, ut hac actio detur?

Cum commota feritate contra naturam nocuit sine facto alterius. *d. l. 1. §. 4.* Vnde, si mula propter loci iniquitatem, aut culpam mulionis, aut plus justo onerata, vel instigatu hominis, damnum dederit, cessabit hac actio, & agerur ex lege Aquilia. *d. l. 1. §. 4. in fin. & §. 6. l. 11. §. 5. ff. ad leg. Aquil.* Pariter, si concurrat injuria hominis, propter imperitiam vel imbecillitatem. *d. l. 1. §. 5. ff. h.* vel si dolore concitatum animal quid fecerit. *d. l. 1. §. 7.*

Quid, si quadrupes quadrupedem concitaverit?

Agetur hac actione adversus dominum quadrupedis, quæ concitavit. *d. l. 1. §. 8.* Sin autem quadrupes alteram provocaverit, cessabit, si perierit provocans: non, si provocata. *d. l. 1. §. 11.*

Quid, si secundum naturam nocuerit, veluti, si depa-
verit gramina?

Si cum lig. præscript. verb. vel ex lege Aquilia. l. fin. C. ad leg. Aquil.
Imo Datur ex *l. 12. Tabul. actio de pastu. l. 14. §. fin. ff. in factum deficientibus cæteris, quod dominus non recte eam custodiverit. d. l. 14. fin. §.*

Annon ergo possum includere pecus in agro meo de-
prehensum?

Nequaquam. *l. 39. §. 1. ff. ad leg. Aquil.* verum in custodiam, donec de domino constet. *arg. l. 25. ff. ad Leg. Iul. de adulter.* Et tractari debet tanquam proprium. *d. l. 39. §. 1.*

Quibus datur hac actio?

Dominis: Imo & omnibus quorum interest. *l. 2. ff. h. etiam hæredibus. d. l. 1. §. fin.*

Contra quos datur?

Contra dominos quadrupedis. *d. l. 1. §. 12.* contra hæredes vero non aliter, quam si domini sint. *d. l. 1. §. fin.* Sin autem sint plures domini, adversus singulos in solidum. *d. l. 1. §. 1.*

Ob quæ damna datur?

Qualiacunque illa fuerint, sive suo corpore pauperiem fecerint quadrupedes, sive per aliam rem quam attigerunt, ut, si bos plauistro aliquem obtriverit. *d. l. 1. §. 9.*

Quid.

Quid, si libero homini damnum sit illatum?

Etiam hæc actio competet, non quidem, ut liberum corpus æstimeretur: sed ratio impensarum & operarum amissarum, non vero deformitatis habeatur. *l. 3. ff. h. de l. 7 l. 9 l. 10*

Qua forma instituitur hæc actio?

Peter actor sibi damnum legitime resarciri, aut corpus, quod nocuit, noxæ dari, h. e. vivum sibi tradi. *l. 1. pr. & §. 14. ff. h.*

An & in solidum aliquando ex pauperie agitur?

Omnino. 1. Sin in jure interrogatus responderit reus, suam non esse quadrupedem. *d. h. l. 1. §. 15. l. 2.* Si alternative condemnatus reus neutrum præstet, & ex re judicata conveniatur. *arg. l. 29. §. 5. ff. de petit. hered. l. 6. §. 1. ff. de re jud.* 3. Si post litem contestatam ab alio animal sit occisum, & reus non sit paratus actiones cedere contra occidentem. *d. l. 1. §. 16.*

Quid, si per res inanimatas fuerit damnum illatum?

Si nulla hominis culpa intervenerit, actio dari non poterit. *arg. l. 29. §. 2. 3. & 4. D. ad Leg. Aquil. Cæterum, si vi fluminis fuerint deportatæ in aliena ædificia, domini non aliter tollent, quam, si caveant de damno infecto. l. 9. §. 1. D. de damn. infect. Item ratis vi fluminis in agrum meum illatæ non aliter potestas domino facienda est, quam, si de præterito damno caveat. l. 8. D. de incend. l. 5. §. 4. D. ad exhib. Sin autem culpa hominis concurrat, ex Aquilia rectè agitur. *d. l. 29. §. 2. & seqq.**

Tit. 2. Ad Legem Aquiliam. Tit. 39. Lib. 3.

Cod. 3. Lib. 4. Inst.

Quid est Lex Aquilia?

Propriè plebiscitum, quo vindicatur damnum non jure rebus alienis illatum.

Quot sunt ejus capita?

Olim tria fuere; hodie duo: quorum primo vindicatur damnum illatum per interemtionem servi vel quadrupedis, quæ gregarim pasci solet, ut tantum præstet reus, quanti servus, vel quadrupes plurimi fuit proximo præcedenti anno. *l. 2. pr. D. h. Altero vindicatur*

omne reliquum damnum, quale quale fuerit, hac pœna, ut præstetur tantum, quanti res plurimi fuit triginta diebus proximis. § 13. & 14. *Inst. l. 27. §. 5. D. h.* siue servus, siue quadrupes vulneretur, vel alia bestia occidatur, aut res quælibet alia rumpatur, frangatur, vel alio modo deterioretur. *d. §. 13.*

Quid est, non jure vel injuria?

Est, dolo vel culpa, imò etiam levissima. §. 3. 14. *Inst. l. 44. D. h.* sc. si sit tale negotium, in quo levissima culpa præstari debet, adeoque toties agi potest, quoties quis sine causa juris, vel citra necessitatem, vel casum fortuitum, damnum intulit. §. 2. & 3. *Inst. l. 4. §. 45. 49. §. 1. 52. §. 1. D. h.*

Quid, si per imperitiam vel imbecillitatem alterius sit quis damnum passus?

Id culpæ annumerabitur, si quis tanquam satis validus se rei alterius immiscuerit: cum quisquam affectare non debeat, in quo vel intelligere debet, infirmitatem vel imperitiam suam aliis periculosam futuram. *l. 8. §. 1. D. h. arg. l. 132. junct. l. 36. D. de Reg. Jur.*

Annon ergo dolus magis debet puniri, quam culpa?

Non est dubium: verum id alia actione, vel accusatione, judicio publico, vel privato, prout res postulat, vindicari oportet.

Cur prioris capitis major est pœna, quam posterioris?

Etsi quidem in posteriori plus damni aliquando veritatur, non tamen est in facto, quod posteriori vindicatur, tanta facinoris atrocitas, quanta in occisione.

Annon absurdum videtur, quod priori capite servi occisio cum quadrupede comparetur?

Ea æquiparatio fit, qua actio ad damnum resarciendum data ex jure domini spectatur, non jus hominis: hujus enim intuitu præter hanc actionem etiam judicio publico ex *L. Corn. de sicar.* agi potest, cum dolo servus est occisus. *l. 23. §. 9. ff. h.* Imò, si lege Aquilia sit actum, nullum sit præjudicium legi Corneliæ. *d. l. 23. §. 9. obstat l. 9. §. 3. ff. de delictis, §. 1. ff. de significatione verborum.*

Quid, si quis confessus sit se interfecisse?

Non potest ex eo solo teneri, nisi simul constet de delicto. *l. 23. §. fin. & Ll. seqq. ff. h.* Siquidem vero de delicto constet, non vero de delinquente, non est neces-

se,

se, ut actor doceat adversarium occidisse, quia id confessus est. d. l. 23. §. f.

Quid, si plures interfecerint?

Siquidem in rixa plures vulneraverint, & appareat, cuius ictu perierit, is solus tenebitur de occiso: si non appareat, omnes quasi occiderint: & si cum uno agatur, ceteri non liberantur. nam ex lege Aquilia quod alius præstitit, alium non relevat, cum sit poena. l. 11. §. 2. ff. h.

Debentne, si plures vulneraverint, unus tantum occiderit, omnes publico iudicio ex lege Cornelia condemnari?

Nequaquam. nisi simul omnes in occisi necem conspiraverint: quia in L. Cornelia tantum dolus, & propositum occidendi punitur. l. 7. 14. ff. ad Leg. Corn. de Sicar.

Quid, si quis mortifere vulneraverit servum, vel quadrupedem, alius post exanimaverit?

Prior tantum de vulnerato, posterior de occiso tenebitur. d. l. 11. §. 3. nisi certum sit, ex priori vulnere eum fuisse moriturum. l. 51. ff. h.

Quid, si plures trabem dejecerint, & hominem oppresserint?

Singuli in solidum tenentur. d. l. 11. §. 4. Quamvis enim subtili ratione dici posset, neminem teneri, quia verum est, neminem eum sustulisse: tamen teneri debent, ne delicta maneant impunita. l. 51. §. 2. in fin. ff. h.

Quid, si quis defendendo alterum occiderit?

Siquidem aliter periculum evitare non potuit, & moderamine inculpatæ tutelæ est usus, jure fecit. l. 54. §. 4. ff. h. l. 3. ff. de justit. & jur. Præstat enim prævenire, quam post vulneratam causam frustra de remedio cogitare. l. 1. 2. Cod. quand. lic. se. sin jud.

In quibus consistit moderamen inculpatæ tutelæ?

Si fiat, 1. in vitæ periculo. Dd. Ll. 2. in continenti. l. 3. §. cum igitur D. de vi & vi arm at. 3. tantum ad defensionem. d. l. 45. §. pen. D. h. l. 1. C. unde vi. 4. si aliter adversario parcere nequeat. l. 5. D. h. Nec distinguendum est, utrum arma fuerint paria vel non: lex enim nusquam id desiderat.

*Quid ergo, si quis egressus sit moderamen inculpatae
tutelae?*

Ex causa hoc æstimandum est. *arg. l. 30. §. 3. l. 52. §. 1. D. h. & quoad legem Corneliam mitiganda est poena ordinaria. arg. l. 38. §. 8. D. ad Leg. Iul. de adult. Teneturne invasus fugere?*

Etsi quidem, si, cum effugere posset periculum, occidere maluerit, culpæ sit reus. §. 2. *Inst. h.* Non tamen fugere tenetur propter periculum lapsus, & alia incommoda: quia effugere periculum nihil aliud est quam id evitare sine periculo: is vero, qui fugit, non effugit periculum sine periculo.

Licetne occidere ad res defendendas?

Non aliter, quam si vis ob eam causam fiat: adeo ut non tam videatur ob res, quam vim illatam occidi. *l. 52. §. 1. D. h. l. 1. Cod. und. vi. l. 3. D. de Iustit. & Iur.*

Quid, si ad famam tuendam alterum interfecerit?

Non licet ob calumnias alterum interficere: verum, si cui vis fiat ad pudicitiam tentandam, & se aliter defendere non possit, iustissima est vindicta. *l. 1. §. 4. ff. ad Leg. Cornel. de sicar. l. 8. §. 2. ff. quod met. caus. argum. l. 9. ff. de manum. vind. junct. d. l. 3. ff. de Iustit. & Iur.*

Licetne & ad defensionem aliorum, qui in periculo sunt constituti, occidere?

Non tantum id permittendum est necessariis, sed & extraneis personis. *arg. d. l. 1. §. 4. ff. ad Leg. Cornel. de sicar. l. 50. 109. de Reg. Iur. Proverb. 24. vers. 11. c. 7. & 8. caus. 23. q. 3.*

Quomodo probanda est defensio necessaria?

Si vis illata ostendatur, vel, si quis probet adversarium se præparasse ad vim faciendam, vel in insidiis fuisse; quo probato; & defensio iusta probata esse videtur. *arg. d. l. 3. ff. de Iustit. & Iur.*

Quid, si ergo nec probari possit aggressio, invasio, vel quid simile?

Arbitrio iudicis id committendum, ut pro circumstantiis personæ, loci, temporis, facti, statuat, quod æquum videbitur.

Quid

Quid juris est in incendiis ortis?

Et si quidem incendia plerumque fiant culpa inhabitantium. *l. 3. §. 1. De offic. prat. vigil.* tamen paterfamilias inhabitans, non aliter ejus nomine tenetur, quam si probeatur ejus negligentia. Si itaque servorum negligentia sit factum, dominus non statim in culpa est. *l. 11. D. de peric. & comm.* nisi negligentior in eligendis ministeriis fuerit. *d. l. 11. junct. l. 27. §. 9. 10. & 11. D. h.* quia eo ipso est in culpa. *c. un. x. de commod. c. un. x. de depos.* Sin autem casu fortuito incendium sit ortum, nulli imputabitur. *l. 11. D. de incend.*

Quomodo censebitur esse fortuitum?

In facto id consistit. fortuitum autem dicendum est, quoties dolus vel culpa adversarii argui nequit. *l. 52. §. Damna. D. pro socio.* Et licet, *d. l. 3. §. 1.* culpa inhabitantium videatur in incendio præsumi: id tamen non ad omnem culpam referendum est, sed ad levissimam tantum, ita ut simul probari debeat, à qua persona ortum habeat: nam & alius, præter patremfamilias, causam dare potuit. Quod si probari non possit, absolvi debet, ex regula generali, Actore non probante reus absolvitur. *l. 4. C. de edend.*

Quid, si quis in stipulam suam, comburenda ejus causa, ignem immiserit, & ulterius evagatus ignis alienam segetem consumserit?

Requiremus, num imperitia ejus aut negligentia id acciderit: nam si die ventosa id fecerit, culpa reus est: qui enim occasionem præstat, damnum fecisse videtur: ita &, qui non observat ne ignis longius procedat, reus est: At qui omnia observavit, licet subita vis venti ignem longius produxerit, caret culpa. *l. 30. §. 3. D. h.*

Quid, si quis incendii arcendi causa ædes alienas destruxerit?

Cessat actio ex lege Aquil. *l. 49. in fin.* sive jam ad ædes suas pervenerit, sive non. quia julto metu ductus id fecit. *d. l. 49. l. 3. §. 7. in fin. D. de incend. ruin. naufr.* Sed hoc verum, si ædes destructæ æque periissent. *l. 7. §. 4. D. quod vi aut clam. junct. d. l. 49. §. 1.*

Quid, si pro salute totius viciniae ædes fuerint destructæ?

Si quidem convenerit de resarciendo damno, communi sumptu reparandum erit ædificium: si non, & certum:

certum sit, æque perituras ædes, nihil persolvetur. *d. l. 7. §. 4.* Si sit incertum, communi contributione id damnum refarciendum est. *arg. l. 1. & 2. D. ad leg. Rhod. de act.*

Quid juris in putatore arboris?

Is, si in publicum dejecerit ramum, & non proclamaverit, aut cum providere poterat, dejectionem non inhibuerit, culpæ reus est. *l. 31. D. h.* Et, si nullum iter ibi fuerit, dolum duntaxat præstabit: nam culpa ab illo non est exigenda, cum divinare non potuerit, an per eum locum aliquis transiturus sit. *d. l. 31. in f.*

Quid juris in eo qui jaculis lusit?

Si in eo campo, ubi solitum est exerceri, quis sit læsus, nulla datur actio. Si vero ab alio, imo etiam à milite, in alio loco, agi potest ex lege Aquila. *§. 4. Inst. l. 9. §. f. ff. h.*

Quid si, qui pila ludebant, vehementius eam in tonsoris manus dejecerint, & ex eo gula servi sit præcisa?

Si tonsoribi tondebat, ubi ex consuetudine ludebatur, vel ubi transitus frequens erat, est, quod ei imputetur: quamvis nec illud male dicatur, si in loco periculoso sellam habenti tonsori se quis commiserit, ipsum de se queri debere. *l. 11. pr. ff. h.*

Quales actiones descendunt ex lege Aquilia?

Sunt vel directæ, vel utiles, vel in factum. Directæ, cum corpori à corpore damnum est illatum; uti, si quis vulneraverit quadrupedem. Utiles, cum quis corpori, sed non suo corpore immediate nocuit; ut, si quis incluserit pecudem ut fame perierit. In factum, cum nec corpore nec corpori damnum est illatum; uti, si quis servum vinculis compeditum solverit, ut fugeret. *§. f. Inst. h.*

Quibus dantur hæ actiones?

Dominis veris, etiam hæredibus. *l. 11. §. 6. l. 23. §. 8. ff. h.* etiam utilibus dominis. *d. l. 11. §. fin. l. 12. ff. h.*

Contra quos dantur?

Contra eos, qui damnum intulerunt: non vero adversus hæredem, cum sit pœnalis, nisi ex damno locupletior sit factus. *d. l. 23. §. 8.*

Quarum

Quarum rerum nomine?

Qualiumcunque, imo & nomine liberi hominis; non, ut directa, sed utilis detur actio; & non, ut corporis, sed damni æstimatio fiat. *l. 13. ff. h.*

Quid petitur his actionibus?

Agitur adversus confitentes in simplum pœnæ in edicto propositæ, & secundum præsens tempus iudex æstimet, quanti damnum sit. *l. 25. §. 2. l. 16. ff. h.* Adversus negantes, siquidem probetur contrarium, comparata est actio in duplum propter inficiationem. *l. 2. §. 1. l. 23. §. 10. ff. l. 4. Cod. h.*

Quid, si reus neget qualitates facti?

Siquidem in qualitatibus, quæ negantur, substantia criminis consistat, pro inficiante condemnandus est: sin autem ad substantiam eæ qualitates non pertineant, secus est.

Quid ergo æstimandum est?

Non solum peremptum vel læsum corpus, sed quicquid præterea ratione ejus corporis abest & nostra interest, etiam aliarum rerum depretiationes attendentur. *§. 10. Inst. l. 22. §. 1. l. 23. §. 1. ff. h.* Etiam si quoque id, quod interest, duplum veri pretii excedat. *l. 13. de Act. empt.*

Qua forma intentatur hæc actio?

Postquam actor narravit damnum, & qualitates, & circumstantias, æstimationemque designavit, quæ aliquo tempore, intra annum ex primo capite, 30 dies ex altero, maxima fuit: petit, siquidem reus confiteatur commissum, simplum; si neget, duplum antedictæ æstimationis, vel majoris aut minoris quam iudex statuturus est, cum damnis & interesse, &c.

Tit. 3. De his, qui dejecerint vel effuderint.

Quid, si aliquid effusum vel dejectum, quod nocuit prættereunti?

Vnde in eum locum, quo vulgo iter fit vel consistitur, dejectum vel effusum quid erit, datur actio. *l. 1. pr. D. h.* publice enim interest, sine metu & periculo per itinera comuneari. *d. l. 1. §. 1.*

Vnde debet ejici, ut hæc actio locum habeat?

Ex cœnaculo, vel domo, alioque simili loco; etiam navi. §. 1. *Inst. de oblig. q. ex quas. malef. l. 6. §. fin. D. h.* Sive proprietas cœnaculi ad nos pertineat, sive non; modo ibi habitemus, aut uti in nostro moremur. *d. §. 1. l. 1. §. 9. D. h.*

Cui datur hæc actio?

Illi, qui vel in corpore, vestimentis, vel aliter damnum qualecunque est passus. *l. 1. D. h. etiam hæredibus. l. 5. §. 5. D. h.* Cæterum actio, qua agitur ex hoc edicto ob necem hominis liberi, est popularis. *d. l. 5. §. 5.* sed præferuntur illi, quorum interest. *arg. l. 3. §. 1. D. de popul. act.*

Contra quos datur?

Contra habitatorem, sive sit paterfamilias, sive filiusfamilias. Et, si filiusfamilias sit, agi non potest contra patrem de peculio, quia non venit ex contractu, sed adversus ipsum filium. *l. 1. §. 7. D. h.*

Quid, si plures in eodem cœnaculo habitent?

Si indiviso inter se cœnaculo, in quemvis hæc actio dabitur in solidum. *d. l. 1. §. f. l. 3. D. h.* Cum impossibile sit scire quis ejecerit. *l. 2. D. h.* Sed, si cum uno fuerit actum, cæteri liberabuntur, perceptione, non litis contestatione, præstaturi partem damni iudicio societatis vel utili actione ei, qui solvit. *l. 4. D. h.* Si vero diviso, actio in eum solum datur, qui eam partem inhabitat. *l. 5. pr. h.*

Annon ergo & hospes tenebitur?

Non tenebitur, quia ibi non habitat, sed tantisper hospitatur. *d. l. 1. §. 9. & d. l. 5. §. 1.*

Imo videtur iniquum ut habitator alienum factum præstet?

Nequaquam, quia quisque familiæ & eorum, quos excipit, curam habere debet. *arg. §. f. Inst. de oblig. ex quas. malef.*

Daturne & contra hæredes?

Cum pœnalis sit actio, non datur, & quidem maxime, si corpori libero damnum sit illatum. *d. l. 5. §. 5. in f.*

Daturne adversus dominum?

Non, nisi ipse habiter: culpa enim, si non ipse habiter, nulla est. *d. l. 1. §. 4.*

Quid,

Quid, si quid, quod suspensum erat, deciderit?

Pro dejecto haberi debet, & si quid effusum sit, licet nemo effuderit, edictum æque habet locum. *d. l. 1. §. 3.*

Estne distinguendum, in quem locum quid sit effusum vel dejectum?

Parvi interest, utrum publicus vel privatus sit locus; dummodo per eum vulgo iter fiat, sive sit in civitate, sive ruri. *l. 6. ff. h. quia iter facientibus prospicitur. d. l. 1. §. 2.*

Ad quid datur?

Si homo liber perierit, ad 50 aureos; si vivat, nocitumque ei dicatur, quantum ob eam rem æquum iudici videbitur, reus condemnandus est: in aliis autem rebus duplum damni reus persolvit. *l. 1. pr. ff. h.*

Imo videtur hic liberi corporis esse æstimatio.

contra l. 13. ff. Leg. Aq.?

Si homo sit occisus, 50 aurei non sunt æstimatio hominis, sed solvuntur in pœnam: si vulneratus sit, iudex computat impensas medicis præstitas, cæteraque impendia & operas, quibus caruit, aut cariturus est, nulla facta æstimatione cicatricum aut deformitatis. *l. f. D. h.*

Quid, si quis in suggrunda protectove, qua vulgo iter sit & consistitur, positum vel suspensum habuit quod nocere possit?

Datur actio in factum in 10 solidos. *l. 5. §. 6. D. h. Quod constitutum est ad securitatem viarum publicarum. d. l. 5. §. 7.*

Quibus datur hac actio?

Datur cuivis ex populo, quia popularis est, & sic potissimum ei, cujus interest, & hæredi ejus. *d. l. 5. §. fin.*

Contra quos datur?

Contra eos, qui posuerunt, vel positum patiuntur, sive sint domini, sive inquilini, sive alii. *d. l. 5. §. 8. & 10. modo positum sit, ut nocere possit, sive nocuerit, sive non. d. l. 5. §. 11.*

Quid, si id quod positum est, ceciderit & nocuerit?

Dabitur in eum actio qui posuit, non in eum qui habitavit. *d. l. 5. §. 12.*

Tit. 4. De noxalibus actionibus. 41. Lib. 3.
Cod. 8. Lib. 4. Inst.

Quæ sunt actiones noxales?

Quibus non agimus directo & simpliciter ad resarciendum damnum nobis illatum: sed alternative in hoc, ut damnum resarciatur, vel corpus, quod nocuit, noxa dedatur.

Ex quorum delictis dantur?

Tantum ex delictis servorum privatis, non publicis. *l. 1. C. de accusat. & ex pauperie quadrupedum. l. 1. & tot. tit. supr. D. si quadrup. paup.*

Quid, si dominus dolo malo defuerit possidere?

Tenebitur æque dominus. *l. 1. pr. & l. 21. D. h. s.*

PANDECTARUM

LIBER X.

Tit. 1. Finium regundorum. Tit. 39.
Lib. 3. Cod.

Suntne aliqua judicia mixta & duplicia?

Sunt, non tantum mixta, quæ tam in rem quam personam dantur. §. 20. *Inst. de act.* sed & simul duplicia, in quibus utrimque litigantes & actores & rei sunt. *l. 13. D. de judic. l. 10. D. h.* Qualia sunt, finium regundorum, familiæ erciscundæ, communi dividundo. *d. §. 20. & d. l. 13.*

Quid est iudicium finium regundorum?

Actio mixta, stricti juris, qua confines de limitibus prædiorum rusticorum contendunt. *l. 1. & seq. D. h.*

Quomodo distinguitur à vindicatione?

Vindicatio est rei ipsius adversus possessorem, at in hoc iudicio tantum finalis quæstio vertitur: sic, ut in vindicatione de finibus tantum per modum consequentiæ, & non semper & necessario, sed de corpore ipso sit controversia: hoc vero iudicium sit pro

vindi-

vindicatione rei non directo qua corpus spectatur, sed tantum per accidens, qua principaliter de finibus agitur. *arg. l. 6. ff. de rei vind. junct. l. 1. ff. h.*

Inter quos datur hoc judicium?

Non datur inter socios. *l. 4. §. 6. ff. h.* Sed alios di- *Rati. ind. l.* rectos dominos, sive possessores: ut & usufructuarios, duos vel plures. *l. 4. §. 8. ff. h.* modo sint confines. Confines autem sunt, licet rivus privatus interveniat; non si via publica, vel flumen publicum. *l. 4. §. 9. & 11. l. 5. ff. h.*

Ad qua pradia pertinet?

Ad rustica, non urbana, licet etiam sint ruri. *d. l. 4. §. 10. junct. l. 2. h.* ædificia enim parietibus satis determinantur. Imo & ad hortos, qui in urbe sunt. *d. l. 4. §. 10.*

Quid petitur hac actione?

1. Distinctionem finium rite fieri, vel fines renovari. 2. Præstari, quæ finibus adhærent. 3. Præstari omne id, quod interest fines non fuisse mutatos vel exaratos. *d. l. 4. §. 1. nec non restitui omnes fructus post litem contestatam, vel antea mala fide perceptos. d. l. 4. §. 2.* 4. Persolvi pœnam contumaciæ. *§. pen. Inst. de off. jud.*

Concurruntne etiam cum hac actione alia?

Potest etiam criminaliter agi propter terminos dolo malo motos, vel ex lege Agraria, ad 50 aureos. *l. 3. ff. de term. mot. vel ex rescripto Hadriani, ad pœnam arbitriariam. arg. l. 2. ff. eod.*

Quod erit officium Iudicis in hac causa?

1. Vetera monumenta, finesque antiquis libris vel testibus probatos, si recentiores possessiones earumque probationes efficaces non sint, sequetur. *l. 11. 12. ff. h.* Et, si non appareant vestigia vetera, per geometras, vel arbitros, fines constituet. *l. 2. & 8. ff. l. 3. C. h. l. 44. de recept. arbitr.* Vel, si finibus evidentioribus distinguere commodius, quam olim fuissent, ex alterius agro partem aliquam alterius agri domino adjudicabit; sic vero, ut ei, qui majorem locum habet, integrum assignet. *l. 7. ff. h.* quem, ut rursus alteri pecuniam eo nomine præstet, condemnabit. *§. pen. Inst. de off. jud.* habita simul ratione eorum, quæ præstanda sunt. *l. 2. §. 1. l. 3. & l. 4. §. 1. & seqq. ff. h.*

Quot

Quot annis tollitur hac actio?

Tantum triginta. *l. f. C. h.* excepto spatio quinque pedum. *l. pen. C. h.*

Estne sollemnis aliqua constitutio de finibus?

Est in *l. f. ff. h.* lex Solonis, qua cautum, ut, si quis sepem ad alienum prædium fixerit, vel infoderit, terminum non excedat; si maceriem, pedem relinquat; si domum, pedes duos; si sepulchrum, aut scrobem foderit, quantum profunditatis habuerint, tantum spatii; si puteum, passus latitudinem; at oleam, aut ficum, ab alieno ad novem pedes plantet, cæteras arbores ad pedes quinque.

Tit. 2. Familix erciscundæ. Tit. 36.

Lib. 3. Cod.

Quod est iudicium familia erciscundæ?

Mixtum, duplex, bonæ fidei, competens ad divisionem hæreditatis, & personales, quæ incidunt, præstationes.

Inter quos datur?

Cohæredes. *l. 36. D. h.* non tantum uno agente, sed & pluribus, siue possideant, siue non, etiam si cæteri cohæredes dividi nolint. *l. 2. §. 4. l. 43. D. h.* nemo enim invitus in communione manere compellitur. *l. f. C. comm. divid.* siue fuerint ex jure civili, siue prætorio, siue ex testamento, siue ab intestato, vel quolibet alio modo hæredes.

Daturne etiam arrogatis ratione suæ quartæ?

Quia directo non sunt hæredes, utilis actio tantum iis accommodatur. *d. l. 2. §. 1. D. h.*

Quæ res veniunt in hanc actionem?

Omnes hæreditariæ, tam soli, quam mobiles, siue directo, siue indirecto ad hæreditatem pertineant; etiam alienæ, quas bona fide defunctus possedit, vel pignoris loco habuit. *l. 8. §. 1. & 2. l. 9. 10. 11. 22. §. f. 23. 29. D. l. 5. 8. 25. C. h.* Non vero pertinent huc res malis artibus acquisitæ. *l. 4. §. 2. ff. h. perniciosæ*; uti sunt libri reprobatae lectionis, & mala medicamenta: quæ res protinus sunt tollendæ. *d. l. 4. §. 1.* Rariter & nomina. *l. 6. C. h.* quia ipso jure jam sunt divisa.

divisa. *d. l. 6.* pro sua enim portione quisque conveniri vel agere potest. *l. 2. §. f. D. h.* Si autem stipulatio de eorum divisione sit interposita, ei statur. *d. l. 2. §. f.* Imo & nonnunquam ad officium judicis pertinet, ut debita & credita singulis pro solido attribuat: ita tamen, ne creditoribus præjudicetur. *l. 3. D. h.*

Quæ petuntur hac actione?

Hoc judicium constat duobus. 1. Rebus. 2. Præstationibus. *l. 22. §. 4. D. h.* Rebus, ut res hæreditariæ dividantur quam fieri potest optime. Præstationibus, ut restituantur. 1. Quæ à cohæredibus sublata. *l. 3. C. h.* vel dolo aut culpa deteriora facta, vel amissa sunt. *l. 19. C. h.* 2. Fructus à cohærede percepti, quolibet ratione. *l. 9. C. h.* 3. Sumptus, quos actor fecit. *l. 25. §. 15. D. l. 18. C. h.*

Qua forma hac actio proponitur?

Facta narratione de obitu defuncti, & de hæreditate litigaturis communiter relicta, petit actor, si non possideat ipse, reum, qui possidet, condemnari, ut actori inventarium rerum omnium hæreditariarum exhibeat, & cum actore procedat ad divisionem earundem, præstetque omnes fructus ac emolumenta, damnumque ac interesse, &c. Si autem non possideat reus hæreditatem, agit actor ad inventarium communis nomine faciendum, & ad divisionem, &c. ut ante.

Quid, si actor negetur esse cohæres?

Non habet locum hæc actio, sed de jure hæredis primum disputandum. *l. 36. D. h.*

Quod est officium Iudicis in hac actione?

Ante omnia expendet, an defunctus divisionem fecerit. Illam sequi oportet, si legitime sit facta. *l. 20. §. 3. & §. 4. 33. 39. §. 1. D. h. t.* Et, si de ea non constet, res hæreditarias omnes pro rata æqualiter dividet: aut, si non patiantur divisionem, uni potiore partem; alteri pecuniam: vel uni proprietatem, alteri usufructum adjudicabit. *l. 25. §. 20. D. h. §. 4. Inst. de off. jud.* Habebitque rationem omnium personalium præstationum, ac collationes fieri jubebit. Ita autem res commodissime distribuet, si tot faciat partes, quot sunt hæredes, & deinde sorte rem dirimat. *arg. l. 3. Cod. comm. de leg. nisi in alium modum ipsi cohæredes consentiant.*

Quid,

Quid, si res aliqua manserint indivisa?

Agetur communi dividundo, siquidem per judicem sit facta divisio: quia iudicium familiae erciscundae, cum universale sit, semel tantum instituitur. l. 20. §. 4. D. h.

*Potestne rescindi divisio, facta sub pretextu
lesionis?*

Si à testatore sit facta, tantum attenditur, an & legitima sit relictis iis, quibus debetur: sin autem à iudice, vel inter cohæredes privatim, habebit locum. l. 2. Cod. de rescind. vendit. licet etiam fors intervenerit: quia fors in hac re non ad quantitatem designandam adhibita est, sed ut intelligeretur, quæ res singulis personis obvenire debeant. Cæterum, si testator dixerit, se velle æqualitatem inter hæredes servare, & inæqualiter dividerit; subveniendum est cohæredi, qui magnam inæqualitatem probat.

*Debentne etiam cautiones pro evictionibus
præstari?*

Id est necessarium. l. 25. §. pen. ff. h. Evictio enim est præstanda, siue testator dividerit, siue iudex: nisi testator prælegaverit. l. 77. §. 8. ff. de legat. 2. Sin autem cautiones de evictione non sint præstitæ, ipso jure inesse videntur. l. 14. C. h.

Tit. 3. Communi dividundo. Tit. 37.

Lib. 3. Cod.

Quod est iudicium communi dividundo?

est p. f. u. a. h.

Est mixtum, duplex, bonæ fidei, quo, qui certas res communes habent. l. 4. pr. h. ad divisionem earum & personales exinde præstationes agunt.

Inter quos datur?

Inter eos, quibus communis res est ex qualibet causa, vel ex societate, vel sine ea. l. 2. D. h. etiam inter usufructuarios. l. 7. §. 10. D. h. quique revera pro indiviso sunt domini, vel bona fide possident. l. 7. §. 4. D. h. sc. suo nomine, vel etiam jure pignoris. d. l. 7. §. 11. & 12. junct. §. 6. ibid.

Qua-

*Quomodo potest dari ex causa societatis, cum
competat pro socio?*

Pro socio datur ad præstationem eorum, de quibus
convenit, & non ad divisionem: hoc vero iudicium
tantum ad divisionem, eaque, quæ in rem sine con-
ventionem circa societatem inciderunt, ratione fru-
ctuum, sumptuum, & damnorum.

Quæ res veniunt in hoc iudicium?

Omnes, quæ divisionem admittunt, & in commer-
cio sunt. *l. 7. §. 7. & seqq. D. h.*

Ad quid agitur?

1. Ut res dividantur. 2. Ut præstentur, quæ ex bono
& æquo præstari convenit. *l. 4. pr. & §. 3. l. 6. §. 2.
D. h. uti & in iudicio familiæ erciscundæ.*

Quid, si res sit perempta?

Etsi de re dividenda non possit agi; tamen persona-
lium præstationum nomine Iudex condemnabit. *l. 11.
D. h.*

Quid, si convenerit, ne divisio fieret?

Si simpliciter ita convenerit, non valet pactum: si
de certo tempore sit dictum, vires habet: & licet in-
terim socius vendiderit suam portionem, potest tamen
emptor, agendo communi dividundo, eadem exce-
ptione submoveri, qua autor ejus potuit. *l. 14. §. 2.
& 3. D. h.*

Communia utriusque iudicii tam familiæ
erciscundæ, quam communi dividun-
do. Tit. 38. Lib. 3. Cod.

*Quæ sunt communia fam. ercisc. & comm.
divid. iudiciis?*

Varia. Utrumque enim est: 1. Duplex. *l. 10. D. fin.
reg. l. 37. §. 1. de oblig. & act.* 2. Mixtum. *§. 20. Inst.
de act. & d. l. 37.* 3. Divisorium. *l. 1. D. fam. ercisc. l. 1.
D. comm. divid.* 4. Bonæ fidei. *§. 28. Inst. de act.* 5. Di-
rectum. 6. Competens veris dominis. *l. 9. C. h.* 7. Per-
tinens ad easdem personales præstationes ex quasi con-
tractu. *§. 3. & 4. de oblig. ex q. contract.* 8. Admittens
beneficium. ex *l. 2. C. de resc. vend arg. l. 3. C. h.* 9. Ejus-
dem effectus circa divisionem, ut sit loco emptionis.
arg.

arg. l. 1. C. h. 10. Exigens, ut instrumenta hæreditaria, vel aliter communia maneant penes eum, apud quem collocari iudex æstimavit. *l. 5. C. h.* qua in re hic ordo observandus, ut, si specialis causa non impediatur, præferatur is, cui est major portio in rebus; vel, si par sit omnium conditio, sorti res committatur: nisi ex consensu aliquem velint eligere, aut iusta aliqua causa iudicem moveat, ut jubeat deponi in æde sacra. *l. 4. §. fin. l. 5. ff. fam. ercisc. l. f. C. de fid. instrum.*

Quomodo ergo cæteris erit cautum, si apud unum cautiones sint?

Debet ab eo, qui detinet, cæteris dari descriptum & recognitum, cautione interposita, ut, cum res exegerit, ipsæ cautiones exhibeantur. *d. l. 5. ff. fam. ercisc.*

Tit. 4. Ad exhibendum. Tit. 35. Lib. 3. Cod.

Qua est actio ad exhibendum?

Est præparatoria rei vindicationis, & aliarum actionum, & quidem personalis in rem scripta. *l. 3. §. est autem personalis ff. h.* qua actor desiderat rem aliquam sibi exhiberi.

Quid est exhibere?

Est facere in publico potestatem rei, & extra secretum habere, ut actori experiundi sit copia. *l. 2. ff. h. junct. l. 3. §. 8. & 9. ff. de tab. exhib.* Adeoque est, præsentiam corporis facere. *l. 22. 246. ff. de Verb. Signif.*

Quibus datur hac actio?

Omnibus, qui in rem acturi sunt qualicunque actione, sive pignoratitia, sive vindicatione, vel noxali, imo & personali actione, vel interdicto, adeoque competit omnibus, quorum exhiberi interest. *l. 2. §. 3. & seqq. ff. h.*

Contra quos datur?

Contra eos, qui vel civiliter vel naturaliter possessioni incumbunt: adeoque & creditorem, qui pignori rem accipit, depositarium, commodatarium, conductorem. *l. 3. §. fin. l. 4. §. pr. ff. h. l. 8. C. h.* aliosque omnes, qui exhibendi habent potestatem, sive possideant rei servandæ causa, sive ex causa usus, vel simili, *d. l. 5. §. 1.* Etiam eum, qui dolo malo desit

desiit possidere, vel si quis corruperit rem. *l. 9. §. 2. & 3. ff. h. nec tantum adversus singulos, sed & universitates & corpora. l. 7. §. 3. ff. h.* Quin etiam & adversus illos, qui rem deteriore exhibuerunt, vel translata in aliud corpus dolo malo. *d. l. 9. §. 3.*

Quid, si quis non possideat tempore litis contestatæ, & ante sententiam possidere cœperit?

Etiam adversus eum dirigi poterit actio, & is condemnabitur, nisi restituat. Et vice versa, si quis tempore judicii accepti possederit, & postea sine dolo malo desierit possidere, absolvendus est, quamvis sit, quod ei imputetur cur statim non restituerit. *d. l. 7. §. 5.* Item, qui tempore litis contestatæ possedit, deinde desiit, mox rursus cœpit possidere, condemnari debet, nisi exhibeat. *d. l. 7. §. 6.*

Ad quas res pertinet?

Ad res mobiles, etiam instrumenta. *l. 6. C. h.* Non ad res immobiles: quia eæ sese facile ostendunt. *l. 56. D. de procur.*

Quid statuendum de rebus nostris alienis inclusis & junctis?

Etsi quidem directo non possint vindicari: attamen ad eas exhibendas agi potest, ut excludantur, & sic consequenter vindicentur, modo non sit tignum alienis ædibus junctum; de quo exhibendo vetat agi lex duodecim tabul. *l. 6. & 7. D. h. l. 23. §. 5. & 6. D. de rei vind.*

Quale est hoc judicium? & quod est officium Iudicis?

Est tantum summarium: summatim enim actor, ratione suæ actionis proposita, petit, ut reus condemnetur ad exhibendum cum omni causa: & judex cognoscit tantum, an actoris intersit, & an probabilem tantum habeat actor causam. *l. 1. §. 9. & 11. D. h. non an ejus sit.*

Quomodo interesse dicitur?

Tantum pecuniariè, & ob actionem instituendam. *l. 2. C. l. pen. D. h.* Ideo, si studiosus dicat sua interesse, ut libri sibi exhibeantur, quia doctior & melior futurus est; non id accipietur quasi ejus intersit: nec enim jus civile calumniari oportet, aut verba captare, sed qua mente quid dicatur, animadvertere convenit. *d. l. pen.*

Quo

Quo tempore debet interesse?

Vtroque, & quo lis contestatur, & quo fit condemnatio. l. 7. §. f. D. h.

Quid, si reus non exhibeat dolo malo?

jurabitur adversus eum in litem. l. 4. Cod. l. 3. §. 2. D. h.

Quomodo debet reus rem exhibere?

Cum omni causa. l. 9. §. 5. & utilitate, & si quæ utilitas amissa est, vel, quia res non exhibita, vel tardius, id æstimandum est. d. l. 9. §. fin. & æstimatio fiet, non quanti res est, hoc est, corpus ipsa, sed quanti interest, sive minoris. d. l. 9. §. fin. sive pluris. arg. l. D. de act. empt. l. 11. D. de reg. jur. Imo & fructuum debet haberi ratio. §. 3. Inst. de off. jud.

Quid, si condemnatus neget se statim exhibere posse?

Siquidem non animo frustrandi tempus petat, ipsi hoc indulgendum est, modo caveat, se eo tempore cum omni causa exhibiturum. §. 3. Inst. de off. jud.

P A N D E C T A R U M

L I B E R X I.

Tit. 1. De Interrogationibus in Jure faciendis, & interrogatoriis actionibus.

Quæ sunt actiones interrogatorie?

Cum sæpe difficulter posset intelligi, ex qua parte, vel quo jure quis rem haberet vel possideret, introduxit Prætor interrogatorias actiones, quæ fundabantur in responsionibus reorum ad propositas interrogationes. Verum, iis hodie non utimur, quia nemo cogitur ante judicium de suo jure respondere. l. 1. ff. h.

Annon igitur ullæ sunt hodie admittæ interrogationes?

Vsitatum est, lite contestata, vel post interlocutoriam, positiones proponi, ad quas adversarius respondere tenetur:

tenetur: adeoque ex profunt, non ad instituendum iudicium, sed ad probationes intentionis. *l. 1. §. 1. ff. h.* Imo & hodie quoque, ubicunque iudicem æquitas moverit, oportet fieri interrogationem, cum à parte, tum à iudice. *l. pen. ff. h.*

Tit. 2. De quibus rebus ad eundem Iudicem eatur?

De quibus rebus itur ad eundem Iudicem?

Quoties causæ continentia id exigat, vel ratione personarum, vel ratione causæ, vel ipsarum rerum; ut si inter plures duplicibus iudiciis sit agendum, idem iudex sumendus est, quo facilius in eundem locum coire possint. *l. 1. D. h.* Ita, cum ex pluribus tutoribus unus convenitur, ipso postulante omnes ad eundem iudicem mittendi sunt. *l. 2. D. h.* ut sciatur, an satis reliqui locupletes sint. *arg. l. 6. §. in fin. D. de edendo.* Non enim debet causæ continentia dividi. *l. 10. C. de judic.* & præstat per pauciora quid fieri, quam per plura. *arg. l. 39. §. 1. D. de appellat.* Hinc etiam receptum, ut petitorium ibi instituatur, ubi possessorio est actum. *d. aut.* & reconventiones coram eodem iudice fieri possint, aut: non enim, qui elegit iudicem in actione à se instituta, aspernari debet eundem contra se, in alterius causa.

DE RECONVENTIONE.

Quid ergo est reconventio?

Est conventio rei adversus actorem coram eodem iudice: vocaturque mutua petitio. *l. 11. §. 1. D. de jurisd.*

Qui possunt reconventionem instituere?

Qui agere non prohibentur, legitimamque personam standi in iudicio habent.

Coram quo Iudice?

Non distinguitur, utrum sit ordinarius, vel delegatus. *l. 14. C. de sentent. & interloc. Nov. 96. c. 2. l. 22. D. de judic.*

Quid in arbitrio compromissarii statuendum?

Siquidem ad certam causam sint electi, non potest coram iis fieri reconventio: nisi tanquam consequens, vel antecedens cohaereat conventioni.

Quid, si reconventus proponat exceptionem declinatoriam?

Nihil efficit, licet etiam per poenitentiam renunciauerit instantiæ, nisi litem plane deseruerit.

Potestne reconventus rursus reconvenientem reconvenire?

Id ordinarie non admittitur, ne mutux petitiones in infinitum excurrant: nisi quatenus incidat causa præjudicialis, quæ sine altera cognosci non potest.

In quibus causis fit reconventio?

Regulariter in omnibus. d. l. 22. D. de Iudic. hoc autem temperamento adhibito, ut criminaliter conventus accusatorem criminaliter reconvenire possit, cum scilicet ex privato iudicio agit, vel in publico suam suorumque injuriam persequitur: aliàs enim iudicio publico accusatus, alium accusare non potest. l. 5. D. de pub. jud. junct. l. 8. 9. 10. & 11. pr. D. de accus. Deinde, in causa civili reconventio civilis admittitur, imo etiam criminalis, qua ex eadem causa promanat, & civilis non præjudicat criminali. l. 3. C. de ord. cognit. l. 27. D. rer. amotar. In causis vero summariis tantum, si summarie procedat, ne una per alteram impediatur. arg. l. pen. C. de sentent. & interlocut.

Quando reconventio potest proponi?

Non tantum initio litis, sed & post: non enim distinguitur. d. l. 14. & d. Nov. 96. c. 2.

Semperne pari passu ambulat reconventio cum conventione?

Sic videtur Dd. Ll. modo conventio vel reconventio non sit præjudicialis: (Prius enim præjudiciale iudicium exercendum est.) vel reconventio non initio, sed jam pendente processu super conventionem non sit proposita: Qui enim vult, ut eodem modo procedant, debet cum lite contestatur super conventionem, vel statim post, reconventionem movere.

Tit. 3. De servo corrupto. Tit. 2.
Lib. 6. Cod.

Quid est in edicto de servo corrupto?

Ex eo adversus eum, qui alienum servum receperit, dolove malo corruerit, quanti ea res est, in duplum iudicium datur. *l. 1. pr. §. 1. 2. 3. D. h.*

Quid est recipere & corrumpere?

Recipere, est refugium abscondendi causa servo præstare: corrumpere vero est persuadere; persuadere autem plus est, quam compellere. Persuadet vero is, qui ad delinquendum inducit, vel delinquentem servum laudat. nec enim oportet laudando augere malitiam. *l. 1. §. 3. & 4. D. h.*

Tit. 4. De servis fugitivis. Tit. 1.
Lib. 6. Cod.

Quid est in edicto de servis fugitivis?

Eo coërcentur, qui servos fugitivos celant, & in publicum non deducunt. *tot. tit. h.*

Quomodo investigabitur servus fugitivus?

Literæ à Magistratu dantur, & Apparitor ei adiungitur, ut libere possit ingredi & inquirere, ac cubilia vestigiaque occultantium scrutari: Pœna imminente illis, qui inquiri non permittunt. *l. 3. D. h.* Quod & referendum est ad inquisitionem rerum furtivarum.

Tit. 5. De Aleatoribus. Tit. 43.
Lib. 3. Cod.

Quid juris est in aleatoribus?

Multis modis legibus provisum est adversus excessum aleatorum: & in eorum odium multa sunt constituta. 1. Si quis eum, apud quem alea lusum est, verberaverit, vel damnum ei dederit, vel eo tempore quid ei subtraxerit, nulla est actio. *l. 1. D. h.* Secundum est: Si quis alium compulerit alea legibus vetita ludere, arbitrarie punitur, aut mulctatur multa, aut

ex quib. maior. In lauturnias, vel in vincula publica mittitur. d. l. 1.

§. 4. Tertium est; Nulla actio competit ad exigendum id, quod in aleam amissum est: &, quod solutum est, repeti potest, non tantum ab ipsis, qui luserunt, sed & à parentibus, &, si hoc neglexerint, qui luserunt, & eorum hæredes, à quibuscumque extraneis, præsertim Defensore civitatis, etiam post 30 annos. l. 1. C. h. Cautio autem data super aleæ lusu, est irrita, & condici potest. d. l. 1.

Quæ est ratio hujus prohibitionis?

Quia substantia ludendo perditur, familia ad inopiam redigitur, Deus blasphemiiis læditur. l. fin. Cod. h. totumque negotium pugnat cum justitia commutativa, & verbo Dei.

Annon hæc omnia consuetudine sublata sunt?

Multi id arbitrantur: sed, quia, quæ cum bonis moribus pugnant, honestatem, totamque rempub. lædunt, tolli consuetudine non possunt. Id quidem admitteri posset, quod hæc in dissuetudinem abierint: verum nulla consuetudo contraria probari unquam poterit: non enim iudices adeo alieni à justitia reperientur, ut rem tam exosam, tam impiam, suis sententiis contra leges publicas comprobent: imo nec possunt: cum factum Prætoris juri nihil deroget. l. 1. §. 1. D. de feriis.

Ergone nullo casu ludere permissum est?

De re minima. arg. l. 3. C. h. vel in convivio, vescendi causa. l. 4. §. 1. D. h. pariter, si quis ceteræ hasta, pilo, currando, saliendo, pugnando, virtutis causa in pecuniam ludere permissum est. l. 2. §. 1. D. h.

Licetne etiam sponsones facere?

Licet, sed non in aliis, quam in quibus pro virtute certamen est. l. 17. §. fin. D. de præscr. verb. vel cum de summa modica, ex cujus amissione quis pauperior fieri non potest, agitur.

Si mensor falsum modum dixerit.

Quid est in edicto, si mensor falsum modum dixerit?

Cum intersit ne quis fallatur in modi, rei mensuranda renunciatione; proposita est actio Prætoria in

in personam adversus mensorem, qui falsum modum dixit. *l. 1. §. 1. D. h.*

Cui datur hæc actio?

Illī, cujus interest falsum modum non dici, sive is emptor sit, sive venditor. *l. 3. §. 1. nisi aliter, cui renunciatio est facta, actio adversus adversarium sit salva. l. 3. §. 2. D. h.* Daturque etiam hæredibus. *d. l. 3. §. 5.*

Adversus quos datur?

Qui falsam mensuram dixerunt. *l. 1. D. h. &*, si plures sint, adversus singulos in solidum; sed ut unius satisfactione alter liberetur. *l. 3. pr.* Sive etiam per alium, sive per se renunciarunt, vel aliter in mensura fefellerunt; ut, si fuerint machinarii, architecti, tabularii. *d. l. 1. §. 3. D. h.*

Quomodo debet fieri renunciatio modi, ut actio locum habeat?

Tantum dolo malo, vel lata culpa, non levi. *d. l. 1. §. 1.* Visum enim est, satis abundeque coerceri mensoris dolum solum, cum civiliter non sit obligatus, & sibi imputare debeat qui eum adhibuit. *d. l. 1. §. 1.*

Quid venit in hanc actionem?

Peritur id, quod interest, siquidem quid minus acceperit aut amplius dederit. *d. l. 3. §. 1. D. h.*

Tit. 7. De Religiosis, & sumptibus funerum. 44. Lib. 3. Cod.

Quæ sunt membra hujus tituli?

Varia; primum est de religiosis in genere; alterum, de sumptibus funerum; tertium, ut funus ducere liceat.

Possuntne res religiose vindicari?

Etsi non sint in dominio, ut sic proprie vindicari nequeant. *l. 2. & 4. D. h.* possunt tamen peti per actionem in factum, non quasi nostri patrimonii sint, sed nobis destinatae. *arg. l. 21. C. de SS. Eccles.*

Estne aliquod edictum de hisce?

Est; uti, si quis intulerit mortuum, vel ejus ossa, in locum, in quem inferre non licuit, teneatur actione in factum, & poenæ pecuniariæ subjiciatur. *l. 2. §. 2.*

D. h. vel, si in alium locum intulerit, aut tollat, aut loci pretium solvat. *l. 7. D. h.*

Licetne ergo propria autoritate effodere?

Non licet sine decreto publico. alioquin enim, qui effodit, injuriarum tenetur. *l. 8. D. h.*

Quod est edictum de funeris impensis?

Vt sumptus funeris causa facti recuperari possint per actionem in factum. *l. 12. §. 2. D. h.*

Quis debet funerare?

Cui hoc testator mandavit, & si is, cui id mandatum est, non exsequatur, excidit emolumento sibi relicto, vel, si acceperit pecuniam, dabitur adversus ipsum de dolo actio, vel extra ordinem compelletur. *d. l. 14. §. 2.* Sin autem defunctus nulli demandaverit, hæredes id officii præstare tenentur. *d. l. 12. §. 4.*

Cui datur actio ob sumptus funeris?

Illi, qui negotium defuncti gerens impensas fecit. *d. l. 12. §. 2.* & ei, qui mandavit. *d. l. 14. §. 15.*

Adversus quos datur funeraria de sumptibus?

Adversus hæredes, aliosve successores, ad quos funeris causa pertinet. *l. 14. §. fin. D. h.* sic tamen, ut, si testator aliquem elegerit ad funerandum, & sumptus præstandos, is recte conveniatur. *d. l. 12. §. 4.*

Quid petitur actione?

Omnis impensa, quæ facta est, ut funus ducatur, sine qua funus honeste duci non potuit, sive quid sit erogatum in elationem mortui, vel in locum; quia necessario locus paratur, quo defunctus condendus est. *d. l. 14. §. 3.* vel aliter in corpus, licet non funeretur, custodiendum, commendandum, vel in marmor. *d. l. 14. §. 4.* vel in unguenta, vectigalia, sarcophagum, *l. 26. l. 27.* vel vecturam. Imo in omne, quod corporis causa, antequam sepeliatur, consumptum est. *d. l. 37.*

Habentne impense funeris certam quantitatem?

Debet judex arbitrari pro facultatibus defuncti, ex causa, tempore, & bona fide. *d. l. 12. §. 5. l. 14. §. 6.* Et, si testator immodicos fieri sumptus jussit, non præcise servanda est ejus voluntas. *d. §. 6. in fin.*

Quæ

Quæ privilegia habet actio funeraria in concursu aliorum creditorum?

Impensa funeris semper ex hæreditate deducitur, quasi ipsius hæreditatis æs alienum: adeo ut omne creditum præcedat. *l. pen. d. h.* Etiam causam dotis. *l. 18. 19. D. h.* & causam omnem taciti pignoris. *d. l. 14. §. 1.* Id enim exigit pietatis & ipsius humanitatis ratio.

Habentne & sumptus in morbum eandem prærogativam?

Nequaquam jure Civili. nec quicquam in contrarium probari potest ex *l. 3. C. h.* quia ibi indicatur, quod legata, impensæ funeris, & in morbum, solvi debeant, quod nihil commune habet cum hoc privilegio. Verum, cum consuetudine aliter sit receptum, hanc pro lege sequi oportet; habet enim ea justam rationem, ne ægri à medicis deferantur.

Suntne casus, quibus actio funeraria non habet locum?

Sunt varii. 1. Si quis aliam habeat actionem, qua possit suum consequi. ut, si familiæ erciscundæ agere possit. *d. l. 14. §. 12.* vel si ex mandato alterius funeraverit, quia habet actionem mandati. *d. l. 14. §. 15.* 2. Si pietatis causa quis funeraverit, non animo repetendi. Et, cum in dubio judicis arbitrio relinquatur, oportet funerantem testari quo animo funeret: ne postea patiatur ob hoc quæstionem. *d. l. 14. §. 7. & 9.* Præstat etiam protestari, se pietatis causa facere, ne videatur suspectam adiisse hæreditatem. *l. 20. §. 1. D. de acq. vel amit. hered.* 3. Si in contumeliam defuncti locupletis modicus sit sumptus factus. *d. l. 14. §. 10. D. h.*

Quod est edictum, ut funus ducere liceat?

Ne vis fiat ei, cui funerandi jus est, quo minus funeret. *l. 12. §. 4. D. h.* ne per tales controversias cadavera maneant insepulta, contra publicam honestatem & utilitatem. *l. 43. D. h.*

Tit. 8. De mortuo inferendo, & sepulchro
ædificando.

Quid est in edicto de mortuo inferendo?

Cautum est, ne vis ei fiat, qui mortuum infert; quo altero invito inferre potest. *l. 1. pr. h.* Et vix differt à priori, ut funus ducere liceat; nisi dicamus, ibi agi de eo, qui funus alterius curat atque ita ducit: hic vero de eo, qui immediate in sepulchrum infert.

Quid, si is, qui inferet, via prohibeatur?

Hoc interdicto potest uti. nam & inferre prohibetur, cui via præcluditur. *l. 1. §. 1. & 3. D. h.*

Potestne aliquando impediri, ne quis sepeliatur?

Arbitrantur id nonnulli admittendum esse in debitoribus ære alieno gravatis: verum, cum id pugnet cum humanitatis jure, non est admittendum. *Nov. 60. c. 1. arg. l. 43. D. de relig.* Licet etiam convenerit de corpore post obitum detinendo: cum turpis sit conventio. Cæterum, fœmina prægnans mortua sepeliri non debet, antequam partus ei excidatur, ne spes animantis perimatur. *l. 2. D. h.*

Quod est edictum de sepulchro ædificando?

Ne vis fiat ædificanti suum sepulchrum. *l. 1. §. 5. D. h.* sive novum opus moliatur, sive vetus reficiat. *d. l. 1. §. pen.* Prohibet vero & is, qui impedit materiam convehi. *d. l. 1. §. 8.*

T E R T I A

P A N D E C T A R U M

P A R S.

L I B E R X I I.

Tit. 1. De rebus creditis. Tit. 1. Lib. 4. Cod.

Quæ sunt res creditæ?



rediti vocabulum, generaliter acceptum, refertur ad quamcunque causam, ex qua, qui alienam fidem secuti sunt, exigere possunt, quod ex conventionem debetur. *l. 1. pr. l. 2. §. 3. D. h. l. 10. & 11. D. de Verb. Signif.* Vnde etiam hic titulus reliquis actionibus, quæ ex obligationibus nascuntur, præmittitur. In specie vero solet applicari mutuo.

D E M U T U O.

Quid est mutuum?

Contractus realis. *pr. Inst. quib. mod. re contrah. oblig.* quo quantitates ea lege alteri dantur, ut non eadem in specie, sed in genere restituantur. *d. pr. Inst. l. 2. pr. §. 1. & seqq. D. h.*

Quæ sunt substantialia huius contractus?

Requiritur: 1. Persona habilis ad contrahendum mutuum. 2. Res ad hanc rem idonea. 3. Rei traditio. 4. Traditio eo animo facta, non ut idem, sed tantundem reddatur.

Qui possunt mutuo dare?

Qui rerum sunt domini. *d. l. 2. §. 4.* vel speciali voluntate dominorum res administrant. *d. §. 4.* vel quasi sunt domini; ut tutores & curatores. *l. 26. D. l. 4. C. h. l. 226. §. 2. de Verb. Sign.* In specie prohibentur Præsides Provinciarum. *l. 33.* sive per se, sive per alios. *l. 3. C. h.*

K 55

Quid

Quid statuendum de pupillis, furiosis?

Quod mutuo dant, revera mutuum non est: sed per consumptionem propter utilitatem, condictio sive reperitio iis non est deneganda. *l. 12. l. 9. §. 1. D. h.* Idem in minoribus, qui curatorem habent, & prodigis, quia alienare non possunt, recipiendum est. Minores autem, curatoribus destituti, recte mutuo dant. *arg. l. 3. C. de restit. in integr. minor.* Sic tamen, ut læsi restituantur. *d. l. 3.*

Quid juris in illis, qui alienos nummos credunt?

Si alienos nummos alteri quis mutuo dederit, non ante mutuum est, quam consumti fuerint. *l. 13. §. 1. D. h.* Ita quoque, si fur alteri animo credendi nummos dederit, nihil facit accipientis, sed consumtis iis, bona fide nascitur ei condictio. *d. l. 13. princ. junct. l. 11. §. fin. D. h.*

Quid, si tuos dans mutuo, stipulatus fuero mihi reddi?

Jus obligationis mihi quæsi, nec aliter nummos petere potes, quam cessis à me tibi actionibus. *l. 2. C. h.* Verum, si tanquam procurator tuo nomine numeravero tuos nummos, vere erit mutuum: & non tantum condictio, sed & si pignus fuerit datum, hypothecaria ipso jure sine cessione tibi dabitur. *l. 2. C. per quas person.* pariterque quoque datur condictio tibi, si nummos meos tuo nomine dederò, veluti tuos, sive ex voluntate, sive absente, vel ignorante te: cum quotidie credituri pecuniam, ab alio poscamus, ut nostro nomine creditor meus futuro debitori numeret. *d. l. 9. §. 8.*

Quid, si mandaverò debitori, ut meam pecuniam tibi mutuo det meo nomine: vel inter te, qui ex causa mandati mihi debes, convenerit, ut, crediti nomine, retineas: eritne mutuum?

Et si quidem subtiliter disputando vix id esse verum videatur: tamen singulariter, ob utilitatem, per brevis manus fictionem receptum est id valere: non enim convenit nimis religiose apices juris qui proponuntur in princ. *l. 34. D. Mand.*, sed quod utilius est, sequi. *l. 51. in fin. D. ad l. Aq. add. arg. l. 15. D. h.*

Omnesne

Omnesne ex mutuo possunt obligari?

Omnes, qui contrahere possunt, & specialiter non excipiuntur. Excipiuntur autem aliqui in totum; aliqui certo modo. In totum filii fam. ex S. Consulto Macedoniano. *l. 1. & tot. tit. D. ad S. Conf. Macedon.* Cum modo, administratores civitatum. Nam qui iis crediderunt, non aliter civitatem ex mutuo sibi obligatam habent, quam si pecunia in ejus rem fuerit versa, quod esse factum probare debent qui agunt. *l. 27. D. h. arg. Nov. 120. c. 6. §. 3. in fin.* Nisi specialiter hoc fuerit mandatum administratoribus. *arg. l. 13. D. in instit. act. vel ordo, qui civitatem repræsentat, loco administratorum nummos acceperit, arg. l. 3. D. quod cujusque universit.*

Possuntne pupilli & similes mutuum accipere?

Non prohibentur accipere: Interim pupilli prodigi, ut & furiosi, nullo modo obligantur, nisi qua locupletiores fuerint facti. *l. 3. D. commod. l. 6. de Verb. Oblig. l. 5. D. de reg. jur.* Minores vero obligantur quidem. *l. 101. D. de verb. oblig.* sed læsi restituuntur. *l. 1. D. de minor.*

In quibus rebus consistit mutuum?

Tantum in iis, quæ pondere, numero, & mensura constant. *l. 2. §. 1. D. h. tit.*

Quid, si species fuerit data, ut ejus vendita pretio tanquam mutuo utaris?

Stricto jure non videtur esse mutuum: at per fictionem brevis manus & ex scopo æquum est, ut pro mutuo reputetur. *l. 11. pr. D. l. 8. C. h.*

Qua forma mutuum celebratur?

Tantum traditione. *l. 30. D. h. t.* eaque, quæ fit eo animo, ut tantundem reddatur. Et, si nihil dictum sit de reddendo, pro cauto habetur, ut æque bonum, ac ejusdem generis, & in eadem bonitate, qua datum est, solvatur. *l. 2. D. h.*

Quid, si convenerit, ut plus vel minus restitueretur?

De minori summa valet conventio: at, si decem dederò, ut undecim restituas; amplius quam decem condici non potest. *l. 11. §. 1. D. h. l. 17. pr. D. de pact.* Nec potest quod ultra promissum est, peti uti fors, quia non est in sorte: nec ut usura, quia ea ut debeatur,

tur, nominatim in stipulationem deduci debet. *l. 3. C. de usur.* non ut donatio, quia ea nunquam præsumitur. *l. 7. D. de donat. junc. l. 25. D. de probat.* Verum, si hodie pro poenâ tardæ solutionis, vel in compensationem lucri, quid addatur, contractus valebit: cum moribus inter pacta & stipulationes differentia non observetur.

Si certum petatur. Tit. 2. Lib. 4. Cod.

Qua actio est ex rebus creditis?

Personalis, quæ dicitur condictio. §. 15. *Inst. de action.* competens ex omni obligatione, quovis modo contracta. Et est vel certi. *l. 9. D. h.* qua rem, vel summam certam petimus. vel incerti, qua incertum; uti fit, cum factum est in obligatione. §. *fin. Inst. de Verb. Oblig.* vel res generaliter est promissa. *l. 75. D. de Verb. Oblig.*

Qua est actio ex mutuo?

Condictio certi ex mutuo, qua actor petit reum condemnari, ut tantum solvat quantum mutuo accepit, cum damnis, & eo quod interest.

Annon debet in eodem genere fieri solutio?

Debet non tantum in eodem genere solvi, sed & in eadem bonitate & qualitate: aliud enim pro alio non solvitur. *l. 2. §. 1. D. h.* sic nec pecunia pro vino, vel vice versa; quia est aliud genus: nec vinum novum pro veteri, quia est alia qualitas: nec id, ex quo alterius conditio fit deterior. *l. 3. D. h.* quia eadem bonitas desideratur, reddi sufficit.

Quid juris est in nummis?

Debitor non cogitur in eadem specie solvere: quia *æstimatio fuit credita, non species ejusdem generis monetæ*: nisi creditor ex eare damnum sit passurus. *l. 99. D. de solut.*

Quid, si mutatio monetæ in intrinseca vel extrinseca qualitate fuerit facta?

Si de certa specie nummorum fuerit actum; veluti de ducatis Hungaricis, & tractu temporis bonitas intrinseca, hoc est, auri sit mutata, debent secundum bonitatem, quæ fuit tempore contractus, reddi. *l. 3. D. h.* & si eos in specie tali solvere nequeat, quia forte

non

sistit. *l. 21. §. 3. D. de act. empt. junct. l. 3. §. 3. D. eod.*

Quibus, & contra quos datur actio ex mutuo?

Datur iis, qui mutuo dederunt, & hæredibus eorum pro portionibus hæreditariis; & si plures dederint, non singuli in solidum, sed pro suis portionibus agent. *l. 9. C. h. adversus eos, qui mutuum acceperunt, vel eorum hæredes pro portionibus hæreditariis. l. 1. C. h. l. 8. §. 1. D. de condict. furt.*

De Suffragio. Tit. 3. Lib. 4. Cod.

Si quid nomine suffragii apud Principem obtinendi aulico sit promissum, estne hoc præstandum?

Et si quidem ambitus non sit permissus, tamen quod aulico ad remunerationem & laboris præmium promissum est, quasi mutuo datum, solvi debet. *l. un. C. h. siue res mobilis, siue immobilis sit promissa: modo in re immobili adhibita sit scriptura. d. l. un.*

De non numerata pecunia Tit. 30. Lib. 4. C.

De literarum obligationibus. Tit. 22.

Lib. 3. Inst.

Quid, si quis in chirographo sit professus se pecuniam accepisse, quam non accepit?

Specialiter hac de re constitutum est, ut, qui spe futuræ numerationis cautionem emisit, quæ se pecuniam accepisse & debere ex mutuo fatetur, quæ tamen non est numerata, intra biennium non obstante tali confessione possit vel condicere suam syngrapham. *l. 3. C. h. vel, si conveniatur, opponere exceptionem non numeratæ pecuniæ; quæ habet hanc prærogativam, ut, si creditor probare non possit se numerasse, debitor absolvi debeat per solam suam negationem. tot. tit. Inst. h. l. 3. C. h. t. junct. l. 10. 14. C. eod. Quod beneficium indultum est debitoribus, quia sæpe ex nimia facilitate cautionem emittunt, antequam pecunia sit numerata.*

Quid ergo, si debitor renunciaverit huic exceptioni?

Id ei non oberit, modo probet, Notarium, qui instrumentum scripsit, magis ex consuetudine, quam certa

certa intentione illam objecisse. *arg. l. pen. Cod. h.*

Quid, si in instrumento fiat mentio jurisjurandi?

Nihil oberit: quia juramentum sequitur naturam contractus, cui adjunctum est. *l. fin. C. h. modo juramentum cum emphasi ad renunciandum vel præcise solvendum non sit adjectum: tunc enim inefficax esse non debet. arg. l. 77. §. 23. D. de legat. 2.*

Estne hoc tantum in mutuo verum?

Id videtur. *l. 5. 6. 11. 13. C. h.* Numeratæ enim pecuniæ nomen ad mutuum tantum refertur. Et quidem, si ex priori aliqua causa debitum quid narretur, exceptio hæc non habet locum. *l. 13. C. h.*

Competitne hæc exceptio etiam hæredi?

Hæredi quoque datur: ita tamen, ut residuum temporis, quod restabat defuncto, ipsi indulgeatur. *l. 8. C. h.* Quod & in fidejussore recipiendum. *l. 12. C. h.*

Suntne casus, quibus hæc exceptio cessat?

Enumerantur in *l. 14. §. 1. & 2. C. h.* 1. In instrumento depositionis pecuniæ. 2. In securitatibus tributorum. 3. In apochis post confessionem dotalium instrumentorum. 4. Si reus partem sortis vel usurarum solverit.

Quamdiu quis potest consistere adversus apocham, quam debitori suo de solutione facta tradidit?

Tantum ad 30 dies. *d. l. 14. §. 2.* quia non tam facile creditor apocham dat spe futuræ solutionis, quam debitor numerationis.

Quid Iuris post biennium?

Hæc exceptio non habebit locum. *l. 8. 10. C. tit. Inst. h.* Nisi de dolo conqueratur. *l. 5. §. f. D. de except. dol.* vel si casus probetur, quo impossibile fuerit, ut pecuniam accepisse potuerit. *arg. l. 13. C. h.* vel denique, nisi ipsum chirographum neget. Imo non licet debitori post biennium actori deferre juramentum. *d. l. 14. §. 3.*

Quod est igitur fundamentum obligationis litterarum?

Quoniam Iudex, ignorans quid actum sit, præsumit numerationem factam ob confessionem instrumento comprehensam, lapsum temporis, & negligentiam debitoris. *arg. l. 30. D. de verb. oblig. l. 14. C. de contrah. stipul.*

Quid,

Quid, si scripturam negans, postea convincatur mendacii?

Damnatur in duplum, nisi sacramento delato confiteatur, tunc enim in simplum & expensas condemnandus est: at, si post hanc numerationis inficiationem, prætendat solutionem, æque solidum exigetur, nec proderit ei solutio, si quam fecit. *Nov. 18. c. 8.*

Quid, si actor suam scripturam negaverit?

Tenetur reo in duplum ad interessere rei: nisi juramento delato agnoverit suam manum. *d. Nov. 18. c. 8.*

Tit. 2. De jure jurando, five voluntario, five necessario, five judiciali.

Quod est juramentum?

Affirmatio intentionis nostræ, invocato nomine divino in veritatis testem, si jurans verum dixerit, & in vindicem perjurii, si falsum enunciaverit.

Estne permissum jurare?

Et Iure Divino, & Civili. *Deuter. 6. 10. Exod. 22. Levit. 19. ad Hebræos 6. Rom. 1. 2 Corinth. 11. tit. h. n.* Non autem temere, vel modo illegitimo.

Quomodo distinguitur Iuramentum?

Aliud pertinet ad judicialia, aliud ad extrajudicialia.

Quæ sunt species illius, quod pertinet ad extrajudicialia?

1. Subjectionis & fidelitatis, quod præstant subditi suis magistratibus, milites suo Duci, vasalli suis dominis. 2. Confirmatorium, quo negotium, quod geritur gestumve est, arctius confirmatur. Vti, si fidei de fidei commisso præstando juramentum addatur. *l. 77. §. 23. D. de leg. 2. Si fœmina renunciet paternæ hereditati, beneficiisque aliis. c. 2. de pact. in 6. c. 28. D. x. h. Si minor juramento corroboret venditionem. l. 1. & auth. seq. C. si advers. vendit.*

Daturne actio ex jurejurando, quod causam non habet?

Iure Civili vix ejus efficacia major, quam pacti. *arg. l. 56. D. de fidejuss. l. 95. §. 4. D. de solut. l. 7. §. 16. D. de*

de pact. l. 5. C. de legib. Præterquam in casu. l. 7. pr. & §. 2. D. de oper. lib. l. 44. D. de lib. caus. Verum, moribus actionem ex eo dari, non est dubitandum, cum ex quolibet pacto deliberato inito competat.

Quousque licet confirmare contractum invalidum?

Siquidem invalidus sit, quia contra bonos mores formamve publicam est, frustra adhibetur iuramentum. *d. l. 7. §. 16. D. de pact. l. 5. D. de legib. Verum, si sit invalidus ex privilegio concessio juranti, & nullus subsit dolus ex re aut persona, metusque, aliaque causa, quæ destruit vinculum conventionis, valet. arg. d. l. 1. & auth. seq. C. si advers. vendit. d. c. 2. de pact. in 6. d. c. 28. x. h.*

Quæ iuramenta pertinent ad judicialia?

1. Quæ pertinent ad decisionem litis; uti sunt in specie voluntarium, judiciale, & necessarium. 2. Quibus proceditur ob dolum adversarii, vel interitum rei ad taxationem; qualia sunt iuramenta in litem. 3. Quæ incidunt in litem, præstanturque vel à litigantibus eorumque adiutoribus; quale est Iuramentum purgationis, calumniæ; vel à testibus, quale est veritatis, &c.

Quomodo distinguuntur iuramenta litis deoisoria?

Ea vel ex conventionem à partibus, vel sine conventionem à Iudice deferuntur. Quæ ex conventionem, sunt vel voluntaria vel judicialia: quæ à Iudice, sunt necessaria.

Qui possunt ex conventionem deferre?

Qui possunt contrahere: unde prohibentur pupilli, sine tutorum autoritate. *l. 17. §. 1. D. h. prodigi. l. 35. §. 1. h. & similes.*

*Quid statuendum de ipsis tutoribus vel curatoribus?
possuntne & illi deferre?*

Recte deferunt, siquidem probationes deficient. *d. l. 35. pr. D. h.*

In quibus causis?

Omnibus honestis, iisque, quæ sunt in potestate partium.

Quis est effectus iuramenti conventionalis?

1. Ab actore præstitum, parit actionem. §. 10. *Inst. de action. à reo, exceptionem. l. 6. 9. D. h. eaque datur*

tur non tantum jurantibus, sed & successoribus, vel in personam vel in rem. l. 7. & 8. D. h. 2. Sub pretextu perjurii non retractatur, nisi ita convenerit. l. 31. in fin. D. h. l. 1. C. de reb. credit. 3. Licet revocare, antequam præstitum sit, usque ad litis terminum, siquidem revocans plenissime probare voluerit: verum, si is postea probare non possit, causa cadit, nec ei ad juramentum datur regressus. l. 11. C. h.

Quomodo appellatur actio, qua proficiscitur ex juramento?

Ex jurejurando in factum, in qua non quaeritur de probatione & veteri causa, sed tantum, an juratum sit. d. 5. 10. l. 5. §. 2. D. h. Ea tamen sic est instituenda, ut veteris actionis forma, mentione juris jurandi facta, observetur. l. 13. §. 4. & 5. D. h.

Quod est voluntarium?

Quod pars parti defert extra judicium; inde dictum, quod is, cui defertur, ex nulla necessitate vel præstandi vel referendi adversario id præstet. l. 10. pr. l. 28. §. 10. D. h.

Potestne hoc referri?

Semel susceptum non refertur. d. l. 17. arg. l. 5. C. de oblig. & act.

Quod est judiciale?

Quod pars parti defert in judicio, & quasi iudice auctore. l. 12. C. h.

Estne hoc necessario præstandum?

De hoc valet regula: (quæ admittenda est, licet nihil sit probatum: Cum leges non distinguant, & etiam in principio litis deferri possit. l. 12. C. h.) Manifesta turpitudinis & confessionis est, nolle, nec jurare, nec juramentum referre. l. 38. D. h. Nisi sit is, qui deferre non possit; uti, si turpis sit, aut pejerare solitus, cum tuto ipsi referri non possit; vel nisi is, cui defertur, plene velit probare. arg. c. 2. x. de probat. l. 11. C. h. vel actor malit referre. l. 34. §. 7. D. h. vel nisi deferens recuset jurare de calumnia. d. l. 34. §. 4. & 7. vel nisi causa sit talis, quæ desiderat plenissimam probationem; qualis est causa criminalis. l. f. C. de probat.

Si hoc fuerit præstitum, desideraturne sententia?

Non opus est sententia ad hoc, ut actio ex jurejurando

do in factum competat: quia ea est ex vi conventionis.
d. §. 10. *Inst. de act.* sed, ut executio detur.

Quod est necessarium?

Quod à Iudice defertur ex inopia probationis in causis dubiis. l. 31. D. l. 3. C. h. Quæ autem sit causa dubia, arbitrio Iudicis æstimandum est. Non vero fit dubia per solam inficiationem; sed tunc, cum quis aliquid probare incepit, non tamen plene: uti &, si unum testem pro se produxerit.

Imo, non potest unus testis causam facere dubiam. arg.

l. 9. §. 1. Cod. l. 12. D. de testibus?

Ad probationem unius testimonium nullius est, si solum hoc spectetur: verum, accedente juramento, plurimum valet. unde unus testis nihil probat, sed potestatem Iudici facit, ut iusjurandum deferre possit. Iudicis autem est sollicite omnes circumstantias ponderare.

Quibus defertur?

Non tantum reo, sed & aëtori, prout alterutrius probatio est potior. Cum vero sunt æquales probationes, reus absolvendus est. d. l. 31. & d. l. 3. C. h. *junct. 121. de Reg. Iur. l. 47. D. de oblig. & act.*

Quid, si Iudex non sit rogatus?

Non tantum non rogatus impertitur suum officium. d. l. 31. & d. l. 3. c. f. §. sano. x. h. sufficit enim, eum in genere per provocationem ad iudicium esse rogatum: verum etiam invita parte adversa defert: cum & iudicium in invitos detur. l. 83. §. 1. D. de Verb. Oblig.

In quibus causis defertur?

In civilibus: non vero iis, quæ sunt maximi momenti; quales sunt, criminales, matrimoniales, ob merum perjurii. arg. d. l. 31. & d. l. 3.

Quando defertur?

Potissimum post causæ conclusionem, cum Iudex litem & probationes examinavit.

Potestne & hoc referri?

Nequaquam: cum tantum relatio in conventionali sit permessa. unde hoc iuramentum rectius dicitur necessarium; quia omni modo & necessario est præstandum, nisi is, qui præstare non vult, causa velit cadere. l. 12. §. 2. C. h.

Potestne

Potestne hoc retractari ?

Quia non ex voluntate , sed ex necessitate præstatur, jure retractari potest, propter instrumenta postea reperia, aliamve justam causam. *d. l. 31. in fin. D. h.*

Quæ actio oritur ex hoc juramento ?

Quoniam sententia sequi debet , datur actio judicari. *d. l. 31.* poteritque post sententiam appellari : cum, si juramentum conventionale sit præstitum, & secundum id sententia lata , provocatio non sit permessa. *d. l. 12. §. 12. & l. 3. C. h.*

Quod est juramentum purgationis ?

Quod præstatur ab eo , qui suspectus est de malitia vel crimine aliquo, ad probandam innocentiam.

**Tit. 3. De in Litem jurando. 53. Lib. 5.
Cod.**

Quod est Juramentum æstimatorium sive taxatorium ?

Quo lis , vel id quod interest , jurato æstimatur : & appellatur juramentum in litem.

Quis hoc defert ?

Tantum Iudex. *l. 4. §. 1. D. h.* Si vero alius derulerit, vel eo non delato juratum sit, nulla erit religio, nec ullum jusjurandum. *d. l. 4. §. 1.*

Cui defertur ?

Domino litis , eique qui suo nomine litem contestatus est. *l. 7. D. h.* adeoque curatores vel tutores jurare non coguntur, nisi velint, ut judicio finis adhiberi possit, & , si jurent , non ad suam utilitatem , sed domini referent. *l. 4. pr. h.*

In quibus defertur ?

In iis, quæ non habent certam æstimationem. unde, si nummi solvendi sint, non juratur. *l. 3. D. h.*

Potestne retractari ?

Non facile de perjurio quæritur. *l. fin. D. h.* Ex magna autem causa, admitteretur restitutio. *l. 4. §. 3. D. h.*

Quomodo distinguitur hoc jusjurandum ?

Est vel affectionis, vel veritatis. Affectionis est, cum exceditur etiam verum rei pretium; & affectioni , quæ alias in æstimationem non venit. *l. 33. D. ad L. Aquil.*
quid

quid tribuitur. *arg. l. 1. l. 4. §. 2. D. h. Veritatis, quo, quanti revera interest, fit æstimatio. l. 2. §. 1. D. h.*

Ex qua causa juramentum affectionis defertur ?

Tantum ob dolum non restituentis. *l. 5. §. 3. D. h. l. 41. §. 1. D. de re jud. Non ob latam culpam, nisi in tutela, certo casu. l. 2. C. h. Dolus autem hic est vel præsens, vel præteritus. d. l. 41. §. 1. l. 68. D. de rei vind. l. 16. §. 3. de pign. l. 25. §. D. solut. matrim. De dolo autem defuncti adversus hæredes non juratur in litem, nisi lite cum defuncto contestata. l. 4. & 5. Cod. h.*

In quibus actionibus juramentum affectionis præstatur ?

In actionibus in rem, ad exhibendum, & bonæ fidei judiciis. *l. 5. D. h. omnibusque arbitrariis. arg. l. 18. D. de dol. mal. l. 8. §. 1. D. rer. amot. l. 16. §. 3. de pignor. l. 7. §. 8. de Public. l. 68. D. de rei vind. Non autem in stricti juris judiciis. d. l. 5. pr. junct. §. 4. & l. 6. D. h.*

An ergo semper in bonæ fidei, nunquam in stricti juris ?

Non in omnibus bonæ fidei, sed his duntaxat, quibus agitur de re restituenda; uti in commodato, deposito, locato. *l. 3. §. 2. D. commod. l. 1. §. 26. D. depos. l. 48. §. 1. D. locati. Vnde non præstatur hoc juramentum in emptione, qua de re præstanda agitur. arg. l. 4. C. de act. empt. Et tantum in directis, non contrariis. l. 5. D. depos. In stricti autem juris judiciis, eo tantum casu, quo promissor moram fecit, & res interiit. d. l. 5. §. f. & l. 6.*

Quousque juratur ex affectione ?

Lex certum quidem modum non ponit, & sic ratione legis in infinitum. *d. l. 68. verum Iudex arbitrabitur quantitatem, ad quam jurari debeat. d. l. 4. §. 2. adeoque Iudex potest ex justa causa etiam id non sequi. d. l. 4. §. 3.*

Cur hic & affectionis habetur ratio ?

Propter dolum & contumaciam non restituentis: est enim permittendum æstimare in re nostra affectionem, *arg. l. 25. §. 1. D. solut. matr.*

In quibus causis iuramentum veritatis praestatur?

In omnibus actionibus, cum tantum de culpa non restituentis quaeritur. l. 2. §. 1. D. h. vel res non extat, ac probari ejus aestimatio nequit.

Tit. 4. De conditione causa data causa non secuta. 6. Lib. 4. Cod.

Cum conditiones varia sint, procedamus ad nonnullas species. Qua est conditio causa data causa non secuta?

Est actio in personam, qua, quod ob causam non inhonestam datum est, causa ea non secuta, repetitur. l. 1. §. 5. D. h.

Quomodo hac conditio distinguitur ab actione praescriptis verbis?

Hac repetimus quod datum est: actione praescriptis verbis agimus ad adimplenda promissa. d. Ll. junct. l. 1. 7. 9. D. de praescript. verb.

Quid accipitur pro dato?

Non tantum cum realiter quid est datum, sed & cum acceptilatum. l. 10. D. l. 4. C. h.

Quid est hic causa?

Nihil aliud quam finis, vel conditio, vel modus: nec refert, utrum causa pendeat ex voluntate, vel non. l. 5. D. h.

Quid, si conditio impossibilis adjecta sit?

Cessat conditio, si impossibilis natura, vel turpis sit. l. 8. C. h. arg. l. 53. D. de reg. jur. l. 1. D. de condict. indeb. Si nec natura obstat, nec turpitudine, sed legis tantum dispositio; ut, si militi quid sit datum ad procurandam litem; datur repetitio. l. 5. C. h.

Quid, si causa non sit secuta ob culpam debitoris, & non ob dolum?

Sive causa non sit secuta ob dolum, sive ob culpam, sive sine ea, potest fieri repetitio, modo re integra dantem poeniteat. l. 3. §. 2. l. 5. pr. §. 1. & 2. D. h.

Quid, si ob casum fortuitum causa, pro qua pecunia data est, non fuerit secuta?

Aut causa consistit in alienatione vel amissione rei illius, qui ob causam accepit: uti, si Titius centum acceperit,

ceperit, si servum suum manumitteret: hoc casu conditio cessat. *l. 10. pen. C. l. 3. §. 4. D. hic.* aut constitit in facto nudo: hoc modo, si factum postea præstari nequeat, valet regula. *d. l. 10. C. h. si postea possit adimpleri, fiet repetitio; ita tamen, ut sumptus aliaque detrimenta adversario refundantur ac præstentur. l. 5. D. h.*

Solane res petitur?

Imo & fructus, & aliæ accessiones. *l. 7. §. fin. l. 12. D. h.*

Habetne hæc conditio quoque locum in nominatis contractibus?

Nequaquam. In iis enim non licet pœnitere. *l. 5. C. de oblig. & action.*

Atqui contrarium videtur in l. cum te 6. C. de pact. int. empt. & vendit. l. 11. §. 6. De act. empt.

Nihil difficultatis habent. *d. Ll.* quia in *l. cum te* non vera est emptio: sed magis permutatio, quæ facta est addito exiguo pretio. deinde, non tam ex pœnitentia, quam quia conditio, quæ adjecta erat de certa re, non impleta fuit, revocatur. Sic & in *d. l. 11. §. 6.* non datur directo conditio ex emptione, recessum enim ab ea erat; sed arrhæ, quæ ad substantiam emptionis non pertinet, repetitio, postquam soluta esset emptio.

Tit. 5. De condict. ob turpem, vel injustam causam. 7. Lib. 4. Cod.

Quæ est conditio ob turpem vel injustam causam?

Qua repetimus, quod datum est ob turpem, vel illegitimam causam.

Semperne id repetitur quod ob turpem causam datum est?

Aut est turpitudine dantis, aut accipientis, aut utriusque. Si dantis, vel utriusque cessat repetitio. *l. 3. l. 4. §. 2. D. h.* Si solius accipientis, repeti datum potest. *l. 1. §. f. D. h.*

Si meretrici quid sit datum vel promissum, quid juri?

Datum non repetitur; quia utriusque turpitudine versatur, imo magis dantis quam accipientis. Non enim
mere-

meretrix, cum sit meretrix, adeo turpiter facit, quod pecuniam accipiat. *l. 4. §. 3. D. h.* Promissum autem peti non potest. *l. 27. & 123. D. de Verb. Oblig.*

Quid, si quid datum ob causam injustam?
Datum repetitur. *l. 6. D. h.*

Tit. 6. De condictione indebiti. Tit. 5.
Lib. 4. Cod.

Quæ est condictio indebiti?

Est actio personalis, qua indebitum, per errorem solutum, repetitur.

Quod indebitum repeti vel non repeti potest?

1. Si naturaliter & civiliter simul sit indebitum, datur repetitio. *§. 1. Inst. quib. mod. re contrah. oblig.* 2. Si naturaliter tantum sit indebitum, civiliter vero exigere possit efficaciter; ut sit in literarum obligatione; cessat repetitio. Sin autem civilis obligatio sit inefficax, & exceptione possit elidi, (quippe cum ius gentium vel naturalis æquitas obstat, uti sit, cum quid dolo vel metu extortum est) dabitur condictio. *l. 1. D. de dol. mal. l. 1. D. quod met. caus.* 3. Si civiliter tantum indebitum, naturaliter vero debitum, cessat condictio. *arg. l. 13. D. h.* 4. Si reus exceptione perpetua sit munitus, eaque competat ob odium creditoris; uti est in exceptione ob Consulatum Macedonianum; cessat: Sin autem ob favorem debitoris; uti sit in Vellejano; datur repetitio. *l. 40. D. h.* Uti & datur, si dubitetur, utrum temporalis, an perpetua sit exceptio. *l. 56. D. h.* 5. Si exceptio temporalis detur; uti si in diem certum sit debitor; non repetitur. *l. 10. D. h.* 6. Si quid sub die incerto debeatur, de quo constare non possit, quando, sed qui veniet certo (veluti, si quid promissum sit die mortis, certum enim est nos morituros, etsi de die non constet) repeti non potest. *l. 16. §. 1. l. 17. D. h.* 7. Si quid sub conditione indubie exstatura debeatur, cessat repetitio. *l. 18. D. h.* Non autem cessat, si sub conditione incerta. *l. 16. l. 48. D. h.*

Annon inter usurium petetur, si quidem fors ante diei, vel conditionis existentiam, sit soluta?

Etsi quidem stricta juris ratione nihil peti possit, quia
nasquam

nusquam id est traditum, & ubi principale peti nequit, ibi nec accessorium : tamen, ne quis lucrum ex alterius detrimento sentiat, statuendum est, non quidem usuras pecuniæ, sed fructus & similia emolumenta peti posse, & eo magis, quia dies obligationis pars est. *l. 1. §. 2. D. de edend. & fructus peti possunt, licet quis rem ipsam non habeat. arg. l. 3. Cod. de condict. sin. caus.*

Ob quem errorem solutum potest repeti?

Ob errorem facti solutum indistincte condicetur. *l. 10. C. de jur. & fact. ignor. l. 9. C. ad L. Falcid.* Verum, in errore juris distinctio hæc est necessaria, aut solvens certat de damno vitando, ut, si rem suam amissurus sit, hoc casu non debet denegari repetitio. *l. 7. & 8. D. de jur. & fact. ignor.* ne admittamus aliquem locupletari, vel quid acquirere cum alterius injuria & contra voluntatem domini, secus quam traditum est. *l. 14. D. h. §. 4. Inst. de rer. divis.* aut certat de lucro captando; hoc modo (veluti si quis solvat integra legata, non habita ratione legis Falcidiæ) condictio inhibetur; quia nihil imminuitur ex patrimonio, & sequitur voluntatem testatoris. *d. l. 9. C. ad L. Falcid. l. 9. §. 5. D. de jur. & fact. ignor.* Sin autem quis errore juris lapsus præstiterit cautionem, quam testator remiserat, & remittere jure poterat, eam recte condicet. *l. 1. D. ut in poss. legat.*

Quid, si quis solverit, quod revera debebat, non vero illi, cui solvit?

Dabitur condictio. *l. 65. §. f. D. h.* Vnde, si quis solverit falso procuratori, domino non ratum habente, repetendum est. *l. 8. C. h.*

Quid, si quis solverit quod debebatur accipienti, sed non ab illo, qui solvit?

Repetitio nulla est ab eo qui suum recepit, licet verus debitor non solverit. *l. 44. D. h. sc. si nomine debitoris solutio sit facta; verum, si quis suo, non debitoris, nomine solverit, competit condictio. l. 15. §. 1. l. 19. §. 1. l. 65. §. f. D. h. junct. l. 31. D. de petit. hered.* Soler enim in conditionibus non spectari origo pecuniæ, sed persona solventis. *l. 6. C. h. junct. l. 7. C. si cert. petas.*

Daturne hac conditio heredibus ?

Quia rei persecutoria est, & heredibus, & contra heredes datur. *l. 12. 46. D. l. 5. C. h.* datur etiam conditio adversus delegantem, si promiserit pecuniam indebitam. *l. 2. C. h.*

Quid petitur hac actione ?

Vel id ipsum, quod solutum est, vel tantundem, hoc est, aestimatio, si quantitas fuerit soluta. *l. 7. l. si non forem. §. libertus. 12. D. h.* Debet vero res restitui cum fructibus & naturalibus accessionibus. *l. 15. l. 5. §. pen. D. h.* quæ rem ipsam comitantur, non cum usuris. *l. 1. C. h.*

Quid, si quis alternative obligatus, utramque rem solverit, utram debet repetere ?

Habebit electionem recipiendi; quia & dandi habuit. *l. pen. C. h.* non obstante *l. 26. §. pen. D. h.*

Quis debet probare, debitum vel indebitum fuisse ?

Probare debet indebitum esse generaliter, qui solvit. *l. 1. C. h.* Nisi is fuerit, cui ex speciali ratione indultum est, ut in adversarium transferat hoc casu onus probandi; veluti, pupillus minor, mulier, miles, agricola, forensium rerum expers, simplicitate gaudens, desidia deditus. *l. 25. §. 1. D. de probat.*

Cessatne aliquando conditio indebiti ?

Cessat multimodis. 1. In causa, ex qua lis per infirmationem crescit. *§. f. Inst. de oblig. q. ex q. contr.* quia videtur tacite esse transactum. *arg. l. 50. D. de pecul.* 2. In causa pietatis; ut si quis dotem, ad quam dandam non tenebatur, solverit. *l. 32. §. 2. D. h.* 3. In causa transactionis, licet res nulla media fuerit, nisi evidens calumnia detegatur, & transactio sit imperfecta. *l. 65. §. 1. D. h.* 4. Pari modo cessat in naturali tantum debito, & eo quod solutum est per errorem juris in mero lucro, aliisque modis, de quibus & ante.

Tit. De conditione sine causa. Tit. 9.

Lib. 4. Cod.

Qua est conditio sine causa ?

Qua repetitur, quod sine causa apud alium est.

Quomodo

Quomodo hæc distinguitur ab aliis?

In hac plane nulla est : in aliis est vel turpis , vel erronea, vel vera, quæ non est secuta, vel alia aliqua causa. Verum hæc cum aliis omnibus concurrere potest.

Quibus casibus habet hæc locum?

Sunt varii. 1. Si quis condicat Syngrapham, qua debere se confessus est, quod non accepit, agatque intra biennium. *l. f. C. h.* 2. Si quis condicat instrumentum, cum solvit. *l. 2. C. h.* 3. Si dominus petat fructus perceptos, vel consumptos à malæ fidei possessore. *l. 3. C. h.* 4. Si fullo condicat pretium, quod solvit domino ob amissa vestimenta post restituta. *l. 2. D. h.* 5. Si quis condicat nummos, quos servus alterius subripuit, & dominus quasi peculiares ademit & consumpsit. *l. 30. in fin. pr. D. de act. empt.*

P A N D E C T A R U M

L I B E R X I I I .

Tit. 1. De conditione furtiva. Tit. 8.

Lib. 4. Cod.

Quæ est conditio furtiva?

Actio personalis rei persecutoria, quæ datur, præter actionem furti pœnalem, domino, vel ejus hæredi. *l. 1. 11. D. h.* adversus furem vel ejus hæredem, etiamsi nihil pervenerit ad eum, in solidum. *l. 7. §. 2. l. 8. 9. D. h.* ut rem furtivam, si extet, cum fructibus. *l. 8. §. fin. D. h.* & eo quod interest. *l. 3. D. h.* vel, si non extet, justam æstimationem præstet.

Quæ æstimatio est præstanda?

Quæ semper fuit maxima, quia fur semper in mora est. *l. 8. §. 1. D. h.*

Annon est nimis durum, quod hæres teneatur in solidum, licet nihil pervenerit?

Et si quidem hæc actio ex delicto nascatur: tamen, quia rem tantum persequitur. *l. 7. §. 1. & 2. D. h.*

in hæredem competit, estque ob singulare odium furti constitutum, ut hæres in solidum, licet nihil acceperit, obligetur.

**Tit. 2. De Condiçtione ex lege. Tit. 9.
Lib. 4. Cod.**

Quæ est condiçtio ex lege?

Actio in personam, quæ datur ex nova aliqua lege, quæ obligationem introduxit, sed non expressit, qua actione sit agendum. *l. un. D. h.*

Suntne species harum actionum?

Varia. Vt, si quis agat ex lege *Diffamari*. Ex contractu emphyteutico, varias ob causas. *l. 2. & 3. C. de jur. emphyt.* Ex donatione solo pacto facta. *l. 35. §. fin. D. de donat.* Ad rescindendam venditionem, vel eam ad æqualitatem in precio redigendam, ob enormem læsionem. *ex l. 2. C. de rescind. vendit.* Ad supplementum legitimæ. *ex l. 30. C. de inoff. &c.*

Tit. 3. De Condiçtione Triticaria.

Quæ est condiçtio Triticaria?

Est actio personalis, qua generaliter agitur de rebus quibusvis certis vel incertis, sola pecunia numerata excepta. *l. 1. D. h.*

**Tit. 4. De eo quod certo loco dari oportet.
Tit. 18. Lib. 3. Cod.**

Quæ est condiçtio de eo quod certo loco?

Si agatur eo loco quo solutio fieri debuit, est actio personalis ex contractu inito. *l. 4. pr. D. h.* Sin autem alio loco, forte promissore ad locum quo dare promiserat, nunquam accedente, vel data opera, vel ex justa causa, constituta est peculiaris actio de eo quod certo loco; quæ est arbitraria, qua petitur alio loco, quam quo dari promissum est, facta commemoratione ejus loci, quo solvi debuit. *l. 1. 2. D. h.*

Cur dicitur arbitraria?

Quia Iudex, licet actio in se sit stricti juris, arbitrari debet, quanti intersit non solvi dicto loco. *l. 1. 2. l. 4. 1.*

l. 4. 1. D. h. sive ex mutuo, sive ex testamento, vel alio contractu stricti juris quid debeat. l. 5. 6. 7. D. h.

Cur non habet locum in actionibus bonae fidei?

Quia iis ipso jure inest uberior bona fides, daturque Iudici potestas laxior judicandi, quomodo & quantum satisfieri debeat. §. 30. *Inst. de act.*

Cujus utilitas hic spectanda est?

Tam actoris quam rei. *l. 2. pr. & §. fin. l. 8. l. fin. D. h.* Itaque, si rei pluris inter sit, minor: si pluris actoris, major sit condemnatio.

Debetne aequali modo utilitatis haberi ratio?

A parte rei semper, sive actor in mora fuerit, sive non: A parte actoris tunc demum, cum reus fuit in mora. *l. 8. fin. D. h.* In mora autem esse non videtur, qui vi majore detentus non venit in locum destinatum. *l. 137. §. 2. D. de Verb. Oblig.* vel, si actor ipse non venerit.

Daturne hac actio etiam contra fidejussores?

Aequè datur in fidejussores, ut in reos: sed non ante conveniri debent, quam rei in locum constitutum venire potuerint: inest enim hisce obligationibus ex sua natura dies. *l. 2. §. 6. D. h. junct. l. 49. §. fin. D. de fidejuss.* Nec augebitur eorum obligatio propter reorum moram. *l. 8. l. fin. D. h. arg. l. 68. §. 1. l. f. in fin. D. de fidejuss.* Verum, si fidejussores, vel se obligaverint in omnem causam, vel in id, quod interest, etiam tenebuntur. *l. 54. D. locat.*

At videtur statui l. 88. D. de Verb. Obl. fidejussori obesse moram rei?

Id, quod in *d. l. 88.* respondetur, non pertinet ad obligationem fidejussoris augendam, sed perpetuandam. adde *l. 58. §. 1. D. de fidejuss.*

Annon etiam ratione temporis hac actio est arbitraria?

Nusquam id relatum, imo contrarium suadet *l. 16. §. 1. D. de constit. pecun.* & ratio dicat, cum hæc actio sit introducta ex necessitate, deficiente actione ex stipulatu. *l. 1. 2. D. h.* cum autem tempus stipulationi adjectum est, etiam elapso eo ex stipulatu actio dari potest.

*Quid, si promissio sit facta alternative duobus locis,
uti, Roma aut Capua solvam?*

Etsi in alternativis electio sit promissoris. l. 10. §. f. D. de jur. dot. l. 75. §. 8. de Verb. Oblig. tamen, ne debitori daretur potestas perpetuo eludendi creditorem, data est hoc casu electio creditori. l. 2. §. 3. D. h. Quod etiam receptum est in alternativa stipulatione rerum & locorum. d. §. 3. ita tamen, ut reus ante petitionem solvere possit quo loco velit. d. §. 3.

Quid, si fors sit soluta, potestne Interesse loci arbitraria actione alibi peti?

Vix fieri id poterit: nisi aliter convenierit. l. 8. D. h.

Tit. 5. De constituta pecunia. 18. Lib. 4.
Cod.

Quid est constitutum?

Conventio, qua quis nudo pacto promittit se soluturum, quod ipse, vel alius, debet contractu, vel ex delicto.

Quare introductum est constitutum, cum sufficere possit fidejussio?

Magnum est inter hæc duo discrimen: cum fidejussor tantum ad alienam obligationem accedat. pr. Inst. de fidejuss. & obligetur non aliter, quam mediante stipulatione: Constitutum vero interponatur, & de suo, vel alieno debito, & nudo pacto fieri possit. l. 1. §. 4. 6. & 7. D. h.

Qui possunt constituere?

Omnes, qui alias recte obligantur, sive masculi, sive feminae: Hæ autem non constituunt alienum, sed tantum suum. l. 1. §. 1.

De quibus rebus fit constitutum?

Licet pecuniæ tantum fiat mentio: non tamen ad pecuniam numeratam, vel quantitatem tantum, sed ad omnes res pertinet. l. 2. §. 1. C. h. arg. l. pecunia. D. de Verb. Signif.

Quomodo fit constitutum?

Semper præsupponi debet debitum, sive naturale tantum, sive naturale & civile. l. 1. §. 6. & 7. D. h. sive contractum pure, sive in diem, sive sub conditione. l. 2. C. h.

C. h. non vero civile tantum. *l. 3. §. 1. D. h.* nec opus est, ut certa quantitas exprimatur. *l. 14. D. h.* modo ad eam relatio fiat. *l. 20. D. deposit.* Potest præterea fieri, vel inter absentes per nuntium, aut literas; vel inter præsentēs, quibuscunque verbis. *d. l. 14. §. fin.* Potest & aliud pro alio constitui. *D. l. 1. §. 5.*

Quid, si sine die quis constituerit se soluturum, quod sub conditione debebatur?

Constituens demum existente conditione tenetur, eaque deficiente, utraque actio deperit. *l. 19. pr. D. h.* Sed in eum, qui sub conditione constituit, quod pure debetur, actio utilis parata est. *d. l. 19. §. 1.*

Si plures constituerint, & hac actione conveniantur, habentne beneficium divisionis?

Ipsō quidem jure adversus singulos dabitur actio in solidum. *l. 16. D. h.* Sed per epistolam Divi Hadriani ipsis succurrendum. *l. 3. C. h.* Pariter & ei, qui pro alio constituit, accommodatur jus ordinis. *Nov. 4. cap. 1.*

Potestne creditor invitus cogi, ut ante diem ex constituto recipiat debitum?

Id negant nonnulli per *l. 18. D. h.* Sed cum regulariter sit receptum, ante diem solvi posse. *l. 38. §. inter l. 43. §. quoties. l. 137. §. cum ita D. de Verb. Oblig. l. 70. D. de solut.* nihil novi in hac conventionē statuendum est; nisi specialis aliqua ratio Iudicem moverit.

Tit. 6. Commodati vel contra. 23. Lib. 4. Cod.

Quid est commodatum?

Est contractus re initus, quo usus rei certus gratuito conceditur. *§. 3. Inst. quib. mod. re contrah. obl.* Quia gratuitus est usus, separatur à locatione: quia certus, distinguitur à precario, quod semper revocari potest. *l. 1. D. de precar.*

Qui possunt commodare?

Non tantum rerum domini, sed & fures, & prædones. *l. 16. D. h.* Non autem immediate ex sua impro-

bitate actionem fur consequitur, sed ex negotio legitimo.

In quibus rebus consistit?

Mobilibus & immobilibus. l. 1. §. 1. D. h. propriis & alienis. l. 15. D. h. Immo & pecunia, si dicis gratia commodetur. l. 4. D. h. non tamen iis quæ usu percunt. l. 3. §. 6. h. quia in his est vel quasi ususfructus, vel mutuum.

Quæ actio oritur ex hoc contractu?

Vel directa, quæ datur commodanti adversus commodatarium ejusque hæredem, ut finito usu res integra non deteriorata restituatur. l. 3. §. 1. D. h. aut, re deteriorata, id quod interest. Vel contraria, quæ datur commodatario adversus commodantem vel ejus hæredem, si re commodata uti sit prohibitus. l. 17. §. 1. & 3. vel damnum ex re vitiosa scienter commodata senserit. l. 18. §. pen. l. pen. D. h. vel sumptus majores fecerit: modici enim cum usu rei solent compensari.

Quam culpam præstare debet commodatarius?

Si in gratiam commodantis contractus sit initus; ut, si sponsæ vel uxori quis, quo honestius ad se deduceretur, quid commodaverit, tantum dolus præstabitur: si utriusque causa; veluti, si communem amicum ad cœnam invitaverint, & unus alteri, qui curam suscipit, quid commodaverit, culpa levis: si in commodatarii solius, ut plerumque fieri solet, etiam levissima. l. 5. §. 2. vers. commodatum. & l. 10. l. 18. D. h.

Quid est præstare culpam vel dolum?

Nihil aliud quam resarcire damnum ex culpa vel dolo ortum.

De culpa, dolo, & casu fortuito.

Quid est culpa?

In genere accepta, nihil aliud quam omissio diligentiae in alienis rebus præstandæ; vel commissio ejus, ex quo damnum alter sentit. Eaque fit vel ex proposito, & dicitur culpa malitiæ vel versutiæ, sive dolus malus; de quo actum supra: vel fit sine proposito per negligentiam.

gentiam, imprudentiam, imbecillitatem, vel imperitiam; hæc in specie culpa appellatur, doloque opponitur.

Quomodo hæc distinguitur?

Prout homines sua agunt, etiam hæc recipit gradus. Vti enim aliqui supine sunt negligentes, aliqui affectate curiosi. l. 6. D. de jur. & fact. ign. aliqui mediocriter res suas curant, secundum communem hominum morem; ita culpa, est vel lata, vel levissima, vel levis.

Quid est culpa lata?

Omissio diligentiae, quam omnes homines rebus suis adhibent, cum quis non facit vel intelligit, quod omnes faciunt, vel intelligunt. l. 223. D. de Verb. Sig. vel id facit, quod nemo facit. Hæc comparatur dolo, imo dolus dicitur. l. 1. §. 1. D. si mens. fals. mod. l. 226. D. de Verb. Sign. sc. cum agitur de damno resarciendo, non vero de poena infamiae, vel corporali, aut capitali.

Imo definitur ommissio diligentiae suis rebus adhibenda. l. 32. D. de pos.

Male id applicatur ex d. l. quia ibi agitur de homine socorde. Negligens enim videtur quasi esse in dolo, si minorem alienis quam suis adhibeat curam. Idque volunt hæc verba: *Nam, si quis non sit diligens ad quod hominum natura desiderat*, hoc est, sit summe negligens.

Quæ est culpa levissima?

Omissio diligentiae, quam exactissime diligentes rebus suis adhibere sunt soliti. Hæc etiam sæpe exprimitur emphatice per custodiam, diligentiam, custodiam plenam, exactam. l. 5. §. 2. l. 18. D. hic. l. 2. §. fin. l. 3. D. de peric. & commod. rei vend.

Quæ est culpa levis?

Omissio diligentiae, quam homines mediocriter diligentes suis rebus adhibent.

Annon præstaret culpam definire, non secundum communem hominum diligentiam, sed singulorum?

Id legibus reprobatum est; quia, quod communiter fit, spectari solet. l. 3. D. de legib. Verum, sin-

gulariter in societate, propter electionem & representationem mutuam personarum in officio gerendo, culpa levis dicitur, cum quis omisit diligentiam, quam suis adhibere solet. §. *fin. inst. de societ.*

Cum invenitur nomen culpa, diligentia, custodia, periculi, &c. de quo gradu id accipiendum est?

Et si culpæ nomen, simpliciter positum, regulariter denotet culpam levem: tamen convenientius est, accipi nomen culpæ secundum gradum, quem subjecta materia desiderat. idemque de cæteris est iudicium.

Quid est casus fortuitus?

Qui prævideri, vel prævisus impediri nequit. l. 25. §. 6. D. *locat.*

Quæ regula sunt observanda circa præstationem doli, culpa, vel casus?

Circa dolum, quod is præstari debeat in omnibus contractibus, & non valeat conventio, ne futurus præstetur. l. 23. D. *de reg. jur.* præteritus vero remitti possit. Circa culpam, quod in contractibus omnibus præstari debeat culpa lata. In iis, qui dantis solum causa fiunt; tantum lata: in iis, qui accipientis tantum causa fiunt; culpa levissima: & in illis, qui utriusque gratia ineuntur; lata & levis. l. 5. §. 2. D. *h. unde in emptio- ne, locatione, lata & levis; in deposito, lata tantum; in commodato, etiam levissima.* Circa casum fortuitum, quod is à nemine præstetur. l. 6. C. *de pignorat. act. d. l. 23. de Reg. Iur.*

Annon receditur ab hisce regulis?

Receditur aliquando ex natura contractus. Ita in precario lata culpa tantum præstatur, quia semper potest repeti. l. 1. *junct. l. 8. §. 3. D. de precar.* Ita in mandato levissima præstatur, licet mandantis causa fiat. l. 21. C. *mand.* quia in officio seu facto negotioso versatur. Aliquando ex facto contrahentium simul; uti, si honorarium, cum contractus id non desiderat, sit præstitum. *arg. l. 1. §. 35. D. de pos. vel, si aliter convenerit.* Possunt enim hæc de culpa & fortuito casu obligationum cause pactionibus immutari. d. l. 23. D. *de reg. jur. l. 1. C. commod. l. 1. §. 6. D. de pos.* Aliquando propter naturam rei: ita major diligentia in custodia pecuniæ & similium

similium rerum requiritur. §. pen. *Inst. de locat. l. 25. §. 7. D. locat. junct. l. 3. §. 1. D. naut. caup.* Aliquando ex facto eorum, qui res alienas detinent, ut, si sese obtulerint, partemve adversam induxerint. *arg. d. l. 1. §. 35. junct. d. l. 32. D. depos. vel si peritiam vel artem aliquam professi sint. arg. d. l. 25. §. 7. & 8. D. locat. junct. d. l. 3. §. 1. D. naut. caup. vel, si in mora aut culpa fuerint.*

Si de casu fortuito prestando convenerit, debetne etiam prestari insolitus?

Facti est quæstio. Siquidem enim in genere omnis sit receptus, videtur etiam de insolito esse cogitatum. *per l. 32. D. mand. l. 78. §. frumenta. D. de contr. emt. l. 9. §. 2. l. 15. §. 1. 2. D. locat. l. 1. C. comm. l. 1. §. saepe. D. depos.* Nec opus est enumerari singulas species casuum, quia nusquam id requiritur. Sin autem simpliciter quis casum in se receperit, non præsumuntur contrahentes egisse de insolito.

Quid, si mora vel culpa præcesserit casum?

Præstari debet, nisi eo modo apud dominum res perisset. Hoc enim casu domino periculum imputari oportet. *l. 14. §. 11. D. quod met. caus. l. si is qui Stichum § 6. D. de ju. dot. l. 14. §. 1. D. depos.*

Tit. 7. De actione pignoratitia. Tit. 24.
Lib. 4. Cod.

Quæ actiones oriuntur ex contractu pignoris?

Sunt vel reales vel personales. Reales, Serviana vel quasi; quæ etiam hypothecariæ dicuntur: personales immediate ex contractu. daturque insuper interdictum Salvianum.

Quomodo distinguuntur personales?

Sunt vel directæ vel contrariæ pignoratitiæ.

Quæ est directæ pignoratitiæ actio?

Est, quæ datur debitori sive domino pignoris, ejusque hæredibus, adversus creditorem vel ejus hæredem, cum satisfactum est creditori, ut rem pignoratam non deterioratam restituat.

Quando

Quando dicitur satisfactum?

Sive sit solutum, sive aliis pignoribus sibi caveri voluerit creditor, sive fidejussoribus, sive reo dato, sive nuda conventionem. Et generaliter, quoties recedere voluit à pignore, si, ut ipse creditor voluit, sibi cavet, licet in hoc deceptus sit. *l. 9. §. 3. D. h.*

Quomodo solutum esse debet?

Vel realiter, vel per acceptilationem, vel per delegationem, modo omnis pecunia sit exsoluta in proba moneta: sic nec aliter satisfactum esse videtur, quam secundum omnem pecuniam. *d. l. 9. §. 3. l. 11. D. h.* hoc est, sortem cum accessionibus.

Quid, si in sortem duntaxat vel usuras obstrictum sit pignus?

Eo soluto, propter quod obligatum est, datur quidem pigneratitia ipso jure: verum creditor retinere id potest etiam alterius debiti nomine. *l. un. C. si ob chi-rogaph.*

Cui debet fieri solutio?

Perinde est, an creditori, an voluntate ejus alii vel ei cui hæres extitit, vel Procuratori ejus, vel servo pecuniis exigendis præposito fiat. *d. l. 11. §. 5.*

Quid, si quis offerat solutionem vel satisfactionem, & creditor suscipere nolit?

Si pro parte offerat, non tenetur recipere; & licet receperit, non est ipso jure pignus pro parte liberatum. *l. 6. C. de distract. pign.* Est enim pignoris causa individua. Si totum offerat extra judicium, non liberabit pignus, nisi consignet & deponat. *l. 10. l. f. C. h.* Si autem judicialiter offerat, recte ager pigneratitia. *d. l. 9. §. f. h.* Si vero non solvere, sed alia ratione satisfacere paratus sit, nihil ipsi hoc proderit. *l. 10. D. h. l. 6. §. 1. D. quib. mod. pig.*

Quid, si litem sit contestatus?

Et si quidem litem contestatio sit novatio. *l. 29. D. de novat.* non tamen per eam tollitur pignus. *d. l. 11. pr. h.* Cum non per necessariam, sed voluntariam novationem pignus liberetur.

Quid petitur hac actione?

Non tantum res ipsa oppignerata, sed & fructus, quos creditor percepit vel percipere potuit, fructusque ratio-

rationem debitorum minuunt. *l. 3. C. h. &*, si sufficienter ad totum debitum, solvitur actio, & redditur pignus: si debitum excedant, qui supererunt, redduntur, mora hac actione. *l. 1. & 2. D. h.* sed hoc, nisi convenerit de ἀντιλήσει *l. 33. D. h. l. 17. C. de usur. l. 11. §. 1. D. de pignor.* Resarcire insuper debet creditor omne damnum, quod debitori obligat per creditoris dolum & culpam levem. *l. 13, §. 1. l. 14, D. l. 3. & 7. C. h.* quinimo & creditor, cum pignus reddit, repromittere debet de dolo: & si prædium fuerit pigneratum, & de jure ejus repromittendum est, ne servitutes, cessante uti debitore, amissæ sint. *l. 15. D. h.*

Quot annis præscribitur hac actio?

Debito non soluto nullo tempore præscribitur: quia antequam solutum est debitum, non potest agere debitor. *d. l. 9. §. 3. & contra non valentem agere non currit præscriptio. l. 1. inf. l. 2. C. de annal. præscript.* Soluta vero debito, longissimi temporis præscriptione res amittitur. *arg. l. 10. & f. C. h. junct. l. 3, C. de præscript. 30 vel 40 annor.*

Quæ est actio contraria?

Quæ datur creditori adversus debitorem, ut, quicquid ei abest, præstetur; veluti, si quid circa pignus debitor commiserit malitiose, vel rem alienam, vel alteri obligatam, aut vitiosam obligaverit. in genere, si quid pignoris nomine ipsi absit, vel ratione sumptuum, vel alia aliqua. *l. 8. pr. l. 9. pr. l. 32. 36. §. 1. D. h.*

Quales impensæ sunt restituendæ?

Necessariæ, etiam modicæ. *l. 8. D. h.* Imo & utiles. A judice autem dispiciendum est, ut neque delicatus debitor, neque onerosus creditor audiat. *l. 25. D. h.*

PANDECTARUM

LIBER XIV.

Per quas personas cuique acquiritur. Tit. 17.
Lib. 4. Cod. 29. Lib. 3. Inst.

Suntne tantum obligationes à nobis ipsis?

Et si quidem generatim definitum, quod quæ gerimus, contrahimus, nisi à nostra persona initium acceperint, inanem actum efficiant. *l. 11. D. de obl. & act.* placuit tamen in specie etiam per filios nostros & servos obligationes acquiri, & per eos, qui nostro mandato quid agunt, vel quos præfecimus rebus nostro commodo gerendis.

Qua ergo per procuratorem acquiritur obligatio?

Just. Note Constitutum est, conductionem & hypothecariam, ipso jure, & sine aliqua cessione ad dominum pervenire, cum nomine domini pecunia est alteri numerata: si enim procuratori necessitas cedendi actionem sit imposita, quare & non transibit ea sine cessione? *l. 2. C. h.*

Quid, si præfente domino Procurator sit stipulatus?

Nemo ambigit, quin domino competat actio. *l. si procuratori 79. D. Verb. Oblig.* Imo, si quid vendiderit domino mandante, recte dominus cum emptore, & cum domino emptor agat. *l. Iulianus 13. §. si procurator. 25. D. de act. empt.*

Tit. 1. De exercitoria actione. Tit. 25.
Lib. 4. Cod.

Qua est actio exercitoria?

Hæc illis, qui contraxerunt cum magistro navis, datur adversus exercitores. Inventa est ob utilitatem navigantium & negotiantium, qui, cum eos oporteat cum magistris contrahere, non falli debent. *l. 1. pr. D. h.*

Quis

Quis est exercitor?

Ad quem omnis navis quæstus pertinet, sive sit dominus navis, sive à domino navim per averfionem, etiam ad tempus, conduxerit. *l. 1. §. 15. D. h.*

Qui possunt esse exercitores?

Et masculi, & fœminæ: & patres & filii familias, omnesque, qui possunt alias obligari. *d. l. 1. §. 16.*

Quis est magister navis?

Cui navis cura est demandata. *d. l. 1. §. 1.* qui locandis navibus, vel etiam mercibus vendendis, vel emendis, non solum ab exercitore est præpositus, sed & à magistro. *d. l. 1. §. 3. §. 5. 13*

Quomodo datur hæc actio adversus plures?

Contra quemlibet in solidum, ne in plures adversarios distringatur, qui cum uno contraxit. *l. 1. §. f. l. 2. D. h.* & , qui quid præstiterit, iudicio societatis id, quod expendit, à cæteris consequetur. *l. 3. D. h.* Si vero plures per se exercent, pro rata convenientur: neque enim invicem sui magistri sunt. *l. 4. D. h.*

Ex qua causa præcipue hæc actio competit?

Non ex omni, sed ejus rei nomine, cujus præpositus est; ut puta, si ad onus vehendum locatum sit, aut aliquas res emerit utiles naviganti; vel, si quid reficiendæ navis causa contractum, vel impensum; vel, si quid nautæ operarum nomine petent. *d. l. 1. §. 7.* Sic ut præpositio certam legem det contrahentibus. Quare, si eum præposuit navi, ut tantum vecturas exigat, & magister locaverit, & vice versa, ea res ad exercitorem non pertinet. *d. l. 1. §. 12.*

Quid, si mutuatus sit pecuniam magister?

Si ad usum ejus rei, in quam præpositus est, competit actio. *d. l. 1. §. 8.* & sufficit ita mutuatum esse: licet enim in suos usus converterit, dabitur æque actio adversus exercitorem; nec est necesse, ut creditor probet, in eum usum pecuniam esse versam, sed tantum, quod res, cui erat præpositus, exigeret. *l. fin. §. fin. d. l. 1. §. 9. D. h.* Debet enim sibi imputare exercitor, cur talem præposuerit. Quod si ab initio consilium ceperit fraudandi, & non specialiter expresserit, quod ad navis causam accipiat, contra est. *d. l. 1. §. 9.*

Potestne.

Potestne & magister ipse conveniri?

Est electio creditori, utrum magistrum, an exercitorem convenire velit. *d. l. 1. §. 17.* Si cum utro eorum sit actum, cum altero agi nequit, sed, si quid sit solum ab alterutro, minuetur obligatio. *d. l. 1. §. pen.*

Daturne & actio adversus exercitorem, si cum quolibet nautarum sit actum?

Quamquam ex delicto nautarum exercitor teneatur, non tamen ex contractu: quia, cum magistrum proponit, contrahi cum eo permittit: qui nautas adhibet, non permittit cum iis contrahi, sed malicia & culpa carere eos curabit. *d. l. 1. §. 2.*

Quid, si magister proposuerit aliquem invito exercitore?

Eo usque producenda est utilitas navigantium, ut & contra exercitorem hoc casu detur actio. *d. l. 1. §. 5.*

Habentne exercitores actionem adversus eos, qui cum magistro contraxerunt?

l. de inf. act. Non: sed aut ex locato cum magistro, si mercede operam exhibet, aut si gratuitam, mandati agens: solet autem ex justa causa extra ordinem exercitoribus subveniri. *d. l. 1. §. 18.*

Daturne hac actio heredi & contra heredes?

Quia rei persecutoria est, & heredibus & contra heredes est danda. *l. 4. §. fin. D. h.*

Tit. 2. De Lege Rhodia, De Jactu.

Quid cautum est lege Rhodia?

Vt, si levanda navis gratia jactus mercium sit factus, omnium contributione sarciantur, quod pro omnibus datum est. *l. 1. D. h.* Aequissimum enim est, commune detrimentum fieri eorum, qui propter amissas res aliorum consecuti sunt, ut suas habeant salvas. *l. 2. in fin. pr. D. h.*

Qua actione procedendum est?

Actio ex locato adversus magistrum instituenda est, & ex conducto magister ager. Commodius vero est, ut magister merces retineat, donec singuli portiones damni pro rata intulerint. *l. 2. pr. D. h.*

Qui

Qui debent contribuere?

Omnes, quorum interfuit jactum fieri, sive res oneraret navem, si non; uti, si gemmæ fuerint. etiam demonstratione navis pro portione obligatus est. Ratio quoque habenda est vestimentorum & annulorum. *d. l. 2. §. 2.* veniet quoque in contributionem pretium solutum piratis, à quibus navis est redempta. *d. l. 2. §. 3.*

Ob quod damnum debet fieri contributio?

Non tantum, si jactus sit factus, & res statim perierit; sed &, si merces, in scapham prosectæ, submersæ sint. *l. 4. pr. D. h.* etiam cum arbor, aut aliud navis instrumentum communis periculi causa dejectum est. *l. 3. D. h.*

Quomodo fiet contributio?

Portio pro æstimatione rerum, quæ salvæ sunt, & earum, quæ amissæ sunt, præstari solet: nec ad rem pertinet, si, quæ amissæ sunt, pluris venire possent: quoniam detrimenti, non lucri fit præstatio. Sed in his rebus, quarum nomine conferendum, æstimatio habenda est, non quanti sint emptæ, sed vendi possint. *l. 2. §. 4. D. h.*

Ob quæ damna cessat contributio?

Cessat 1. In navi, quæ conservatis mercibus deterior est facta, aut exarmata: nisi ex voluntate vectorum, pro communi periculo id fuerit factum. *l. 2. §. 1. l. 3. D. h.* 2. In ablatis à prædonibus. *d. l. 2. §. 3.* 3. In servis, qui in mari perierunt. *d. l. 2. §. 5.* 4. Si navis perierit. *l. 5. D. h.* Nam tunc contributio locum habet, cum jactus remedio cæteris in communi periculo salva navi consultum est. *d. l. 5.*

Quæ res non subjiciuntur contributioni?

1. Corpora libera. *l. 2. §. 2.* 2. Quæ consumendi causa navi sunt imposita; quo in numero sunt cibaria: quia in commune sunt conferenda. *d. l. 2. §. 2.* 3. Quæ amissæ navi sunt servata. *l. 5. D. h.* vel ex navi depressa vel dejecta. *l. 7. D. h.*

Ceduntne jacta occupantibus?

Nequaquam. *l. 8. D. h.* sed earum rerum nomine, quæ postea restituuntur, exoneratur collatio. *d. l. 2. §. 7.*

Possunt-

*Possuntne & littorum domini jure portionem ex iis,
qua naufragio vel jactu in littora delata
sunt, retinere?*

Nulla jure: nec conveniens est, ut fiscus ex aliena calamitate luctum sentiat. l. 1. C. de naufrag. Præmium vero laboris honestum denegari nequit. arg. l. 7. D. de serv. export.

Quid si, cum jactus est factus, levata navis in alio loco submersa sit, & merces ejecta data mercede per urinatores sint extractæ?

Habebitur etiam ratio ejus, cujus merces in navigatione priori sunt jactæ: non vero eorum, quorum merces una cum navi postea perierunt: eorum enim merces non sunt jactæ causa navis servandæ, quæ cum illis periit. l. 4. §. 1. D. h.

Tit. 3. De Institoria actione. Tit. 25.

Lib. 4. Cod.

Qua est actio institoria?

Actio personalis, quæ datur ei, qui contraxit cum institore, adversus præponentem: æquum enim prætori visum est, sicuti commoda sentiunt præponentes ex facto institorum, ita etiam eos obligari & conveniri ex eorum contractibus. l. 1. D. h.

Quis est institor?

Qui tabernæ, vel alicui alteri negotiationi extracuram navis præpositus est. l. 35. D. h. sive locus ipse sit adjectus, sive non. l. 18. D. h.

*Ex quorum institorum contractu datur
hæc actio?*

Non tantum masculi, sed & fœminæ: imo & impuberes esse possunt institores. l. 7. §. 1. & 2. l. 8. D. h. ex quorum omnium facto institoria datur. d. Ll.

Ex qua causa datur institoria?

Non ex negotio omni, quod cum institore geritur: sed ita demum, si ejus rei gratia, cui præpositus fuerit, contractum est. l. 5. §. 11. & seqq. D. h.

Ad quid agitur hæc actio?

In solidum: quia omnis fructus negotiationis ad præfectum pertinet. Et, si plures sint domini, contra-

tra singulos in solidum: & quicquid præstiterit unus, ab aliis servabit, iudicio societatis, vel communi dividundo. *l. 13. §. f. D. h.*

Transitne hac actio ad hæredes?

Et hæredibus, & in hæredes datur. *l. 15. D. h.* sic vero adversus hæredes, ut pro sua parte singuli conveniendi sint: quia cessat inter eos communi dividundo iudicium. *l. 14. in f. D. h.*

Tit. 4. De Tributoria actione.

Quæ est actio tributoria?

Qua agit, qui cum servo vel filiofamilias, sciente patre vel domino, contraxit.

Qualis scientia hic desideratur?

Tantum ea, quæ est in patientia: non enim velle vel nolle debet pater, vel dominus; sufficit scire & non contradicere. *l. 1. §. 3. D. h.*

Quid petitur hac actione?

Vt, quicquid in mercibus peculiaribus est, dividatur pro rata inter dominum aut patrem & actorem: sit tamen, ut, si unus creditor veniat, caveat pro rata se refusurum, si alii emerferint: non enim hæc actio occupantis meliorem causam facit, sed æqualem conditionem quandoque agentium. *l. 5. §. f. l. 6. D. h.*

Venitne in hanc tributionem totum peculium?

Non: sed id duntaxat, quod ex merce est, vel in pretio existente, vel converso in peculium. *d. l. 5. §. 11. 13.*

Quid ergo proprie est merx peculiaris?

Quæ peculiariter est comparata, etiamsi quoque nihil sit in peculio. *l. 1. §. 2. D. h.*

An igitur pater nihil habebit præcipuum?

Nihil omnino: quia eo sciente filius est negotiatus. *§. 3. Inst. quod cum eo.*

Tit. 5. Quod cum eo, qui in aliena potestate est, negotium gestum esse dicetur. Tit. 26.

Lib. 4. Cod. 7. Lib. 4. Inst.

Quid est in edicto, quod cum eo, qui in aliena potestate est, negotium gestum esse dicetur?

In genere refertur ad omnes actiones, quæ ex contractibus cum iis, qui in aliena potestate sunt, initis dantur; ut sunt, de peculio, in rem verso, &c. Verum in specie complectitur actionem, qua, post solutam potestatem, adversus filium, non heredem patris, agitur ex contractu ante habito. *l. 2. in fin. D. h.* qua, si voluntate sua, si jussu patris contraxerit, si in peculium, si in patrimonium patris res sit redacta, non ulterius convenitur, quam facere potest. *d. l. 2.*

Quid, si filiusfam. vivo patre sit condemnatus?

Dabitur actio judicari in id, quod facere potest. *l. 5. D. h.*

Annon cessat aliquando actio in id quod facere potest filius?

Cessat 1. si dixerit, cum contraheret, se esse patremfam. *l. 4. §. 1.* 2. In delictis. *d. l. 4. §. 2.* 3. In heredibus filii. *d. l. 4. §. 3.* 4. Si filius fuerit hæres patris in solidum. *d. l. 4. pr. D. h.*

Tit. 6. De Senatusc. Macedoniano.

Tit. 28. Lib. 4. Cod.

Potestne filiusfamilias ex omni contractu obligari?

Potest non tantum obligari, sed & conveniri. *l. 39. D. de obligat. & action.* excepta causa mutui. S Consulto enim Macedoniano constitutum, ut, si quis filiofam. pecuniam mutuo det, ei nec adversus filiumfam. nec post mortem patris patremfam. factum, actio petitioque daretur, ut scirent, qui pessimo exemplo fœnerarent, nullius posse filiifamilias bonum nomen, expectata patris morte, fieri. *l. 1. pr. D. h.*

Qui

Qui sunt in hoc Senatusconsulto filii familias?

Non tantum liberi primi gradus, sed & ulterioris. *l. 14. D. l. 6. §. 1. C. h.* modo & illi sint in potestate; nec filii tantum, sed & filiae. *l. 9. §. 2. D. h.*

Tantumne filio & patri succurritur?

Non solum illis, verum & successoribus, fidejussoribus. *l. 7. §. 10. h.* & mandatoribus, qui & mandati habent refugium: nisi donandi animo intercesserint, vel ex patris voluntate. *d. l. 9. §. 3. D. h.* Sin autem intercesserint sine voluntate patris, solvendo non repetunt. *d. l. 9. §. 4.* Et quanquam solvendo non repetant, tamen, si non opposita exceptione condemnati sint, uti poterunt, antequam solverint, etiam in executione SConsulto. *d. l. 9. §. 5. l. 10. & 11. D. h.*

Daturne exceptio hac contra omnes creditores?

Datur non tantum contra privatos: sed & civitatem. *l. 15. D. h.* Non minores. *l. 11. §. f. D. de minor.*

Potestne filiusfam. renunciare huic beneficio?

Nequaquam: quia non tam filiusfam. quam patris beneficio introductum est, licet etiam juraverit: nec enim juramento quis alteri præjudicare debet, & præcipue si fiat contra bonos mores.

Quibus casibus cessat SConsultum?

Variis: vel ob qualitatem creditorum, eorumque factum: vel ob personam filii. vel ex causa patris, ob ejus utilitatem, vel factum: vel ob rem sive contractum. Ob qualitatem creditorum. 1. Ex favore personarum: ita SConsultum minoribus non obstat. *l. 11. in fin. D. de min.* 2. Ex ignorantia; nulli enim nisi qui scit aut scire potuit esse filiumfamilias, obstat SConsultum. *l. pen. D. h.* 3. Siquidem promiserint creditores filiofamil., sed non ante solverint ei, quam patrifam. facto, quia numeratione, quæ mutuum perficit, paterfam. est obligatus. *l. 3. §. fin. l. 4. & 5. D. h.* Ob personam filii. 1. Si fuerit institutor vel exercitor. *l. 7. §. 11. D. h.* 2. Si ita egerit publice, privatim, & se gesserit, ac si esset paterfamilias. *l. 3. pr. D. l. 1. C. h.* 3. Si pro alio mutuum accipiente fidejusserit sine fraude. *d. l. 7. pr.* 4. Si acceperit mutuum, ut liberaret eum, qui non poterat submoveri

per

per exceptionem. *d. l. 7. §. 14.* 5. Si, cum paterf. est factus, partem debiti solverit. *d. l. 7. §. fin.* vel, si rem pignori dederit: quo casu denegabitur actio usque ad pignoris quantitatem. *l. 9. D. h.* Ob personam patris. 1. Si mutuum à filiofam. acceptum in utilitatem ejus versum sit. *d. l. 7. §. 12.* 2. Si pater sciverit, & non continuo contradixerit. *l. 12. & 16. D. h.* Itaque magis, si jussit. *d. l. 12.* licet ignorante creditore mutaverit voluntatem: initium enim contractus spectandum est. *d. l. 12.* 3. Si partem debiti solverit, alterve ratum debitum habuerit. *d. l. 7. §. 15. l. 7. C. h.* Ob rem. 1. Ex contractu alio, quam ex mutuo, nisi fraus SConsulto sit facta. *d. l. 3. §. 3. d. l. 7. §. 3.* 2. Si vestigalia sint conducta. *d. l. 3. §. 1.* 3. Si peculium castrense sit filiof. ad ejus enim quantitatem cessat SConsultum. *l. 1. §. fin. l. 2. D. h.* 4. Si dotis causa mutuum sit acceptum, cum dos danda est. *d. l. 7. §. 2.* 5. Si ad probabilem modum in studia vel legationes mutuum sit acceptum. *d. l. 7. §. 13. l. 2. §. Cod. hic.*

P A N D E C T A R U M

L I B E R X V.

Tit. I. De peculio.

Quæ est actio de peculio?

Est actio prætorialis, qua, qui cum filiofam. vel servo contraxit, agit adversus patrem, vel dominum in tantum, quantum est in peculio.

Quid est peculium?

Patrimonium filiofam. aut servi, separatum à bonis patris aut domini.

Quomodo distinguitur?

Filiofamilias est, vel castrense, vel quasi castrense, vel adventitium, vel profectitium.

Quod est Castrense?

Quod filiusfamilias acquisivit occasione armatæ militiæ,

militiæ, vel à patre, vel alio, quod non haberet, nisi militasset. *l. Castrense 11. D. de Cast. Pecul.*

Quod est quasi Castrense?

Quod filiifam. sibi acquisiverunt ex militia rogata. Tale habent Adseffores, qui juvare administratores provinciarum suis consiliis consueverunt. *l. velut 7. C. de adseffor.* Advocati, qui suis patrociniis, secundum *l. 14. C. de adv. divers. judicior.* laborantium spem, vitam, ac posteros defendunt. *l. fori 4. C. eod.*

Quod est adventitium?

Quod extra militiam rogatam, aut armatam, non à patre aut ejus contemplatione, sed aliunde ad filiumfam. profectum est: videlicet ex hæreditate vel donatione matris, aut propinquorum. §. 1. *Inst. per quas person. cuique acq. Nov. 117. c. 1.* aliave simili causa.

Quod est profectitium?

Quod extra causam militiæ à patre, vel ex ejus rebus filiofamilias obvenit. *d. §. 1. junct. l. 5. D. de jur. dot.*

De quo peculio actio de peculio comparata?

Tantum de profectio: non de adventitio, quia in eo est pater conveniendus tanquam legitimus administrator. *l. 1. C. de bon. matern.* nisi permiserit filio administrationem. Nec de castrensi vel quasi, quia in eo est filiusfam. loco patrisfam. *l. 2. C. ad SC. Macedon.*

Ob quæ datur hæc actio?

Tantum ob ea, quæ ex contractibus vel quasi. *l. 44. D. h. l. 14. D. de negot. gest.* non, quæ ex delictis, vel quasi, filius debet. *l. 1. §. 7. D. de h. q. ejec. vel effud.* Poenalia enim judicia in patrem non dantur. *l. 58. ff. de Reg. Jur.*

Ad quid competit?

In tantum, quantum vires peculii patiuntur: eo enim usque creditur pater probare contractus. *l. qui peculii 46. ff. h.*

Quid, si patri quid debeatur extra peculium?

Recte hoc deducet; quia prævenisse creditur. *l. 9. §. 2. ff. h.* Quinimo & deducet, quod debetur personis suæ potestati, curæ, vel tutelæ subjectis. *d. l. 9. §. 3. 4.* verum, hæc deductio cessabit, si aliunde, vel alia actione suum possit consequi. *l. si noxali 11. §. 6. ff. h.*

Estne

Estne hac actio perpetua?

Est perpetua filiofam. aut servo manente in potestate. l. 2. ff. *quand. de pecul. act. est annal. ac transitoria ad heredes.*

Tit. 2. Quando de peculio actio annalis est.

Quid ergo, si filiusfam. vel servus liberatus sit a potestate?

Actio de peculio annalis est. l. 1. pr. ff. h. Nam placuit, licet extinctum sit peculium, actionem in annum prorogari exemplo aliarum actionum prætoria-
rum. d. l. 1. §. 3. ff. h.

Quid, si interim auctum sit peculium?

Id cedit commodum agentium: quemadmodum & imminutio pertinet ad damnum eorundem. l. fin. ff. h.

Quid, si temporalis sit actio, qua agendum?

Non exceditur tempus, quo finitur temporalis actio. Itaque redhibitoria, quæ intra sex menses est instituenda. l. 19. §. fin. l. 55. ff. de ad. Edict. tantum sex mensium erit post mortem filii. l. 2. ff. h.

Tit. 3. De in rem verso. L. 4. 26.

Qua est actio de in rem verso?

Actio personalis, qua, qui cum filiofam. contraxit, agit adversus patrem, ut, quantum in rem patris versum est ex eo negotio, præstetur.

Quando dicitur quid esse in rem versum?

Quoties est talis causa, ex qua procuratori mandari, vel ei, qui negotia gessit, negotiorum gestorum actio est; & patris res aut melior, aut non deterior reddita est. l. quod si 3. §. 2. ff. h. Nec spectatur, an bono patris cesserit, modo in negotia ejus, etiam in delicias & turpem causam, ex ejus voluntate sit expensum. d. l. 3. §. 6.

Quid, si voluptarii sint facti sumptus?

Si citra voluntatem patris sint facti, non potest hac actione agi, sed pati debet pater tolli sine rei latione. d. l. quod si. 3. §. 4.

Quid

Quid si, quod erat in rem versum, perierit?

Non nocebit id creditori. *d. l. 3. §. 6. & seqq.* Non enim fatalis rei eventus hoc modo excusat ab obligatione semel acquisita. *l. sed an 10. §. 1. ff. de neg. gest.*

Quid, si in rem patris mutuo sit datum, non autem versum?

Non habetur pro verso; ne credulitas creditoris patri obsit, aut calliditas filiisam. noceat. *d. l. 3. §. 9. ff. h.*

Quid, si id, quod versum fuit, solverit filio pater?

Non videtur versum: quia debet durare, nisi solum id sit in necem creditorum filii: id enim si factum fuerit, competit actio de dolo. *l. si pro 10. §. 6. ff. h.*

Tit. 4. Quod jussu.

Quæ est actio quod jussu?

Quæ datur ei, qui cum filiof. contraxit jussu patris. *l. 1. pr. ff. h.*

Quando jussus intervenisse dicitur?

Quoties generaliter vel specialiter, testato vel non testato, pater jussit, aut mandavit, vel ratum habuit, sive expresse, sive tacite. *l. 1. §. 1. 3. 6. ff. h.*

Quando tacite?

Cum pater chirographo filii subscripsit. *d. l. 1. §. 4. l. 3. C. quod cum eo. vel id sigillo suo confirmavit.*

Quid, si pater fidejusserit?

Non tenetur quod jussu; quia quasi extraneus intervenit. Aliud est fidejubere, aliud jubere. Unde & si inutiliter fidejusserit, non tenebitur quasi jusserit. *d. l. 1. §. quid ergo 5. ff. h.*

In quid datur hac actio?

In solidum. *d. l. 1. pr. ff. h.* nam quodammodo contrahitur cum eo, qui jubet. *d. l. 1. pr.*

P A N D E C T A R U M

L I B E R X V I.

Tit. Ad Senatus-Consultum Vellejanum.

Lib. 4. Cod. Tit. 29.

*Quid comprehensum est Senatus-Consulto
Vellejano?*

Et si quidem fœminæ possint obligari in propriis causis, ac donare. *l. 4. §. 1. D. h.* tamen est statutum, ne pro ullo intercedant. *l. 1. l. 2. §. 1. l. 4. D. h.* facile enim ad interveniendum inducuntur, at magno per hoc detrimento afficiuntur. *d. l. 1.*

Quando dicuntur fœmina intercedere?

Cum in se suscipiunt alienam obligationem. *l. Senatusconsultum 4. C. h.* 1. Veterem: aut participando eam, cum fidejudent, vel constituunt pro alio. *d. l. 2. l. 1. §. 1. D. de const. pecun.* aut mandant alii dari pecuniam. *l. 6. 7. 19. ff. h.* aut res suas, aut sibi pignorat, pro alio obligant. *l. 5. 7. 12. C. l. 17. §. 1. l. fin. §. 2. ff. h.* aut transferendo in se, fit, cum expromittunt pro alio. *l. quamvis 8. §. 8. ff. h.* vel alium defendunt. *l. 2. §. fin. ff. h.* 2. Novam, si pro alio pecunias accipiant, & statim sese reas faciant. *d. l. 8. §. 14. ff. d. l. 4. C. h.*

Quibus modis consulitur fœminis?

1. Ipso jure, vel generaliter in omni intercessione, de qua liquido constat. *l. 2. §. 1. verbis: neve eo nomine ab his petito, neve in eas actio detur. ff. l. 23. §. fin. C. h.* vel specialiter in intercessione pro marito. *Nov. 134. c. 8. Auth. si qua mulier. C. h.* sive semel, sive multoties sit facta; sive publicum, sive privatum sit debitum. *Dd. Ll. 2.* Exceptione, si conveniantur, cum non liquido constat, quod intercessio sit facta. *l. qui 40. ff. de cond. indeb. l. quamvis 8. §. si mulier. 2. ff. ad SC. Vellejan.* 3. Conditione, si quid ex causa intercessionis solverint. *d. l. 8. §. 3. ff. l. 9. C. h. d. l. qui 40.*

Pro-

Prodestne & hoc heredibus ac fidejussoribus?

Non tantum hisce. *l. 20. l. 16. §. 1. ff. h.* quia tota obligatio improbat. *d. l. 16. §. 1.* sed & procuratoribus earum. *l. 30. §. 1. ff. h.* & ei, qui pro iis intercedentibus pignus dedit. *l. 2. ff. quæ res pign.*

Quid, si una cum muliere intercesserit alter, qui poterat obligari?

Subducitur persona mulieris, ac alter in solidum obligatur. *l. 48. D. de fidejussor.* quia scire potuit, aut ignorare non debuit, mulierem frustra intercedere. *d. l. 48.*

Quid, si quis per intercessionem mulieris sit liberatus?

Restituetur actio in eum, qui liberatus est. *l. 8. §. 8. 14. l. 20. ff. h.*

Quibus modis cessat hoc SConsultum?

1. Ob favorem rei in obligationem deductæ; uti, si pro libertate, pro dote, intercesserint, vel dotem promiserint. *l. pen. t. fin. C. h.* 2. Ob factum mulierum, uti, si successerint reis. *l. quamvis 8. §. 13. ff. h.* quo casu vel restitutoria, vel directa actione conveniuntur. *d. l. 8. §. 12.* Si callide ac dolose intercesserint. *l. 30. D. h.* Si post biennale iuge tempus secundam fecerint intercessionem. *l. 22. C. h.* Si confessæ sint in publico instrumento, se pro intercessionem quid accepisse, vel si id aliter probari liquido possit. *l. antiqua 23. C. h.* Si SConsulto legitime renunciaverint. *l. fin. §. 3. D. h.*

Quid, si pater consenserit in filia intercessionem?

Æque erit locus SCro. Nec obstat, quod patrum consensus excludat beneficium SCri Macedoniani: quia Vellejanum in favorem mulierum; Macedonianum in commodum patrum, & odium fœneratorum introductum est. *l. qui 40. D. de cond. indeb.*

Quid, si creditor ignoraverit fœminam intercedere?

Subvenietur ei, nec SConsulto erit locus: quia alias nemo cum fœmina contraheret. *l. 4. l. 11. 12. l. 19. §. 5. l. 27. D. h.*

Potestne mulier huic beneficio renunciare?

Potest, modo sit certiorata: sive in publico, sive in privato instrumento. *l. ult. §. pen. D. h.* nec obstat *l. 23. §. fin. C. h.* sive judicialiter, sive extrajudicialiter,

ter, siue jurato, siue injurato fiat renunciatio. *arg. l. pen. C. de pact.* At *Auth. si qua mulier. C. h.* non aliter cessat, quam si facta sit renunciatio per juramentum. *arg. c. 28. x. de jurejur.*

Potestne mulier & Consulio Vellejano renuncians cum juramento, juvari per Auth. Si qua mulier?

Potest defendi eam juvari, quia *jus d. auth.* est singulare, quod per generalem renunciationem non tollitur. *arg. l. sed & si 4. §. 4. D. si quis caution.* sed, ne facile juramentum violetur, satius est contrarium tueri, licet etiam enormiter sit læsa femina.

Tit. 2. De Compensationibus. Lib. 4.

Cod. Tit. 31.

Quid est compensatio?

Est debiti ac crediti mutua inter se contributio. *l. 1. D. h.* Distinguitur à retentione, quod retentio sit corporis, vel speciei alienæ ob id, quod nobis obsumptus in rem factos, vel ex alia causa debetur: compensatio autem est quantitatum utrinque debitarum.

Quæ debent concurrere, ut compensatio fieri possit?

Vt sit persona habilis: contractus, qui compensationem admittat: residonea, & debitum utrinque liquidum ac certum.

Qui possunt compensare?

Omnes, qui solvere, imo & sæpe qui non solvere possunt. sic pupillus recte compensat, & pupillo compensatur, etiam ab ipso tutore. *l. 11. C. h. l. 1. §. 4. D. d. l. 3. C. de cont. tut. act.*

Potestne fisco objici compensatio?

Potest, nisi ex tributis, ex precio rei à fisco emptæ, vel ex annonaria causa, aliave simili, de qua in *l. 3. 7. C. h. & l. 46. §. 5. D. de jure fisc.* quid fisco debeat.

An & Procurator compensat?

In suam rem datus compensat, & post litem contestatam. *l. 18. D. h. & ante. arg. l. 1. 6. 7. C. de Obl. & Action. l. 25. in fin. D. de procurat.* Etiam compensatio huic objicitur, quæ nocere poterat cedenti domino, siquidem cessio sit facta voluntario, non si ex necessitate. *l. 33. §. fin. ff. de Procurat.* Imo cessio-
nario

nario imputabitur, quicquid à primo, secundo & tertio cedentibus, si ter sit facta successive cessio, debetur. *arg. l. 143. 177. ff. de Reg. Jur.* Qui vero in rem alienam est constitutus suo nomine non compensat, nec patietur compensationem. *l. ejus 9. C. l. pen. ff. h.*

Quæ res admittunt compensationem?

Non species, licet sint æstimatæ. *l. 2. §. 2. l. 6. ff. si cert. petat.* non diversi, sed tantum ejusdem generis quantitates utrinque debitæ: præcipue vero nummi, cum valor eorum tantum spectatur. *l. 11. 15. 19. ff. h.*

In quali debito admittitur compensatio?

Non distinguitur, utrum sit civile & naturale simul, an naturale tantum. *l. 6. ff. h.* sive sub usuris utrinque, sive sine iis debeatur. *l. 6. ff. h.* modo sit debitum certum, ac liquidum, vel quod sine ambagibus possit liquidari. *l. fin. §. 1. C. h.* & exceptione perpetua non possit perimi. *l. 14. ff. h.*

Quid, si in diem quid debeatur?

Compensari tunc demum potest, cum dies venit. *l. 7. ff. h.* nisi humanitatis gratia lex indulgeat tempus. *l. 16. §. 1. ff. h.*

An & in maleficiu locum habet?

Habet, modo pecuniarie agatur. *l. 10. §. 2. D. h.* Etiam injuria verbalis cum verbali compensabitur. *arg. l. 25. ff. de procurat. l. 14. §. 6. D. de bon. libert. l. 39. D. solut. matrim.* dolus cum dolo. *l. 42. D. action. empt.*

In quibus causis & contractibus habet locum?

In omnibus, sive sint stricti juris, sive bonæ fidei; sive in rem, sive in personam. *§. 30. Inst. de act. l. ult. C. h.* Excipiuntur tantum, depositum. *d. §. 30. d. l. fin. §. 1. in fin.* & actio momenti. *d. l. fin. §. 1.* Non vero commodatum. *l. 18. §. ult. D. commodat.* Non repetitio dotis. *arg. l. 15. §. 1. l. 22. §. 3. D. solut. matrim.* Et si enim in commodato, sub prætextu debiti, restitutio non inhibeat. *l. fin. C. commodat.* nec ob ullam fere causam dos retineri possit. *l. un. §. Taceat. C. de rei ux. act.* tamen compensatio (terminis ut dici solet habilibus) non impeditur; quia longe aliud est retinere rem debitoris ob aliud debitum, quam compensare suum cum debitoris debito.

Quomodo fit compensatio?

Fit ipso jure. *d. §. 30. & d. l. fin. §. 1.* allegari vero debet à reo convento; imo & per exceptionem proponi potest, si dubitetur an competat. Quod licet fiat in judicio, ipso tamen jure tollitur obligatio. *d. l. ult. §. 1.* Ita sc. ut, à quo tempore utrinque deberi cœpit, minus debitum fuisse creditori intelligatur, adeo ut & statim usuræ currere desierint, nec pœna debeatur. *l. 11. 12. 13. D. h.* cedit enim pro solutione compensatio, unde &, qui juravit se soluturum, liberatur compensando. *arg. l. 1. 24. D. h.*

Potestne compensatio objici post sententiam?

Potest. *l. 2. C. h.* Nec sententia executioni mandabitur in eo quod compensari potest, cum debitum absolute sit sublatum.

D E R E T E N T I O N E.

Quid est Retentio?

Est remedium, quo id, quod debitoris est, ex justa causa creditor sibi servat, donec sibi sit satisfactum, vel quod ejus rei nomine, vel quod ex alia causa debetur.

Quomodo retinetur res ob debitum ratione ejusdem rei?

Si quid in eam rem sit expensum. Ita bonæ fidei possessor incumbit rei, donec solutæ sint impensæ. *l. 48. D. de rei vind.* uti & conducto, ob reparationem domus; & depositarius ob sumptus in rem depositi am factos.

Quomodo ob aliam causam?

Varie: uti, si quis retineat pignus ob usuras sibi debitas. *l. 4. C. de usur.* ob chirographariam pecuniam, ex alia causa debitam. *l. unic. C. si ob chirogr.* ob mercedem ædium. *l. 4. D. ex quib. caus. tacit.*

Tit. 3. Depositi vel contra. C. 4. 34.

Depositum in genere est, quod alterius custodiæ demandatum est. Estque rei litigiosæ, vel non litigiosæ. Rei litigiosæ depositum, sequestratio: non litigiosæ, depositum in specie appellatur. *l. 17. ff. h.*

Quo-

Quomodo definitur depositum in specie?

Accipitur nonnunquam pro re, nonnunquam pro contractu. Cum pro contractu accipitur, est contractus realis, quo quis gratuito alterius rem custodiendam recepit ea lege, ut eadem in specie restituatur.

Cur dicitur contractus realis?

Quia non aliter perficitur, quam cum revera & facto ipso res est tradita. §. penult. Inst. quib. modis re contrah. oblig.

Cur dicitur gratuita?

Quia, si mercedem recipiat, est locatio. Licet autem honorarium admittat. l. 1. §. 35. ff. h. non tamen definit esse gratuitum.

Cur additur, de eadem re restituenda?

Quia, si initio convenerit de alia re præstanda, transit in aliud nomen contractus.

Quid, si pecunia deposita convenerit, ut, si debitor volet uti, possit: vel, pecuniam non obsignatam deponens, permiserit debitori, ut tantundem reddat?

Si eo animo, ut mutuum sit, fiat, erit mutuum. l. 9. §. fin. l. 10. ff. de reb. cred. nec usuræ post moram debentur. Si animo deponendi ita convenerit, erit depositum, & usuræ post moram solvi debent. l. 24. l. 25. §. 1. l. 29. §. 1. ff. h.

Quæ sunt hujus contractus substantialia?

Apparet ex præcedentibus, ea esse: 1. Consensum. 2. Rem. 3. Rei traditionem. 4. Vsum rei gratuitum. 5. Conventionem ut eadem res restituatur.

Qui possunt deponere?

Et rerum Domini, & qui non sunt Domini. l. 31. pr. & §. 1. ff. h. Non tantum unus, sed & plures. l. 17. ff. h. Et, si latro deposuerit, ac superveniat dominus qui repetit, præstat reddi domino, quam latroni. l. 31. ff. h.

Quæ res proprie deponitur?

Mobilis. arg. l. 1. pr. ff. h. Res autem immobilis, licet custodiam recipere videatur, proprie deponi non videtur.

Quæ actiones sunt ex hoc contractu?

Depositum directa, & contraria. Directa datur Domino quocunque tempore volenti repetere, imo etiam ante tempus pacto constitutum. l. 1. §. 45. & 46. ff. h.

adversus depositarium, ut rem restituat incorruptam cum fructibus & omni causa. *d. l. 1. §. 16.* Contraria depositario, qui quovis tempore ab officio suo liberari potest (nisi tempus pacto sit adjectum) contra deponentem, ut rem recipiat, & quicquid depositario sumrum vel alia ratione abest, præstet. *arg. l. 11. C. h.*

Qua culpa præstanda est in deposito?

Tantum lata. *l. 23. D. de Reg. Iur.* nisi aliter convenierit. *d. l. 23. & l. 1. §. 6. D. h.* vel depositarius se obtulerit, aut honorarium acceperit. *d. l. 1. §. 35.*

An etiam per depositum transfertur possessio?

Nulla modo. *l. 17. §. 1. D. h.* Nisi possessio pro qualibet etiam nuda ac simplici detentione accipiatur. *l. 9. D. de rei. vind.*

Quid, si tumultus, incendii, ruina, naufragii causa quid sit depositum?

Et si ex deposito simplici tantum in simplum detur actio; tamen ex hisce causis in duplum agitur, si quid per inficiationem. *§. 26. Inst. de action.* vel aliter per dolum malum sit peccatum: nam propter necessitatem crescit perfidiæ crimen, & publica utilitas coercenda est. *l. 1. pr. & §. 4. D. h.*

Suntne aliqua singularia in deposito?

Sunt varia. 1. Non admittit compensationem. *l. fin. §. 1. compensat.* 2. Si simpliciter sit factum, & res extet, præfertur deponens omnibus creditoribus hypothecariis & privilegiatis depositarii, tanquam rei dominus; si autem apud nummularios pecunia sit deposita sine fœnore, præfertur omnibus privilegiariis; si sub fœnore, primas habebit partes inter personales. *l. 7. §. quoties. ff. h.* 3. Instrumentum depositi paratam habet executionem. 4. Non datur depositario condemnato quadrimestre spacium. *arg. l. penult. C. h.*

De prohibita sequestratione pecuniæ.

Tit. 4. Lib. 4. Cod.

Quid est sequestratio?

Est depositio rei litigiosæ.

Quomodo

Quomodo distinguitur?

Est vel voluntaria, vel necessaria sive judicialis. Voluntaria fit ex conventionem partium. l. 17. ff. h. & regulariter est permilla. l. 5. §. 1. 2. l. 6. ff. h. Necessaria & judicialis est, quæ fit ex sententia judicis. hæc regulariter est prohibita. l. unic. C. de probib. sequestr. pecun. maxime in pecunia. d. l. unic.

Quæ res possunt sequestrari?

Res quælibet; tam immobiles, quam mobiles.

Transitne in voluntaria possessio?

Videndum est, quid sit actum, de quo si non appareat, credendum est possessionem non esse translata, nisi qua commodum victoris spectatur. l. 17. §. 1. ff. h. l. 39. ff. de acquir. poss.

Potestne sequester vendere aliquid ex rebus fidei suæ commissis?

Poterit, cum quid est, quod per moram fit deterius, vel bonus paterfamilias id venderet.

Quid, si bonorum, quibus jus patronatus adhæret, sequestratio sit facta, potestne interim id sequester conferre?

Affirmandum est, si differri negotium non possit, donec lis exitum habuerit. arg. d. l. 17. §. 1. ff. deposit.

Ex quibus causis autoritate judicis fit sequestratio?

Multæ sunt causæ, quas iudex ante examinabit accurate; ut, si periculum sit, ne partes ad arma procedant. arg. l. 13. §. 3. ff. de usufr. si metus sit dilapidationis. l. 22. §. 8. ff. solut. matrim. si caveri non possit, & persona sit suspecta, & res sit mobilis. l. 7. §. fin. ff. qui satisd. cog. vel ex causa incertitudinis litis. l. fin. C. quib. ad libert. procl. l. un. C. de assert. tollend.

Quomodo fiet sequestratio ad minimum partium detrimentum?

Præstat rem locari tertio, ut ex ea merces percipiantur. arg. d. l. 22. §. 8. ff. solut. matrim.

Potestne judicialis sequestratio per satisfactionem impediri?

Nulla modo, sed tollitur tantum decreto judicis. contrario, l. 14. ff. de rejud.

*Qua actione sequester conveniendus est in
voluntaria sequestratione?*

Depositi. l. 5. §. 1. ff. depos. & , si convenerit , ut
sequester certo loco exhiberet , ibi exhibebit : si nihil
convenerit , apud prætorem. d. l. 5. §. 1.

Quid, si sequester velit deponere officium?

Siquidem tempus comprehensum sit , vel simpliciter
res sit suscepta in sequestrationem , non poterit contra
legem depositionis , vel lite nondum finita , liberari , nisi
iustissima de causa. d. l. 5. §. 1. ut , si abfuturus sit , aut
simili. arg. l. 8. §. fin. & Ll. seqq. D. de procur. Cæ-
terum , finita lite , potest agere sequestraria , sive deposi-
ti contraria , ut , qui vicit , rem recipiat , ac quod sequestro
abest præstet.

*Debetne, cum permittitur sequestro deponere officium,
res restitui alterutri ex litigantibus,
qui prior venerit?*

Nequaquam : sed oportet rem arbitrato iudicis apud
alium sequestrari , sive apud ædem sacram deponi.
d. l. 5. §. 2.

P A N D E C T A R U M

L I B E R XVII.

Tit. 1. Mandati vel contra. Tit. 35. Lib. 4.

Cod. 27. Lib. 3. Inst.

Quid est mandatum?

Contractus consensu initus , de officio præstando al-
teri gratuito.

Qua sunt ejus substantialia?

Consensus. Factum sive negotium , Gratuito præ-
standum.

An est semper gratuitum?

Contractus hic admittit quidem honorarium , sed
non mercedem. l. 6. ff. h. junct. §. f. Inst. cod.

Quomodo distinguitur?

Varie ; contrahitur enim vel mandantis , vel mandan-
tis.

is & mandatarii, vel aliena tantum, vel mandantis & aliena, vel mandatarii & aliena causa. *pr. & §. seq. Inst. h. l. 2. pr. §. 1. & seqq. D. h.*

Quomodo aliena tantum, cum nemo alteri stipulari possit?

Non, ut ex mandato detur domino vel contra eum mandati actio, sed mandanti contra mandatarium, & vice versa.

An ergo nulla datur actio domino vel contra eum?

Datur, non mandati, sed negotiorum gestorum actio.

Potestne mandatarii tantum causa mandari?

Non potest: quia magis est consilium. Contrahitur vero tunc ex consilio obligatio, cum est fraudulentum. *l. 47. D. de Reg. Iur.* vel, si suggestum circa certam personam, cui mandatarius non credidisset, nisi inductus fuisset à mandante. *§. 6. Inst. h.*

Quid, si proxeneta intervenerit faciendi nominis causa?

Non tenebitur, tamen si laudet nomen; modo nominatim in se nihil receperit: quia monstrat magis nomen, quam mandat. *l. 2. ff. de proxenet.*

Quid, si quis commendaverit aliquem?

Non obligabitur mandati: quia ibi nulla est persuasio aut directa inductio. *l. 12. §. 12. ff. h.*

Quomodo aliter distinguitur?

Est vel generale, quod ad omnes causas pertinet; vel speciale, quod ad certam causam est datum. Fieri vero multa possunt per speciale, quæ non per quodvis generale; uti, si agatur de vendendo. *l. 63. ff. de procurat. de restitutione in integrum minorum. l. 25. §. 1. l. 26. 27. D. de minor. & similibus.*

Quomodo distinguitur generale?

Est vel simplex, vel cum libera. Simplex, cum simpliciter demandata est administratio omnium rerum. *d. l. 63. D. de procurat. junct. l. 60. eod.* Cum libera, cum ad omnia negotia quis mandatum habet, cum hac clausula, ut omnia possit agere ceu ipse Dominus liberrime. *l. 60. §. fin. D. h. l. 58. D. de procurat.* Qui cum libera habet mandatum, potest vendere, & omnia agere, ac si esset Dominus; modo nihil faciat contra bonam

bonam fidem, nec ea, quæ Dominus probabiliter non faceret. *d. l. 60. d. l. 58.*

Annon & aliter distinguitur mandatum?

Est aliud expressum, aliud tacitum. In expresso est expressus consensus: in tacito, præsumptus. De tacito est text. *l. 6. §. 2. l. 18. §. 3. D. h.*

Quid, si rati-habitis interveniat?

Comparabitur ea mandato, & ex ea agetur mandati. *l. 60. D. de Reg. Iur. l. fin. C. ad S. Consultum Macedon.*

Qui possunt mandare?

Qui contrahere possunt, etiam mulieres, nisi causam alienam tractent. *arg. d. l. 60. §. 1. D. h. etiam filii familias. l. 39. D. de Obl. & Act.* Nec tantum unus mandat, sed & plures. Potest etiam mandatarius administrationem rerum & negotiorum sibi demandatam alii mandare. *l. 8. §. 3. D. h. non litem ante ejus contestationem. d. l. 8. §. 3. l. 11. in fin. C. de procurat.*

Quibus potest mandari?

Quibuslibet, qui & obligari possunt, etiam filiis familias. *l. 12. §. 6. l. penult. D. h. etiam feminis, modo sit id mandatum, quod personis earum conveniat. litem enim alieno nomine exercere non possunt. l. 18. C. de procur.*

De quibus rebus mandatum valet?

De omnibus præsentibus & futuris, modo sint honestæ ac licitæ. *l. 6. §. 3. D. h.*

Estne ergo rei turpis mandatum plane inusile?

Inutile quidem est, qua mandati actio inter mandantem ac mandatarium spectatur. *cap. non est obligatorium. de Reg. Iur. in 6. unde, quod quis pœnæ nomine solvit, repeti nequit. l. 22. §. 6. ff. t. 7. Inst. h. verum, ad pœnam infligendam est obligatorium. d. §. 7. Inst. h.* Hinc mandans homicidium, pro homicida punitur, si homicidium sit secutum. *l. 15. §. 1. ff. ad L. Corn. de Sicar. l. 5. C. de Accus.*

Quid, si quis mandaverit vulnerari, & mandatarius occiderit?

Extra ordinem mandans puniendus est: quia licet causam præbuerit, dolo tamen, & proposito interficiendi caret, sine quo ordinarium supplicium non infligitur. *l. 1. §. 3. l. 7. 14. ff. ad L. Cornel. de Sicar.*

Possuntne

Possuntne & mandari actiones?

Possunt. qua in re hoc singulare est, quod redemptores litium non plus possint consequi, quam ipsi dederunt. *l. 23. C. h. de qua re supra tit. de procurator. licet etiam ex parte sit donatio facta. l. 23. C. h.*

Quomodo fit mandatum?

Solo consensu, vel pure, vel in diem, vel sub conditione. *§. 12. Inst. h.*

Quae actiones dantur ex hoc contractu?

Mandati directa & contraria: illa mandanti, cum sine justa causa mandatarius non implet mandatum, vel, quod coeptum est, non exsequitur. *l. 5. Cod. h. vel, cum quid perperam per dolum & culpam gessit. l. 9. 11. 12. C. h.*

Quae culpa prestanda est?

Omnis, etiam levissima. *l. 13. l. 21. C. h. non vero casus fortuitus, nisi ad eum sese mandatarius obligaverit, vel mora praecesserit. d. l. 13. l. 26. §. 7. ff. h. Sed temperamento aliquo circa culpam est opus.*

Quod est illud?

In ipso facto, quod mandatum est, exactissima diligentia est adhibenda. *d. l. 23. & 21. Non vero in custodia rei, vel aliis, quae factum tantum comitantur. l. 8. §. fin. l. 10. ff. h.*

An etiam prestanda sunt usurae?

Sunt, quatenus in mora est mandatarius. *l. 19. C. h. Quod si vero absque mora habuerit pecuniam domi otiosam, siquidem Dominus foenori exponere soleat, tenetur ad usuras: contra, si id non sit solitus. l. 13. §. 1. ff. de usur.*

Cui datur contraria?

Mandatario contra mandantem competens, ad hoc, ut mandans ratum habeat quod gestum est; solvat impensas. *l. 2. 4. C. h. una cum usuris. l. 1. C. h. non tantum post moram. l. 18. C. h. sed & ante, siquidem pecuniam, quam impendit, vel ab alio sub usuris sumpsit, vel ab eo, qui ipsi eam sub usuris debebat, exegit. l. 12. §. 2. ff. h. licet etiam ex voto negotium non successerit; denique, ut liberetur mandatarius ab obligatione, quam ex mandato contraxit, & consequatur, quidquid ipsi praeterea nomine negotii gesti abest.*

Quid

Quid statuendum de damno, quod mandatarius ex casu fortuito passus est?

Id imputabitur mandatario. *l. 26. §. 6. ff. h. nisi id damnum non fuisset passus, si mandatum non intervenisset. arg. l. 61. §. 5. ff. de furt. junct. l. 52. §. 4. ff. pro soc.*

Quid, si mandatarius excesserit fines mandati?

Non in totum ei peribit actio, sed eam instituet usque ad limites mandati. *§. 8. Inst. h.* Ita, qui ad certam summam rogatus est fidejubere, tantum ad summam, ad quam rogatus est, mandati aget. *l. rogasti 33. ff. h.*

Potestne fidejussor liberari, antequam solverit, à fidejussione?

Potest certis casibus; ut, si condemnatus sit; si debitor sua dilapidare inceperit; si reus diu cessaverit in solutione. *l. 10. C. l. 38. §. 1. ff. h. maxime urgente creditore. c. 1. x. de fidejuss.*

Quando diu in solutione cessasse dicitur debitor?

Non id ex biennio, secundum *l. 56. ff. locat.* non ex longo tempore æstimandum. *arg. pr. Inst. de usucap.* sed pro rei qualitate id tempus arbitrio judicis relinquendum. *arg. l. 1. in fin. ff. de Iur. delib.*

Quando contraria mandati est instituenda?

Finito negotio: quia, qui acturus est, à sua parte debuit ante satisfacere. *arg. l. 13. §. 8. ff. de act. emt.*

Quibus modis solvitur mandatum?

1. Morte mandantis, re integra. *l. 15. C. h. nisi mandatarius, ignorans mortem mandantis, vel, nesciens reluctari hæredes, executus sit mandatum. §. 10. Inst. l. 58. pr. ff. h. vel mandatum sit id, quod post mortem debebat expediri. l. 12. §. t. l. 13. ff. h. quod facit ad piam causam ac concordiam. c. ex ius. vers. in eo. de Verb. signif. aut ad dotis commodum. l. 9. §. 1. ff. de Iur. dot.* 2. Morte mandatarii. 3. Revocatione vel renunciatione re integra. *§. 9. 11. Inst. h. aut re non integra, ob justam causam. l. 17. & seqq. ff. de procurat. l. 22. §. fin. & Ll. seqq. ff. h. quam judex examinabit.* 4. Contraria utriusque voluntate. *§. fin. Inst. quib. mod. solv. oblig.* 5. Cum finis negotio est impositus.

Tit. 36. Lib. 4. Cod. Si servus extero se mandaverit.

Quid, si servus extero se emi mandavit?

Non datur actio mandati: quia servus pro mortuo est, & se Domino subtrahere non potest. *l. unic. C. h.*

Tit. 2. Pro Socio. Tit. 37. Lib. 4. C. &
Tit. 26. Inst. Lib. 3.

Quid est societas?

Contractus, consensu initus, de rebus lucrisque aut damnis ex iis communiter habendis.

Quomodo distinguitur?

Est vel universalis, vel particularis. Universalis multos habet gradus. 1. Cum omnium bonorum, & acquirendorum & erogandorum, est communio. In hanc veniunt quælibet hæreditates, omnis quæstus, & imputatur quicquid in dotem vel honorem liberorum honesta ex causa præstatur. *l. 73. pr. & §. 1. l. 81. D. h.* 2. Cum communiter habentur omnia bona, quæ ulla ex causa obvenire possunt, sine mentione erogandorum. In hanc veniunt hæreditates & quæstus. *l. 3. §. 1. ff. h.* 3. Cum societas simpliciter initur sine ulla distinctione. In hanc veniunt, quæ ex quæstu sunt, & ex operacujusque descendunt. *l. 7. 8. ff. h.* Non hæreditas, non legata, non donationes, non æs alienum, nisi, quod ex quæstu est. *l. 9. & seqq. ff. h.* Particularis est, vel negotiationis alicujus; uti emptionum. In quam venit omnis quæstus ex emptionibus. Vel certæ causæ, quæ evenire possit; uti, si quæ justa hæreditas obveniat. In hanc venit tantum hæreditas ab intestato. *d. l. 3. §. 2.* Vel certæ alicujus rei, sive speciei. In hanc venit quicquid ex ulla re vel specie provenit.

Qui possunt esse socii?

Omnes, qui se aliis, & alios sibi obligare possunt.

Quarum rerum est societas?

Non tantum specierum, sed & quantitarum, & factorum, à quibus omnis turpitudine abest. Maleficiorum,

ram, & rerum inhonestarum nulla est societas. l. 57.
D. b. junct. l. 52. §. 17. l. 53. D. b.

Quomodo initur societas?

Varie. 1. Universaliter, vel singulariter, ut dictum
est. 2. In perpetuum, hoc est, dum vivant, vel ex tem-
pore, vel sub conditione. l. 1. D. h. 3. Ut unus vel om-
nes pecuniam, alii operam conferant. §. 1. Inst. h. 4. Con-
sensu, aut expresso per verba, per literas: aut tacito, re-
bus in commune illatis, citra conventionem. lib. 4.
D. h. 5. Partibus lucris ac damni expressis aut non. §. 1.
Inst. h.

Si unus operam, alter pecuniam conferat, cujus periculo pecunia amittitur?

Et si quidem domino pecunia pereat. *l. 9. C. de pignoratit. act.* tamen, quia perit constante societate, commune erit damnum. *l. 5 2. §. 4. D. h.* quod ita admittendum est, ut etiam habeatur ratio operæ, cujus commodum per interitum rei est ablatum.

Ad quem pertinebit pecunia ab uno collata, si solvatur societas?

Ad eum, qui contulit. nam non conferrur, ut soluta societate communis sit ; sed ut per eam negotiatio ad commune lucrum possit exerceri. §. 2. *Inst. h.*

Quae partes in luctu vel damno sunt servandae?

Si nihil dictum sit, æquales. §. 1. *Inst. h. sc. pro modo collationis pecuniæ vel operæ. arg. d. §. 1. junct. l. 29. pr. D. h.*

*De quibus partibus lucri vel damni valet
conventio ?*

Non distinguitur, licet unus plus quam alter conferrat. *d. l. 29. pr.* modo non convenerit, ut unus omnem damnum, alter omnem lucrum sentiat. est enim ea leonina conventio. *d. l. 29. §. 2.*

Quid, si portio sit in lucro expressa?

Eadem in damno servanda, & vice versa. §. 3. *Inst. b.*
Est enim secundum naturam, ut æqualiter commoda
& incommoda ejusdem rei habeantur. l. 10. D. de
R. I.

*Valetne pæctio, ut alia lucri, quam damni feratur
portio?*

Siquidem ea sic facta, quoniam lucrum non intelli-
gitur

gitur nisi omni damno deducto, nec damnum nisi lucro subducto, erit ejus hæc efficacia, non ut in omni lucro vel damno, sed in eo lucro, quod deducto damno, vel in damno, quod deducto lucro, residuum est, portio secundum modum conventionis feratur. *l. 30. D. h.*

Quid, si convenerit, ut, sorte sibi salva reservata, socius tantum lucri partem habeat?

Nulla ratio id prohibet, & hæc pactio nihil iniquitatis habet. *arg. l. 29. pr. & §. 2. D. h. junct. l. 1. §. 7. D. deposit.*

Teneturne socius reddere socio quandocunque voluerit rationes?

Sic videtur. *l. 9. D. de edend. arg. l. 3. §. 2. D. de administr. tutor.*

Potestne major sociorum pars invitis aliis aliquid agere?

Nullo modo, si quid sit insolitum. *l. 28. D. comm. divid.* Cæterum, si prohibentis non interfit, potest major pars ad auctoritatem judicis appellare. *arg. l. 38. D. de eviction.*

Quibus modis solvitur societas?

1. Dissensu mutuo. *l. 5. C. h.* 2. Morte, etiam unius ex sociis. *l. 65. §. 9. D. h.* nisi in societate coëunda convenerit, ut inter superstites societas maneat. *d. §. 9.* 3. Maxima & media capitis diminutione. *l. 63. §. fin. D. h.* 4. Interitu rei, vel cum in totum periit, vel cum conditio ejus est mutata; ut, si publicata, consecrata. *d. §. fin.* Ita per universalem bonorum publicationem unius ex sociis, solvitur. *§. 6. h.* 5. Cessione bonorum. *§. 8. Inst. h.* nisi postmodum aliter convenerit. *d. §. 8.* 6. Renunciatione etiam unius, sive expressa sive tacita. *d. l. 63. §. fin. l. 64. 65. pr. §. 3. & seqq. ff. h.* quia nemo cogitur invitus manere in communione. Debet vero renunciatio fieri sine fraude & tempestive. Is enim, qui intempestive renunciavit, cogitur id, quod lucratur per calliditatem (non aliud lucrum, circa quod non est maligne versatus) communicare, & præterea amittit lucra, quæ interim ad socios pervenerunt. *§. 4. Inst. h.*

Succeditne hæres in societate ?

Nulla modo. *d. l. 65. §. 9.* nec valet conventio ab initio, ut hæres succedat, nisi sit societas vectigalium. *l. 59. 63. §. 8. ff. h. vel alia similis urgens causa; vel nisi agatur de rationibus reddendis.*

Quid, si socius decoquat bona sua; an & per hoc societas tollitur?

Non ipso jure, nisi sequatur cessio bonorum. quo casu præstat, ut, quorum interest, renuncient societati: vel nisi sit ad egestatem plane perductus. *l. 4. §. 1. in fin. ff. h.*

Quæ actio est ex societate?

Utrunque directa. §. 2. *Inst. de pœnis temer. litig.* qua agitur utrinque de eo, quod alter alteri ex natura contractus vel ex pacto præstare debet.

Quæ culpa præstanda est?

Tantum levis. quæ in hoc contractu est ommissio diligentiae quam quis suis rebus adhibet. §. *fin. Inst. h.*

P A N D E C T A R U M

L I B E R X V I I I.

Tit. 1. De contrahenda emptione. Tit. 38.

Lib. 4. Cod. 24. Lib. 3. Inst.

Quid est emptio, venditio?

Contractus, consensu initus, de re, certo precio transferenda. *pr. Inst. h.*

Quæ sunt ejus substantialia?

Consensus, pretium, & merx. Nec unquam ex natura contractus, vel verba, vel literæ præcise desiderantur.

Quomodo explicandum est principium Inst. h.?

Non, quod scriptura præcise requiratur, vel etiam arrhæ; verum, si convenerit, ut in scriptis fiat emptio, non absolute ea videatur esse perfecta, nisi omnia in mundum sint redacta, & subscriptiones accesserint. Licet enim antepœnitere, & si arrhæ sint datae, illæ, amittun-

amittuntur ab eo, qui eas dedit, vel duplicata restitui debent ab eo, qui eas accepit, si eum poenituerit. Ita eum locum exponendum esse indicat l. 17. C. de fide instr. ex qua desumptus est.

l. 6. C. de
repon. l. 2.

Quid, si quis erraverit?

Siquidem in corpore, siue materia error vel dissensus intervenerit, nulla erit venditio: secus, si in qualitate extrinseca. l. 9. pr. & §. 1. §. 2. l. 14. D. h.

Videtur ob stare l. 1. §. fin. de pig. act. l. 22. D. de

V. O. ubi & in materia error non vitiat gestum.

Separanda est in hac causa emptio à pignore & stipulatione: quia interest creditoris pigneratitii & stipulatoris aliquid potius esse in obligatione, quam nihil: cum emptoris, qui pretium rei æquivalens præstare tenetur, magis intersit obligationem dissolvi in reviliiori.

Quid, si inauratum pro aureo sit venditum?

Valeat venditio: cum vero æs pro auro venit. l. 14. D. h. aut mensa argento cooperta, pro solida imprudenti venditur. l. 41. §. 1. D. h. emptio venditio nullius momenti est.

Qualis ignorantia in talibus excusat?

Quæ non sit supina. l. 15. §. 1. l. 43. §. 1. D. h.

Quæ sunt qualitates precii?

Debet precium consistere in pecunia numerata. §. 2. Inst. h. nam alias est permutatio. d. §. 2. & esse certum. §. 1. Inst. h.

Quid, si definitio precii collata sit in arbitrium tertii?

Potest id fieri; verum, si tertius noluerit vel non potuerit definire, conventio concidit. §. 1. Inst. h. l. ult. C. h.

Quid, si is iniquum dixerit precium?

Redigetur per arbitrium viri boni ad æquabilitatem. l. 76. & seqq. ff. pro soc. nec enim aliter partes contulisse in arbitrium alterius precii definitionem præsumuntur, quam, ut æquum statueret. nec necesse est deceptionem esse factam ultra dimidium, ut huic boni viri arbitrio sit locus.

De Commerciis & Mercatoribus. Tit. 63.
Lib. 4. Cod.

Licetne omnibus & cum omnibus commercia habere, & venditiones instituere?

Permissum est omnibus, modo non prohibeantur. Sic cum hoste extra loca statuta, vel intra fines imperii sine Comite mercatorum non licet. *l. 4. & fin. C. h.* Deinde nobiles, ditiores, & potentiores non possunt exercere commercia; non, quia est indecens, sed quia perniciosæ negotiationes & monopolia ab iis, propter potentiam & divitias, exercentur.

Rem alienam gerentibus non interdici rerum suarum alienatione. Tit. 53.

Lib. 4. Cod.

Licetne illis, qui res alienas administrant, & quorum res tacite vel expresse alius sunt obligata, res suas alienare?

Omnino id permissum est, imo & oppignerare, at sine præjudicio ejus, cui jus quæsitum est. *l. unic. C. h.*

Si quis alteri, vel sibi sub alterius nomine vel aliena pecunia quid emerit.

Tit. 50. Lib. 4. Cod.

Quid, si quis alteri rem emerit?

Nullius momenti est hæc emptio. non enim actio acquiritur alteri, quia alteri sine mandato emere nemo potest. *l. 73. in fin. ff. de R. I.* non sibi, quia sibi noluit emere. *l. 6. C. h.*

Nullus ergo hujus rei effectus?

Siquidem venditor rem tradiderit alterutri, & is acceperit, is, cui res tradita est, fiet dominus. *l. 3. d. l. 6. in fin. C. h.* confirmata in ejus persona emptione.

Quid, si nuncius nostro nomine quid emerit?

Videmur ipsimet emisisse; quia nuncius noster se habet ad instar epistolæ nostræ. *l. ult. C. h.*

Quid,

Quid, si Procurator nostro nomine quid emerit?

Siquidem in nostra sit potestate, actio ex empto directo nobis acquisita est: si vero sui juris fuerit, non aliter agere jure stricto possumus, quam mandata ab eo nobis actione. *l. 7. C. h.*

Quid, si pater filio, quem habet in potestate, quid emerit?

Dominium erit filii ex illa emptione, cum ipsi, licet emancipato, possessio est tradita. *l. 2. C. h.*

Quid, si quis sibi sua pecunia, sed alterius nomine emerit?

Licet in instrumento alterius nomen sit scriptum, tamen rei gestæ quam scripturæ potior est ratio; ideoque sibi actionem empti, & per traditionem jus possessionis vel proprietatis acquirit. *l. 4. §. 6. C. h. junct. l. 1. C. plus valere.*

Quid, si quis sibi & tertio emerit?

Contractus in personam eementis consistit in solidum. *l. 64. D. de contrab. empt.* sive res divisionem recipiat, sive non; id enim videtur esse actum, ut tota res transferatur: nam, si in parte tantum venditio constaret, cogeretur venditor invitus esse in communione; quod non admittitur. *l. 26. §. si centum. 4. D. de condit. indeb.*

Quid, si quis emerit sibi pecunia aliena?

Erit (nisi miles, pupillus, vel similis, fuerit, cui speciale privilegium est datum, ut res, pecunia ejus emptæ sit ejus,) eementis. *l. 1. C. h. l. 6. C. de rei vindic.* atque adeo, qui communi pecunia sibi fundum comparavit, non tenetur eum communicare socio, nisi sit omnium bonorum. *l. 4. C. comm. utr. judic.* verum pecuniam restituet. *d. l. 1. & d. l. 4.*

Quid, si Procurator suo nomine emerit, quod Dominus mandaverat sibi emi?

Domino mandanti non dabitur vindicatio, nec actio ad restituendum; sed tantum mandati, quanti sua interest. *arg. l. 8. §. 6. & fin. D. mandat.*

De Pactis inter emptorem & venditorem
compositis. Tit. 54. Lib. 4. Cod.

Quibus pactis potest fieri venditio?

Omnibus, modo honesta sint. Inter alia vero maxime eminent, de retrovendendo, de additione in diem, & commissoria.

Quod est pactum de redimendo?

Quo venditor sibi reservat jus eam rem redimendi, vel simpliciter omni tempore, quo voluerit, vel intra certum tempus. l. 2. C. h.

Daturne & actio heredibus venditoris, si nihil de eis sit dictum?

Non est dubitandum: quia in contractibus non tantum nobis, sed & heredibus nostris cavemus. l. 13. C. de cont. & comm. stip. l. 9. D. de probat.

Quid, si unus ex heredibus, si plures sint, redimere velit?

Non permittendum est ei simpliciter totam redimere. arg. l. 1. §. 1. ff. si pars hered. verum, erit in potestate emptoris, utrum totam an partem hereditariam velit redimi. Eodem modo, si unus ex venditoribus pluribus redimere velit, ne emptor invitus in communionem incidat, contra d. l. 26. §. 4. ff. de condict. indeb. consequetur vel rem totam, vel partem, prout emptor restituere voluerit, siquidem simul vendiderint; secus, si separatim quisque suam portionem: nam eo casu singuli suas portiones possunt redimere.

Potestne & hoc jus cedi tertio?

Non est dubitandum; quia non est personæ annexum, sed est commodum ex contractu, quod in alios transire potest.

Qua actio dabitur ad redimendum?

potest in rem
et in rem Non proprie præscriptis verbis, ut quidam colligunt ex l. 2. C. h. sed ex vendito. l. 4. pr. ff. de l. commiss. si id pactum sit adjectum in continenti, & tantum ad contractum consummandum agatur: alias, cum dicit actor se dedisse ea lege, ut oblato precio sibi restitueretur, potest locum habere actio præscriptis verbis. d. l. 2.

Contra quem datur ?

Quia ex contractu est, tantum contra emptorem vel ejus heredem, non contra tertium possessorem. *arg. §. 1. Inst. de act. l. ult. §. ult. ff. de contr. empt. nisi venditor sibi vel expresse, vel tacite reservaverit dominium.*

Quid ergo præstandum est, si res sit alienata ?

Id quod interest. *l. 1. 12. ff. de act. empt.*

Quid à sua parte facere debet venditor, cum redimere vult ?

Debet offerre precium totum, & si id non recipiat emptor, obsignatum deponere vel conventum, vel, si de eo non convenerit, quod justum est tempore retractus. Partis oblatio non sufficit. *arg. l. 13. §. 8. ff. de act. empt.*

Cum pretium oblatum ac depositum est, annon ipso jure redit dominium ad venditorem ?

Nequaquam, nisi sibi reservaverit cum venderet: est enim opus nova traditione, quia tantum datur venditori actio personalis. *d. l. 2. C. h.*

Suntne fructus restituendi ?

Non, quos ante oblationem & moram emptor percepit; sed quos post. *arg. l. 5. C. de action. empt. junct. d. l. 2. & 5. C. h.*

Quomodo fructus ultimi anni sunt dividendi ?

Est æquius, ut pro rata temporis fiat divisio, ne in potestate venditoris sit nimis magno detrimento afficere emptorem. Nec obstat *l. 13. §. 10. ff. de act. empt.* quia ea agit de simplici venditione, non ea, quæ fit ex retractu.

Quid, si nullum tempus sit adjectum ?

Præstat tueri, actionem præscribi 30 annis, uti solent omnes personales. *l. 3. C. de præscrip. 30. vel 40.* Non enim retractus absolute in facto est positus, sed ex contractu jure dependet.

Annon præter hunc retractum & alie sunt retractus species ?

Sunt. Est retractus alius non conventionalis, qui dicitur gentilitius, qui est jure sanguinis.

Quibus consanguineis datur hoc jus ?

Propinquioribus, si velint, ve etiam remotioribus, si pro-

si propinquiore nolint. Iis autem consanguineis datur qui non repræsentant vere venditorem. eo modo hæres non potest retrahere. *arg. l. 14. C. de rei vindic. Cum à matre domum.*

Ob quas res datur hic retractus ?

Ob res immobiles, quibus etiam annumerantur perpetui redditus, & similes.

Quomodo & quamdiu retrahere licet ?

Retracturus totum, uti dictum est, offerre debet pretium, quod revera est solutum, & si dubitet de veritate, potest deferre juramentum. In tempore vero sequi oportet modum in statutis præscriptum.

Suntne alia causa, ex quibus datur retractus ?

Sunt variæ. 1. Ex jure societatis. 2. Ex jure confinii.

Potestne jus retrahendi ex jure sanguinis, societatis, confinii, vel debiti, tertio cedi ?

Nulla modo: quia id omne est inhærens personæ, vel singulari isti rei, à qua transire non potest.

Tit. 2. De in diem additione.

Quod est pactum additionis in diem ?

Quo agitur, ut constet emptio sub conditione; si melior conditio non offeratur intra certum tempus; vel discedatur ab emptione pura, siquidem quid amplius ab alio offeratur. *l. 1. & 2. D. h. Ex quo intelligere est, quod per hoc pactum vel conditionaliter emptio ineatur, vel ab emptione pura sub conditione recedatur. Dd. Ll.*

Quæ est differentia, utrum pure, an conditionaliter sit hoc pacto facta venditio ?

Si pure, transit interim absolute dominium una cum fructibus, quamdiu nullus meliorem conditionem offert, vel, si falsus existit, qui offert. *l. 2. §. 1. l. 4. §. 4. l. 6. pr. adeo ut & omne periculum emptor præstet. d. l. 2. §. 1. Si conditionaliter, nec dominium, nec facultas usucapiendi, nec fructus transeunt. l. 4. pr. ff. h.*

Debetne ergo hic emptor interim lucrari fructus allata meliori conditione ?

Nulla modo: sed eos restituet venditori, qui rursus refundet quod ei abest. *l. 16. d. l. 6. ff. h. junct. l. 21. 23. §. 1. & 8. ff. de adil. edict.*

Quand

Quando melior conditio offertur?

Si pretio sit quid additum, vel id magis idoneo loco aut priori tempore promissum, vel aliud præstandum est, quod ad utilitatem venditoris pertinet. d. l. 4. §. fin. l. 5. ff. h.

Debetne venditor emptori denunciare conditionem meliorem sibi oblatam?

Debet, nisi aliter convenerit: & poterit emptor de novo addere, ut vel licitatione superet, vel superetur. d. l. 6. §. 1. l. 7 l. 8. ff. h.

Quid, si venditor noluerit meliorem conditionem admittere?

Potest id facere suo jure, nisi aliud actum. l. 9. ff. h.

Quid, si venditor simulaverit meliorem allatam conditionem, cum alii vel minori, vel pretio eodem venderet?

Est utrique emptori fraudis non conscio in solidum obligatus. l. 14. ff. h.

Quid, si emptor, antequam conditio melior offeratur, pignori rem dederit?

Definit res esse pignori, ubi melior conditio sit oblata. l. 4. §. 3. ff. h. l. 31. ff. de pign. l. 3. ff. quib. mod. pig. sol. resolutio enim jure dantis, resolvitur & jus accipientis. d. l. 31.

Tit. 3. De Lege commissoria.

Quid est lex commissoria?

Est pactum, quo convenit, ut, si ad certum diem non solvatur pretium, res sit inempta. l. 2. ff. h.

Habetne venditor electionem, utrum pretium petere an exercere commissoriam legem velit?

Habet. l. 3. ff. h. si autem semel elegerit, postea variare non potest. l. 4. §. 2. ff. h. & si pretium vel usuras petat, legi commissoriae renunciassè videtur. l. 6. in fin. l. 7. ff. h.

Debetne emptor prius interpellari?

Non est necesse; debet enim offerre, modo sit, cui possit offerre. d. l. 4. §. fin. ff. h.

Quid Iuris in fructibus?

Eos interim emptor sibi suo jure percipiet: lege vero

N

commissoria

commiffa reftituendi funt venditori, quia nihil penes eum refidere oportet. *l. 5. ff. h.* Quod verum eft, fi hoc actum fit, ut pretium folutum non amittat: fi quidem enim perdat pretium, emptor lucrabitur fructus. *l. 4. §. 1. ff. h.*

Habetne hac lex in omnibus contractibus locum?

Valet quidem in emptione, fed non in pignoribus. *l. fin. C. de pact. pig.*

De Monopoliis, & Conventu negotiatorum illicito, vel artificio ergo laborum, nec non Balneatorum prohibitis, & pacti-
bus illicitis. Tit. 59. Lib. 4. Cod.

Suntne nonnulla pacta in emptionibus plane prohibita?

Sunt plurima, quorum nonnulla hoc titulo recensentur. Primum eft, quo pauci conspirant, ut foli omnia coëmant, aliosque in fuis commerciis impedian-
t, & non, nifi, certo eoque magno pretio, inter certum tem-
pus vendant. Hi rei funt monopolii, & graviter puniun-
tur. *l. unic. C. h.* Secundum eft, quo architecti & ope-
rum redemptores pacifcuntur, ne opus, ab alio inchoa-
tum, alter abfolvat. *d. l. unic. h.* Ad hæc accedit pa-
ctum, ex *Nov. 122. c. 1.* illicitum, quo mercatores &
artifices inter fe agunt, ut plus nomine pretii vel mer-
cedis exigant, quam confuetudo vel mos permittit.

Quæ res venire non poffunt, & qui ven-
dere vel emere vetantur. Tit. 40.

Lib. 4. Cod.

Poffuntne omnes res emi, vendi?

Aliquæ nullo modo poffunt, uti funt sacræ, religio-
fæ, sanctæ; quia non funt in commercio. *l. 83. §. 5. D. de V. O. litigiosæ. l. 1 §. 1. D. de litigios.* aliquæ non
nifi cum certo modo, fic frumenta tantum loco ordi-
nario. *l. 3. C. h. feudum fine confensu Domini. cap. unic. de prohib. fæd. alien. per Freder. jus emphyteuti-
cum in fcio Domino. l. 3. C. de jur. Emphyt. res pu-
pillo-*

pillorum, minorum, & aliorum, qui sub curatoribus sunt, sine decreto judicis *l. 22. C. de administ. tutor. l. 11. D. de reb. eor. vendi nequeunt.*

Tit. 4. De Hæreditate vel actione vendita.

Tit. 39. Lib. 4. Cod.

Possuntne res incorporeales vendi?

Posſunt, ſive ſint hæreditates, ſive ſervitutes, ſive
actiones.

Quid desideratur, ut hereditas recte sit vendita?

Desideratur, ut hæreditas sit. l. 7. D. hoc est, defun-
ctus sit is, de cujus hæreditate agitur. l. 1. D. h.

Qua transeunt in emptorem?

Omne jus, quod in bona defuncti venditor habuit, nihil amplius, nihil minus. *l. 1. §. 18. D. h.* adeoque transeunt actiones hæreditariæ adversus debitores. *l. 5. C. h.* & tenetur venditor, nisi dolosa persuasione inductus ad vendendum viliori vendiderit. *l. 4. C. h. l. 9. D. de dol.* non tantum corpora hæreditaria tradere, sed & actiones omnes cedere. *d. l. 2. §. 8.* Etiam, si venditor fidejussorem ab hæreditario debitore acceperit, vel novationem instituerit, hæc jura cedere compellendus est. *d. l. 2. §. 8.*

*Potestne & emptor suo nomine sine cessione movere
actiones contra debitores defuncti?*

Potest, non quidem directas, sed utiles. l. 5. C. h.

Debetne necessario emptor à creditoribus hereditariis conveniri?

Nullo modo, licet convenerit inter venditorem & emptorem, ut emptor solveret. *l. 2. C. h.* nisi fiscus sit venditor. *l. 1. C. h.* Recipere autem potest, si velit actiones emptor, & si susceperit, non possunt creditores de novo venditorem convenire. *l. 2. C. de pact.* quia videtur tacitum pactum intervenisse de venditore non conveniendo. *d. l. 2.*

Transitne in emptorem hereditatis jus accrescendi?

Nequaquam : quia id jus non simpliciter competit
 portioni, sed personæ, quæ, & quia adiit. l. 33. in fin. *de leg. 1. ff. de usufr.* nisi actum fuerit de omni, quod pervenit
 & perventurum est. l. 19. ff. de inof. test. Non obstat, *acquit. §. de*

quod aliquando ei, qui rem non habet, dicatur non esse jus accrescendi. l. 83. ff. de acq. her. quia aliud est restituere hæreditatem ex voluntate testatoris, uti in d. l. 83. aliud vero vendere, & ex venditione eandem tradere.

Teneturne venditor de Evictione?

Siquidem res aliqua singulares sint evictæ, non tenetur. l. 1. C. de evict. l. 2. ff. h. secus si de tota hæreditate evicta agatur.

Quæ actiones possunt vendi?

Et reales & personales, modo res non sint factæ litigiosæ. l. 2. C. de litigios.

Tantumne volente debitore nomen potest vendi?

Et volente & ignorante & invito debitore. l. 3. C. h. l. 1. C. de novat.

Quid debes prestare venditor nominis?

Prestare debet, eum, contra quem cedit actionem, esse debitorem, licet non sit solvendo. l. 4. ff. h.

Quid, si quis ignoraverit debitorem non esse satis locupletem?

Non facile succurreretur; nisi iustissimam causam error habeat. l. 8. l. 9. ff. de jur. & fact. ignorant. l. 22. §. 2. ff. solut. matrim.

De communium rerum alienatione.

Tit. 52. Lib. 4. Cod.

Potestne & res communis vendi?

Potest, pro parte, quæ venditori competit, licet res sit indivisa, & socius sit miles. l. 3. 4. C. h. Et si tota res sit vendita, socio non præjudicatur, quo minus portionem suam non ab emptore usucaptam vindicare possit. l. 1. C. h. Cum vero emptor, à quo evincitur, ignoravit, datur ei evictionis nomine actio in id quod interest, licet nihil de evictione sit dictum, & instrumentum nullum intercesserit.

Quid, si unus ex sociis rem, quam nondum in societatem intulit, totam vendiderit?

Acquiretur emptori. arg. l. 16. D. de reb. cred. vetum alteri socio actione pro socio, nomine ejus quod interest, consulatur.

Licetne

Licetne aliquibus casibus res communes in totum vendere?

Datum hoc est fisco, ita ut socii cogantur agere ad pretium. *l. 2. C. h. l. unic. C. de vend. rer. fiscal.* Etiam res venales, vel cum necessitas aut utilitas exigit, res alias potest unus vendere. *arg. l. 25. §. 15. fam. Ercisc.*

De rebus alienis non alienandis, & de prohibita rerum alienatione vel hypotheca.

Tit. 51. Lib. 4. Cod.

Potestne & res aliena vendi?

Non in præjudicium domini: sive sit maritus. *l. 2. C. h.* sive mater, sive pater. *l. 4. §. C. h.* Semper enim dominus vindicare res suas potest. *l. 6. C. h.* nisi bona fide possessor eas usuceperit. *l. 2. §. C. h.* Cum sunt usucaptæ, datur domino actio ad pretium. *l. 1. C. h.*

Quomodo ergo dicitur l. 28. D. de contrah. empt. quod res aliena possit vendi?

Id accipiendum est, qua venditor obligatus est ad vendendum, & emptor usucapere possit, si res non sit facta furtiva. *§. furt. Inst. de usucap.*

Quid, si quis sciens alienam rem emerit & ab ipso evincatur?

Siquidem de ea re, ut aliena, sit actum, emptor nullam habet actionem ad id quod interest vel ad pretium. *l. 27. C. de evict. l. fin. C. de comm. rer. alienat.* Verum æquitas ex *l. 14. 33. D. de condiç. indeb.* admittit repetitionem pretii, cum de re illa, ceu aliena non actum, licet emptor sciverit vendentem non esse Dominum.

Quid comprehenditur prohibitione alienationis?

Non solum Dominii alienatio sed & ususfructus datio, nexus pignoris, constitutio servitutis, vel Emphyteuseos. *l. fin. C. h.*

Qui possunt prohibere?

Fit prohibitio: 1. Per legem: uti in fundo dotali inæstimato; in rebus, quæ servando servari possunt eorum, qui sub curatoribus sunt; in donatione inter virum & uxorem. 2. Per judicem sive magistratum, ut si prodigo interdicator bonis. 3. Per ultimam voluntatem,

uti in fideicommissis. 4. Per conventionem, ut cum convenit, ne res alienetur. *l. fin. C. de pact. int. emt. & vend. comp.*

Quis est effectus prohibitionis?

Si per legem, judicem, aut testatorem sit facta, domini translatio in totum impeditur: si per pactum, non quidem impeditur translatio domini, sed datur (nisi ius domini paciscens expresse vel tacite sibi in eum casum reservaverit) persecutio ejus, quod interest. *l. 26. ff. de contrah. empt. l. 114. §. 14. ff. de legat. 1. l. 20. 21. 24. §. 21. ff. de fideicomm. libertat.* quia pactum non ita immediate rem afficit. *arg. l. 3. ff. de Act. & Obl. ut mandatum judicis, testatoris, vel praeceptum legis.*

Quid, si pactum intervenerit inter emptorem & venditorem, ut alienatio ipso jure sit irrita, & dominium redeat ad autorem, facta alienatione?

Valebit pactum. *arg. l. fin. C. de pact. junct. l. 48. ff. eod. & per alienationem dominium non transferetur.*

De Eunuchis. Tit. 42. Lib. 4. Cod.

Quid juris in Eunuchis vendendis?

Et si prohibitum, ne Eunuchi fiant. *l. 4. §. 2. ff. ad L. Corn. de sicar.* tamen permixtum fuit barbaræ gentis Eunuchos extra loca imperio subdita exsectos ubique distrahi. *l. 2. C. h.*

De patribus, qui filios suos distraxerunt.

Tit. 43. Lib. 4. Cod.

Licetne parentibus vendere suos filios?

Ne quidem jure civili patribus, licet filios habeant in potestate, nisi filii recens nati ob extremam egestatem vendantur. Et venditio hunc habet effectum, ut, si pater, filii ipsi aut alii extranei offerant pecuniam vel aliud mancipium, filii venditi restituantur ingenuitati. *l. 2. C. h.*

Quando

Quando liceat ab emptione recedere.

Tit. 45. Lib. 4. Cod.

Licetne ab emptione recedere?

Licet utriusque contrahentium voluntate : modo res sit integra : quamvis fidejussor intervenerit. *l. 3. ff. h. vel arrha. l. 3. C. h.* non autem post traditionem ; non post numerationem precii, nisi fiat redhibitio omnium. *l. 1. C. h.*

De rescindenda venditione, & quando licet ab emptione discedere. Tit. 44.

Lib. 4. Cod.

Potestne quis ex contrahentibus, ex pœnitentia ad rescissionem agere altero invito?

Non. *l. 80. ff. solut. ne quidem fiscus. l. 3. C. h. vel miles. l. 7. C. h.* licet denunciaverit emptori, ne emerret. *l. 13. C. h.* licet duplum pretii offerat. *l. 6. C. h.* licet ab una parte non impleatur contractus, vel observetur conditio. *l. 14. C. h.* licet & pretium sit inæquale. *l. 4. C. h.*

An ergo nullus est casus quo fit rescissio?

Datur ex variis causis. 1. Ob dolum qui in contractum incidit. *l. 5. 10. C. h.* 2. Ob metum justum. *l. 1. 8. C. h.* 3. Ob deceptionem ultra dimidium, siue emptor, siue venditor deceptus fuerit. *l. 2. C. h. cap. 6. extr. de empt.* cujus ratio est in humanitate : quia æquum est, ne quis locupletetur cum alterius jactura, & in tam enormi læsione circa precium videtur committi re ipsa dolus. *l. 36. ff. de verb. oblig.*

Quid, si venditor sciverit pretium?

Non subvenietur ei : quia scienti non fit injuria. *l. 145. ff. de rer. jur. cap. Scienti de reg. jur. in 6.* Eum vero qui res suas diligenter curare solet, pro sciente non habebimus. arg. *l. 1. C. qui & advers. quos restit. junct. l. 2. ff. de jur. & fact. ignor.*

Habentne etiam in aliis contractibus hæc res locum?

Utrique, siue sit bonæ fidei siue stricti juris ; siue sit nominatus, siue innominatus : etiam in transactione,

in divisione, in venditione ex iudicis decreto, & in subhastatione, quia in omnibus bona fides servanda est. l. 8. C. de iudic.

Quæ actio competit?

Etsi defendi possit actionem ex contractu dari, tamen præstat statuere, locum esse conditioni ex lege. l. unic. ff. de condict. ex lege. junct. h. l. 2.

Ad quid agitur?

Ut, qui convenitur, eligat, utrum ad æqualitatem pretium reduci, an rem velit restituere aut recipere. d. l. 2. C. h.

Si res sit restituenda, annon ante impensæ sunt refundendæ?

Non est dubium. arg. l. 5. §. si dos. ff. de impens. l. 40. §. si pars. ff. de condict. indeb. l. 5. C. de rei vindic. quatenus cum fructibus non sunt compensatæ. arg. l. 48. ff. de rei vind.

An & fructus sunt restituendi?

Non; quia interim bona fide res possessa fuit. l. 109. D. V. S. junct. l. 25. §. 1. ff. de usur.

Quamdiu durat hæc actio?

Ad triginta annos, uti solent omnes personales actiones. l. 3. C. de præscript. 30 aut 40 annor.

Si propter publicas pensitationes venditio fuerit celebrata. Tit. 46.

Lib. 4. Cod.

Quid, si propter tributa publica, vel vectigalia, sit res vendita?

Non potest venditio retractari, etiamsi prior dominus pretium offerat, vel creditor jus pignoris prætendat; publica enim tributorum causa est prior. l. 1. C. h. modo celebrata sit venditio ex iudicis autoritate, bona fide. l. 2. C. h. & auctione publica, omnibus ad licitationem admissis. l. 3. C. h.

Sine censu & reliquis fundum comparari
non posse. Tit. 47. Lib. 4. Cod.

*Quid, si fundus sit venditus, non facta men-
tione census & reliquorum; à quo sol-
ventur?*

Ab emptore; non tantum census, qui apud ipsum,
sed & qui apud venditorem cesserat, etiamsi convene-
rit, ut venditor solvat. l. 2. 3. C. h.

Tit. 6. De periculo & commodo rei venditæ.
Tit. 48. Lib. 4. Cod.

Ad quem pertinet periculum rei venditæ?

Et si ante traditionem venditor dominus maneat. §. 3.
Inst. de empt. & vend. tamen ad emptorem omne pe-
riculum referendum est. d. §. 3. 1. Nisi venditor ven-
diderit materiam. l. 14. §. 1. ff. h. vel quid sub condi-
tione. l. 5. C. h. vel alternative (quo casu si utraque
res perierit, emptoris; si una tantum, venditoris dam-
no cedit. l. 34. §. 6. ff. de contrah. empt.) vel ad men-
suram, sive numerum, aut pondus. l. 35. §. 5. ff. eod.
2. Nisi venditor precium acceperit pro re publicata.
l. 33. ff. locat. 3. Nisi res ante venditionem fuerit vi-
tiosa. l. ult. C. h. l. 44. ff. de contrah. empt.

Quæ res exportari non debeant. Tit. 41.
Lib. 4. Cod.

Quæ res sunt prohibita exportari?

Vinum, oleum, aliudve liquamen extra fines impe-
rii. l. 1. C. h. Prohibitum quoque est arma vel ferrum
ad hostes transferre, sub pœna criminis læsæ majestatis.
l. 2. C. h. junct. l. 1. ff. ad L. Iul. Majest.

Tit. 7. De servis exportandis, vel, si ita man-
cipium venierit ut manumittatur, vel
contra. Tit. 55. Lib. 4. Cod.

Si mancipium ita venierit, ne prostituatur.

Tit. 56. Lib. 4. Cod.

Si mancipium ita fuerit alienatum, ut manu-
mittatur, vel contra. Tit. 57. Lib. 4. Cod.

Suntne & specialia pacta in servis?

Sunt varia; uti, de iis exportandis, vel ut manumit-
tantur aut non, vel ne prostituantur, & similia.

P A N D E C T A R U M

L I B E R X I X.

Tit. 1. De actionibus empti & venditi.

Tit. 49. Lib. 4. Cod.

Quae actiones sunt ex emptione & venditione?

Sunt empti & venditi. Actio ex empto datur emptori
adversus venditorem, ut res vendita tradatur cum
omni sua causa.

Quando ex empto agitur?

Cum emptor pretium quod debet, totum solvit, aut
obtulit; non cum partem. l. 13. §. 8. ff. h.

Estne necesse, ut res precise tradatur?

Omnino id fieri oportet. l. 11. §. 2. h. modo vendi-
tor tradere possit, & emptor non velit agere in id, quod
interest.

Quid, si venditor offerat id, quod interest?

Per hoc solum liberari non potest. Nec patrocinan-
tur emptori textus in l. 4. l. 10. l. 12. C. h. l. 1. l. 12. ff. h.
quia sunt accipiendi de casu, quo emptor voluntario
agit ad id quod interest, loco rei, vel ad rem, & praeterea
in id quod interest, quod res suo tempore non sit pra-
estita.

An

An & rerum emolumenta & fructus præstari debent?

Omnes fructus, qui post contractam venditionem percepti sunt, licet tempore contractus essent maturi. *l. 13. C. l. 13. §. 10. l. 21. §. 3. ff. h.*

Quæ est actio ex vendito?

Quæ datur venditori ad pretium, aut residuum ejus, si pars sit soluta. *l. 2. C. h. cum usuris post moram. l. 13. in fin. C. h. licet etiam nulla interpellatio intercesserit, sc. si emptor interim fructus ex re perceperit vel percipere potuerit. l. 13. §. 20. ff. l. 5. C. h.*

Tit. 2. Locati & conducti. Tit. 65.

Lib. 4. Cod.

Quid est locatio, conductio?

Contractus consensu initus, quo usus aut fructus rei, vel opera personæ transfertur, constituta certa mercede.

Quæ sunt ejus substantialia?

Rei usus vel fructus siue opera personæ, merces & consensus.

Qua in re consistit merces?

Proprie in pecunia numerata: alit usu & per constitutiones receptum est, ut etiam in certis quantitatibus annuis constituatur. *l. 8. §. 21. C. h.* *Rel. favore agricultore*

In quo distinguitur præcipue ab emptione? *Rel. favore agricultore*

In emptione agitur, ut dominium transferatur: secus in hoc contractu. *l. 80. §. fin. ff. de contrah. empr. junct. l. 39. ff. h.* *Rel. favore agricultore*

Licetne omnibus locare?

Non est dubitandum; modo rei sint domini, & res suas administrare possint.

Possuntne omnes conducere?

Possunt qui non prohibentur. Prohibentur in specie milites procurandi animo alienas domos aut possessiones conducere, sub pœna. *l. ult. C. h. junct. Nov. 116.*

Quæ res possunt locari?

Quælibet, mobiles siue immobiles; propriæ siue alienæ; corporales siue incorporales, nisi sit servitus prædialis.

prædialis. l. 44. D. h. vel usus. in fin. princip. Inst. de
us. & habitat. Vfusfructus vero. l. 12. §. 2. habitatio.
l. 13. C. de usufr. recte locantur.

Potestne qui rem conduxit, aliis eam locare?

Non est prohibitum, nisi aliud convenerit. l. 6. D. h.
modo bono viro locet.

Potestne res propria conducì?

*acquilantur non
est ratio si tam
habes nati
antequam
ad illam
rem daretur*

Nequaquam. l. 20. C. h. imo & locatio dissolvitur,
si res locata aliquo ex titulo cœpit esse conductoris;
quo casu ad mercedem præteriti temporis tantum tene-
tur. l. 9. §. fin. D. h.

Quid, si convenerit in venditione, ut donec pecu-
nia persolvatur, certa mercede emptor rem
conductam habeat?

Valet conventio, verum non amplius præstabitur
venditori, quam proportionem ejus temporis, quo pe-
cunia non fuit numerata. l. 21. D. h.

Possuntne res communes locari?

Non recte ab uno ex sociis, sed ab omnibus. l. 1. C. si
res comm. pig. l. 11. D. de serv. præd. rust.

Possuntne & opera locari?

Non est dubium, modo sint honesta. In hac re est
singulare, quod qui operas suas locavit, si per eum non
stet quo minus præstentur, totius temporis merces sit
præstanda. l. 38. pr. D. h. Vnde advocati, si per eos
non stet quo minus causam agant, honoraria accepta
reddere non debent. d. l. 38. §. 1.

Quid, si famulus, qui ad certum tempus operas suas
locavit, fugiat?

Siquidem sine justa causa, non tantum mercede ca-
tere, sed & damnum ex fuga datum resarcire tenetur.
arg. l. 1. C. de serv. fugit.

Potestne quis operas præstare per substitutum?

Fieri id poterit, nisi electa sit certæ personæ indu-
stria. arg. l. 31. ff. de solut.

Quid si, qui ad tempus locaverat operas, per vae-
rudinem eas præstare non possit?

Humanius est ut & in ejus commodum computen-
tur hi dies, quibus operam non præstitit, modo mor-
bus non sit diuturnus. arg. l. 4. §. 5. ff. de statu liber.

Quomodo

Quomodo fit locatio?

Solo consensu, licet nullum intervenerit instrumentum, vel stipulatio. *l. 24. C. h. & consensus hic non tantum est expressus; sed & tacitus, recipitque diem vel conditionem. l. 20. ff. h.*

Quando tacitus intervenit?

Si locator patiatur conductorem, aut inquilinum, in prædio ultra tempus conventum manere. *l. 13. in fin. l. 14. ff. l. 17. C. h.*

*Estne ulla differentia inter prædia rustica**& urbana?*

Est; nam in rusticis conductio renovata videtur ad annum, quia singulis annis fructus colliguntur: in urbanis prout quisque habitavit. *d. l. 13. in fin. ff. h.*

Annon in hac re distinguendum, utrum scriptura intervenierit vel non?

Distinguendum est. *d. l. 13. in fin.* ut, si non convenierit expresse de scriptura adhibenda in principio, licet probationis causa contractus sit scriptus, per solam taciturnitatem reconductio facta videatur: quia cum scriptura non pertineat ad essentiam, sed ad probationem, naturam actus non immutat, secus, si actum sit initio ut scriptura contractus iniretur.

Si reconductio tacita sit facta, an & pignora & fidejussores manent?

Manent pignora. *d. l. 13. §. fin. l. 16. C. h.* cum eorum obligatio dependet tantum ex persona conductoris: non vero fidejussores, nec pignora ab alio pro conductore obligata. *d. l. 13. l. 7. C. h.*

Possuntne etiam hæredes ex locatione vel conductione conveniri?

Non ambigimus: modo tempus, quo locatio est facta, non sit finitum. *§. fin. Inst. h.* Post tempus impletum inviti non possunt retineri: uti nec ipsi conductores, nisi sint conductores vectigalium: hi enim, si maximos fructus sint consecuti, & postea tanto precio locari non possint vectigalia, compelluntur ea prioribus pensionibus suscipere. *l. 11. §. fin. ff. de publican.* Cum quo non pugnat *l. 3. §. 6. ff. de jur. fisc.* quia non eo loco agitur de iis, qui maximos fructus nacti erant.

Possuntne

*Possuntne & locatores compelli, ut patiantur
conductores manere in conductione?*

Nulla modo, nisi sint fundi publici, & conductores
augmenta eadem velint præstare, quæ offeruntur à no-
vis conductoribus. *l. 5. in fin. C. de loc. præd. civil.*

Potestne in perpetuum fieri locatio?

Potest. *l. 10. C. h.* Nec per hoc fit emphyteusis,
quia quæque res, ut gesta est, effectum sortiri debet, &
ex initio æstimanda est.

*Potestne ex certis causis ante tempus
conductor expelli?*

Dantur certæ causæ, ex quibus id permissum est. Pri-
ma est, si merces non solvatur intra biennium. *l. 56. ff. h.* Secunda est, si dominus probaverit rem necessa-
riam esse propriis usibus. *l. 3. C. h.* Tertia, si domus
sit corrigenda. *d. l. 3. sc. necessario. l. 35. ff. h.* Quarta,
si conductor re locata male utatur. *d. l. 3. C. h.*

Quæ actiones oriuntur ex hoc contractu?

Datur locatori actio locati adversus conductorem,
ut conductor mercedem ejusque usuras post moram,
&, quicquid damni illatum est ex dolo, lata culpa,
vel levi præster. *l. 58. ff. l. 13. 17. C. h.* & rem resti-
tuat, finito usu. *l. 48. §. d. fin. l. 25. C. h.* si autem non
reddat, vel corruptam reddiderit, præster quanti loca-
toris interfit. *arg. l. 8. 57. ff. h.* aut, si usque ad sen-
tentiam neget restitutionem, condemnatur in æstima-
tionem rei. *l. 34. C. h.*

Quando est merces præstanda?

Videndum, quid actum, & si de eo non appareat,
morem regionis sequi oportet. si & de more non con-
stet, in fine anni debet solvi. *arg. l. 34. D. de R. I.*

Quæ actio datur conductori?

Ex conducto adversus locatorem, ut liceat condu-
ctori re conducta uti, aut solvatur à locatore interesse.
l. 7. 8. 9. ff. h. ut reficiat locator rem locatam, aut
mercedem prorata remittat. *l. 15. pr. l. 27. ff. h.* &
omne damnum ob vitium rei præster conductori. *l. 19. §. 1. ff. l. 28. C. h.*

Potestne

*Potestne agi, ut aliquando remittatur
merces ob sterilitatem?*

Potest, modo aliter expresse non convenerit, vel culpa coloni non præcesserit, vel non sit pensata sterilitas aliorum annorum ubertate. *l. 15. §. 2. & 3. l. 25. §. 6. ff. l. 6. C. h. cap. propter sterilitatem extr. h. similiter, nisi alius casus fortuitus intervenerit. Dd. Ll.*

Quid, si domus spectris infestetur, vel periculum aliquod sit imminens?

Potest conductor emigrare non soluta mercede. *arg. l. 19. §. 1. l. 27. §. 1. ff. h.*

*Quid, si locator rem locatam vendiderit
ante tempus conductionis?*

Conductor ex conducto agit in id quod interest; verum, emptor locationi stare non tenetur. *l. 9. C. h. nisi fundum ea conditione emerit, vel conductor jus in rem sibi acquisiverit.*

*Tenetur ne maritus vel uxor, locationi facta ab uxore
ante dotis constitutionem, vel à marito, dum in
dotem datus esset, stare?*

Nequaquam, quia singulares sunt successores: interim humanius est, si tempus sit modicum, etiam locationem factam agnoscere. *arg. l. 25. fin. D. solut. matr. junct. l. 25. D. de Ll.*

De jure Emphyteutico. Tit. 66.

Lib. 3. 4. Cod.

Quod est jus Emphyteuticum?

Est jus constitutum alteri, ut re immobili uti frui possit, sub lege meliorationis, & præstatione canonis annui.

Qua sunt ejus substantialia?

Res, consensus, melioratio, ac annuus canon.

Quomodo distinguitur Emphyteusis?

Est vel civilis, quæ est in fundo civili; vel Ecclesiastica, quæ est in Ecclesiastico fundo.

Quibus modis acquiritur Emphyteusis?

1. Contractu. qui & dicitur Emphyteusis, per quam dominus fundi sterilis usum & fructum omnem, & quasi dominium alteri concedit ea lege, ut eum melio-

rem.

rem faciat, & canonem annum solvat. *l. 1. C. h.*
 2. Testamento, cum testator alteri hoc jus offert, ut dicta lege rei usum recipiat. 3. Præscriptione, sc. triginta vel quadraginta annorum, si ad hoc tempus quis tanquam emphyteuta possederit & canonem solverit: si enim conduxerit simpliciter initio, & de eo constare possit, non erit Emphyteusis, licet continuo eandem quantitatem præstiterit. Initium enim spectandum est, & nemo suæ possessionis causam mutare potest. 4. Successione.

An ad contractum scriptura requiritur?

Eam requiri docet *l. 1. C. h.* verum id ita accipiendum, ut, si aliter exacte de omnibus constare possit, etiam sine ea contractus valeat. Indubium est, quod licet instrumentum sit amissum, contractus æque subsistat. *l. 1. l. 7. l. 8. l. 9. C. de fid. Instrum.*

Quid juris in successione Emphyteuseos?

Vt civilis transeat ad quosvis hæredes, Ecclesiastica tantum ad descendentes, nisi sit in majori Ecclesia. *C. P. Nov. 7. c. 4. Nov. 55. c. 2. Nov. 120. c. 6. §. 1.*

Potestne filius, repudiata hereditate paterna, jus hoc retinere?

Nullo modo. *c. unic. cum agn. vel fil. defunct.* est enim hoc jus pars hereditatis: partem autem ejus solam nemo potest agnoscere. *l. 1. 2. ff. de acq. hered.*

In quibus rebus constituitur hoc jus?

Proprie quidem in fundis: sed usus causa quoque in ædibus, maxime si in fundo sint. *l. 25. §. 26. ff. de damn. infect. auth. si quas C. de SS. Eccles.*

Quamdiu constituitur?

Vel ad certum tempus, vel in perpetuum admittitur. *l. 1. l. 3. ff. si ag. vectig. de Nov. 120. c. 6.*

Quæ sunt proprietates in hoc jure?

Præter illas, de quibus ante, & hæ sunt. 1. Damnum particulare ad emphyteutam, universale ad dominum pertinet. *l. 1. in fin. C. h.* 2. Canone non soluto intra biennium Ecclesiastica, intra triennium civilis amittitur. *l. 2. C. h. Nov. 7. c. 3. §. 2.* 3. Emphyteuta non potest jus suum transferre in alium venditionis titulo, nisi consulto domino. *l. 3. C. h.* 4. Debet Emphyteuta laudem

laudemium præstare pro translatione juris ab Emphyteuta facta. *l. 3. in fin. C. h.*

An in Emphyteusi ob sterilitatem, inundationem, canon remittendus?

Admittendum id quidem in locatione, sed non in hoc contractu. *arg. l. 1. C. h.*

Quomodo fit amissio ob non solutum Canonem?

Ipso jure, si dominus velit. *l. 2. C. h.* sic tamen, ut propria autoritate dominus non possit expellere emphyteutam, sed declaratoria judicis sententia ei sit opus. *arg. 176. ff. de R. I.*

A quo tempore cedunt domino fructus, non soluto Canone?

Ab eo tempore, quo dominus voluntatem suam declaravit. *arg. l. 2. verb. si dominus velit. C. h. junct. l. 41. ff. de cond. & demonstr.*

Quid, si Emphyteuta non solverit totum Canonem, sed partem?

Humanius est, ut jure suo non cadat: & sibi imputare debet dominus, quod partem receperit sine protestatione.

An Emphyteuta jure suo cadens ob non solutum Canonem, æque solvere debet canonem?

Debet. *d. Nov. 120. c. 8.* Imo, licet, postquam jure suo ceciderit Emphyteuta, canonem receperit, non videtur admisisse de novo Emphyteutam. *arg. l. penult. ff. locat. l. 4. C. de pact. inter. empt. l. 10. §. fin. de publicand.*

Quid, si pœna sit promissa, si canonem non solvat Emphyteuta?

Siquidem pœna non novandi animo sit adjecta, æque cadet suo jure emphyteuta. *l. 4. §. 4. ff. de re jud.* Verum dominus simul expellere & pœnam exigere non potest. *l. 4. §. labeo ff. de dol. mal. except. l. 115. in fin. ff. de V. O.*

Quid, si Emphyteuta non fuerit interpellatus, vel intra tempus obtulerit canonem, vel paulo postquam solvere debuerat, purgare voluerit moram?

Non est necesse, ut interpelletur, sed ipse Emphyteuta debet offerre, & non tantum offerre, sed & consignatum canonem deponere. *d. l. 2. C. h. ante diem, quo*

quo in pœnam incidet, non post; post enim non prodest obtulisse, quia cum hæc res & diem & pœnam habet, purgari mora non potest. *d. l. 2.*

Quid, si hæres ignoraverit rem esse Emphyteuticam, & non solverit canonem?

Jure stricto jure suo cadit. *l. 2. §. 2. l. 49. §. 2. l. 77. ff. de V. O. l. 38. ff. de minor.* sed ex æquitate succurritur ei. *l. 42. ff. de R. I. per restitutionem in integrum. arg. l. 26. in fin. ff. ex quib. caus. major.*

Quid, si unus ex pluribus hæredibus solverit, alius non solverit?

Tota Emphyteusis amitteretur. *arg. l. 5. §. fin. 85. §. penult. ff. de V. O.* nisi res Emphyteutica consentiente domino inter hæredes sit divisa.

Quid Iuris, si inscio domino res Emphyteutica sit alienata?

Nullius momenti est alienatio, & jus ipsum amittitur, & ad dominum redit. *l. 3. in fin. C. h.*

Quomodo procedet emphyteuta, si vendere debet?

Transmittit domino attestationem, qua comprehendet precium ab alio sibi oblatum, & dominus, si quidemolvere tantum maluerit, præferetur, teneturque dominus intra duos menses voluntatem suam exprimere. *d. l. 3.* quo tempore elapso potest Emphyteuta jus suum in alium transferre.

Quid, si Emphyteuta donet alteri jus suum?

Humanius est, ut denunciatur domino, ut dominus judicare possit de qualitate personæ, quia ejus interest Emphyteutam habere virum bonum & locupletem. cæterum, præferri in donatione non potest dominus. *arg. d. l. 3.*

Quid, si partem fundi alienaverit Emphyteuta?

Idem juriserit, quod in toto. *l. 76. ff. de rei vind. eoque casu res tota amitteretur. arg. l. 5. §. d. l. 80. §. penult. junct. d. l. 30.*

Quid, si oppigneraverit?

Etsi prohibitione alienationis etiam veniat oppignatio. *l. fin. C. de reb. alien. non alienand.* tamen Emphyteusis potest oppignerari. *l. 6. §. fin. ff. de pignor. act. l. 31. ff. de pignor.* ita tamen, ut ad venditionem creditor

creditor non procedat, nisi requisito domino secundum formam. d. l. 3. C. h.

Quid est Laudemium?

Est oblatio, quæ fit domino pro subscriptione instrumenti & receptione novi Emphyteutæ. Solvi autem debet quinquagesima pars fundi. d. l. 3. in fin. C. h.

Quid, si concessa sit licentia alienandi, an & laudemium remissum?

Nulla modo, quia nemo præsumitur suum velle jactare. l. 25. §. 1. ff. de probat.

Quid, si intra triennium Emphyteuta non solverit laudemium?

Non cadet suo jure, nusquam enim id expressum, & præstat favere ei, qui de damno vitando certat, quam ei, qui de lucro captando est sollicitus. l. 41. ff. de reg. jur.

Tit. 3. De Æstimatoria.

Quis est contractus æstimatorius?

Est contractus innominatus, quo convenit, ut res certo pretio æstimata vendatur, & pretium ea vendita restituatur; vel, si non sit vendita, res incorrupta reddatur. l. 1. ff. h.

Quare est contractus innominatus?

Quia certam non habet formam, & dubitatum, utrum emptio an locatio. d. l. 1.

Ad quem pertinet periculum, siquidem res ante venditionem perierit?

Si venditor rogaverit, erit venditoris periculum: si is, qui rem æstimato acceperit, erit ejus: si neuter, præstabitur dolus & culpa. l. 17. §. 1. ff. de præscript. verb.

Quomodo igitur explicanda l. 1. §. 1. h.?

1. Quod periculum in d. l. 1. §. 1. debeat accipi: secundum distinctionem in d. l. 17. §. 1. sc. id periculum, quod est ex culpa vel dolo, si neuter rogaverit, vel quod est ex casu fortuito, si is, qui suscepit, rogaverit. 2. Quod in d. l. 1. §. 1. sit expressa conventio facta, ut aut res reddatur, vel æstimatio, cujus conventionis non est facta mentio in d. l. 17.

Quid

Tit. 5. De præscriptis verbis & in factum
actionibus. Tit. 64. Lib. 4. Cod.

*Suntne plures species contractuum innomi-
natorum?*

Sunt, & reducuntur ad hasce quatuor: Do ut des,
facio ut facias, do ut facias, facio ut des. l. 5. ff. h.

*Estne species, do ut des, distincta ab emptione
& permutatione?*

Et si quidem frequenter, do ut des, confundatur cum
permutatione. d. l. 5. §. 1. tamen negari non potest,
esse inter has species, ut & emptionem, differentiam.
Nam si pecunia promittatur pro re transferenda, est
emptio. d. l. 5. §. 1. ff. h. Si species pro specie detur,
est permutatio. d. l. 5. §. 1. Si detur ut accipientis
fiat res vel pecunia eo animo, ut ab altero rursus res
detur, hoc est, accipientis fiat, erit do ut des. l. fin. ff.
de conduct. caus. dat.

*Cujus periculum erit, si scyphum dederim ut stichum
dares, & stichus perierit?*

Meum. d. l. 5. §. 1. in fin. sc. hæcenus, ut stichum
non petam, non ut amittam rem datam. d. l. ult. ff.
de conduct. caus. dat.

Quomodo facio ut facias?

Distinguitur à mandato, vel commodato. Si utrín-
que factum sit præstrandum, est facio ut facias, cum in
mandato ab una parte sit factum. d. l. 5. §. 4. Ac
deinde in hac specie nihil gratuito fit, uti in commo-
dato & mandato. l. 17. §. 3. ff. h. §. fin. Inst. de mand.
Denique in commodato tantum rei usus spectatur,
nunquam opera; cum in facio ut facias, desideretur
semper factum.

Quomodo distinguitur do ut facias à locatione?

Si sit factum, quod locari soleat, & certa merces
promittatur, est locatio; si sit factum, quod locari non
solet, vel res detur, erit do ut facias. d. l. 5. §. 2. ff. h.

Quid, si faciam ut des, & posteaquam feci, cessas dare?

Possum agere, ut des. d. l. 5. §. 5.

Quid respondendum ad l. 5. §. 3. ff. h.?

Vel, quod Paulus id, quod dixerat in d. l. 5. §. 3.
corri-

corrigeat in §. 5. *eiusdem legis*. ubi inquit, si id obtineat cum utrinque factum intervenit, etiam in proposita questione, quæ erat de articulo si facio ut des, idem obtinebit, ut actio detur civilis: vel distingui potest inter conditionem & actionem præscriptis verbis, ut si repetere velit, qui fecit, agere debeat de dolo. quia factum infectum fieri nequit; si ad consummandum contractum, possit agere actione præscriptis verbis, secundum *l. 1 §. 22. ff. h. l. 6. C. de transact.*

Quæ est actio præscriptis verbis?

Est, quæ datur ex omni contractu innominato, diciturque incerta, quia & ex incerto contractu est. *l. 1. 2. 3. ff. h.*

Estne distinctio inter actionem præscriptis verbis, & in factum?

Differunt ut genus & species. Actio in factum est, non tantum ex conventionem, sed & ex maleficiis vel alia causa, competitque quoties nomen actionis deficit. Si ex conventionem detur, appellatur præscriptis verbis. *l. h. r.* si ex maleficiis descendat, directa vel utili deficiente datur, & nomen generis retinet. §. *fin. ff. ad l. Aquil.* vel dici potest actio præsc. verb. civilis in factum prætoria.

Quæ sunt proprietates in contractibus innominatis?

1. Quod causam quidem habeant, sed proprio nomine & essentia destituantur. 2. Quod poenitere alterutrum in iis liceat. *l. 3. §. 6. l. 5. in pr. §. 1. ff. de condict. & caus. dat. sc.* antequam ab una parte acceperint implementum. 3. Quod si quis non impleat, possit conveniri ad consummandum, vel conditione ad restituendum. *l. 5. §. 2. & 4. l. 7. ff. h.*

Q U A R T A P A N D E C T A R U M

P A R S.

L I B E R XX.

Tit. I. De Pignoribus & Hypothecis.

Tit. 14. Lib. 8 Cod.

Quid est pignus?

In genere, est quævis oppignerationis facta in
securitatem creditoris.

Quid est pignus in specie?

Res, quam debitor tradit creditori.
l. 1. ff. de pignor. act. siue ea sit mobilis,
siue immobilis. l. 2. §. fin. ff. de religios.

Imo res mobilis tantum dicitur dari pignori?

Propria vocabuli & stricta appellatione id quidem
procedit, quatenus ita frequenter solet fieri. l. 238. §. 2.
ff. de V. S. verum, qua usus vocabuli legalis spectatur,
etiam non improprie dicitur esse in rebus immobili-
bus, quæ traduntur.

Quid est hypotheca?

Oppignerationis, quæ fit tantum per conventionem.
d. l. 1. ff. de pignor. act. l. 9. §. 2. ff. eod. ad quam
traditio non accedit. d. l. 1.

*Atqui dicitur inter pignus & hypothecam
tantum nominis sonum interesse.*

l. 5. §. 1. D. h. ?

Id verum est quoad actionem hypothecariam, uti
docetur §. 7. Inst. de action. non quoad alia.

*Quomodo distinguitur pignus in genere
acceptum?*

Est vel conventionale, vel non conventionale. Il-
lud per expressam conventionem contrahitur: hoc
sine ea, vel per testamentum, vel per missionem in
bona debitoris latitantis, vel ex causa iudicati, vel ex
solo legis beneficio.

Quomodo

*Quomodo per testamentum, cum videatur actus
a testandi forma alienus, l. 20. D. de
verb. sign.?*

In testamento Testator tantum declarat voluntatem
suam de pignore, & ejus suscipiendi conditionem
offert creditori, l. 26. ff. de pignor. act.

De prætorio pignore, & ut in actionibus de-
bitorum missio prætorii pignoris pro-
cedat. Tit. 22. Lib. 8. Cod.

*Quod est pignus, quod constituitur per missio-
nem in bona debitoris?*

Est prætorium, quod Prætor indulget, vel coactio-
nis, vel rei servandæ causa; veluti si cautio ob damnum
infectum exigatur, l. 4. §. 1. de damn. infect. vel si
quis crediti, dotis, legati aut fideicommissi servandi
ergo, custodiam rerum debitoris nanciscatur, donec
debitor, sive hæres, sive alius solvat, aut aliter caveat.
l. 1. 12. ff. pro emptor. l. 2. ff. pro hered. l. 2. 3. C. qui
pot. in pign. l. 9. C. de bon. auctor. jud. poss. l. 1. &
tot. tit. ff. qui in poss. legat. l. 1. C. h.

Quæ sunt hujus proprietates?

1. Constituitur etiam ante rem judicatam, arg. l. 1.
C. h. 2. In hoc custodia datur & tantum jus pignoris.
l. 5. ff. l. 5. C. ut in poss. legator. 3. Hoc pignus non
ante constitutum dicitur, quam si realiter ventum fue-
rit in possessionem, d. l. 26. §. 1. ff. de pignoratit. act.
cum in conventionali sola sufficiat conventio, quæ-
vis creditor non incumbat rei. 4. Quia prætorium
non in personam, sed rem dirigitur: ideo proficit
omnibus creditoribus, licet unus post alium mittatur.
d. l. 5. §. 2. & 3. Ut in possession. l. 12. ff. de reb. auct.
jud. salva tamen prærogativa in aliis, l. 3. C. qui pot.

In quibus rebus constituitur pignus?

In omnibus, sive sint corporales, sive incorporales.
l. 1. C. h. adeo ut & nomina affectentur.

*Quid, si creditor possessionem pignoris
amiserit?*

Utilisei accommodatur hypothecaria, l. 2. C. h.

Si in causa iudicati pignus captum sit. Tit. 23.
Lib. 8. Cod.

Quomodo ex causa iudicati?

Per executionem sententiae. l. 1. C. h. In hoc sequi
oportet ordinem praescriptum. l. 15. §. 2. ff. de re iudicat.

Quae sunt huius proprietates?

1. Tantum post sententiam locum habent. 2. Quia in
personam dirigitur, habetur in hoc ratio temporis. l. 10.
ff. qui pot. 3. Hoc non à creditore, sed iudice publica li-
citatione venditur. l. 2. C. h. 4. Ad licitationem etiam
ipse creditor admittitur. l. 2. C. h. 5. Potest & à principe
creditor impetrare dominium, si per subornationem con-
demnati nullus extraneus licitator accesserit. l. 3. C. h.

Tit. 2. In quibus causis pignus vel hypotheca
tacite contrahitur. Tit. 15.
Lib. 8. Cod.

Quomodo ex solo legis beneficio?

Ex duabus causis: vel ex singulari favore, rei vel per-
sonae delato, vel ex praesumpta partium voluntate.

Quibus in causis locum habet?

1. In aedibus, ob quarum restitutionem, hoc est, re-
stitutionem, sive refectionem quis nummos credidit.
l. 1. ff. h. l. 52. §. 10. ff. pro soc. quod non admittitur in
reficienda navi vel alia re: cum textus deficiat. 2. In
opere, ad quod extruendum domino mandante re-
demptori, ei, qui suis sumptibus alieno nomine aedi-
ficat, nummi sunt subministrati. d. l. 1. quod non exten-
dendum est ad eum, qui credidit redemptori operis pu-
blici, nisi respublica mandaverit. arg. d. l. 1. 3. In in-
vectis & illatis in praedium urbanum (non autem rusti-
cum) licet etiam sint tantum res venales. l. 34. ff. de
pignor. Urbano praedio etiam accensentur horrea, sta-
bula, quae ad id pertinent, licet in continentibus aedi-
ficiis non sint, etiam areae, & diversoria. l. 3. §. 4. ff. h. l. 52.
Hoc pignus cedit pro mercedibus & deterioratione.
l. 2. ff. h. quavis & à primo conductore quis conduxe-
rit. l. 11. §. 5. ff. de pign. act. nisi gratuita sit habitatio

con-
causa
non
nisi
S. h. l. 11. §. 5. ff. de pign. act.

concessa. *l. 5. ff. h. 4.* In fructibus in fundo natis, pro mercedibus fundi. *l. 7. ff. h.* Nec distinguendum est, utrum sint naturales, an industriales. *arg. d. l. 7. §.* In rebus mariti, pro dote restituenda. *l. unic. §. 1. C. de rei ux. act. l. 12. §. 1. C. qui pot. 6.* Pro paraphernis, in rebus mariti. *l. ult. C. de pact. convent. supra dot. 7.* In bonis tutorum vel curatorum, pro administratione. *l. 20. C. de administr. tutor. 8.* In bonis patris, pro bonis liberorum maternis & materni generis. *l. 6. §. ult. C. de bon. qui liber. 9.* In bonis parentum, qui ad secundas nuptias transvolarunt, pro conservandis lucris, quæ ex priori matrimonio ad superstitem pervenerunt. *d. l. 6. §. ult. l. 8. §. fin. C. de secund. nupt. 10.* In bonis debitoris, pro tributis. *l. 1. C. h. 11.* In bonis debitoris, pro contractu habito cum fisco. *l. 2. C. h. l. 46. §. 3. ff. de jur. fisc. 12.* In bonis testatoris, pro legato vel fideicommissio. *l. 1. C. comm. de legat. 13.* In bonis vitrici, si mater impuberum tutelam gesserit, & non petito alio tutore, nec restituta tutela, ad secunda vota transierit. *l. penult. C. h. uti & in bonis matris, ex eadem causa. 14.* In bonis administratorum rerum civitatis. *arg. l. 4. C. ex quib. caus. major. junct. l. 20. C. de administr. tutor. l. fin. C. quo quisque ord. conveniend. 15.* In fundo, ex quo annuus redditus constitutus est; quia quoties onus rei certæ imponitur; vel convenit de præstatione aliqua, ex certa re percipienda, ea res hypothecæ censetur obnoxia. *arg. §. 7. Inst. de action. Nec contrarium est in l. fin. §. fin. ff. de contr. empt. quia ea loquitur, non de hypothecaria, sed personali actione. 16.* In fructibus perceptis ex fundis oppignoratis, non vero in prædiis emptis ex pretio fructuum. *l. 3. C. h.*

Qui ad emptionem domus mutuavit, vel domum vendidit, an is tacitam in domo habet hypothecam?

Nulla lege id demonstrari potest; verum venditori, quamdiu possidet, datur jus retinendi, ac rei incumbendi, tanquam esset pignorat. *l. 13. §. 8. ff. de act. empt. l. 22. ff. de hered. vend.*

Estne differentia, quoad effectum, inter pignus tacitum & expressum?

Est. Qui enim expresse pignus dedit, non potest id ali-

aliter distrahere, quam cum suo onere. *l. 12. de distract. pignor. l. 15. C. de pign.* præterquam si sint res venales. In iis oportet sequi regulam. *l. 34. ff. de pignor.* Verum, inuenta & illata vendi possunt libere, antequam præcludantur. *l. penult. ff. h.* In aliis autem tacitis pignoribus ordinatio receptum est, ea non distrahi, nisi cum suo onere.

Etiā ob chirographariam pecuniam pignus retineri posse. *Tit. 27. Lib. 8. Cod.*

Annon & extra causam venditionis datur retentio rei non pignoratae?

Datur ex variis: veluti pro impensis, & similibus causis. Imo & in specie constitutum est, quod creditor pignus sibi traditum ex certa causa, possit, licet solutum ipsi sit debitum pro quo obligatum est, retinere ob aliud debitum chirographarium. *l. unic. C. h.*

Contra quem hæc retentio locum habet?

Tantum contra debitorem, non adversus creditorem secundum, cui eadem res est obligata. *d. l. unic. C. h.*

Tit. 3. Quæ res, pignori vel hypothecæ datae, obligari non possunt. Tit. 17. Lib. 8. Cod.

Possuntne qualibet res oppignorari?

Possunt etiam nomina creditorum. *l. 4. C. h. res futura. l. fin. C. h. & quælibet, quæ non prohibentur.*

Quæ sunt, quæ prohibentur?

Aliquæ in totum, neque generaliter, neque specialiter obligari possunt; uti sunt res sacræ religiosæ, & quæ non sunt in commercio. *l. 3. & 6. C. h. nisi exsteris casus, quo alienatio est permilla.* Eodem modo oppignorari nequeunt dotales fundi. *pr. Inst. quib. alien. non lic.* res fideicommissio subjectæ. *l. 3. §. 2. C. comm. de legat.* Sub certo modo non possunt obligari res minorum, sc. sine decreto. *l. 22. C. de admin. tut. l. 3. §. 1. l. 7. §. 1. ff. de reb. eor. spes præmiorum athleticorum, sc. sine iudicis autoritate. l. 5. C. h. junct. l. 40. ff. de re jud. l. 4. C. de execut. rei jud.* Instrumenta ad agriculturam parata, sc. si abstrahantur in totum ab agricolis. *l. 7. 8. & auth. agricult. C. h. junct. l. 32. ff. de pign.*

Possuntne & servitutes oppignerari?

De usufructu non dubitatur. Reales, ipso jure quidem oppignerari nequeunt, nisi propter utilitatem, & certo modo. *l. 11. §. fin. junct. l. 12. ff. de pignor.*

Quomodo ratione rerum distinguitur pignus?

Est vel generale; quod est de omnibus bonis: vel speciale, quod ad certam rem pertinet. *l. 1. 6. ff. l. 2. C. de pignor.*

Quid comprehenditur sub generali?

Non tantum præsentia, sed & futura bona, etiam actiones & jura. *l. 3. 7. C. de hered. vend. l. 4. C. h. l. fin C. h. quin & merces venales. l. 34 ff. de pignor. bona emphyteutica. l. 31. ff. de pignor.* Non autem, quæ verisimiliter quis non obligaret; uti est supellex, vestis, & quod in usu quotidiano habetur, vel specialiter diligitur. *l. 6. 7. 8. ff. de pignor.* Sic nec continentur sub generali, prohibita alienari propter fideicommissum. *l. fin. §. 2. C. comm. de legat.* aut prohibita alienari sub pœna. *cap. 1. de prohib. fund. alien. per Frederic.*

Quid, si quis immobilia, vel mobilia oppigneraverit?

Non comprehenduntur actiones: quia aliud sunt mobilia vel immobilia, aliud actiones. *l. 15. §. 2. ff. de re jud.*

Si res aliena pignori data sit. Tit. 16.
Lib. 8. Cod.

Qui possunt oppignerare?

Non tantum veri rerum domini, sed & quasi: uti emphyteutæ, superficiarii, bonæ fidei possessores. *l. 13. §. 3. l. 3. 1. junct. l. 18. l. 21. §. 1. D. de pignor.*

Annon potest res aliena oppignerari?

Non potest pure. *l. penult. C. h.* sed recte sub hac conditione, si debitoris facta sit. *l. 16. §. 7. D. de pignor.*

Atqui vendi potest res aliena. l. 28. D. de contrah. empt.

Longe alia est ratio venditionis, quam oppignerationis, quia in venditione res ipsa non afficitur, sed obligatur persona ad rem tradendam; vel, si ea non tradatur aut sit evicta, agitur ad id, quod interest. *l. 11. D. de act. empt. l. 3. Cod. de evict.* Per pignus vero res ipsa afficitur, & da-

& datur actio realis. §. 7. *Inst. de act. quæ dominii jus spectat.* Semper enim debet esse dominus, qui oppigneravit. *l. 15. §. 1. D. de pignor. act.*

Suntne ergo nonnulli casus, quibus valet vel convalescit pignus rei alienæ?

Valet, si voluntate domini res sit obligata. *l. 20. D. de pignor. act.* Convalescit autem: 1. Per ratihabitionem. *l. 20.* 2. Si debitor postea dominum sit nactus. *l. 5. C. h.* non quidem ipso jure, sed ex æquitate.

Quid, si creditor sciverit rem esse alienam?

Difficilius actio hypothecaria ei accommodabitur. *l. 1. in pr. D. de pignor.* Ad hoc vero huic creditori sic hæc oppignatio, ut adversus debitorem ei detur re-tentio. *d. l. 1.*

Quid, si dominus rei successerit debitori?

Pugna est inter *l. 22. ff. de pignor.* & *l. 41. ff. de pignor. act.* Verum, si *d. l. 41.* accipiamus de illo domino, qui contradixit; legem vero 22 de eo, qui tantum ignoravit, nulla erit difficultas: ideoque statuendum, quod, si dominus, qui contradixit, successerit, non valeat pignus, secus si ignoraverit tantum.

Potestne tutor vel procurator oppignerare?

Pignus hoc defenditur, si in rem pupilli vel domini sit pecunia mutuo accepta. *l. 1. 3. C. h. l. 16. ff. de pign. act.*

Si res communis sit pignori data. *Tit. 21.*

Lib. 8. Cod.

Potestne res communis pignori dari ab uno ex sociis?

Non potest, nisi pro parte dominii. *l. unic. C. h.* Excipitur fiscus, qui, ut vendere potest, ita & oppignerare rem totam.

Si pignus pignori datum sit. *Tit. 24.*

Lib. 8. Cod.

Potestne pignus pignori obligari?

Et si quidem creditor non sit dominus, tamen propter utilitatem contrahentium constitutum est, ut oppignatio valeat, tum diu donec jus prioris pignoris maneat. *l. 1. & 2. C. h.*

Potestne is, cui pignus obligatum est secundo loco, durante causa pignoris primi, rem pignoratam distrahere?

Potest, denunciationibus primo factis: sibi enim imputet debitor cur non solverit. Verum, hæc distractio non fiet in maiorem quantitatem, quam primo creditori debebatur. *l. 1. C. h.*

Quid, si dominus solverit secundo creditori?

In totum solvetur pignus, etiam respectu primi creditoris, si tantum est solutum, quantum primo debebatur. *l. 40. §. 2. ff. de pignorat. act.*

Quid, si primo suo creditori solverit debitor?

Siquidem secundus denunciaverit jus sui pignoris, & petierit, ut sibi, non primo creditori solveretur, dabitur ei actio hypothecaria adversus debitorem. *l. 4. C. quæ res pignor.* Cæterum, si non certioraverit dominum pignoris, nullam habet actionem. *d. l. 4.*

De partu pignoris, & omni causa.

Tit. 25. eod.

Tantum ipsa res pignori est, annon etiam causa ejus?

Sequitur omnis causa rem; ut sunt partus ancillarum, fructus fundi, & similia. *l. 1. 2. C. h.* Fructus vero percepti, vel qui percipi potuerunt, à creditore imputandi sunt in usuras, & in sortem, adeo ut residuum tantum possit peti; quod si debitor offerat, & si non accipiat, creditor, consignatum deponat, potest recipere pignus. *l. 2. C. h.*

De Pactis pignorum, & de lege commissoria in pignoribus rescindenda. Tit. 35. eod.

Suntne omnia pacta in pignoribus permessa?

Recipit pignus de die, conditione, aliasque pactio- nes. *l. 4. ff. de pignor.* Etiam pactum antichreseos, ut puta, ut creditor pro usuris pignore possit uti. *l. 11. §. 1. ff. de pignor. l. 39. ff. de pign. act.*

Quousque hoc pactum valet?

Tantum ad legitimum usurarum modum, adeoque sorti imputandum est, quod modum excedit. *l. 14. C. de usur.*

Vnde

*Vnde constabit, cum incerta sit fructuum quantitas,
modum usurarum excedi?*

Ex mercede, quæ communiter pro usu rei solet præstari; aliàs, si incertus eventus fructuum vel ordinaria merces non excedat usuras, conqueri nequit debitor. *l. 17. l. 23. C. de usur.*

Quid statuendum de lege commissoria pignori adjecta?

Ea tanquam injusta rejicitur. *l. fin. C. h. secus est in emptione. l. 2. D. de leg. commiss.* Quia in emptione res redit ad suum principium. In pignore dominus rem suam amittit. *ab h. solus obtinuit.*

Quid, si ex intervallo pactum commissorium addatur?

Æque non valet: quia textus in *d. l. fin. C. h.* generaliter loquitur.

Quid, si quis pactus sit, nisi intra certum tempus debitor solvat, cessurum se pignus creditori?

Pactum valet, non, ut eo creditor pignus sibi sine pretio habeat, sed vendere possit communi jure. *l. 1. C. h.*

Quid, si convenerit, ut pignus, si debitor non solvat, sit venditum justo pretio creditori?

Valet ea conventio. *l. 16. §. ult. D. de pignor. l. 34. D. de pignor. act.* Justum autem pretium referetur ad arbitrium viri boni.

Quid, si convenerit, ut, si res vendita evincatur, alia res pro ea obligata debitori reddatur?

Pactum hoc validum est. *l. 2. C. h.*

Qui potiores in pignore vel hypotheca habeantur, & de his, qui in priorum creditorum locum succedunt. Tit. 18.

Lib. 8. Cod.

Qui sunt potiores in pignore?

Ante omnes creditores præferuntur rerum domini, quia jus domini fortius est jure pignoris. *l. 7. §. 2. D. de pos.* Inter pignoratitios creditores ratio est prima eorum, qui crediderunt in causam primipilarem. *l. 3. 4. C. de primip. l. 4. C. in quib. caus. pign. tacit.* sub qua causa comprehendendi debet, quicquid militibus immediate præstandum est. Secunda eorum, qui crediderunt in militiam emendam, modo expressim hoc scribatur in in-

strumento, & in hoc fiat pactum, ut priores sint soli. *Nov. 97. c. 4.* Tertia mulieris, in causa dotis. *l. 12. C. h. uiri & liberorum ejus. d. l. 12. in fin.* non aliorum hæredum. *L. unic. C. de privileg. dot.* Quarta eorum, quorum pecunia res est emta, & quibus specialiter ea est obligata. *l. licet. 7. C. h.* Eodem loco sunt pupilli, quorum nummis res comparata est. *l. 7. ff. h.* Quinta eorum, qui in pignus conservandum crediderunt. *l. 5. 6. D. h.* Hisce annumerandi, quibus merces horreorum, vel area, vel vetura jumentorum debetur. *l. hujus enim 6. §. fin. D. h.* Sexta, reliquorum hypothecariorum, qui privilegium nullum speciale habent: inter quos referendi sunt etiam fiscus. *l. 8. ff. h. l. 2. C. de privil. fis.* pupilli & minores. *l. 20. C. de administ. perictutor.* Sic quidem ut priores posterioribus sint potiores. *l. 2. 4. C. h.* cujuscunque sint generis. *d. l. 2. 4. 7. & 8. C. h.* modo observetur distinctio inter publicum & privatum instrumentum (publicum enim privato est potius. *l. 11. C. h.*) & de eadem re agatur; sive sint hypothecarii conventionales, sive habeant pignus prætorium, sive judiciale, sive ex testamento. *l. 10. 11. ff. d. l. 2. & seqq. C. h. l. 5. §. qui prior. ff. ut in poss. legat. l. 15. §. si plur. ff. de damn. infect. l. 12. ff. de reb. author. jud.*

De his, qui in priorum creditorum locum succedunt. Tit. 19. Lib. 8. Cod.

Potestne, qui posterior est, in priorum creditorum jus succedere?

Hypothecarius posterior, sive debitore volente, sive invito, sive ignorante, priori solvat, vel, eo, cui offertur non recipiente, obsignatum deponat, jus prioris in se transfert, & sibi confirmando pignus in pignoris locum succedit. *l. 1. C. l. 12. §. 6. ff. qui pot. l. 22. C. de pign. l. ult. C. h.*

Quid, si Chirographarius priori solverit?

Transferet in se jus prioris, si nominatim hoc sic actum inter ipsum, & debitorem vel priorem hypothecarium, tempore solutionis. *l. 1. C. h.* vel eo tempore id per judicem obtinuerit. *l. 2. C. h. 11. C. de fidejussor.* Et tenet hoc pignus eatenus, qua ad hypothecarium pecunia pervenit. *l. 17. ff. qui pot. in pignor.*

Quid,

Quid, si tertius debitori nummos credat, ut solvat priori?

Non aliter sibi confirmabit jus prioris, quam si de jure pignoris paciscatur, & nummi ad priorem pervenerint. *arg. l. 12. §. 8. ff. qui potior. in pignor.*

Quid, si chirographarius non sit pactus de jure pignoris?

Non habebit jus pignoris, sed personalia jura prioris creditoris; unde & ipsi datur actio Pauliana, quæ priori compete-
bat, propter res in fraudem alienatas. *l. 10. §. 1. ff. de his qui in fraud. creditor. verum, si possideat pignus, utetur retentione adversus debitorem, donec ei refundatur pecunia, priori soluta. l. 2. & 8. §. fin. ff. quib. mod. pign. vel hypoth. solv.*

Tit. 5. De distractione pignorum & hypothecarum. Tit. 28. Lib. 8. Cod.

Quis effectus principalis pignoris?

Potestas distrahendi, licet ipse debitor rem teneat. *l. 14. C. h.*

Quis ordo hic servandus?

Denunciandum ante est debitori, & quidem testato, si fieri possit. *l. 4. C. h.*

Quid, si interim debitor pecuniam offerat?

Siquidem universum offerat ante distractionem, impediatur distractio. *l. 8. C. h.* modo, si creditor recipere recuset, consignatam deponat. *l. 6. l. 8. C. h.* *l. 9. C. de pign. solut.*

Quando licet distrahere?

Conventionale pignus, si de tempore convenerit, poterit die condicto distrahi: si non, post biennium à die denunciationis. *l. 3. §. 1. & 2. C. de jur. dom. impetrand.* Si actum sit ne distrahatur, fieri oportet denunciations tres, quarum singulis tantum temporis intervallum, quantum judici sufficiat, dabitur. *l. 4. ff. de pignor. act.* post quas elapso biennio fiet distractio. *arg. d. l. 3. §. 2.*

Quae solemnitates sunt observandae creditori?

1. Creditor, ut dictum est, denunciabit debitori. *l. 4. C. h.* 2. Bona fide & solemniter per præconem vendet. *l. 9. C. h.* ut absit omnis collusio. 3. Ipse non recte emet per se, vel per alium. *l. 10. C. h.* nisi debitor distrahat, vel iudex. *d. l. 10. l. 7. C. de resc. vend. l. 2. C. de iur. judic. ex caus. jud.*

Quis ordo in rebus distrahendis est servandus?

Siquidem generaliter tantum sint obligata bona, possunt quævis vendi. *l. 8. ff. h.* Sin autem eidem specialiter & generaliter, primum distrahenda sunt, quæ specialiter pignoris jure sunt nexa. *l. 9. C. h.* Quinimo si certum sit, creditori satisfieri posse ex speciali pignore, non potest in detrimentum aliorum creditorum quicquam ex generali vendere. *l. 2. C. de pignor.*

Debitorem venditionem pignoris impedire non posse. *Tit. 29. Lib. 8. Cod.*

Potestne debitor impedire distractionem pignoris?

Nec testamento, nec denunciatione creditori vel emptori facta; nisi paratus sit totum solvere. *l. 1. & 2. C. h.*

Si antiquior creditor pignus vendiderit.
Tit. 20. Lib. 8. Cod.

Quis est effectus distractionis?

Si extraneus emerit, plene transfertur dominium: nec debitori, nec alii creditori posteriori, siquidem omnia bona fide sint celebrata, datur ulla actio ad revocandam venditionem, licet pretium emptori vel creditori debitor offerat. *l. 18. C. de distract. pignor. l. 3. C. h.*

Quid, si a priori creditore posteriori sit pignus venditum?

Datur alii creditori jus offerendi debitum emptori; quia is non tam acquirendi domini causa, quam, ut pignus sibi salvum sit, emisit creditur. *l. 1. in fin. l. 6. ff. de distr. pign.*

Quid, si debitor vendiderit?

Si extraneo, omni creditori, etiam posteriori inter illos, quibus res ea est obligata, jus manet salvum contra emptorem; si priori creditori, manet posteriori jus salvum offerendi. *l. 1. C. h. l. 3. ff. de distr. pignor.* quia, cum debitor extraneo vendit, cum onere transfert. *l. 12. C. distr. pign.* Et, si priori creditori detur in solutum, videtur is prior servandi pignoris causa accepisse.

Si unus ex pluribus hæredibus creditoris vel debitoris, partem suam debiti solverit, vel acceperit. Tit. 32. eod.

Quid, si unus ex pluribus hæredibus creditoris partem suam acceperit?

Per hoc non solvitur pignus, licet quidem personalis actio sit dividua, pignoris tamen causa est individua. *l. 1. 2. C. h. l. 65. ff. de evict. l. 9. §. 3. ff. de pignoratit. act. adeo, ut reliqui hæredes rem totam oppignoratam vendere possint, oblato debitori eo, quod cohæredi solvit. l. 11. §. 4. ff. de pignorat. act.*

Quid, si unus ex pluribus hæredibus debitoris partem suam debiti solverit?

Ex pignoris causa is, qui id possidet, in solidum convenitur, ut vel totum debitum solvat, vel eo, quod detinet, cedat. *l. 2. C. h.*

Si vendito pignore agatur. Tit. 30. Lib. 8. Cod.

Quomodo, & in quid debitor aget, si non servato juris ordine, ommissisque solemnibus, vel mala fide pignus fuerit venditum à creditore?

Si nullo jure, id est, non observatis solemnibus, & cum venditori jus distrahendi non esset, vindicabit à quovis possessore. *l. 2. C. h.* si vero jure, sed mala fide, aget adversus creditorem pignoratitia in id quod interest, & si creditor non sit solvendo, emptorque mala fide emerit, revocabit ab emptore dominium cum omni causa. *l. 1. l. 4. C. h. oblata, quanti fundum emit, pecunia cum usuris. d. l. 1.*

Annon debet & precium possessori restitui, si res venditur, quod nullo jure sit vendita?

Nullo modo, quia venditio per se nullas haberet vires, atque eodem modo habetur, ac si quis alienam rem vendidisset. *arg. l. 2. 6. C. de reb. alien. l. 19. d. 4. §.*

Quid ergo de debito est statuendum, annon & id à debitor solvendum?

Proculdubio; ast debitum extenuabitur, quatenus debitoris interest non esse pignus venditum.

Quid,

Quid, si emtorrem nullo jure quidem, sed bona fide distractam usuceperit?

Aget debitor pignoratitia adversus creditorem ad premium. *d. l. 2. in fin. C. h.*

Quo remedio petetur superfluum, si res sit vendita majori precio quam est in debito?

Actione pignoratitia adversus creditorem ejusve heredem, non adversus emptorem agetur. *l. ult. C. h.*

Si pignoris conventionem numeratio pecuniæ secuta non fuerit. Tit. 33.

Lib. 8.

Quid, si conventionem de pignore numeratio non sit secuta?

Nec dabitur pignoratitia, nec rei vindicatio. *l. 1. & 2. C. h.* Et, si pignus fuerit traditum, dabitur vindicatio pignoris debitori. *d. l. 1.*

De Jure domini impetrando. Tit. 34.

Lib. 8. Cod.

Quid, si pignus, quod venum proponitur, non inveniat emptorem?

Secundum formam ab Imperatore præscriptam, creditor debitori denunciabit, non comparere emptorem, & post biennium impetrabit à principe jus domini: scilicet tamen, ut currente biennio, debitor possit offerre debitum cum usuris, sumptibus litis, & omni damno, atque ita pignus liberare. *l. 3. §. 3. Cod. h.*

Quid, si creditor post impetrationem usuras à debitore accepit?

Videtur recessisse à priore beneficio. *l. 2. C. h.*

... à quo se recusat beneficium

Tit. 6. Quibus modis pignus vel hypotheca solvitur.

Quibus modis solvitur pignus?

Variis. 1. Naturali debiti solutione. *l. 9. §. 3. ff. de pignor. act.* 2. Solutione ficta; uti, si debitum fuerit oblatum,

oblatum, consignatum, & depositum. *l. 1. Cod. qui potior. vel compensatum. vel, si juraverit se non debere: aut iudicio absolutus sit debitor. l. 13. ff. h. 3. Interitu pignoris. l. 8. ff. h. 4. Iudicio à defensore, qui pignora dederat, in dominum translato. l. 1. §. fin. ff. h.*

Quid, si debitor pignus æque idoneum offerat?

Vix leges admittunt, ut pignus per hoc liberetur. *l. 9. §. 3. D. de pignor. act. junct. l. 14. §. 1. D. de constit. pecun.* Tamen, si certo constet, creditorem ex eo non posse damnum pati, permittendum est id debitori, cum, quod nobis non nocet, & alteri prodest, concedere oporteat. *arg. l. 38. D. de eviction. l. 215 de reg. iur. §. 1. de ac. act.*

Quid, si pars pignoris intereat?

Manebit æque pignus in parte. *arg. l. 76. ff. de rei vindicar.*

De Remissione pignoris. Tit. 26. Lib. 8. Cod.

Potestne etiam remitti pignus?

Potest non tantum expresse, per expressam conventionem vel acceptilationem. *l. 5. ff. h. verum etiam tacite, ut, si creditor donet debitori debitum principale. l. 1. §. 1. ff. h. chirographum vel cautionem reddat. l. 7. C. h. patiatur pignus vendi. l. 2. C. h.* Pari autem videtur, non cum scit vendi, sed cum creditor quid fecit, ex quo manifeste voluntas renunciandi colligi potest. *l. 8. §. 15. ff. quib. mod. pign. tollitur. l. f. C. h. aut fisco distrahente publice, si luerit. l. 8. C. h. aut tempore distractionis programme publico admonitus ut adesset, non comparuerit. l. 6. C. h. l. 291 de reg. iur. §. 1. de ac. act.*

Quid, si pignus consensu creditoris alienatum postea ad debitorem revertatur?

Non redditur jus pignoris creditori. *d. l. ult. C. h.*

Quid, si debitor ex consensu primi, secundo obligaverit pignus?

Non amittit jus pignoris absolute, sed postponetur omnibus, qui tempore consensus habebant hypothecam, quæ sciri poterat. *l. 12. ff. quib. mod. pign. vel hypoth. solv. l. 12. ff. qui pot. in pign. junct. l. 3. C. h.*

Quid,

*Quid si, cui tacitum est pignus, sibi de expresse
caverit?*

*Non videtur remisisse pignus tacitum. arg. l. 3. ff. de
ignando et mlla. mil. testam. junct. l. 24. in fin. ff. de his, quæ in fraud.
hæc est resp. mil. testam. junct. l. 24. in fin. ff. de his, quæ in fraud.
hæc est resp. mil. testam. junct. l. 24. in fin. ff. de his, quæ in fraud.*

De Luitione pignoris. Tit. 31. Lib. 8.

Codic.

Quid est luitio pignoris?

Est tantum liberatio, quæ fit per solutionem totius debiti, vel alium similem modum.

Potestne huic juri præscribi?

Vix poterit: quia creditor suo nomine non possidet, & sine possessione nulla est præscriptio. l. 25. ff. de usurp. & usucap.

De actionibus ex pignore.

Quæ actiones sunt ex pignore?

Sunt vel personales; uti pignoratitia, directa, vel contraria, de quibus supra. Tit. de pignorat. act. vel reales; uti Serviana, vel quasi. Serviana competit domino fundi adversus possessorem rerum sibi pro mercedibus fundi obligatarum. Quasi-serviana quibuslibet creditoribus datur adversus possessores pignorum. §. 7. Inst. de act. siue sint expressa, siue tacita.

Quomodo hæc sunt reales, cum originem habeant ex conventionem vel quasi?

Ex sola confirmatione Prætoris, qui constituit has reales, ne pignus redderetur inutile. d. §. 7. & l. 17. ff. de pignor.

Quando habent hæc reales locum contra possessorem?

Non ante, quam discussus fuerit principalis debitor. Nov. 4. cap. 2. adeoque sunt subsidiaria.

PAN-

P A N D E C T A R U M

L I B E R X X I.

Tit. 1. De *Ædilitio* edicto, & redhibitione,
& quanti minoris. Tit. 58. Lib. 4. Cod.

Quæ sunt ædilitii edicti capita?

Varia : sed præcipue eminent duo; quorum primo succurritur emptoribus, ne ob vitia rerum sibi venditarum decipiantur. *l. 1. §. 2. ff. h.* altero, ne quis canem, verrem, vel aprum, qua vulgo iter fit, habeat. *l. 40. & seq. ff. h.*

Qualia debent esse vitia?

Ordinario corporis, non animi, nisi corpus reddant inutile, aut simul sint corporis. *d. l. 1. §. pen. l. 4. §. 3. 4. l. 17. §. 1. & 2. ff. h.*

Quas res hic intelligimus?

Quaslibet, siue sint animatae, siue inanimatae; siue mobiles, siue immobiles. *l. 1. & 8. §. 1. l. 38. l. 49. 63. ff. h.* nisi sint res valde viles, & simplaria. *l. 48. §. fin. ff. h.*

Ad quos contractus pertinet hoc edictum?

Præcipue ad venditiones. *d. l. 63.* etiam à civitate, non à fisco, factas. *l. 1. §. 3. 4. & per interpretationem justam ad alios contractus. l. 19. §. 5. ff. h.* qui onerosam, non lucrativam causam habeant. *l. 62. ff. h.*

Ex quo est locus huic edicto?

Non tantum ex dicto vel promisso, sed & ex sola reticentia: non ex nuda commendatione, si dolus absit, & nihil sit promissum. *l. 19. princ. ff. h. l. 43. ff. de act. empt.*

Cujus ignorantia desideratur?

Non venditoris. *d. l. 1. §. 2.* licet probabilem habeat causam; sed emptoris. *d. l. 1. §. 6.* nisi sit ea, quæ in supinum hominem cadit. *l. 15. §. 1. ff. de cont. empt.*

Estne ergo differentia inter venditorem scientem & ignorantem?

Est; nam sciens, in omne, quod interest, tenetur. *l. 1. C. h.*

C. h. l. 13. pr. ff. de action. empt. Ignorans tantum redhibitoria, vel æstimatoria actione.

Quid in dubio præsumendum?

Venditorem nescire: dolus enim non præsumitur.

Estne necesse, ut venditor vitium per se patens indicet?

Non, nisi emptorem id ignorare sciens dolose retinuerit. arg. l. 37. ff. de dol.

Quo tempore debet esse vitium?

Venditionis: quod enim præcedit, non facit edicto locum. l. 1. §. penult. ff. h. & quod sequitur, nocet emptori. l. 3. C. h. 8. Si vero dubitetur, an præcesserit, committenda est res arbitrio judicis.

Quæ actiones dantur ob vitia?

Dantur Redhibitoria, quanti minoris. In factum.

Quid opus erat his actionibus, cum sufficere posset ex empto?

Magnus est harum usus, propter singularia, quæ in hisce sunt. Nam redhibitoria sæpe in duplum datur. l. 45. ff. h. Et hæ actiones in solidum contra unum, cuius maxima pars est, competunt. l. 44. §. 1. ff. h. quæ non ita se habent in actione ex empto. *Da. Ll.*

Quæ est actio Redhibitoria?

Est prætoria, arbitraria, qua emptor contra venditorem propter vitium, ob quod, si id scivisset, rem non emisset, agit, ut venditor rem, quam vendidit, cum omni causa recipiat, & pretium cum usuris reddat. l. 22. 23. l. 27. 29. D. h.

Quid, si emptor agens non præstet à sua parte præstanda?

Venditor rei non condemnabitur. l. 29. ff. h. quia actor à sua parte antea contractum implere debet.

Quid, si jumentum, vel res, ob quam agitur, interierit?

Æque agit emptor, si culpa vacet. l. 32. §. 6. & 11. l. 47. §. 1. D. h.

Quo tempore præscribitur redhibitoria?

Ob vitia rerum sex mensibus; ob ornamenta, sexaginta diebus. l. 19. §. 4. l. 38. D. h. Hi in latenti vitio non currunt, nisi supine ignorant. l. 55. ff. h.

Quid, si convenerit, ut res, si displicuerit, possit reddi?

Potest redhiberi, licet nullum sit vitium, modo redhibi-

hibitio fiat intra sexaginta dies. l. 31. §. 22. ff. h.

*Quid, si plures res sint venditæ, sive uno, sive diverso
in singulas pretio, & aliqua sint vitiosæ?*

Omnes redhiberi possunt, si neutri expediat, nisi omnes habere: aliàs si pretium unum sit omnibus, omnes; si singulis diversum, singulæ restituentur. l. 34. 35. 36. ff. h. at in hæreditate non nocet quasdam res esse vitiosas. *Aditæ in l. 31. ff. h. q. 2. am.*

Quæ est actio æstimatoria?

Est prætorialis, qua emptor ob vitium rei, propter quod, si scivisset, minori pretio emisset, agit adversus venditorem, ut, quanto minoris emisset, sibi præstet.

Ad quod tempus datur hac actio?

Intra annum utilem est proponenda. l. 19. §. fin. l. 38. D. l. 2. C. h.

Potestne hac ob diversa vitia sæpius intentari?

Potest, sed ita, ne emptor bis ejusdem rei æstimationem consequatur. l. 31. §. 16. D. h. Et licet qui hac egerit, non admittatur facile ad redhibitoriam. l. 25. §. 1. D. de excep. rei jud. tamen, si tale sit vitium, ob quod redhibitoria est locus, non debet ei redhibitoria negari. l. 43. §. 6. D. h.

Quid, si quis tributum celaverit?

Si sciens, tenetur ex empto. l. 21. §. 1. D. de act. empt. si ignorans totum reticuerit, non tenetur. d. l. 21. §. 1. Si vero minorem quantitatem sit professus, sive sciens, sive ignorans, convenitur in id quod interest, vel quanti minoris. l. 9. Cod. de act. empt.

Dantur hæ adilitiæ actiones hæredibus & in hæredes?

Dantur omnino, ut tamen & facta hæredum, quæ postea accesserunt, & quod experiri potuerint, quærantur. l. 48. §. 5. D. h. *q. si in p. t. al. & si in p. s. al. & si in p. s. al. & si in p. s. al.*

Quæ est actio in factum ex hoc edicto?

Competit ad precium re redhibita petendum: in qua non quæritur, utrum juste vel injuste, sed tantum an facta sit redhibitio. l. 31. §. 17. ff. h.

*Annon cavendum venditori de iis, quæ edicto
sunt comprehensa?*

Omnino, & si venditor non caveat, datur actio ad redhibendum intra duos, & quanto minoris, intra sex menses. l. 28. ff. h.

Quid

Quid statutum est in eos , de quibus secundo membro agitur , qui canem , verrem , vel aprum , vel aliud animal in publico noxium alunt ?

Siquidem homo liber perierit , ducenti solidi solventur ; si libero homini nocitum fuerit , quantum iudici æquum & bonum videbitur : in cæteris rebus dupli æstimatio est. *l. 40. 41. 42. ff. h.*

An eadem pœna locum habet in iis , qui serpentes vel similia animalia circumferunt ?

Vtiliter ; vel alias extraordinaria pœna iis infligitur. *arg. l. ult. ff. de extraord. crim.*

Tit. 2. De evictionibus duplæ stipulatione. Tit. 45. Lib. 8. Cod.

Quid est evictio ?

Est rei nostræ ab alio possessæ per iudicem facta recuperatio.

Potestne emptor , cum emit , sibi prospicere aliqua stipulatione ad securitatem ?

Solent jure Romano emptores interponere stipulationem vel simplæ in vilioribus , cum simplum rei pretium , quod contrahentibus placuit , exigunt. *l. 53. ff. h. vel duplæ , cum duplum in rebus pretiosioribus repromittendum est. l. 37. §. 1. l. 56. ff. h.*

Poteritne locum habere aque actio ex empto ?

Datur actio ex empto , sive stipulatio duplæ vel simplæ sit interposita , sive non. *l. 60. 70. 74. ff. l. 25. C. h.* non quidem , ut commodum utriusque actionis emptor possit consequi , sed id , quod interest , semper haberi possit per actionem ex empto. *d. l. 60.*

Debetne præstari fideiussio in simpla vel dupla stipulatione ?

Non est necesse. Verum , si immineat periculum evictionis , & nondum sit solutum pretium , non ante teneatur emptor pretium exsolvere , quam fideiussore dato venditor caveat. *l. 4. ff. l. 24 C. h.*

Quid , si ea lege quis rem emerit , ut , non obstante protectione adversus venditionem facta , promissum pretium solvat ?

Potest nihilominus cautionem desiderare , si quidem peri-

periculum sit de eviotione, emptorque ignoraverit. *arg. d. l. 24.*

Si immineat eviotion, estne pro omnibus casibus, qui emergere possunt, cavendum?

Non pro omnibus, sed tantum pro iis, qui sunt noti vel moti. *arg. d. l. 24. nisi probabilis metus sit & de aliis.*

Quando dicitur res eviota?

Cum iudicio vero, nec per imperitiam iudicis, nec culpam emptoris res est ablata. *l. 8. 15. C. l. 5. § 1. ff. h.* Itaque regressum non habebit, qui coram incompetente iudice causam defendit, nisi ea fuerit notorie injusta: ut nec is, qui in arbitrum compromisit, vel qui iuramentum detulit. *l. 56. § 1. ff. h.*

Dicitur ne & facta eviotion, si pars sit eviota?

Non est dubium. *l. 1. 45. ff. h.* Non autem videtur in ædibus eviotion facta, si materia, cæmenta, vel tabulæ evincantur. *l. 36. ff. h. junct. l. 23. ff. de usucap.*

Quid, si servitus evincatur?

Siquidem personalis sit, res dicitur eviota. *l. 38. § 3. ff. de V. O.* Si realis, quæ præstanda erat; non tanquam res eviota sit, verum agitur quanti minoris. *arg. l. 75. ff. h. l. 59. ff. de contrah. emptio.*

Quid, si quis conventus sit actione hypothecaria, & ex ea condemnatus?

Videtur & res eviota. *l. 34. § fin. l. 35. ff. de eviotion.* Hoc casu venditor non convenitur in id quod interest, sed in id quod revera abest, quia emptor rem retinere, si debitum exsolvere velit, potest.

Ad quos contractus refertur eviotion?

Non tantum ad emptionem. *tot. h. t.* sed & ad permutationem. *l. 29. C. h.* dationem in solutum. *l. 4. C. h.* divisiones hæreditatis, vel alias. *l. 66. ff. h. l. 7. C. comm. utriusque jud. l. 14. C. fam. Ercisc.* non ad transactionem quoad rem, de qua est controversia, sed recte eam, quæ pro litis æstimatione est præstita. *l. 33. C. de transact.* non ad donationem, nisi eviotion sit promissa. *l. 2. C. h.* vel magnos sumptus in eam rem fecerit donatarius, & dolo fecerit donator. tunc enim datur actio de dolo. *l. 18. § fin. ff. de donat.* non ad dotem, nisi sit profecta ab eo, qui dotare tenetur, & sic ex titulo quasi oneroso.

l. 19.

l. 19. ff. de rit. nupt. junct. l. 19. ff. de oblig. & act. l. 1. C. de jur. dot.

Quid aget emptor cum ipsi lis movetur?

Denunciabit venditori, litem sibi moveri, ac instabit vel requirer, ut venditor ad defendendum veniat, vel in lite emptori adsistat. *l. 8. l. 24. l. 53. C. l. 1. ff. h.*

Debetne fieri denunciatio scienti, vel ei qui juravit se venturum ad defendendum?

Et scienti, quia denunciatio non tantum fit ut quis certioretur, sed ut veniat ad defendendum vel assistendum. *l. 8. C. h.* Et ei, qui juravit se venturum ad defendendum; quia non videtur non venisse ad defendendum, qui non fuit certioratus.

Quando debet fieri denunciatio?

Fieri potest quolibet tempore, dummodo non fiat prope condemnationem. *l. 29. §. fin. D. h.*

Requiriturne & traditio libelli in denunciando?

Etsi non sit necesse, ut libellus simul mittatur. *l. 8. 21. C. h.* cautius tamen faciat, qui miserit.

Si denunciatio sit facta, debetne necessario venditor defendere?

Debet omnino, nisi velit omnia suo periculo ab emptore agi. *arg. l. 45. ff. de judic.*

Coram quo foro emptor est defendendus?

Coram foro rei conventi; licet etiam venditor sit clericus vel fiscus. *l. 49. ff. de jud.*

Cujus sumptibus causa defendenda est?

Siquidem sententia sit dicta contra emptorem, non est dubium, quin venditor sumptus ferre debeat, quia accessorium sequitur suum principale. Sin autem pro emptore, non tenetur venditor. *arg. l. 18. in fin. C. h.* nisi causa valde fuerit anceps. *arg. l. 17. C. h. l. 155. ff. de R. I.*

Annon sunt casus, quibus emptor non habet regressum adversus venditorem?

Sunt varii. 1. Si non denunciaverit emptor venditori. nisi remiserit venditor necessitatem denunciandi. *l. 8. C. h. arg. l. 14. §. 9. D. de adilit. edict. vel professus sit, se nolle defendere emptorem in lite mota. l. 63. D. h. vel causa venditoris notorie sit injusta. arg. l. 35. l. 53. §. 1. D. h.* 2. Si non fuerit facta denunciatio personæ, cui fieri debebat, sed alii, *l. 55. §. 1. l. 56.*

l. 56. §. 4. D. h. 3. Si nimis sero sit denunciatum, ut causa defendi nequeat. l. 29. §. fin. D. h. 4. Si emptor iudicio non adfuerit. l. 8. C. h. 5. Si emptor præsens per injuriam iudicis sit condemnatus. d. l. 8. l. 51. D. h. 6. Si emptor transegerit. l. 53. §. 1. D. h. 7. Si emptor non sit usus justis defensionibus, quas non poterat ignorare. l. 18. l. 29. §. 1. D. h. 8. Si non appellaverit, cum appellandum esset & appellare posset. arg. l. 8. §. 8. D. mandat. 9. Si sciens rem alienam emptor emerit tanquam alienam. l. 27. C. h.

Quid juris in exceptionibus, quæ emptori obijciuntur?

Hoc jure utimur, ut, si quæ ex persona emptoris obstant, venditor non teneatur: si vero ad personam venditoris respiciant, contra. Sed, si ex utriusque persona obijciantur, intererit, propter quam exceptionem iudex contra emptorem judicaverit: & sic aut committeretur stipulatio de evictione, aut non committeretur. *l. 27. 28. D. h.*

Creditorem evictionem pignoris non debere. Tit. 46. Lib. 8. Cod.

Si creditor vendiderit pignus, & id sit evictum; quis tenetur de evictione?

Debitor, non vero creditor, qui nec ad pretii solutionem conveniri potest, cum vendiderit eo jure, quo debitoris fuit, & ejus nomine. *l. 1. C. h. nisi promiserit evictionem, vel dolose vendiderit, cum sciret rem non esse debitoris. l. 2. C. h. aut nisi falsus fuerit debitor, vel ipse posterior in pignore. d. l. 1. C. h.*

Nulla ergo jure consulatur emptori?

Vel poterit agere cessâ pigneratitia contraria adversus debitorem, vel actione utili ex empto. *l. 12. §. 1. D. distract. pign.*

Tit. 3. De exceptione rei venditæ & traditæ.

Qua est exceptio rei venditæ & traditæ?

Datur ei, qui à non domino rem ex venditione accepit,

pit, contra eum, à quo accepit, si is ex postfacto domi-
nium acquisivit, & rem vindicare nititur. *l. 1. pr. D. h.*
regula enim est certissima, quem de evictione tenet
actio, eum agentem multo magis excludit exceptio.
l. 17 ff. de evict.

An etiam heredibus & contra heredes datur?

Omnino. *l. 3. pr. & §. 1. ff. h.* Imo & secundo emptori, licet res ei nondum sit tradita. *d. l. 3.*

Quis, si quis rem, antequam esset dominus, primo vendiderit, & post dominus factus, alteri vendiderit ac tradiderit?

Nocebit venditori vel secundo emptori volenti vindicare hæc exceptio. *l. 2. ff. h.* Sin autem non primo, sed alteri tradiderit, hic, cui priori loco res fuit vendita, habet actionem tantum personalem adversus venditorem in id quod interest. *huc fac. l. 15. C. de rei vind.*

P A N D E C T A R U M

L I B E R XXII.

Tit. 1. De usuris, & fructibus, & causis, & omnibus accessionibus, & mora. Tit. 32.

Lib. 4. Codic.

si accessio ad sortem

Quid est usura?

In genere, est usus rei precium, seu merces; in specie, est accessio ad sortem sive quantitatem debitam.

Quomodo distinguitur usura in specie?

Ea vel præstatur ex mutua pecunia, vel ex alia quantitate; quæ ex mutua pecunia, appellatur fœnus. *arg. l. 11. 13. §. 1. ff. de usur.* quæ ex alia causa, nomen generis retinet. *l. 23. 25. C. h.*

Quomodo distinguitur usura à redditu & eo quod interest, fructibus & pœna?

Reditus dicitur in genere quicquid ex re aliqua obvenit. *l. 5. §. 9. ff. de reb. eor. l. pen. ff. de usufr. & legat. adeo*

adeo ut & usuram sub se comprehendat. *l. 6. ff. de prasc. verb. & omnes fructus. Dd. Ll.* At in specie est obventio, quæ ex rebus alienis, quas alius possidet, profiscitur. *l. 38. ff. de usufr. & leg.* Id, quod interest, est lucrum cessans, & damnum emergens. *l. 13. ff. rem. rat. haber.* Fructus stricte accepti, sunt omnia emolumenta ex rebus, quas is, ad quem fructus pertinent, detinet, & quibus utitur. *arg. §. 35. Inst. de rer. divis.* & usuras quoque sub se complectuntur. Pœna est accessio promissa in casum, quo aliquid fiat vel non fiat, & præstatur in locum usurarum, vel ejus, quod interest. *arg. §. fin. Instit. V. O.* Usura vero est accessio ad quantitatem.

Estne usura permissa?

Est, modo non excedat modum, & proximum non grauet vel mordeat, nec constituatur in rebus, quæ eam non facile admittunt. *Exod. 22. v. 25. Ezech. 22.* Itaque, siue sit lucratoria, quæ ex mero mutationis officio dependet; siue punitoria, quæ non tam propter lucrum petentium, quam moram non solventium, in pœnam præstatur; siue sit compensatoria, quæ congrue compensat utilitatem, quam is, qui quantitate usus est, percepit cum damno, quod alter, quod ea caruerit, est passus.

Ex quibus causis præstatur usura?

Velex conventionem, velex mora. Ex conventionem.

1. Per stipulationem in omnibus bonæ fidei & stricti juris contractibus. *l. 3. 4. C. h.* 2. Per pactum in continenti adjectum bonæ fidei judiciis. *l. 7. §. 5. ff. de pact.*

3. Per pactum nudum in frumento, aliisque quantitatibus. *l. 12. C. h.* In mutuo debito civitatibus. *l. 30. ff. h. vel argentariis. Nov. 136. c. 4. & 5.* in pecunia trajectitia. *l. 7. ff. de naut. fœn.* 4. Per conventionem judiciale, id est, litis contestationem, tam in bonæ fidei quam stricti juris. *l. 35. ff. h. l. 5. ff. de reb. cred. l. 5. C. de pact. int. empt.*

5. Ex mora extrajudiciali in bonæ fidei judiciis. *l. 32. §. 2. ff. h.* in legatis & fideicommissis. *l. 1. 2. C. de usur. legat. junct. l. 34. & d. §. 2. ff. h.*

Quis modus est servandus in usuris?

Is, qui publica auctoritate constitutus est. *l. 26. C. h.* vel moribus servatur. *l. 1. ff. h.* adeo, ut nec ex Antichresi,

tichresi,

richresi, cum certo constare potest de proventu. *l. 14. 17. 23. C. h. nec ex pœna promissa in vicem usurarum. l. 44. ff. h. major quantitas deberi possit.*

Quid, si creditor minorem admisit, quam stipulatus est, usuram?

Videtur tacite majori renunciassè, si minor per plures annos fuerit soluta. *l. 5. C. l. 13. ff. h.*

Possuntne usurae usurarum promitti?

Nullo modo; licet etiam in sortem sint redactæ. *l. 28. C. h. l. 2. C. de usur. rei judicat.* quod & in pupillari pecunia, quam ipse tutor debet. *arg. l. 29. ff. h. non in ea, quam à debitoribus exegit. l. 58. §. 1. in f. & §. f. junct. l. 7. §. 12. ff. de administr. tut.* recipiendum est.

Quid, si de facto quis usuras usurarum sit stipulatus?

Contractus per hoc additamentum in totum non erit inutilis, sed, quod amplius est, sorti imputabitur, vel restituetur. *l. 26. §. 1. vers. si quis. C. h.*

Quomodo distinguuntur usurae licitæ jure civili?

Sunt aliæ centesimæ; quæ efficiunt duodecim pro centum in annum, & locum habent ex qualibet conventionem, in pecunia trajectitia. *l. 26. C. h.* Citra conventionem in re judicata. *l. fin. C. de usur. rei jud.* in tutela, cum tutor clam in suos usus pecuniam pupillarem convertit. *l. 38. ff. de negot. gest.* Aliæ sunt besses, ad annuam pacem octo in centum, quas stipulari possunt mercatores. Aliæ semisses, quæ faciunt sex in centum; quas stipulari possunt omnes præter Illustres. Aliæ sunt trientes, quatuor in centum, quas stipulantur Illustres. *d. l. 26.*

Quæ appellantur legitimæ usurae?

Aliquando eæ, quæ communiter solvi solent. *l. 1. C. de naut. fœn.* aliquando vel centesimæ, vel besses, vel semisses, vel trientes, prout negotii qualitas postula-
verit.

Quibus modis desinunt usurae deberi?

1. Omnibus, quibus obligatio tollitur: sublata enim obligatione, etiam usurarum obligatio sublata est, siue solutio sit facta, siue acceptilatio, siue novatio, siue compensatio, siue consignatio & depositio. 2. Si sortem æquent, non tantum quæ sunt solvendæ, sed & solutæ. *l. 10. l. 27. §. 1. C. h. Nov. 121. & 138.*

3. Si

9. Si specialis remissio usurarum fiat. §. 1. *Inst. quib. mod. toll. oblig.*

Solane oblatio sistit cursum usurarum?

Nullo modo; sequi enim debet depositio. *l. 6. §. 19. C. l. 1. in fin. l. 7. ff. h.* nisi pecunia habeatur pro deposita, sive à creditore, sive à iudice, apud quem deponenda est.

Quid, si quis solverit sortem, an & postea conveniri potest ob usuras ante debitas?

Si per stipulationem debeantur, recte eas petit creditor. *l. 1. C. de judic. secus, si ex mora. l. 4. C. de pos.*

Quomodo distinguuntur fructus?

1. Sunt vel ex ipsis rebus, vel ex rerum occasione. Ex ipsis rebus sunt, vel naturales, vel industriales. *l. 48. ff. de acquir. rer. dom. l. 45. ff. h.* Naturales, ad quorum existentiam sola natura est operata; uti fœnum, poma ex arboribus ante plantatis, &c. Industriales, quæ non existerent, nisi industria hominum præcessisset: quales sunt, qui ex satione percipiuntur. Qui ex occasione rerum habentur, dicuntur legitimi, sive civiles. *l. 62. ff. de rei vind.* Hi etiam sunt vel naturales, vel industriales. Naturales; ut usuræ perceptæ ex mora, merces ædium & fundotū. *l. 39. D. de leg.* Industriales; ut vectura, &c. *l. 62.* 2. Sunt vel consumpti, vel percepti, vel exstantes. consumpti, qui non sunt penes eum, qui percepit. percepti, qui separati à solo, etiamnum sunt penes possessorem. exstantes, qui in re sunt. *l. 44. ff. de rei vind. l. 22. C. eod.* Quinimo & percepti exstantibus tantum oppositi, aliquando consumptos; exstantes vero tantum consumptis oppositi, etiam perceptos complectuntur.

Quid sunt causæ?

Aliquando significant ipsa principia, ex quibus sunt accessiones; aliquando ipsum modum accessionum. Sic, quod, qui ex administratione rerum civitatis convenitur, usuras debeat, causa & ratio est justa. *l. 17. §. 7. ff. h.* quantas vero debeat, & ad modum & causam pertinet. *l. 29. ff. h.*

Quid sunt accessiones?

Significant omnes fructus, usuras, & similia. Quinimo & ea, quæ accedunt ad ipsas res; uti alluviones, consolidaciones, & similia.

P.

Quid

Quid est mora?

Est solutionis faciendæ, vel recipiendæ, frustratoria dilatio.

Quomodo distinguitur?

Vel est ex persona, vel ex re. Ex persona committitur per interpellationem factam oportuno loco & tempore, vel judicialiter per litis contestationem. *l. 12. C. de usur. rei judic.* vel extrajudicialiter, per privatam denunciationem. *l. 32. ff. h.*

Quot interpellationes desiderantur?

*l. 2. R. si
offat;*

Sufficit unica. *l. 87. §. 1. ff. de legat. 2. l. 122. §. Se-
ja. ff. de V. O. l. 3. §. 1. ff. quod vi aut clam.*
*Si debitor creditorem constituere velit in mora, an sufficit
tantum interpellasse?*

Siquidem res sit mobilis, debet eam coram offerre; si immobilis, sufficit profiteri, se paratum esse ad satisfaciendum creditori. *Nov. 91. c. 2. junct. arg. l. 17. ff. de peric. & comm. rei. vend. l. 9. ff. de solut. matrim.*

Quid, si debitor pro parte debitum offerat?

Nihil hoc ei proderit. *l. 13. §. 8. ff. de act. empt.*

Quomodo fit re?

Sine ulla interpellatione hominis. 1. Ex sola tardatione circa solutionem. Vti receptum est in eo, qui pupillo vel minori quid debet. *l. 3. C. in quib. caus. rest. in integ. non est necess.* In debitore, qui non exstat. *l. 23. §. 1. ff. de usur. vel qui mala fide possidet. l. 20. §. 11. ff. de per. hered. vel dejecit alterum de possessione, vel aliter deliquit. l. 1. §. 34. ff. de vi & vi armat. l. 8. §. pen. l. fin. ff. de cond. furt.* Vti & in eo, contra quem agitur ad libertatem obtinendam. *l. 26. §. 1. ff. de fideicom. libert. vel ad res dotales, secundum formam. l. fin. §. praterea. C. de jur. dot.* Nec non in eo, qui fructus ex re aliena percipit, alterique pretium debet. *l. 5. C. l. 13. §. 20. ff. de act. empt. & similibus.* 2. Ex die obligationi adjecta: dies enim pro homine interpellat. *l. 2. C. de jur. emphyt. l. 12. C. de contrah. stipulat.*

An & per juramentum ex re mora fit?

Nusquam id relatum, proindeque statuendum, quod naturam sui contractus, cui adjunctum est, sequatur. *l. ult. C. de non num. pec.*

Sunt ne

Suntne casus, quibus mora, licet interpellatio intervenerit, non committitur?

Sunt; uti, si vel nulla competat interpellanti actio, aut, si ulla, ea possit per exceptionem elidi. *l. 127. D. de V. O. arg. l. 14. D. de compensat.* vel, si debitor justam habeat causam à mora sese excusandi. *l. 21. 24. D. h. quæ causa desumi potest ex l. 42. D. de R. I. l. 39. D. de solut. mar. l. 29. D. mandat. &c.*

Estne justa causa difficultas præstandi id quod debetur?

Admitti potest: modo non sit orta difficultas ex persona, vel ejus facto, sed, ex ipsa re. *huc fac. l. 3. §. 3. D. de act. empt. l. 41. §. fin. D. de fideicomm. libertat.*

Qui sunt effectus moræ?

Sunt varii. 1. Perpetuat obligationem. *l. 91. §. 3. D. de V. O. l. 27. D. h.* 2. Transfert omne periculum in moratorem. *l. 23. 24. 82. D. de V. O. l. 47. de legat. 1. l. 12. D. de pos. siquidem alio modo perierit apud eum, quam adversarium, & adversarius rem non vendidisset. l. 14. §. 11. circa fin. D. quod. met. caus. l. 10. §. 1. D. ad L. Rhod.* 3. Inducit præstationem fructuum. *l. 38. D. h. & usurarum; ut & obligationem in id, quod interest. l. 8. D. de eo quod cert. loc.*

Mora semel commissæ potestne purgari?

Datur purgatio moræ usque ad litem contestatam, non tantum in obligationibus puris, sed & iis, quæ diem habent sine pœna, & quæ pœnam habent sine die. *l. 73. §. fin. l. 84. 91. l. 122. §. 2 ff. de V. O. l. 17. de const. pec. l. 21. §. fin. 22. ff. de recept. arbitr.* In iis vero, quæ pœnam & diem simul habent, non admittitur. *l. 23. ff. de recept. arbitr. l. 23. ff. de O. & A. nisi vel fuerit remissa, vel aliud lege speciali sit constitutum. arg. l. 8 ff. si quis caution. judic. sist.*

Tit. 2. De Nautico fœnore. Tit. 33.

Lib. 4. Cod.

Quomodo distinguitur fœnus, quod ex mutua pecunia debetur?

Est vel nauticum, quod ex pecunia trajestitia, quæ periculo creditoris trans mare vehitur, debetur. *l. 1. ff. & C. h.* vel id, quod non ad periculum creditoris pertinet.

Ad quam quantitatem licet fœnus nauticum stipulari ?
Tantum, ut singulis mensibus præstetur pars centesima. *l. 26. §. 1. de usur. Nov. 110. cap. 1. quæ corrigit Nov. 106.*

Ex qua causa hoc fœnus debetur ?

Non tantum ex stipulatione, sed & ex expresso pacto. *l. 7. ff. h.* Si enim non sit id expressum, pecunia est periculo debitoris. *l. fin. C. h.*

Ex quo casu tenetur creditor ?

Ex omni, nisi culpa debitoris quid sit factum; ut, si navis publicata sit propter merces illicitas in eam illatas. *l. 3. C. h. junct. l. 5. §. 4. ff. commod.*

Quamdiu competit hoc fœnus ?

Ad id tempus, quo periculum desinit: sublata enim causa fœnoris, ipsum fœnus tollitur. Verum, tunc succedunt usuræ vulgares. *l. 1. & 2. C. h.*

Licetne idem fœnus in terrestribus negotiis stipulari ?

Non licet, nisi magnum incommodum, & multa pericula sint subeunda. *arg. l. 5. ff. h.*

Tit. 3. De Probationibus, & Præsumptionibus. Tit. 19. Lib. 4. Cod.

Quid est probatio ?

Excellentissimo gradu, est certa demonstratio veritatis de intentione dubia; remissiori etiam est, probabilis & semiplena veritatis ostensio.

Confessio, iusjurandum, & similia, suntne probationis species ?

Dici quidem vere non possunt species, sed vim & effectum habent.

Quomodo distinguitur probatio ?

l. 4. C. h. Est vel artificialis, vel inartificialis. Artificialis ex ipsa causa, per argumenta & indicia deducitur. Inartificialis consistit in legum, testium, & instrumentorum autoritate.

Quis debet probare ?

Qui in facto vel ejus qualitate se fundat, & aliquid asserit, siue sit actor siue reus. *l. 2. §. 9. 15. 21. 22. D. h.*

Quid

Quid probandum est?

Id, de quo in iudicio controversitur. *l. 4. §. D. h.* Ea autem facta sunt probanda quæ præcipue ad causæ decisionem pertinent. *l. 23. D. h.* non impertinentia. *l. 11. D. h.*

Quid, si quis factum neget?

Negationis puræ non est probatio. *l. 10. C. de nom. pec. l. 23. C. h.* Verum, quæ circumscripta est loco, tempore, vel alia circumstantia, aut adjuncto, optime potest & debet probari. *d. l. §. 1. l. 14. C. de contr. stipul.*

Quando probatio est proponenda?

Post litem contestatam. *tot. tit. ext. ut lit. non contest.* Id verum, si ordinario contendatur iudicio: secus in examine, quod fit ad perpetuam rei memoriam, vel cum proceditur per simplicem inquisitionem, aut citra solemnem ordinem, vel si sint probandæ exceptiones dilatoriae, eæve, quæ litis ingressum impediunt. *l. 55. ff. de iudic. l. 13. C. de except. Nov. 53. c. 3.*

Potestne fieri probatio post quartam productionem, aut post publicata testimonia?

Non recte. *auth. at qui semel. C. h.* minus ergo post causæ conclusionem, nisi sit causa criminalis, & probanda rei innocentia: ejus enim probatio & post rem judicatam recipi debet.

Quæ probationes sufficiunt?

In criminalibus. *l. fin. C. h.* matrimonialibus, & similibus arduis, debent esse luce meridiana clariores; aliàs ex sufficiunt, quæ conscientiam judicis satis instruunt, prout ipse fuerit arbitratus.

Probaturne homicidium per effluxionem sanguinis ex cadavere occisi, accusato adstante?

Nulla modo. *d. l. fin. C. de prob.* pariter & Sagarum immersio in aquam, ad probationem criminis ab iis commissi non sufficit.

Quid est præsumptio?

Nihil aliud, quam de re aliqua conjectura, quæ à lege vel homine recipitur ex circumstantiis personæ, facti, vel communi rerum ordine.

Quomodo distinguitur?

Est vel juris, vel hominis. Iuris, vel est juris de jure, *Not. in l. 1. C. de iur. iur.* vel juristantum de facto. hominis, cum homo quid præsumit.

Da exempla singularum specierum?

Per præsumptionem juris de jure, fœmina, quæ in publico instrumento, tribus testibus confirmato, confessæ est, se pecuniam accepisse, ut intercederet. *l. 23. C. de S. Consulto Vellejan.* vel quæ intercurrente biennio bis intercessit in eadem causa. *l. 22. C. eod.* Consulti Vellejani excidit beneficio. Similiter, qui passus est, cum in chirographo esset confessus se accepisse quod non accepit, illabi biennium, ipso jure per literas est obligatus. *pr. Inst. de liter. oblig.* Per præsumptionem juris de facto, qui in re illicita versatur, dicitur esse in dolo. *l. 41 ff. ad L. Falcid.* Qui instrumento apto ad interficiendum aliquem interfecit, dicitur animum occidendi habuisse. *l. 1. §. 3. ff. ad L. Corn. ff. de Sicar.* Hominis præsumptio est, cum homo de aliquo quid præsumit, ex quo ad quid agendum inducitur.

Estne regula aliqua circa præsumptiones?

Qualitas naturalis præsumitur semper inesse, nisi contrarium probetur: accidentalis semper abesse, nisi probetur; & semel adesse probata, nisi valde sit mutabilis & fluxa, adesse creditur.

Tit. 4. De fide Instrumentorum, & amissione eorum. Tit. 21. Lib. 4. Cod.

Quid sunt Instrumenta?

Tabulæ, vel scripturæ, ad fidem rei gestæ probandum confectæ: uti instrumenta obligationum, quæ communiter appellamus cautiones; apochæ, quas debitor, cum solvit, in probationem solutionis accipit; antapochæ, quæ præstantur creditoribus ad probationem solutionis factæ à debitoribus. hæ sunt utiles in annuis præstationibus, vel aliis negotiis, in quibus creditores nullas habent cautiones & validas probationes sui juris, ut per hæc fiat probatio.

Quomodo distinguuntur instrumenta?

Sunt vel publica, vel privata. Publica vel vere, vel quasi. Vere publica, quæ apud acta sunt concepta, vel postea sunt legitime insinuata, vel ab iis, qui publicam judicii habent auctoritatem, sunt confectæ. *l. 19. C. de testam.* Quasi, quæ coram Notario & testibus. *cap. 1. &*

2. *extr. h.* vel coram tribus testibus sunt confecta. *l. 11. C. qui pot. in pign.* Constat ergo, quod privata sint, quæ privatam habent auctoritatem ac fidem.

Quando producuntur instrumenta?

Post litem contestatam, parte ad hoc citata. *l. 18. C. h.* imo possunt produci usque ad definitivam. *c. 9. extr. h.*

Quam habent auctoritatem probandi instrumenta?

Publica, ipsaque authentica, (non exempla. *l. 2. D. h.* nisi auctoritate judicis, vel voluntate partium transumpta sint ex originali,) plene probant eodem modo, quo sufficiens testium numerus. *l. 11. 15. C. h.* Privata probant quidem contra scribentem. *l. 26. §. fin. ff. depos. Auth. si quis. C. qui pot. in pign.* non contra tertium. *l. 11. C. qui pot.* at non pro scribente, nisi adversa pars ea produxerit. *l. 17. C. de test.* vel sint antiqua, aut mors scribentis fidem auxerit: quod judicis arbitrio relinquendum.

Quid juris in rationibus vel annotationibus privatis, sive testamento?

Nihil profunt, si aliis adminiculis destituantur, licet confirmantur juramento. *l. 5. 6. & 7. C. de probat.* Id vero in testamento receptum, quod, si testator jurato declaraverit modum suæ substantiæ, id officiat hæredibus, non creditoribus. *Nov. 48. c. 1.*

Qua ratione creditur libris mercatorum?

Non quidem iis absolute habetur fides, sed quia adversarii fidem eorum sunt secuti, in supplementum jurant mercatores.

Quid, si instrumentum sit amissum?

Id non obest rei veritati. *l. 6. 7. 8. C. h.* modo ea aliter demonstrari possit.

Quid, si convenerit, ut scriptura negotium perficeretur?

Non prius id effectum habet, quam totum negotium in mundum sit redactum, & subscriptiones & alia requisita accesserint; adeo ut & ante pœnitere liceat. *l. 17. C. h.* ut, si data sit arrha, eam amittat qui dedit, vel duplicatam restituere debeat qui accepit. *d. l. 17.*

Potestne per testes publicum instrumentum convelli?

Non est dubitandum; modo justus sit numerus, & sufficiens cautela. Sic, si testes, qui instrumento subscripserunt, ei contradicant, præferetur fidei testium; quia

non à scriptura , sed testium conscientia veritas dependet. Nov. 73. c. 3. Si vero per extraneos impugnetur, instrumentum testibus confirmatum praevalere; modo non sit tantus extraneorum numerus, qui negotio interfuerunt, ut iudex pleniorē fidem testibus tribuere cogatur.

Quid, si instrumentum inveniatur penes creditorem, & debitor alleget solutionem?

Debet probari solutio quinque testibus idoneis. l. 18.

C. de testib.

Si dubitetur de fide instrumenti, potestne admitteri comparatio literarum?

Non facile ex ea sola quis condemnabitur, & si instituenda sit, non fiet ad privatum instrumentum, sed ad publicum, advocatis etiam iis, qui huiusmodi rei sunt periti. l. 20. C. h. Et, si aliqua fiat contradictio, procedet iudex ad delationem jurisjurandi. Nov. 73. c. 2. & 3. c. 7. §. si vero.

D E N O T A R I I S.

Quis est Notarius?

Publica persona à magistratu praevio examine constituta ad instrumenta conficienda bona fide.

Qui possunt esse Notarii?

Homines, quorum fides cognita est, quique se idoneos ostenderunt.

De quibus rebus conficiunt instrumenta?

Tantum de honestis & lege non vetitis. l. 14. §. 3. 4. C. de Ss. Eccles.

Quid, si à putativo Notario scriptum sit instrumentum?

Ob falsitatem ipse gravissime punietur. l. 27 ff. ad L. Corn. de fals. Verum, quod ab eo descriptum est, ob utilitatem, si publice pro notario sit habitus, effectum habebit. arg. l. 3. ff. de offic. prae. nisi falsitas aliqua in ipso negotio arguatur.

Possuntne cogi Notarii, ut conficiant de negotiis inter alios gestis instrumenta?

Possunt, sive negotiis interfuerint, sive non; quia eorum officium est publicum.

Quomodo officio suo optime funguntur?

Oportet eos instructos esse protocollo, in quod referant omnia, quae proponuntur. Deinde debent personas

sonas bene nosse, & si dubitent, nomina testium, qui eos norunt, & habitum, sive signa, si quæ sunt in personis ipsis incognitis adscribere; denique rem gestam rite annotare.

Quæ præter rem gestam addere debent in instrumento?

Nomina, cognomina, officia, & domicilia eorum ad quorum rogationem scribunt; locum, annum, mensem, diem contractus: & postea instrumentum muniri oportet subscriptione partium, ipsorum Notariorum, & testium.

Estne necessaria mentio nominis divini?

Præstat omitti; ne ulla in re temere & sine necessitate id usurpetur.

Quid, si Notarius quid dolo vel errore commiserit, vel omiserit?

Ex culpa tenetur læso ad id quod interest. *arg. Nov. 47. l. ult. ff. extraord. cognit. ex dolo præterea graviter puniendus.*

Plus valere quod agitur, quam quod simulate concipitur. Tit. 22. Lib. 4. Cod.

Quid, si simulate quid sit conceptum?

Plus valet quod agitur, quam quod simulate vel erronee est conceptum. *l. 1. & tot. tit. C. h. sive simulatio contingat de persona in personam, cum scilicet alius contrahens subornatur. l. 2. 4. C. h. sive de contractu in contractum. l. 3. C. h. l. 5. §. ult. l. 6. ff. de distr. pign. sive de re in rem; ut, cum pro pecunia data de frumento est scriptum. l. 7. §. mutui. §. de S. Consulto Maced. vel de modo in modum; uti, de quo pure convenit, si id sub conditione gestum narretur.*

Tit. 5. De Testibus. Tit. 20. Lib. 4. Cod.

Qui sunt testes?

Personæ, quæ ad fidem in alieno negotio faciendam accedunt.

Qui possunt esse testes?

Qui non prohibentur. Prohibentur aliqui natura, uti mente capti, infantes: aliqui lege ex justa causa; uti qui publico iudicio sunt dānati, qui in custodia publica

sunt, impuberes maiores infantia. l. 3. §. 5. D. h. omnes in re propria, domestici. l. 3. §. 6. C. l. 10. 19. D. h. aliqui per sententiam, ut, qui intestabiles sunt iussi. l. 21. D. h. His in testamento testimonium quoq; dici non potest, & omnis testandi facultas est adempta. lib. 26. ff. qui test. fac. n. poss.

Possuntne infames esse testes?

Non quidem simpliciter prohibentur, sed omni exceptione maiores non sunt. l. 3. D. h.

Amicus potestne nominari testis?

Potest: sed, si magna sit familiaritas, non erit pro optimo teste admittendus. d. l. 3.

Possuntne socii vel advocati esse testes?

In causa, in qua advocati sunt vel fuerunt, etiam procuratores non recte admittuntur. l. ult. ff. h. Sic nec socii, cum de re communi tractatur. arg. l. 1. §. 11. ff. quando appelland.

Quid de municipibus in causa municipii statuendum?

Siquidem commodum singulos, non municipium spectet, testes idonei non sunt. arg. d. l. 1. §. 11. Nec, si municipium negotium concernat, sine scrupulo sunt admittendi. d. l. 1. §. 12. junct. l. 3. C. h.

In dubio suntne testes habiles vel non?

Pro habilibus sunt reputandi; semper enim ea interpretatio sumenda, quæ vitio quem laborare negat.

Quando producendi testes?

Lite contestata. l. 1. & 2. extr. h. nisi quis desideret eos examinari ad perpetuam memoriam, ut si senes sint vel debiles. Citari autem debet adversarius, ad videndum præstari juramentum à testibus, & ad interrogatoria proponenda. arg. l. pen. C. h. Nov. 90. c. fin.

Cujus sumptibus fieri debet examen ordinario?

Producentis. l. 11. 16. C. h.

Possuntne cogi testes ad testandum?

Possunt pignoribus captis, aut multæ indictione, si subsint jurisdictioni. arg. l. fin. ff. de jurisd. Et venire debent ad ipsum judicem. Nec sufficit attestationem ab iis dari; quia non testimoniis, sed testibus creditur. Interim ad honestas matronas. l. 2. §. fin. autem. C. de jurejur. propter calumn. ad senes & debiles, & ad personas egregias. l. 15. ff. de jurejur. judex ipse ibit.

Debentne & testes jurare ?

Præstant jusjurandum veritatis ; quod non potest à judiceremitti, si pars adversa sese opponat. *c. 5. extr. h.*

Quot testes sufficiunt ad quid probandum ?

Non unus. *l. 9. §. 1.* licet præclaro curiæ honore præfulgeat. *l. 9. §. 1. C. h.* Ast, nisi lex in specie plures desideraverit, sufficient duo. *l. 12.*

Quid, si sit suspicio prava de testibus ?

Præstat eos omnino non admitti, vel, si admittantur protestari, non aliter admitti, quam ut contra eos vel dicta eorum dici possit quod res exigit.

Quid, si testes vacillent ?

Non est habenda iis fides. *l. 2. ff. h.* imo & puniuntur. *l. 16. ff. h.* nisi in continenti errorem correxerint.

Quid, si dubitetur de fide testium ?

Iudicis arbitrio relinquendum, quantum fidei sit iis tribuendum. *l. 3. per tot. ff. h. r.*

Tit. 6. De Juris & facti ignorantia. Tit. 18. Lib. 1. Cod.

Quomodo distinguitur ignorantia ?

Est vel juris vel facti. Facti, sive proprii; quæ non facile excusatur. *l. 3. D. h.* vel alieni; quæ præbet excusationem. *l. 2. D. h.* modo non sit supina. *l. 3. §. 1. l. 6. D. h.*

Quid est servandum in errore juris ?

Vt nunquam profit in lucro, nunquam noceat in damno, sive sint mares, sive fœminæ. *l. 2. 3. C. l. 7. 8. D. h.* Facilius vero mulier ob ignorantiam juris excusatur.

Quibus ergo est permissum jus ignorare ?

Minoribus, militibus, ut nullum omnino damnum patiantur. *l. 9 pr. D. h. junct. l. 1. 2. 11. C. eod.* Si autem quis ignoret id, quod pugnat cum jure naturali, & delinquat, non excusatur à pœna. *l. 1. D. de Ll. l. 38. §. 1. & seqq. D. ad L. Inl. de adult.*

P A N D E C T A R U M.

Tit. I. De Sponsalibus. Tit. I.

Lib. 5. Cod.

*Quid sunt sponsalia?***M**entio & repromissio futurarum nuptiarum. l. 1. D. h.*Quomodo distinguuntur?*

Sunt aut de futuro, aut de presenti. De futuro, cum dicitur, accipiam te in uxorem. de presenti, accipio te in uxorem. Vix hodie sponsalia de presenti distinguuntur à nuptiis.

Quomodo distinguuntur sponsalia de presenti?

Sunt vel non clandestina, quæ contracta sunt coram iis, quorum consensus desideratur: vel clandestina, quæ non ita inita sunt. c. 2. in pr. c. 3. §. 1. extr. de clandest. desponsat.

Qui possunt ergo contrahere?

Majores septem annis. l. 14. D. h. modo, si in potestate sint, consentiant illi, in quorum sunt potestate. l. 7. §. 1. D. h. junct. l. 2. D. rit. nupt. Est vero distinctio inter filium & filiamfamilias, quod filius consentire debeat. l. 13. D. h. sufficiat vero filiamfamilias non dissentire. Nec filiafamilias dissentiendi habet facultatem, nisi pater eligat sponsum turpem, vel indignum. l. 7. §. 1. d. 12. pr. & §. 1. D. h. t.

Quomodo contrahuntur?

Solo consensu. l. 4. D. h. siue absentes, siue præsentes fuerint contrahentes, si etiam postea rata habuerint sponsalia. l. 4. §. D. h.

Valeatne conventio, accipiam te in uxorem, si mille tibi sint in dote?

Et si quidem non dotibus, sed affectione matrimonia creantur, tamen hæc conventio sub conditione valet. tit. unic. h. in 6.

Quid,

Quid, si sint sponsalia inita de futuro cum Titia, post & de futuro cum Sempronia jurato?

Oportet, secundum jus Canonicum, prima sponsalia sequi. c. 10. c. 22. extr. h. At, si de futuro primum ineantur cum Titia, postmodum de præsenti cum alia, solventur priora. d. c. 22.

Quid, si copula carnalis sit secuta post inita sponsalia?

Tenent, & in veras nuptias transeunt. cap. 15. extr. h.

Tollunturne sponsalia multis modis?

1. Mutuo dissensu. c. 2. extr. h. 2. Renunciatione alterutrius, vel patris, in cujus potestate est alteruter. l. 1. 10. ff. h. non curatoris. l. 6. ff. h.

Hocine impune fiet?

Si major sine justa causa renunciaverit, arrham acceptam reddit in duplum, minor in simplum, vel quam dedit amittit: & si pater renunciaret, acceptam reddit duplicatam, datam non repetet. l. 5. C. h.

Quid, si ex justa causa vel morte fiat dissolutio?

Non fiet jactura arrharum. d. l. 5. junct. l. 3. C. h.

Si Rector provinciae, vel ad rem pertinentes, sponsalia dederint. Tit. 2. Lib. 5. Cod.

Quid, si Rector provincia arrham dederit?

Cum nuptiae inter provincialem & praesidem subsistere non possint, id sponsae rectoris provinciae est datum, ut possit impune nuptias recusare, vel ante, vel post depositam administrationem. l. unic. C. h.

De Donationibus ante nuptias vel propter nuptias, & Sponsalitiis. Tit. 3. Lib. 5. Cod.

Suntne permixtae donationes ante vel propter nuptias?

Sunt, imo quae ante sunt factae, ad exemplum dotis possunt augeri. l. 19. l. fin. C. h.

Quid juris in sponsalitiis largitionibus, quas sponsus sponsae, vel sponsa sponso facit?

Vt non secutis nuptiis citra culpam donantis possint repeti. Habent enim hae largitiones tacitam conditionem futurarum nuptiarum. l. 15. C. h.

Quae

Qua utilitas ex tali donatione acquiritur uxori?

Præterquam, quod mariti bona uxori sint tacite pro dote oppignorata. *l. 30. C. de jur. dot. & præferatur mulier aliis creditoribus. Nov. 97. c. 3.* Etiam per donationem propter nuptias hanc cautionem mulier consequitur, ut, si maritus ad inopiam vergat, aut dotem consumat, possit res propter nuptias donatas à quibuscumque possessoribus vindicare. *l. 29. & auth. seq. l. 30. pr. & seq. C. h.* Deinde, immobilia donata, non possunt ab eo alienari, licet consentiat femina, nisi transacto biennio iterato consentiat, & ex aliis bonis mariti, redigi possit, ex quo succuratur mulieri. *Nov. 61. c. 1.*

Egetne hac donatio insinuatione?

Nulla modo. *Nov. 119. & auth. Eo decursum. C. h.* nisi qua vir pro rata donationis lucrum ex dote sperat. *Nov. 127. c. 2.*

Tit. 2. De ritu nuptiarum. Tit. 4. Cod. Lib. 5.
Inst. 10. Lib. 1. de nuptiis.

Quid sunt nuptiæ?

Viri ac mulieris iusta conjunctio, individuum vitæ consuetudinem continens. §. 1. *Inst. de patr. potest. vel consortium omnis vitæ, divini atque humani juris communicatio. l. 1. D. h.*

Quæ requiruntur ad justas nuptias?

1. Ut contrahentes sint cives Romani. *pr. Inst. h.*
2. Ut sint puberes. *d. pr.* Non vero semper conducit, ut nuptias ea ætate statim contrahant. *Nov. 100. c. 2.*
3. Ut consentiant omnes, hoc est, qui coeunt, & quorum in potestate sunt. *l. 2. ff. h.*
4. Ut non prohibeantur ex jure consanguinitatis vel affinitatis. §. 1. 2. 3. 5. 6. *Inst. h.*
5. Ut contrahentes natura non sint inidonei ad liberos procreandos, hoc est, non laborent constitutione corporis nimis frigida: quia finis matrimonii est procreatio liberorum.
6. Ut speciali lege non prohibeantur nuptiæ.

Qualis requiritur consensus?

Qui caret metu, dolo. Error circa bona, aliamque causam siue qualitatem extrinsecam, non est impedimento nuptiis: cum & cum pauperimis, modo nati sine ex ingenuis parentibus, feminis matrimonium valeat.

l. 2.

l. 7. C. de incest. nupt. Furor. l. 8. de sponsal. profunda ebrietas. arg. C. delect. extr. eod. obstant nuptiis contrahendis.

Quid statuendum de metu reverentiali?

Etsi pater liberos, quos habet in potestate, non possit cogere ad nuptias. *l. 2. 21. ff. h. tamen matrimonium optime valet, quod ex sola reverentia in patrem liberi iniverunt. l. 22. ff. h.*

Quorum parentum consensus desideratur?

Tantum eorum, in quorum potestate constituti sunt. *pr. Inst. 4. l. 2. ff. h. & jure civili, etiam filia, licet sit sui juris, cum minor est 25 annis, vel sit vidua, sine patris consensu non recte nubit. l. 18. 20. C. h.*

Quid, si pater sit furiosus?

Contrahetur matrimonium coram Præside & nobilioribus in familia, qui defectum qui in patre est supplebunt. *l. 25. C. h.*

Annon matris vel propinquorum requiritur iudicium, patre mortuo, aut vivente?

Nulla modo, si pater vivat. *Dd. Ll. Verum, eo mortuo, & matris & propinquorum arbitrium explorari debet; & si inter matrem & propinquos sive curatores sit dissensus, & puella cultu verecundiae enunciare nolit, cui nubere velit, is qui jurisdictioni præest sese interponet. l. 1. 20. C. h.*

Qualis consensus parentum desideratur?

Etsi quidem *pr. Inst. h.* mentio fiat iussus, qui, si eum formaliter accipiamus, præcedere debet; tamen sufficere in hac re expressum vel tacitum consensum, si pater non contradixerit, verius est. *l. 5. C. h.*

An & ratihabitio hic admittetur?

Cum generatim in omnibus sit recepta. *l. fin. C. ad Scium Maced.* etiam in hac causa, in qua nusquam specialis tradita exceptio, admittenda est: maxime, propter favorem legitimi status liberorum. Verum, si pater moriatur, antequam ratas habeat sine consensu suo initas nuptias, nuptiæ ante contractæ nullius momenti, & liberi ex iis nati sunt illegitimi. *l. 11. ff. de stat. hom.*

Quid ergo, si de facto absque parentum, quorum consensus desideratur, consensu nuptia contrahantur?

Sunt nullius momenti; nec est dotis, nec donationis propter nuptias exactio, & liberi sunt illegitimi. *§. 11. Inst. h.*

Atqui

Atqui dicitur in l. 1. §. fin. ff. de liber. exhibend. Bene concordans matrimonium & forte liberis subnixum, non est turbandum propter patriam potestatem.

Id verum est in matrimonio jure jam inito, non in contrahendo. Et si enim magna sit & legitima vis patriæ potestatis, ex qua pater posset agere ad liberos sibi exhibendos, non tamen ex ea rescindendum est matrimonium concordans. *d. l. 1. in fin.*

De incestis & inutilibus nuptiis. Tit. 5. Lib. 5. Cod.

Ad quem gradum ob cognationem nuptia prohibentur?

In linea recta, hoc est, inter ascendentes & descendentes, in infinitum: licet per adoptionis vinculum tantum sibi invicem sint vel fuerint juncti. *d. §. 1.*

Atqui dicitur l. 55. §. 1. ff. de rit. nupt. quod soluta adoptione possit quis ducere patris adoptivi matrem?

Distinguendum est; aut vinculum adoptionis immediate inter certas personas contractum est, ut inter patrem adoptantem & filiam adoptatam, inter avum adoptatum & neptem adoptatam; aut mediate, uti inter filiam & matrem patris adoptantis: illo casu, vinculo etiam soluto, nuptiæ non valent. *d. §. 1. hoc valent. l. 55. §. 1.*

Quæ est prohibitio in linea transversali, hoc est, inter collaterales?

Tantum inter fratres & sorores, licet adoptionis vinculo jungantur, nisi soluta sit adoptio. *§. 2. Inst. de nupt. & inter fratrem vel sororem, & fratris vel sororis descendentes in infinitum, quia sunt sibi invicem parentum vel liberorum loco. §. 3. & 5. Inst. h.*

Duorum fratrum vel sororum, vel fratris & sororis liberi, possuntne matrimonio jungi?

Possunt, & jure divino & civili. *Num. 36. v. 11. §. 3. Inst. l. 3. ff. l. 12. C. de nupt. l. 78. §. 8. ff. ad SC. Trebell.*

Videtur ob stare auctoritas Caji in fragmentis, & Theophili paraphrasis ad d. §. 4.?

Quia fragmenta Caji corrupta ad nos pervenerunt, & extra corpus juris sunt, & dicta paraphrasis scripta est singulari privati I Consulti auctoritate, legem bene constitutam turbare non possunt.

Quid.

Quid jure Canonico in hac re statutum?

Jure novissimo, prohibitæ sunt nuptiæ in linea collateralis usque ad quartum gradum inclusive. *cap. penult. & ult. extr. de consanguin. in recta, in infinitum.*

Quomodo propter affinitatem fit prohibitio?

Et jure divino. *Levit. 18. v. 14.* & Jure Canonico. *cap. 1. & 2. extr. de consanguin.* ad eundem gradum prohibentur nuptiæ ob affinitatem, ad quem ob cognationem. quam regulam tenendam esse conscientia nos monet: cum conjuges unam personam repræsentent, & Deus per Mosem viduam patruum, nominet patrum.

Possuntne Comprivigni matrimonio jungi?

Possunt. §. 8. *Inst. de nupt.* quia nec sanguine, nec affinitatis jure se invicem contingunt.

At obstat text. Lev. 18. v. 11. ex versione Piscatoris?

Secundum omnium fere interpretum fidem is textus debet accipi, non, ut Piscator voluit, de comprivignis, sed de fratre & sorore consanguinea.

Quid, si initæ sint nuptiæ inter tales prohibitos?

Dicuntur incestæ, vel jure gentium, si in linea recta cognationis vel affinitatis sint contractæ: vel jure civili, si in transversali. *l. fin. ff. de nupt. l. 38. pr. §. 1. & seqq. ff. ad L. Iul. de adulter.*

Qua est pœna incestarum nuptiarum?

In genere pro nullis habentur. §. 11. *Inst. de nupt.* Et præterea certis pœnis pro qualitate delicti vindicantur. *Lev. 20. d. l. 38. auth. incestas. C. h.* Immo, ne vestigium hujus sceleris maneat, liberi ex iis nati, jure civili non sunt à parentibus alendi. *auth. ex complexo. C. h.* secus de Jure Canonico. *cap. 5. x. de eo, qui dux. eam, quam poll. & adulter. nuptiæ.*

Potestne fieri dispensatio in gradibus à Deo prohibitis?

Non admittenda est: quia propter talia vitia Deus gentes ejecit, & eorum possessiones populo Iudaico tradidit. quo fac. *Levit. 18. & 24.*

De interdicto Matrimonio inter pupillam & tutorem, seu curatorem, filiosque eorum. Tit. 6. Lib. 5. Cod.

Quomodo lege matrimonium est interdictum?

Variis de causis. 1. Si tutor vel curator, eorumve filii, matrimonium contrahant cum adulta. l. 1. C. h. ne fraus administrationi facta tegatur, & curatores sua autoritate abutantur. Id limitatur, nisi ante sit desponsata à patre, vel testamento destinata. l. 6. C. h. l. 36. ff. de rit. nupt.

An ergo nullo tempore matrimonium hoc valet?

Valet, si redditæ sint rationes, & adulta pervenerit ad ætatem 25 annorum. d. l. 6. C. h.

Valentne nuptiæ inter matrem adultam, & tutorem vel filium ejus, inter pupillum & filiam tutoris?

Valent. l. 2. l. 5. C. h. quia ratio, propter quam interdictio est facta, hisce casibus cessat.

Suntne permixta nuptiæ inter eos, qui pro tutore vel curatore negotia gerunt, & adultam?

Nusquam sunt prohibita, imo expresse conceduntur. l. fin. C. h.

Si quacunque præditus potestate vel ad eum pertinentes ad suppositarum jurisdictioni suæ aspirare tentaverint nuptias.

Tit. 7. Lib. 5. Cod.

Quæ est secunda causa, propter quam lege interdictum est matrimonium?

2. Prohibentur nuptiæ inter præsidem aut præfectum aut milites, & fœminam provincialem. l. unic. C. h. l. 38. 39. ff. de ritu nuptiar. *et magis multo concisionis.*

Si nuptiæ ex rescripto petantur. Tit. 8. eod.

Quæ est tertia causa?

3. Si quis à principe impetraverit nuptias cum dissenteiente vel contra jus sanguinis. Qui ad hoc ausus fuerit rescriptum petere, præterquam quod nihil agat, etiam exilio & publicatione bonorum punitur. l. 1. 2. C. h.

De

De secundis nuptiis. Tit.9. eod.

Suntne secunda nuptia permiffa?

Et licitæ & honestæ sunt: modo tempore legitimo luctus præterito ineantur, & nihil committatur in detrimentum liberorum, qui ex primo matrimonio sunt nati. *tot. tit. C. h.*

Quæ est pœna nuptiarum intra annum luctus?

Mulieres præter infamiam, in quam incidunt cum iis qui scientes eas ducunt, & parentibus, qui consentiunt. *l. 11. pr. & §. 4. l. 13. D. de his qui not. inf.* nihil relinquere possunt marito ultra tertiam partem bonorum: nihil capere possunt ex testamentis aliorum: amittunt omnia lucra, quæ prior maritus reliquit, nec admittuntur ad hæreditates ab intestato, quæ à consanguineis ultra tertium gradum obveniunt. *l. 1. 2. C. h.*

Quomodo prospicitur liberis, cum parentes ad secunda vota transeunt?

Mulier transiens ad secunda vota, quæ à marito priori quolibet modo, vel ex liberorum successione legitima accepit, tantum habet usumfructum, proprietate liberis prioris matrimonii reservata. *l. 3. pr. & §. 1. auth. ex testamento. C. h.* si vero liberos alios non habet, jure proprietatis ea retinet.

Id omne juris ad patrem pertinet?

Non videtur quoad ea, quæ accepit ex successione liberorum: cum nomine fœminarum, quarum expressa fit mentio in *d. l. 3. l. 5. C. ad SC. Tertull. Nov. 22. c. 46.* non veniant mares. *l. 45. ff. de legat. 2.* sed idem in lucris, quæ ab uxore priori provenerunt, in patre obtinet. *l. 5. & auth. uxore. C. h.*

Quid, si liberi non successerint parenti defuncto?

Æque hæc lucra ad eos pervenient. *auth. hac res. C. h.*

Annon & aliter liberis consulitur?

Mâter ad secunda vel ulteriora vota migrans non potest testamento, contractu, vel alio modo plus relinquere vel largiri secundo conjugii, quam uni ex liberis, qui minimum consequitur, reliquit. *l. 6. C. h.*
Idem in patre.

*Joy Bapt. sta y. idem ad l. 6 h
optimis fecit.*

Cui

Quid, si pater vel mater, non transiens ad secunda vota, superstiteri reliquerit usumfructum omnium bonorum, proprietate liberis tantum relicta?

Valet testamentum: verum liberis legitima etiam quoad usumfructum erit salva. *Nov. 18. cap. 3.*

Cui acquireretur, quod pater vel mater amplius reliquerint posteriori coniugi, quam possunt?

Id habetur tanquam non esset datum, & applicatur liberis, eorumque legitimæ soboli. *l. 9. & auth. sequent.*

Si secundo nupserit mulier cui maritus usumfructum reliquit. Tit. 10. Lib. 5. Cod.

Quid, si secundo nupserit fœmina, cui maritus usumfructum reliquit?

Non amittit usumfructum per secundas nuptias, nisi maritus id expresseit. *l. unic. & auth. seq. C. b.*

Quid, si simul ei tutela sit demandata, eamque per secunda vota amiserit?

Non propterea carebit usufructu; quia qua uxor legatum, non qua tutrix meruit. *lib. 28. §. 1. ff. de excus. tutor.*

De dotis promissione & nuda pollicitatione. Tit. 11. Lib. 5. Cod.

Quid est Dos?

Est patrimonium concessum marito ab uxore, vel alio pro ea, ad sustinenda matrimonii onera. *l. 7. ff. 20. C. de jur. dot.*

Quomodo promittitur dos?

Vel stipulatione, vel nudo pacto. Semper autem inest conditio: si nuptiæ fuerint secutæ. *l. 20. ff. de jur. dot.* Et, si non sint secutæ, nec pollicitatio, nec stipulatio ullius erit momenti. *d. l. 20. præfati.*

Eritne ex sola pollicitatione, vel pacto, obligatio?

Æque agi potest, ac si stipulatio interyenisset. *l. unio. C. de rei uxor. act. q. iudicium dotis sit bonæ fidei.*

Quid, si dos promissa sit, non adjecta quantitate?

Siquidem quantitas sit relata in arbitrium alterius, arbitrabitur is dotem, & pro modo facultatum promissoris

Coris & mariti dignitate eam constituet. *l. 3. C. h. l. 60.*

69. §. 4. ff. de jur. dot.

Quid, si non sit mentio arbitrii facta?

Aut pater, qui dotare tenetur, promittit. quo casu ad arbitrium boni viri quantitas collata esse videtur. *d. l. 69.*

§. 4. aut promittit is, qui non tenetur. hoc casu promissio non valet. *l. 1. C. h.*

Quid, si pater administrans bona filiae dotem promiserit?

Ex suis bonis magis promississe videtur. *l. 5. §. fin.*

D. de jur. dot. licet etiam non designata quantitate ex bonis filiae, dixerit se, & ex filiae, & suis bonis dare, nisi sit inops. *l. fin. C. h.*

Tit. 3. De jure dotium. Tit. 12.

Lib. 5. Cod.

Quomodo distinguitur dos?

Est, vel profectitia, vel adventitia. Profectitia, quæ à patre est profecta, vel de bonis, vel de facto ejus. *l. 5.*

D. h. Adventitia, quæ aliunde quam à patre est, uti à matre, vel ab extraneo, imo etiam ab uxore. *arg. d. l. 5.*

Qui tenentur dotare?

Pater. *l. ult. C. de promiss. dot. l. 19. D. de rit. nupt.* sive sit filia inops, sive locuples. *arg. Dd. Ll.* licet divitem alere non teneatur. *l. 5. §. 7. D. de lib. agnoscend.* sive sua,

sive emancipata. *l. 5. §. 11. D. h.* non vero si turpiter vivat *arg. l. 19. C. inoffic. Nov. 115. c. 3. §. 11.* pariter &

avus paternus, qui in potestate habet neptem. *d. l. 19.* Imo & mater vel avus maternus, si liberi nec patrem

nec bona habeant, unde dotari possint. *l. 45. D. de solut. matrim.* Quin & frater eodem modo, si sit germana.

arg. l. 12. §. penult. D. de admin. tutor.

Quæ res dantur in dotem?

Omnes, quæ sunt in commercio, sive corporales, sive incorporales, sive æstimatæ, sive inæstimatæ sint. *l. 7.*

§. 2. 3. *l. 52. ff. h.* non vero alienæ. *l. 34. 67. ff. h.* sed traditæ bona fide usucapi possunt. *d. l. 67. ff. h.*

Estne dos excedens 500 aureos insinuanda actis?

Nulla modo. *l. ult. C. de jur. dot.* verum, donatio propter nuptias, non ex parte mulieris, sed ex parte viri, quatenus is pro rata donationis lucrum sperat ex dote.

Ejus

Ejus enim lucri non fit particeps sine insinuatione.
Nov. 127. c. 2. quod & supra attigimus.

Ne fidejussores vel mandatores dotium den-
 tur. Tit. 20. Lib. 5. Cod.

Potestne fidejussor nomine dotis exigi?

Vir non tenetur dotis restituendæ causa uxori fide-
 jussores dare; cum enim marito se suaque omnia com-
 mittat uxor, esset signum perfidiæ si fidejussor exhibe-
 retur. *l. 1. 2. C. h.* Imo, fidejussor de facto datus non ob-
 ligatur. *Dd. Ll.* Extraneo vero fidejussor recte à marito
 datur, uti & datus ab extraneo tenetur. *arg. l. 55. ff. de*
jur. dot.

An & pignus uxori dari possit?

Potest. *l. 7. §. 6. ff. de donat. int. vir. & ux. l. 1. ff. qui*
pot. in pig. nec enim pignoris datio, quia est ex propriis
 bonis mariti, ita gravat fidem mariti, uti fidejussoris
 constitutio.

Tit. 4. De pactis dotalibus. Tit. 14.
 Lib. 5. Cod.

Suntne pacta dotalia valida?

Non solum conjuges, sed & parentes, & extranei,
 qui dotem dant, pacisci possunt licite. *l. 1. C. h.* modo
 nihil pugnet cum essentia dotis, bonis moribus, & le-
 gibus. Extranei vero, si non paciscantur sibi reddi do-
 tem, eam soluto matrimonio repetere non possunt.
l. unic. §. 13. C. de rei uxor. act. l. 9. in fin. C. h.

Quid, si convenerit inter patrem & generum, ut dos pro-
fectitia apud generum remaneat?

Valebit hoc pactum, cum pater sibi tantum præjudi-
 cet. *l. 6. C. h.* *l. unic. §. 5. C. de rei uxor. act.*

Debentne pacta lucrorum inter conjuges esse equalia?

Ita fere jure Civili placuit. l. 9. 10. auth. equalitas &
l. 1. C. de rei uxor. act. sed qui mihi. C. h. Sed id secundum mores non ser-
 vatur.

Estne quid singulare in hisce pactis?

Quod patres, vel avi, & extranei dotantes, possint sti-
 pulari non tantum sibi, sed & fœminis, quibus dos da-
 tur, & earum liberis. *l. 7. C. h. d. 45. de solut. matrim.*

De

De dote cauta non numerata. Tit. 15.

Lib. 5. Cod.

Qua est dos cauta, sive confessata?

Est, quam maritus confitetur se accepisse, & non accepit: hoc casu datur marito & ejus hæredibus exceptio non solutæ dotis: non enim scriptura, sed numeratio dotem facit. *l. 1. C. h.*

Intra quæ tempora debet proponi non numeratae dotis exceptio?

Intra annum continuum à die mortis vel soluti matrimonii, si matrimonium non duraverit ultra biennium: intra tres menses, si ultra biennium usque ad decennium steterit; si vero ultra decennium, omnis exceptio cessabit. *l. fin. D. h. Nov. 100. c. 1.*

Tit. 5. De fundo dotali. Tit. 23.

Lib. 5. Cod.

Potestne maritus fundum dotalem vendere?

Non potest, licet etiam fœmina consentiat. *per text. & rationem in pr. Inst. quib. alienare non licet.* adeo ut nec maritus ob fundum sibi in dotem datum uxori cum alio communem, non possit consortem ad divisionem provocare. *l. 2. C. h.* provocari vero recte potest.

Annon est exceptio ab hac regula?

Cessat hæc prohibitio: 1. In rebus mobilibus; quia de fundo tantum concepta est. *l. 1. ff. h.* 2. In alienatione necessaria. *l. 2. C. h.* 3. In fundo æstimato simpliciter, vel ea lege dato, ut vel fundus vel pretium à marito reddatur, utrum voluerit maritus. *l. 1. C. l. 9. §. 1. D. h.* 4. Si pecunia ex venditione redacta conversa sit in utiliorem fundum. *l. 26. 27. 61. §. 1. l. ult. de jur. dot.* 5. Si per translationem universitatis fundus in alium transferatur. *l. 1. in fin. D. h. l. 62. D. de acquir. rer. dom.* 6. Si mulier jurato consenserit. *arg. l. 2. D. de jurejur. in 6. c. 28. extr. de jurejur.*

P A N D E C T A R U M

L I B E R XXIV.

Tit. I. De Donationibus inter virum & uxorem. Tit. 16. Lib. 5. Cod.

Valetne donatio inter virum & uxorem?

Nullo modo, per textum & rationem in *l. 1. 2. 3. D. h.* sive ea per ipsos conjuges, sive per interpositas personas fiat. *l. 5. §. 2. D. h. l. 20. C. h.* Licet matrimonium de jure non subsistat. *d. l. 3. §. 1.* modo donans non fuerit conscius nullitatis. *l. 2. C. h.* Et, si ambo consci fuerint, fisco, quæ donata sunt, addicuntur. *l. 32. in fin. ff. h.* Imo nec miles uxori, nec focariæ quid donare potest, sed recte meretrici. *l. 2. C. h.*

Licetne etiam conjugibus contractus alios celebrare?

Id permissum iis est, nisi simulate quid fiat. *l. 17. C. h.*

Cessatne hæc prohibitio in nonnullis casibus?

Cessat. 1. In fructibus. *l. 17. ff. h.* aliisque accessionibus; ut sunt usuræ. *d. l. 17.* 2. In annuis & mensuribus, nisi sit donatio immodica. *l. 15. ff. h. l. 22. ff. de pact. dotal.* 3. In iis, quæ donantem non reddunt pauperiorem; ut, si repudiatio hæreditatis vel legati fiat. *l. 5. §. 13. & seqq. ff. h.* 4. Si donans quidem pauperior fiat, sed is, cui donatio fit, non reddatur locupletior. *d. l. 5. §. 26.* 5. In iis, quæ ad dignitatem mariti uxor erogat. *l. 21. C. h.* 6. In donationibus mortis causa. *l. 9. §. fin. & in iis; quæ excedunt tempus vitæ. l. 10. ff. h.* 7. In donatione remuneratoria. *l. 7. §. 2. ff. h.* 8. Si donatio morte sit confirmata. *l. 25. C. h.* 9. Si sit confirmata juramento. *c. 28. extr. de jurejur.*

Quid, si donatarius obierit ante donantem?

Nullius momenti est donatio. *l. 18. C. h.* Electa enim est donatarii persona, non hæredis.

Tit.

Tit. 2. De divortiis & repudiis.

De repudiis, & iudicio de moribus sublato.

Tit. 17. Lib. 5. Cod.

Annon solvi potest matrimonium initum?

Fit vel repudium vel divortium. Repudium autem inter sponfos proprie. *l. 191. D. de V. S.* cum matrimonium nondum est consummatum. Divortium, quo matrimonium plene perfectum solvitur. *d. l. 191.* Inter causas repudii potissimum recensenda est, si quis ignorans duxerit ab alio vitiatam. *Deut. 22. l. 11. §. si quis virgin. D. de act. empt.* vel incurabilis morbus intervenierit, quo quis redditur ineptus ad conjugium. Inter causas divortii recensenda sunt tantum, 1. adulterium. *Matth. 5. v. 22. & c. 19. v. 9. l. 9. §. 2. C. h.* nisi reconciliatio intervenierit, quæ intervenisse probatur quoties conjuges consuetudinem denuo habuerint. 2. malitiosa desertio. *d. loc.*

Annon sunt plures cause divortii?

Nullæ quidem jure divino, licet plurimæ jure civili. Verum ob sævitiam conjugis datur separatio thori & mensæ, non matrimonii; ut & ob alias causas, quas Iudex æstimare debet.

Potestne, quæ divortium fecit ob dictas causas, nuptias contrahere cum alio?

Non est dubium, quin innocens ad aliud matrimonium transire possit: verum, cui libellus tantum repudiæ est datus, non potest ad aliud conjugium aspirare. *d. loc. Matth.*

Si quis sine causa divortium faciat, qua pœna punitur?

Mulier ob adulterium amittit dotem, quæ cedit marito. *l. 8. C. h. nisi & is adulterium. l. 39. D. solut. matrim.* vel mulier ex viri consensu ac lenocinio id commiserit. *l. 47. D. eod.* Ad dotem vero hæredes mariti propter adulterium uxoris non agent. *arg. l. fin. C. de revoc. donat.* Maritus adulter amittit donationem propter nuptias, & tertiam partem antenuptialis largitatis, ac dotem uxori reddere cogitur. *Auth. Sed novo. C. h.* vel si nulla dos aut donatio sit propter nuptias, tenetur quartam partem omnium suorum bonorum uxori dare. *l. penult. C. h.*

Q

Divor.

Divortio facto apud quem liberi morari,
vel educari debeant. Tit. 54.

Lib. 5. Cod.

Divortio facto ubi liberi debent educari?

Si patris culpa sit factum, apud matrem impensis patris; si vero matris culpa, impensis matris locupletis apud patrem, nisi nimis sit inops. In genere vero hæc dum incidunt, relinquenda sunt arbitrio judicis. *l. unic. C. h. junct. Nov. 117. c. 7.*

Quid, si alteruter ex parentibus sit infidelis?

Præstat apud fidelem educari. *l. fin. extr. de conversat. conjug.* Licet & liberi sint in ea ætate, ut nondum dogmata fidei possint percipere.

Tit. 3. Soluta matrimonio dos quemadmodum petatur. Tit. 18. Lib. 5. Cod.

De rei uxoriæ actione. Tit. 13. Lib. 5. Codic.

Qua actione repetitur dos soluto matrimonio?

Actione ex stipulatu, siue ea sit facta siue non. *l. unic. pr. Cod. de rei uxor. act.*

Cui datur hæc actio?

Aliquando mulieri vel ejus hæredi, si ad mulierem dos reverti debeat. *l. ult. C. h.* aliquando patri, siue sibi reddi stipulatus sit eam, quæ ab eo est profecta, siue non: imo & extraneo, sed non aliter, quam si stipulatus sit eam sibi restitui. *d. l. unic. §. 13.*

Potestne pater repetere dotem pro filia quam habet in potestate?

Potest consentiente filia. *l. 7. C. h.*

Vbi manet dos profectitia?

Redit ad patrem. *l. 4. C. h.* nisi liberi sint relictæ: æquius enim est, eo casu apud liberos dotem manere.

Annon cessat aliquando repetitio dotis?

Cessat variis de causis. 1. Ex pacto. *l. 12. ff. de pact. dotal.* 2. Si maritus non sit solvendo, nam non tenetur ultra quam facere potest. *l. 12. & seq. ff. h.* 3. Si res perierit

ierit sine culpa mariti. *l. 49. §. 1. ff. h.* 4. Si maritus non acceperit dotem, & per eum non stet quo minus accipiat. *l. 52. ff. h.* 5. Si propter delictum uxoris bona publicentur. *arg. l. 25. 24. ff. h.*

Quomodo debent dividi fructus ultimi anni?

Sequi oportet regulam. *l. 7. §. 1. & seqq. ff. h.* sc. ut non absolute ratio temporis ultimi anni habeatur, sed & ejus, quo mulier in matrimonium venit.

Qua sunt singularia in hac actione de dote?

1. Quod ex stipulatu agi possit, licet stipulatio non intervenerit. 2. Quod pro dote detur sine conventionē hypotheca. *l. un. §. 1. C. h.* 3. Quod hæc actio sit bonæ fidei. *§. 29. Inst. de act.* 4. Quod mulier, vel ejus filii. *d. §. 29. l. 12. §. fin. C. qui pot. in pign.* non alii hæredes præferantur omnibus creditoribus mariti, siue expressam, siue tacitam creditores alii habeant hypothecam.

Si Dos constante matrimonio soluta fuerit. Tit. 19. Lib. 5.
Codic.

Potestne & Dos repeti constante matrimonio?

Non potest, nisi maritus labatur facultatibus. *l. 29. C. de jur. dot.* quo casu sequestrari debet, siquidem maritus sit dissipaturus; ita tamen, ut marito fructus non denegentur. *l. 22. §. 8. D. h.*

Quid, si maritus constante matrimonio solverit?

Si maritus uxori dotem, quam retinere potuisset, sine causa legitima restituerit, defuncta uxore debet ea restituere marito cum fructibus ex die restitutionis dotis: ita ut proprietas competens liberis ex ea susceptis à marito non possit alienari. *l. unic. C. h.*

P A N D E C T A R U M

L I B E R XXV.

Tit. 1. De impensis in res dotales
factis.*Quas impensas maritus repetet?*

Modicas arbiter in hoc iudicio non curabit. *l. 12. D. h.* sed eas tantum, quæ sunt alicujus momenti. Hæ si sint necessariae, sine quibus res interirent, vel deteriorarentur. *l. 1. §. 1. D. h. junct. l. 79. D. de V. S.* ipsam dorem minuunt, non quidem secundum corpora, sed universitatem ac quantitatem. *l. 5. D. h.* Si sint utiles, quæ rem meliorem faciunt. *l. 5. §. fin. l. 6. D. h.* exigì possunt. *l. 7. §. 1. D. h.* & earum nomine deductio fiet, si voluntate mulieris sint factæ. *l. 8. D. h.* Sin autem sint voluptariæ, quæ speciem tantum exornant, non exiguntur. *l. 11. D. h.* sed tolli possunt sine læsione, si profuturæ sint marito, vel si mulier non permittat tollere, solvi debent. *l. 9. D. h.*

*Potestne maritus retinere res dotales, donec ei fuerit
satisfactum?*

Nullò modo. *l. unic. §. 5. C. de rei uxor. act.* licet ob res amotas retentio esset facienda. *d. §. 5.*

Tit. 2. De actione rerum amotarum.

Tit. 21. Lib. 5. Cod.

Qua est actio rerum amotarum?

Ea datur soluto matrimonio inter conjuges ob res divortii causa ablatas à conjugē. *l. 3. C. h.* siue sint propriæ, siue bona fide possessæ, siue alio titulo derentæ.

Cur non datur actio furti?

Propter honorem matrimonii id receptum est, ne famosa actio detur. *l. 1. D. h.*

Daturne

Daturne & heredibus & contra eos ?

Competit heredi, at contra heredem non aliter,
quam qua pervenit. *l. fin. C. h.*

Ne pro dote mulieris bona quondam mariti
addicantur, id est, in solidum dentur.

Tit. 22. Lib. 5. Cod.

*Si maritus non solvendo decesserit, quomodo consu-
lendum uxori ?*

Non debet postulare, ut bona mariti sibi addicantur,
sed secundum juris formam desiderabit, ut in possessio-
nem bonorum mittatur, dotis servandæ causa, utque
bona ista publica licitatione vendantur, ac ex iis suum
consequatur. *l. un. C. h.*

Tit. 3. De agnoscendis & alendis liberis vel
parentibus, vel patronis vel libertis.

Tit. 25. Lib. 5. Cod.

Cui precipue competit alere liberos ?

Patri. *l. 3. C. h.* pro modo facultatum. Verum si ne-
get se patrem esse, & filius sit quasi in possessione filia-
tionis, etiam ante cognitionem causæ prætor decernit fi-
lio alimenta. *l. ult. C. de ord. cognit.* alias, si non sit filius
in tali possessione, primum causa cognoscenda est, &
postea alimenta decernenda. *l. 5. §. 8. in fin. ff. h.*

Quid, si pater sit mortuus aut inops ?

Cæteri parentes locupletes alent, etiam mater, avus
maternus *l. 5. ff. h.*

An & liberi parentes tenentur alere ?

Omnino. *l. 1. 2. C. h. d. l. 5. §. 16.* si liberi sint locu-
pletes. *d. l. 5. §. 7.*

*Annon & fratres alere debent suas sorores
inopes ?*

Id, si non sint parentes, honestas desiderat. *l. 12. §. 3.
l. 13. §. 2. ff. de administr. tutor.*

Quid venit nomine alimentorum ?

Non tantum cibaria, sed & vestis, habitatio, & reli-
qua necessaria. *l. 6. D. de alim. d. l. 5. §. 12. D. h.*

Tit.4. De inspiciendo ventre, custodiendoque partu.

Quid, si fœmina dicat vel neget se pregnantem, & ea de re sit controversia?

Debet servari forma de inspiciendo ventre, & custodiendo partu præscripta in l. 1. §. 10. & seqq. D. h. Publice enim interest partus non supponi, ut dignitas ordinum, successionum & familiarum sit salva. d. l. 1. §. 13.

Estne hac forma præcise servanda?

Si quid omissum sit, quod leve est, actus in totum non vitatur: & mos regionis cujusque maxime spectandus. d. l. 1. §. fin.

Tit. 5. Si ventris nomine muliere in possessionem missa dolo malo eadem possessio ad alium translata esse dicatur.

Quid, si ventre in possessionem missa, possessio dolo malo ad alium sit translata?

Datur ei cujus interest. l. 1. §. 3. D. h. adversus mulierem, quæ dolo malo, clam, & per machinationem possessionem transtulit. l. 2. D. h. vel patrem, in cujus potestate est, aut hæredem, actio in id quod interest. l. 1. §. 1. 4. ff. h. Ne, dum in favorem partus possessionem pollicetur Prætor, aliis præbeat occasionem prædæ.

Tit. 6. Si mulier ventris nomine in possessione calumniæ causa esse dicatur.

Quid, si mulier calumniæ causa cum sciret se non esse pregnantem, ventris nomine fuerit in possessione?

Non tantum est infamis. l. 15. & seqq. ff. de his quæ not. infam. sed & datur contra eam actio, quanti agentis interfuit. l. 1. §. 4. 6. & 7. ff. h.

Tit. 7. De Concubinis. Tit. 26. Lib. 5. Cod.

Quæ sunt Concubinae?

Fœminæ obscuriori loco natæ, quæ extra formam matrimonii habentur in consuetudine. l. 1. ff. h.

Estne

Estne concubinatus permissus?

Nulla modo, nec Iure Divino, nec Canonico; imo nec Iure Civili, sed Ius Civile eum tolerat improbando: nec, licet per eum non committatur stuprum, vel adulterium, ac sic hæc conjunctio sit extra poenam L. Iulix. l. 3. ff. h. tamen in genere non permittitur.

De Naturalibus liberis. Tit. 27. Lib. 5. Cod.

Liberi ex concubinato nati quomodo appellantur?

Naturales: quia eos natura tantum, non lex agnoscit. tot. h. t. distincti à spuriiis, quod spurii vulgo quæriti; hi ex certis parentibus.

Estne quid singulare in hisce?

Matri & ascendentibus per matrem, & ex testamento & ab intestato succedunt. l. 2. 8. ff. unde cognat. etiam cum legitimis. A patre vero alii debent, & institui possunt ex asse, si liberi legitimi patri non sint. l. 8. & auth. seq. C. h. & existentibus liberis, tantum in unam unciam cum matre dividendam. l. 2. C. h. Nov. 89. c. 1. 2. §. 2. Quod autem ultra iis est relictum, redit ad liberos legitimos. d. l. 2. Ab intestato vero, si sint legitimi vel legitima uxor, non admittuntur ad patris bona: iis vero deficientibus, tantum in duas uncias cum matre concubina, si ea vivat, dividendas. Nov. 89. c. 12. §. 1. 2. & 3. matri vero absolute succedunt. l. 2. 8. ff. vind. cogn.

P A N D E C T A R U M

L I B E R XXVI.

Tit. De Tutelis. Tit. 13. Inst. Lib. 1.

Quid est Tutela?

Vis ac potestas in capite libero ad tuendum eum, qui per ætatem se defendere nequit. §. 1. Inst. h.

Quid sibi volunt verba: vis ac potestas?

Non significant vim violentam, quia leges eam non admittunt; nec potestatem absolutam, quæ in tutoribus

non est. *pr. Inst. h. sed auctoritatem ad tuendos pupillos. tot. D. C. & Inst. de auctor. tutor.*

Quid sibi volunt verba: ad tuendum cum?

Per hæc distinguitur tutela à cura. Tutor enim principaliter personis. §. 3. *Inst. qui testam. tut. dat.* Curator rebus datur. *l. 20. D. de rit. nupt.*

Quomodo distinguitur tutela?

Est vel testamentaria, vel legitima, vel dativa. *l. 52. C. de Episc. & cler.* Tutor vero confirmatus originem quidem habet ex testamento, & privilegia testamentarii habet, sed cum, antequam confirmatur, tempus ei non cedat. *l. 1. C. de confirm. tutor. l. 13. §. 12. ff. de excus. quod in Testamentario est secus. l. 7. 9. de testam. tutel. junct. l. 1. §. 1. l. 5. §. fin. D. de admin. tutor. cujus periculo omnia sunt ab adita hæreditate, & quia in ejus locum alius dari potest. l. 3. C. de administ. tutor. quod non est in Testamentario. l. 10. D. de tutor. & tutor. dat. quia denique magistratus tenetur, si non recte confirmaverit. l. 5. D. de confirm. tutor. quod non est receptum in Testamentario, magis Dativus quam testamentarius est dicendus.*

Tit. 2. De testamentaria tutela. Tit. 28.

Lib. 5. Cod. Tit. 14. Lib. 1. Inst.

Quæ est testamentaria tutela?

Est, qua pater liberis suis impuberibus, in potestate constitutis, testamento tutorem dat.

Cur dicitur pater?

Quia mater non dat jure testamento tutorem. Pater quidem non tantum dat institutis, sed & exhereditatis: mater non nisi institutis, sed & inquiri in eum oportet, quem mater testamento constituit. *l. 4. D. h. non in eum, qui à patre datus est.*

Atqui etiam, si mater dederit exhereditato, confirmatur. l. 4. C. h.?

Id magis moris est, quam juris; solet plerumque confirmari, inquit textus in *d. l. 4. C. h.* sed non debet necessario. *d. l. 4. D. h.*

Cur additum in potestate constitutis?

Quia pater emancipato non dat tutorem, sed propter patris judicium & affectum, qui datus est, confirmatur, verum sine inquisitione. §. fin. *Inst. de tutel.*

Potest

Potest pater etiam dare posthumis?

Potest, quia cum de commodo agitur, habentur posthumi pro natis. § 4. *Inst. de tutel.* Quod receptum est peculiari favore propter præmaturum parentum fatum: cum alias quilibet ad utramque fortunam nascatur.

Quid, si quis filio dederit?

Si simpliciter filio, non addito nomine, omnibus filiis dedisse videtur. l. 16. §. 1. ff. h. junct. l. 116. 122. ff. de V. S. Similiter si filiis dederit, etiam filia comprehenduntur licet posthumæ: non nepotes, nisi liberos vel posteros dixerit. l. 5. 6. ff. h.

Imo videntur nomine filiorum nepotes venire.

l. 84. ff. de V. S. ?

Id verum est, cum eadem utrorumque est ratio: sed in tutoris datione diversa est, quia aliud est patrimonium quod nepotes habent, aliud quod filii: nepotes enim præter alia etiam patris sui habent bona. l. 31. §. fin. ff. de excusat. tut.

Quid, si filiabus sit tutor datus?

Non filiis. l. 45. ff. de legat. 3. sed filiabus etiam posthumis datus est. d. l. 5. ff. h.

Cur legatum, quod filiabus datum est, non pertinet ad posthumas. l. 15. §. fin. l. 17. pr. ff. de legat. 1. ?

Est alia legati, quam tutoris dati ratio. Legatum enim ob affectum vel merita personæ relinquitur. l. 9. ff. pro soc. Tutor datur, ut consulatur tantum liberis, quia sua tueri non possunt. §. 1. *Inst. de Attil. tutor.* Nec etiam per tutoris dationem tutori quicquam adimitur, ut per legatum hæredi. l. 116. de legat. 1.

Cur additur, in testamento?

Quia, si tutor non sit datus testamento, nec codicillis testamento confirmatis, sed in codicillis ab intestato, est confirmandus. l. 1. §. 1. ff. de confirmand. tutor.

Quæ sunt prærogativæ testamentarii tutoris?

1. Quod dari possit ad tempus, ex tempore, & sub conditione. §. 2. *Inst. h.* 2. Quod præferatur omnibus legitimis & dativis, etiam matri & avia. l. 11. ff. h. Nov. 118. c. 5. 3. Quod non satisfaciat, nec in eum inquiratur. pr. *Inst. de satisfat.*

Potestne tutor ad certam rem dari?

Non potest. §. 3. *Inst. h.* Et, si datus sit, non valet datio.

Q

l. 12.

l. 12. 13. 14. ff. h. Sin autem bona sint sita in diversis provinciis, utilitatis causa recepta est datio ad res. l. 15. ff. h.

Tit. 3. De confirmando tutore vel curatore. Tit. 29. Lib. 5. Cod.

Quando confirmatione est opus?

Si dederit is, qui testamento dare non potest; ut mater, patronus, extraneus: aut si tutor sit datus ei, cui non potest dari; ut si liberi non sint in potestate vel sint puberes. *l. 1. §. 1. 3. D. h. aut in codicillis non confirmatis tutor sit datus. d. §. 1.*

Qua sunt privilegia confirmati tutoris?

ff. Bonum Quod non satisfacit, & si pater eum dederit, sine inquisitione confirmetur, vel si alius, ex inquisitione confirmetur. *l. 1. §. 2. l. 2. D. h.*

An ergo in eum, quem pater dat inutiliter, nullo modo inquiritur?

Imo inquiritur in hæc. 1. An patris voluntas duraverit. 2. An celata vel ignorata emerferit improbitas morum. 3. An inimiciæ post cum patre exarserint. 4. An tutor cum fisco damnosum contractum iniverit, vel aliter pauperior sit factus. 5. An alia qua sit justa causa eum prætereundi. *l. 8. 9. 10. D. h. l. 4. supra D. de testam. tutel.*

Quid, si pater filio naturali tutorem dederit?

Etsi quidem tutor filio impuberi datus, aut curator puberi vel impuberi, citra inquisitionem sit confirmandus. *l. 6. D. h. tamen tutor naturali tantum datus confirmatione indiget, licet pater quid ei reliquerit. l. 7. ff. h.*

Tit. 4. De legitimis tutoribus. Tit. 30. Lib. 5. Cod. Tit. 15. Lib. 1. Inst.

De legitima agnatorum tutela. Tit. 16. Lib. 1. Inst.

De legitima patronorum tutela. Tit. 17. Lib. 1. Inst.

De legitima parentum tutela. Tit. 18. Lib. 1. Inst.

De Fiduciaria tutela. Tit. 19. Lib. 1. Inst.

Quando mulier tutelæ officio fungi potest.
Tit. 35. Lib. 5. Cod.

Quid est tutela legitima ?

Quæ defertur à solâ lege. sic dicta, quod sine factō hominis per solam legem introducatur & valeat.

Quomodo hac distinguitur ?

Fuit olim 1. Agnatorum. quæ agnatis, per virilem sexum conjunctis, propter commodum successionis deferabatur ex verbis duodecim tabularum. *tot. tit. de legit. agnator tutel.* 2. Patronorum. quam ex interpretatione legis ob commodum successionis patroni ad tuendos libertos obibant. *tot. tit. de legit. patronor. tut.* 3. Parentum. qua patres ad exemplum patronorum liberos suos impuberes defendebant. *tot. tit. Inst. de legit. parent.* 4. Fiduciaria. quam sustinebant fratres, ad suos fratres gubernandos. Verum hodie, sublato discrimine inter agnatos & cognatos. *Nov. 118. c. 4. & 5.* & agnatorum tutela est abolita. Sic autem jura tutelæ legitimæ sunt disposita, ut patre mortuo, primo loco admittatur mater, secundo avus, tertio avia, & post ceteri consanguinei secundum ordinem succedendi ab intestato; ita ut, qui eodem sunt gradu, eodem modo onere tutelæ graventur, modo sint habiles sexu, ætate, &c.

Quomodo matres, & avia admittuntur ad tutelam ?

1. Si testamento non sit datus tutor. 2. Cogi non possunt, si nolint. *d. Nov. 118. c. 5.* 3. Debent esse viduæ.

Quid ergo, si ad alias nuptias post pervenerint ?

Removentur à tutela vel cura. *d. auth. sacramentum.* Et, si non redditis rationibus ad secunda vota transierint, privantur successione legitima liberorum impuberum. *l. 2. C. h. ut & bona secundi mariti pro administratione sunt obligata.*

Quid, si maritus secundus moriatur ?

Non recipient matres, vel avia tutelam. *arg. l. 1. C. ubi pupillus educar.*

De Attiliano tutore, & eo, qui ex Lege Julia
& Titia dabatur. Tit. 20. Lib. 1. Inst.

De tutoribus & curatoribus datis ab his, qui
jus dandi habent: & qui, & in quibus cau-
sis specialiter dari possunt. Qui dare tuto-
res vel curatores possunt, & qui dari non
possunt. Tit. 34. Lib. 5. Cod.

Qua est tutela dativa?

Qua magistratus pupillis, cum nulli ex testamento,
nec ex lege sunt tutores, prospicit de tutoribus. *pr. Inst. h.*

Quis magistratus hanc habet potestatem?

Varie olim ea fuit exercita: competebar enim illi so-
li, cui lex eam dederat. *l. 6. §. 2. ff. de Tutel.* verum secun-
dum mores quilibet magistratus potest dare.

*Quid, si testamento sub conditione vel ex die tutor sit
datus?*

Est à magistratu dandus, uti etiam fiet, quoties testa-
mento datus sese excusaverit vel fuerit remotus. *l. 11. pr.
§. 1. & 2. ff. de testam. tut.*

Quid, si testamento dati obierint, vel deportati sint?

Si unus fuerit tutor, isque obierit vel deportatus sit,
tutori legitimo erit locus; si autem plures testamento
sint dati, in locum unius mortui vel deportati, si res
pupilli id exigant, dabitur tutor à magistratu. Sin au-
tem omnes obierint, vel in civitate esse desierint, voca-
bitur tutor legitimus. *d. l. 11. §. 3. 4.*

De tutoribus vel curatoribus illustrium vel
clarissimarum personarum. Tit. 33.

Lib. 5. Cod.

An igitur magistratus promiscue omnibus potest dare?

Non. est enim modus jurisdictionis servandus. *§. 4.
Inst. de Attil. tut.* Vnde in specie placuit, ut illustri ge-
nerenatis dentur Romæ à præfecto urbi, adhibitis in
consilium decem senatoribus & prætore pupillari. *l. 1.
in pr. h. in provinciis à præside. d. l. 1. in fin. innot. §. 4.
& seq. Inst. de Attil. tut.*

Qui

Qui Tutores dari possunt.

Qui possunt dari ?

Non foeminae sed masculi, & tam patres quam filii-familias. *l. 7. D. de tutel.*

Quousque pater tenetur ex administratione filii ?

Siquidem sese immiscuerit dicto, scripto, vel facto, in solidum; alias, si tantum consenserit, non sese immiscuerit, tantum peculio tenus. *d. l. 7. D. de tutel. junct. l. 21. D. de administr. tutor.*

Potestne & creditor vel debitor pupilli tutor dari ?

Prohibitum id fuit jure novo. *Nov. 72.* addita hac poena, ut si debitor sit & dissimulata obligatione se pro tutore gerat, solutio quam fecit sit nullius momenti, & creditor si dissimulaverit, patiatur jacturam actionis. *Auth. minoris. C. h. qui dare tutores.* Sin autem contigerit, tutorem dum tutelam gerit fieri debitorem aut creditorem, adjungendus est ipsi curator. *d. Auth. minor.*

Si contra matris voluntatem tutor datus sit,

Tit. 47. Lib. 5. Cod.

Quid, si contra matris voluntatem ultimam tutor sit datus à magistratu ?

Removebitur sine infamia, nisi fraudem commiserit. *l. un. C. h. l. ult. de susp. tutor.*

De Curatoribus. *Tit. 23. Lib. 1. Inst.*

Cum aliqui eorum, qui se defendere non possunt, sint in tutela, aliqui in cura. Videndum & de cura.

Quid est cura ?

Est potestas administrandi bona eorum, qui per ætatem vel aliam rationem sua gubernare nequeunt.

Quibus datur curator ?

1. Puberibus. *pr. Inst. h.* 2. Majoribus 25 annis, prodigis, furiosis, mente captis, surdis, mutis, iisque, qui perpetuo morbo laborant, ut suis rebus superesse nequeant. *§. 3. & 4. Inst. h.* 3. Quandoque impuberibus, si tutor testamento datus vel legitimus non sit ad administrandum idoneus, vel si tutor ad tempus sit excusatus, vel si consanguineus levi ex causa sit suspectus. *§. 5. Inst. h. l. 9. ff. de suspect. tutor.*

De

De auctore à tutore seu curatore dando.

Tit. 61. Lib. 5. Cod.

Quid, si tutor vel curator datus quidem sit idoneus, sed adversa valetudine, non fontica, nec perpetua, vel aliis impedimentis districtus, non sufficiat satis administrationi?

Solet ejus nominatione & periculo constitui & confirmari à prætore auctor. §. fin. Inst. h. l. 24. ff. de administr. tutor. l. unic. C. h.

De in litem dando tutore vel curatore.

Tit. 44. Lib. 5. Cod.

Potestne & curator dari ad speciale aliquod negotium, quod tutor vel curator alius administrare non potest?

Potest. §. fin. Inst. de authorit. tut. Ita ad litem certam. qua in re hoc speciale est, quod non teneatur ex periculo pro aliis tutelæ partibus administrandis, possitque sumptus litis recuperare ab illo, qui ordinarie administrat. l. 1. & tot. tit. C. h.

In quibus causis tutorem vel curatorem habenti tutor vel curator dari potest.

Tit. 36. Lib. 5. Cod.

Potestne etiam tutor pupillo habenti tutorem dari?

2451 ff. 33. apud. Non potest, nisi causa cognita, ut si substituendus sit aliquis in locum suspecti, relegati, vel mortui. l. 2. 4. C. h. & similibus casibus, quibus iudex putat esse necessarium.

Qui dare possunt curatores?

Proprie non dat testator, sed is, quem dedit, confirmandus est. §. 1. Inst. de curat. Nec à lege est curator, quia cum minor ipse possit condere testamentum, & adimere propinquis hæreditatem, non sunt consanguinei onerandi curatione. argum. l. 73. ff. de R. I. Itaque omnes sunt dativi. d. §. 1. Inst. de curat.

Tit. 6,

Tit. 6. Qui petant tutores vel curatores, & ubi petantur. Tit. 31. Lib. 5. Cod.

Qui petunt tutores vel curatores?

Mattris sollicitudo, ut & propinquorum, qui successuri sunt ab intestato, in petendis tutoribus, non autem curatoribus, observatur. *l. 1. l. 2. ff. h. & si negligentiores fuerint, & intra annum non petierint, iis omnis & ab intestato, & ex jure substitutionis successio impuberis denegatur l. 2. §. 1. ff. h. l. 10. C. de legit. liber.* Alii vero propinqui, affines, familiares, masculi & foeminae, possunt quidem tutores petere, sed voluntario. *l. 2. pr. D. h.* Minores vero sibi petunt curatores, vel per se, si sint praesentes, vel per procuratores, si absint. *d. l. 2. §. 4. & 5.*

Ergo minores inviti non accipiunt curatores?

Nulla modo, non enim ipsis obtrudi possunt, nisi res suas dilapidare inceperint. *l. 12. §. 2. D. de tutor. & curat. dat.* vel lis iis immineat. *§. 2. Inst. de curat.*

Ergone iis administratio rerum est permittenda, contra

l. 1. pr. & §. fin. D. de minor. *Periculum autem introitus & exitus*

Nequaquam, sed si res ipsorum exigat, monendi & cogendi sunt, ut curatores petant. *l. 6. C. h. l. 5. D. de administr. & pericl. tutor.* *quoniam periculum est l. 2. §. 12*

Vbi petantur tutores vel curatores.

Tit. 32. Lib. 5. Cod.

Vbi petuntur tutores vel curatores?

Vbi pupilli degunt, & ubi eorum sunt facultates, & unde originem per conditionem patris ducunt. quod si ubi morantur inde originem non ducant, vel bona ibi non habeant, restitui debent origini & ubi patrimonium habent, ut ibi accipiant tutores vel curatores. *l. unic. C. h.*

Quid, si in diversis provinciis pupillus habuerit patrimonium?

Magistratus in singulis provinciis dabit tutores. *l. 27. ff. de tutor. & curat. dat.* & si nimium distitae sint facultates, spectandus est locus originis, vel domicilii: hoc attento, ne tutor vel curator administrare cogatur ultra

ultra centesimum lapidem, nisi in eadem provincia pupilli sit patrimonium. *l. 21. §. 2. ff. de excusat.*

De satisfactione tutorum vel curatorum.

Tit. 24. Lib. 1. Inst.

Estne Iure Civili satisfactio opus, ut pupillis vel minoribus undequaque sit cautum?

Est omnino. *pr. Inst. h.* sed hac non onerantur testamentarii, & qui ad inquisitionem sunt dati. *d. pr.*

Quomodo fit hac satisfactio?

Datis fidejussoribus. *l. 1. ff. qui satisfd. cog.* Sed hodie multis locis non frequentatur; cum ipso jure bona pro administratione sint obligata. *l. 20. C. de administr. tut.* & ulterius gravari non debeant tutores propter onus quod sustinent.

Quid, si plures testamento, vel ex inquisitione sint dati?

Potest unus (si velit ipse solus administrare vel ab administratione liberari) offerre contutoribus vel concuratoribus optionem, utrum velint satisfacere & administrare, an sibi satisfdari ab offerente, ut is administret: si vero talis oblatio non fiat ab ullo, administrabit is, quem testator voluerit, vel eligent unum inter sese; aut si dissentiant, Prator se interponet. *§. 1. Inst. h.*

De tutore vel curatore qui satis non dedit.

Tit. 42. Lib. 5. Cod.

Quid, si non prestetur satisfactio?

Arcentur tutores vel curatores ab administratione. *l. 1. C. h.* & si Præsidi jubenti satisfactionem fieri non obtemperantes administraverint, remonentur cum infamia, nisi inopiæ causa hoc fecerint. *l. 2. C. h.* Illa, quæ interim sunt gesta, sive sententia fuerit lata, sive alienatio fuerit facta, nullius sunt momenti, adeo ut non opus sit restitutione in integrum. *l. 3. fin. C. h.*

Tit. 7. De administratione & periculo tutorum & curatorum qui gesserint vel non: &
de

de agentibus vel conveniendis uno vel pluribus.

De administratione tutorum vel curatorum,
& pecunia pupillari fœneranda, vel depo-
nenda. Tit. 37. Lib. 5. Cod.

*Debentne necessario tutores vel curatores
administrare tutelam ?*

Debent. l. 1. ff. h. Est enim munus publicum. pr. Inst.
de excusat. tutor.

Qui ex curatoribus debent administrare ?

Præstat, ut per unum omnia dirigantur; singula enim
melius expediri possunt per unum, quam si per multos
tutela spargatur. l. 3. §. 6. ff. h.

Ergone reliqui, qui non administrant, sunt liberati ?

Nulla modo : conveniri enim possunt, excussis fa-
cultatibus administratoris, & imputabitur iis si admi-
stratorem suspectum non fecerint; assidue rationes sin-
gulares exigent, & observabunt singula. d. l. 3. §. 2.

A quo fit initium administrationis ?

Præstabitur juramentum. auth. quod nunc. C. de curat.
furios. & antequam se immisceat administrationi tu-
tor, faciet inventarium. quod est fundamentum admi-
nistrationis & rationum reddendarum. l. 7. ff. l. 24. C. h.
l. ult. §. 1. C. de arbitr. tutel.

Quid, si quis neglexerit facere inventarium ?

Removendus est ut suspectus, cum infamia, si dolo
id omiserit. d. l. 7. d. l. fin. §. 1. C. de arbitr. tutel.

Annon aliquando omitti potest ?

Potest omitti ex justa causa. d. l. 7. ff. h. uti si expe-
diat non divulgari secreta patrimonii, vel plus sit im-
pendendum inventario, quam est in bonis.

*Quid, si pater prohibuerit confectiorem
inventarii ?*

Excusabitur quidem tutor, quod ob eam causam
non fecerit; verum præstat judici rem exponere : & li-
cet non solemne faciat inventarium, satius tamen est co-
ram testibus summariam aliquam descriptionem bono-
rum fieri.

Potestne ante confectiorem inventarii aliquid geri ?

Nihil prorsus, nisi quod dilationem pati non possit.
l. 7. ff. h.

Circa qua versabitur administratio ?

1. Curabuntur ea, quæ ad personam instruendam pertinent: ut pro facultatibus & dignitate fiat educatio, mercedes præceptoribus præstentur. *l. 12. §. 3. ff. h. alimenta recte decernantur, &c.* 2. Rerum justa ratio habenda est.

*In quibus consistit administratio
circa res ?*

Vt bene acquirantur, conserventur, rite & prudenter expendantur.

Quomodo recte acquiruntur & conservantur ?

Morosi debitores ad solutionem interpellandi sunt. *l. 13. l. 46. fin. ff. h. C. h.* & si non solvant, cogendi ad venditionem pignorum. *l. 18. C. h.* Defendendi pupilli & minores contra eos, qui cum iis agunt. *l. 28. C. h.* non tantum in prima, sed & in appellationis instantia. *l. 1. C. h.*

Possuntne tutores transigere & juramentum deferre ?

Possunt, si hoc utile sit pupillis, & nihil alienent vel imminuant. *d. l. 46. §. fin. l. 35. ff. de jurejur.*

Possuntne tutores debitoribus pupilli tempus ad solvendum prorogare ?

Non possunt ex mera gratia. *arg. l. 18. C. h.* Secus, si justa & utilis sit causa, vel saltem ea præsumatur ex bona fide. *arg. l. 28. §. 1. ff. de pact.*

Quomodo in expendendo tutor versabitur ?

Vt in tempore solvat, ne pupillus in pœnam aliudve damnum incidat: aliàs enim erit id tutoris periculo. *l. 1. 23. C. h.* & pecuniam quam accepit, non temere otiosam relinquat, sed in emptionem prædiorum, vel aliud lucrum conveniens collocet. *l. 24. C. h.* nisi redditus prædiorum pupillo sufficiant; tunc enim tutor impune poterit pecuniam otiosam servare. *Auth. noviss. C. h.* ut autem omne periculum, circa usuras tutor evitet, implorabit consilium & decretum magistratus, & sic ab omni parte securus esse poterit. *l. 25. C. h. 27 28.*

De periculo tutorum vel curatorum.

Tit. 38. Lib. 5. Cod.

Quod periculum pertinebit ad tutores vel curatores ?

Præstabunt omne damnum , quod est ex levi culpa, *l. 7. Cod. arbitr. tutel.* tantum quod est ex lata, si non satis bonam conditionem elegerint in comparandis prædiis. *l. 7. §. 2. ff. de administr. tut.* vel nomina paternorum debitorum minus idonea esse cœperint. *l. 2. Cod. ad arbitr. tutel. Dd. Ll.*

De dividenda tutela, & pro qua parte quisque tutorum conveniatur. Tit. 52.

Lib. 5. Cod.

Quid, si divisa sit administratio inter plures tutores vel curatores ?

Quisque administrabit secundum sibi adsignatam partem, vel regionem. *l. 39. §. 7. & 8. ff. de administr. tutor.* Et, si divisa non sit tutela, singuli possunt lite pulsari in solidum , & cessa à pupillo vel minore actione adversus collegas agere, si solverunt. *l. 2. C. h.* Competit vero iis exceptio divisionis, qua obtinent, ut & reliqui pro suis partibus conveniantur. *l. 1. §. 10. 11. ff. de tutel. & ration. l. fin. ff. rem pupill. salv.* modo omnes solvendo fuerint tempore tutelæ finitæ , & , si post quidam labantur facultatibus , nullum exinde sustinebunt reliqui periculum. *l. 1. C. h.*

Quid, si quidam gesserint, quidam non ?

Qui non gesserunt, recte conveniuntur , iis primum excussis qui gesserunt. *l. 3. C. h.* uti de honorariis tutoribus responsum est, in *l. 3. §. 2. ff. de administr. tutor.*

Quid, si tutela sit divisa vel à testatore vel à iudice ?

Quisque pro sua administratione tenetur , nisi neglexerit contutorem suspectum postulare : id enim imputabitur. *d. l. 2. C. h.*

Quid, si ipsi tutores inter sese dividerint administrationem sine auctoritate iudicis ?

Singuli in solidum conveniri possunt ac si divisio non esset facta. *d. l. 2. C. h.* verum datur iis beneficium divisionis. *d. l. 1. §. 10. & seq. ff. de tut. & rat. distr.*

Tit. 8.

Tit. 8. De autoritate & consensu tutorum
vel curatorum. Tit. 59. Lib 5. Cod.

Possuntne pupilli vel minores quid administrare?

Pupilli sine tutorum autoritate nihil in detrimentum suum facere possunt; sed in commodum. *pr. Inst. h.* Ex autoritate vero eorum omnia gerunt, modo fieri possint. *l. 5. ff. de R. I.* Minores autem, siue curatores habeant siue non, semper possunt obligari sine consensu Tutorum. *l. 101. ff. de V. O.* sed lasi restituuntur. *tot. tit. ff. de minor.* nihil autem alienare possunt si curatores habeant. *l. 3. C. de restit. in integr. minor.*

Annon pupilli naturaliter obligantur?

Obligantur, non ex conventionem quoad se, sed quoad alios; ut si novatio fiat. *l. 1. §. fin. ff. de novat. §. 3. Inst. h.* quib. mod. tollit. oblig. si detur fideiussor. *l. 127. D. V. O.* vel qua spectatur, quod solutio fieri possit, aut tantum facti habetur ratio. *l. 25. §. 1. ff. quand. dies legat. vel fideicom.* Sin autem obligatio descendat ex re, propter utilitatem valide obligantur, etiam quoad propriam personam. *l. 46. ff. de obl. & act.*

Quid de obligationibus mutuis est statuendum?

Pupillus quidem non est obligatus, verum is, qui cum illo contraxerit, siquidem pupillus velit. *d. pr. Inst. h.* Id vero non ita est accipiendum, quod pupillus consequi quid possit cum incommodo ejus, qui cum contraxit, sed statuere, utrum contractum velit esse ratum vel non.

Quid est authorem fieri, & quando autoritas interponenda?

Probare id quod agitur. *l. 3. ff. h.* Interponitur autem in continenti, dum negotium geritur: post tempus enim, vel ab absente tutore per nuncium frustra interponitur. *§. 2. Inst. h.* *l. 3. ff. ad.*

Quid, si inter tutorem & pupillum negotium sit gerendum?

Dabitur interim ad eum actum curator, qui negotio finito curator esse desinit. *§. fin. Inst. h.*

Valetne hac regula perpetuo, quod pupillus suum possit facere meliorem conditionem sine autoritate?

Valet, nisi hereditas incunda, vel bonorum possessio petenda; licet sit lucrosa. *§. 1. Inst. h.*

Qui-

Quibus modis tutela finitur. Tit. 22. Lib. 1.
 Inst. Et quando tutores esse desinant.
 Tit. 60. Lib. 5. Cod.

Quibus modis finitur tutela specialiter?

1. Pubertate, quæ in masculis quatuordecim, in
 fœminis duodecim annis terminatur. *pr. Inst. h.* 2. Ex-
 istentia temporis vel conditionis adjectæ tutoris dationi
 in testamento. §. 2. 5. *Inst. h.*

Quomodo cura finitur specialiter?

1. In minoribus mente & corpore sanis, anno vi-
 cesimo quinto. *pr. Inst. de curat.* in furiosis, prodigis,
 mente captis, mutis, surdis, & perpetuo laborantibus,
 non aliter quam cum sanitati mentis vel corporis fue-
 rint restituti. *l. 1. D. de cur. furios.* 2. Si ad certum nego-
 tium sit datus, eo finito. §. *fin. Inst. de author. tut.*

Quæ sunt communes causæ curæ vel tutela finiendæ?

1. Mors tutorum aut curatorum sive pupillorum ac
 minorum, sive naturalis sive civilis. 2. Dignitas quæ-
 libet tutoris vel curatoris, quæ à curia liberat. *Nov. 81.*
c. 1. & 2. junct. l. ult. C. decur.

Ut causæ post pubertatem adsit tutor.

Tit. 48. Lib. 5. Cod.

*Annon & post pubertatem tutor adesse de-
 bet causæ pupillari?*

Quamdiu tutor in curatorem administrationem non
 transtulit, defensionis causarum pupillarium assistere
 debet: licet enim tutelæ pubertate finiantur, periculum
 tamen administrationis non ante finitur, quam cum
 rationes redditæ, & instrumenta fuerint tradita. *l. unic.*
C. h.

*Debetne & tutor pubere factæ pupillo appellatio-
 nem à se interpositam prosequi?*

Non solum ipse, sed & hæres ejus tenetur appellatio-
 nis merita probare, antequam reddat rationes. *l. 27. ff.*
de appellat.

Quid Iuris circa executionem sententiæ?

Iudicatum tutores vel curatores post pubertatem
 per-

persequi non tenentur, atque ejus ratione periculo culpæ non subjiciuntur. *l. 38. §. 12. ff. de administr. tutor.*

Tit. 9. Quando ex facto tutoris vel curatoris minores agere vel conveniri possunt.

Tit. 39. Lib. 5. Cod.

Possuntne pupilli & minores ex facto tutorum vel curatorum agere vel conveniri?

Possunt: nam contrahendo ex rebus pupillorum & minorum, pupillis & minoribus actionem acquirunt. *l. 2. l. 4. C. h.* licet etiam pecuniam pupillarem tanquam suam mutuo dederint, vel ex ea prædium sibi comparaverint: nam non eo minus actio ex mutuo aut dominium pupillis vel minoribus acquiritur. *l. 2. ff. h.* Vice versa, si in rem eorum pecuniam mutuam sumperint, ipsi pupilli & minores obligantur. *l. 3. C. h.* & si fuerint condemnati, &, antequam satisfecerint, ab officio discesserint, actio judicati adversus pupillos vel adolescentes datur. *l. 1. C. h. l. 26. C. de administr. tutor.*

Quid, si dolo quid fuerit commissum?

Non nocet pupillis nec minoribus, nisi qua locupletiores ex eo sunt facti. *l. 3. & 4. ff. h.*

Si ex pluribus tutoribus vel curatoribus omnes vel unus agere pro minore, vel conveniri possint. Tit. 40. Lib. 5. Cod.

Potestne unus ex tutoribus agere vel conveniri nomine pupillorum?

Potest. *l. 1. C. h.* nisi divisa sit tutelæ administratio per provincias; quisquis enim in sua provincia, non aliena, causas agit. *l. 2. C. h.*

Quid, si debitor in una provincia objiciat compensationem ejus, quod sibi debetur à pupillo in alia provincia?

Audiendus est, licet divisio tutelæ sit facta. Nam divisio tutelæ, quæ non juris sed jurisdictionis est, modum administrationi quidem facit, sed non impedit quominus unius sit patrimonium. *l. 36. l. 47. In fin. D. de administr. tutor.*

Tit. 10.

Tit. 10. De suspectis tutoribus vel curatoribus.

Tit. 43. Lib. 5. Cod. Tit. fin. Lib. 1. Inst.

Quid, si quis ex fide tutelam non gerat ?

Hic propter malos mores removendus. est à tutela.
t. t. D. h.

Ex quibus causis suspectus sit tutor ?

Si per contumaciam non gerat. l. 3. C. h. vel fraudulenter aut segniter. l. 5. C. h. Quæ autem segnitie sufficiat, judicis arbitrio est relinquendum. l. 3. §. 12. D. h.

Quid, si faciat tutor, ut alimenta non possint decerni ?

Si sui copiam non faciat, dabitur pupillo curator, quo authore pupillus in bonorum possessionem mittendus, & quæ mora deteriora sunt futura, distrahenda sunt. l. 3. §. 14. D. §. 9. Inst. h. verum, si præsens contendat, non posse pupillo propter inopiam decerni, dabuntur pupillo advocati, & si tutor mendacii convincatur, extra ordinem punietur. d. l. 3. §. 15.

Quid, si tutor accusatus offerat satisfactionem ?

Nihil id proderit. Expedit enim rem salvam habere, quam tabulas cautionis. l. 5. & 6. C. h.

Quid, si tutor ante tutelam, sive ejus administrationem male se gesserit ?

Si quid admisit, antequam tutor esset, quamvis in bonis pupilli, non potest suspectus postulari. l. 3. §. 5. D. h. secus, si, cum tutor esset antequam administraret, quid commiserit. §. 5. Inst. h.

Possuntne omnes suspectos postulare ?

Possunt: imo & mulieres. §. 3. Inst. h. quin & puberes ex consilio necessariorum; non autem impuberes. §. 4. Inst. h. l. 7. D. h.

Qui possunt fieri suspecti ?

Omnes, cujuscunque sunt generis. Patronis vero hoc datum est, ut removeri quidem possint, sed non fiant infames, licet dolum commiserint. §. 2. Inst. h. Et consanguineis, si negligentiores sint, adjungitur curator ad administrandum. l. 9. D. h.

Quis est effectus hujus accusationis ?

Simulac ea est proposita, statim adimitur tutori administratio. l. 7. C. h. quod ex favore pupillorum receptum

receptum est contra regulam communem, quæ vult, ne ab executione fiat initium. *l. 2. C. de execut. rei jud. &*, si accusatio vera deprehendatur, & sufficiens videatur causa, non tantum removendus est tutor, sed & ob dolum tantum fit infamis. *l. 3. §. fin. l. 4. ff. §. 6. Inst. h. &*, si quid gravius concurrat, extra ordinem punitur. *§. 9. 10. Inst. h.*

*Estne idem juris in lata culpa quod est in dolo,
ut infamia tutor notetur?*

Nequaquam. *d. l. 3. §. fin. & l. 4. l. fin. C. h. t.* Verum quidem est, quod, cum agitur tantum de damno resarciendo, lata culpa veniat nomine doli: sed hoc non procedit, cum de infamia, vel capitis, aut alia graviore pœna quaeritur.

P A N D E C T A R U M

L I B E R XXVII.

Tit. 1. De excusationibus. Tit. 62. Lib. 5. Cod. Si tutor vel curator reip. causa aberit. Tit. 64. Lib. 5. Cod. De excusationibus veteranorum. Tit. 65. Lib. 5. Cod. Qui numero liberorum se excusant. Tit. 66. Lib. 5. Cod. Qui morbo. Tit. 67. Cod. eod. Qui ætate. Tit. 68. Cod. eod. Qui numero tutelarum. Tit. 69. C. eod. Ne tutor vel curator vectigalia conducat. Tit. 41. Lib. 5. Cod.

Possuntne tutores vel curatores sese excusare?

Possunt, siue sint testamentarii siue legitimi siue dativi. Nam, licet legitimi tutores vi legis & ex jure sanguinis spem hæreditatis habeant, tamen, quia ea spes certa non est, & victuri sperantur pupilli vel minores, ne contra juris rationem graventur, etiam excusabuntur, siquidem causa fuerit justa. *l. 30. §. 2. ff. h.*

Qua

Quæ est prima causa?

Numerus liberorum, Romæ trium, in Italia quatuor, in provinciis quinque. Si sint 1. Superstites, vel in acie amissi. 2. Legitimi & naturales simul, sive primi gradus, sive ex filio descendentes, sive in potestate, sive non: non, si descendant ex filia, vel si sint naturales vel legitimi tantum. *pr. Inst. h.*

Quæ est secunda?

Administratio rerum fisci, & conductio vectigalium. §. 1. *Inst. h. l. unic. C. ne tut. vel curat. vectigal.* Imo, qui rationes tutelæ non reddidit, non potest vectigalia conducere, sub pœna falsi. *d. l. unic.*

Quæ est tertia?

Absentia reipublicæ causâ: & datur interim curator. In hac re hoc speciale est, quod absentes post reditum anni habeant vacationem à novis tutelis, at ante agnitas statim à reditu recipiant. §. 2. *Inst. h.*

Atqui multis locis dicitur, quod interim tutor detur. l. 12.

D. de tutel. l. 3. §. 10. D. de suspect. l. 9. D. de tutel. & ration. distrah.

Id accipiendum est, cum quis trans mare abest. quo casu in totum tutela finitur. *l. 11. §. 2. D. de minor.* Deinde non infrequenter nomen tutoris pro curatore, vel curatoris pro tutore ponitur.

Quæ est quarta?

Potestas cum dignitate conjuncta. §. 3. *Inst. h.*

Quæ est quinta?

Lis de omnibus bonis, vel hæreditate, quæ tutori est cum pupillo, vel curator cum adulto. §. 4. *Inst. l. 16. C. h.*

Quæ est sexta?

Translatio domicilii ex rescripto principis, scientis tutorem esse. *l. 12. §. 1. D. h.*

Quæ est septima?

Onus trium tutelarum. §. 5. *Inst. h. l. unic. C. qui num. tutel. modo tutelæ non sint affectatæ. d. §. 5. & l. unic.* Vna vero ita diffusa, ut pro tribus sufficiat, etiam excusat. *l. 31 §. fin. D. h.*

Quid, si due sint species diversa vacationis non sufficientes?

Non sufficient ad excusationem: ut, si quis duos habeat filios, & duas tutelæ, *d. l. unic.*

R

Diver.

Diversitas tutelarum ex quo aestimatur ?

Non ex personis, sed ex administratione & patrimonio : quia propter onus administrandi datur excusatio. *d. §. 5.*

Quæ est octava ?

Paupertas, propter quam datus tutor non recte superesse potest negotiis pupilli. *l. 7. ff. h.*

Quæ est nona ?

Adversa valetudo fontica, per quam quis sua non potest administrare; ut, si luminibus sit captus, surdus, aut mutus, furiosus. *l. unic. C. qui morb.* Sed, si quis ita æger sit, ut non omnino dimitti debeat à tutela, solet in ejus locum curator dari. *l. 10. §. fin. ff. hic.* uti etiam, si non sit perpetuo furiosus. *l. 12. pr. h.*

Quæ est decima ?

Imperitia literarum, si talis sit tutela, quæ desiderat peritiam, vel si sit conjuncta rusticitas. Si vero talis sit tutela, ad quam peritia directo non requiritur, datus tutor non expers negotiorum gerendorum excusationem non habet. *§. 8. Inst. junct. l. 6. §. fin. ff. h.*

Quæ est undecima ?

Inimicitia capitalis, ad quam reconciliatio non intervenit, quam tutor datus exercuit adversus patrem pupillorum. *l. 6. §. 17. ff. h.*

Quæ est duodecima ?

Datio vexandi causa. quæ fit in hunc finem ut tutor subjiciatur multis difficultatibus. *§. 9. Inst. h.* publice enim interest amico affectu tutores dari. *l. unic. C. si propt. inimicit.*

Quæ est decima tertia ?

Controversia status, quam tutor à patre pupillorum passus est, vel quam tutor pupillo bona fide mover. *§. 12. Inst. l. 6. §. pen. ff. h.*

Quæ est decima quarta ?

Ætas major septuaginta annis. *l. unic. C. qui etat. §. 13. Inst. h.* quæ in muneribus vere publicis semper non præbet excusationem, & aliquando in iisdem non expectanda est.

Possuntne minores admitti ad tutelam ?

Nulla modo, quia qui alterius cura regitur, alii tutor vel curator esse non potest. *d. §. 13.*

Quæ

Quæ est decima quinta?

Conditio veteranorum, si non ad filiorum militum vel conveteranorum curam & quidem unicam sint vocati. l. 2. C. de excus. veteran. Milites autem licet velint tutelam non possunt administrare. §. 14. Inst. h.

Quæ est decima sexta?

Professio artium in iis, qui intra numerum sunt & in sua patria eas docent. §. 15. Inst. h. imo & in iis, qui supra numerum sunt & in aliena patria morantur, si valde disciplinis sint instructi. d. l. 6. §. 10. Legum vero Doctores non habent remissionem, nisi Romæ doceant. d. l. 6. §. 12.

Quæ est decima septima?

Qui tutelam administravit, non cogitur esse curator. §. 18. Inst. h. Verum moribus id non obtinet.

Quæ est decima octava?

Adsumptio in consilium principis. l. 30. pr. D. h.

Quid, si quis promiserit se suscepturum tutelam?

Non poterit excusationibus uti, cum per promissionem suam iis renunciaverit. §. 9. Inst. h. l. 29. D. de testam. tutel. nisi post novæ excusandi causæ emerferint. arg. l. 12. D. de Transact.

Quid, si quis alleget, se fuisse ignotum patri pupillorum?

Non præbet ea res excusationem. §. 10. Inst. h.

Quid faciet qui se excusare vult?

Non appellabit, sed causas coram iudice, siue unam siue plures habuerit, intra 50 dies continuos numerandos à tempore quo scivit se datum proponet. §. 1. 6. Inst. h. l. 39. ff. §.

Licetne ergo appellare, si rejecta sit excusatio?

Licet. l. 1. §. 1. & 2. D. quand. appell. cum in aliis muneribus publicis ab ipsa datione soleat appellari. d. l. 1. §. 1. & 2.

Si tutor vel curator falsis allegationibus excusatus sit. Tit. 36. Lib 5. Cod.

Quid, si tutor vel curator injustam vel falsam causam allegans fuerit excusatus?

Tutela vel cura periculo ejus erit ab eo tempore, quo administrare debuit. §. fin. Inst. de excus. l. 1. & r. r. C. h.

Tit. 2. Vbi pupillus educari vel morari debeat. Et de alimentis ei præstandis.

Tit. 49. Lib. 5. Cod.

Vbi pupillus est educandus ?

Maxime apud matrem, nisi ad secunda vota transferit. *l. 1. C. h.* Et, si controversia inter matrem & agnatos vel tutores oriatur, iudex statuet, inspecta qualitate & conditione personarum. *d. l. 1.* In specie vero iudex rationem habebit, ne educet is, qui successionem sperat, si de ejus malitia vel minima sit suspicio. *l. 2. C. h.* vel sit is, qui pudicitiae insidiari aut pupillum ad malos mores perducere possit. *l. 1. §. 1. l. 5. ff. h.* Nonnunquam ob causam etiam iudex recedet à voluntate patris. *d. l. 1. §. 2. ff. h.*

Cogine potest, quem iudex eligit, suscipere pupillum alendum ?

Nullomodo, nisi libertus, parens, affinis, cognatus, hæres vel legatarius sit patris. *d. l. 1. §. 2. 3. ff. h.*

Potestne & apud vitricum educari ?

Si æque commode possit pupillus educari apud alium, præteritur vitricus. *l. 1. ff. & l. 1. C. h.*

De alimentis pupillo præstandis.

Tit. 50. Lib. 5. Cod.

Quomodo educandus pupillus ?

Præstabuntur non tantum alimenta, sed & sumptus in disciplinas & servitia, secundum modum, quem Prætor arbitrabitur. *l. 2. §. 1. l. 3. pr. §. 1. 4. ff. h.* vel qui conveniat facultatibus pupilli. Nec tantum reputabitur tutor, quantum dedit, si plus æquo dedit, sed quantum dare debebat. *d. l. 2. §. 1.*

Quid statuendum est in divitibus vel egenis ?

In amplis patrimoniis non cumulus patrimonii, sed quod exhibitioni frugaliter sufficit, modum alimentis dabit. *d. l. 3. §. 3. ff. h.* ita ut semper aliquid ex redditu superfit. Si non constet de modo facultatum, cognitio ea de re est suscipienda. *d. l. 3. §. 4.* Et, si tutor non fideliter suggesserit Prætori statum bonorum, & supra vires sint

sint decreta à Prætorè alimenta, alimentorum omnium non habebitur ratio. *d. l. 2 §. 2.* Si vero pupillus ad egestatem sit deductus post alimenta decreta, diminui debent, quæ decreta sunt, quemadmodum augeri, si augmentum sit patrimonium. *d. l. 3. §. fin.* Qui autem adeo sunt egeni, ut se ex suis sustentare nequeant, non sunt alendi à tutore. *d. l. 3. §. fin.* ne officium eorum iis sit damnosum; sed mittendi sunt ad proximos, ut illi eos alant, si possint.

Quid, si tutor simpliciter aluerit pupillum?

Officio judicis congruit impendia in alimenta & disciplinas tanquam reputationes non improbas admittere. *d. l. 2. D. h.* Nec ferendus est juvenis, qui, cum præsens esset studiisque eruditus aut alitus, si ea per alium se consecutum non probet, sumptus recusat, quasi ventro vixerit, aut nullo liberi hominis studio imbui meruerit. *l. 2. C. h.*

Tit. 3. De tutelæ & rationibus distrahendis,
& utili curationis causa actione. Arbitrium
tutelæ. Lib. 5. Cod. Tit. 51.

Quæ actiones sunt ex tutela vel cura?

Actiones ex tutela dicuntur arbitria: & sunt vel directæ, vel utiles. Directæ ad tutelam; utiles ad curam referuntur. Directæ dantur pupillis contra tutores, ut reddant rationes administrationis, & quidquid pupillis debetur, restituant. *l. 9. C. h.* resarciantque damnum, quod illatum est, præstentque lucrum, quod non est acquisitum sed acquiri poterat. *l. 7. C. h.*

Secundum quæ debent rationes reddi?

Secundum fidem inventarii rite confecti; huic tantum diu statuitur, donec contrarium expresse probetur. huc facit *l. 1. & fin. C. h.*

Annon & aliæ directæ dantur?

Sunt quæ nominantur in specie de rationibus distrahendis, quibus controversitur de rebus, quas tutores subtraxerunt vel interceperunt. Hæ competunt in duplum, & non dantur contra hæredes, nisi qua pervenit. *l. 1 § pen. l. 2. pr. & §. 2. ff. h.*

*Quando dantur actiones directæ, sive de distræ-
hendis rationibus, sive aliæ?*

Demum tutela, non tantum pubertate, sed & alio
quovis modo finita. *l. 1. §. fin. l. 4. ff. h.*

De in litem jurando. Tit. 35. Lib. 5. Cod.

*Quid, si tutor vel curator conventus non restituat
inventarium vel cetera instrumenta?*

Defertur juramentum in litem, tam ex lata culpa,
quam dolo. *l. 1. 2. ff. h.* Sin autem nec dolus nec lata
culpa intervenerit, iudex de veritate rei tantum cogno-
scet. *d. l. 2. in fin.*

Potestne hoc juramentum deferri hæredibus tutorum?

Non, si non dolus vel lata culpa ipsorum hæredum
arguatur. *l. 1. & 4. C. h.* Cum vero lis contestata cum
ipso tutore, partes suas iudex interponet, arbitrabiturque,
an contra hæredes in litem sit jurandum. *d. l. 4. & 5.*

Si tutor vel curator non gesserit.

Tit. 55. Lib. 5. Cod.

Quid, si tutor vel curator non gesserit?

Non eo minus conveniri potest, & si plures dati ne-
glexerint administrationem, omnes sunt conveniendi.
l. 1. & 2. C. h. In hac autem re sequi oportet regulam,
traditam supra *tit. de dividenda tutela.*

De usuris pupillaribus. Tit. 56.

Lib 5. Cod.

Quæ usura à tutore sunt præstandæ?

Si tutor pecuniam pupillarem non potuerit homini-
bus idoneis credere, vel in emptionem prædiorum con-
vertere, nullas debebit. *l. 3. C. h.* Si clam in suos usus
converterit, centesimas. *l. 38. ff. de negot. gest.* aliàs tan-
tum ordinarias. *l. 1. C. h. l. 7. §. 4. ff. de administr. tutor.*

Quamdiu currunt hæ usura?

Donec rationes sint redditæ, etiamsi finitum sit offi-
cium. *d. l. 7. §. fin. l. 46. §. 3. ff. eod.* Sin autem tutor li-
berari velit ab usuris, interpellabit frequenter curato-
rem, ut rationes accipiat, & provocabit ad iudicem, &
hoc facto sufficiet sola reliquorum oblatio sine ulla de-
positione, ut sistatur cursus usurarum. *l. fin. C. h.*

Tit. 4.

Tit. 4. De contraria tutela & utili actione.

Tit. 58. Lib. 5. Cod.

Quæ sunt contraria tutela actiones ?

Dantur directo tutoribus, utiliter & curatoribus, ut indemnes ratione administrationis servantur. *l. ult. C. h.* & non tantum iis refundantur impensæ utiliter factæ, sed & præstentur usuræ. *l. 3. §. 4. ff. h.* quatenus compensari non possint. *l. ult. C. h.* ut etiam liberentur à fidejussionibus, quas in administratione præstiterunt, & similibus oneribus ac molestiis.

Quando hæ actiones instituuntur ?

Tutela finita, nisi quis pro tutore negotia gesserit: tunc enim statim locus erit huic iudicio. *d. l. 1. §. 3. ff. h.* Imo competunt hæ actiones, licet tutelæ iudicio non agatur. *d. l. 1. §. fin.*

Si mater indemnitatem promisit. Tit. 46.

Lib. 5. Cod.

Quid, si mater indemnitatem promiserit ?

Æque tutor ex administratione potest conveniri: quinimo & tutor ex eo nihil commodi vel securitatis consequetur, quia est species intercessionis, quæ infirmatur, per S. Consultum Velleianum. *l. 1. C. h.* nisi specialiter decreto sit comprehensum, tutorem dari periculo matris. *l. fin. C. h.*

Quid, si mater administrationem suscipiens promiserit tutori indemnitatem ?

Tenebitur, quia magis suum quam alienum negotium gessit. *l. 2. C. h. junct. l. 6. pr. D. ad S. C. Velleian.*

Tit. 5. De eo, qui pro tutore vel curatore negotia gessit. Tit. 45. Lib. 5. Cod.

Quid, si quis administraverit pro tutore negotia, cum tutor non esset, vel jure dari non posset ?

Tenetur actione pro tutelæ *l. 1. pr. D. h.* ex administratione, ac si tutor fuisset. *l. 1. C. h.* non tantum ob ea quæ gessit, sed & quæ gerere debuit. *d. l. 1. §. fin. D. h.*

Sin autem omnino non attigerit quædam negotia, tenebitur eorum nomine tunc tantum, cum alius omnia gesturus fuisset. *d. l. 1. §. fin.* viceversa ob ea, quæ gessit, ei, qui pro tutore gessit, si quid eorum nomine abfit, contrarium dabitur iudicium. *l. fin. D. h.*

Tit. 6. Quod falso tutore gestum esse dicetur.

Quid, si quid à falso tutore sit gestum?

Ei, qui ignorans cum eo contraxerit, datur restitutio in integrum. *l. 1. §. fin.* non ei, qui sciverit, nisi sit minor. *d. §. fin. & l. 4. D. h.* & agitur in id, quod interest revera. *l. 7. §. 2. & 3. ff. h.*

Quid, si in iudicio quasi tutor agat falsus tutor?

Potest in qualibet parte iudicii instar falsi procuratoris. *l. 24. C. de procurat.* exceptione removeri, etiamsi prober suam intentionem. *l. 2. C. h.*

De hæredibus tutorum vel curatorum.

Tit. 54. Lib. 5. Cod.

Annon præter ipsos tutores & alii tenentur?

Tenantur varii. 1. Hæredes tutorum, in quos tale iudicium transfertur, quale defunctus suscepit. *l. fin. §. 1. D. de fidejussor. tut.* Et, si inchoatum sit iudicium cum defuncto, tenentur de omnibus respondere, de quibus tenebatur defunctus, etiam de levi culpa. Cæterum, si lis non sit inchoata, tantum dolum & latam culpam præstant. *l. 1. C. h.*

Tenentur ne perficere hæredes negotia à defuncto inchoata?

Tenantur, modo legitimæ sint ætatis, & masculi. *l. 1. pr. D. de fidejussor. tutor.* Debentque præstare eodem modo rationes & usuras, quo ipse tutor. *l. 1. §. 1. l. 3. D. eod.* Et, si tutores defuncti pecuniam pupillarem agita-
verint, hæredes eorundem præstabunt usuras, quantas iudex constituerit æquitati convenire. *l. 4. §. 2. D. eod.*

Tit. 7.

Tit. 7. De fidejussoribus & nominatoribus.

Tit. 57. Lib. 5. Cod.

Qui secundo loco tenentur?

Tutorum fidejussores, sive expresse intervenierint, sive tacite; uti, si præsentes sine contradictione passi sunt sua nomina referri. Etiam illi, qui nominarunt tutores, vel qui affirmarunt eos idoneos esse. *l. 4. §. fin. D. h.*

Habentne hi fidejussores beneficium ordinis?

Habent. *Nov. 4. c. 1. imo &, si plures sint, divisionis. l. 6. D. h. l. 1. §. 10. & 11. D. de tutel. & ration. si pupillus ipse non agat. l. ult. rem. pupill. D. h.*

Qui præterea conveniri possunt?

Honorarii tutores vel curatores. *l. 3. §. 2. D. de administr. tutor. & alii contutores, qui administrarunt, non divisa per testatorem, judicem vel legem tutela, vel qui suspectos non reddiderunt eos, qui administrarunt. l. 2. C. de divid. tutel. de quibus supra.*

Tit. 8. De Magistratibus conveniendis, & eorum hæredibus. Tit. 75. Lib. 5. Cod.

Quinam ultimo loco tenentur ad securitatem pupillorum?

Datur actio subsidiaria adversus magistratum, qui nullam vel non satis idoneam cautionem exegit à tutoribus vel curatoribus. *l. 1. 4. & 5. C. h. etiam adversus hæredes eorum, ob dolum & latam culpam, ut & scribas, quibus mandatum fuit inquirere, si negligentes fuerint. l. ult. C. h. Non autem contra majorem magistratum, qui non solet satisfactionem exigere. §. fin. Inst. de satisfdat. tutor.*

Daturne hæc actio in totum ordinem?

Nequaquam, &, si ordo in se periculum receperit, tantum præsentes conveniri possunt. *l. 1. D. h. Fidejussores autem magistratus, qui & quia rem publicam, non pupilli, salvam fore promiserunt, non tenentur. d. l. 1.*

Quid, si ab initio fuerit idoneus tutor, & satisfactio non sit facta?

Id non magistratui ad excusandum sufficit: verum,

R. §

si is

si is satisfecerit, quamvis postea lapsus sit facultatibus, nihil magistratui imputabitur. Non enim magistratus fortuitos casus & fortunam pupillo præstabit.

Quid, si satisfactio non sit exacta, & tutor idoneus fuerit eo tempore, quo tutela agitur?

Nihil magistratus præstabit. *d. l. i. §. 12.*

Quis probare debet idoneum fuisse, vel non?

Magistratus tenetur docere idoneum fuisse tempore satisfactionis, non contra pupillus: quia ad magistratus officium erat inquirere. *d. l. i. §. 13.*

Tit. 9. De rebus eorum, qui sub tutela vel cura sunt, sine decreto non alienandis vel supponendis. Tit. 71. Lib. 5. Cod.

Possuntne res pupillorum vel minorum à tutoribus vel curatoribus alienari?

Non possunt sine decreto. *l. 22. C. de administr. tutor. & iusta causa, nisi sint res, quæ servando servari non possunt. d. l. 22.*

Quid venit nomine alienationis?

Omnis actus per quem dominium transfertur; uti venditio, permutatio, donatio (nisi donatio fiat propter nuptias, vel ob dotem.) *d. l. 22. l. 4. C. de præd. min. in solutum datio. l. 15. C. eod. transactio. d. l. 4. (nisi ita sit facta, ut res retineatur. l. 46. in fin. D. de administr. tutor.) divisio, ad quam provocant pupilli vel minores. l. 1. §. 2. l. 7. D. h. l. 17. C. de præd. min. repudiatio commodi delati. l. 5. §. 8. D. h. In hypothecam vel Emphyteusin perpetuam datio. l. fin. C. de reb. non alien.*

Quæ requiruntur, ut possit fieri alienatio ex decreto?

Ut sit iusta causa. sic in transactione, ut jus valde sit dubium: in divisione, ut socius sit rixosus, vel periculum sit, ne dilapidet: in venditione, ut sit æs alienum, & ex aliis rebus non possit exsolvi. *l. 1. §. 14. D. h. l. 12. C. de præd. min. sive sit paternum sive proprium, modo sit urgens, grave & incommodum minori. d. l. 5. §. 9.*

An utilitatis causa venditio possit celebrari?

Nusquam ea causa recepta est; imo & rejecta. *l. 13. D. h. Verum si magna sit utilitas, subveniri debet. arg. l. 11. D. de rit. nupt. l. 7. C. de contrah. stipul. l. 28. §. 1. D. de pact.*

In qua debet fieri inquisitio?

Ea sunt elegantissime descripta l. 5. §. 9. 10. 11. & seqq. D. h. & , si obreptum sit iudici, nihil id nocebit laxis, sed integra manebit iis actio.

Quid, si sine decreto, vel ex decreto nimis vili pretio, fiat alienatio?

Si sine decreto, manet dominium penes pupillos vel minores; si nimis vili pretio per decretum fiat alienatio, dabitur causa cognita restitutio. l. 11. C. de præd. minor.

Quid, si minor alienationem sine decreto factam sequi velit, major autem ab eo resilire?

Non potest major resilire: nam debet sibi imputare, si damnum patiatur, quod cum eo contraxerit, quem sciebat, vel scire poterat valide non obligari. l. 13. §. 29. D. de act. empt.

Debetne necessario decretum precedere?

Non est necesse: quia effectu idem est jubere, & ratum habere. l. fin. C. ad SC. Maced.

Potestne, quia publice facienda est venditio, ipse tutor emere?

Non prohibetur; modo bona fide omnia gerantur. l. 2. §. 8. D. pro empt. unde si minoris emerit, tutelæ iudicio non tenebitur, nec obstat d. l. 2. §. 8. in fin.

Potestne, si ex decreto facta sit venditio, emptor tuto curatori solvere?

Potest. l. 7. §. fin. D. de curat. furios. Sic tamen, ut, si laxisio sit facta, non denegetur restitutio. l. 1. & 2. C. si advers. vendit.

Quando decreto opus non est. Tit. 72.

Lib. 5. Cod.

Quando non opus est decreto?

1. Si major minorem provocaverit ad divisionem. l. penult C. de præd. 2. Si pater, vel alius testator alienationem iusserit vel fieri permiserit. l. 1. & 3. C. h. licet, etiam testamentum factum sit irritum. l. fin. ff. h. 3. Si princeps concesserit. l. 2. C. h. 4. Si pater, vel is, cui pupillus successit, stipulanti fundum spononderit. l. 5. §. 6. ff. de reb. eor. 5. Si parens, vel is, cui successit pupillus. l. 1. C. h. vel etiam ipse pupillus cum pacto de retrovendendo.

dendo emerit. 6. Si sit necessaria distractio; veluti ex pignore, quod decreto constitutum est. l. 7. §. 1. ff. de reb. eor. l. 1. C. de prad. minor. 7. Si magistratus mittat in possessionem bonorum. l. 3. §. 1. ff. eod. 8. Si minores testamento alienent. arg. l. 5. ff. qui testam. fac. possunt. 9. Si pupilli delinquant, & ex delicto bona publicentur. arg. l. 111. ff. de R. I. junct. l. 3. §. 1. ff. de reb. eor.

Quid, si pater sit curator liberorum?

Eriam requiritur decretum; verum prior erit iudex ad consentiendum. l. 7. §. 2. ff. de reb. eor.

Quid, si iudex permiserit vendere, & tutores rem obligaverint?

Nullius momenti est oppignratio, quia aliud à tutoribus est factum, quam decretum erat à iudice. d. l. 7. §. 3.

Si quis ignorans rem minoris esse sine decreto comparaverit. Tit. 73. Lib. 5. Cod.

Quid, si quis ignorans rem esse minoris sine decreto emerit?

Bonæ fidei emptor, postquam minor ad legitimam ætatem pervenerit, incipiet usucapere. l. 1. in fin. l. 3. & fin. C. h. Qui autem scivit rem esse minoris, non usucapiet, sed tenetur quovis tempore vindicanti restituere cum fructibus. l. 2. C. h.

Si major factus alienationem factam sine decreto ratam habuerit. Tit. 74.

Lib. 5. Cod.

Quid, si major factus alienationem sine decreto factam, ratam habuerit?

Sive expresse, sive tacite per minoris vel ejus hæredis silentium quinquennale post legitimam ætatem confirmata sit alienatio, habebit ea plenum effectum, nisi donatio simplex sit facta: ad hanc enim supra legitimam ætatem 10 anni inter præsentem, 20 inter absentes requiruntur. l. ult. C. h.

De curatoribus furioso , & aliis extraminores dandis. Tit. 70. Lib. 5. Cod.

Habentne ea , quæ dicta sunt de alienatione & similibus, locum in furioso vel prodigo, eorundemque curatoribus ?

Non dubitatur ; ob sententiam orationis. l. 8. §. 1. l. 11. D. de reb. eor.

Estne quid singulare in furiosis ?

Quod hæreditatem , sibi delatam tempore furoris, non transmittant ad suos propinquos , sed ad eorum , à quibus bona sunt profecta. l. 8. §. 8. C. h.

Quomodo interdicitur prodigo bonis ?

Ad instantiam proximorum. l. 12. §. 1. D. de tutor. & curat. dat. inter quos filius comparere non debet , nec filius prodigo patri curator est dandus. l. 1. §. 1. D. h. Quinimo & iudex ex officio & nemine petente potest interdicare : semper autem desideratur magistratus sententia. l. 16. §. 1. D. h. licet etiam prodigalitas sit notoria.

Atqui lege prodigis interdicitur bonis.

l. 1. D. h. l. 6. D. V. O.

Lege fit interdictio, qua lex potestatem interdicens defert & vult eam fieri : verum magistratus , quia res facti est, eam facit. arg. l. 32. ff. de usur.

Quid, si quis notorie sit prodigus, potestne contrahere, testamentum facere ?

Potest. arg. l. 10. ff. h. qui autem crediderit luxurioso, sciens quod is scorto mox sit daturus nummos , creditum amittit. l. 12. §. 11. ff. mand. l. 8. ff. pro emptor.

Quando prodigus desinit esse in cura ?

Cum ad sanos mores redierit , ita tamen ut accedat sententia iudicis. arg. l. 1. ff. h. t.

Q U I N T A

P A N D E C T A R U M

P A R S.

L I B E R XXVIII.


Tit. 1. Qui testamenta facere possunt, &
quemadmodum testamenta fiant. Tit. 22.
Lib. 6. Cod. Tit. 12. Lib. 2. Inst.

De testamentis ordinandis. Tit. 23. Cod. Lib. 6.
& Tit. 10. Inst. Lib. 2.

1. De variis speciebus testamentorum, eorumque definitionibus.

Etiam dicitur de ultima voluntate
 a quibusdam interpretari

Quid est testamentum?



In genere acceptum denotat omnem ultimam voluntatem. hoc sensu appellatur testatio mentis. *pr. Inst. h.* & definitur, iuxta voluntatis nostræ sententia de eo, quod post mortem nostram fieri velimus. *l. i. ff. h.*

Quid intelligimus per justam voluntatem?

[Faint handwritten text, likely bleed-through from the reverse side.]

Non solemnem, non omnibus numeris perfectam, sed legibus conformem. licet enim codicillus nullam solemnitatem in ordinando desideret. §. *fin. Inst. de codicill.* nec complectatur universalem, & perfectam de rebus omnibus dispositionem: tamen, cum in eo etiam regulæ juris sint spectandæ. l. 17. §. *fin. ff. de testam. mil.* est suo modo justa dispositio. Inde est quod testamenti nomine veniat, & pars testamenti dicatur. l. 2. ff. *test. quemadm. aper.* l. 1. §. 2. & *seqq. ff. de tabul. exh.*

Atqui nominatim distinguuntur codicilli à testa-
mentis. l. 7. C. de codici ll.

**Id fit, cum testamenta in specie accipiuntur, non cum
in genere.**

Cur dicitur in definitione, nostræ voluntatis?

Vt testamentum distinguatur à contractibus. nam in testamentis tantum est disponentis voluntas; in contractibus vero duorum vel plurium. *l. 31. ff. de oblig. & act.* Ex hoc apparet, donationem mortis causa factam non referri ad testamentum, cum fiat ex consensu duorum. *l. 38. ff. de mort. caus. don.*

In quas species distribuitur testamentum in genere acceptum?

Aut est in specie sic dictum, aut codicillus. *d. l. 7. C. §. 2. Inst. de codicill.*

Imo videntur plures esse species, uti legatum, fideicommissum, epistola codicillaris, donatio mortis causa?

Nequaquam. Legata enim vel fideicommissa sunt relicta testamento, vel codicillis. Donatio mortis causa fit per contractum: nec pertinet ad jus testandi, nisi effectu tenus. Epistola codicillaris, est codicillus. & quamvis nonnunquam quoad verba testamentis & codicillis opponatur; non tamen est species distincta à codicillis, quia oppositio, quæ inter codicillos & epistolam codicillarem fit, non est tanquam inter diversas species, sed genus & speciem: vel in tali oppositione codicilli accipiuntur pro omnibus illis speciebus codicillorum, qui per modum epistolæ non formantur; & epistola pro iis codicillis, qui tantum per epistolæ formam fiunt.

Quid est testamentum in specie?

Est id, quod habet hæredis institutionem. *§. 2. Inst. de codicill.* Hoc testamentum secundum excellentiam ubique fere testamentum appellatur.

Quomodo distinguitur?

Est vel solemne, vel minus solemne. Solemne, ad quod ordinariæ solemnitates adhibendæ sunt. *l. 1. D. de injust. rupt.* Minus solemne, quod non omnes, vel nullas desiderat.

Quomodo distinguitur solemne?

Est vel scriptum, vel nuncupativum. Scriptum, quod scripto & non aliter conficitur. Nuncupativum, quod sine scriptis fit. *§. 3. & fin. Inst. h.*

2. Qui

2. Qui testamenta facere possunt.

Quid desideratur in omni testamento?

Ut, qui condit testamentum, ejus faciendi potestatem habeat, & id legitime ordinet. *l. 4. ff. h.*

Qui possunt testamentum condere?

Non omnibus permissum est. Faciendi autem jus nonnullis non est propter potestatem. Hoc modo servi testari nequeunt. *l. 16. 19. ff. h.* licet etiam liberi facti decesserint. *d. l. 19.* & filii familias: cum pugnare videatur cum decore patriæ potestatis, ut, qui in potestate est, de universis bonis disponat. *d. l. 16. 19.* Nec valebit testamentum à filiisfam. conditum, licet postea sui juris sint facti. *d. l. 19.*

Quid, si parentes consenserint?

Cum ratio, ob quam denegata est potestas filiisfamilias, sit ex jure publico, & ipsa testamenti factio sit juris publici. *l. 3. ff. h.* & nemini competat, nisi cui jus publicum concellerit, patris consensus nihil hic operatur. *pr. Inst. quib. non est permiff. l. 6. ff. h.*

An igitur nullo casu filii familias testari possunt?

Posiunt de peculio castrensi vel quasi, non de adventitio. *d. pr. Inst. l. 11. C. qui testam. facer. poss.*

Quid statuendum de adventitio peculio, in quo pater non habet usumfructum?

Filiosfamilias de eo testari non posse: quia tantum concessa est iis testamenti factio de castrensi vel quasi. *d. l. 11.*

Atqui directo contrarium innuitur in *Nov. 117. cap. 1. §. 1. l. 8. §. 5. vers. filiis. C. de bon. quæ lib. l. 50 ff. ad SC. Trebell.*

Nihil obstant dicti textus. Nam *d. Nov.* loquitur de administratione bonorum, ut ipse contextus satis indicat. Et *d. l. 8. §. 5.* explicatur per *d. l. 11. C. qui testam. facer.* Deinde *d. l. 8. §. 5.* tantum habet argumentum à contrario sensu, quod contra alias leges non procedit. Et verba in *d. §. 5. constitutus ususfructus* sic accipi debent, ut dicatur constitutus etiam is, qui specialiter ademptus est, cum per legem sit constitutus in omni peculio adventitio, & per accidens fiat, quod adimatur. Neque etiam eo tempore, quo *d. l. 8.* lata est, fuit permissum adimere ususfructum, & sic is textus non potest intelligi

de

de adempto usufructu. In *d. l. 50.* tantum est comparatio secundum quid, non omnia.

Suntne plures, qui ob potestatem testari nequeunt?

Sunt capti ab hostibus. §. ult. *Inst.* ubi non est permiff. *l. 8. ff. eod.* Obsides. *l. 11 ff. eod.* nisi iis permittatur. Pariter & illi, qui de suo statu dubitant, vel errant. *l. 14. 15. D. qui testam. facer. poss.* damnati poenæ capitalis. *l. 8. §. 1. & fin. D. eod.* Quod & novo jure civili verum est, cum *Auth. Bona damnatorum C. de bon. damn.* non largiatur damnatis ad mortem testamenti factionem, sed hæredibus ab intestato, adscendentibus & descendentibus & ex latere junctis usque ad tertium gradum hæreditatem addicat.

Annon ex aliis causis nonnulli nequeunt testamentum condere?

Aliqui ob defectum animi, uti mente capti. §. *Inst.* quib. non est permiff. furiosi, impuberes. *d. §. 1.* nec non prodigi, quia furiosis assimilantur. §. 2. *Inst. eod.* Nonnulli ob vitium corporis vel in totum vel certo modo, uti surdi, muti, vel cæci.

Quid, si furiosi dilucida habeant intervalla?

Valent testamenta iis temporibus, quibus mente valent, facta. *d. §. 1.* & si factum sit testamentum à furioso dilucida habente intervalla, in dubio præsumitur valere. *arg. d. §. 1. junct. l. 5. C. de codicill.* *Valentinus Maximus*

Quo tempore pubes condit testamentum?

Etiam ipso die natali, quo ingressus est pubertatem. *l. 5. D. qui testam. facer.* & si fecerit cum impubes esset, per pubertatem non redditur validum. *l. 19. D. eod.*

Quid, si prodigus testetur incommodum eorum quibus consulere debet?

Testamentum ex æquitate est recipiendum. *Nov. Leonis 39.* & quod ante interdictionem prodigus fecit, ipso jure est validum, nec tollitur per interdictionem subsequutam. §. 2. *Inst. eod.*

An nullo jure surdi & muti testari possunt?

Surdi & muti simul natura, testari nequeunt, casu, possunt, modo literas noverint. Si vero discreta sint vitia, recte testantur, modo voluntatem suam voce probe enuncient, si sint surdi tantum: & si muti tantum, modo literis mentem suam exprimant. *l. 10. C. qui testa.*

Si

Si autem tardius exaudiant vel loquantur, valide testantur. §. 3. *Inst. h.*

Quomodo caci testantur?

Debent primum coram notario & septem testibus aperte voluntatem suam declarare; initio facto ab hæredis institutione: quæ voluntas unico contextu in scripturam redigenda, & ab omnibus testibus præsentibus confirmanda est subscriptionibus. l. 9. C. eod.

Quid, si initium non sit factum ab hæredis institutione?

Ob hoc voluntas ultima non rejicienda est: nec enim ordinem scripturæ, sed rei sequi oportet. l. 6. ff. de solut. quo facit l. pen. C. de inst. & substitut.

Quid, si corpore quis valde ager sit?

Testari æque potest, licet sit senex; modo animo valeat. l. 2. ff. l. 3. Cod. qui test. facer. poss. Imo valet ea ultima voluntas, quam lingua balbutiens sed seminecis profudit. l. 15. C. de testam.

3. De solemnitatibus testamentorum.

Quæ solemnitates desiderantur ad testamentum solemne, cujuscunque sit generis?

Præter hæredis institutionem, quæ basis & fundamentum est testamenti, requiritur præsentia septem testium, eorundemque ad hunc actum specialis rogatio, & ut omnia fiant unico contextu. §. 3. & fin. *Inst. de testam. ordinand.* l. 21. C. eod.

Quid, si unus ex testibus abfuerit?

Testamentum nullius est momenti. l. 12. C. eod. imo nec obligat directo conscientiam hæredis ab intestato.

Præsumiturne in dubio rogatio testium?

Nequaquam: sed eam hæres probare debet. Interim si adscriptum sit testes esse rogatos, vel si testes subscripserint, præsumetur pro rogatione. arg. l. 30. ff. de V. O.

Qui possunt esse testes?

Qui non prohibentur. Prohibentur autem mulieres, quia pro aliis solemnium non sunt capaces. §. 6. *Inst. de testam. ordin.* impuberes, furiosi, nisi dilucidum intervallum habuerint, servi, prodigi, iussi esse improbi & intestabiles. d. §. 6.

Quid,

*Quid, si quis publice habitus fuerit pro libero,
& sit servus?*

Favor testamenti exigic, ut testamentum sustineatur.
§. 7. *Inst. eod. quo facit l. 3. ff. de offic. prator.*

Possuntne & infames esse testes?

Possunt, modo non sint iussi intestabiles; nam his nec testamentum facere, nec testimonium in testamento dicere licet. *l. 26. ff. h. r.* Sunt autem iussi intestabiles, qui ob crimen famosum sunt damnati, vel reperundarum. *l. 18. §. 1. l. 20. §. 5. ff. h. l. 15. ff. de testib. & similes.*

Potestne pater filio esse testis in testamento?

Potest, si filium non habeat in potestate, vel filius testetur de peculio castrensi ante missionem. §. 9. *Inst.* non vero, si post eam. *d. l. 20. §. 2 ff. h.* Verum in tertii testamento una cum filio est testis, & loco duorum ipse & filius habentur. §. 9. *Inst. eod.*

Potestne haeres esse testis?

Non, nec pater nec frater ejus, inter quos est idem vinculum potestatis. §. 12. *Inst. eod.* licet etiam sit haeres tantum fideicommissarius.

Quid juris in legatariis, & fideicommissariis singularibus?

Illi tam in testamento nuncupativo quam scripto recte sunt testes, cum non sint juris universi successores. §. 11. *Inst. eod.* & haeres eos, cum pro se approbaverit, postea reprobare non debeat. *arg. l. 9. ff. de negot. gest.*

Quomodo testamentum dicitur fieri unico contextu?

Cum nihil committitur, ex quo suppositio aliarum tabularum metui potest, vel oriri dubitatio, an omnia legitime à testatore sint expressa. confer *l. 21. §. ult. ff. h. cum l. 28. C. de testam. ordinand.*

Potestne ergo celebrari contractus in testamento?

Potest quidem fieri declaratio testatoris de aliquo contractu, sed non recte fit contractus in testamento, nec testamentum per contractum. *arg. l. 23. ff. de Verbor. Signif.*

Atqui dicitur pignus constitui in testamento. l. 26. ff. de pignorat. act.

Id verum est, non ut contractus de pignore celebretur dum testamentum conditur, sed testator offerat creditori pignus ad securitatem crediti.

Qua

Quae solemnitates desiderantur in specie in testamento scripto ?

Præterpræcedentes, requiritur: 1. Ut nomen hæredis scribatur, sive per testatorem, sive per alium, uti novissime expressum *Auth. & non observato. C. de testam.* 2. Ut testes subscribant, nec non testator, vel ejus loco alius, qui ad hoc specialiter est rogatus. *l. 21. C. eod.* 3. Ut omnes subsignent tantum annulo. *l. 22. §. D. eod.* sive uno, sive pluribus; sive proprio, sive alieno. *d. l. 21. junct. §. 5. Inst. h.*

Quid, si testator dixerit, Instituo eum, cujus nomen scribam in codicillis ?

Valet illa institutio ac si in testamento esset facta; & ex testamento suum robur habet. *l. 77. D. de hered. instituend.*

Cur magis annulo quam alio impresso fieri oportet subsignatio ?

Annulus non quivis hic sufficit, sed signatorius. Quod autem annulus requiratur, non ad majorem fidem, sed rei dignitatem & solemnitatem pertinet.

Quae sunt solemnitates speciales testamento nuncupativo ?

Ut nuncupatim, hoc est, viva voce omnibus audientibus. *l. 21. D. h. hæres coram testibus idoneis septem rogatis instituatur. d. l. 21. §. 2. C. de Test. ordin.*

Quid, si postea sit scriptum ?

Manet æque nuncupativum; initium enim cujusque rei spectari debet. *arg. d. §. fin. Inst. eod. junct. l. 3. C. ad SC. Macedon.*

Quid, si testator palam voluntatem suam enunciat, & scriptura testamenti in continente facta subsignationibus sit munita ?

Habebitur non tantum pro nuncupativo, sed & pro scripto: siquidem utriusque solemnitates sint adhibitæ. Sin autem quid sit, omissum de solemnitatibus in scripto requisitis, potest sustineri ut nuncupativum; modo sufficiens sit numerus & rogatio testium: licet etiam dixerit testator, se velle id ut scriptum valere. *arg. l. 3. ff. de mil. testam.*

Quomodo defendi potest, prateritos haberi pro exhæredatis, cum lex jubeat necessario institui vel exhæredari, & quod contra legem fit, sit pro infecto habendum. l. 5. C. de legib.

Lex non simpliciter, nec sub pœna nullitatis, jubet institui vel hæredari, sed cum interminatione, ut, si contra fiat, institutio sit evacuanda, reliquis manentibus salvis. *d. Nov. 115. c. 4.*

De Exhæredatione liberorum. Tit. 13.

Lib. 2. Inst.

Quid est exhæredatio?

Ex exclusio ab hæreditate certis personis, quibus querela inofficiosi jure competit, debita.

Qui dicuntur exhæredari?

Et liberi, siue sint nati siue nascituri, siue masculi siue fœminæ: Et patentes & fratres germani ac consanguinei.

Quomodo posthumi, cum in eos nulla ingratitudinis causa cadere possit?

Non possunt cum effectu exhæredari, quatenus nulla ingratitudinis causa in eos cadere possit, sed tantum in hunc finem, ut rescindi debeat solummodo institutio per querelam siue actionem. *ex Nov. 115. c. 3. 4.*

Quomodo fieri debet exhæredatio, ut effectum habeat?

1. Nominatim. *l. 1. & 2. ff. de lib. & posth. §. nominat. Inst. h.* siue certa demonstratione. *d. l. 1. 2.* 2. Sine conditione. *l. 3. eod.* quia certo judicio à parentum successionem excludendi sunt liberi. *l. 18. D. de bonor. poss. cont. tabb.* 3. Tantum in Testamento. *§. 2. Inst. de codicill.* 4. Ex causa justa expressa in tabulis, ac ea, quæ certo probari possit. *d. Nov. 115. c. 3. 4.*

Quid, si aliquid ex hisce omissum?

Exhæredatio non tenet. Licet enim vera sit alioqui causa ac justa, si tamen ea non expressim adjecta, vel nominatim non sit facta exhæredatio, non habetur pro facta.

Quis ergo effectus non bene factæ exhæredationis?

Testamentum rescindetur tantum quoad institutionem, non quoad cætera. *d. Nov. 115. c. 3. 4.*

Ex

Ex quibus causis possunt liberi exheredari ?

Sunt quatuordecim, relatæ in Nov. 115. c. 3. quæ hisce versiculis comprehenduntur.

Bis septem ex causis exheres filius esto :

1. Si patrem feriat , 2. vel maledicat ei.
3. Carcere conclusum si negligat , 4. aut furiosum.
5. Criminis accuset , 6. vel paret insidias.
7. Si dederit damnum grave , 8. si nec ab hoste redemit.
9. Testarive vetet , 10. se societve malis.
11. Si mimos sequitur , 12. vitietve cubile paternum.
13. Non orthodoxus. 14. Filia si meretrix.

Quæ sunt justæ causæ exheredandi parentes ?

Sunt octo, relatæ in Nov. 115. c. 4. & sequentibus versibus comprehenduntur.

1. Si pater accuset capitalis criminis , 2. aut se Adjungat mimis. 3. vitæque est insidiatus.
4. Testari prohibet gnatum. 5. dirumque venenum Preparat. 6. Inclusum si carcere, 7. vel furiosum Negligat. 8. & veram contemnat religionem.

Quæ sunt justæ causæ fratrem vel sororem exheredandi ?

Sunt tres, comprehensæ Nov. 22. c. 46. in fin. cap. 47. easque sequentes versiculi exhibent.

1. Si struat insidias vitæ. 2. Si criminis atrox Iudicium dicet. 3. Rebus damnum inferat ingens.

Suntne plures causæ liberos, parentes, aut fraïres exheredandi ?

Sunt plures , non quidem toto genere distinctæ , sed sub hisce generibus contentæ. d. Nov. 115. c. 3. 4.

Tit. 3. De injusto rupto, & irritato facto testamento.

Quibus modis testamenta infirmentur.

Tit. 17. Lib. 6. Cod.

Quomodo distinguuntur testamenta quæ effectum non habent ?

Dicuntur, 1. Nulla , sive nullius momenti. 2. Infirmita, cum in principio valuerint.

Quæ

Quæ sunt nulla siue nullius momenti ?

Quæ ipso jure non valent cum fiunt ; uti, si solemnia non sint adhibita. *l. 1. D. h. si filius in potestate sit præteritus à patre. d. l. 1. & l. 30. supra de liber. & posth. vel in voluntate sit defectus.*

Quibus modis infirmantur ?

1. Cum rumpuntur. 2. Cum irrita fiunt. 3. Cum rescinduntur per querelam inofficiosi, de quo ante. 4. Cum destituuntur, hærede scilicet non adeunte.

Quomodo rumpuntur ?

Duobus modis, aut agnatione sui hæredis, aut posteriori testamento. *§. 1. & 2. Inst. h.*

Quomodo agnascitur hæres ?

1. Si cui post obitum posthumi, qui fuissent in potestate si vixisset, vel post testamentum nascantur in potestate, aut si nepotes fiant sui hæredes & immediate successores, qui ante propter parentes excludebantur. 2. Si Testator post testamentum conditum naturales suos liberos legitimet, aut arroget eos qui sui juris sunt, vel si inter ascendentes quis adoptet eos qui alieni sunt juris. *§. 1. Inst. h.*

Quomodo distinguuntur posthumi ?

Sunt vel veri, vel quasi. Veri vulgariter, qui post obitum patris, vel legaliter, qui post testamentum conditum nati sunt. *l. 3. §. 1. D. h.* Quasi, qui in locum sui hæredis succedendo, quasi agnascendo fiunt parentibus sui hæredes ; uti, si quia filium & nepotem ex eodem filio habeat in potestate, & filius post testamentum conditum, sed ante obitum sui patris moriatur, fiet nepos hæres suus, representando patris sui locum, ac ita avo suo agnascetur. *l. 13. D. h.*

Quid, si ante obitum testatoris moriatur posthumus ?

Reconvalescit testamentum antea ruptum tantum ex æquitate Prætoria. *l. 12. D. h.*

Quomodo posteriori testamento rumpuntur ?

Si id fuerit rite perfectum, hoc est, hæres in eo sit institutus : Nuda autem revocatio, licet coram solemnium numero sit facta, non sufficit. *§. 2. & penult. Inst. h.*

An ergo, cum testamentum post est factum, de sideratur, ut perfecte aliud fiat testamentum ad infirmandum prius ?

Non præcise. Potest enim cancellari, incidí, vel potest

test testator declarare in secundo , se ab intestato velle decedere. *l. 1. §. 8. D. si ab testam. null. exstab. unt. vel si revocatio etiam coram tribus testibus sit facta , & de cennium sit elapsum , testamentum prius non valet. l. 27. C. de testam.* similiter , si hæredes ab intestato sint vocati ad hæreditatem in posteriori testamento & testibus munito , rumpitur prius , quo extranei erant instituti. *l. 2. D. h. l. 21. §. 3. C. de testam.*

Quid , si hæres ex recerta sit institutus in secundo ?

Prius æque rumpetur , & institutus in secundo habebitur pro instituto ex assè , rejecta rei mentione. *l. 1. §. 4. D. de hered. instit.* Verum , si testator jussèrit hæredem in secundo scriptum contentum esse re sibi data , & se velle prius testamentum valere , videtur hæres , in secundo scriptus , per hæc expressa verba tacite esse rogatus de hæreditate restituenda. *§. 3. Inst. h. l. 29. D. ad Trebell.*

Quid , si scriptus in secundo non adierit hæreditatem ?

Æque ex priori non potest adire , quia infirmatum est ; sed totum concidit. *§. 2. Inst. h.*

Quid , si intelligens ex falso rumore hæredem scriptum esse mortuum , mutaverit voluntatem , & aliud testamentum scripserit ?

Institutus in priori testamento hæreditatem obtinebit ; at legata in posteriori scripta præstabit. *l. fin. D. de hered. Instit. l. 28. D. de inoffic. l. 25. §. 1. D. de lib. & posthum.*

Potestne quis sibi eam legem dicere , ne testamentum revocet ?

Non. *l. 22. D. de legat. 3.* Imo quamvis jurato eam sibi posuerit legem , & post revocaverit , testamentum prius non valebit. *arg. l. 7. §. 16. D. de pactis. l. 112. §. pen. & fin. D. de legat. 1.*

Quomodo testamenta fiunt irrita ?

Per capitis diminutionem , sive ea maxima , sive media , sive minima fuerit. *§. 4. Inst. h.* Irriti vero vocabulum aliquando etiam ad ea , quæ rupta sunt , refertur : verum cum rupto opponitur ad hanc speciem proprie pertinet. *§. 5. Inst. h.*

Quid , si testator postea redierit ad priorem suum statum ?

Reviviscit prius testamentum , modo rite fuerit factum , ita ut hæres secundum tabulas bonorum possessionem

tionem agnoscere possit, si modo testator mortis tempore, potuerit testamentum condere. §. 6. *Inst. h.* Verum, si minima capitis diminutio contigerit, uti fit per arrogationem, non aliter vires recipit prior voluntas quam si constiterit testatorem voluisse prius testamentum valere. Qua in re sufficit voluntatem suam expressisse etiam per codicillos. l. 11. §. ult. *D. bonor. poss. secund. tab.*

Quæ est ratio differentie, quod in minima capitis diminutione requiratur aliquod factum, non in maxima & media?

Hæc est: quia, qui arrogandum se dat, cum capite fortunas quoque suas in familiam & domum alienam transfert voluntario. d. l. 11. §. fin. & sic renunciat priori testamento tacite: qui vero fit servus, vel deportatur, contra vel præter suam voluntatem fortunas amittit.

Tit. 4. De his quæ in testamento delentur, inducuntur, vel inscribuntur.

Quid, si in testamento aliquid inveniatur deletum?

Si inconsulto sit deletum, vel incisum, vel cancellatum, æque habebit vires: secus, si consulto. l. 1. in pr. §. 1. & seqq. ff. h.

Quid, si nomen unius hæredis sit inductum?

Sine dubio reliqua pars testamenti valebit, & ei soli denegabuntur actiones; verum legata ab eo relicta, debentur, si probari possit, quod ea fuerit voluntas testatoris, ut tantum hæredis institutio improbetur. l. 2. ff. h.

Quid, si omnia nomina testator induxerit, adscripseritque se id fecisse quia unum heredem offensum habuit?

In ambiguo id ita interpretandum est, ut cohæredum institutio non sit infirmata, nec legata adempta. d. l. 2.

Quid, si diversæ sint tabulae testamenti, & unum testamentum sit deletum?

Testamentum per hoc non erit irritum, quippe ex aliis tabulis satis probari potest voluntas, nisi probe actor deletionem eo animo esse factam, ut hæres ab intestato succederet. l. fin. *D. h.*

Tit. 5.

Tit. 5. De hæredibus instituendis. Tit. 24. 27.
Lib. 6. Cod. & Tit. 14. Lib. 2. Inst.

Quid est hæredis institutio ?

Est designatio successoris universalis, in testamento facta.

Quomodo distinguitur ?

1. Est vel voluntaria, vel necessaria. Necessaria est in illis, quibus querela inofficiosi cõpetit, de qua ante. Voluntaria in reliquis. 2. Est vel institutio in specie sic dicta, quæ fit primo loco, de qua hoc titulo; vel substitutio, quæ fit secundo vel ulteriori loco, de qua infra. *tit. de vulg. & pupill. subst.*

Possuntne omnes institui hæredes ?

Qui non prohibentur specialiter. Prohibentur vero, qui jus civitatis non habent. quales sunt deportati (quo casu hæreditas non ad fiscum pertinet, sed hæredes pro non scriptis habentur. *l. 1. C. h.*) Apostatæ. *l. 2. C. de apostat.* Hæretici. *l. 4. §. C. de hæred.* Collegia illicita, qualia sunt Iudæorum. *l. 1. C. de Iudæis.* licita vero & civitates recte instituuntur. *l. 6. §. 4. ff. ad SC. Trebell. 8. 12. C. h.*

Quot possunt institui hæredes ?

Quot testator voluerit, modo numerum vel personas eorum determinaverit. *§. 4. Inst. h.* Licet ei etiam de facie sint ignoti. *§. fin. Inst. h.*

Si plures instituuntur hæredes, in quot partes dividetur hæreditas ?

Testator potest tot partes facere, quot voluerit. Et, si unum vel plures instituerit in semissem, tota hæreditas erit in semisse: quia nemo pro parte testatus, pro parte intestatus potest decedere. *§. 5. Inst. h. nisi miles. d. §. 5. & l. 7. ff. de R. I.*

Quid, si testator unum vel plures ex certis partibus, alium vero simpliciter instituerit ?

Distinctio hæc erit adhibenda. Siquidem in illis partibus datis as sit exacte completus, alius sine parte institutus consequetur solus dimidiam partem hæreditatis. Si partes datæ non impleverint assem totum, consequetur illam partem, quæ deest. Si datæ partes assem

superaverint, procedetur ad dupondium sive duplam hereditatis, & quod deest, ad id alius vocatus esse videtur. Si & duplam testator impleverit exacte, attribuetur sine parte scripto tertia pars totius. Si etiam superent partes datæ duplam, pertinebunt ad eum partes, quæ ad triplam sive tripondium desunt. & sic deinceps. §. 6. & 8. *Inst. l. 17. pr. & §§. seqq. l. 18. D. h.*

Quæ & quot legales sunt partes hereditatis?

Dividitur hereditas, quæ nomine assis venit, in duodecim uncias. Harum duæ Sextans quasi sexta pars assis; tres Quadrans quasi quarta pars; quatuor Triens quasi tertia pars; quinque Quincunx, quasi quinque unciae; sex Semis, quasi semi as; septem Septunx, quasi septem unciae; octo Bes quasi bis triens; novem Dodrans, quasi dempto quadrante as; decem Dextans, quasi dempto sextante as; undecim Deunx, hoc est, dempta uncia, appellantur. d. §. 5. & 8. d. l. 17. §. fin. & l. 18.

Quid, si omnibus sint partes datæ, & pars aliqua desit vel dacet?

Siquidem datæ partes superent totum assem, pars singulis pro rata decrescit; si infra assem sint, pars vacans singulis pro rata accrescit. §. 6. *Inst. h.*

Quid, si pluribus certa res institutione sit relicta, aliis vero simpliciter, vel ex certis partibus hereditatis?

Instituti ex re certa legatariorum erunt loco, reliqui vero sunt vere hæredes. l. 13. *C. h.* Si vero unicus sit institutus hæres ex re certa, videtur vocatus ex asse. l. 1. §. 4. *D. h.* & si plures ex certa sint hæredes nominati, habebunt eas partes in ea re, quas testator dixit: in reliquis vero bonis erunt hæredes ex æqualibus partibus, nisi voluntas contraria probetur. l. 9. §. 13. *D. h.*

Potestne jus accrescendi prohiberi?

Non potest. l. 7. *D. de R. l. junct. l. 55. D. de legat. 1.*

Imo potest aliquis pro parte intestatus decedere. l. 15.

D. de inoffic. testam.

Distingui oportet inter decedere, & fieri intestatum.

l. 29 ff. de inoff. testam. Nemo pro parte testatus, & pro parte intestatus potest decedere. d. l. 7. sed fieri per querelam inofficiosi. d. l. 15.

Quid, si testator nullam fecerit partium mentionem?

Hereditas æqualiter est dividenda. §. 6. *Inst. h.* Et, si ita

ita dixerit testator: *Titius & fratri mei filii aequi heredes sunt*, omnes ex virilibus partibus sunt instituti. Si autem ita: *Titius & fratri mei filii heredes sunt*, semissem Titius, semissem fratri filii habebunt. *l. 11. 13. D. h.*

Quid, si ita cautum sit in testamento: si filius mihi natus erit, ex hære heres esto, ex reliqua parte uxorem instituo; si vero filia fuerit nata, ex triente heres esto, ex reliqua parte uxorem instituo heredem: & filius & filia nati essent?

Hoc casu as distribuendus est in septem partes; ut, si filius quatuor, uxor duas, filia unam partem habeat. vel, si ad partes assis rem redigamus, consequetur Filius sex uncias cum sex septimis unius uncia partibus; Vxor tres cum tribus septimis; Filia unam cum quinque septimis. Quod ita ex humanitate est constitutum; cum aliàs secundum subtilem juris regulam, ruptum esse videatur testamentum. *l. 13. D. de liber. & posthum.*

Quomodo fit institutio?

Nominatim, siue ea demonstratione, quæ nullum errorem continere potest. *l. 9. §. 8. D. h.* uti, si testator nuncupans heredem præsentem dixerit: hic mihi hæres esto. *l. 58. D. h.* nec interest, utrum pure an sub conditione fiat institutio. *§. 9. Inst. h.* & si tempus sit adiectum, valet institutio vitio temporis sublato. *l. 34. D. h.*

An & nutu fieri potest institutio?

Non recte, nisi constet indubitate de voluntate, aut repentino casu impediatur vocem emittere testator: quia adventitius casus voluntatem certam vitare non debet.

Potestne institutio conferri in arbitrium alterius?

Nequaquam. *l. 32. ff. h.* nisi tacite & ex consequentia videatur testator se referre per modum conditionis ad alterius voluntatem. Quædam enim in testamentis, si exprimantur, nullum habent effectum, quæ, si verbis regantur, licet eandem significationem habeant, quam haberent expressa, momentum aliquod habebunt. *l. 68. D. h.*

Quid, si quis instituerit heredem: Si Titius me instituerit, instituo eundem? vel, Titius si Mævium tabulis testamenti sui heredem a se scriptum ostenderit, hæres esto?

Non valet hæc institutio: quia non ex mutua profici-

ciscitur affectione, verum est captatoria, hamata & viscata, se referens ad secretum alienæ voluntatis. l. 70. 71. ff. h. Sed, si ita scriptum; *qua ex parte heredem me Titius instituit, ex ea parte Mavius esto*: valet institutio. l. 71. in pr. ff. h.

Quid, si error sit in nomine aut cognomine?

Non obest id institutioni, nisi quis volens alium scribere alium scripserit; quia scriptus hæres esse non potest, quoniam voluntas ei deest; nec etiam is, quem voluit, quoniam non est scriptus. l. 9. pr. D. h.

Quid, si in re quis erraverit, uti cum lancem vult, vestem leget?

Neutrum valebit, si ipse scripserit, siue scribendum dictaverit. d. l. 9. §. 1. Verum, si in parte sit erratum, sequemur magis voluntatem, quam id, quod scriptum est. d. l. 9. §. 2. 3.

Quid, si quis contumeliose demonstretur?

Id non vitiat institutionem. Sed si quis institutus sit eo nomine, quod contumeliæ causa solet addi, institutio non valet. d. l. 9. §. 8. secus, si ea sit facta cum maledicto. l. 48. §. 1. ff. h.

Tit. 6. De vulgari & pupillari substitutione.

De impuberum & aliis substitutionibus.

Tit. 25. Lib. 6. Cod.

Quomodo distinguitur substitutio?

Est alia directa, alia obliqua. Obliqua est, quæ fit per fideicommissum requirens alicujus restitutionem. Directa, quæ recta via transit ad substitutum, sine ulius restitutione.

Quomodo distinguitur directa?

Est vel pagnorum, vel militum.

Quomodo distinguitur pagnorum?

Est vel vulgaris, vel pupillaris, vel exemplaris, siue quasi pupillaris. Breviloqua autem, compendiosa, & reciproca, non sunt diversæ species, sed diversi modi substituendi.

Quæ est vulgaris?

Quæ fit in casum non acquisitæ hæreditatis, cum hac clau-

clausula: *si scriptus haeres, haeres non erit.* siue decedat ante testatorem, siue hæreditatem repudiet. *pr. Inst. h.* Eaque habere potest gradus infinitos. *d. princ. sic dicta,* quod omnibus & ab omnibus fieri possit.

Quid, si instituti ex disparibus partibus sibi invicem sint substituti?

Cum substitutio est facta propriis nominibus hæredum, aut onera æqualia imposuit testator in substitutione, videntur portiones viriles esse datae. *l. 23. junct. l. 24. D. ad SC. Trebell. l. 124. D. de leg. 1. 56. D. de cond. & demonstr.* Cum facta est simpliciter, secundum partes hæreditarias admittentur substituti. *§. 1. Inst. l. 5. l. 24. l. 41. §. 1. D. l. fin. C. h.*

Quid, si substitutio sit facta expresse in casum, si haeres scriptus noluerit esse haeres?

Videtur etiam esse facta ad casum quo non potuerit. *l. 3. C. de inst. & sust. l. 25. in fin. D. de liber. & posth. l. 22. D. ad Trebell.* Solet enim expressus casustrahi ad non expressum, si ad eundem finem tendat.

Imo non expressus casus habetur pro omisso. l. 10. D. de liber. & posthum. l. 21. D. h.

Id nonnunquam verum est, cum voluntas testatoris non est adeo evidens, ut in casu *d. l. 10.* qua agitur de institutione posthumi, sub variis casibus, & in *d. l. 21.* ubi tempus, intra quod substitutus admittendus erat, expressum est.

Quomodo extinguitur vulgaris substitutio?

1. Si adita sit hæreditas ab instituto, *l. 5. C. h.* 2. Si pater liberis suis extraneum substituerit & postea illi liberos susceperint. *l. 6. §. 1. C. h. l. 102. D. de condit. & demonstr.* 3. Si substitutus moriatur ante institutum, nam hæreditas quæ non defertur non potest transmitti. *l. un. §. in novissimo. C. de caduc. tollend.*

Annon circa casum, quo hæreditas est adita, distingui poterit in pluribus institutis, quibus unus substitutus est?

Potest. Aut enim facta est substitutio duobus copulative. Vti, *Titius & Sejus hæredes sunt, & si hæredes non erunt, Sempronius haeres esto.* Vel, *si Titius & Sejus hæredes non erunt, Sempronius haeres esto.* Hoc modo, uno ex institutis adeunte, in totum expirat substitutio. *arg. l. 23. D. de cond. & dem. l. 13. §. utrum. D. de reb. dub.* Aut est

facta separatim ; hoc modo , etiam uno decedente substitutus admittitur , siue alternative quid scriptum , siue aliter disjunctio sit facta.

De pupillari substitutione. Tit. 16. Lib. 2. Inst.

Qua est substitutio pupillaris ?

Qua pater filiis & filiabus familias substitutum dat in casum , quo impuberes moriantur. *pr. Inst. h.*

Quis substituit pupillariter ?

Tantum pater , licet sit arrogator. *l. 22. §. 1. D. de adopt. add. pr. Inst. h.* Non mater vel alii parentes , qui liberos non habent in potestate. *d. Inst. h.*

Quibus substituitur ?

Tantum liberis in potestate. *l. 2. D. de vulgar. pupill.*

Quid , si pater filio puberi vel impuberi emancipato vel quis extraneus extraneo substituerit ?

Substitutio nullius momenti est , sc. ut tanquam pupillaris valeat. *§. fin. Inst. l. 7. 14. D. h. t.* sed potest ita valide relinqui fideicommissum.

Annon est idem in hac re , quoad effectum , utrum substitutio fiat per fideicommissum , an pupillariter ?

Nequaquam. 1. In fideicommissio quis ab alterius manu hereditatem expectat ; in pupillari substitutione directo est hæres. 2. In fideicommissio tantum transeunt bona fideicommittentis ; in pupillari substitutione etiam pupilli bona. 3. In fideicommissio habere potest locum Trebellianicæ deductio ; in substitutione pupillari nulla fit defalcatio.

Qua bona transeunt , si arrogator substituerit pupillari ?

Tantum bona ea , quæ ab arrogatore , vel ejus occasione sunt profecta ad arrogatum , quod specialiter placuit. *l. 10. §. 6 D. h.*

An & exheredato potest substitui pupillariter ?

Omnino. *§. 4. Inst. h.* Licet enim a patre non habeat bona , aliunde tamen habere potest.

Quomodo fit pupillaris substitutio ?

Vel expresse , vel tacite. Expresse per hanc clausulam , *si filius vel filia ante pubertatis annos decesserit. pr. Inst. h.* Tacite , cum impuberi facta est substitutio vulgariter. *l. 4. D. de vulgar.*

Annon

*Annon distinguendum est in substitutione vulgari
facta impuberi ?*

Est. Siquidem enim pater, duos habens filios impu-
beres, eos sibi invicem substituerit, est facta substitutio
pupillaris utrinque: si vero alter sit pubes, alter impubes,
reciproca substitutio, vulgariter facta, habebit tantum
vim substitutionis vulgaris. *d. l. 4. §. 1. & 2.* Si denique
simpliciter impuberi vel impuberibus pater substituerit
vulgariter, habebit ea res effectum substitutionis pupil-
laris. *d. l. 4. pr.*

Quæ requiruntur, ut hac substitutio vires habeat ?

Debet pater ante sibi scribere hæredem, & deinde filio
substituere. *l. 2. §. 4. & §. 6. ff. h.*

Quis est effectus hujus substitutionis ?

1. Omnia bona impuberis devolvuntur ad substitu-
tum. 2. Si impubes, cui etiam vulgari clausula substitu-
tus est datus, non adeat hæreditatem patris, substitutus
admitti potest ad bona patris. 3. Per substitutionem
pupillarem expressam etiam mater excludi potest. *l. 8.
§. 5. ff. de inoffic. testam.* Ita tamen, ut matri salva sit fa-
cultas petendi legitimam sine querela inofficiosi. In ta-
cita vero mater excludit substitutum. *l. 8. C. de impub. &
aliis. junct. l. fin. C. de inst. & subst.*

Quando evanescit hac substitutio ?

1. Pubertate. *l. 7. 14. ff. de vulgar. pupill.* vel ante, si
testatori ita placuerit. *l. 21. 43. §. 1. ff. eod.* 2. Si liberum
tempore mortis non fuerint in potestate. *l. 41. §. 2. ff. h.*
3. Si hæreditas patris non adeatur. *l. 2. §. 1. l. 10. §. 4. ff.
eod.* vel aliàs infirmatum sit testamentum patris. 4. Si
substitutus moriatur ante impuberem. *arg. l. unic. §. in
novissimo, C. de caduc. toll.*

*Si majus tempus comprehenderit pater, annon flectetur
in fideicommissum ?*

Nulla modo. *§. fin. Inst. h. d. l. 7. & 14. D. de vulg.
pupill.* nisi ejusmodi verbis fuerit usus testator, quæ fi-
deicommissio applicari possunt: in dubio enim adus
valere debet. *l. 12. 21. D. de reb. dub.* In milite vero
speciale est, quod directo possit ultra pubertatem sub-
stituere, hoc effectu, ut si filius post pubertatem mo-
riatur, substitutus tantum consequatur bona testatoris
cum fructibus in hæreditate inventis. *l. 15. ff. eod.*

Quæ est substitutio quasi pupillaris?

Quæ fit tam à matre quam à patre liberis mentis captis, si in eo statu liberi decesserint. *l. 9. C. h.*

Potestne hæc substitutio quolibet modo fieri?

Si mente capti fuerint liberi, tenentur parentes substituere unum vel omnes descendentes, si iis fuerint fratres, non liberi, unum ex fratribus, vel omnes. Sin autem nec fratres fuerint, possunt parentes iis substituere, quos voluerint. *d. l. 9.*

Quid, si plures parentes substitutionem fecerint, uti pater & mater?

Valebit substitutio patris quoad bona paterna: matris quoad bona materna: utriusque, quoad bona, quæ aliunde ad mente captos pervenerunt. *d. l. 9.*

Quid, si mente capti sanitati mentis restituantur?

Evanescit substitutio. *d. l. 9.* nec convalescet, si rursus mente capiantur, siue brevius fuerit intervallum, siue longum. *d. l. 9. l. 43. ff. de vulg. pupill. arg. l. 2. C. de post. hered. inst.*

Quid, si liberi fuerint prodigi, muti, & surdi?

Et si quidem eadem sit ratio, quæ est in mente captis, tamen, quia speciale privilegium est; quod non solet de personis ad personas extendi, præstat impetrare principale rescriptum. *d. l. 43.*

De necessariis servis hæredibus instituendis vel substituendis. Tit. 27. Lib. 6. Cod.

Possuntne aliquando hæredes institui, vel substitui, quæ volentes nolentes coguntur esse hæredes?

Possunt proprii servi institui & substitui, iique sunt hæredes omni casu necessarii. §. 1. *Inst. de hered. qual.*

Tit 7. De conditionibus institutionum.

De institutionibus, & substitutionibus, & restitutionibus sub conditione factis.

Tit. 25. Lib. 6. Cod.

Potestne sub qualibet conditione institui hæres?

Distingui oportet. 1. Inter conditiones. 2. Inter hæreses.

des. *Conditio alia perplexa, alia non perplexa. Perplexa, ut, si ita dictum : Si Titius heres erit, Sejus heres esto ; Si Sejus heres erit, Titius heres esto.* Non perplexa, est vel possibilis, vel impossibilis. Possibilis, vel casualis, quæ à casu ; vel potestativa quæ à potestate ; vel mixta quæ partim à potestate partim à casu dependet. Impossibilis vel natura, cui rerum natura obstat ; vel jure, cui lex vel boni mores impedimento sunt ; vel facto, quæ quidem in se non est impossibilis, sed tantum personis hæredum. Hæredes vero hic distinguuntur inter suos, & extraneos.

Quid igitur in filiis suis in potestate constitutis obtinet ?

Quod nequeunt sub aliqua conditione institui alia, quam potestativa. *l. 4. D. de hered. instit. l. 4. C. de inst. & substit.* Id etiam admittendum est in filiabus, cum differentia ista sexus sit sublata : non ita in nepotibus, secundum formam in *l. 6. §. 1. D. de hered. inst.*

Quid ergo, si de facto filius suus sit institutus sub casuali, vel mixta, vel impossibili ?

Nullius momenti erit institutio, tanquam filius esset præteritus. *d. l. 4. D. de hered. instit. l. 15. D. h.* Verum, si potestativæ conditioni, sub qua institutus est filius, non satisfaciatur, & moriatur, legitima æque peti potest, quia omnis conditio rejicitur à legitima. *l. 31. 36. C. de inoffic.*

Quid juris in extraneo circa conditiones ?

Potest institui sub qualibet conditione possibili, etiam difficili, & si non pareat, hæreditatem non acquirit. *Conditio vero impossibilis natura vel jure, habetur pro non adjecta, §. 10. Inst. de hered. inst. l. 1. l. 9. ff. h.* Institutio sub perplexa conditione facta, nullius est momenti. *l. 16. ff. h.*

Possuntne plures conditiones apponi ?

Possunt sane vel conjunctim vel disjunctim. Si conjunctim, omnibus parendum est ; si disjunctim, sufficit unam existere. *§. penult. Inst. de hered. Inst.* Sin autem ita quis instituerit : *si filius vel filia intestatus vel intestata, aut sine liberis, aut sine testamento, vel sine nuptiis decesserit* : in hac specie tum demum locus est substituto, si nihil ex hisce subsequutum fuerit : non enim ferendum est, cum liberorum mentio facta, & posteritas

sis

sic relicta, propter huiusmodi verborum angustias liberos omni pene fructu paterno defraudari. *l. 6. C. de instit. & substit.*

Liberi in conditione positi, an etiam sunt in dispositione?

Probatur Non. *l. 8. ff. si quis omis. caus. l. 1. C. de pact. l. 16. ff. de vulg. pupill.* Vnde, quod dicitur in *l. 85. ff. de hered. instit. in fin.* sic explicandum est, quod Testator non tantum per suam dispositionem fratrem heredem prætulit, sed & prudenti consilio liberos ejus, se ab intestato. Dum enim liberos fratris ponit in conditione, tacite per illam, & ex consequentia, lege in subsidium veniente, substitutos rejicit.

Tit. 8. De jure deliberandi. Tit. 30.
Lib. 6. Cod.

Suntne nonnulla beneficia quibus heredibus succurritur, ne ob temerariam aditionem vel repudiationem afficiantur damno?

Sunt duo: Ius deliberandi, & beneficium Inventarii. *§. 2. Inst. de hered. qual. & diff. l. fin. C. h.*

Quod est jus deliberandi?

Quo hæres, sive scriptus sive ab intestato, intra certum tempus sibi præstitutum apud se expendere potest, utrum hæreditatem adire vel repudiare velit. *d. §. l. fin. C. h.*

Quomodo distinguitur à cretione hæreditatis?

Cretio fit intra tempus, quod à testatore præscriptum est heredi. *Vlpian. in fragm. tit. 22.* Tempus ad deliberandum petitur à Principe vel Iudice. *d. l. fin. §. 13. C. h.*

Intra quod tempus petitur jus deliberandi, & quod tempus concedendum est?

Si hæres non urgeatur à creditoribus aliisve, quorum interest, nulla ei necessitas petendi incumbit: verum urgeri potest ab iis quorum interest ut petat. *l. 9. C. h.* Sin autem urgentibus creditoribus vel sponte petat, moderatum ei spacium dandum est. *d. l. 9. summum, si à principe petatur, est tempus anni; si à iudice, novem mensium. d. l. fin. §. 13. minimum, centum dierum. l. 2. D. h.*

Potestne

Potestne ſæpius peti ?

Non potest. *d.l. fin. §. 13. in fin. nisi ex magna causa. l. 3. 4. D. h.*

Quid, si variis gradibus substitutio sit facta, potestne deliberante primo secundus vel tertius adire?

Dum primus deliberat, nec secundus nec tertius succedere potest, nec secundo & tertio currit tempus deliberandi. *l. 69. D. de acquir. vel omitt. heredit.* Interim hac in re prætoris officium est, prospicere, ne creditores eludantur.

Quid, si is, qui deliberat, sit mortuus ?

Tempus quod restat transmittitur ad hæredes. *l. 19. C. h.* Verum si post annum, postquam apertum fuerit testamentum eique insinuatum, sit mortuus & nihil egerit, nihil transmittet ad hæredes. *d.l. 19.*

Quid juris consequitur heres, dum deliberat ?

Habet copiam instrumentorum inspiciendorum. *l. 5. pr. D. h.* potest petere rationes ab iis, penes quos depositæ sunt. *l. 28. D. de asq. vel omitt. hered.* & si res sint in hæreditate, quæ tempore fiunt deteriores, potest adito prætore & quæ sunt sumptuosa libere vendere, solvere æs alienum, quod sub pœna vel pretiosis pignori- bus debetur. *d.l. 5. §. 1. ff. h.* Potest & impendia facere ex pecunia vel aliis quantitatibus. *l. 6. l. 7. §. 3. ff. h.* quin imo & si filius sit, debet ali ex hæreditate. *l. 9. D. h.*

Quid, si intra tempus præstitutum heres nihil dixerit ?

Videndum est, ad quorum instantiam præfixum ei fuerit tempus; si ad creditorum, in solidum iis obligabitur, ac si adiisset. *d.l. fin. §. penul. C. h.* Si ad substituti, vel hæredū ab intestato, qui parati sunt adire, habebitur pro repudiante. *l. 99. in fin. ff. de acquir. vel omitt. hered.* atqui ita semper in detrimentum deliberantis res explicabitur, cum in ejus potestate sit voluntatem exprimere.

Quod est beneficium inventarii ?

Est beneficium singulare concessum hæredi, ne in damnum incidat, modo legitime inventarium conficiat.

Quomodo sit legitime inventarium ?

Desideratur 1. iustum tempus. Est enim à præsentē intra 30 dies, ex quo delatam sibi hæreditatem scivit, inchoandum, & intra 60 dies plene absolvendum: ab absente vero, qui non est in eo loco, in quo res hæreditaria

tariæ sunt, vel maxima earum pars, intra anni spacium, a morte testatoris numerandum, inchoari & absolvi debet. *d. l. ult. §. 2. & 3.* 2. Ut fiat per certas personas, per tabularios ad minimum duos. *d. l. ult. §. 2. Nov. 1. c. 2. verb. tabularii.* 3. Ut sint præsentēs, quorum interest, vel, si horum copia esse non possit, tres testes idonei. *d. Nov. 1. c. 2. §. 1. junct. d. l. fin. §. 2.* 4. Res omnes hæreditariæ specificè describantur, imo & fructus & aliæ accessiones, quæ postea provenerunt. *arg. d. l. fin. §. 2. verb. exordium capiat super rebus quas defunctus mortis tempore habeat.* 5. Ut subscribat hæres, vel si ignarus sit literarum, tabularius ad hoc specialiter adhibendus, signo manu hæredis præposito, coram testibus notis. *d. l. fin. §. 2.* 6. Ut circa subscriptionem adjiciatur ab hærede, quod nulla malitia sit usus, & quod nihil penes eum remanserit. *d. l. fin. §. 2.*

Quid, si forma non sit observata?

Si quid substractum vel occultatum sit, in duplum convenietur hæres. *d. l. fin. §. 10.* Sin autem in aliis sit peccatum, corrumpit beneficium. *arg. l. 5. C. de Ll. nisi levis aliqua solemnitas sit omiſſa. l. 1. circ. fin. D. de inspici. ventr.*

Quæ commoda consequitur hæres ex beneficio inventarii?

Primum ac præcipuum est, quod non teneatur ultra vires hæreditatis. *d. l. fin. §. 4.* 2. Quod, si supersit aliquid, per Legem Falcidiam possit deducere quartam ex legatis. *d. l. fin. §. 4.* 3. Quod creditoribus primo venientibus possit exsolvere. *d. l. fin. §. 4.* 4. Quod & legatariis possit satisfacere. *d. §. 4.* 5. Quod creditores, qui suum post emensum patrimonium non sunt consecuti, supervenientes, ipsum hæredem vel emptorem nequeant convenire, sed creditores, quibus minus juris est, vel legatarios. *d. l. fin. §. 5. 6. 7. 8.* 6. Quod hæres possit retinere quicquid in funus, in testamenti insinuationem, inventarii confectionem, vel alias necessarias causas expendit. *d. l. fin. §. 9.* 7. Quod id, quod hæredi debetur a defuncto, non confundatur, sed hæres simile jus cum aliis creditoribus habeat. *d. l. fin. §. 9.* unicuique ex creditoribus sua prærogativa servata. 8. Quod pro inventario concedatur facultas contra id quid probandi.

d. l. fin.

d.l. fin. §. 10. 9. Quod dum inventarium fit, hæres non possit inquietari. d.l. fin. §. 11.

Estne igitur in potestate hæredis solvere cui velit?

Primo quidem venienti solvere potest, si ignoraverit alios tempore esse potiores, non si sciverit: in omnibus enim bona fide hæres versari debet. huc fac *l. 42. D. ad L. Falcid.*

P A N D E C T A R U M

L I B E R XXIX.

Tit. I. De Testamento militis. Tit. 21. Lib. 5.
Cod. Tit. 11. Lib. 2. Inst.

Quæ sunt species testamentorum, in quibus aliqua solemnitates sunt remissæ?

1. Testamentum tempore pestis conditum, in quo remissa est tantum solemnitas, quod in unum testes convenire non teneantur. *l. 8. C. de testam.* Nec quicquam aliud remissum est, nisi tanta sit pestis, ut numerus septem testium haberi nequeat. Subveniendum enim est, quoties æquitas evidens postulat. *l. 7. D. de test. in int.* 2. Testamentum factum ruri, ubi summa est hominum penuria. In hoc quinque testes sufficiunt. *l. fin. C. de testam.*

Quæ sunt testamenta, in quibus nullæ solemnitates desiderantur?

Sunt 1. Parentum inter liberos. *l. fin. C. famil. ercisc. l. 21. §. 1. C. testam.* Parentibus hoc tantum imponitur, ut in patrimonii distributione, quam sua manu faciunt, non notis vel signis, sed literis clare voluntatem suam exprimant. *Nov. 107. c. 1.* 2. Militum.

Quid, si parentes extraneo quid velint relinquere?

Si propria manu id, dum inter liberos disponunt, scripserint, & coram testibus etiam duobus suam voluntatem declaraverint, valebunt relicta. *d. Nov. 107. cap. 1. juncto.*

junct. l. 12. D. de testib. Si vero non scripserint, vel simul coram testibus non expresserint voluntatem suam, requiritur sollemnis dispositio. *d. l. fin. in fin. C. famil. ercisc.*

Ex qua causa & quibus militibus datur privilegium testandi?

Causa est necessitas & periculorum frequentia, nec non utilis opera, quam milites reipublicæ præstant. *pr. Inst. h.* Comperit autem tantum iis, qui in numero sunt, & revera militant, nec aliter, quam si in castris, in expeditione, vel in conflictu versentur. §. 3. *Inst. h.* non igitur limitaneis vel præsidariis, nec advocatis. §. f. *Inst. h.*

Quid, si non miles in hostili solo sit?

Etiam huic concessum sine ulla solemnitate testari. *l. fin. D. h. t.* modo ibi decedant. *d. l. f.* & non sint capti ab hostibus. §. *fin. Inst.* quibus non est permiff.

Quid ergo requiritur ad testamentum militis?

Nihil aliud, quam, ut probetur voluntas. Itaque si milites sine teste ullo scripserint, & certo constat eos scripsisse; valebit: adeoque sufficiet in arena, vel in clypeo etiam literis sanguine rutilantibus scripsisse. *l. 15. C. h.* Sin autem nuncupent viva voce hæredes, sufficient duo testes. §. 2. *l. 1. 24. ff. h. junct. l. 12. ff. de Testib.*

Quamdiu durant testamenta militum?

Quamdiu militant, & si missi sint, ad annum post missionem, licet conditio adscripta post annum extiterit. §. 3. *Inst. h.*

Quid, si quis non miles condiderit testamentum non rite, & post miles factus decesserit?

Licet quidem miles, qui destinavit communi jure testari, & ante defecit quam omnes solemnitates essent adhibitæ, recte condatur testamentum, modo voluntas sit plene exposita. *l. 3. ff. h.* tamen, si, cum non esset miles, inutiliter fuerit testatus, non convalescet testamentum, quamvis postea factus miles, nili quid dixerit vel fecerit, ex quo confirmatio probatur. §. 4. *Inst. h. l. 20. §. 1. ff. h.*

Atqui directe contrarium videtur traditum l. 15. §. 2. ff. h.?

Nulla modo; quia ibi non agitur de testamento ante militiam, non jure sed legitime facto. Ac deinde voluntas militis in *d. l. 15. §. 2.* non est ea, quæ animo præsta-

pressa est, sed ea, de qua constat. Hic itaque erit sensus; testamentum, quod ante etiam factum est, valet, nisi voluntas ultima, quam miles fecerit, contrarietur.

Quid, si coram Principe sit factum testamentum?

Id solemnitatem non desiderat, uti nec id, quod coram actis est conditum. *l. 19. C. de testam.*

Tit 2. De acquirenda vel omittenda hæreditate. Tit. 33. Lib. 6. Cod.

De hæredum qualitate & differentia.

Tit. 19. Lib. 6. Cod.

Quomodo hæreditas solet adiri?

In hac re distinguendum inter hæredes. Sunt enim alii necessarii, qui etiam inviti agnoscere debent: quales sunt servi proprii testatoris à testatore instituti. §. 1. *Inst. h.* Sunt alii sui & necessarii, qui sunt liberi in potestate defuncti tempore mortis constituti, sic dicti, quod vivis parentibus quodammodo Domini sint rerum paternarum, & necessario agnoscere debeant hæreditatem: verum his ex æquitate prætoris datur beneficium abstinendi. §. 2. *Inst. h.* Sunt denique extranei, qui nec in dominica nec patria potestate testatoris tempore mortis fuerunt. §. 3. *Inst. h.* Matri autem omnes etiam liberi sunt extranei *d. §. 3. Inst. h.*

Quibus modis aditur hæreditas?

Vel nuda voluntate, hoc est, simplici declaratione sine ullo facto, vel pro hærede gestione, cum hæres facit, quæ sunt tantum hæredis, uti explicatur. §. penul. *Inst. l. 29. pr. & §§. seqq. D. h.*

Quid, si extraneus quid explicarit?

Non gerit se pro hærede, nam admissum contrariam voluntatem declarat. *l. 21. pr. D. h.*

Quæ requiruntur ut aditio recte fiat?

1. Oportet constare, defunctum eum esse, de cujus hæreditate agitur. *l. 18. D. h. l. 32. ff. h.* 2. Hæres debet esse certus, sibi delatam esse hæreditatem. *l. 21. §. 2. D. h.* vel ex testamento, vel ab intestato. *arg. l. 39. D. h. & an pure an sub conditione sit institutus. l. 32. §. 1. D. h.*

Qui possunt adire?

Omnes, sive patres sive filii familias sint. Filii familias veros.

vero, si non habeant iussum parentum, parentes alieno atri hereditario subicere nequeunt. *l. 6. D. h. Ex constitutione Iustiniani potest filius major, etiam dissente patre, adire. l. ult. C. de bon. qui liber. cum adventitiorum proprietatem habeat. l. 6. C. eod. ita tamen, ut patri non præjudicet.*

Quid iuris in pupillo, furioso, & minore?

Si delata sit hereditas furioso vel infanti, potest ea adiri à curatore furiosi. *l. ult. C. de curator. furios. vel à patre, vel à tutore infantis. l. 18. C. de jur. delib.* Si pupillo majori infantia, adeunda est per pupillum, ex iussu patris, si patrem habeat, vel patre mortuo ex tutoris autoritate. *d. l. 18. §. fin. l. 8. 9. ff. h. vel si tutorem nec patrem habeat, ex decreto prætoris. d. l. 18. §. fin.* Si minoribus, ipsi adibunt ex consensu curatorum. *arg. l. 3. C. de in in-*

l. 7. ff. de p. seg. rest. min.

Potestne per Procuratorem hereditas adiri?

Vix fieri id potest, nisi speciale ad hoc habeat mandatum, quo interveniente mandans videtur adire. huc fac *l. 90. ff. h.*

Potestne hereditas pro parte adiri?

Nulla modo. *l. 1. & 2. ff. h.* hinc filius, servata sibi legitima, non potest omittere reliquum hereditatis, nec Emphytheusin agnoscere, repudiato reliquo patrimonio patris. Recte autem legatum agnoscitur, licet hereditas rejiciatur. *l. 87. & Ll. seqq. ff. de legat. junct. l. 4. ff. ad Trebell.*

Intra quo d tempus adiri potest?

Nullum est tempus præscriptum, nisi creditores urgeant, ut ante dictum. *l. 9. C. de jur. delib.* &, si lateant heredes, potest fieri missio in bonorum possessionem. *l. 8. 9. ff. quib. ex caus. in possess.*

Quis est effectus aditionis?

Implicatur hæres omnibus oneribus hereditariis, & legatariis obligatur, nisi factum fuit legitime inventarium, de quo ante. *l. fin. §. 12. ff. de jur. delib.*

Annon datur restitutio?

Minori. *§. 5. Inst. h. ut & militi. l. fin. C. de jur. delib.* & alio omni, qui iusto errore lapsus est. *arg. l. 7. ff. de restit. in integr. junct. l. 1. 26. in fin. ff. ex quib. caus. major.*

De

De repudianda vel abstinenda hæreditate.

Tit. 31. Lib. 6. Cod.

Quomodo fit repudiatio hæreditatis, & à quibus ?

Nuda voluntate re & verbis declarata. §. *fin.* *Inst. de rer. qual.* Abstinere autem dicuntur sui hæredes, repudiare extranei. Fit vero repudiatio ab illis, quibus declarata est hæreditas, & qui quid agatur intelligunt. *l. 94. ff. h.* & possunt obligari. Quare furiosi non recte repudiant. *l. 47. ff. de acquir. vel omitt. hæred.* nec pupilli sine tutoris autoritate. *l. 5. C. h.* Filii familias quoque quidem repudiant in suum detrimentum, sed non patrum. *l. 1. 3. §. fin. ff. h.* nec patres in incommodum filiorum. *l. 11. C. de jure delib.*

Quis est effectus repudiationis ?

Repudians liberatur ab omni onere hæreditatis, & hæreditas devolvitur ad alium. Et, qui semel repudiavit, postea suo jure non potest adire. *l. 4. C. h.* nisi sit minor, is enim potest restitui. *l. f. C. h.* vel major suus hæres, qui quidem non restituitur, sed si bona nondum sint distracta, auditur intra triennium. *l. fin. C. h.*

De edicto Divi Hadriani tollendo, & quemadmodum scriptus hæres in possessionem mittatur. Tit. 33 Lib. 6. Cod.

Quid precipue continetur hoc titulo ?

Quod hæres, qui non cancellatum vel ulla parte vitiatum exhibuerit judici testamentum, mitti debeat in bonorum possessionem. *l. ult. C. h.*

Cui datur hoc interdictum ?

Tantum hæredi scripto, sive ex parte, sive ex asse sit institutus. *d. l. fin.* sive rogatus fuerit hæreditatem restituere, sive non. *l. 56. D. ad SC. Trebell.* Imo & hæredi nuncupato. *arg. d. l. fin.* Non vero hæredi ab intestato. *d. l. fin.* non legatario, vel fideicommissario singulari, nec etiam universali, nisi fuerit verbo restituta hæreditas.

Quomodo igitur prospicietur hæredi ab intestato ?

Per interdictum quorum bonorum. *l. 1. & tot. tit. D. quor. bonor.* quin & poterit instituere petitionem hæredi-

reditatis, si ad hæreditatem, non ad possessionem velit agere.

*Quid, si sit vitium injustæ exheredationis
vel præteritionis?*

Eo non obstante mittetur hæres scriptus in possessionem. *l. 2. C. h.* imo, etsi aliud vitium objiciatur, non ob-
erit, nisi in continenti probari possit. *l. 3. §. 13. D. ad exh.*

Quid, si duo simul agant?

Præferetur, cui potius est jus: Institutus substituto, scriptus in posteriori testamento ei, qui in priori designatus est. Et, si jura utrinque sint eadem, non fiet missio. *arg. l. 30. D. test. tur.* Ei vero, qui possidet, possessio in casu dubio non est adimenda.

De his qui ante apertas tabulas hæreditatem transmittunt. *Tit. 51. Lib. 6. Cod.*

Quid, si hæredes scripti ante apertas tabulas moriantur?

Liberi hæredes instituti vel legatarii hæreditatem, legata & fideicommissa ad descendentes transmittunt, quia perindignum est ob fortuitos casus liberos parentum suorum hæreditate vel legatis iis relictis privari. *l. unic. C. h.* Id procedit, si parentes sibi quid relictum esse sciverint, si ignoraverint. *d. l. unic. l. un. §. 5. 13. C. de caduc. tollend.*

Idemne juris est in liberis hæredibus ab intestato?

Iusta, imo major videtur esse ratio in *d. l. unic. in fin. C. h.* quæ id suadeat.

Quid statuendum de extraneis?

Non transmittunt hæreditatem, nisi sit adita. *d. l. unic. §. 5. 13. C. de Caduc. tollend.*

*Tit. 3. Testamenta quemadmodum aperi-
antur, inspiciantur, & describantur.*

Tit. 32. Lib. 6. Cod.

Quomodo testamenta sunt aperienda?

Apud magistratum, & coram omnibus, quorum interest. Possunt vero omnes, ad quos pertinent, desiderare aperiri. *l. 1. D. l. 3. C. h.* Cogi etiam possunt signatores & testes, ut sigilla & manus suas recognoscant. *l. 4. & seq. D. h.*

Quid

Quid in pupillaribus tabulis fiet ?

Eas, si seorsim signatas testator reliquerit, prætor non aliter, quam causa cognita patietur aperiri. *l. 8. D. h.*

Tit. 4. Si quis omiſſa causa testamenti ab intestato, vel alio modo possideat hæreditatem. Tit. 39. Lib. 6. Cod.

Quid, si omiſſa causa testamenti hæres scriptus repudiet hæreditatem, ut ab intestato succedat ?

Si id in necem legatariorum fecerit, æque tenebitur ad legata, ac si ex testamento adiisset. *l. 1. D. l. 1. & 3. C. h.* Idem obtinet, si ab hærede instituto legata sint relicta, non à substituto, & institutus pecunia accepta repudiet. *l. 1. C. h.*

Tit. 5. De SConsulto Syllaniano & Claudiano, quorum testamenta ne aperiantur. Tit. 35. Lib. 6. Cod.

Quid comprehensum est SConsulto Syllaniano ?

Cum à familia occisus quis esse dicitur, non licet hæredi tabulas testamenti aperire aut hæreditatem adire, antequam de servis, qui fuerunt sub eodem tecto vel in loco, ex quo domino periclitanti auxilium ferre potuerunt, habita fuerit quæstio. *l. 1. pr. §. 26. 27. D. l. ult. C. h.*

Quod tempus huic edicto præstitutum est ?

Quinquennii quoad cognitionem aperti testamenti in extraneis. *l. 13. D. h.* Illi autem, qui parricidii poena teneri possunt, etiam ultra decennium recte accusantur. *d. l. 13.*

Vbi manet hereditas, quæ adita est contra SConsultum ?

Pertinebit ad fiscum, cum constat certo defunctum esse occisum. *l. 5. §. 2. D. h.*

Quid, si quis ignorans occisum aperuerit ?

Non tenebitur hoc edicto, uti nec is, qui sciens per imperitiam vel rusticitatem aperuit. *l. 3. §. 21. 22. D. h.*

Quid, si pars testamenti sit aperta ?

Sive totum, sive pars ejus, sive codicilli, sive voluntates non rite ordinatæ aperiantur, sive etiam ab intestato adeatur hæreditas, locus est edicto. *d. l. 3. §. 24. 25. 26. 29.*

Tit. 6.

Tit.6. Si quis aliquem testari prohibuerit vel
coëgerit. Tit.34. Lib.6. Cod.

Quid, si quis prohibuerit aliquem testari?

Si quis dum captat hæreditatem legitimam, vel ex
testamento antea facto, prohibuerit quem facere testa-
mentum vel mutare, Divus Hadrianus constituit, dene-
gandas ei esse actiones, & fisco locum fore. *l. 1. pr. h.*
Idem juris est, si dolo fecerit, ne testes venirent. *l. 2. D. h.*

An in hac re unius factum alteri obest?

Nequaquam: nec fratris fratri. *d. l. 2. §. 1.* unde si fidu-
ciarius hoc egerit, fisco cedit commodum legis Falcidiæ
sive quartæ Trebellianicæ, non fideicommissum. *d. l. 2.*
§. fin.

Quid, si quis coëgerit aliquem testari?

Is carebit hæreditate, eaque fisco tribuetur. *d. l. 1.*

Verus hæres nihil consequetur?

Si certo constat, quod testator eum hæredem esse
voluerit, alterius maleficio ei non nocebit; nec etiam
fiscus ex aliena calamitate emolumentum sentire debet.
l. 1. C. de naufrag. Cæterum fisco adversus delinquen-
tem non est deneganda actio ad pœnam. *d. l. 1. 2.*

*Quid, si maritus blanditiis provocaverit pro
se iudicium uxoris?*

Non est id criminofum. *l. ult. C. h.* nec etiam viro,
qui non per vim aut dolum placavit offensam ægræ
mulieris ne mutaret ultimum elogium, auferenda sunt
reliqta. *l. fin. D. h.*

Tit.6. De jure Codicillorum. Tit.36. Lib.6.
Cod.25. Lib.2. Inst.

Quid sunt Codicilli?

Ultima voluntas, sine directa hæredis institutione.
§. 2. Inst. h.

In quibus distinguuntur à testamento?

Et si quidem nemo eos facere possit jure, nisi cui per-
missum testari. *l. 6. §. 2. D. l. 8. §. 2. D. h.* tamen in multis
differunt à testamento. 1. Testamentum non valet ci-
tra institutionem hæredis directam: in codicillis vero
institutio non potest fieri, nec exhæredatio, nec adjici-
tur conditio institutioni. *§. 2. Inst. h.* 2. Testamentum

po-

posterius rumpit prius. §. 2. *Inst. quib. mod. testam. infirm.*
 Codicilli vero posteriores, nec testamentum, nec prio-
 res codicillos. §. 1. *Inst. h. correctæ l. 5. D. h.* 3. Testa-
 mentum est unicum, quia complectitur universalem
 rerum dispositionem: Codicilli possunt esse plures. §. 3.
Inst. h. 4. In testamentis est solemnitas ordinationis:
 nulla autem in codicillis. d. §. 3.

Quot testes requiruntur in codicillis?

Sive in scriptis, sive per nuncupationem fiant, requi-
 runtur quinque. l. ult. §. fin. C. h. eodem tempore adhi-
 bendi. d. l. ult. §. fin. ac non interest, utrum fœminæ an
 masculi sint.

*Verum, videtur esse solemnitas, si testes sint
 quinque & simul advocandi?*

Negari non potest, quin major ac certior probatio
 in codicillis desideretur, quia multis ultima voluntas in-
 fidiis subjicitur. l. fin. C. de fideicommissis. sed non est in iis
 quoad omnia solemnitas ordinationis.

*Quid, si in codicillis ita quis scripserit: Titium
 heredem esse volo?*

Voluntatis est quæstio: nam si legata reliquerit, sub-
 stitutum directo adscripserit, non erunt codicilli, sed te-
 stamentum. Sin autem apparuerit ex levi conjectura,
 fideicommissariam hæreditatem à legitimo eum reli-
 quisse, erunt codicilli. l. 13. §. 1. ff. h.

*Quid, si quis in literis promittat hæreditatem,
 vel animi affectum exprimat?*

Non obtinebit id vim codicillorum. l. 17. ff. h. quia
 hæreditas codicillis non datur. Ast fideicommissum re-
 lictum epistola, adhibito sufficienti numero testium,
 vires habebit. l. 22. C. de fideicommissis.

*Quid, si testamentum sit ruptum, an codicilli
 rumpuntur?*

Si sint confirmati testamento, & ante testamentum
 sint facti, jus testamenti sequuntur. l. 16. D. l. 1. C. h.
 Sin autem non sint confirmati, non rumpuntur testa-
 mento rupto. Dd. Ll.

De Clausula Codicillari.

Quæ est clausula codicillaris?

Est, qua testator declarat, se pro codicillis etiam velle
 haberi

haberi testamentum. l. f. C. h. ſi non poſſit valere ut teſtamentum.

Eſtne Clausula codicillaris eadem cum hac : volo valere omni meliori modo, quo jure poteſt?

Nequaquam. Clausula codicillaris eſt arctior, & ad factum pertinet: verum clauſula, volo valere omni meliori modo, latius ſe diffundens, etiam ad juris ordinem refertur.

Quæ eſt efficacia clauſula codicillaris?

Ut valeat voluntas tanquam codicillus, & inſtitutiones hæredum directæ ſelectantur in fideicommiſſam. l. 19. pr. §. 1. D. de teſt. mil. l. 2. §. f. D. de codicillis. l. 29. §. 1. D. qui teſt. fac. poſſ.

P A N D E C T A R U M

L I B E R XXX.

De Legatis & fideicommiſſis. I.

Quid eſt legatum?

Eſt donatio quædam à defuncto relicta, ab hærede præſtanda. §. 1. Inſt. h. Vel delibatio hæreditatis, qua teſtator ex eo, quod univerſum hæredis foret, alicui quid collatum velit. l. 116. ff. hic.

Qui poſſunt legare?

Quibus teſtandi eſt facultas. l. 2. ff. hic. Hinc deportati, aliique ſimiles, nec legatum nec fideicommiſſum relinquunt. l. 1. §. 2. ff. de legat. 3. nec etiam filii familias. d. l. 1. §. 1. ff. de leg. 3.

Imo & filius familias recte fideicommiſſum relinquit, ſi emancipatus decedat.

d. l. 1. §. 1.

Facilius fideicommiſſum redditur, quia imponitur alii; ac deinde, non ſimpliciter filius familias fideicommittere poteſt, ſed tunc tantum, cum probatur, quod voluntas ejus duraverit poſt emancipationem. d. l. 1. §. 1.

Qui-

Quibus potest legari?

Omnibus, qui testamenti factionem passivam habent, hoc est, ex testamento quid capere possunt. §. 24. *Inst. l. 101. in f. ff. h.* Vnde deportatis & similibus personis, quæ hæredes institui non possunt, etiam legari nequit. *l. 101. §. fin. ff. de legat. 1.*

De incertis personis. Tit. 48. Lib. 6. Cod.

Potestne & incertis personis legari?

Siquidem nulla ratione certæ fieri possint, inutile est legatum; secus, si certæ fieri queant. §. 25. *Inst. de legat.* Adeoque & posthumo alieno hodie recte legatur. §. 25. & seqq. *Inst. h.*

Valeatne legatum collegiis vel corporibus relictum?

• Valet, modo sint licita. *l. 1. C. de hered. instit. l. 1. §. 15. ff. ad SC. Trebell.*

Quid, si pauperibus quid legatum sit?

Valebit. *l. 24. C. de Episc. & Cleric.* licet nulli sint nominati. Nullis autem personis designatis, Xenones ejus civitatis legatum nanciscentur, ut id conferant Xenodochio pauperiori: Et, si nullum sit Xenodochium, inter mendicantes, ac maxime eos qui eo loco affliguntur inopia, distribuent. *l. 49. §. 3. C. eod.*

Quid, si Deo sive Iesu Christo quid sit relictum?

Id cedit sanctissimis Ecclesiis in civitate vel alio loco, in quo constitutus erat defunctus, & conferetur in pauperum alimoniam. *l. ult. in f. pr. C. de SS. Eccles. junct. c. ult. caus. 16. qu. 1.*

Quid, si quis viro integra existimationis summam certam leget, ut eam post obitum in pauperes, quos ipse eligeret, eroget?

Legatum valebit, & vix poterit compelli, si sit id ipsi prohibitum, edere nomina pauperum. *arg. l. 14. D. de dot. pral.* Cautius autem ager, si corā amicis, vel aliquibus delegatis ab hæredibus, distributionem eam faciat.

Potestne & hæredibus legari?

Non valet legatum, si quis solus sit hæres: absurdum enim est, ut idem sit creditor & debitor. *l. 116. §. 1. D. de legat. 1.* Ideoque, si hæredi ex asse instituto & Titio fundus sit legatus, Titius sibi totum acquirat. *l. 34. §. 11. D. de legat. 1.* Nec obstat *l. f. §. 2. D. de leg. 2.*

T

Quid,

Quid, si duo sint hæredes, unus ex uncia, alter ex undecim unciis, & fundus sit iis simpliciter legatus?

Vndecim unciarum hæres habebit undecim in fundo, cohæres unciam duodecimam. *d.l. 34. §. 12.* Si autem eadem res sit legata duobus ex pluribus hæredibus, quibus dispares partes sunt datæ, pro virili legatum dividunt. *l. 67. §. 1. D. de leg. 1. l. 2. D. de instruct. & instrum. legat.*

Quid, si hæredi habenti cohæredem quid sit relictum, cum hac clausula: ut hæres à se habeat?

Subsistet secundum formam. *l. 34. §. 1. D. de leg. 2.*

Quid capit hæres, qui cohæredem habet, ex prælegato sibi relicto?

Rem totam; partim jure hæreditario, partim legati. Jure hæreditario eam partem, quæ ejus est ex vi institutionis: legati jure eam, quæ aliàs pertinuisset ad cohæredes. *l. 104. §. 3. & 4. D. de leg. 1.* Vnde est, quod pars, quæ jure hæreditario habetur, imputetur in falcidiam. *l. 91. D. ad l. falcid.*

Legata relicta ab institutis videnturne esse repetita à substitutis?

Admittendum id est, nisi evidens diversa fuerit voluntas, quæ ex multis colligitur. Quid enim, si rem relinquat à substituto, quam ab instituto non reliquerat? Quid si certa causa fuerit in instituti persona, quæ cessat in substituto? Quid si substituit ex parte fideicommissarium, cui ab instituto reliquerat fideicommissum? *v. l. 74. ff. de legat. 1. l. 61 in f. ff. de leg. 2. l. 4. C. ad SC. Trebell.*

Debetne & hæres, qui universaliter substitutum habet, restituere prælegata?

In fideicommissis quidem id admittendum est. *l. 16. C. de fideic. verum non in substitutione vulgari. l. 32. ff. de legat. 3.*

P A N D E C T A R U M

L I B E R X X X I.

De Legatis & fideicommissis. 2.

Possuntne res omnes legari?

Tam corporales quam incorporales, modo non prohibeantur. §. 21. *Inst. h. l. 41. pr. ff. de legat. 1.*

Quæ res prohibentur?

1. Quæ in rerum natura non sunt. §. 4. *Inst. h. l. 108. §. 10. vers. nam quodammodo. ff. de leg. 2.* 2. Quæ non sunt in commercio ullius, ut res sacræ, religiosæ & sanctæ. l. 39. §. 9. 10. *ff. eod. l. 14. C. h.* vel, quæ non sunt in commercio testatoris, vel legatarii. *arg. l. 112. pr. ff. de legat. 1. l. 24. §. 1. ff. eod. l. 20. C. h.*

*At obstat l. 40. 114. §. 5. ff. de legat. 1. l. 11.**§. 16. ff. de leg. 3.*

Non est corrigenda *d. l. 40.* sed cum ibi agatur de **N**re aliena; in qua est ea intentio & voluntas testatoris, ut, si res præstari non possit, solvatur æstimatio. §. 4. *Inst. hic.* recte æstimationem deberi responderetur. Deinde in *d. l. 114. §. 5.* vocabulum *licite* satis indicat, ibi non esse relictum ei, qui directo non habet ejus rei commercium, vel jure prohibetur rem relictam habere. *arg. l. 49. §. 2. D. de leg. 2.* sed relictum esse ei, qui jure capere possit, propter vitium vero corporis vel aliam accidentalem causam rem recte habere non possit. Denique in *d. l. 11. §. 16.* tractatur de legato militiæ, quod magis consistit in quantitate quam corpore, adeo ut ea vera quantitas, quæ ex militia haberi possit, videatur legata. *d. l. 49. §. 1. D. de leg. 2.*

Suntne & aliæ res, quæ legari non possunt?

Sunt res ædibus junctæ. l. 41. §. 1. & seqq. l. 42. & seq. *de leg. 1. l. 11. §. 14. D. de leg. 3.* Res propriæ legatarii. §. 10. *Inst. h. l. 66. §. penult. D. de legat. 2.* licet vivo testatore legatarius eas alienaverit. quo casu nec debetur res, nec æstimatio. *d. §. 10. non obstante l. 1. §. f. D. de reg. Caton.*

In legato conjunctis personis relicto non distinguitur, utrum testator sciverit rem fuisse alienam, an non. *l. 10. C. h.* Sed in eo, quod extraneis relictum est, si legatarii nequeant probare testatorem scivisse rem esse alienam, nihil debetur. §. 4. *Inst. h.* Idem in re oppignerata. hæres enim non aliter eam luere tenetur, quam legatarius probaverit testatorem scivisse fuisse oppigneratam. §. 5. *Inst. eod.*

Quomodo autem testator de re aliena potest disponere, cum lege 12 tabb. cautum, uti quisque legasset suæ rei, ita jus esto; cum nemo plus in alium transferre possit, quam ipse habet?

Testator rem alienam legans imponit hæredi necessitatem rem eam à Domino emendi si Dominus æquo precio velit vendere, vel præstandi æstimationem, si Dominus vendere nolit, aut iniquum pretium exigat. *d. §. 4. l. 14. §. 2. D. de legat. 3. l. 31. §. 4. D. de fideicomm. libert.* Ex hisce apparet, testatorem hic nihil alieni invito domino transferre, sed de suo tantum testari.

Quid, si res hæredis sit relicta?

Non est dubium, quin id vires habeat. *d. §. 4. l. 36. de usufr. legat. l. 67. §. 8. D. de legat. 2.* Nec distinguitur hoc casu, utrum testator sciverit vel non.

Quid, si legatarius sit dominus rei legate aliena factus vivo testatore?

Si ex titulo oneroso, præstabitur ei pretium quod abest; si ex lucrativo, nihil solvetur, nisi ante æstimationem tantum sit consecutus; tunc enim rem petere potest. §. 6. 9. *Inst. h.* adde *l. 13. 14. ff. de liberat. legat. l. 88 de v. §.*

P A N D E C T A R U M

L I B E R XXXII.

De Legatis & fideicommissis. 3.

Quomodo relinquuntur legata?

Fuit olim distinctio inter damnationis, vindicationis, sinendi modo, & per præceptionem relicta. §. 2. *Inst. h.* Cujus etiam vestigia in pandectis frequenter occurrunt: verum hodie una est omnium natura, quatenus rerum qualitas id pati possit. *d. §. 2. & l. 2. C. commun. de legat.* Imo nullum quoad effectum inter legata & fideicommissa singularia discrimen est, nisi lex nominatim id expresserit. §. 3. *Inst. h.*

Potestne & in Codicillis legari?

Negari id videtur. §. 10. *Inst. de fideicommiss. hered.* sed præstat affirmare, propter exæquationes, de quibus *Inst. de legat. & fideicommissis* ante: sic tamen, ut legatum ita relictum magis per modum fideicommissi sustineatur, quam proprio jure legati. *infra.*

Vbi legatum est scribendum?

Non interest, utrum ante vel post hæredis institutionem, vel inter medias hæredum institutiones scribatur. §. 34. *Inst. h.*

P A N D E C T A R U M

L I B E R XXXIII.

Tit. I. De annuis & mensstruis legatis & fideicommissis.

Quid juris est in annuis legatis?

Plura esse legata videntur, & primi anni purum, sequentium conditionalia sunt. videtur enim hæc iis

inesse conditio : si legatarius vivat. l. 4. 11. ff. h. morte enim finiuntur. l. 8. nisi reipublicæ sint relicta. l. 6. ff. h.

Quæ est differentia inter hoc legatum & usumfructum?

Usumfructus finitur capitis diminutione, non annua legata. Usumfructuarius nullum habet commodum ex fructibus, qui non sunt percepti : in annuis potest in ingressu cujuscunque anni fieri exactio, & licet decesserit legatarius, dum currit annus, hæredes eorum nihil restituent. d. l. 8. junct. l. 5. 22. ff. h.

Quid, si legatum sit relictum annua bima trima die?

Per singulos annos æquæ pensiones præstandæ sunt, hoc est, integra summa dividetur in tres partes, & singulis annis tertia solvetur, licet non sit adjectum, æquis portionibus. l. 3. pr. & §. 1. ff. h.

Quid, si adjectum sit in æquis portionibus, & non sint portiones expressæ?

Dabuntur ei partes, quas vir bonus arbitraretur pro facultatibus defuncti, & positione patrimonii, sine vexatione & incommodo hæredis. d. l. 3. §. 2. & 3.

Quid, si ita : pensionibus quas putaverit legatarius vel hæres?

Non totum legatum statim exigetur, nec etiam concidet, sed æstimandum est ex officio viri boni, quæ pensiones sint servandæ. d. l. 3. §. 4. junct. l. 22. §. 1. D. de R. I. l. 11. §. 7. D. de legat. 3.

Quid, si dixerit trima?

Compendiose videtur testator cogitasse de annua bima trima die. d. l. 3. §. 5. Et non male concludunt nonnulli, jussum dare tribus terminis, jussum intelligi dare tribus annuis pensionibus.

Legatum ita est : Attia donec nubat, hæres centum dato, neque ascriptum est, in annos singulos?

Rectius dicetur id legatum in annos singulos deberi. l. 17. D. h.

Quid, si quid in annuo legato, uti in fructibus unius anni, deficiat : uti, Vini falerni, quod domi nasceretur, quotannis in annos singulos binos culeos hæres Attio dato, & nihil eo anno sit natum?

Debentur æque duo culei; modo ex vindemia cætorum annorum dari possint. d. l. 17. §. 1.

Quid,

Quid, si ita legatum : fidei hæredis committo, ut det post obitum ex redditu cœnaculi & horrei mei, Sacerdoti & illis qui in templo erunt, denaria decem die nundinarum quas ibi posui?

Hæc sunt præstanda in perpetuum : ministerium autem sacerdotis tantum est designatum, ac templo legatum est relictum. *l. 20. §. 1. D. h.*

Tit. 2. De usu & usufructu, & redditu, & habitatione, & operis per legatum vel fideicommissum.

Possuntne & hominis liberi opera legari?

Possunt, sicuti locari & in stipulationem deduci solent. *l. 3. D. h.*

Ex quo die cedit legatum operarum?

Cedit ex die petitionis, & ægrotudo illius, qui operas præstabit, nocet legatario. *l. 7. D. h.*

Quid, si usus vel usufructus servitutis realis relictus sit?

Dabitur aut actio incerti contra hæredem, ut præstet legatario quamdiu is vixerit, eundi, agendi, &c. facultatem; aut ut ea servitus constituatur sub hac cautione, ut finito usu vel usufructu restituatur. *l. 1. D. h.*

Quomodo distinguitur inter redditum & usumfructum?

Reditus nomen, generaliter acceptum, ad omnia ex rebus provenientia emolumenta pertinet: strictius sumptum denotat præstationem talem, quæ solet fieri legatario à proprietario, cum ipse proprietarius possidet & re utitur, fruitur.

Estne distinguendum inter annuos fructus legatos, & usumfructum?

Negatur per *l. 41. ff. h. t.* Affirmatur per *l. unic. ff. quando dies usurfr. legat. ced. l. 22. ff. h.* Sed commode hæc & similia loca conciliantur, ut si relictæ sint fructus annui eo sensu, ut fructuarius suo jure eos percipiat, videatur usufructus esse legatus; secus, si jussus sit fructuarius accipere fructus annuos ab hærede. In dubio autem videtur, per fructus annuos usufructus relinqui. *l. 20. ff. de usufruct.*

Quid, si quis alteri fundum, alteri usumfructum legat?

Usumfructus inter eos communicabitur. l. 19. ff. h.

*Quid, si Titio fundus & ejusdem fundi
ususfructus sit legatus?*

*Erit in potestate ejus, fundum, an usumfructum
vindicare malit. Si fundum elegerit, plenam habebit
proprietatem; si usumfructum, tantum ejus erit usufructus
sine proprietate. l. 10. ff. h.*

Quid, si habitatio sit relicta in annos singulos?

*Ab initio anni debebitur. l. 11. ff. h. l. 12. §. 1. ff. quand.
dies legator. secus si pecunia ex habitatione redacta,
relicta sit.*

Tit. 3. De Servitute legata.

Possuntne & servitutes reales legari?

*Non est dubium, siue sint urbanae, siue rusticae. l. 2.
3. §. ff. h.*

*Quid, si à pluribus heredibus legata sit servitus
via, vel alia similis?*

*Singuli heredes in solidum convenientur; etiam uno
adeunte vindicari potest. l. f. D. h.*

Tit. 4. De dote prælegata.

Quid est juris in relegata dote?

*Vxor ex legato statim agere potest, nec cogitur ex-
pectare ad annum, qui datus est actioni ex stipulatu in
rebus mobilibus. l. 1. §. 2. ff. h. §. 15. Inst. de leg. junct.
l. unic. §. 7. C. de rei uxor. act.*

*Quid, si ita legatum: uxori amplius quam dotem
aureos centum lego: an & dos videtur le-
gata, ut, ea statim peti possit?*

*Manifestum est, dotem quoque esse relegatam. l. 3.
ff. h. confer l. 108. §. 7. & 8. ff. de l. 1.*

*Quid, si maritus legaverit dotem, & nulla sit
dos data?*

*Si certa summa vel species sit relicta, ea debebitur.
d. §. 15. Inst. de legat. l. 6 §. 1. D. h. Sin autem simplici-
ter sit relegata dos, nihil debebitur. d. §. 15. Nec obstat
l. 69. §. 4. D. de jur. dot. quia ibi agitur de patre, qui do-
tem dare debet, ad quam relegandam maritus non
tenetur.*

Quid,

*Quid, si fœmina in mancipiis haberet dotem,
& pecunia pro dote sit legata, & vivo
marito mancipia sint mortua?*

Potest uxor, vel ejus hæres, ad pecuniam marito mortuo agere. *l. 8. D. h.* Secus est, si precia servorum indefinite sint legata.

Tit 5. De optione vel electione legata.

Quid juris est in optione legata?

Poterit legatarius eligere, quam rem voluerit, etiam optimam. idque jus optandi etiam transmittit ad hæredes, & si hæredes inter se dissentiant, sorte res erit dividenda. §. 23. *Inst. de legat. l. ult. C. commun. de legat.*

Quo tempore debet eligere?

Si testator adjecerit, id tempus quod adjecit servandum est; aliàs decernet prætor certum tempus. *l. 6. D. h. ne venditio, quandoque eligente legatario, interpelletur. d. l. 6.*

*Quid ergo, si dies sit præteritus, & hæres
omnes res vendiderit?*

Non aliter eliget legatarius, quam si omnia in integro sint. *d. l. 6. vers. quid ergo. & l. 7. D. h.*

Quid, si ante aditam hereditatem optaverit legatarius?

Nihil agit. *l. 16. D. h. l. 10. de legat. 1.*

Quid, si electio semel sit facta?

Non potest mutare voluntatē: quia omne jus legati prima testatione consumptum est, quoniam res continuo fit optantis. *l. 20. D. h.*

*Quod est legatum generis, generaliter, alternative vel
obscure relictum, & quis in his modis ele-
ctionem habet?*

Legatum generis, est 1. Cum genus aliquod rerum ex universitate relictum est; uti, si libri, bibliotheca, si grex legetur. In hac specie omnia, quæ sunt in illo genere, pertinent ad legatarium & quidquid accessit: uti & cedit damno legatarii, si species in eo genere nonnullæ sint sublatae, adeoque si ad unam speciem genus pervenerit, etiam illa unica species vindicari poterit. §. 18. & seq. *Inst. h. l. 22. D. de legat. 1.* quod in usufructu generis certi rerum diversum esse docetur. *l. fin. D. quib. mod. usufr. amitt. l. 10. §. fin. 2.* Cum quantita-

relicta est; uti oleum, triticum. In hac specie est electio hæredis. *l. 4. D. de Tritic. vin.* Generaliter relictum est, cum species aliqua non determinata legata est; uti equum ex meis lego. hoc casu est electio legatarii. §. 22. *Inst. de legat.* ita tamen, ut si duæ sint, optima. *d. §. 22.* si plures, medii pretii eligenda sit. *l. 37. pr. ff. de legat. 1.* habita simul ratione personæ legatarii, testatoris, & similium circumstantiarum. *arg. l. 50. in fin. ff. eod.*

2. Alternative concipitur legatum, cum una ex pluribus rebus disjunctim datur. In hac specie (de qua est exemplum in *l. 23. ff. de legat. 2.*) etsi aliàs debitori detur electio. *l. 10. §. 6. ff. de jur. dor.* eligit legatarius. *d. l. 23. l. 34. §. penul. ff. de legat. 1. l. 10. ff. de usu & usufr. leg.* nisi testator verba magis ad hæredem retulerit: uti, *volo ut hæres meus det illud, aut illud.* Obscurum est, cum testator proposuit certam speciem demonstrare, ac non apparet, quæ sit illa species. hoc casu electio hæredis est. *l. 32. §. 1. l. 37. §. 1. ff. de legat. 1. l. 9. 34. ff. de R. I.*

Tit. 6. De Tritico, vino, vel oleo legato.

Possuntne & res fungibiles legari?

Non est dubium. *t. h. iit.* & cum certus modus cum certa qualitate legatus est, debet is præstari: sin autem non sit adjecta qualitas, non quaeritur cujus generis testator uti sit solitus, aut homines ejus regionis in usu habeant; sed liberum erit hæredi, cujus generis solvere velit, ut supra probatum ex *l. 4. ff. h.*

Quid, si qualitas, quæ haberi non possit, sit adscripta: ut, lego Titio modios tritici decem, qui singuli pondo centum pendeant?

Nihil peti potest: quoniam ejusmodi triticum non est in rerum natura. *l. 108. §. 10. D. de legat. 1. l. 7. §. 1. D. h.*

Quid venit legato vini?

Omne, quod ex vinea natum vinum permansit, non Zythum, non Camum, non cerevisia, non hydromeli, non mulsum; verum Oenomeli, id est, dulcissimum vinum & passum continebitur. *l. 9. pr. & §§. seqq. D. h.*

Quid de vasis statuendum, legato vino?

In quæ ita diffusum est, ut non ad perpetuum usum vasa reserventur, debentur. *l. 14. D. h.*

Quid,

*Quid, si quis heredem damnaverit uxori dare
vinum, oleum, frumentum?*

Omne, quantum præter familias reliquisset, debetur.
l. 7. D. h. Indefinita enim oratio æquipollet universali.

Tit. 7. De Instrueto vel instrumento legato.

Quid venit nomine instrumenti fundi?

Omne, quod fructus quærendi, cogendi, vel conser-
vandi causa paratum est. l. 8. D. h. omnisque apparatus
rerum diutius mansurarum, sine quibus possessio exer-
ceri nequit. l. 12. D. h.

*Annon est differentia inter fundum instructum, fundum
& instrumentum, & fundum cum instrumento
legari?*

Nulla quidem est. §. 17. *Inst. de legat.* alienato enim
fundo, non debetur instrumentum. d. §. 17. l. 1. §. 1. ff.
h. Verum si sit probabilis conjectura in hisce speciebus:
Fundum & instrumentum, vel fundum instructum lego,
poterit alienato fundo instrumentum deberi. l. 5. ff. h.

Quid, si fundus simpliciter legetur?

Dotes prædiorum extrinsecæ legatario non præstan-
tur. l. 2. §. 1. arg. l. 20. §. 1. D. h. sed tantum ea emolu-
menta, quæ immediate ad fundum pertinent; uti dolia,
mola, prælum, & quæcunque infixæ, vel inædificata
sunt. l. 21. ff. h.

*Fundo legato, uti optimus & maximus est,
quid continetur?*

Si quæstus fundi maxime in venationibus consistat,
continebuntur retia apraria, & cætera venationis in-
strumenta, & quicquid ad instrumenta pertinet. l. 22. ff. h.

*Debetne spectari instrumentum quod in fundo est,
vel id, quod fundus sustinere possit?*

Spectatur tantum id, quod est in fundo, & quod
fundi causa paratum est, non quod desiderat vel quod
sustinere queat. l. 25. ff. h.

Tit. 8. De Peculio legato.

Servo legato videturne peculium legari?

Non, nisi id nominatim sit expressum. l. 24. D. h. §. 20.
vers. peculium. Inst. de legat. vel nisi vicarius ordinario
fueris

fuerit legatus: hoc enim casu peculium vicarii ad ordinarium pertinebit. *l. 25. D. h.*

Quid, si servus legatus sit cum peculio, an & peculium debebitur mortuo servo?

Nequaquam. *l. 1. 2. D. h. si servus vivo testatore decesserit. l. 12. D. h.*

Tit. 9. De Penu legata.

Quid est in legato penoris?

Legatum censetur, quicquid etui potuique est, quicquid familiae vel jumentorum in cum usum est paratum. *l. 3. pr. D. h.*

An omne quod bibitur in penu est?

Nequaquam, sed quod bibitur alendi causa: itaque medicamenta huc non pertinent. *l. 5. D. h.*

Quid juris in vasis penuarii?

Etiam ea, sine quibus penus non potest recte haberi, continebuntur. *l. 3. §. fin. D. h. non instrumenta pistrini, & vasa coquinaria. l. 6. D. h.*

Tit. 10. De Supellectili legata.

Quid est supellex?

Domesticum patrisfamilias instrumentum, & omnis res, quae ad ornatum aedium, & usum communem familiae est parata; non argentum, non aurum factum, non vestis. *l. 1. 2. 3. 4. 5. 6. D. h.*

Quid, si uxori legaverit domum cum omni suo jure & instrumento & supellectili?

Etiam argentum, quod in supellectili est, debetur, non autem escale vel potorium. *l. 8. D. h.*

Quid, si species supellectilis sint enumeratae?

Modus videtur generi esse datus. Ceterum legata supellectili simpliciter, cum species ex abundanti per imperitiam enumerantur, generali legato non derogatur. *l. 9. D. h.*

Suntne statuae affixae portio domus?

Cum instrumentum domus legatur, statuae non debentur. *l. 12. §. 23. D. de instruct. & instrum.* sed, si basibus struētilibus affixae sint, non sunt domus portio necessaria, qua aedes perficiuntur; sed tantum habentur ornatus causa. *l. pen. D. de Verb. Sign. & sunt separatae ab instrumento,*

mento, at nomine supellectilis veniunt. *d. l. 12. §. 23.*
vel si ita affixæ sunt, ut separari nequeant, uti sunt in-
dificata vel contignata, erunt vero domus portio.

P A N D E C T A R U M

L I B E R X X X I V.

Tit. 1. De Alimentis vel Cibariis legatis.

Quid venit legato alimentorum?

Omnia cibaria, vestitus, habitatio, ac reliqua, sine
quibus non alitur. *l. 6. ff. h.* Non verò, quæ ad disci-
plinam pertinent *d. l. 6.* nisi aliud testator senserit. *l. 7.*
ff. h. vel qualitas personarum aliud exegerit. *arg. l. 4.*
ff. ubi pupill. educar.

Quæ veniunt nomine diariorum vel cibariorum?

Ea tantum, quæ ad cibum quotidianum pertinent;
non habitatio, non vestis. *l. 21. ff. h.*

*Quid, si simpliciter alimenta sint relicta, nulla quan-
titate adscripta?*

1. Spectandum, quæ defunctus solitus sit præstare;
deinde, quæ cæteris ejusdem ordinis reliquerit. Si neu-
trum apparuerit, ex facultatibus defuncti, & charitate
legatarii modus statuetur. *l. 22. ff. h.*

Quid, si quis rogatus sit, ut aliquem educaret?

Idem erit ac si alimenta relicta essent. *l. fin. ff. h.*

Quid, si sint alimenta relicta usque ad pubertatem?

Præstandæ sunt usque ad decimum octavum annum
masculis, ad 14 fœminis. *lib. 14. §. 1. ff. h.*

Tit. 2. De auro, argento, mundo, ornamen-
tis, unguentis, veste vel vestimentis
& statutis legatis.

*Quid venit nomine auri vel argenti
legati?*

Quicquid auri vel argenti est, sive factum sive infe-
ctum fuerit. *l. 19. ff. h.* Non pecunia signata. *d. l. 19.*
l. 27.

Tit. 3. De liberatione legata.

Potestne & liberatio relinqui?

Non est dubium. *l. 1. 3. ff. h.* non tantum expresse, sed & tacite; ut si chirographum sit legatum. *l. 1. 3. §. 1. l. 59. ff. de leg. 3.* Liberatio autem legatur, & simpliciter & personaliter. *d. l. 3. §. 3. l. 8. §. 3. l. 20. ff. h.* nec tantum in totum, sed pro parte. *l. 7. ff. h.* & ad tempus. *d. l. 8. §. 1.*

Quæ est differentia inter liberationem relictam simpliciter & personaliter?

Si simpliciter, nec debitor nec ejus hæres in infinitum conveniri potest. *d. l. 8. §. 4. l. 15. ff. h.* si personaliter, tantum proderit personæ, cui adscripta est. *d. l. 3. §. 3. d. l. 8. §. 3.*

Quid, si pignus sit remissum?

Æque potest debitum peti, nisi aliud testator senserit. *l. 1. §. 1. ff. h.* Interim debitor pignus repetere potest, antequam solverit. *d. l. 1. §. 1.*

Quid, si debitor, cui liberatio relicta est, ignorans hæredi creditoris solverit?

Repetere poterit. *l. 25. §. adeo. D. de convict. indeb.*

Tit. 4. De Adimendis, vel transferendis legatis, vel fideicommissis.

Potestne legatum adimi?

Potest, quia voluntas defuncti est ambulatoria usque ad vitæ supremum exitum. *l. 4. D. h. licet etiam testator sibi eam legem dixerit, ne revocaret. l. 22. ff. de legat. 3. & id juramento confirmaverit. arg. l. 5. C. de legib.*

Quomodo fit ademptio?

Vel expressis verbis. *l. 2. l. 5. ff. h.* vel tacite. Tacite, cum præsumitur voluntatis mutatio, ut si inimicitia capitales sint ortæ, vel aliæ graves. *l. 3. §. f. D. h.* & nulla reconciliatio sit secuta. *l. 4. ff. h.* si testator rem legatam citra necessitatem alienaverit. *l. 11. §. 12. ff. de leg. 3.* vel vivus alii donaverit etiam ex necessitate. *l. 18. ff. h.* vel debitum legatum egerit. *§. 21. Inst. de legat. l. 75. §. 2. ff. de leg. 1.* vel dixerit in codicillis, legatarium de se male esse meritum. *l. 4. C. de his qui indig.*

An & transferri possunt legata?

Possunt: vel de personâ legatarii in aliam, quæ res operatur ademptionem. *d. l. 5. D. h.* vel ab eo, qui dare iussus est, ut alius det: vel cum res alia, aliâ pro re datur: vel cum mutatur modus. *l. 6. D. h.*

Quid, si hominem legans stichum adimat?

Non perimit legatum, sed extenuat, ut stichus eligi nequeat. *l. 11. 12. ff. h.*

Ad obstat l. 7. §. 1. D. de liberat. legat.

Nequaquam, quia ibi alternativè debebatur, & hæres damnatus erat, ut unam rem non peteret. at in *d. l. 11. h.* agitur de legato generaliter relicto.

Quid, si legatum transferatur in eum, cui nihil potest deberi?

Æquè ademptum dicitur, cum illi non debeat, cui ademptum est. *l. 20. D. h.* In contractibus autem id non procedit. *arg. l. 1. ff. de Novat. 1. 7. ff. de rescind. vendit.*

At obstat. l. 14. in fin. D. h.

Ibi ademptio inutilis erat propter qualitatem rei. pro parte enim non potest via deberi. *l. 2. §. 2. ff. de verb. Oblig.* non propter translationem in personam, cum qua non est testamenti factio, de qua agitur. *l. 20 ff. h.*

Cujus periculo cedit interitus rei legata?

Si plures res debeantur, spectandum est, utrum omnes sint æquè principales; quo casu quæ extant, debentur: an una principalis, altera accessoria; hoc modo si pereat principalis, æquè præstanda erit. *§. 17. & seqq. Inst. de Legat.* Si una res sit legata, & genus sit, hæredis erit detrimentum; genus enim non perit creditori. *l. 11. C. si certum petat.* si species sit, perit legatario, nisi in culpâ fuerit hæres. *§. 16. Inst. de legat. l. 26. §. 1. ff. de legat. 1.* si hæres ignoraverit, si sciverit rem esse legatam. *d. §. 16.*

Quam culpam præstare debet hæres?

Levissimam. *l. 47. §. 4. & 5. ff. de legat. 1.* Non autem casum fortuitum, nisi moram fecerit. *d. l. 34. §. fin.*

At videtur I Consultus in l. 108. §. 12. D. eod. distinguere hoc modo: ut si is qui præstat legatum nihil aliud capiat ex testamento, dolum malum tantum præstare debeat, aliàs culpam?

Loquitur *d. l. 108. §. 12. de legatario & fideicommissario.*

missario, qui est rogatus restituere. In eo verum est, quod teneatur de dolo, si nihil commodi sentiat ex legato; de culpâ, si quod emolumentum capiat. Non autem ad hæredem id referendum est, de quo agit textus in *d. l. 47. §. 4. & 5.*

Tit. 5. De rebus dubiis.

De Verborum & rerum Significatione.

Tit. 38. Lib. 6. Cod.

Quæ conjectura in ambiguis circa dispositiones est servanda?

Si verba sententiæ testatoris videantur convenire, sequi oportet verba. *l. Labeo. §. 7. ff. de supell. legat.* Si vero de voluntate certo constat, sequi oportet voluntatem, ita ut ea nunquam pereat, si servari possit. *l. 12. 21. 24. ff. h.*

Vnde metiemur proprietatem sermonis?

Ex usu singulari testatoris, vel more regionis. *l. 50. §. fin. ff. de legat. 1.*

An precise oportet sententiâ testatoris sequi & non verba?

Si sententia nullo modo aptari possit verbis, quibus usus est testator, & de re demonstranda agatur, sequi oportet verba. *l. 4. ff. de legat. 1.* Si testator personam aliam verbis expresserit, quam voluit, nihil actum est. *l. 9. ff. de hered. instit.*

Quid ergo, si verba non sint ambigua, at non certo constet de voluntate testatoris?

Præstat à proprietate verborum non recedere. *l. 69. ff. de legat. 3.* Ita autem omnis explicatio facienda est, ut absurditas, contrarietas, scandalum evitetur, ut actus valeat, habeatur ratio personæ testatoris, hæredum, legatarii, dignitatis, necessitudinis, charitatis, verborum antecedentium & consequentium, similiumque. *l. 50. ff. de leg. 1.*

Quid, si testator legaverit mobilia, an & pecunia numerata comprehenditur?

Non facile id admittendum est, nisi testator diviserit omnia sua bona in mobilia & immobilia: hoc casu sub mobilibus pecunia comprehendetur, ut & nomina.

Quid,

Quid, si matri legataria filius sit substitutus, & simul naufragio perierint?

Pubes videtur supervixisse matri, impuberi mater.
l. 22. 23. ff. h.

Tit. 6. De his quæ pœnæ causa relinquuntur.

Tit. 41. Lib. 6. Cod.

Licetne pœna nomine relinquere?

Non est dubitandum, propter *l. unic. C. h.* modo non sit impossibile vel probrosum quid hæredi injunctum. *d. l. unic.*

Tit. 7. De Regula Catoniana.

Quid comprehensum est regula Catoniana?

Eâ definitum est, quod legata tempore conditi testamenti inutilia ex post facto non possint convalescere. *l. 1. ff. h. l. 29. ff. de R. I. & obstat l. 85 § 1 Cod.*

Ad quæ legata hac regula pertinet?

Ad legata pura, eaque, quorum dies à mortis tempore cedit; non ad conditionalia, nec ad ea, quorum dies demum ab adita hæreditate cedit. *l. 3. 4. ff. h.*

Tit. 8. De his quæ pro non scriptis habentur.

Semperne valent, quæ scripta sunt in testamento?

Non. Multa pœnam merentur, multa pro non scriptis sunt. Pro non scriptis sunt. 1. Quæ intelligi non possunt. *l. 2. ff. h.* 2. Quæ relicta sunt damnato in metallum vel aliis servis pœnæ. *l. 3. ff. h. & deportatis. l. 1. C. de hæred. instit.* 3. Si non sit in rebus humanis is, cui legatum est adscriptum, vel si in hostium potestate fuerit. *l. 4. pr. & §. 1. ff. h.* 4. Quæ quis sibi adscripsit. *l. 1. l. fin. ff. h. l. 4 & l. 9 t. 23.*

Tit. 9. De his, quæ ut indignis auferuntur.

35. Lib. 6. Cod.

Quomodo distinguitur inter incapaces & indignos?

Incapaces sunt, qui capere non possunt ex testamento.

In-

Indigni, qui ob malefictum aliquod commissum adversus testatorem vel testamentum, vel similem causam privantur emolumento, quod ex testamento sperabant.

Enumera species aliquas indignorum.

1. Si quis patrem post ejus obitum, quasi illicitæ mercis negotiatorem, detulerit, quamvis & præmium meruerit. *l. 1. D. h.* 2. Si filius contra tabulas patris bonorum possessionem petierit. *l. 2. D. h. l. 18. in fin. D. de contra tabb.* 3. Si quis contra principum mandata duxerit uxorem ex ea provincia, in qua officium gerit, & uxor testamento quid reliquerit. *d. l. 1. §. 1. vel si tutor pupillam duxerit contra S Consultum. d. l. 2. §. 1.* 4. Si quis alteri donaverit vivi ignorantis cognati bona vel partem eorum. *d. l. 2. §. fin.* 5. Si quis probatus sit id egisse, ut per negligentiam & culpam suam mulier, à quæ hæreditatem vel legatum sperabat, moreretur. 6. Si quis testamentum dixerit esse falsum. *l. 5. l. 7. D. h.* 7. Si quis defuncto maledixerit, vel infaustas voces adversus eum jactaverit. *l. 9. §. 1. D. h.* 8. Si quis testamentum dixerit inofficiosum. *d. l. 5. D. h. l. 8. §. 14. ff. de inoffic.* 9. Si quis in fraudem legis fidem accomodaverit incapaci. *l. 10. l. 23. ff. h.* 10. Si quæ, licet non damnata adulterii, nupserit ei, cum quo adulterium commiserat, eumque hæredem nominaverit, vel damnatus adulteram hæredem instituerit. *l. 13. ff. h. si.* 11. Si testator dixerit legatarium vel hæredem male de se esse meritum. *l. 4. C. h.* 12. Si quis testari aliquem prohibuerit vel coegerit. *l. 2. si. si quis aliq. testat.* Hisce omnibus casibus fisco applicatur hæreditas. *Dd. Ll.* Verum si tutori dato & sese excusanti adimatur legatum. *l. 5. §. 2. ff. h.* vel ob inimicitias cessare dicatur voluntas. *l. 9. §. b. ff. h.* fisco nihil acquiritur. *sed mand. p. n. d. q. d. d. m.*

Si quis dicat, testamentum non jure esse factum?

Nihil ipsi auferetur. *d. l. 5. §. 1. l. 24. ff. h.* Iudicium enim defuncti non impugnavit, sed de jure suo disputavit. *d. l. penult.*

P A N D E C T A R U M

L I B E R XXXV.

Tit. I. De conditionibus, & demonstrationibus, & causis & modis eorum, quæ in testamento scribuntur.

Potestne legatum relinqui sub qualibet conditione?

Potest, sub qualibet possibili: eritque ea necessario implenda. Impossibilis vero pro non scripta habetur. *l. 3. D. h. l. 472. ff. de test. lib.*

Quando sunt adimplenda conditiones?

Promiscuæ conditiones, quæ potestativæ dicuntur, post mortem. *l. 2. l. 11. §. 1. D. h.* Non promiscuæ aut casuales sive mixtæ, etiam vivo testatore. *d. l. 2. & 11. §. 1. junct. l. 10. ff. h. l. 7. C. de instit. & substit.*

Quid, si conditio consistat in non faciendo, potestne eo casu legatarius consequi legatum?

Hoc casu opus est cautione Mutiana. *lib. 7. 77. §. 1. & c. ff. h.* qua promittit legatarius, se restitutum, si contra factum fuerit. Cautio hæc non habet locum, si per aliam conditionem actio legati differri possit: quia non sufficit unum impedimentum removeri, si plura sint. *d. l. 77. §. 1.*

Estne conditio semper secundum formam à testatore præscriptam adimplenda?

Distinguendum est. Aut testatoris intentio tota concluditur formæ conditioni adjectæ: hoc casu præcisè adimplenda est, ne quidem per alium modum, licet æqualem vim habeat. *l. 44. per tot. D. h.* aut intentio spectat conditionis modum tanquam medium quod testator protulit ad finem destinatum: hoc modo satisfiet conditioni, etiamsi alia ratione finis fuerit obtentus. *l. 3. C. de institut. & substitut.*

Quando legata sub conditione relicta debentur?

Demum, cum conditio extiterit. *l. 41. ff. h. l. 5. §. 2. ff. quando dies legat. cod.*

Quid,

Quid, si per alium stet, quò minus satisfiat conditioni?
 Habetur pro impletâ, maximè si stet per eum, cujus
 eam impleri interest. l. 24. ff. b.

De falsa causa adjecta legato vel fideicommis-
 so. Tit. 44. Lib. 6. Cod.

*Quid, si falsa demonstratio sit adjecta, vel falsa legati
 sit causa?*

Æquè subsistet legatum, modò causa non sit condi-
 tionaliter concepta. §. 3. & seqq. Inst. de legat. l. 17. pr.
 & ult. l. 72. §. falsam. ff. b.

De his quæ sub modo legata vel fideicommis-
 sa relinquuntur. Tit. 45. Lib. 6. Cod.

Quid juris, si modus fuerit adjectus?

Ei ordinatio satisfieri oportet, tanquam conditio
 aliqua esset adjecta, siquidem impleri possit. l. 2. C. b.

In quo distinguitur modus à causa & conditione?

Modus futurum tempus respicit, & causam finalem
 continet, & solet efferri per verba, ea lege, dum tamen,
 aut dummodo. Regulariter adjicitur, ut aliquid fiat.
 Causa respicit præteritum, & magis impulsiva est, quàm
 finalis. A conditione distinguitur modus, quòd Condi-
 tio implenda sit indistinctè; Modus aliquando implen-
 dus non sit: uti si ad solum legatarii commodum diri-
 gatur, nisi testator minus indultrio voluerit esse prospe-
 ctum. l. 71. ff. de condit. & demonstr. junct. l. 16. ff. de le-
 gat. 3. Deinde illi, in cujus personam implenda est con-
 ditio, nulla competit actio; secus in modo jure Codicis.
 l. 2. C. b. non Digestorum. l. 57. ff. de cond. & demonstr.
 Præterea in conditione legati revocata, non est adem-
 tio; in modo utique. l. 30. §. 2. ff. de adim. legat.

De indicta viduitate, & Lege Julia Miscella
 tollenda. Tit. 40. Lib. 6. Cod.

*Quid, si conjunx præmoriens reliquerit uxori, si in vi-
 duitate permanserit?*

Jure Pandectarum conditio talis rejicitur. l. 22. l. 64.
 ff. de

ff. de condit. & demonstr. nisi tantum certa persona sit nominata, cui non debeat nubere. *l. 63. ff. eod.* Iure autem novo ex *Nov. 22. cap. 44.* id mutatum est, ita ut, si viduitas sit injuncta vel à marito vel ab extraneo, mulierque præoptaverit nuptias, legatum amittat.

Pertinebitne Nov. 22. tantum ad viduas?

Id videtur ex textu sequi. Itaque fœminæ, quæ nuptias non sunt expertæ, recte conditionem viduitatis possunt impune spernere, & legatum sibi relictum acquirere.

Quid, si dictum, si arbitrato Mævi nupserit?

Id quidem servandum est, non autem necessario sequi oportet arbitratum. *l. 28. l. 72. §. 4. ff. de condit. & demonstr.*

Quid, si addita sit conditio, si uxor castè vixerit, annon per hoc videtur esse interdictum secundis nuptiis?

Nequaquam: cum nubere secundo non sit turpiter vivere, & in conjugio summa sit castitas: Thorus enim immaculatus placet Deo.

De Caducis tollendis. Tit. 51. Lib. 6. Cod.

Quæ dicuntur in Iure Caduca?

In genere ea legata, quæ deficiunt. Prima est species eorum, quæ pro non scriptis habentur. Secunda, si legatarius vivo testatore decedat, aut conditio adjuncta deficiat: hæc dicuntur esse in causa caduci. Tertia, cum quidem quæ relicta sunt capaci, sed deficiunt ex aliqua causa post mortem testatoris. de quibus singulis speciebus *in l. unic. §. 3. 4. 5. C. h.*

Quid juris est in singulis?

In prima manent legata penes hæredem, etiam sine onere, nisi specialibus casibus. *d. l. unic. §. 3.* In secundâ, onus comitatur hæredem aut substitutum aut conjunctum, ad quem legatum pervenerit. *d. l. unic. §. 4.* nisi onus contemplatione certæ personæ sit injunctum. In tertiâ, si legatum sit purum, vel in diem certum relictum, transmittitur ad legatarii hæredem; si sit conditionale, vel incertum diem habeat, non pertinet ad hæredem legatarii, sed ad substitutum aut conjunctum, aut ad ipsum hæredem à quo relictum erat. *d. l. unic. §. 5.*

Quomodo jus accrescendi hic habet locum?

In hæredibus quidem certum est, quod iis etiam in-
vitis accrescat portio vacans. *d. l. unic. §. 10.* legatariis
verò non nisi volentibus, nisi sint re conjuncti. *d. l. unic.*
§. 11. junct. l. 4. ff. de legat. 2. ac deinde mixtim & ver-
bistantum conjunctis accrescit vacans pars cum onere,
non verò re conjunctis: cùm re conjuncti ab initio, &
directò singuli solidum habuerint. *d. l. unic. §. 11.* non
alio modo juncti.

De usuris & fructibus legatorum seu fidei- commissorum. Tit. 47. Lib. 6. Cod.

A quo tempore debentur usura & fructus legatorum?

A tempore moræ, quæ committitur vel per litiscon-
testationem, vel per interpellationem. *l. 1. & seqq. ff. h.*
In hac enim causa legata bonæ fidei judiciis sunt ex æ-
quata. *l. 34. ff. de usur.* sive agatur in rem, sive in perso-
nam. *Id. l. 1.* nisi hæres habuerit justam causam provo-
candi ad judicium. *arg. l. 2. C. h.*

De Fideicommissis. Tit. 42. Lib. 6. Cod.

Quid est fideicommissum?

Est relictum à testatore, quo is, honoratus est, sive
hæres sive legatarius fuerit, rogatur totam hæreditatem
vel partem ejus aut rem singularem restituere alteri.

Quomodo distinguitur?

1. Est vel universale, vel singulare. 2. Est vel ex-
pressum per expressa verba; vel tacitum, quod colligitur
ex mente testatoris.

De Fideicommissariis hæreditatibus.

Tit. 23. Lib. 1. Cod.

Quid est universale?

Quo hæres rogatur testamento vel codicillis, sive ab
intestato sive ex testamento successerit, ut hæreditatem
vel partem ejus restituat, pure aut ad certum diem, vel
sub conditione, aut aliter.

Da exempla fideicommissi taciti?

Sunt varia: uti si testator roget hæredem, ut Titium
sibi

sibi heredem faciat. Ne testamentum sibi faciat. Ne alienet. Quando in posteriori testamento jubet, ut prius valeat, & hæres in posteriore institutus contentus sit rebus sibi datis. Quando jussit, ut omni meliori modo vires habeat voluntas, & ea non potest uti testamentum valere.

De singulis rebus per fideicommissum.

Lib. 2. Inst.

Quod est singulare fideicommissum?

Quo testator rogat rem singularem ab hærede vel legatario alteri restitui, quod quoad effectum in iis, quæ aliter speciali lege non disposita sunt, convenit cum legatis. §. 3. *Inst. de legat. de qua re ante.*

Communia de legatis & fideicommissis, & de in rem missione tollenda. Tit. 43. Lib. 6. C.

Suntne & eadem, actiones ex legatis, & fideicommissis singularibus?

Inter reliqua, quæ communia sunt, etiam eadem ratio actionum est. Datur Personalis ex testamento, quæ competit adversus heredem vel successorem ejus ex quasi contractu propter aditionem hereditatis. l. 1. C. h. junct. §. 4. *Inst. de Obl. quæ ex quas. contr.* quæ intentari potest pro qualibet re: nec distinguitur, utrum sit mobilis an res immobilis; utrum propria an aliena; utrum species si-ve corpus sit legatum, an quantitas vel genus. Datur vindicatio contra eum, qui possidet: quæ non aliter intentatur, quam si res extet vel possessor dolo deserit eam possidere. Hujus actionis fundamentum est, quia ipso jure res legata transit in dominium legatarii. l. 80. ff. de legat. 2. Datur Hypothecaria in rem, quæ non aliter competit, quam discussio prius principali: competitque adversus possessores, non rei legatæ, sed rei hæreditariæ alterius, quam adversarius possidet. Nov. 4. c. 2. Hæc causam habet, quia lex tacitum pignus constituit pro re legata. d. l. 1. & licet contra heredem possidentem ex aliâ causâ detur actio realis in solidum, hæc tamen ex hac causâ tantum pro portione hæreditaria.

Tit. 2.

Tit 2. Ad Legem Falcidiam. Tit. 46. Lib. 6.
Cod. 22. Lib. 2. Inst.

Quid comprehensum est Lege Falcidia?

Ut hæres legatis oneratus, ne pro nullo vel minimo lucro hæredis nomen sustineat, detrahat quartam, vel eam sibi salvam habeat.

Habetne tantum locum in legatis?

Nequaquam: porrigitur enim & ad mortis causâ donationes. l. 5. C. h. l. 2. C. de donat. mort. caus. & mortis causâ capiones. l. penult. C. h. quin imo & ad donationes inter vivos, quæ non valent nisi morte confirmentur. l. 12. C. h. l. 15. §. 5. ff. eod.

Quibus datur Lex Falcidia?

Non legatariis vel fideicommissariis, licet restituere debeant; sed tantum hæredibus veris vel aliis similibus possessoribus. l. 1. ff. h. t. etiam singulis. l. 77. ff. h. l. 22. ff. h. t. *ad §. 1. ff. h. t. ubi obstat l. 1. ff. h. t. l. 354.*

Quid, si portio unius hæredis jure accrescendi vel substitutionis pervenerit ad cohæredem, an & hoc casu locum habere potest?

Distinguendum est; si portio gravata accesserit ad non gravatam, potest fieri separatio, ut in oneratâ tantum Falcidia locum inveniat: si non onerata accesserit ad oneratam, secus est. vid. l. 1. §. 3. 11. §. penult. l. 79. l. 87. §. 8. ff. h. l. 78. ff. h. t.

Quæ imputantur in Falcidiam?

Non quæ jure legati vel fideicommissi, vel implendæ conditionis causâ, sed quæ jure hæreditario capiuntur. l. 74. 91. ff. h. quod secus est in Trebellianicâ, quia ea imminuitur per legata & fideicommissa. d. l. 91.

Quando & quomodo debet iniri quantitas patrimonii?

Redigi debet ad tempus mortis. §. penult. Inst. h. l. 15. §. quod avus. l. 73. ff. h. junct. l. 30. ff. h. Deduci autem prius oportet æs alienum, impensas funeris, pretia servorum manumissorum. §. fm. Inst. l. 8. 15. C. h.

Quomodo ineunda ratio legis Falcidiæ in usufructu relicto?

De jure civili sequi oportet responsum in l. 68. ff. h. quod moribus non solet præcisè observari.

An non cessat aliquando lex Falcidia?

Cessat, 1. Cum hæres non fecit inventarium. Nov. 1.

cap. 2. §. 1. imò & eo omisso tenetur hæres etiam ex suo patrimonio legatariis satisfacere. 2. Cum hæres sciens vel errore juris lapsus totum legatum exsolvit. *l. 9. C. h. secus si errore facti.* 3. Cum testator prohibuit Falcidiam. *d. Nov. 1. cap. 2. in fin.* siquidem non sit ignarus modi sui patrimonii. 4. Cum quid relictum est ad pias causas. *Nov. 131. cap. 2.* siquidem hæres fecerit aliquam moram. 5. Cum creditum creditori, vel dos uxori legatur. *l. 57.* 6. Cum hæres quid subtrahit. *l. 24. ff. h. vel egit, ut fideicommissum intercideret. l. 59. ff. h.* 7. Cum non capaci rogatus est hæres restituere, fidemque accommodavit. *d. l. 59. ff. h.* 8. Cum quod retineri poterat spopondit hæres se daturum. *l. 59. ff. h.* 9. Cum miles legavit. *arg. l. fin. C. de inofficios.* 10. Cum testator vetuit rem alienari. *Nov. 119. c. 11.* aliisque modis.

Quid, si testator adjecerit clausulam: se velle integra legata præstari?

Per hoc non est prohibita Falcidia. debet enim prohibitio expresse fieri. *d. Nov. 1. cap. 2. in fin.* nisi aliæ conjecturæ concurrant.

Tit. 3. Si cui plus quam per legem Falcidiam licet, legatum esse dicetur.

Quid, si dubitetur an lex Falcidia locum habeat?

Subvenit prætor hæredi, ut legatarius ei satisfaciat, ut, si apparuerit eum amplius cepisse quam licebat, id restituat. *l. 1. ff. h. quod etiam admittetur in mortis causa donationibus. d. l. 1. §. 10.*

Quid, si legatarius sit fideicommissio gravatus?

Etiam ei cavendum est. *d. l. 1. §. 13. l. 3. §. 4. ff. h.*

Desideratne hæc res fidejussorem?

Necessario: quia fieri potest, ut non sit solvendo is cui solutum est, ac per hoc pereat quod datum est. *d. l. 3. §. 1. d. l. 1. §. 9.*

P A N D E C T A R U M

L I B E R XXXVI.

Tit. I. Ad SConsultum Trebellianum & Pegasium. Tit. 23. Lib. 2. Inst.

Quid comprehensum est SConsulto Trebelliano?

Quemadmodum hæres ex legatis per legem Falcidiam, ita per hoc SConsultū ex fideicommissis universalibus detrahit quartam, quæ Trebellianica dicitur. §. 7. Inst. de fideicomm. hered. d. §. 7. & 8. l. 3. & seqq. C. h. vel repetit. si integra hæreditas sit soluta. d. §. 7. Deinde, per hoc SConsultum fiduciarius recusans adire, cogi potest ad adeundum officio iudicis. l. 17 ff. si quis omiss. caus. l. 16. §. idem. ff. h.

Quibus indultum est hoc beneficium?

Omnibus hæredibus, sive ex testamento sive ab intestato succedant. §. 2. 10. Inst. eod. licet etiam filius iuraverit, se testamentum patris observaturum. arg. l. 32. C. de inoffic. testam.

Potestne & filius fideicommisso gravatus, & Trebellianicam & legitimam deducere?

Utrique, quia ex diverso jure fit deductio. Legitimæ, quia filius est. Trebellianicæ, quia hæres est fideicommisso oneratus. cap. Raynutius. extr. de testam.

Atqui due causa lucrativa in eundem hominem & eandem causam non possunt concurrere. §. 6. Inst. de legat.?

Successio filii non est causa mera lucrativa, quoad patrem, qui tenetur filio relinquere legitimam sine ullo onere. l. 30. 32. C. de inoffic. testam. nec etiam Trebellianica pro mero lucro censi poterit, quia ex necessitate legis debetur. d. §. 7.

Vbi manent actiones hereditariæ?

Si coactus hæres adeat, nec quartam habet, nec adversus ipsum actiones exerceri possunt. l. 4. D. h. Si volens adeat, pro rata dividuntur actiones inter fiducarium & fideicommissarium. d. §. 7. Inst. de fideicomm. hered.

nisi sit rogatus restituere hæreditatem deducta re certa. hoc casu, si quarta sit in illa re, nihil deducet, & nihil oneris ex hæreditate sentiet. §. 9. *Inst. eod.* Et, si non sit in ea re quarta, agitur ad supplementum, & ratione ejus, quod suppletur, actiones fiduciario imputabuntur.

Quæ actione repetit fideicommissarius hæreditatem a fiduciario?

Non petitione hæreditatis. l. 63. D. h. l. 3. §. 1. D. de fideicommiss. hered. petit. adde l. 27. §. 7. D. h. sed tantum personali & hypothecaria. l. fin. §. sed quia. C. comm. de legat.

Quæ imputantur in Trebellianicam?

Non tantum, ut & supra allegatum est, ea, quæ jure hæreditario hæres percepit, sed & quæ legati vel fideicommissi aut præceptionis titulo. l. 91. D. ad L. Falcid. ac deinde, licet in fideicommissariam restitutionem non veniant fructus, nisi mora sit facta, vel specialiter hæres sit rogatus fructus restituere. l. 18. pr. & §. 1. D. h. tamen quartam extenuant interim percepti. d. l. 1. 18. l. 22. §. 2. D. h.

Estne hoc perpetuum, quod quarta deduci debeat?

Cessat hæc deductio multis casibus. 1. Si testator eam expresse vetuerit, per Nov. 1. cap. 2. in fin. vel iis verbis sit usus, ut concludenter inferri possit prohibitionem esse factam. nec distinguimus inter liberos primi gradus, vel ulterioris, quia d. Nov. non distinguit. 2. Si inventarium non fuerit factum. arg. d. Nov. 1. c. 2. 3. Si intra annum voluntas defuncti non sit impleta. d. Nov. 1.

Quid, si fideicommissi alienatio sit prohibita?

Videtur consequenter etiam vetita esse deductio quartæ. arg. authent. sed in ea re. C. ad L. Falcid.

Quid, si institutus in re certa sit rogatus eam restituere?

Siquidem sint alii cohæredes simpliciter vel ex parte hæreditatis instituti, quia tunc legatarii est loco. l. 13. C. de hered. instituend. non deducet: secus, si solus vel cum aliis etiam ex re certa institutis concurrat.

Tit. 2. Quando dies legatorum vel fideicommissorum cedat. Tit. 53. Lib. 6. Cod.

Quando cedit dies legatorum vel fideicommissorum ?

Si pure quid relictum, ex die mortis. *l. 5. §. 1. ff. h.* nisi sit ususfructus, usus, vel habitatio; in iis enim dies ante aditam hæreditatem non cedit. Si sub possibili conditione, expectandus est eventus conditionis. *d. l. 5. §. 2.* Si ad certum diem vel sub impossibili conditione quid sit legatum, cedit à die mortis. *d. l. 1. §. 1. & 4.* uti & tunc cum conditio pro impleta habetur. *d. l. 5. §. 5.* Relictum in annos singulos, cedit singulis annis. *l. 13. 23. ff. h.*

Quid in die plane incerto statuendum ?

Est idem, ac si conditionale legatum esset, quia dies incertus conditionem in testamentis facit. *l. 75. ff. de condit. & demonstr.*

Quid, si pure sit datum, & sub conditione ademptum ?

Id quasi sub conditione relictum habetur. *l. 6. ff. h. l. 10. ff. de adimend. legat.*

Hæredis aditio facitne moram legati ?

Nulla modo. *l. 7. ff. h.*

Quis est usus huius rei ?

Si dies legati cesserit, transmittitur ad hæredes: secus, si non cesserit.

Tit. 3. Ut legatorum, seu fideicommissorum causa caveatur. Tit. 54. Lib. 6. Cod.

Quid, si propter diem vel conditionem adjectam legatarius sibi velit caveri ?

Necessario cautio est præstanda, ut diebus, quibus testator voluit præstari, vel cum conditio extiterit, præstetur. *l. 1. 2. C. ut in possess. legator. l. 1. ff. hic.*

Quibus debet satisfdari ?

Et legatariis sive fideicommissariis, & eorum successoribus. *l. 1. §. 3. ff. h.* quin & si duo contendunt de re legata, utrique satisfdatio fiet. *lib. 16. ff. hic.*

Estne hac cautio præstanda per fidejussores?

Omnino: satisfactio enim desideratur. l. 1. 2. 3. & seqq. D. h. ubi autem satisfactio requiritur, ibi fidejussores dandi in prætorii stipulationibus. l. 7. ff. de prætor. stipul.

Cessatne aliquando hac satisfactio?

Cessat primo, si testator eam prohibuerit, ita quidem, ut, & si facta sit, condici possit. l. 1. ff. ut in possess. legat. Secundo, si legatum vel fideicommissum non subsistat. l. 14. §. 1. ff. h.

Tit. 4. Ut in possessionem legatorum vel fideicommissorum servandorum causa esse liceat. Tit. 53. Lib. 6. Cod.

Quid, si hæres non præstiterit cautionem?

Mittitur legatarius in possessionem rerum hæreditariarum. lib. 13. ff. l. 3. C. h. olim quidem in omnium. d. l. 13. sed hodie secundum quantitatem legat. arg. Nov. 53. cap. 4. §. 1. Et, si hæres ad sex menses deficiat, fiet missio in res hæredis proprias, non quidem, ut pro domino esse incipiat, sed custodiam vel jus pignoris habeat, & die adveniente legatum autoritate judicis consequatur. l. 5. C. h.

Quid circa fructus statuendum?

Etiam illos aliquando coget missus, & servabit, vel vendet. prout distinctè est traditum in l. 5. §. 22. ff. h.

Quid, si hæres interim quid vendat?

Non oberit id legatario: quia causa prætorii pignoris venditionem antecedit. l. 3. C. h.

Annon qui prætor mittitur, est reliquis jure potior?

Nulla est hic prærogativa ex tempore. d. l. 5. §. 3. & 4. nec etiam missus ex causa legati præfertur creditoribus. d. l. 5. §. 4.

Si semel sit satisfactum, debetne postea cogi hæres ad novam satisfactionem, si dicat actor egenos.

fidejussores esse datos?

Non debet sæpius onerari, à quo satis petitur, nisi magna sit causa. l. 3. §. fin. l. 4. ff. hic.

S E X T A

P A N D E C T A R V M

P A R S.

L I B E R XXXVII.

Tit. 1. De Bonorum Possessionibus.

Quid est bonorum possessio?

efinitur, l. 3. §. 2. D. h. Ius persequendi retinendique patrimonii. quod cuiusque cum moritur fuit. simpliciter describi potest, hæreditas ex prætoris edicto delata.

Quomodo distinguitur?

Est alia edictalis, quæ ex edicto prætoris directo descendit; alia decretalis, quæ desiderat speciale decretum. Rursus, est alia ordinaria, quæ ordinario peti potest, alia extraordinaria.

Estne magnus usus hujus rei?

Cum hodie plenissime per constitutiones varias Imperatorum, & in successione ex testamento, & ab intestato provisum sit, parvus, imo fere nullus usus est: nisi quis voluerit ob causam sibi convenientem isthoc jure specialiter uti.

Qui admitti ad bonorum possessionem possunt, & intra quod tempus.

Tit. 9. Lib. 6. Cod.

Qui admitti possunt ad petitionem?

Omnes, qui ad hæreditatem adspirare possunt. l. 12. §. 1. ff. de bonor. possess. Pro pupillo autem tutor, pro furioso aut minore curator, pro infante pater. l. 7. C. h. & quidem quæ agnita est nomine infantis, transmittitur ad ejus hæredem, etiamsi in infantia obierit. l. 3. C. h.

lib. 7. tit. 1. §. 1. & 2. bonis
lib. 7. tit. 1. §. 1. & 2. bonis
 Is acquirit etiam in scio patre, patri autem non pro-
 derit ea, antequam ipse id quod actum est ratum ha-
 buerit. l. 1. C. h.

Atqui in petitione hereditatis jussus patris debet precede-
re. l. 6. l. 25. §. 4. D. de acquir. hered.

Distinguendum est inter bonorum possessionem, &
 hereditatem: quia hereditatis aditio fieri potest perpe-
 tuo; bonorum possessio, siue ejus agnitio est minori
 tempore circumscripta.

Quibus & intra quod tempus datur possessio?

Tantum petentibus coram quocunque judice. l. ult.
 C. h. Liberis autem & parentibus datur annus utilis, re-
 liquis centum utiles dies. l. 2. 3. 4. C. hic.

Tit. 2. Si tabulæ testamenti extabunt.

Ordinaria bonorum possessio quomodo distinguitur?

Pertinet vel ad causam testati, vel intestati. Quæ ad
 causam testati, est vel contra tabulas, vel secundum.

Quid in hac re primo spectandum?

An tabulæ testamenti sint, vel mortis tempore fue-
 rint. l. unic. in fin. ff. h.

Tit. 3. De bonorum possessione furioso, in- fanti, muto, surdo, cæco, competenti.

*Quid, si bonorum possessio furiosis, infantibus, mutis,
surdis, cæcis competat?*

His non currit tempus in præjudicium, nec imputatur,
 quod per tutores vel curatores possit petere. l. 1. ff. h.

Tit. 4. De bonorum possessione contra tabu- las. Tit. 12. & 13. Lib. 6. Cod.

Quæ est bonorum possessio contra tabulas?

Vid. de quibus scripsi
 Quæ datur directo liberis emancipatis, non his, qui
 juste sunt exheredati, sed præteritis, adversus testamen-
 tum patris rite factum: siue sint primi siue ulterioris gra-
 dus. l. 1. §. 1. & seqq. ff. h.

Tit.

Tit. 5. De legatis præstandis contra tabulas
bonorum possessione petita.

*Si bonorum possessio contra tabulas sit data, quid
statuendum de legatis?*

Si quæ liberis, parentibus, uxori, nuruique, dotis nomine sint relicta, manent ea salva. l. 1. pr. §. 1. ff. h.

Tit. De collatione bonorum. Tit. 20.
Lib. 6. Cod.

*Si possessio bonorum contra tabulas sit petita à filio emancipato, an non debet filius emancipatus etiam
sua conferre?*

Nihil æquius est: quia sua in medium conferre debet qui appetit jura aliena. l. 1. pr. ff. h.

Quid est collatio?

Est illatio rei propriæ in communem hæreditatem parentum, ut ea inter conferentem & reliquos hæredes, uti omnia bona hæreditaria, dividatur.

Qui conferunt hodie?

Non ascendentes, non collaterales; sed tantum descendentes, sive emancipati, sive sui. l. fin. C. h. Nec filii tantum, sed nepotes, sive inter sese soli, sive mixtim concurrant. l. 17. 19. C. h.

An tantum ab intestato habet locum?

Nequaquam, verum etiam ex testamento, nisi expresse testator collationem remiserit. l. 1. & auth. seq. C. h. vel ita generalia sint verba, ut liquido constet eum remisisse. arg. l. 39. §. 1. ff. famil. ercisc. Vel nisi extraneus sit institutus, isve, qui ab intestato non esset hæres. arg. l. 1. §. 5. ff. h.

Quid in dubio dicendum?

Testatorem non prohibuisse. arg. l. 1. & auth. seq.

Quid, si plures filii cum extraneo sint instituti?

Filii sibi invicem conferent: non autem extraneus iis, nec illi extraneo. arg. l. 21. §. 1. C. de testam.

Quid, si diverso jure veniant hæredes, unus ex institutione, alter ex querela inofficiosa?

Æque fiet inter liberos collatio. l. 6. ff. de collat. dot.

Tit. 2. De collatione dotis.

Quæ debent conferri ?

Dotes, donationes propter nuptias. l. 1. ff. h. imo omnia, quæ à parentibus sunt profecta. l. 17. C. de collat.

Quid statuendum de donatione simplici ?

Collatio Eam non conferri, si mera fuerit donatio, cum colligi potest, quod parentes voluerint habere liberos id præcipuum, quod donarunt. l. 23. C. h.

Collatio Quid dicendum de impensis studiorum, de sumptibus in elocationem filiae factis, de iis, quæ ad honorem filiorum faciunt ?

Collatio Non esse conferenda. l. 50. ff. famil. ercisc. l. 1. §. 16. ff. de collat. Sive bona liberorum parentes administaverint sive non. arg. l. 3. C. de dot. promiss. Eodem modo nec castrensia bona, vel quasi. l. fin. C. l. 1. §. 15. de collat. Quod & recipiendum est in armis militum. l. 5. C. famil. ercisc. in libris studiosorum ex voluntate parentis emptis.

Quomodo fit collatio ?

Petitur ea non tam jure directo actionis, quam officio judicis. l. 8. C. de collat. & fit vel re. l. 1. §. penult. ff. de collat. dot. l. 1. §. 11. 12. ff. de coll. vel cautione. d. l. 1. §. 10. & seqq. Caveri autem solet ita, ut conferens pro portione hæreditatis sibi delata, personam quoque suam numeret. d. l. 1. §. fin.

Potestne offerendo æstimationem liberari, qui rem conferre debet ?

Nequaquam : modo res præstari queat. arg. d. l. 1. pr. l. 11. C. eod.

An etiam legata & fideicommissa conferenda sunt ?

Collatio Minime. l. 10. l. 16. C. de collat. l. 4. ff. de dot. collat.

Quid si, qui conferre tenebatur, renunciaverit hæreditati ?

Non potest compelli ad collationem eorum, quæ ante accepit. d. l. 1. §. 7. l. 4. 6. 7. 8. ff. h.

Tit. 8. De conjungendis cum emancipato,
liberis ejus.

*Quid, si pater filium emanciparit, & liberos ejus
in potestate retinuerit?*

Hic conjungentur cum patre, & unum personam simul repræsentabunt. l. 1. pr. & §. 1. ff. h.

Tit. 9. De ventre in possessionem mittendo &
curatore ejus.

Tit. 10. De Carboniano edicto. Tit. 17.
Lib. 6. Cod.

Daturne tantum natis bonorum possessio?

Etiam nascituris contra tabulas datur, & pro posthumus in possessionem mittitur venter. l. 1. ff. h. de ventr. & c.

Quid, si impuberi fiat controversia status?

Causa cognita perinde datur per edictum Carbonianum possessio, ac si nulla esset controversia, & iudicium in tempus pubertatis differtur. l. 1. ff. h.

Tit. 11. De bonorum possessione secundum
tabulas. Tit. 11. Lib. 6. Cod.

Quæ est bonorum possessio secundum tabulas?

Quæ conceditur hæredibus scriptis, ut secundum tenorem testamenti bonorum possessionem nanciscantur. pr. §. 3. 4. Inst. de bonor. possess. l. 2. ff. h.

De bonorum possessione contra tabulas,
quam prætor liberis pollicetur. Tit. 12.
Lib. 6. Cod. &

De bonorum possessione contra tabulas liberi,
quæ patronis liberisque eorum datur. Tit. 13. Cod.

Tit. 12. Si quis à parente sit manumissus.

Tit. 13. De bonorum possessione ex testamento militis.

Habetne patres & patroni adversus liberorum vel libertorum tabulas bonorum possessionem?

Non est dubium, sed adversus militis testamentum non datur contra tabulas. *l. unic. ff. de bon. poss. ex testam. mil.*

Tit. 14. De Jure Patronatus.

Quod est jus patronatus?

Ius quod patronus habet in libertos circa personam vel bona libertorum.

Tit. 15. De obsequiis parentibus & patronis præstandis.

An non & obsequia, & officia personalia liberi parentibus debent?

Debet filio semper esse honesta & sancta persona patris. *l. 9. ff. h. etiam militi. l. 1. pr. & §§. seqq. ff. h.* Nullam famosam actionem instituere possunt liberi adversus parentes. *l. 2. l. 5. 1. ff. h.* Pater damnatur, in quantum facere potest, non ulterius. *l. 7. §. 1. nec pati debet exceptionem, quæ sugillat aliquo modo ejus famam. d. l. 7. §. 2. nec deferens juramentum tenetur jurare de calumnia. d. l. 7. §. 3.*

P A N D E C T A R U M

L I B E R XXXVIII.

Tit. 1. De operis libertorum. Tit. 3. Lib. 6. Cod.

Tit. 2. De bonis liberorum. Tit. 4. Lib. 6. Cod.

Tit. 3. De libertis municipum & aliarum universitatum.

Tit. 4. De assignandis libertis.

Tit.

Tit. 5. Siquid in fraudem patroni factum sit.

Tit. 5. Lib. 6. Cod.

Tit. 6. Si tabulæ testamenti nullæ extabunt,
unde liberi. Tit. 14. Lib. 6. Cod.

Tit. 7. Unde legitimi. Tit. 15. Lib. 6. Cod.

Tit. 8. Unde cognati. Tit. 15. Lib. 6. Cod.

Suntne & bonorum possessiones ab intestato?

Eæ sunt variae, inter consanguineos, aliosque. Inter consanguineos sunt, unde liberi, per quam liberi, unde legitimi, per quam agnati, unde cognati, per quam cognati ab intestato petunt bonorum possessionem.

Quando non petentium partes petentibus
accrescant. Tit. 10. Lib. 6. Cod.

*Quid, si aliqui ex iis, quibus bonorum possessio delata
est, non intra tempora eam postulent vel
hereditatem repudient?*

Portio ejus accrescit cæteris, qui possessionem mature agnoverunt. l. unic. C. h.

Tit. 9. De successorio edicto. Tit. 16.
Lib. 6. Cod.

*Quid, si heredes sint diversorum graduum
vel ordinum?*

Siquidem qui priori loco vocantur omnes ejusdem ordinis non petant, admittuntur sequentes. l. 1. in pr. §. 8. & 11. ff. de succes. edict. Ita fit transitus ab ordine ad ordinem, vel de gradu in gradum, à liberis ad agnatos, ab agnatis ad cognatos, à filiis ad nepotes &c. d. l. 1. pr. & §§. seqq.

*Quid, si propter impedimentum prior non
potuerit petere?*

Subveniendum ei est. arg. l. 1. ff. si furios. vel infant. Et interim etiam sequens admitti potest, ita tamen, ut nullum fiat præjudicium priori. l. 1. C. h.

Tit. 10.

Tit. 10. De gradibus, & affinibus, & nominibus eorum.

Quid est proprie gradus?

Est quota cognationis ex generatione.

Quid est cognatio?

Proximitas personarum ex jure sanguinis.

Quomodo gradus computantur jure civili?

In linea recta, quæ continet ascendentes, & descendentes, perpetua est regula: Quot sunt generationes, tot sunt gradus. Ita pater primo, avus secundo, proavus tertio à me gradu distat. In linea vero transversali primo ascendendum ad communem stipitem, ab eo descendendum ad alteram personam, & quot interim inveniuntur generationes, tot sunt gradus.

Quis est communis stipes?

Est ascendens, ex quo ambo, de quorum cognatione quæritur, proxime descendunt; sic duorum fratrum est pater, duorum patruelium est avus, & deinceps.

Quot gradibus distat à me frater?

Duobus: est enim inter me & patrem prima, inter patrem & fratrem altera generatio, & sic inter nos duo gradus.

Quot à me patru mei trinepos gradibus distat?

Novem: est enim communis stipes meus avus, qui à me distat duobus gradibus. Inter ipsum & trinepotem patru, hoc est, avi trinepotis filium sunt septem generationes, ergo simul novem gradus.

Quæ sunt nomina parentum & liberorum?

Parentum: Pater, avus, proavus, abavus, atavus, tritavus. Liberorum: Filius, nepos, pronepos, abnepos, atnepos, trinepos. Plura non habentur nomina, licet gradus in infinitum extendantur, facta repetitione ac iteratione priorum nominum.

Quæ sunt nomina collateralium?

Ea varia sunt descripta l. 10. §. 13. & seqq. D. h. Et gradus quoque in infinitum, licet nomina desint, numerari possunt.

Quot personæ singulis gradibus continentur?

Primo 4. Secundo 12. Tertio 32. Quarto 80. Quinto

to 184. Sexto 448. Septimo 1004. d.l.10.§.12. & seqq.

Quomodo fit computatio jure Canonico ?

In linea recta eodem modo, quo jure civili : In transversali distinguendum inter æqualem & inæqualem lineam. Æqualis est, quâ ambo, de quibus quæritur, æqualiter distant à communi stipite : in hac sunt fratres, patruels &c. Inæqualis est, quâ inæqualiter à communi stipite distant : in hac est patruus cum fratris filio, patruus magnus cum fratris nepote. Hic duæ sunt regulæ. Prima, in linea æquali : quot gradibus à communi stipite distant, totidem inter sese ; sic fratres uno, patruels duobus distant gradibus. Altera, in linea inæquali : quot gradibus remotior à communi stipite distat, tot inter sese. Sic ego à patruo duobus distinguor gradibus, quia ego ab avo remotior sum ac disto duobus gradibus.

Quid est affinitas ?

Est proximitas personarum inter alterutrum ex conjugibus, & alterius conjugis cognatos : conjuges vero inter sese affines non sunt.

Suntne inter affines gradus ?

Non sunt distincti, sed conveniunt cum iis, qui sunt inter cognatos.

Tit. 11. Vnde vir & uxor. Tit. 18. Lib. 6.
Cod.

Annon extra consanguineos defertur possessio ?

Defertur conjugibus, diciturque unde vir & uxor : habetque tunc demum locum, cum cognati nulli sunt.

*Antiqua
De heredi-
tate
Vnde vir &
uxor*

Tit. 12. De veteranorum & militum
successione.

*Bona militis possuntne etiam obtineri per
possessionem ?*

Bona militis intestati castrensia fisco non vindicantur, cum hæres legitimus ad finem quinti gradus extat, aut proximus cognatus ejusdem gradus intra tempus possessionem accepit.

Tit. 13

Tit. 13. Quibus non competit bonorum
possessio. Tit. 9. Lib. 6. Cod.

Quibus non competit bonorum possessio?

Illis, qui ad hæreditates jure civili nequeunt admitti.

l. 12. §. 1. de bonor. possess. In specie non datur illis, qui se indignos reddiderunt, uti, si fraudem, ne testamentum mutaretur, fecerint. *l. unic. ff. h.*

Tit. 14. Ut ex legibus senatusve consul-
tis bonorum possessio detur.

Quid, si non ex edicto prætoris, sed ex alia parte juris, sc. lege vel SConsulto possessio detur?

Æque prætor bonorum possessionem dabit, tanquam ex suo edicto descenderit. *l. unic. ff. h.*

Tit. 15. Quis ordo in bonorum posses-
sione servatur.

Quis ordo in possessionibus servatur?

Habetur prima ratio testamenti, & si non sit testa-
mentum, vel ex eo non petatur, valebit causa intestati,
in qua primo loco vocantur sui hæredes, secundo agna-
ti, tertio cognati. *l. 1. pr. & §. 1. glo. vix dixer.*

Qui dies utiles hic habentur?

Illi omnes, quibus quis scivit sibi delatam esse posses-
sionem & potuit admitti. *l. 2. ff. h.* Dies vero sessionum
hic non computantur, nisi sit talis bonorum possessio,
quæ de plano peti nequeat. *d. l. 2. §. 1.*

De hæreditatibus, quæ ab intestato defe-
runtur. Tit. 1. Lib. 3. Inst.

Tit. 16. De suis & legitimis hæredibus. Tit.
55. Lib. 6. Cod.

De Legitimis hæredibus. Tit. 58. Lib. 6. C.

Tit. 17. Ad SConsultum Tertullianum &
Orphitianum. Tit. 56. 57. Lib. 6. Cod.

Com-

Communia de successione. Tit. 59.

Lib. 6 C.

Quid observatur hodie in successione ab intestato?

In hac quatuor sunt classes: consanguineorum, conjugum, collegiorum, & fisci. Consanguineorum rursus tres sunt ordines: descendendum, ascendendum, collateralium.

Quomodo succedunt descendentes?

1. Liberi, legitimi & naturales simul, sublato omni sexus, potestatis, vel ætatis discrimine. Nov. 118. cap. 1. succedunt, si omnes primi sint gradus, in capita, id est, æqualiter & patri & matri. Sin autem sint ulterioris gradus, sive soli inter sese, sive cum iis, quibz prioris sunt gradus, concurrant, in stirpes, & qui remotiori sunt gradu, repræsentant parentes primi gradus. d. Nov. 8. 1. junct. §. 6. Inst. h. 2. Legitimati per subsequens matrimonium, etiam in articulo mortis contractum cum reliquis legitimis & naturalibus simul per omnia succedunt. c. tanta. extr. qui fil. legit. sint. quamvis etiam medium matrimonium intervenerit. arg. l. 20. ff. de solut. matrim. l. 36. l. 41. ff. de jur. dot. Per rescriptum vero principis legitimi facti non aliter, quam si nulla soboles legitima sit, Nov. 89. c. 9. quamvis etiam postea sint aliqui legitimi nati. d. cap. 9. Adoptatis una cum legitimis & naturalibus simul defertur hæreditas, sive arrogati, sive quolibet modo adoptati fuerint.

Quid juris est in liberis illegitimis?

1. Naturales tantum matri reliquisque ascendentibus una cum justis liberis succedunt. l. 2. & 8. ff. unde cognat. patri vero non aliter, quam si non extent liberi & legitima uxor, ac tantum in duas uncias, quas cum matre dividunt. d. Nov. 89. c. 12. §. 4. 2. Spurii maternam hæreditatem nanciscuntur, nisi sit illustris fœmina, quæ liberos alios legitimos habet. l. 5. C. ad S. Consult. Orphit. 3. Qui ex damnato coitu nati sunt, nec matris nec patris bona sortiuntur, licet non extent liberi legitimi. quin imo & jure civili non sunt alendi à parentibus in familia. Nov. 74. d. Nov. 89. c. fin. quod jure Canonico immutatum est. cap. cum. haberent. extr. qui duxit. uxor. quam poll.

Annon

Annon & naturales tantum sunt alendi, si liberi sint legitimi & naturales simul?

Affirmandum est, ita ut pater subministret sumptus, mater alat, donec victum sibi quærere possint. *d. Nov. 89. c. 12. §. fin.*

Quid juris in ordine ascendentium?

Si soli sint, gradu proximi excludunt remotiores, & si plures sint ejusdem gradus in paterna quam materna linea, sunt duæ medietates, quarum una ascendentibus per paternam, altera per maternam tribuitur. *Nov. 118. c. 2.* In hoc ordine non attenditur repræsentatio, nec sexus, nec potestas; quinimo & pater non retinet usumfructum in universa liberorum quibus succedit hæreditate, sed portionem habet eo modo suam quoque reliqui.

Annon & inter parentes distinguendum est?

Eodem modo, quo in liberis traditum, præterquam iis casibus, quibus lex speciatim contrarium constituit, uti e. g. si sit arrogatus impubes, isque infra pubertatis annos decedat. *§. 3. Inst. de adopt.* Mater itaque & ascendentes per matrem liberis naturalibus, non pater: ex damnato coitu natis nec pater, nec mater, nec alii amici succedunt.

Annon & cum ascendentibus admittuntur fratres & sorores?

Tantum germani cum parentibus primi gradus excludentes remotiori gradu positos parentes. *d. Nov. 118. c. 3.* & germanorum liberi primi gradus. *Nov. 127. cap. 1.* ita tamen, ut cum ascendentibus fratres & sorores in capita, filii fratrum in stirpes admittantur. *Nov. 127. c. 1.*

Quid juris est in collateralibus?

Inter illos, si non sint ascendentes vel descendentes, primus locus datur fratribus & sororibus germanis, & eorum liberis primi gradus, ut hi in parentum suorum locum succedant. *d. Nov. 118. c. 3.* exclusis nepotibus.

Quibus secundus est locus?

Fratribus & sororibus uterinis & consanguineis; ita, ut uterinis materna, consanguineis paterna, reliqua bona æqualiter omnibus cedant. *Nov. 84. cap. 1. add. l. 13. C. de leg. hered.*

An & filii germanorum fratrum defuncti excludunt ejusdem fratris uterinos & consanguineos ?

Non est dubium. *d. Nov. 118. cap. 3.* Et, si illi soli concurrant, dividenda est hæreditas in capita. quod moribus est receptum.

Quid, si nec fratres nec fratrum filii sint ?

Admittuntur reliqui consanguinei, non observato discrimine, unde bona processerint, vel an simplex an duplex sit vinculum, sed tantum attenditur prærogativa gradus. *d. cap. 3. in fin.*

De Bonis maternis & materni generis.

Tit. 60. Tit. 6. Cod.

Quæ sunt bona materna, & quid juris in iis patri vel filio ?

Sunt quæ à matre vel ab ascendentibus per matrem profecta sunt ad filium. In hisce filio proprietas, patri ususfructus & plena administratio est. *l. 1. 2. C. h.* Non autem amittit usumfructum pater, quamvis filio manente in potestate, transierit ad secunda vota. *l. ult. C. h.*

Quomodo administrabit pater bona materna filii ?

Vt virum bonum decet. Nihil potest alienare; & si alienaverit, potest filius ea vindicare. *d. l. 1. C. h.* nisi sit causa urgens & necessaria, & res sint damnosæ, vel tractu temporis deteriores futuræ. *l. fin. §. 4. C. de bon. qua liber.*

De bonis quæ liberis in potestate constitutis ex Matrimonio vel aliàs acquiruntur: & eorum administratione. Tit. 61. Cod. eod.

Quid juris in bonis adventitiis, quæ liberi per suos labores, vel per aliorum liberalitates mernerunt ?

In hisce proprietas ad liberos, ususfructus ad patrem pertinet. *l. 6. pr. h.* nisi res sint donatæ à Principe. *l. 7. C. h.* vel in specie patri sit ademptus ususfructus. *Nov. 117. cap. 1. vel pater eum remiserit. l. 6. §. fin. autem. C. h.*

Quid

Quid juris circa administrationem rerum liberorum ?

Illa est penes patrem hoc singulari privilegio, ne oneretur rationum redditione vel cautione ulla. *d. l. 6. §. 2. C. h. l. ult. C. h.* nisi ad secundas processerit nuptias : hoc enim casu bona patris erunt tacite pignori ob bona materna. *l. 8. §. ult. C. de secund. nupt.*

De Successione conjugum.

Si nulli sint cognati, ad quos defertur hereditas ?

Ad conjuges. *l. 1. C. unde vir & uxor.* inter quos est iustum matrimonium. Quod etiam in sponsis de presenti. *l. 17. ff. rer. amot. l. 15. ff. de cond. & demonstr.* non iis, inter quos tantum est concubinatus, admittendum est. *l. 17 de rer. amotar. l. 32. ff. de donat. int vir. & uxor.*

Estne alius casus, quo speciali jure conjuges ad hereditatem admittuntur ?

Si matrimonium sit absque dote, conjunx autem premoriens sit locuples, superstes inopia laborans succedit una cum liberis communibus alteriusve matrimonii in quartam, si tres sint vel pauciores, in virilem portionem, si plures sint, ut tamen liberis proprietas servetur, & his vero non exstantibus porietur etiam dominio. *auth. praterea. C. unde vir. & ux. Nov. 117. c. 5. junct. Nov. 53. c. 6.*

An & marito privilegium competit ?

Benignius id videtur. *arg. Nov. 53. c. fin.* etsi ex jure non directo & liquido probari queat.

Quid, si maritus legatum reliquerit uxori inopi ?

Si plus sit in legato, quam in portione ex lege, uxor à portione excludetur; si minus, legatum imputabit in illam portionem, & supplementum petet. *d. authent. & d. Nov. 117. cap. 5.*

Quid, si dos sit mulieri adeo parva, ut ex illa ali nequeat ?

Etiam locus erit, sic tamen, ut quidquid in dote est in quartam imputetur. *arg. d. authent. praterea.*

Quid, si mulier antequam portionem suam acceperit, transiverit ad secunda vota, & maritus secundus quoque sit mortuus, ab utrius heredibus petet portionem ?

Magis est, ut à secundi mariti heredibus postulet, quia ratione ejus proxime est vidua.

De hæreditatibus Decurionum, Naviculariorum, Cohortaliū Militum, & Fabri-
censium. Tit. 62. Lib. 6. Cod.

Quomodo succedunt collegia sive corpora?

Si nec consanguinei nec conjuges sint, & navicularius, miles cohortalis, vel Fabricensis decesserit, pertinet hæreditas ad corpus Naviculariorum, vexillationem, ordinem sive curiam aut collegium Fabricensium. *l. 1. & seqq. C. h.* Sic tamen, ut si quid à Principe donatum, privilegio speciali illi quibus simul donatum est, præferantur omnibus collegiis. *l. unic. C. si liberalis imper. soc. decess. sin. har.*

De Successione Fisci.

Quid, si & nulli tales?

Devolveretur hæreditas ad Fiscum. *l. 1. 4. Cod. de bon. vacant. modo recte agnoscat. l. 4. §. eadem. ff. de fideicom. libertat.*

P A N D E C T A R U M

L I B E R X X X I X.

Tit. 1. De operis novi nunciatione. Tit. 11.
Lib. 8. Cod.

Quid est operis novi nunciatio?

Est legitima prohibitio facta ædificanti, ut ab opere cepto nocituro desistat, donec de jure cõstet. *l. 1. ff. h.*

Qui possunt nunciare?

In causa publica omnes, modo sint cives ejus loci. *l. 1. §. ult. ff. h.* in privata illi, qui dominium directum vel utile, aut servitutem realem habent. *l. unic. §. 3. ff. de remiss. l. 16. de servitut. l. 3. §. pen. l. 5. §. 9. l. 15. ff. h.*
Quibus autem personalis est, per indirectum & magis
pro-

procuratorio, quam proprio nomine nunciant. *l. 1. §. fin. ff. h. junct. l. 5. ff. si usus fruct. petat.*

Cui debet fieri nunciatio?

Exstruendi novum opus, sive sit proximus vicinus sive superior. *l. 8. pr. ff. h. etiam pupillis & furiosis. l. 10. ff. h. quia in rem fit. d. l. 10. junct. l. 5. §. 2. 3. & 4. ff. h. Debet itaque fabris id intelligentibus fieri nunciatio. d. l. 5. §. 3. l. 11. D. h.*

Propter quæ opera fit nunciatio?

Tantum ob cœpta. *l. 1. §. 1. D. h. nondum absoluta, vel etiam ob ea, quæ certo sunt destinata. l. 20. §. 2. ff. h.*

Quis facit opus novum?

Qui operis faciem mutat ædificando, vel etiam reficiendo. *d. l. 1. §. 1. l. 21. §. 3. D. h.*

Quomodo fit nunciatio?

Vel nudis verbis, cum in suo quis ædificat contra jus servitutis. *l. 1. §. 2. vel per Prætores, vel per lapilli iectum. Ictus autem lapilli symbolum erat prohibitionis, si quis in alieno ædificet, vel in alienum emittere vel projicere velit. d. l. 5. §. 10.*

Quid exigitur ab illo qui nunciat, & quid ipse faciet?

Exigi ab eo potest juramentum calumniæ. *d. l. 5. §. 14. & ipse in testationem referre debet quid operis sit cœptum, ut appareat, an postea sit actum. l. 8. §. 1. D. h.*

Quis est effectus nunciationis?

Vt adversarius ante missam nunciationem, vel interpositam satisfactionem, non solum prohibeatur ædificare, sed, si sprete nunciatione perrexerit, demoliri cogatur opus postea factum. *l. 20. §. 1. 3. & 4. D. h.*

Quid, si opera ædificanda non patiantur moram vel publicæ salutis aut securitatis ea fieri intersit?

Non attenditur nunciatio. *d. l. 5. §. 11. & seqq. uti etiam si notorium sit, nuncianti non esse jus nunciandi. arg. d. l. 5. §. 12. Alias si causa sit dubia, non attenditur, utrū jure vel injuria facta fuerit nunciatio. l. 1. D. h.*

Quomodo tollitur nunciatio?

1. Satisfactione ejus, cui nunciatum est. *d. l. 5. §. 17. l. 20. §. 5. 2. Si Prætor in contrarium prohibeat. l. 16. D. h. l. 14. D. de re judic. vel causa cognita faciat remissionem. d. l. 1. §. 9. d. l. 8. §. 4. D. h. d. l. unio. D. de remission. 3. Si nuncians rem alienet. d. l. 8. §. 6. 4. Per mortem*

nun-

nunciantis. *d.l.8. §.6. re integra, nisi nunciatio sit facta à nunciante etiam pro hæredibus. arg.l.27. §.1. D. de recept. arbitr.*

At videtur dispositum in d.l.20. §.6. D.h. nunciationem esse perpetuam & hæredi competere?

Distingui debet inter nunciationem & interdictum de opere demoliendo. Interdictum quidem datur hæredi, non cum post mortem nunciantis, sed vivo eo post nunciationem est opus novum factum, quia jus quæsitum est: nunciatio autem morte finitur.

Quid, si prohibitus moriatur vel alienaverit rem?

Tenet nunciatio. *l.8. §.7. ff.h.*

De Ædificiis privatis. Tit.10. Lib.8. Cod.

Suntne nonnulla singularia in ædificiis privatis?

Multa sunt hoc titulo proposita de intervalli quantitate, quæ relinqui debeat inter ædificium novum, & vicini vel publica ædificia. *l.9. 11. C.h.* similiter de altitudine. In quibus omnibus statuta locorum sequi oportet. Non licet & jure civili destruere ædificia. *l.2. C.h.* nec columnas vel marmora vendere aut legare. *l.41. §.1. & seqq. ff. de legat. 1.*

Cujus dicitur esse murus, qui ades vel hortos distinguit?

Præsumitur esse ejus, versus quem suggrundæ vel astructa fulcra vel instructa fulcra vel instructa cava spectant. Cæterum, si indicia nulla extent, intelligitur esse communis.

Tit.2. De damno infecto, & de suggrundiis, & protectionibus.

Ad quid agitur de damno infecto?

Si damnum nondum sit datum, sed futurum metuatur. *l.2. ff.h.* ex ruinosis vicini ædibus aut tecto, adeundus est Prætor, ut jubeat, si juratum sit de calumnia. *l.7. 13. §. 12. 13. ff. h.* dominum directum vel utilem. *l. 15. §.1. & 27. ff. h.* vel eum, qui bona fide possidet. *d.l.13. ff.h.* aut servitutem habet. *d.l.19. l.20. ff.h.* cavere idoneè suo nomine per stipulationem. *l. 18. ff. h. junct. l.5. §.4. ff. h.* alieno per satisfactionem de damno, quod dari potest, resarciendo. *l.7. ff.h.*

Quid,

*Quid, si intra tempus constitutum a Pratore
non caveatur?*

Mittit Prætor eum, qui damnum timet, in possessionem rei servandæ causa ex primo decreto. *d. l. 7. ff. h.* Et, si postea adversarius non caveat, in possessionem plenariam ex secundo decreto. *d. l. 7.* ita ut ipse dominus dejiciatur possessione. *l. 15. §. 23. ff. h.* Et postea vix locus erit ulteriori cautionis oblationi. *d. l. 15. §. 33.* Adeoque & missus per longi temporis possessionem dominium capiet, nisi fuerit is, qui potest restitui.

Quid, si missus metu ruina discesserit de possessione adium?

Siquidem cum adjuvare rem non possit, id fecerit, integrum jus servabit: quod si maluerit relinquere, cum possit succurrere, amisit beneficium Prætoris, nisi protestatus sit se possessionem ex necessitate dimittere, vel apparuerit ædes non esse derelictas. *d. l. 15. §. 35.*

Quid, si non exacta cautione adificia ruerint?

Non tenetur damnum resarcire, nec rudera tollere, si modo omnia, quæ jacent, derelinquere velit. *l. 6. ff. h.*

Tit. 3. De Aqua & aqua pluvia arcenda.

Tit. 34. Lib. 3. Cod.

Quid est in edicto de aqua & aqua pluvia arcenda?

Datur ex hoc actio in factum domino prædii, cui damnum metuitur. *l. 1. §. 11. l. 6. §. 3. ff. h.* adversus dominum loci, in quo opus aliquod manufactum est, quo aliter aqua fluit quam solebat, ad hoc, ut opus tollatur, & res in pristinam formam reponatur, Rei quidem impensis si opus ipse fecerit, Actoris, si culpa vacet reus. *arg. l. 11. §. 2. D. h.*

Cessatne aliquando hac actio?

Cessat si quid agri colendi causa sit factum, & magis sit frumenti quærendi causa. *d. §. 3. §. 15. ibid.* vel si vicinus opus tollat & sublato eo aqua naturaliter ad inferiorem agrum perveniens noceat, nisi propter opus sublatum vehementius aqua profluat vel corrigetur. *d. l. 1. §. 22.*

Tit. 4.

Tit. 4. De Publicanis, & vectigalibus, & commissis.

De vectigalibus & commissis.

Vectigalia nova institui non posse.

Quid est in edicto de publicanis sive vectigalium conductoribus?

Datur adversus eos actio, ut, si vel ipsi vel familia illorum quid illicite extorserint, si id non restitutum erit, in duplum intra annum, in simplum post annum restituant. *l. 1. 12. D. h.*

Quid, si per vim sit extortum?

Datur actio in quadruplum, cui persecutio rei inest. *l. 9. §. 6. D. h.*

Quid est vectigal?

Quod solvitur ex rebus, quæ veneunt. *l. 5. & 6. C. de vectigal.*

Vter debet solvere vectigal, emptor vel venditor?

Magis est ut emptor. *arg. Dd. Ll.* Præcipue autem attendendum, quid conventionione, eaque cessante, lege municipali sit constitutum.

Quid, si vectigal non solvatur?

Rēs in commissum cadit, nisi fiscus ad quinquennium siluerit. *l. 2. C. de vectigal.* vel ex necessitate quid sit factum. *l. fin. §. 8. D. de publican.* vel in sola professione quis erraverit aut quis minor annis sit. *d. l. fin. §. 9.* vel servi quid egerint ignorante domino. *d. l. fin. §. 11.* aut quis bona fide professus, non solverit. *d. l. fin. §. 12.*

Requiriturne sententia declaratoria, ut res in commissum incidat?

Non est dubitandum, cum hæc res in facto consistat.

Daturne actio de commissio adversus heredes?

Non datur ad pœnam, nisi quæstio mota fuerit vivo defuncto. *l. fin. §. ult. ff. h. junct. l. 4.*

At videtur directo contrarium in l. 8. D. eod.?

Ratione commissæ rei transmittitur crimen ad hæredem. *d. l. 8,* non pœna, quæ est extra rem. *d. l. ult. § penult.*

Tit. 5. De Donationibus.

Quid est donatio?

Est doni datio, facta ex mera liberalitate, nullo jure cogente. *l. 1. 29. ff. h.* Quæ si fiat per conventionem, pactum legitimum rectè dicitur; si per traditionem, modus acquirendi dominii. *l. 15. C. de acq. dom. r.*

Qui possunt donare?

Qui liberam rerum suarum habent administrationem, & speciali lege non prohibentur.

Quid statuendum de filio-familias?

Nequit donare, licet liberam peculii habeat administrationem. *l. 7. ff. h.* nisi id ei concessum sit, vel justa sit ratio donandi, vel in dignitate sit positus, vel peculium castrense vel quasi, ex quo donat, habuerit. *d. l. 7. §. 1. & seqq.*

Quid, si Pater filio donaverit?

Donatio non valet. *l. 11. l. 17. C. h.* nisi morte. *l. 25. C. de donat. int. vir. & uxor.* vel juramento firmetur. *cap. cum contingat. extr. de jurejur.* vel sit donatio remuneratoria, arg. *l. 27. ff. h.*

Quæ res possunt donari?

Tam corporales quam incorporales. *l. 9. 17. 27. ff. h.* etiam bona omnia, tam futura, quam præsentia. *l. 35. §. 4. & 5. C. h. l. 8. C. de revoc. donat. l. 5. C. de inoffic. donat.* licet sibi nihil reservaverit, de quo possit testari.

Quid, si quis omnia bona donaverit, an & nomina comprehenduntur?

Etsi quidem non mobilium vel immobilium, tamen bonorum omnium nomine veniunt. *l. 49. ff. de V. Signif. l. 52. ff. de acquir. rer. dom. l. 4. & fin. C. quæ res pign. ess. poss.*

An & donatione omnium bonorum futura veniunt?

Videtur id affirmari per *d. l. fin.* sed negandum est, cum donatio sit stricti juris, nec extendatur, & *d. l. fin.* loquatur de pignore, quod facilius admittitur quam donatio.

Quomodo fit donatio?

Nudo etiam pacto. *§. 2. Inst. h.* modo ea, quæ inter

ter vivos fit, non excedat 500 solidos, siue mille fere imperiales. Ea enim, quæ quingentos solidos excedit, est actis insinuanda. *l. 32. 35. C. h.* nisi ad piissimas causas, vel à Principe aut Principi fuerit facta. *l. 36. §. 2. junct. l. 34. pr. vers. exceptis & auth. item C. h.* *ad p. ult. l. 36. C. h.*

Quid, si juramentum sit appositum?

Quoad donantem & hæredes ejus sustinebitur quidem, ita ut insinuatione non egeat. *arg. Nov. 48. cap. 1.* sed non quoad creditores donatoris.

Quousque in valido erit donatio, si insinuatio non fuerit facta?

Non in totum, sed quatenus excedit 500 solidos. *§. 2. Inst. l. 34. C. h.*

De Donationibus, quæ sub modo, vel conditione, vel certo tempore conficiuntur.

Tit. 55. Lib. 8. Cod.

Admittitne donatio modum, diem, vel conditionem?

Admittit. *l. 1. & 1. h. r.* & si sub modo sit facta, potest donans, si non impleatur modus, rem vindicare à donatario vel alio quovis possessore. *l. 1. C. h.* uti & rectè re vocatur donatio, si conditio adjecta non fuerit impleta. *l. fin. C. de revoc. donat.*

Quid, si res donata sit primo, ut post aliquod tempus restituat secundo?

Licet quidem alteri nemo possit stipulari, tamen donator, qui suæ rei, dum eam transfert ad alium, legem hanc dicit, acquirit utilem eo casu actionem. *l. 3. C. h.* *Stipulatio*

Tit. 6. De mortis causa donationibus.

Tit. 58. Lib. 8. Cod.

Quomodo donatio distinguitur?

Est alia quæ fit inter vivos, alia mortis causa. Quæ fit inter vivos, desiderat insinuationem, de quo ante, non quæ fit mortis causa. *l. fin. C. h.* cum hæc legatis magis assimiletur qua effectus ejus spectatur.

*Coram quot testibus fit donatio inter vivos
vel mortis causa?*

*quia p. 3
l. 4. Solentatio*

Mortis causa requirit quinque. *l. fin. C. h.* siue 500 solidos excedat, siue non: inter vivos vero nullum testem, modo probari possit.

*Quid, si donator mortis causa pactus sit,
quod non sit revocaturus?*

Aequae manet mortis causa donatio. *l. 13. §. 1. D. h.* at si non constet, utrum certo donatio sit mortis causa facta, per adjectionem de non revocanda donatione videtur donatio inter vivos. *l. 35. §. 2. D. h.*

*Quomodo distinguitur donatio mortis causa
à mortis causa capione?*

Qui mortis causa donat, tantum de morte sua cogitat; mortis autem capio est, quod obvenit ob mortem alterius, non proprie ac tantum donatoris. *l. 18. 31. D. h.*

Quomodo distinguitur à legato?

Qua facta est, habet naturam legati. Fit autem magis per modum contractus. *l. 38. D. h.* Hinc est, quod filiusfamilias ex consensu patris mortis causa possit donare. *l. 7. §. 4. D. de donat. licet nequeat legare.*

De Revocandis donationibus. Tit. 56. Lib. 8. Cod.

Quomodo fit revocatio donationis?

Mortis causa ex sola poenitentia. *l. 30. 35. D. h.* etiam ea, quae tantum praesumitur inter vivos, non nisi ex causis certis ingratitude: cum donatarius honorem donatoris laesit, corpori vim intulit, vel patrimonium afflixit. *l. fin. C. h.* aut alias pacta vel conditiones non servavit. *d. l. fin.* aut si liberi supervenerint: quia videtur haec inesse conditio tacite, nisi liberi donatori fuerint nati. *l. 8. C. h. junct. l. 102. D. de cond. & demonstr. l. 30. C. de fideicomm.*

*Negativè p.
l. 8. C. de cond.
& demonstr.*

Quid, si donatarius mortis causa ante donatorem moriatur?

Irrita fit donatio. *l. 23. l. fin. D. h.* quia non habet effectum mortis causa donatio ante obitum donatoris.

P A N D E C T A R U M

L I B E R X L.

Tit. 1. De manumissionibus.

Quid est manumissio?

Est libertatis datio: quæ fit variis modis; vel vindicta, vel testamento, vel sensu, vel in Ecclesia, vel per epistolam, vel inter amicos.

Tit. 2. De manumissis vindicta. Tit. 1. Lib. 7. Cod.

Quomodo vindicta?

Coram Prætoribus, cujus servus vindicta, id est, virgula, caput servi manumittendi percutiebat.

Tit. 3. De manumissionibus, quæ servis ad universitatem pertinentibus imponuntur.

De Servis Reip. manumittendis. Tit. 9. Lib. 7. Cod.

Etiamne universitatis vel reipubl. servi poterant manumitti vindicta?

Non est dubitandum.

Tit. 4. De manumissis testamento. Tit. 1. Lib. 7. Cod.

Quomodo testamento?

Vel directo, vel per fideicommissum.

Tit. 5. De fideicommissariis libertatibus. Tit. 4. Lib. 7. Cod.

Quomodo per fideicommissum.

Siquidem hæres rogaretur, ut servo daret libertatem,

De Lege Fufia Laninia tollenda. Tit. 4.
Lib. 1. Inst.

*Possuntne tot testamento manumitti quot
testator vult?*

Possunt: olim vero certus modus fuit constitutus ob
Legem Fufiam **C**aniniam; verum ea lex ut inimica
ultimis voluntatibus est sublata. *t. t. Inst. h.*

Quis est effectus manumissionis?

Manumissi fiunt libertini.

De dediticia libertate tollenda. Tit. 5. Lib. 7.
Cod. Et,

De latina libertate tollenda, & per certos
modos in civitatem Romanam transfusa
Tit. 6. Cod. eod.

Estne aliqua distinctio inter libertinos?

Erant olim vel dediticii vel latini juniani, vel cives
Romani. Sed hodie hæc distinctio sublata est. *§. fin.
Inst. de libert.*

De communi servo manumisso. Tit. 7.
Lib. 7. Cod.

Quid, si communis servus fuerit manumissus?

Olim ejus pars accrescebat non manumittenti, sed
postea id mutatum est, ut si socio solveretur pretium
sue partis, plene possit liberari. *l. 1. C. h. §. fin. Inst.
de donat.*

De Servo pignori dato manumisso. Tit. 8.
Lib. 7. Cod.

Potestne servus pignori datus manumitti?

Potest, siquidem generaliter sit obligatus; secus, si
specialiter, nisi ex consensu creditoris. *l. 2. & seq. C. h.*

Tit.

Tit. 6. De ademptione libertatis.

Potestne libertas testamento data adimi?

Potest instar cæterorum legatorum, imo etiam per legem. l. unic. ff. h.

Tit. 7. De statu-liberis.

*Qui sunt statu-liberi?*Quibus ad diem vel sub conditione libertas est data. Hi in iis, quæ ut liberi committunt propter spem libertatis, pro liberis, quæ ut servi, pro servis puniuntur. *l. 29. ff. h. l. 19. ff. de leg. 1.*

Tit. 8. Qui sine manumissione ad libertatem perveniunt.

Qui fiunt liberi sine manumissione?

Statu-liberi, & qui alienati sunt, ut manumittantur.

Tit. 9. Qui & à quibus manumissi liberi non fiant ad legem Æliam Sentiam.

De his qui à non domino sunt manumissi.

Tit. 10. Lib. 7. Cod.

Ex quibus causis manumittere non licet.

Tit. 6. Lib. 1. Inst.

Omnesne manumissi fiunt liberi?

Non omnes, ut si manumittentes non sint domini, vel domini in fraudem creditorum manumittant, aut propter ætatem manumittere non possint.

Quis manumittit in fraudem creditorum?

Qui scit se esse non solvendo, vel datis libertatibus desiturus esse solvendo. cum enim hæc res in fraudem aliorum tendat, manumissio impeditur. pr. Inst. h.

Estne aliqua exceptio?

Est, si quis unicum servum hæredem instituatur, & in testamento manumittat: datum enim est hoc honori civium Romanorum, ut eam ob causam unum

possint testamento manumittere, & sic liberari ab infamia, qua afficerentur si hæredem habere non possent.

Quinam propter aetatem manumittere non possunt?

Major 14 annis testamento quidem manumittere potest. Nov. 119. c. 2. at inter vivos prohibetur minor 17 annis. §. *fin.* Inst. h. nisi ex justa causa, approbata apud consilium. §. 4. eod.

Quae sunt justae causae?

Describuntur §. 5. Inst. eod. ut & l. 13. & seqq. D. de manum. vind.

Quid, si causa, semel approbata, deinde falsa intelligatur?

Favore libertatis receptum est, ut libertas etiam ex falsa causa data non retractetur, licet in aliis contra observetur. l. 33. D. de re jud.

Pro quibus causis servi pro præmio libertatem accipiunt. Tit. 13. Lib. 7. Cod.

Quibus ex causis pro præmio datur libertas?

Si singulare aliquod beneficium reipublicæ præstiterint; ut si proditorem patriæ, si falsum monetarium ostenderint. l. 2. & 4. C. h.

De ingenuis manumissis. Tit. 14.

Lib. 7. Cod.

Quid, si ingenuus sit manumissus?

Non fit libertinus, sed manet ingenuus: manumissio enim non officit natalibus.

Tit. 10. De jure aureorum annulorum.

Lib. 6. Cod.

Quis est eorum status, qui jus aureorum annulorum sunt consecuti?

Etsi revera non sint ingenui, tamen pro ingenuis habentur.

Tit.

Tit. 11. De natalibus restituendis. Tit. 8.
Lib. 6. Cod.

Quid, si quis fuerit restitutus natalibus?
Pro ingenuo reputabitur. l. 1. 2. 3. D. h.

Communia de manumissionibus. Tit. 15.
Lib. 7. Cod.

Quæ sunt communia manumissionum?
Quod hodie manumissi fiant cives Romani.

Tit. 12. De liberali causa. Tit. 16.
Lib. 7. Cod.

*Quomodo appellantur judicia de causis status,
libertatis?*
Liberalia, quæ multas habent prærogativas.

De ordine cognitionum. Tit. 19.
Lib. 7. Cod.

*Quæ est prærogativa in cognitione liberalium
causarum?*
Ut solennibus ordinatis hæc prius decendantur, quam
ulla civilia, vel criminalia judicia. l. 1. 5. C. h.

Tit. 13. Quibus ad libertatem proclamare
non licet. Tit. 18. Lib. 7. Cod.

Quibus non licet proclamare?
Qui majores 20 annis ad pretium participandum
venire se passi sunt, quique damnati sunt ad vincula
perpetua.

De adsertione tollenda.

Quid est adsertio?
Est defensio, quæ fiebat per assertorem solenniter in
controversia status.

Tit. 14. Si ingenuus esse dicatur.

Quid, si quis ingenuus esse dicatur?

Si quis intra quinquennium à manumissionis die se probare voluerit ingenuum esse, audietur.

Tit. 15. Ne de statu defunctorum post quinquennium quæratur.

Tit. 21. Lib. 7. Cod.

Quamdiu licet de statu defunctorum disputare?

Tantum ad quinquennium. l. 1. ff. h.

Tit. 16. De collusione detegenda.

Tit. 20. Lib. 7. Cod.

Quid, si Dominus nimia indulgentia passus fuerit servos ad ingenuitatem proclamare, liberosque judicari?

Hac de re SConsulto cautum est, ut, si quis probasset per collusionem quicquam factum, si iste homo servus sit, fiat servus ejus, qui collusionem detexisset. l. 1. ff. h.

P A N D E C T A R U M

L I B E R XLI.

Tit. 1. De acquirendo rerum dominio. Tit. 1.

Lib. 2. Inst.

Per quas personas nobis acquiratur. Tit. 27.

Lib. 4. Cod. Tit. 9. Lib. 2. Inst.

Quid potest acquiri per Procuratorem?

Possessio etiam ignoranti domino. l. 34. §. 1. l. 49.

§. fin. ff. de acquir. possess. & conditio usucapiendi. at usucapio non procedit, nisi à tempore, quo dominus scivit. d. l. 49. §. fin. l. 1. C. eod.

Quomodo

Quomodo acquiritur dominium per Procuratorem?

Si sit actum, ut res Procuratori acquiratur, vel simpliciter sit alienata, non acquiretur directò dominium domino. *l. 1. §. 20. ff. h. l. 1. C. eod.* sin autem, ut domino acquiratur, transibit in dominum, cum possessionem est nactus. *l. 8. C. de acq. vel retinend. poss.* cum habet mandatum generale: alias, si speciale ipsi datum sit mandatum, eique nomine domini sit tradita possessio, domino acquiretur. *l. 13. 37. §. fin. D. h. l. 13. D. de donat.* uti etiam si nuncio sic tradita. *C. fin. C. si quis alt.*

*Estne distinctio aliqua generalis circa illos,
qui sunt in potestate?*

Est. Servi omnia suis dominis, Filiifam. quæ sunt profectitii peculii, patri; quæ sunt adventitii, sibi quoad proprietatem, patri, quoad usumfructum; quæ sunt castrensis vel quasi, sibi acquirunt.

Quibus modis acquiritur dominium?

Vel jure naturali, vel civili. §. 11. *Inst. de rer. divis.*
Vel titulo universali vel singulari.

Qui sunt, qui ex jure gentium descendunt?

Occupatio, accessio, specificatio, confusio, commixtio, fructuum perceptio, traditio.

Quid est occupatio?

Apprehensio rerum, quæ sunt in nullius, at in aliqujus patrimonio esse possunt. Quod enim nullius est, cedit occupanti. *l. 3. D. h.*

Quarum rerum est occupatio?

Est immobilium, ut in littore; & mobilium, ut in inventionem lapillorum & gemmarum, quæ nullius sunt. §. 18. *Inst. de rer. divis.*

Quid, si viderit, alter apprehenderit?

Cedit ea res apprehendenti. arg. §. 13. *Inst. de rer. divis. junct. §. 12. ibid.*

Quid, si quis invenerit rem deperditam?

Si sibi eam servet ut lucrifaciat, furti teneatur. §. fin. *Inst. de rer. divis. l. 43. §. 4. & seqq. ff. de furt. cap. si quid invenisti. caus. 13. q. 15.*

Quid, si nemo veniat repetitum rem amissam?

Inventor si publice significaverit se invenisse, sibi impune servat: Præstat vero in publicum deferre.

Annon

Annon & occupatio est in rebus hostium?

Est, sive sint homines, qui servi efficiuntur, sive aliae res mobiles. §. 17. *Inst. de rer. divis.* atque ex res mobiles. §. 17. *Inst. de rer. divis.* atque ex res statim fient capientis. d. §. 17. nisi contrarium statutum sit ab iis, ad quos ea res pertinet. Si autem sint immobiles, cedunt reipublicae.

Estne & in feris bestiis occupatio?

Est, eaque consistit in venatione, aucupio, vel piscatione.

Licetne ergo venari cuilibet?

Licet jure naturali. at facultas venandi recte limitatur vel in feris certis capiendis, vel in personis, quibus singulariter est negata aut data.

Licetne in alieno capere feram?

Licet, quamvis Dominus ingredi prohibeat. Id si fuerit factum, prohibenti datur actio injuriarum. l. 13. *in fin. ff. de injur.* verum prohibitus æque suam facit feram. §. 12. *Inst. de rer. div.*

Quid, si quis feram bestiam vulneraverit, & alter eam occupaverit?

Siquidem ita sit vulnerata, ut indubie potuerit eam vulnerans capere, erit vulnerantis, licet alius capiat, si eam vulneraverit, ut caperet. §. 13. *Inst. de rer. divis.* Si autem ita non sit vulnerata, cedit occupanti.

Quid juris in feris, quae solent ire & redire?

Quandiu ipso actu redeundi consuetudinem observant, manent prioris domini. §. 15. *Inst. eod.*

Quid, si mansueta animalia detineantur?

Furtum committit, qui illa lucrandi animo servat. §. 16. *Inst. eod.* licet etiam unica tantum sit species.

Quid juris in piscatione?

Licet piscari in mari, fluminibus, stagnis, etiam alienis, lacubus quoque publicis. l. 13. §. 2. *Inst. de rer. divis.* l. 3. §. 14. *Inst. de acquir. poss.*

Quid juris est in aucupio?

Idem quod in venatione. In examine apum id constitutum est, ut pertineat ad priorem dominum, si probare possit id ex suo alveo evolasse. §. 14. *eod.*

Quid

Quid dicendum de feris, quæ sunt in vivariis, vel piscibus, qui sunt in piscina?

Possidentur, & in dominio sunt. l. 3. §. 14. ff. de acquir. poss. unde ab aliis acquiri nequeunt.

Quid est accessio?

Modus acquirendi dominii, quo res mea propter præsentiam rem alterius ad se trahit. arg. l. 23. §. 3. & seqq. ff. de rei vind.

In quibus consistit?

In variis: veluti in ædificatione, plantatione, insitione, intextura, scriptura, pictura, alluvione, ac similibus.

Qua regula servatur in inædificatione?

Quicquid solo inædificatur, solo cedit, sive ex aliena materia in suo, sive ex sua materia in alieno ædificium exstruatur. §. 29. 30. Inst. de rer. divis. l. 7. §. 10. ff. h.

Potestne dominus vindicare materiam, ex qua alter citra voluntatem domini ædificavit?

Non potest, quamdiu constat ædificium, sed ipsi est parata actio de tigno juncto in duplum. d. §. 29.

Annon debet distinguí, utrum quis bona fide, an mala ædificaverit?

Nulla modo quoad actionem in duplum: verum is, qui mala fide ædificavit, tenetur præterea vindicatione vel conditione. l. 1. in fin. l. 2. D. de tign. junct.

Quid, si ædificium fuerit dirutum?

Potest dominus, si suum non sit consecutus, etiam à bonæ fidei possessore vindicare, imo & post tempus, quo alias res mobilis vel immobilis solet præscribi. d. l. 7. §. 11. ff. h. l. 23. ff. de usuc. l. 23. §. fin. ff. de rei vind.

Quid, si quis ædificaverit ex sua materia in alieno?

Ædificium fit ejus, qui soli est dominus. Necessariæ autem impensæ solvendæ sunt tam malæ fidei quam bonæ possessori. l. 5. Cod. de rei vind. In utilibus quoad bonæ fidei possessorem sequi oportet l. 38. ff. de rei vind. est à malæ fidei possessore in utilibus, & à quolibet possessore in voluptariis nulla erit deductio, nisi qua locupletior fiat eo ipso momento Dominus, sed conceditur sublatio. l. 9. ff. de impens. in rem dotal.

Potestne rem retinere possessor, donec sumptus sibi satisfiant?

Potest absolute, si sit bonæ fidei possessor. d. §. 30. si

Si sumptus sint illiquidi, Dominus offerre potest cautionem, ut possessor interim discedere cogatur è possessione. l. 5. ff. de stat. liber.

Qua regula est in plantatione, satione, pictura, scriptura, intextura?

Plantæ cedunt solo, modo radices egerint. d. l. 7. §. fin. etiam sata. §. 3. purpura vestimento, scriptura chartæ. §. 32. 33. Inst. eod. l. 9. pr. & §§. seqq. ff. b. nisi sit scriptura, cujus usus ad unum tantum pertinet: picturæ tabula ex decisione singulari, in §. 34. Inst. b. Omnia sic sunt accipienda, ut is, qui rem acquirit, teneatur domino rei præstare pretium, nisi sit à domino quid commissum, ex quo id petere nequeat.

De Alluvionibus, & paludibus, & pascuis ad alium statum translatis. Tit. 41.

Lib. 7. Cod.

Quid juris est in alluvione?

Quicquid per incrementum latens adjicitur paulatim, ut intelligi non possit quantum quoquo temporis momento accedat, acquiritur domino prædii, cui adjectum est. §. 20. Instit. eod. l. 1. C. h.

Quid, si pars aliqua fundi per vim fluminis sit ablata & in alterius fundum impacta?

Manet prioris domini, donec coaluerit. l. 7. §. 2. ff. de acquir. rer. Domin. Coaluisse autem videtur, si arbores radices egerint. l. 21. Inst. de rer. divis. l. 9. §. 1. & 2. ff. de damn. infect.

Licetne tollere illam partem, antequam coaluerit?

Licet: dabiturque de damno facto judicium. d. l. 9. §. 2. ff. de damn. infect.

Licetne ripam adversus impetum fluminis quovis modo munire?

Id cuique est permissum, modò à naturali cursu flumen non divertatur. d. l. 1. C. h. & nihil fiat cum incommodo navigationis & accolarum. l. 1. §. 6. & 7. ff. ne quid in flumin. publ.

An etiam augebitur tributum per alluvionem?

Nullò modo: cum jus alluvionis sit per se inconstans. l. 3. C. h.

An

An & loca silvestria ad culturam redacta & palustria tributis sunt oneranda ?

Ne impediatur diligentia agricolarum , talia loca non esse tributis gravanda, constitutum est d. l. 3.

Quid juris in alveo à flumine derelicto ?

Is cedit iis , qui prope ripam prædia proxima possident secundum latitudinem, quæ circa ripam est. Quod si post ad priorem alveum reversum fuerit flumen , rursus novus erit eorum , qui prope ripam proxima habent prædia. l. 7. §. 5. ff. h.

Quid , si novus alveus totum agrum alicujus occupaverit , & ad priorem alveum reversum sit flumen ?

Non tamen is , cujus ager fuit , rejicietur à petitione sui fundi, propter æquitatem. d. §. 5.

Quid juris in inundatione ?

Si non sit perpetua, nec formam agri in totum mutet, dominium non tollit. d. l. 6. §. 7.

Quid juris est in insula in flumine nata ?

Cedit proximè possidentibus secundum latitudinem, quæ in ripa est utrinque, si in medio sit ; si autem sit uni parti proximior , acquiritur iis qui in illa parte prædia proxima habent. §. 22. Inst. eod. Si flumen se diviserit, & deinde se univerit, fundi inclusi manent priorum dominorum. d. §. 22.

Quid , si insula solo non cohæreat , sed virgultis vel alia levi materia sustineatur in flumine ?

Erit publica , quasi innatans ipsi flumini. l. penult. §. 1. 2. & fin.

Partus ancillæ vel fœtus animalium cui cedit ?

Domino ancillæ vel animalium. §. 19. Inst. eod.

Quid est specificatio ?

Est confectio novæ speciei ex aliena , in totum vel ex parte, materia. §. 25. Inst. eod.

Cui cedit species nova ?

Si reduci possit ad pristinam materiam , est ejus , cujus est materia ; si non, sit specificantis, cum suo nomine & bona fide eam fecit. l. 7. §. 7. ff. eod. l. 12. §. 3. ff. ad exhibenda. adde l. 49. in fin. ff. de rei vindic.

Debetur

*Debetne specificans solvere pretium materiae eo casu,
quod dominus est effectus specificans?*

Non est dubitandum: non enim debet locupletari cum alterius iactura.

Quid est confusio? quid commixtio?

Confusio est liquidorum, commixtio solidorum sive corporum. Itaque in confusione materiae alterantur, sive unius sive diversi sint generis; & massa, quæ est ex confusione, fit communis, sive fortuito sive ex voluntate utriusque ea sit facta. §. 26. *Inst. eod.* In commixtione singula corpora suam substantiam servant, & nulla fit communio, nisi ea ex voluntate sit facta. §. 27. *Inst. eod.* unde si frumentum Titii cum Mævii sit commixtum non ex voluntate, iudex cuique vindicanti portionem suam adjudicabit habita ratione quantitatis & bonitatis. d. §. 27.

Quid est ferruminatio vel plumbatura?

Ferruminatio est solidorum conjunctio ac quasi adiunctio non interveniente alia materia. l. 27. pr. ff. de acquir. rer. Dom. Plumbatura fit interveniente alia materia. l. 23. §. item quicumque. ff. de rei vind.

Cui cedit quod ita junctum est?

Si per ferrurationem, æstimandum est pro portione rei, vel pro pretio cujusque partis: vel si neutra res alteri sit accessioni, sua cujusque res manet. d. l. 27. §. 2. d. l. 23. §. 5. Si per plumbaturam, ad exhibendum agi poterit, ut separentur, & sic vindicentur, itaque cujusque res sua manebit. d. l. 23. §. 5.

Quomodo per fructuum perceptionem acquiritur dominium?

Is qui bona fide ac justo titulo rem possidet, fructus interim suos facit pro cultura & cura. §. 35 *Instit. eod.* quia bonæ fidei possessor interim loco domini est. C. 25. §. ff. de usur. l. 136. de reg. jur.

Quomodo per traditionem dominium acquiritur?

Hisce concurrentibus. 1. Si is, qui tradit, habeat alienandi potestatem. 2. Si sit ipse dominus vel vice domini. 3. Si is, cui traditur, dominus fieri & velit & possit. 4. Si utrimque sit animus dominium transferendi: 5. Si sit res, quæ possit dominio subijci. 6. Si sit titulus ad transferendum dominium habilis. 7. Si vacua possessio tradatur.

tradatur. §. 40. *Inst. eod. l. 31. ff. h. junct. l. 12. C. de probat. l. 13. C. de distract. pign.*

Quomodo fit traditio?

Vel vere & naturaliter de manu in manum; vel quasi, cum quid habetur pro tradito. Quasi traditio fit: 1. Brevi manu, si quis constituat sibi usumfructum in re quam alteri donavit vel vendidit. *l. quisquis 28. C. de donat.* vel cum quid venditur vel donaturei, qui rem tenet. §. 43. *Inst. eod.* 2. Per symbolum, ut cum traditur instrumentum eo animo, ut res ipsa videretur tradi. *l. 1. C. de donat.* vel si cui claves horrei, in quo merces sunt, tradantur, vel si cui præsenti res, quæ propter magnitudinem corporis moveri non potest, animo tradendi monstretur. *l. 1. §. 21. D. de acquir. possess.*

Quid, si sit dissensus circa causam traditionis?

Si tacitus, dominium transit. *l. 36. D. de acquir. rer. dom.* Si expressus, non transit. *l. 18. D. de reb. cred.*

Quibus alienare non licet. Tit. 8. Lib. 2.

Inst.

Dominium quibus per. alienari non potest.

Possuntne omnes domini res suas alienare?

Possunt regulariter: est enim dominii effectus principalis, potestas alienandi. *l. 21. C. mand.* Verum accidit nonnunquam ut, qui sunt domini, nequeant alienare, & qui non sunt, possint.

Ex quibus fit prohibitio alienandi?

Ea est vel ex conventionem, vel citra conventionem. Ex conventionem non potest plenum effectum habere prohibitio, nisi sit facta à domino in traditione rei suæ, etsi nulla fuerit causa, modo dominus expresse vel tacite jus dominii vindicandi sibi servaverit. *l. 3. C. h. de condict. ob caus. dat. l. ult. C. de pact. int. empt. & vendit.* Citra conventionem vel per legem, vel per factum hominis. Ex facto hominis, vel publici, qualis est magistratus; vel privati, uti testatori.

Quomodo per magistratum?

Si prodigo interdicatur bonis. *l. 1. ff. de curat. furios.* si debitori de fuga suspecto desiderante creditore interdicatur alienatione. *l. 8. ff. de pollicitat.* adde casus in *l. 5. ff. de petit. hared. l. 31. §. 4. D. de reb. autor. jud. possidend.*

Quomodo

Quomodo à testatore?

Cum expresse vel tacite testator verat rem alienari, addita justa causa, vel substituto designato. Si non sit causa vel substitutus, nudum præceptum est, & nullam habet efficaciam. l. 114. §. 14. D. de leg. 1. l. 38. §. Iulius. D. de legat. 3. l. 93. D. eod. l. 88. §. 15. D. de legat. 2.

Quomodo per legem?

Variis ex causis. 1. Propter personam prohibitam ;
ita furiosi , mente capti , pupilli , minores. §. *fin.* *Inst.*
h. l. 3. C. de in integr. restit. minor. & similes, nequeunt
res suas in alios transferre. Eo modo non valet donatio
inter virum & uxorem. 2. Propter alios; ita filius fami-
lias non potest distrahere bona adventitia, quoniam pa-
ter habet usumfructum. *l. ult. §. 5. C. de bon. quæ lib.*
ita Emphyteuta non vendit jus suum in scio domino.
l. 3. C. de jur. Emphyt. ita maritus fundum dotalem non
alienat. *pr. Inst. h.* 3. Propter rem ipsam ; ita res liti-
giosæ. *l. 1. §. ult. ff. de re litigios.* res ad civitatem perti-
nentes, nisi secundum formam. *l. ult. C. de vendit. rer.*
civitatis. res sacræ. l. 1. l. 6. §. 2. ff. de rer. divis. & si-
miles, prohibentur alienari.

Tit. 2. De acquirenda vel amittenda possessione. Tit. 32. Lib. 7. Cod.

Quid est possessio?

In genere accepta, est detentio rei animo eam vel
jus in eam sibi habendi.

Quomodo distinguitur?

Alia est naturalis, alia civilis. Naturalis pro subiecta materia varie accipitur: aliquando pro corporis ipsius reali detentione: aliquando est injusta: & sic civilis, quæ solo animo habetur, vel quæ iusta est.

Annon & aliter distingui potest?

Habetur affectione habendi domini vel alterius
juris: hæc improprie, illa proprie possessio est.

Quare possidentur?

Directo tantum corporales. l. 3. ff. h. tam mobiles
quam immobiles. l. 13. §. 47. ff. h. aliis possessoribus
vacuæ. d. l. 3. §. 5. Non vero (cum de dominio ac-
qui-

quirendo per possessionem agitur) sacrae, religiosae, publicae, & similes.

Quomodo acquiritur ?

Animo & corpore simul, nec tantum per nos, sed & procuratores, vel tutores. *l. 1. §. 20. ff. h.*

Quomodo retinetur ?

Vel animo & corpore simul, eoque nostro. *l. 19. §. 1. ff. l. 4. C. h.* vel animo nostro & corpore alieno. *l. 9. ff. h.* vel animo nostro solo. *d. l. 3. §. 10. & 11. ff. h.*

Itaque non possident coloni, inquilini, depositarii, non proprie usufructuarii, sed sunt in possessione nomine alterius, qui verus est possessor.

Possidetne sequester ?

Interest, qua mente apud eum res sit deposita: regulariter vero victori possidet. *l. 17. §. 1. ff. depos. l. 9. l. 32. ff. h.*

Possuntne plures eandem rem possidere ?

Diverso possunt respectu: unus iuste, alter iniuste: unus precario, alter directo. *d. l. 3. §. 5.*

Quomodo probatur possessio ?

1. Ex rei detentione actuali, animo possidendi habita. *arg. l. 3. §. 1. ff. h.* qui animus, si aliter constare non possit, demonstratur ex contestatione vel declaratione coram aliis facta, vel juramento. *arg. l. 15. ff. ad exhib.* 2. Ex cultura rei. *arg. l. 2. C. h.* licet etiam fuerit intermissa. *l. 4. C. h.* 3. Ex fructuum vel pensionum perceptione. *l. 48. ff. de solut.* licet etiam semel tantum fructus sint percepti. *argum. l. 1. §. 21. ff. de aqu. cottid. & astiv.* 4. Ex censuum & tributorum collectione. 5. Ex Investitura. 6. Ex testibus, & nonnunquam ex fama publica in antiquis.

Quis est effectus possessionis ?

1. Conventus possessor non cogitur ordinario titulum suae possessionis allegare. *l. 11. ff. de petit. hered. l. fin. ff. de rei vindic.* nec probare jus suum. *l. 16. 24. C. de probat.* 2. Dominium ex possessione videtur sequi. *arg. l. 20. C. de pact. l. 2. §. fin. ff. pro hered.* 2. Lucratur interim fructus possessor, qui in bona fide est, &c.

Quibus modis amittitur ?

Aliquando ex voluntate, animo & corpore simul. *l. 8. ff. h.* vel animo tantum. *l. 3. §. 6. ff. h.* si amissio initium

initium habeat ab animo. *arg. l. 44. ff. h. in fin.* Aliquando citra voluntatem, ut si conditio rei sit mutata. *l. 30. §. 1. 4. ff. h. si persona possessoris mutetur, ut possidere non possit.* Aliquando per factum alterius, qui possessionem in se transtulit vel per dolum vel per violentiam. *l. 3. §. 13. 18. l. 15. 47. ff. h. l. 4. §. 22. & seqq. l. 5. 15. ff. de usucap.*

• Tit. 3. De usurpationibus & usucapionibus.

Tit. 6. Lib. 2. Inst. &

Communia usucapionibus. Tit. 30. Lib. 7.

Cod. &

De usucapione transformanda, & de sublata differentia rerum Mancipi nec Mancipi. Tit. 31. Lib. 7. C.

Quid est usucapio?

Est adjectio domini per continuationem possessionis temporis lege definiti. *l. 3. ff. h.*

Quomodo distinguitur usucapio à prescriptione?

Varie, prout subiecta materia suadet. Solet usucapio ad corporalia, præscriptio ad incorporalia, vel ad ea quæ non sunt directo in domino, referri. Usucapio adjicit directum dominium, & directam actionem in rem parit. *l. 20. C. de pact.* Præscriptio dominium utile & actionem utilem in rem largitur. Denique præscriptio tantum est exceptio ex usucapione: verum hæc vocabula sæpe confunduntur.

Quæ requiruntur ut usucapio rite procedat?

1. Ut res possideatur: sine possessione enim non potest esse usucapio. *l. 25. ff. h.* 2. Ut sit res accepta bona fide. *princ. Inst. h.* 3. Ut usucapiat, qui dominus esse possit. 4. Ut res sit quæ sita ex justa causa. *d. princ.* 5. Ut sit res ad usucapiendum idonea. 6. Ut possessio ad legitimum tempus continuetur.

Qualis possessio desideratur?

Continua, non interrupta. *l. 4. §. 15. ff. h.* Continua est, siue penes eundem semper fuerit, siue sine medio possessore penes alium. *l. 20. l. 31. §. 5. ff. h. l. 2. C. de præscript. long. temp.*

Prodestne

Prodestne civilis possessio, an naturalis ?

Naturalis, quæ tantum in corporis detentione consistit, sine affectione domini habendi non prodest. *l. penult. C. de præscript. 30 annor.* sed civilis, qui animo domini habetur, licet alius sit in possessione. *arg. l. 1. C. commun. de usucap. eaque justa.*

Quid circa bonam fidem notandum ?

jure civili sufficit initio fuisse bonam fidem ; unde & successor universalis coeptam usucapionem ex bona fide à defuncto perficit, licet ipse sit in mala fide. *l. 20. § 1. ff. junct. §. penult. Inst. h. l. 2. §. 19. ff. pro emptor. & si defunctus mala fide possederit, non prodest hæredi sua bona fides. d. §. penult.* In successore singulari est continuatio temporis. *d. §. penult. in fin. & successor, si sit in bona fide, licet autor fuerit in mala, recte usucapiet, quia non succedit in universum jus : sin autem autor fuerit in bona fide, successor in mala, nihil proderit successoribus bona fides autoris. d. l. 2. §. 17. ff. pro emptor. l. 156. §. 2. 3. ff. de reg. jur.* Semper autem bona fides præsumitur. *c. fin. x. de præsumpt.*

Debetne possessor probare continuatam possessionem ?

Sufficit si extrema prober, quia ex iis præsumitur continuatio. *arg. d. l. 2. §. 18. l. 44. §. 2. ff. h.*

Quæ res possunt usucapi ?

Res mobiles & immobiles, de quibus non est aliter dispositum.

Ne rei Dominicæ vel templorum vindicatio temporis præscriptione submoveatur.

Tit. 31. Lib. 7. Cod.

Quæ res non possunt usucapi ?

1. Res fisci. *§. res fisci. Inst. h. l. 2. C. comm. usucap. l. 18. 24. in fin. D. de usurpat. & usucap.* Res vero Principis patrimoniales tantum longissimo tempore. *l. 2. 4. C. h. 2. jura magistratus, immunitas à tributis. l. 6. C. h.*
 3. Res furtivæ vel vi possessæ. *l. 4. §. 6. l. 33. ff. eod. l. 4. §. 6. & 22.* 4. Res sacræ religiosæ & sanctæ. *§. 1. Inst. l. 9. ff. eod.* 5. Res pupillorum. *l. 3. C. de præscript. 30 ann.* 6. Res meri facti. 7. Res testamento prohibita alienari. 8. Liber homo. *d. l. 9.* 9. Res ejus, qui legitime

legitime impeditur agere. *l. 1. in fin. & l. 2. C. annal. except.* Impedimento autem sublato tempora continuantur. *l. 3. l. 7. C. de præscript. 30 annor.*

Quid dicendum est de rebus minorum ?

Contra ipsos non longi, sed longissimi temporis currit præscriptio. *d. l. 3. C. de præscr. long. temp.*

An nunquam potest esse furtiva rei usucapio ?

Non potest, licet per multas manus ambulaverit; vitium enim reale semper rem comitatur, nisi sit ea re-
versa in potestatem Domini. §. 8. *Inst. eod.* tunc enim vitium purgatur.

Quod tempus desideratur ?

Non est in omnibus eadem ratio. Aliquando enim certi dies sufficiunt, ita triduum in casu. *l. 3. C. de error. advoc.* triginta dies in apocha casu. *l. 14. §. 2. C. de non numer. pecun.* Aliquando mensium, ut in redhibitoria. *l. 19. §. ult. ff. de adilit. edict. & c.*

De Annali exceptione Italici contractus tollenda, & de diversis temporibus & exceptionibus, & præscriptionibus, & interruptionibus earum. Tit. 40. Lib. 7. Cod.

Quæ est usucapio vel præscriptio unius anni ?

Tollitur anno actio injuriarum. *l. 5. C. de injur.* sive sit realis sive verbalis. *arg. d. l. 5.* similiter actio Pauliana. *l. 1. ff. de his quæ in fraudem. & similis.*

Quibus actionibus biennio præscribitur ?

Actioni de dolo. *l. fin. C. de dol. mal.* exceptioni non numeratæ pecuniæ. *l. 14. C. de non num. pec.*

Quæ res triennio usucapiuntur ?

Mobiles. *pr. Inst. de usucap. l. unic. C. de transform. usucap.*

De quadriennii præscriptione. Tit. 37.

Lib. 7. Cod.

Quarum rerum sit præscriptio quadriennio ?

Earum, quas fiscus cum alienæ essent vendidit. §. *fin. Inst. de usucap.*

Quod in hac re privilegium est fisci ?

Emptor itatim est securus, sed fiscus conveniri potest
infra

intra quadriennium, ut solvat damnum domino. *l. 2. 3. C. h.* Eodem etiam modo fiscus per idem tempus excluditur à persecutione bonorum vacantium, quæ alius legitime possidet. *l. 1. & 2. C. h.* Si autem fisco sint delatæ, 40 annis opus est. *l. 2. C. com. de usucap. junct. l. 4. C. de præscript. 30 annor.*

Quarum rerum fit quinquennio?

Querelæ inofficiosi. *l. 8. §. fin. D. de inoffic. testam. mercium, quæ inciderunt in commissum. l. 4. C. de vetigal. accusationis adulterii. l. 5. Cod. ad L. Iul. de adulter.*

De præscriptione longi temporis 10 vel 20 annorum. Tit. 33. Lib. 7. Cod.

Quarum rerum decennio?

Immobiliū inter præsentēs, qui sunt in eadem provincia. *l. 9. penult. ult. C. h. l. unic. C. de usucap. transform. etiam servitutū, siue sint continuæ siue discontinuæ. d. l. fin. l. 2. & penult. C. de servitut.*

Quarum rerum vicennio?

Rerum immobiliū vel servitutū inter absentes. *d. l. unic. & l. fin. ac eorum criminum, quibus speciale tempus non est præstitutum. l. 12. C. ad L. Corn. de fals.*

Quid, si per aliquot annos quis præsens, per aliquot absens fuerit?

Adjici supra decennium debent tot anni, quot absens fuit. *Nov. 119. c. 8. & auth. quod si C. h.*

In quibus causis cessat longi temporis præscriptio. Tit. 34. Lib. 7. Cod.

In quibus causis locum habet longi temporis præscriptio?

Tantum in actionibus in rem. *l. 3. C. h.* In personalibus vel mixtis, qualis est petitio hæreditatis. *l. 7. C. de petit. hæred. familiæ erciscundæ. l. 3. C. h. finium regundorum. l. fin. C. fin. regund. requiruntur 30 anni.*

Quid, si quis rem hæreditariam emerit?

Quia vindicatione tenetur, ei proderit præscriptio longi temporis, hoc est, 10 vel 20 annor.

Quibus

Quibus non obijcitur longi temporis præscriptio. Tit. 35. Lib. 7. Cod.

Annon & aliis casibus cessat longi temporis præscriptio?

Minoribus non nocet. l. 3. C. h. uti nec militibus in expeditione occupatis, vel reipublicæ causa, aut alia justa ratione absentibus. l. 2. 4. fin. C. h. uti nec nocet si malæ fidei possessor alienaverit domino ignorante. Nov. 119. c. 7.

Si adversus creditorem præscriptio opponatur. Tit. 36. Lib. 7. Cod.

Potestne præscriptio longi temporis opponi adversus creditorem agentem hypothecaria?

Potest, si vel extraneus bona fide emerit à debitore. l. 1. 2. C. h. (non si mala. l. 7. C. de præscript. 30 vel 40 annor.) vel ipse debitor aut ejus heres possideat. d. l. 7.

Quid, si paulo ante finem usucapionis contra debitorem inchoata, res fuerit pignorerata?

Non computabitur adversus creditorem præscriptio ex tempore inchoatæ usucapionis, sed factæ pignorationis. l. 44. §. 5. D. de usucap. l. 7. C. de pignor. l. 1. §. 2. D. eod.

At videtur obstare l. ult. C. de oblig.

Nequaquam; quia verba (si non longi temporis præscriptione munitus) explicanda sunt, de præscriptione adversus ipsum creditorem à die oppignorationis.

Quanto tempore posterior creditor præscribit contra priorem?

Tricennio post mortem debitoris, vel ipso vivo quadraginta annis. d. l. 7. C. de 30 vel 40.

De præscriptione 30 vel 40 annorum.

Tit. 39. Lib. 7. Cod.

Estne præscriptio alia?

Regulariter actionum personalium & mixtarum, quæ breviori tempore non concluduntur, est præscriptio 30 annorum. l. 1. §. C. h.

Annon

Annon & 40 annorum ?

Sunt variae ; ut si agatur hypothecaria contra ipsum debitorem vel heredem ejus. *l. 7. C. h. si servus malae fidei in possessione libertatis fuerit , & is vindicetur in servitutem. l. 4. C. h. si de actionibus personalibus lis si contestata. l. ult. C. h. adde casum l. ult. C. de fund. patrimonial.*

Quid , si obligatio ex die sit contracta vel sub conditione ?

Non currit tempus ante diem ; quia agi non potest. *d. l. 7. §. 1. & 4. C. h.*

Habetne praescriptio 30 vel 40 annorum locum adversus omnes ?

Habet locum adversus foeminas, absentes, milites, minores, sine ulla spe restituendi, sed non contra pupillos. *d. l. 3. C. h.*

Quid , si res precario possideatur, vel aliter alieno nomine ?

Nulla allegari potest praescriptio ; quia cum nemo causam possessionis suae potest mutare. *l. 2. l. 7. §. fin. C. h. non potest eum ; qui sibi non possidet dominium, ex usucapione sequi.*

Tit. 4. Pro emptore. Tit. 26. Lib. 7. Cod.

Qui sunt proprie Tituli , qui pariunt usucapionem ?

Habiles ad transferendum dominium : inter quos & referri potest transactio. *l. 8. C. h. l. 29. D. de usucap. si res sit accepta, si retenta. arg. l. 33. §. 1. D. eod. maxime vero eminet causa pro emptore, cum quis bona fide à non domino emit. l. 2. D. h.*

Quid circa titulos in genere observandum ?

Qui titulo nullo rem habet, non videtur esse in bona fide. *l. ult. C. unde vi. & error circa titulum , qui non habet probabilem causam , usucapionis causam turbat. §. error. Inst. l. 27. C. de usucap. junct. l. 2. §. 2. l. 11. D. h.*

Estne quid singulare in titulo pro emptore ?

Bona fides requiritur non tantum tempore contractus, sed & traditionis. *d. l. 2. in fin. pr. D. h.*

Tit. 5. Pro hærede, & pro possessore.

Tit. 29. Lib. 7. Cod.

Quis est titulus pro hærede vel pro possessore?

Duplici modo, vel cum quis possidet hæreditatem tanquam hæres, vel cum defunctus titulum habuit, ac is titulus continuatur. Si autem res aliena sit in hæreditate inventa, non potest præscribi. *l. fin. C. h.*

Quid, si civitas mala fide possederit, & alii cives, qui in bona fide sunt, postea successerint?

Non poterit res usucapi. *arg. l. 76. D. de judic. vers. nam legionem.* nisi rerum domini postea justam causam ambigendi civibus successoribus dederint.

Tit. 6. Pro donato. Tit. 27. Lib. 7. Cod.

Quis est pro donato?

Cum res donatas & traditas à non domino, qui putabatur esse dominus, quis possidet. *l. 1. D. h.*

Tit. 7. Pro derelicto.

Quis est titulus pro derelicto?

Cum non dominus rem pro derelicto habuit, & eandem quis tanquam pro derelicto habitam possidet. *l. 1. D. h.*

Tit. 8. Pro legato.

Quis est titulus pro legato?

Cum quis rem sibi legatam ab eo, qui putabatur esse dominus, possidet. *l. 1. D. h.*

Quid, si quis putaret rem sibi esse legatam, non tamen esset legata?

Nihil ei id proderit ad usucapionem pro legato. *l. 2. D. h.*

Tit. 9. Pro dote.

Quis est pro dote?

Cum quis rem aliquam in dotem à non domino accepit. *l. 1. D. h.*

Suntne & alii speciales tituli?

Sunt, ex solutione, & similes.

Tit. 10.

Tit. 10. Pro suo.

Quis est titulus pro suo ?

Pro suo possidet ex omnibus causis per quas dominium directo acquiritur : estque generalis titulus , qui cum aliis concurrat. *l. 1. 3. & 4. 5. D. h.*

Quid, si quis erret in jure ?

Errans nunquam usucapiet, sed recte is, qui aberrante habet. *l. 2. §. 15. D. pro empt. junct. §. 5. Inst. de usucap.*

Quis est effectus usucapionis ?

Adjicit verum dominium. *l. 3. D. eod. l. 20. C. de pact.*

Quibus modis interrumpitur usucapio ?

Vel naturaliter , cum quis dejicitur de possessione. *l. 4. §. 22. & seqq. D. eod.* aut eam voluntario dimittit. *l. 30. §. 4. D. de acquir. possess.* vel civiliter per citationem & litis contestationem. *l. 10. C. eod. l. 7. C. de præscript. 30 annor. Nov. 112. c. 1.*

*Interruptio præscriptionis contra fidejussorem facta,
an nocet reo ?*

Nequaquam , quia causa principaliter ad reum spectat. Pariter , si interrupta sit contra reum , non nocet fidejussori.

P A N D E C T A R U M

L I B E R XLII.

De Officio judicis. Tit. 17. Lib. 4. Inst.

Quod est officium judicis in causis dirimendis ?

Judicare ut legibus & moribus est proditum. *pr. Inst. h.* Majorem conscientiam, quam falso probatorum habere rationem. *l. 6. §. 1. D. de offic. præsid. & sequi regulam præscriptam in l. 19. D. eod.*

Quomodo distinguitur ?

Est vel mercenarium , vel nobile. Mercenarium in-

servit actionibus ; cuius exempla sunt in §. 1. & seqq. *Inst. h.* Nobile est , cum iusta motus æquitate iudex quid statuit , licet nullus petat , cum actio directo non est in eam rem prodita. vid. *l. 48. D. de rei vind. l. 11. D. de noxal. action. l. 38. l. ultim. D. de petit. hered.*

De Ordine cognitionum. Tit. 19. Lib. 7.

Cod.

De Ordine judiciorum. Tit. 8. Lib. 3.

Cod.

Quis ordo servari debet in causis cognoscendis ?

Sunt varix hic regulæ observandæ. 1. Major causa minorem quæstionem ad se trahit : unde quæstio prius de tota hæreditate , quam de parte , vel de re aliqua singulari. *l. 7. D. de petit. hered.* ac prius de proprietate fundi , quam servitute est finienda. *l. 16. 18. D. except.* 2. Quæstio status prius determinanda , quam bonorum. *l. 12. C. de ord. judic.* quod in omnibus præjudicialibus recipiendum est. Licet autem quæstio status non possit agitari coram eo iudice , coram quo de bonis disceptatur , si ea sola sit ventilanda , tamen , cum incidit in quæstionem bonorum , à quolibet iudice etiam delegato potest examinari. *l. 3. C. de judiciis.* ita tamen , ut non expresse feratur ea de re sententia , sed tantum per consequentiam ea definiaur per determinationem principalis controversiæ. *arg. l. 2. C. de ord. jud.* 3. Prius momenti sive possessionis quam proprietatis causa est cognoscenda. *l. 37. D. de jud. l. 3. C. fin. reg.* non simul , nisi qua unum iudicium ex altero sequatur , & unum alteri conjunctum est.

Quando civilis actio criminali præjudicet ,
& an utraque ab eodem exerceri possit.

Tit. 31. Lib. 9. Cod.

Quid , si concurrat actio civilis cum criminali ?

Si per civilem plus periculi sit in dilatione , quam per criminalem , civilis erit præferenda ; ut , si agatur de possessione recuperanda interdicto unde vi , potest prius civiliter de possessione agi. *l. 1. C. de appellat. l. 7. C. ad L. lul. de vi.* dum enim ageretur de criminali,

nali, privaretur dominus interim commodo possessionis, & periculum esset, ne interim partes venirent ad manus aut arma.

At contrarium videtur statui in l. 5. §. 1. D. ad L. Iul. de vi publ. & in l. 37. D. de judic.

Legibus allegatis non agitur tam de interdicto ac possessione, quam proprietate, quæ & possessio appellatur. l. 78. D. de verb. sign. Quin & hoc verum est, quod relinquendum sit arbitrio iudicis, ut pro re nata æstimet, quæ causa sit urgentior, & in qua sit plus periculi, ut aliquando civilem, aliquando criminalem præponat, aliquando de utraque simul pronunciet. arg. l. penult. C. de ord. cognit. l. quoniam. C. ad l. Iul. de adult. l. 8. C. ad L. Fab. de plagiar.

Potestne & causa civilis criminalem tollere, vel contra?

Privata civilis pœnalis criminalem privatam, sed non rei persecutoria criminalem, nec etiam rei persecutoria vel privata & civiliter pœnalis publicam tollit. l. unic. C. h. l. 16. C. de fals. l. 23. §. 9. D. ad L. Aquil.

At videtur contrarium statui in l. 4. D. de publ. jud.

Præjudicium in d. l. 4. significat præcedens iudicium, ex quo præscribitur methodus, quid in sequenti iudicio statuendum sit, non quod posterius tollatur.

Tit. 1. De re judicata, & de effectu sententiarum, & de interlocutionibus. Tit. 52.

Lib. 7. Cod. &

De sententiis & interlocutionibus omnium iudicum. Tit. 45. Lib. 7. Cod.

Quid est res judicata? est effectus sententie

Quæ finem controversiarum pronuntiatione iudicis accipit, quod vel contingit condemnatione vel absolutione. l. 1. D. h.

Quomodo distinguitur à sententia?

Aliquando est idem, quod sententia. l. 7. D. de trans-

est. Aliquando est ea sententia quæ nullam deinde potest pati controversiam, cum tempus provocationis sit elapsum. *l. 1. C. h. l. 32. C. de transact.*

Quid, si post rem judicatam nova instrumenta fuerint reperta?

Vix restaurabitur res judicata. *l. 4. C. h. l. 27. in fin. de except. rei jud.* nisi constet, ex falsis testimoniis vel instrumentis priorem sententiam esse latam. *l. penult. C. de transact. l. 33. D. h.* vel justam quis possit allegare causam, ob quam denuo audiri debeat. *arg. l. 2. l. 1. & 20. D. de except. rei jud.*

Quid ergo est sententia?

Est pronunciatio judicis, qua controversia definitur.

Quomodo distinguitur?

Est vel definitiva, quæ finem controversiæ principali imponit; vel interlocutoria, cum de incidenti aliquo articulo fertur. *l. 3. C. h. l. 1. D. de re jud.*

Potestne de una parte sententia dici?

Id fieri potest, cum varia sunt litis capita. *l. 15. C. h.*

Quæ forma est servanda in sententiis ferendis?

Non aliter ferendæ sunt, quam lite contestata, probationibus omnibus auditis, & conclusione à partibus facta. Nec potest sententia dici nisi de rebus in judicium deductis. *l. 18. D. comm. divid.*

Requiturne præcise, ut condemnatio vel absolutio fiat?

Omnino *l. 1. 3. 4. D. h. l. 21. D. de recept. arbitr.* Nec obstat, quod non sint opposita verba; *condemno* vel *absolvo*: sufficit enim vim eorum expressisse. *arg. 27. 59. D. h.* Potest & in eadem sententia esse condemnatio & absolutio secundum varios articulos.

Quo loco debet judex dicere sententiam?

Quo more majorum jus solet reddi. *l. 11. D. de just. & jur. l. 6. C. de sentent.* & jure Canonico requiritur, ut judices sedeant. *cap. ult. de sentent. in 6.*

Si à non competente judice judicatum esse dicatur. *Tit. 48. Lib. 7. Cod.*

Valetne sententia ab incompetente judice lata?

Nullius est momenti. *l. ult. C. h.* ut si judex militaris

ri de negotio civili. l. 2. C. h. vel de proprietate, qui datus est ad quæstionem possessionis, pronunciaverit. l. 3. C. h. vel judicaverit supra modum jurisdictionis in summa. l. 1. C. h. l. fin. D. de jurisd. quo casu nec ad concurrentem summam sententia valet, quia forma non est servata.

Quid, si existimaretur esse competens, cum non esset, annon erunt rata, quæ coram illo sunt gesta?

l. 25 offic. Prætoris

Siquidem fuerit ipsi data potestas ab eo, qui potestatem dandi habebat, sed propter qualitatem personæ non poterat esse iudex, rata erunt. l. 3. D. de offic. prætor. secus, si potestatem illam non sit consecutus a superiori. l. fin. D. de jurisd.

Quid, si plures judicare sint jussi?

Omnes pronunciabunt, alioquin si unus absit, sententia nullius erit momenti. Sequi autem oportet, si omnes sint præsentēs, pluralitatem suffragiorum: nec unus contradictione sua potest impedire, licet juraverit sibi non liquere. l. 36. 37. 39. D. de re jud. l. 27. §. 3. D. de recept. arbitr.

De Sententiis præfecti prætorio. Tit. 42.

Lib. 7. Cod.

Estne quid singulare in sententiis præfectorum prætorio?

His, cum vice principis jurisdictionem exerceant in causis judicandis, data est prærogativa, ut nequeat ab ipsis appellari, sed revisio peti possit inter biennium à sententia lata. l. unic. C. h. Restitutio adversus eorum sententias peti nequit, nisi coram illis ipsis, vel principe. l. unic. D. de offic. præf. prætor.

Quæ differentia est inter revisionem & appellationem?

In revisione non admittuntur novæ allegationes vel probationes, & permittitur executio sub cautione, modo proposita sit intra decennium, vel alias sine cautione. Nov. 119. c. 5. auth. quæ supplicatio. C. de precib. imperat. offer. Deinde revisio non admittitur secundo. l. 5. C. eod. quæ omnia in appellatione sunt diversa.

Prætor ab hoc declinat.

Qui secundum nostros mores in hisce causis assimilantur præfectis prætorio?

Summus Senatus, qui iuridicundo à Principe suo loco præfectus est: qualis est Suprema Curia.

De sententia, quæ sine certa quantitate
profertur. Tit. 46. Lib. 7. Cod.

Valetne sententia sine certa quantitate?

Nequaquam. §. 32. *Inst. de action. l. 3. C. h.* nisi ju-
dex ad summam alibi expressam se retulerit. *arg. d. l. 3.*
l. 59. §. 1. D. de re Iudic.

*Quid, si sub conditione quid sit injunctum per sen-
tentiam?*

Valebit. *l. 1. §. 5. D. quand. appell. modo ex ea sen-
tentia non oriatur nimia incertitudo. argum. d. §. 5.*

*An ergo semper exprimenda sunt omnia & singu-
laria?*

Idem Sufficit in universalibus judiciis in genere universita-
tem adjudicare, licet res singulæ non sint specialiter
expressæ: eodem modo & in generalibus non obest
generalitas; uti si condemnetur quis ad rationes red-
dendas, gregem restituendum: etiam in particularibus,
si quid alternative petatur, vel ad factum agatur: vel
cum certa est sententia dicta in principali, poterit in ac-
cessoriis, uti fructibus, usuris, & eo quod interest, in
genere ferri sententia.

De Sententiis, quæ pro eo quod interest
proferuntur. Tit. 47. Lib. 7. Cod.

*Quomodo sententia ferri debet, cum de eo quod in-
terest taxando disputatum est?*

In hac re decisio est notabilis in *l. unic. C. h.* Si sint
casus certi, duplum iudex excedere non potest. Si in-
certi, in tantum, quantum religioni iudicis conveniens
videtur, fiet condemnatio.

Qui sunt casus certi?

Qui habent certam quantitatem vel naturam. *d. l.*
unic. quales sunt in contractibus, ex quibus id, quod in
obligationem deductum est, certam æstimationem re-
cipit; ut sunt venditiones, locationes, permutationes,
& similes.

Quid hoc est, Iudex non potest excedere duplum?

Iudex non potest nomine ejus quod interest con-
demnare ultra duplum, cui simplum inest: simplum
autem est, res ipsa de qua litigatur ejusque vera æstima-
tio.

Quod

Quod pretium spectatur?

Non quod datum vel promissum est, sed pretium ejus temporis, quo interesse æstimari debet.

Quid, si juramento in litem sit æstimandum id quod interest ob dolum?

Non pertinet ad d. l. unic. In infinitum enim jurare licet, affectionis habetur ratio, l. 68. D. de rei vindic. qd specialis est p[ro]p[ri]e in l. 92 d[icitu]r juramentum in lit.

Quid dicendum est de pœnis?

In pœnis ex maleficiis non procedit regula. l. unic. quia in d. l. unic. contractuum tantum fit mentio. fac l. 67. §. 1. D. de furt. Pœnas autem conventionales ab hac regula non excipimus. arg. l. 44. D. de usur. junct. §. fin. Inst. de Verb. Oblig.

Qui sunt casus incerti?

Qui incertam habent æstimationem, quantitatem, vel naturam, uti est obligatio ad factum. l. 13. §. 1. D. de re judic. l. 72. in fin. D. de Verb. Oblig. d. §. fin. Inst. eod. pariter & quæstio de possessione rei alicujus. l. 1. §. 31. 40. D. de vi & vi arm. emptio jactus retis. *est facti.* l. 12. D. de act. empt.

Quomodo æstimatur id quod interest?

Et damni & lucri habetur ratio. l. 13. D. rem. rat. hab. l. un. C. h. nisi injustum sit lucrum. l. 71. §. ult. D. de furt. Fietque æstimatio utilitatis secundum communem rerum functionem. l. 63. D. ad L. Falcid. eamque quæ circa res ipsas est. l. 21. §. 3. D. de act. empt. cum alias in actione de eo quod certo loco, etiam extrinsecum lucrum spectetur. l. 2. §. pen. & ult. D. de eo quod cert. loc.

Quomodo solet distingui à DD. id quod interest?

Est aliud conventum, quod est pœna. d. §. fin. Inst. de Verb. Obl. Aliud singulare, quod est affectionis, cujus non habetur ratio, nisi ut actio detur. l. 35. D. de minor. l. 36. D. de bon. libert. vel cum juratur in litem. l. 68. D. de rei vindic. Aliud commune, quod revera est id, de quo hoc loco agitur.

De Fructibus & litium expensis. Tit. 51.
Lib. 7. Cod.

*Annon & judex debet condemnare victum in
expensas ?*

Omnino. Nov. 82. c. 10. auth. post jusjurand. C. de
judic. l. 79. D. eod. §. 1. in fin. Inst. de pæn. tem. litig.
Idem etiam admittendum est in criminalibus. arg. l.
ult. C. h.

An nunquam victor potest condemnari in expensas ?

Id fieri potest cum per eremodiciū est condemna-
tus, quia litem deseruit. l. 13. §. 2. C. de judic.

Debetne precise fieri condemnatio in expensas ?

Possunt & compensari impensæ, si iusta utrimque
fuerit litigandi causa.

Quid, si non sint petita impensa ?

Æque potest judex in eas condemnare. arg. l. 42.
D. de re jud. Si judex nihil pronunciaverit de iis, postea
novo iudicio peti non possunt. l. 3. C. h.

Quæ proprie sunt expensæ litis ?

Necessariæ. Nov. 82. c. 7. quibus etiam accenseri
possunt consilia Doctorum.

Potestne advocatus petere expensas in propria causa ?

Non recte, sed sub nomine damni ipsi quid est tri-
buendum; potuisset enim interim aliis rebus vacare.

Annon & aliorum debet judex habere rationem ?

Fructuum, aliarumque accessionum. l. 1. C. h. l. 35.
§. 1. D. de re jud. l. 7. 2. C. h.

Quid, si non sint petiti ?

De illis, qui percepti sunt ante litem inchoatam, non
cognoscit judex nisi rogatus. l. 25. §. 8. D. de adilit.
edict. Præterquam in petitione hæreditatis. l. 40. §. 1.
& 2. D. de petit. hered. De iis autem, qui post litem
inchoatam percepti sunt, recte sententiam fert. l. 10. D.
de usur.

Quomo-

Quomodo & quando iudex sententiam proferre debeat præsentibus partibus, vel una parte absente. Tit. 47.

Lib. 7. Cod.

Potestne iudex absentibus & non vocatis partibus sententiam dicere ?

Nequaquam ; sunt enim ad eam audiendam partes citandæ. l. 47. D. de re judic. l. 7. C. h. Cum autem præsentibus partibus lis est inchoata, & contra absentem pronunciatum, poterit absens non contumax appellare. l. fin. C. h. alias sententia ibit in rem judicatam. arg. d. l. fin.

Quid, si per contumaciam quis absit ?

Non tantum recte sententia est lata, verum etiam non admittetur appellatio. l. 53. D. de re judic. l. 23. §. fin. D. de appellat.

Debetne necessario iudex contra contumacem pronunciare ?

Siquidem ex actis appareat, eum justam fovere causam, poterit absolvi, vel adversarius condemnari. l. 1. C. h.

At obstare videtur d. l. 53. D. de re judic.

Contumax damno litis est mulctandus. d. l. 53. l. ult. §. 1. D. de appellat. nisi adversarii sit injusta causa : & deinde loquitur d. l. 53. proprie de eo, qui ius dicenti non obtemperavit, hoc est, extremum, quod in jurisdictione est, non fecit.

Quomodo quis dicitur proprie contumax ?

Si evocatus tribus edictis, vel uno peremptorio non comparuerit. d. l. 53. §. 1. l. 9. C. h.

Annon sunt casus, quibus quis à contumacia potest excusari ?

Sunt varii: uti adversa valetudo, necessaria absentia. l. 10. C. h. d. l. 53. §. 1. minor ætas. l. 6. C. h. ignoratio edicti peremptorii. l. 1. §. penult. D. que sentent. fin. appell. si sententia sit lata die feriato, vel insolito loco. l. 4. §. C. h.

Quid, si absens reversus cognoverit se condemnatum ?

Debet illico conqueri, & petere iudicium reintegrari ; alias nec appellatio nec restitutio in integrum institui poterit. l. 3. C. h.

Si

Si actor contumaciter absit, quid juris?

Absolvitur reus ab instantia, nec aliter actor auditur, quam refutis expensis & facta satisfactione iudicio fisci, nisi reus malit litem peragere. *auth. qui semel. C. h.* Si reus sit contumax, mittitur actor ante litem contestatam, si res exigat, in possessionem bonorum rei iuxta debiti quantitatem. *l. 8. C. h. Nov. 53.*

De Sententiis ex breviculo recitandis.

Tit. 44. Lib. 7. Cod.

Quae forma est servanda in sententia recitanda?

Sententia scribenda, & relata in breviculum sive compendium, recitanda est coram partibus. *l. 1. 2. 3. h.* nisi lites sint viles. *author. nisi. C. h.* Magistratus quoque illustres non tenentur ex scripto vel ipsimet recitare. *d. l. 2.*

Sententiam rescindi non posse. Tit. 50.

Lib. 7. Cod.

42927 *Quaestio.* *Potestne sententia postea mutari?*

Nec suam, nec decessoris sententiam licet corrigere vel retractare. *l. 1. C. h. l. 55. D. de re judic.* ne quidem sub praetextu exceptionis peremptoriae omissae. *l. 2. C. h.* licet & iudex profiteatur se sententiam tulisse contra conscientiam.

Quid juris in interlocutoria?

Potest re integra & parte citata, si de ejus praesudicio agatur, revocari. *l. 14. D. de re jud.*

Quid, si ipso jure sententia sit nulla?

Non opus est rescissione, & condemnationis verbum non tenet. *l. 4. §. 6. D. de re judic.* quapropter idem iudex causam ex integro cognoscet. *l. 59. §. fin. D. eod.*

An ex iisdem actis potest denuo sententia ferri?

Recte, si vitium sit in forma sententiae ferendae, non si vitium respiciat merita & ius ordinarium causae.

An ergo potest iudex eam interpretari?

Non est dubium. *l. 46. D. de re judic. l. 4. §. 1. D. de appellat.* Qui enim interpretatur, proprie nihil immutat.

Quid,

Quid, si semel sit interpretatus?

Postea id non potest corrigere. d. l. 55. D. de re
judic. *per hanc partem sententia non mutatur.*

De poena judicis, qui male judicavit, vel
ejus qui judicem vel adversarium
corrumpere curavit. Tit. 49.

Lib. 7. Cod.

*L. 12 § 199 C. d.
L. 10 § 199 C. d.*

Quid, si judex male judicaverit?

Si directo contra leges, sententia ipso jure est nulla.
L. 2. C. quand. provoc. non est necess. alias quidem valet,
propter autoritatem judicii l. 65. §. 2. D. ad Trebell.
ita tamen, ut judex litem suam faciat. l. ult. D. de
extraord. cognit. & si pretio vel gratia sit corruptus, fit
infamis: ac propter dolum nullius momenti est sen-
tentia. l. 7. C. quando prov. non est nec. & jure novo
tripulum pecuniæ quam accepit, duplum ejus quæ ei
promissa est, fisco præstat, dignitate amissa, & si cri-
minalis sit causa, confiscatis omnibus bonis exulare
jubetur. Nov. 144. c. 2.

Quid præstat is qui corrumpit judicem?

Amittit causam, nisi seipsum detulerit, & judicem
esse corruptum probaverit. l. 1. & auth. seq. C. h.

Comminationes, epistolas, programmata,
subscriptiones, autoritatem rei non
habere. Tit. 57. Lib. 7. Cod.

*Habentne vim rei judicata comminationes, epi-
stola, programmata, subscriptiones?*

Nequaquam. l. 1. 2. 3. 4. 5. 6. 7. C. h. partium
enim allegationes audiri & examinari debent. Nec
fas est definiri temere, quod magnam deliberationem
requirit. l. 5. fin. C. h.

Si ex falsis instrumentis vel testimoniis judicatum sit. Tit. 58. Lib. 7. Cod.

Quid, si ex falsis instrumentis vel testimoniis sententia sit lata?

Non habebit effectum sententia, at restitutio in integrum potest peti. l. 33. D. de re judic. atque ea ratione sententia non tenet. l. 1. & seqq. C. h.

Quae debent ad hanc rem probari?

1. Quod falsa sint instrumenta. d. l. 33. 2. Quod in priori judicio nulla ea de re sit habita cognitio. l. 1. C. h. 3. Quod iudex motus fuerit per falsa instrumenta aut testimonia ad sententiam ita dicendam. l. 3. C. h.

Annon interim suspendenda est executio?

Omnino. l. 4. C. h. modo crimen falsi fuerit illatum. d. l. fin.

De Executione rei judicatae. Tit. 53.
Lib. 7. Cod.

Quando sententia est executioni mandanda?

Cum transit in rem judicatam, cum condemnatus passus est tempus appellandi expirare, vel renunciavit appellationi sive terminum solutioni petiit.

A quo facienda est executio?

Ab eo, qui jurisdictionem habet. arg. l. 4. D. de jurisdict.

Quid, si res, in quam executio facienda est, sita sit in alieno territorio?

Potest iudex ejus loci rogari, ut sententiam exequatur. l. 15. §. 1. D. de re judic.

Quis ordo servatur in executione?

Sive in rem sive in personam mota sit actio, fit executio in res, ad quas condemnatio est facta, si haberi possint: si haberi non possint, in aestimationem earum, pignoribus captis. l. 7. C. h. & quidem primo in pecuniam numeratam. l. 15. & fin. D. de re judic. si illa non sit, in res mobiles, si nec illae sint nec sufficiant, in res immobiles, post illas in nomina. d. l. 15.

§. 2.

§. 2. Si nomina capiantur, satis est denunciationem fieri debitori, ne creditori suo solvat. Executioni autem non sunt subiecta militum stipendia, nisi res aliæ nullæ inveniantur. l. 4. C. h.

Quid, si pignoribus captis nullus inveniantur emptor eorum?

Possunt ipsa pignora in solutum à debitore dari. Nov. 4. c. 3. Si ex fraude debitoris fuerit factum ut non inveniretur emptor, fiet missio in bona. l. 3. C. h.

Habetne executio semper effectum in solidum?

Sunt nonnulli, qui non in ulterius tenentur, quam facere possunt; ut Parentes, Patroni, Socii, (si contra eos ex causis societatis agatur) Donatores, Maritus, & similes. l. 16. & seqq. D. de re jud. l. 15. §. ult. l. 26. l. 17. D. solut. matrim. *habent solam actionem in re, non in personis, & non aliter*

Inter alios acta vel iudicata aliis non nocere. *quid dicitur in re iudicata, & non aliter*

Tit. 60. Lib. 7. Cod. Et,
Quibus res iudicata non nocet. Tit. 56.
Lib. 7. Cod.

Soletne res inter alios acta aliis præjudicare?

Non solet. l. 2. C. quib. res judic. licet etiam egerint conjuncti vel consortes, qui mandatum non habent. l. 1. 3. C. eod. l. 7. C. de reb. cred. licet & quis sciverit aliunde causam agi. l. 2. C. h. l. 63. D. de re judic.

Sed annon scienti solet esse præjudicium?

Non, nisi is, cui primæ defendendi partes sunt, patiatur secundum agere vel defendere. d. l. 63. vel nisi jus ejus, qui non egit, pendeat à jure ejus, qui egit. l. 8. §. penult. D. de inoffic. l. 3. D. de pign.

De Usuris rei iudicatæ. Tit. 54.
Lib. 7. Cod.

Quæ usura in causis iudicatis solent præstari?

Post quadrimestres inducias, quæ condemnatis in actione personali dantur à die sententiæ. l. 2. l. ult. in fine C. h. centesimæ ex sorte præstandæ sunt: *ex reali nihil datur, sed ab actore, nisi datus non fuerit, & non postea datur, sed ex officio iudicis*

non ex usuris, licet ante iudicium cesserint. *l. 1. 2. 3. C. h.*

Si plures una sententia sint condemnati.

Tit. 55. Lib. 7. Cod.

Quid, si plures una sententia condemnentur, debentne singuli teneri in solidum, & in singulos potest fieri executio?

Non in solidum, sed pro virili parte, etiamsi omnes condemnati sint ad certam quantitatem. *l. 1. 2. C. h. l. 43. D. de re judic.* quamvis cæteri non sint solvendo. *d. l. 2.* ac singuli ante condemnationem fuerint in solidum obligati. *arg. d. l. 2.* nisi in sententia expressum sit, singulos condemnari in solidum; vel sit additum, supplendum esse à cæteris, si unus non sit solvendo. *l. 1. C. h.* vel nisi sit res talis, quæ non possit pro parte præstari. *l. 2. §. 1. & 2. D. de Verb. Oblig. l. 192. pr. D. de Reg. Iur. l. 17. D. de servit. l. ult. D. de servit. legat. junct. l. 65. D. de evict.* vel nisi non ut singuli, sed ut universi sint iudicati. *l. 4. §. 2. D. de re judic.* vel nisi plures unius delicti nomine sint condemnati. *arg. l. 11. §. 2. D. ad L. Aquil.*

Tit. 2. De Confessis. Tit. 59. Lib. 7. Cod.

Quid, si quis confessus sit in iure?

Habetur pro iudicato. *l. unic. C. h.* & eadem tempora ei tribuuntur, quæ condemnatis, per *l. 21. D. de jud. & 31. D. de judic.*

Quis debet confiteri, ut confessus habeatur pro iudicato?

Quisque in sua causa: confessio enim alterius alteri non præiudicat. *l. 11. §. 1. D. de interrog. in jun. faciend. l. un. C. h.*

Quando vera dicitur quis confessus, ut pro iudicato habeatur?

1. Si sit facta confessio coram iudice, eoque competente. *l. unic. C. h. l. 4. extr. de judic.* extrajudicialis enim vere non probat. *l. unic. C. l. 6. §. 3. D. h.* nisi parte præsentem facta legitime possit probari. *l. 25. in fin. de probat. l. 13. C. de non num. pec. l. 18. C. de testib.*

2. Si

2. Si confessio sit certa, & facta ex causa certa. *d. l. 6. in princ. D. h.* 3. Si confiteatur is, qui potest obligari, & qui non errat. *l. 2. D. de jur. & fact. ignor.*

Annon peti potest in integrum restitutio?

Aliquando id necesse est; uti si impubes ex auctoritate tutoris, vel minor quid sit confessus. *d. l. 6.*

§. 5.

Quid, si Procurator sit confessus absente domino?

Si id ei non sit specialiter mandatum, non nocebit domino, quod & in advocato procedit. *d. l. 6. §. 4.* nisi necessitas ei respondendi fuerit imposita. *leg. 25.*

§. 1. D. ad L. Aquil. Procurator vero sine mandato confessus sibi præjudicat. *l. 9. §. 4. D. de interrog.*

— Nocetne & in criminalibus sola confessio?

Siquidem nulla sit alia probatio, confessiones reorum pro exploratis facinoribus non habentur. *l. 1. §. 17. & fin. D. de quest.*

Quid, si quis confessus sit partem ejus quod objectum est, & non fuerit acceptatio facta?

Aut sunt distincta capitula, super quibus confessio est facta. hoc casu licet partem rejicere. *arg. l. 5. D. de legat. 2. l. 10. D. de usu & usufr.* Aut est idem actus, cujus pars tantum acceptatur. hoc casu locum habet regula: pro parte non potest probari, pro parte reprobari. *arg. l. 4. D. de legat. 2. l. 38. de legat.*

Potestne confessio coram judice semel recte facta revocari?

Non potest: magis itaque, si geminata fuerit, nisi error fuerit commissus.

Quid, si geminata sit extrajudicialis?

Non nocebit, si parte absente sit facta. Nec contrarium est in *l. 22. C. ad S. Consult. Vellejan.* quia ibi agitur de amissione singularis privilegii: uti nec in *l. 3. C. de plus petit.* cum ibi non tractetur de confessione secunda quæ sit parte absente, sed cautione secunda præsentis tradita.

Debetne post confessionem sententia ferri?

Non est necesse ad certitudinem causæ de qua judicandum est. *l. 25. §. 2. D. ad L. Aquil. l. 1. D. de confess. l. 56. D. de re judic.* sed ad executionem judicati.

Quid,

*Quid, si quis sit confessus in articulo
mortis?*

In præjudicium aliorum talis declaratio nihil operatur, tam in civilibus. *l. 6. C. de testam.* quam in criminalibus. *l. 3. D. ad SConsult. Syllanian.* Secus quoad hæredes, si testator dicat sibi solum esse. *l. 1. & 4. C. de fals. caus. adject.* vel si aliquem liberet à crimine. *l. 2. D. SConsult. Syllan.*

Quid, si testator confessus sit se debere?

Si hæredes probare possint, nullam esse causam debiti, audiendi sunt. *l. 93. §. 1. D. de legat. 3.* & quidem id non erit nullius momenti, quia tanquam fidei commissum, non vero ut debitum, exigetur. *l. 28. §. ult. D. de liberat. legat.*

Tit. 3. De cessione bonorum. Tit. 71.

Lib. 7. Cod.

*Quod tandem remedium dabitur debitoribus,
si omnibus, quibus debent, non possint
satisfacere?*

Est miserabile beneficium cessionis, per quod debitores hæc consequuntur. 1. Ne detrudantur in carcerem. *l. 1. C. h.* 2. Si pervenerint ad pinguiorem fortunam, ne teneantur in solidum, sed quantum facere possunt. *§. fin. Inst. de action. l. 6. 7. D. h.* 3. Ne fiant infames. l. 1. C. h.

Quibus est permixtum bonis cedere?

Quibuslibet, siue sint filii familias siue patres. *f. l. 7. C. h.* licet etiam juraverint se soluturos, nisi speciali jure prohibeantur; quales sunt, qui bona in fraudem alienarunt, qui foro cedunt magna patrimonii parte sublata, vel luxuriose bona consumserunt, qui scientes se non esse solvendo æs alienum contraxerunt, etiam tutores ex administratione tutelæ vel administratores piæ causæ, etiam ii, qui beneficium competentix habent, ut & qui post inficiationem debiti convincuntur.

Ex quibus causis admittitur cessio?

Ex causis civilibus, non criminalibus, licet etiam condemnatio in mulctam pecuniariam esset secutura,

tura, non ex causis munerum declinandorum. l. 5. C. h. vel debitis tributorum. d. l. 5.

Quid, si quis renunciaverit huic beneficio?

Non debet ei adimi ex eo solo beneficium, siquidem inopinata fortunæ adversitas ipsi supervenerit, licet etiam juraverit se non usurum hoc beneficio. argum. l. ult. §. ult. D. de his qui in fraud. creditor.

Quomodo facienda est bonorum cessio?

Potest fieri vel in jure vel extra jus, etiam per nuntium vel epistolam. l. final. D. h.

Quid, si creditores inter se dissentiant in eo, utrum quinquennales induciæ an beneficium cessionis admittendum sit?

Spectandum est, à quorum parte sit summa major debiti, licet sit æqualis numerus creditorum, aliive sint hypothecarii, alii chirographarii. Sin autem in quantitate & numero creditores sint æquales, magis audiendi sunt, qui inducias concedunt. arg. d. l. fin.

Prodestne beneficium cessionis etiam fidejussoribus?

Nequaquam, quoniam personæ cohæret. §. fin. Inst. de replic. junct. l. 7. pr. & §. 1. D. de except. uti nec induciarum quinquennalium.

posito prodest de probat. et ratione contra solatium

Tit. 4. Quibus ex causis in possessionem eatur?

Annon solent creditores in bonorum possessionem mitti?

Solent, quoties debitor animo fraudandi latitat, nec à quopiam defenditur. l. 3. l. 9. C. de bon. auth. judic. l. 7. §. 1. & 2. D. h.

Quid, si contra quosdam latitet fraudandi animo, contra quosdam non?

Æque fiet missio. d. l. 7. §. 7.

Quid in pupillis, furiosis, & prodigis?

Et in horum bona potest fieri missio, non ex causa latitationis. d. l. 7. §. 9. sed si non defendantur. d. l. 7. §. 10. junct. l. 3. 4. 5. D. h. Sin autem postea defendantur, cogitur missus possessionem deferere. d. l. 5. §. 2. & 3.

An & creditor conditionalis mittitur?

Recte ex primo decreto. *l. 6. D. h.* non ex secundo. *l. 14. in fin. D. h.*

Quis est effectus decreti primi?

Tantum creditor consequitur custodiam rerum. *l. 12. D. h.* non possessionem, multo minus dominium: quod verum est, tam in actione personali, quam reali.

Quid, si debitor non compareat ad se defendendum?

Mittendus est creditor ex secundo decreto, post annum elapsum à primo, intra quem si debitor compareat & caveat, possessionem recuperare potest. *l. 8. in fin. C. de prescript. 30 annor.* & non tantum in actione personali, sed & reali præstat secundum decretum petere, ob generalitates textuum.

Quis est effectus secundi decreti?

Consequitur creditor jus veræ possessionis, usufructuendi conditionem & fructuum utilitatem. *l. 8. D. de damn. infect. l. 3. §. fin. D. de acquir. poss.* non vero dominium, nisi longi temporis possessio accesserit. *l. 15. §. 16. D. de damn. infect.* quo sensu explicari debent. *l. 1. D. de fund. dotat. l. 7. §. 8. D. de commun. divid. junct. l. 4. D. eod.*

Prodestne missio tantum missis?

Non tantum missis, sed & omnibus aliis creditoribus, qui eandem causam debiti prætendunt. *l. 12. D. de bon. autor. jud. poss.* siquidem præsentibus intra biennium vel absentibus creditores intra quadriennium compareant, & credium suum probent, nec non expensas factas refundant.

Tit. 5. De rebus autoritate judicis possidendis, vel vendundus. Tit. 72.

Lib. 7. Cod.

Potestne propria autoritate possessio accipi?

Nullo modo, sed desideratur ad eam rem autoritas judicis.

Quid, si debitor perseveret in eadem contumacia?

Judicis est præfigere certum tempus, quo elapso bona possunt distrahi. *l. 9. C. h.* ut facta distractione creditoribus satisfiat.

Vbi

Vbi manent fructus?

Ex primo decreto missi tantum eos custodiunt, qui à debitore sunt percepti; vel percipiunt & custodiunt, quos debitor negligit percipere. *l. 5. §. 22. D. ut in possess.* Ex secundo decreto missi ipsi fructus percipiunt, & vendunt, vel rem locant in commodum omnium. *l. 5. i. l. 9. pr. & §. 1. D. h. t.*

Quid, si res fuerit ante à debitore locata?

Stabitur ei locationi à creditoribus missis, modo nihil in fraudem factum sit. *d. l. 8. §. 1.* Nec obstat, quod emptor non teneatur conductionem à venditore factam servare. *l. 9. C. de locat. & cond.* est enim alia ratio venditoris qui rem singularem emit, quam creditoris qui in res debitoris mittitur.

Quid in impensis statuendum?

Et illæ sunt restituendæ, si sint bona fide factæ: nec oberit quod non profuerint debitori. *d. l. 9. §. 2. & 4.*

Quid, si debitor post missionem ex secundo decreto veniat, & se defendere velit?

Non audietur, nisi solvat omne damnum, præsterque fidejussorem de lite prosequenda. *Nov. 53. cap. 4.*

Tit. 6. De privilegiis creditorum.

De privilegio fisci. Tit. 73.

De privilegio dotis. Tit. 74. Lib. 7. Cod.

Debentne omnes creditores eodem modo ad bona debitoris admitti?

Nequaquam; habenda enim est ratio hypothecarum, & privilegiorum, de qua re supra ad tit. qui potior est pign. Hypothecæ tantum ex tempore. *l. 4. C. qui pot. privilegia ex causa æstimantur. l. 32. D. h. cujus causæ ordo ex lege sola accipiendus.* sic privilegium ob impensas funeris omne creditum antecedit. *l. penult. D. de relig.* Post hoc succedit privilegium in primipilo. *l. fin. C. de primipil.* vel in tributis publicis. *l. 1. C. si propter pensitat. publ.* Post hoc, privilegium ex causa emptæ militiæ acquisitum secundum formam. *Nov. 97. c. 4.* Post hoc privilegium mulieris

mulieris in dote ; de quo in *l. 12. C. qui pot. & in l. d. Nov. c. 3. & 4.* quod locum habet , si vel ipsa vel liberi hæredes agant de dote. *d. l. 12. in fin.* non si alii hæredes. *l. unic. C. h. d. privil. dotis.* Post hoc creditoris, cujus pecunia res est empta , & pro pecunia obligata. *l. 7. C. qui pot. vel pupilli , cujus nummis res est empta. l. 7. D. qui potior.* Post hoc creditorum, ob sumptus factos ad refectionem rei obligatæ. *l. 5. & 6. D. qui pot. l. 1. D. ex quib. caus. tacit. d. Nov. c. 3.* sive tacite sive expresse. *Dd. Ll.* Privilegia hæc prædicta , & si quæ sunt alia , sunt supra hypothecas : & creditores ex iis privilegiis præferuntur hypothecariis. Post creditores privilegiarios veniunt hypothecarii ex ordine temporis, inter quos & fiscus est, qui ex contractu nullam habet prærogativam. *l. 8. D. qui pot. in pign.* nisi in bonis post contractum acquisitis. *l. 28. D. de lur. fisc.* quorum ratione habet privilegium etiam supra hypothecam. Ad ordinem hypothecariorum tantum sunt etiam referendi pupilli , pro administratione tutorum , licet privilegium iis sit datum. *l. 19. §. 1. D. de reb. auth. jud. missi in possessionem , ac qui ex causa judicati pignus acceperunt , vel ex arreto sibi id compararunt. l. 10. l. 11. D. l. 2. 4. 6. 7. 8. C. h. l. 5. C. ut in possess. legat. l. 15. §. quod si res. D. de re judic.* Eo tantum observato, quod missi in possess. ex sola causa missionis inter missos nullum habeant jus prælationis. *l. 10. C. de bon. autor. jud. poss. l. 12. D. eod.* Post hypothecas privilegiati hunc ferè habent ordinem. Primum locum tenent, qui pecuniam apud nummularios deposuerunt sine fœnore. *l. 7. §. 2. D. depos. l. 24. §. 2. D. de reb. autor. jud.* Secundum , qui in navem fabricandam , &c. vel in cibaria nautarum crediderunt sine pignoris mentione. *l. 26. 34. D. eod.* non si in rem emendam , nisi pecunia sit militis, pupilli , vel dotalis. Tertium , qui simplex habent privilegium : quales sunt, respublica. *l. penult. in fin. D. eod.* pupilli in bonis eorum, qui negotia ex amicitia gesserunt. *l. 23. D. eod.* Quartum ii , quorum pecunia ad privilegiatos pervenit ex destinatione creditoris. *l. 24. §. fin. D. eod.* Post hosce reliqui creditores chirographarii vocantur pro rata

rata debiti, sine ulla temporis ratione. *l. 6. C. eod.*
 Hoc tamen attento, ut creditores secundum loca &
 bona debitoris, quæ reperiuntur, ubi negotiatio est
 habita, potiores sint. *l. 5. §. 15. & 16. de tribut. act.*

Quid, si pecunia aliqua sit residua?

Debitori est restituenda, vel deficiente debitore,
 deponenda apud Thesaurarium Ecclesiæ. *l. ult. C. eod.*

Tit. 7. De Separationibus.

*Quod est remedium contra heredem debito-
 ris suspectum?*

Est separationis, quo creditores defuncti petunt, ut
 bona hæredis ab hæreditate defuncti separentur. *l. 1. §. 1. D. h.* Fit autem separatio ex decreto prætoris.
d. l. 1. pr. pro parte hæreditatis. l. 7. C. de bon. author. jud. poss.

*Possuntne creditores hæredis separationem
 petere?*

Nulla modo. *d. l. 1. §. 2. nisi fraus sit commissa. d. l. 1. §. 5.*

Qui creditores possunt petere?

Tam chirographarii, quam hypothecarii, intra
 quinquennium ab adita hæreditate. *d. l. 1. §. 13. nisi*
vendita sit hæreditas bona fide. l. 2. D. h. Post id
 tempus non agitur ad separandum, uti nec si bona hæ-
 reditaria cum hærede sunt confusa, vel novatio aliqua
 sit facta inter creditores defuncti & heredem. *d. l. 1. §. 10. 11. 15. D. l. 2. C. h.*

*Quid, si quis ex creditoribus defuncti habeat
 hypothecam?*

Ea hypotheca non extinguatur etiam post quinquen-
 nium, quia pignoris onus perpetuum est.

*Quid, si heres obligaverit creditori defuncti
 rem hereditariam?*

Jure separationis hypothecario creditore potior erit
 qui separationem impetravit. *l. 1. §. 3. D. eod.*

*Quid, si concurrant hypothecarii creditores de-
 functi cum hæredis hypothecariis?*

Potiores erunt creditores defuncti in rebus hæredi-
 tariis; hæredis, in rebus hæredis, licet tempore sint poste-

posteriores; aditione enim hæreditatis non fit confusio hypothecarum. §. 38. §. fin. D. de solut. & confusio personarum non tollit naturam rerum; licet nulla sit separatio facta. In chirographariis vero necessaria ad eam rem est separatio.

Quid, si hæres inventarium fecerit?

Id habetur loco separationis. arg. l. fin. §. in computat. C. de jur. delib.

Quid, si creditor defuncti satis acceperit, vel dictaverit iudicium hæredi?

Si satis acceperit, cessat separatio. d. l. 1. §. 11. non vero si iudicium dictaverit. l. fin. D. h. Ratio differentiae est, quia primo casu res citra necessitatem, altero ex necessitate est gesta.

Tit. 8. De Curatore bonis dando.

An hæc omnia, quæ pertinent ad venditionem bonorum, & similia, non præstat per unum debitoris loco administrari?

Solet dari curator bonorum unus vel plures à prætore ex consensu majoris partis creditorum ad bona vendenda, pecuniam recipiendam, æs alienum solvendum, actiones omnes instituendas & excipiendas. l. 1. §. 1. l. 2. l. fin. D. h.

Qui possunt esse curatores bonorum?

Eligi possunt ex creditoribus, etiam extranei, nunquam vero inviti cogendi sunt, nisi ex magna causa. l. 2. §. 3. & 4. D. h.

In quid tenebuntur?

Singuli in solidum, nisi per regiones distinxerint officia. d. l. 2. §. 2. l. 3. D. h. vel invitatus quis sit datus. d. l. 2. §. fin.

Potestne curator bonorum agere nomine creditorum hypothecaria adversus tertium possessorem?

Nulla modo: quia non tam procuratoris creditorum, quam vicem debitoris gerit. arg. d. l. 2. §. 1. vers. iisque.

Tit. 9. Quæ in fraudem creditorum facta sunt, ut restituantur. Tit. 75. Lib. 7. Cod.

Quid, si quid in fraudem creditoris sit alienatum?

Uti Calvitiana & Faviana dantur Patronis ob res in fraudem alienatas, ita Pauliana creditoribus. l. 1. D. h. Hac actio non est absolute in personam, sed & in rem: licet enim regulariter non detur, nisi adversus fraudis conscios. l. 6. §. 8. D. h. tamen & aliquando datur contra eos, qui non sunt fraudis conscii; ut si donatæ sint res. d. l. 6. §. 11. & 12.

inco. st. 239
pr. §. 234
f. 23 inf.

Quando creditoribus datur?

Cum missi sunt in possessionem, excussis prius bonis debitoris. l. 1. C. h.

Estne alia actio prodita, quæ creditoribus missis in possessionem datur in §. item si. 6. Inst. de act.?

Posset id videri, cum ibi tradatur ea, quæ in rem est. Itaque recte accipitur actio revocatoria in d. §. 6. ea, quæ competit ob alienationem factam, postquam creditores missi essent: cum Pauliana agat de alienatione in fraudem facta ante missionem. arg. l. 1. pr. D. h.

Quid, si debitor heredem sit nactus, an & is revocare potest?

Nequaquam. l. 4. C. h.

Adversus quos datur?

Adversus ipsum debitorem. l. ult. C. h. & eos, in quos fraudis conscios vel testato conventos, ne compararent, res sunt translatae. d. l. 6. §. 8. l. 10. §. 5. D. h.

Quid, si dos filiae dicatur data in fraudem?

Si non possit probari fraus filiae, eaque abstinuerit ab hereditate paterna, conveniri vix potest. l. 2. C. h.

Quid in tutoribus receptum?

Eorum fraus quoque pupillis nocet, quatenus ad pupillos quid ex ea pervenit. d. l. 10. §. 5.

Quid dicitur in hac re proprie alienatum?

Quicquid ex bonis imminutum est, non si luctum sit omissum; ut si hereditati sit renunciatum. l. 7. pr. & §§. seqq. D. h.

Quando fraus dicitur esse facta?

Cum consilio & eventu sunt fraudati creditores. *l. 15. D. h. l. 47. D. de reg. jur. nisi mortis causa donatio sit facta, in qua solus eventus sufficit. l. 1. §. 1. D. si quid in fraud. patron.*

Cui incumbit probatio?

Creditori. Ad hanc vero rem sufficiunt indicia, & auctus clandestini.

Intra quod tempus oportet agere?

Intra annum utilem. *l. 1. l. 10. D. l. ult. C. h. qui computatur à die, quo rationes patrimonii debitoris fuerint excussæ, vel potius, quo venditio est facta. arg. l. 6. §. fin. l. 10. §. 18. D. h.*

Quid, si quis suum receperit?

Quia sibi vigilavit, & suam conditionem fecit meliorem, non ei auferetur, licet sciverit bona non esse solvendo, modo bona non essent possessa. *l. 6. §. 17. l. 24. D. h.*

Quæ veniunt in hanc actionem?

Etiam fructus, qui tempore alienationis rei cohærent, & post litem contestatam percepti sunt, & qui percipi potuerunt. *d. l. 10. §. 20. l. ult. §. 4. & 6. D. h.* non autem sunt restituendi à possessore fructus mediotempore percepti, quia nunquā debitoris fuerunt.

Debentne creditores pretium restituere?

Nequaquam. *l. 7. D. h.* licet etiam minori precio res fuerit vendita. *l. 7. D. h.* Verum in hac re arbiter animadvertet, ut, si nummi soluti in bonis extent, reddantur. *l. 8. D. h.*

P A N D E C T A R U M

L I B E R XLIII.

Tit. 1. De interdictis, five extraordinariis actionibus, quæ pro his competunt.

Tit. Lib. 8. Cod. 15. Lib. 4. Inst.

Quid sunt interdicta?

Actiones extraordinariæ, quibus agitur, ut quid jubeatur, vel vetetur, quibusque potissimum agitur
de

de possessione vel quasi. *pr. Inst. h.* Judicium autem in hisce dicitur ex eo possessorium, quod est vel summarium, vel plenum.

Quomodo distinguuntur?

Varie, prout *l. 1. & 2. D. h.* explicatur. Sunt enim alia de divinis, alia de humanis rebus. De rebus humanis, vel alicujus, vel nullius. *d. l. 1. pr.* Sunt vel exhibitoria, vel restitutoria, vel prohibitoria. *d. l. 1. §. 1. D. & §. 1. Inst. h.* Rursus, quædam in præsens, quædam dantur in præteritum. *d. l. 1. §. 2.* Rursus, quædam in rem, quædam in personam directa. *d. l. 1. §. 3.* Rursus, quædam perpetua, annalia quædam. *d. l. 1. §. 4.* Rursus, quædam simplicia, quædam duplicia. *l. 2. D. §. 2. Inst. h.* Præcipua autem hæc videtur esse divisio. Quædam sunt hominum causa; quædam divini juris aut de religione. Hominum causa, vel pertinentia ad publicam utilitatem, vel juris sui vel officii tuendi causa. *d. l. 2. §. 1.* vel ad rem familiarem defendendam. Hæc sunt vel adipiscendæ, vel recuperandæ, vel retinendæ possessionis. *d. l. 2. §. 3.*

Ad quam speciem referri debent interdicta confirmandæ possessionis?

Ad retinendæ: cum, qui agit ad conservandam vel confirmandam possessionem, de ea retinenda cogitet. *arg. l. 72. D. de procurat.*

Tit. 2. Quorum bonorum. Tit. 2.
Lib. 8. Cod.

Quod est interdictum quorum bonorum?

Quod datur ei, cui ex edicto prætoris bonorum possessio est delata, contra eum, qui pro hærede vel pro possessore possidet, ut realem hæreditatis possessionem obtineat. *l. 1. D. h. §. 3. Inst. de interd.*

Quale est?

Est restitutorium, adipiscendæ possessionis, non ad res singulas sed universitatem pertinens. *d. l. 1.*

An & datur hæreditatem ex testamento quam ab intestato?

Datur & directo: modo hæreditatem vel bonorum possessionem coram magistratu agnoverit. *arg. d. l. 1. junct. l. un. D. ut ex leg. & utiliter, licet simpliciter adie-*

rit.

Daturne & adversus debitores hereditarios?

Non, sed tantum adversus eos, qui corpora possident. *l. 2. D. h.*

*In quibus distinguitur petitio hereditatis
ab hoc interdicto?*

Petitio hereditatis datur ob res corporales & incorporales, pleno jure proprietatis habendas. hoc vero interdictum tantum ad res corporales possidendas. *l. fin. D. h.* In petitione hereditatis exactior probatio exigitur, quam in hoc interdicto.

Potestne hoc interdictum impediri objectione dominii?

Potest, si sine multa ac altiori indagine probetur dominium. *l. fin. C. h. l. 3. C. de interd.*

Tit. 3. Quod legatorum. Tit. 3. Lib. 8. Cod.

Quod est interdictum, quod legatorum?

Interdictum adipiscendæ possessionis, quo agit hæres post aditam hereditatem, ut possessionem rei legatæ, quam legatarius occupavit, adipiscatur. *l. 1. pr. §. 1. 2. D. h.* Equissimum enim est, ut legatarius non sibi jus dicat, licet dominium ad eum pertineat. *l. 80. D. de legat. 2.* sed ab hærede possessionem habeat. *d. l. §. 2.*

Atqui dolo qui mox redditurus est petit.

l. 171. §. 3. D. de reg. jur.

Id verum est, cum non interest actoris, ut rem interim habeat: interest autem hæredis, ut constet de legato, an debeatur, propter legem Falcidiam, ob æs alienum; ac deinde hic tantum agitur de possessione interim habenda, non de re ipsa.

Annon legatarius amittit rem legatam, quod eam occupet sine voluntate hæredis, secundum l. 13. D.

de eo quod met. caus. l. 50. D. ad L. Falcid.?

Recte quidem, si hereditatem hæres adierit; secus si non adierit: ac deinde, multa possunt bona fide fieri, licet hæres non consenserit.

Quibus datur?

Omni successori universali, siue sit hæres siue hæredis hæres. *d. l. 1. §. 3.*

Contra quem?

Omnem legatarium, qui sine voluntate hæredis,
ante

ante vel post aditam hæreditatem, vel cum voluntate ante aditam rem legatam occupavit. *d. l. 1. §. 2. & 18. ff. h.* licet etiam servandi legati causa sit missus in possessionem, modo hæres satisfecerit. *d. l. 1. §. 9.* Etiam contra eum, qui dolo malo desit possidere. *d. l. 1. §. 7.* ut & contra cohæredem ex causa præceptionis pro ea parte, quam jure legati habet. *d. l. 1. §. 6.* nec non contra successores legatariorum, siue sint universales, siue singulares. *d. l. 1. §. 10. & 13.*

An & in donatione mortis causa interdictum habet locum?

Expresse id negatur *l. 1. §. 5. ff. h. l. 2. C. de donat. mort. caus.* Quod intellige, si ex voluntate defuncti donatarius sit adeptus possessionem.

Quid in fideicommissario statuendum?

Adversus eum dari si singularis sit, non est dubitandum. *arg. §. 2. Inst. de legat. l. un. C. h.* In quo textu verba generalia ad singularem fideicommissarium sunt restringenda.

Quid, si res non restituatur?

Agendum in id, quod interest. *l. 2. §. 2. ff. h. & ad fructus. l. 3. ff. de Interdict.*

Tit. 4. Ne vis fiat ei, qui in possessionem missus erit.

Quo remedio utuntur missi in possessionem?

Habent interdictum partim prohibitorium partim restitutorium. *l. 3. §. 2. ff. h.* adversus illos, qui dolo fecerunt, quo minus missi in possessione bonorum sint, comparata actione in factum, qua id quod interest petitur. *l. 1. pr. §. 2. & 5. ff. h.*

Tit. 5. De tabulis exhibendis. Tit. 7.

Lib. 8. Cod.

Quod est interdictum de tabulis exhibendis?

Est exhibitorium, quo agitur, ut tabulæ testamenti vel alterius ultimæ voluntatis. *l. 1. §. 2. ff. h.* licet injusta sit. *d. l. 1. §. 4.* exhibeantur, & earum apprehendendarum copia fiat. *l. 3. §. 8. ff. h.*

Quibus competit?

Omnibus, quibus quid relictum est, sive per institutionem sive per substitutionem. *l. unic. C. h.* Et non tantum hæredibus, sed legatariis. *l. 3. §. 10. ff. h.*

Contra quem datur?

Adversus eum, qui tabulas detinet, easve dolo habere desit. *d. l. 3. §. 6.* non eum, qui confitetur, quia is extra ordinem compellendus est. Verum recte contra eum, qui negat se exhibere posse, aut se teneri exhibere. *l. 1. §. 1. ff. h.*

Quid, si non exhibeantur tabula intra tempus præstitutum?

Fit condemnatio in id quod interest; non certum vero est tempus anni vel aliud, sed ex officio judicis dependet. *l. 3. §. penult. ff. h.*

Quid consequitur hæres vel legatarius hoc interdicto, cum id quod interest præstandum est?

Æstimatio in hærede ad hæreditatem, in legatario ad legatum est transferenda. *d. l. 3. §. 11. 12. 13.* In conditionalibus vero fies, quasi existente conditione, nec legatarius cavebit de restituendo. *d. l. 3. §. 14.*

Quid, si æstimationem consecutus sit legatarius, potestne postea agere?

Si idem hæres præstiterit, repellendus est exceptione doli; si alius, minime. *d. l. 3. §. 15.*

Cessatne aliquando hoc interdictum?

Non competit, si hæreditatis controversia ex iis dependeat, aut si ad publicam questionem pertineat: itaque in sacra æde aut apud virum idoneum sunt deponendæ. *l. fin. ff. h.*

Daturne hoc interdictum hæredibus & contra hæres?

Datur hæredibus. *d. l. 3. §. fin.* non contra eos, nisi qua possident, vel dolo deficiunt tenere tabulas.

Tit. 6. Ne quid in loco sacro fiat.

Quid est in interdicto, ne quid in loco sacro?

Vetatur, ne quid quod deformitatem vel incommodum habet, fiat in loco sacro, vel immittatur. *l. 1. pr. & §. 1. ff. h.* quod & referendum est ad portas aut alia loca sancta. *l. 2. ff. h.*

Tit.

Tit. 7. De locis & itineribus publicis.

Qua sunt loca & itinera publica?

Quorum usus omnibus vacat. l. 2. §. 2. 3. 4. 5. ff. ne
quid in loc. publ. In hisce quolibet postulante interdi-
citur, l. 1. ff. h.

Tit. 8. Ne quid in loco publico
vel itinere fiat.*Qua sunt interdicta de locis publicis?*

Sunt varia. Primum est prohibitorium, ne quid in
iis fiat, vel in ea immittatur, ex quo damnum detur,
præterquam, si quid lege concessum sit. l. 2. pr. &
§. 1. ff. h.

*Quid, si quis prohibeatur piscari in mari aut
navigare, vel in publico ludere?*

Non dabitur hoc interdictum, sed actio injuriarum.
d. l. 2. §. 9.

Quod est secundum?

Ne quid in itinere publico fiat, vel immittatur, quo
reddatur deterius. d. l. 2. §. 20.

Quod est tertium?

Quod in loco publico vel itinere factum vel immis-
sum est, restituatur. d. l. 2. §. 35.

Quod est quartum?

Ne vis fiat ei, qui in loco vel itinere publico ire,
agere velit. d. l. 2. §. fin.

Tit. 9. De loco publico fruendo.

Quod est quintum?

Ne vis cui fiat, qui loco publico à se conducto se-
cundum legem locationis frui desiderat. l. 1. 2. ff. h.

Tit. 10. De via publica, & si quid in ea
factum esse dicatur.*Quomodo distinguitur via?*

Est vel publica, vel privata. Publica, cujus solum
est publicum, relictum ac directum certis finibus, ut
ea publice commearetur; quam regiam, prætoriam,

consularem appellant. *l. 2. §. 21. & 22. ff. ne quid in loc. publ.* Privata est, in qua privatum solum est, quæ & Agraria dicitur, vel quæ ducit ad agrum alterius, vel aliter. *d. §. 21. 22. & seqq.*

Qua igitur sunt via militares & vicinales?

Militares publicæ sunt, & exitum habent ad mare, in urbes, aut in flumina publica; aut in aliam militarem. Vicinales, quæ ex agris privatorum factæ in vicis sunt, vel in vicos ducunt, vel in militares vias exeunt, vel sine exitu intermoriuntur. *d. §. 22. l. 3. ff. de loc. & itiner. publ.*

Quæ sunt de viis publicis interdicta?

Eadem, quæ & ante de *loc. publ.* sunt proposita. Itaque pro sexto interdicto ad loca publica accipietur, ut secundum civitates viæ adæquantur, effluxiones non noceant domibus, pontes fiant ubi oportet. *l. 1. pr. ff. h. ne parietes, qui ad viam ducunt, sint caduci. ne quis effodiat vel subruat vias, nihil fiat in iis, ex quo deterior sit earum usus, non permittantur rixæ, nec projectio stercoris, morticinæ vel pellium, quæ fetorem excitent.*

Tit. II. De via & itinera publico reficiendo.

Quod est septimum?

Ne vis fiat ei, qui viam publicam, iterque publicum aperire, hoc est, ad veterem latitudinem restituere, vel reficere velit, dum ne via vel iter deterioretur.

Quid, si quis viam publicam exaraverit?

Ad munitionem ejus solus compelletur. *l. fin. §. 1. ff. h.* Si in agrum vicini viam publicam quis rejecerit, dabitur in eum actio viæ receptæ, quanti interest ejus, cujus fundo nocitum est. *d. l. fin. ff. h.*

Quid, si via publica impetu fluminis vel ruina sit amissa?

Vicinus proximus viam præstare debet. *l. 14. §. 1. ff. quemadm. servit. amitt. sed sumptibus publicis. arg. l. 13. §. 1. ff. commun. prædior. l. 2. C. quib. ex caus. serv.*

Tit. 12. De Fluminibus, ne quid in flumine publico, ripave ejus fiat, quo pejus navigetur.

Suntne & de fluminibus interdicta?

Sunt. Primum est, ne quid in flumine publico, vel ripa fiat vel quid immittatur, quo statio iterve navigio deterius fit. *l. 1. pr. ff. h.* Secundum, ut quod in flumine publico vel ripa ejus factum est vel immissum, quo statio iterve navigio deterius fit, restituatur.

Quæ sunt flumina publica?

Quæ sunt perennia: Privata, non perennia. *l. 1. §. 2. 3. ff. h.* Distinguuntur autem flumina à rivis, magnitudine aut existimatione circum colentium. *l. 1. §. 1. ff. h.* vel quod flumina ex fontibus originem ducant & se in mare exonerent; rivi ex fluminibus deducantur.

Tit. 13. Ne quid in flumine publico fiat, quo aliter aqua fluat, atque uti prior æstate fluxit.

Quod est tertium in fluminibus?

Ne quis faciat vel immittat, quo aliter fluat, quam priori æstate fluxit flumen. *l. 1. pr. h.*

Quod est quartum?

Vt quod factum vel immissum est, ex quo aqua fluminis aliter fluat, quam priori æstate fluxit, restituatur. *d. l. 1. §. 11.*

Tit. 14. Vt in flumine publico navigare liceat.

Quod est quintum?

Vt liceat in flumine publico navigare, ratem agere, per ripam onerare vel exonerare merces: ut & liceat per lacum, fossam, stagnum publicum navigare. *l. unica. pr. ff. h.*

Tit. 15. De ripa munienda.

Quod est sextum?

Ne vis fiat ei, qui in flumine publico vel ripa ejus desiderat facere opus, ripæve vel agri tuendi causa, dum ne navigatio fiat deterior.

Quod est septimum?

Vt is, qui ripam munire vult, de damno infecto, antequam opus fuerit factum, vicinis & his qui trans flumen possident, caveat in annos decem viri boni arbitrato.

Tit. 16. De vi, & de vi armata. Vnde vi.

Lib. 8. Cod.

l. 398 v. 29 poss. *Qua sunt interdicta de rebus familiaribus?*

Sunt varia: quorum primum est, unde vi, recuperandæ possessionis. §. 6. *Inst. de interdict.* De hoc Prætor ait: unde tu illum vi dejecisti, vel familia tua, de eo, quæque ille ibidem habuit, &c. *judicium dabo.* l. 1. ff. h. d. §. 6.

De qua vi accipiendum est?

De expulsiua, eaque quæ commissa est circa possessionem immobilium, vel earum, quæ immobilibus coherent. l. 1. §. 6. 8. ff. h. non vero circa mobilium possessionem. d. l. 1. §. 6. nisi sint in re immobili, à qua quis dejectus est. d. l. 1. §. 6.

Quibus datur?

l. pr. d. 399 poss. Qualicumque possessori. d. l. 1. §. 23. sive animo sive corpore possideat. d. l. 1. §. 23. sive juste sive injuste. d. l. 1. §. 30. l. 12. ff. h. licet etiam possideat vi, clam, vel precario à deiciente. d. §. 6. *Inst.* Datur & usufructuario. l. 3. §. 13. & seqq. ff. h. non colono, quia sibi non possidet. d. l. 1. §. 22. nisi colonus, eum, cui locator fundum vendiderat, quique missus erat in possess., non admiserit, & deinde vi ab alio sit dejectus. l. 12. l. 18. ff. h. Quo facto possessionem sibi arrogasse videtur.

Daturne & heredibus?

Id admittitur. d. l. 1. §. 44. ff. h. §. 1. vers. sed heredibus. *Inst. de perpet. & tempor. act.*

Quid,

Quid, si quis dejecerit me, sed non meos, per quos retineo possessionem?

Non dabitur hoc interdictum. d. l. 1. §. 45. quia possessorum non dejecit. d. §. 45.

Contra quos datur?

Adversus deicientem, vel eum, qui mandavit, aut ratum habuit. d. l. 1. §. 11. 12. ff. h. Etiam adversus hæredes in id, quod pervenit, actione in factum agi potest. l. 1. §. fin. l. 2. l. 3. §. fin. ff. h. non adversus singularem possessorem. l. 7. 15. ff. h. ne quidem in subsidium, cum deiciens non est solvendo. arg. l. 155. ff. de reg. jur. Vindicari vero potest res ordinaria actione.

Quid, si Titius vi expulerit, Mævius vero in vacuum possessionem intraverit, Titio eam non apprehendente?

Habet locum hoc interdictum, quia verum est possessorem esse dejectum. l. 4. §. 22. ff. de usurp. & usucap. etiam contra Mævium, ex l. ult. C. h. maxime si Mævius volentem priorem possessorem rursus occupare vi depulerit. arg. l. 6. §. fin. ff. de acquir. possess.

An ergo contra invadentem vacuum possessionem nullum datur aliud interdictum?

Magis est ut detur etiam uti possidetis. arg. l. 3. pr. l. fin. ff. uti possid.

Ad quid datur hoc interdictum?

Vt dejectus ante omnia pristinam possessionem recuperet (si civiliter agatur) l. 8. C. h. cum fructibus, & omnibus utilitatibus ex die dejectionis. d. l. 1. §. 40. ac omnibus rebus mobilibus propriis ac alienis, quas præstare debet; quasque ibi habuit dejectus. d. l. 1. §. 33. & seqq.

Quid, si dominus sit deiciens?

Non auditur, etiam si in continenti offeratur probatio. l. 1. C. si per vim. nisi dejectus consentiat tacite vel expresse, ut cognoscatur de proprietate. c. 1. x. de restitut. spoliat.

Teneturne ad ullam questionem dejectus respondere, antequam ipsi sua sint restituta?

Nequaquam. cap. fin. x. de ord. cogn. Spoliatus enim ante omnia est restituendus.

Quid,

*Quid, si probari non possit, quæ res mobiles
sint ablatae?*

Siquidem vis sit probata, per iuramentum actoris
fiet æstimatio. *l. 9. C. h. &*, si dejectus postea sit mor-
tuus, etiam hæres jurare poterit, modo sciat, quæ res
ibi fuerint eo tempore, quo vis est facta.

Si quis vim patiatur, quid faciet?

In continenti eam potest jure repellere. *l. 3. §. 9.
ff. h.* adeoque, qui in vi repellenda alterum occidit,
cum aliter ipsi parcere non potest, ac usus est mode-
ramine inculpatæ tutelæ, jure eum occidit. *l. 1. C. h.*

Suntne & alia remedia, quibus consulitur?

Sunt varia. 1. Accusatio ex judicio publico de vi.
2. Remedium *l. 7. C. h.* per quod, si dominus expu-
lerit, dominium amittit; si alius, præter restitutionem
rei, mulctatur ejus æstimatione, quam dejectio præsta-
re tenetur. *d. l. 7.* Hoc ipsum & contra feminam da-
tur. 3. Remedium ex *Can. redintegr. caus. 3. quest. 1.*
cujus beneficio consulitur iis, qui injuste quolibet
modo possessionem suarum rerum amiserunt, ut pos-
sessionem recuperare possint à quolibet, maxime eo,
qui non ignorabat eam vi esse ablata. *c. 1. 8. x. de
restit. spoliator.*

Si per vim vel alio modo absentis turbata
sit possessio. *Tit. 5. Lib. 8. Cod.*

Quid, si vi, vel alio modo absentis possessio turbetur?

Potest quilibet, imo & servus, absentem defendere,
etiam sine mandato, salvo jure domini, ut omni
tempore, quo reversus sit, possessionem amissam recu-
peret. *l. 1. C. h.* licet etiam occupans obtinuerit Prin-
cipis rescriptum. *l. 2. C. h.*

*interdictum de
re immobili* Tit. 17. Vti possidetis. *Tit. 6. Lib. 8. Cod.*

Quod est secundum interdictum de rebus familiaribus?

Vti possidetis. quod datur iis, qui possident res im-
mobiles, vel quasi, vel res incorporales, quæ instar im-
mobiliū se habent, adversus eos, qui turbant in pos-
sessione; qua de re prætor ait: *uti eas ades, quibus de-
agitur, nec vi, nec clam, nec precario, alter ab altero possi-
detis, quo minus ita possideatis, vim fieri veto. l. 1. ff. h.*

Quibus

Quibus datur hoc interdictum?

Iis, qui suo nomine possident etiam vitiose ab alio, modo non ab adversario. *l. unic. C. h. §. 4. Inst. de interdict.* Non colonis competit, ullive, qui alterius nomine in possessione est: imo nec misso in possessionem custodiar tantum causa. *l. 3. §. 8. ff. h. recte autem usufructuario. l. ult. ff. h. & sequestro, si possideat.*

l. si quis acq. poss.

Potestne dari dejecto per vim?

Recte ei, cujus absentis possessio est occupata. *l. 6. §. fin. ff. de acquir. poss.* non vero ei, qui per vim dejectus est. *l. 7. §. acq. poss.*

Contra quos datur?

Contra turbantes ac impediētes usum possessionis quolibet modo. *l. 3. §. 1. ff. h.* Imo & contra eum, qui metum intulit, ne quis colere fundum audeat. *d. l. 3. §. 4.*

Quo tempore requiritur hic actoris possessio?

Litis contestatæ. *d. §. 4. Inst. de interdict.* & si utrinque litigantes possessionem probent, qua probant tueri sunt, secundum regulam *l. 3. pr. ff. h.*

Potestne domini exceptio hic opponi?

Non, quamvis in continenti & sine difficultate probari queat; ne detur occasio delinquendi. *arg. l. 176. ff. de Regul. Iur.* *l. 1. §. si quis agat de poss. sive.*

Tit. 18. De Superficiebus.

Quid, si quis turbetur circa superficiem?

Datur interdictum, simile uti possidetis, de superficie, quod usum superficiei contra turbatores tuetur. *l. 1. ff. h.*

Quid est superficies?

In genere quicquid supra faciem terræ & soli existit, plantæ, vineæ, & similia. *l. 13. ff. de serv. præd. rustic.* In specie est ædificium à conductore in fundo consensu Domini positum. *l. 2. ff. h. l. 18. §. ei qui in conducto 4. ff. de damn. infect.*

Quid juris habet superficiarius in genere?

Habet, dum in conductione est, jus dominio simile: unde & ipsi competit actio in rem. *l. 1. §. 6. ff. h. sc. qua superficies spectatur. d. §. 6. non proprietatis jus.*

Tit. 19.

Tit. 19. De itinere actuque privato.

Estne & speciale de itinere vel actu privato interdictum?

Hac de re est prohibitorium ad tuendas servitutes rusticas, simile uti possidetis, quo is, qui iter vel actum possidet, non vitiose ab adversario defenditur adversus turbantes. *l. 1. ff. h.*

Tit. 20. De aqua quotidiana & æstiva.

Quod est interdictum de aqua quotidiana?

Ne vis fiat ei, qui aquam non vitiose ab adversario duxit hoc anno. *l. 1. pr. ff. h.*

Quæ est quotidiana aqua?

Qua quis assidue possit uti, licet non utatur. *d. l. 1. §. 2.*

Tit. 21. De rivis.

Quod est interdictum de rivis?

Ne quis turbetur rivos, specus, septa reficere, purgare aquæ ducendæ causa, dum ne aliter aquam ducat, quam priori æstate non vitiose ab adversario duxit. *l. 1. ff. h.*

Tit. 22. De fonte.

Quod est interdictum de fonte?

De hoc prætor ait: uti de fonte hoc anno aqua non vitiose ab adversario usus est, vim fieri veto. *l. 1. pr. ff. h.*

Quid est hic fons?

Qui aquam habet vivam: itaque in cisterna locum non habet. *d. l. 1. §. 14.*

Estne aliud interdictum de fonte?

Est, ut liceat reficere vel purgare aquæ coërcendæ causa, dum ne aliter utatur, quam eo anno non vitiose ab adversario usus est. *d. l. 1. §. 6.* quod & de lacu, puteo & piscina reficiendis dicitur.

Tit. 23. De cloacis.

Quod est interdictum de cloacis?

1. Ut cuilibet cloacam privatam purgare, & reficere

re liceat, modo caveatur de damno. l. 1. D. h. 2. Ne quid in cloaca publica factum vel immissum habeat, quo usus ejus deterior sit. d. l. 1. §. 15.

Tit. 24. Quid vi aut clam.

Estne interdictum, quo agitur de eo, quod per vim vel clam factum est?

Est, nominaturque quod vi aut clam, de quo prætor ait; Quod vi aut clam factum est, quo de agitur, id cum experiundi potestas est, restituas. l. 1. pr. ff. h.

Quid est vi facere, vel possidere?

Vi factum videtur contra prohibitionem, testationem, vel denunciationem, vel cum quis sciens se prohiberi, per vim molitus est, ne prohiberi possit. d. l. 1. §. 5. 6. 7. 8. quique facientem prohibuit, isque in præsentiarum detrahitur. d. l. 1. §. 1.

Quid, si alius sine dolo ejus, cujus est factum, deterruerit ne prohiberet?

Non est locus huic interdicto, ne in aliena potestate sit, conditionem alterius nihil delinquentis deteriore facere. d. l. 1. §. 10. & seqq. l. 2. adde l. 3. l. 20. ff. h.

Quid est clam facere?

Qui celavit adversarium neque nunciavit, si timuit aut timere debuit controversiam, aut qui aliter fecit, quam denunciavit. l. 3. §. 7. & 8. l. 4. l. 5. ff. h.

Cui datur hac actio?

Domino, omnique ei, cujus interest, licet non possideat. l. 16. pr. ff. h. in colono & fructuario nomine fructuum. l. 12. ff. h.

Quid, si præter fructus amplius Domini intersit?

Eriam ejus nomine agetur. d. l. 12.

Quid, si is qui fecit, jus faciendi habuerit?

Id non attenditur. arg. l. 1. pr. & §. 1. ff. h.

Daturne hoc interdictum hæredibus & adversus hæredes?

Hæredibus quidem, sed non adversus hæredes, nisi quæ pervenit. d. l. 15. §. 3. non post annum. d. §. 3. *quæ omnia interdicta sunt prætoris*
Annus autem cedere incipit, ex quo opus perfectum est aut fieri desit. d. l. 15. §. 4.

Licetne propria autoritate destruere, quod vi aut clam factum est?

Non licet, nisi necessaria sit causa, quæ autem sit causa

sa necessaria, ex arbitrio judicis dependet. l. 7. §. 3. ff. h.
Præstat autem de facto destruere, si periculum sit in
mora.

Tit. 25. De remissionibus.

Quid est remissio?

Est nunciationis novi operis solutio, vel ex voluntate
nunciantis, vel prætoris imperio, vel alia causa justa.

Quid petitur interdicto de remissionibus?

Vt nunciationis, si jure ea non teneat, missio fiat.
l. unic. pr. ff. h.

Tit. 26. De Precario. Tit. 3. Lib. 8. Cod.

Quod est interdictum de precario?

Vt restituatur, quod precario est concessum. l. 2. pr.
§. 1. & 2.

Quid dicitur concessum precario?

l. i. ff. h.

Quod precibus petenti concessum est, ac semper potest
repeti. l. 1. princ. ff. h. Habere autem dicitur precario,
qui possessionem corporis vel juris adeptus est ex hac
tantum causa, quod preces adhibuit & impetravit, ut
possidere utive liceat. l. 1. pr. l. 2. §. fin. l. 3. ff. h.

In quibus rebus consistit precarium?

In quibuslibet, tam mobilibus quam immobilibus.
l. 4. ff. h.

Daturne interdictum hoc hæredi & contra hæredem?

Precarii rogatio quidem ad hæredem ejus, qui con-
cessit, transit; sed non ad hæredem rogantis: cum ipsi
duntaxat non hæredi concessa sit possessio. l. 12. §. 1.
ff. h. Hoc autem interdicto & tenetur hæres rogantis,
uti ipse defunctus. l. 3. §. fin. ff. h.

An anno & post annum datur?

Non est dubitandum, cum & in longum tempus pos-
sit concedi. l. 8. §. 7. ff. h.

*Sed, si tempus adjectum sit, non videtur, naturam
suam, qua est, quod semper possit repeti, amit-
tere?*

Nulla est vis ejus conventionis, ut rem alienam do-
mino invito quis possidere possit precario. l. 12. ff. h.

Possidetne, qui precario rogat?

Possidet, si id fuerit ædum. l. 2. §. fin. l. 4. §. 1. l. 15.
§. 4. l. 19. ff. h.

Qua

Qua culpa est prestanda in precario ?

Tantum lata. l. 8. §. 3. ff. h. licet in commodato levissima sit. Ratio differentiae est, quia precarium semper potest revocari. l. 1. ff. h. non commodatum.

Tit. 27. De arboribus cædendis.

Quod est interdictum de arboribus cædendis ?

De hisce duo sunt. 1. Ne vis fiat illi, qui adimit tuam arborem & sibi eam assumit, quæ ex ædibus tuis in ædes suas impendet, si per te stet, quo minus eam adimas. l. 1. pr. h. Hoc competit & domino & usufructuario. d. l. 1. §. 4. 2. Ne vis fiat illi, qui arborem tuam altius à terra, cum per te stat quo minus coërceas, coërceat 15 pedes à terra, lignaque tollat, sibi que habeat. d. l. 1. §. 7. ff. h.

Annon prius denunciandum est domino arboris, ut tollat vel coërceat ?

Omnino in utroque interdicto, quod indicant verba, si per te stet. d. l. 1. pr. & §. 7.

Quid, si arbor illius inclinata sit per ventum in fundum tuum ?

Et adversus illum competit actio, jus ei non esse arborem ita habendi. l. fin. ff. h.

Tit. 28. De glande legenda.

Quod est interdictum de glande legenda ?

Ne vis fiat illi qui glandem, hoc est, omnem fructum, qui in agrum alterius incidit, legit tertio quoque die, & aufert. l. unic. pr. §. 1. h.

Tit. 29. De libero homine exhibendo.

Tit. 8. Lib. 8. Cod.

Quod est interdictum de libero homine exhibendo ?

Est exhibitorium, quo agitur, ut homines liberi detenti exhibeantur; siue sint puberes siue impuberes, siue masculi siue foeminae, siue sui siue alieni juris. l. 3. §. 1. ff. h.

Quibus datur ?

Cui libet. nemo enim prohibendus est libertati favere. d. l. 3. §. 9. Itaque & patri & matri. l. 2. C. h. & marito datur.

datur. *l. 3. C. h.* Is autem, ad quem res maxime pertinet, & qui magis idoneus est, ob conjunctionem, fidem, vel dignitatem, inter plures præferri debet. *d. l. 3. §. 12.*

Sed an & creditori datur ad exhibendum debitorum?

Nequaquam, verum is petet, ut in bona latitantis debitoris mittatur. *l. fin. §. 1. ff. h.*

Contra quos datur?

Contra eos, qui invitos detinent dolo malo. *l. 1. pr. l. 3. §. 5. ff. h.* non ex jure potestatis. *d. l. 3. §. 2. vel alia justa causa. d. l. 3. §. 4.*

Tit. 30. De liberis exhibendis, item ducendis. Tit. 8. Lib. 8. Cod.

Quod est interdictum de liberis exhibendis?

Ex exhibitorium, quod datur patribus ex causa potestatis. *l. 1. pr. ff. l. 2. C. h.* contra eum, qui detinet liberos invitos. *l. ult. ff. h.* non adversus ipsum filium: verum notio Prætoris succedet, ut apud eum disceptetur, utrum sit in potestate an non. *l. 3. §. 3. ff. h.*

Annon aliquando cessat hoc interdictum?

Cessat 1. Contra matrem, si apud eam præstet liberos morari. *l. 1. §. 3. ff. h.* 2. Contra generum, qui filiam duxit. *d. l. 1. §. fin.* 3. Si judicatum sit quod filius non sit in potestate, etsi per injuriam. *d. l. 1. §. 4.*

Potestne & maritus de uxore exhibenda ac ducenda agere?

Potest, non solum adversus extraneum, sed & patrem. *l. 2. ff. h.*

Tit. 31. Vtrubi.

Quod est interdictum Vtrubi?

Eodem modo se habet, quo *utri possidetis*, præterquam quod hoc referatur tantum ad res mobiles. *§. 4. Inst. de interd. l. 1. §. 1. ff. h.*

Tit. 32. De migrando.

Quod est interdictum de migrando?

Id datur inquilinis, ne vis fiat iis, qui soluta pensione migrare, & invecia ac illata inde abducere volunt. *l. 1. pr. ff. h.*

Tit. 33.

Tit. 33. De Salviano interdicto. Tit 9.
Lib. 8. Cod.

Quod est interdictum Salvianum ?

Est restitutorium, adipiscendæ possessionis, quod datur domino de possessione rerum coloni pignori obligatarum pro mercedibus fundi. §. 3. in fin. *Inst. de interd. l. 1. C. h.*

Atqui sufficere videbatur actio Serviana ?

Nequaquam : Serviana enim agit de ipsa re ; Salvianum de possessione. In Serviana non obtinet actor, nisi probet rem in dominio debitoris fuisse tempore oppignerationis. *l. 11. §. 1. ff. de pignor.* In hoc interdicto sufficit probari rem esse obligatam & possideri à conductore aut debitore. Serviana competit contra quemlibet possessorem. Salvianum autem tantum contra conductorem aut debitorem. *l. 1. C. h.*

Atqui in l. 1. §. 1. D. h. datur hoc interdictum contra extraneos quoscunque ?

Communiter respondetur, *d. l. 1. §.* accipiendum esse de utili interdicto ; dictam autem. *l. 1. C. h. de directo.* Sed præstat absolute sequi præceptum *d. l. 1. C. h.* ac verbum (extraneum ac extraneos in *d. l. 1. §. 1. ff. h.*) explicare de colono, aut colonis, qui respectu sociorum extraneus vel extranei sunt.

Quid dicendum de partialibus colonis ?

Et in ils locum habet, quia revera sunt coloni. *l. 1. ff. locat. & conduct.*

Quid, si plures sint locatores ?

Potior est conditio possessoris. Si autem convenerit, ut pro partibus sit res obligata, utilis actio datur pro partibus conventis. *l. 1. §. 1. ff. h.*

P A N D E C T A R U M

L I B E R X L I V.

Tit. 1. De exceptionibus, præscriptionibus,
& præjudiciis. Tit. 36. Lib. 8. Cod.

Tit. 13. Lib. 4. Inst.

Quid est exceptio?

In genere, est defensio rei adversus intentionem actoris: vel est exclusio actionis. *l. 2. ff. h. vel conditio, quæ reum modo eximit damnatione, modo minuit damnationem. l. 22. ff. h.* In specie autem, quæ ex lapsu temporis datur, Præscriptio dicitur. Quæ competit ex eo, quod per actionem alteri actioni graviori, quæ primo loco intentanda erat, præjudicaretur, Præjudicium appellatur. *arg. l. 16. 18. ff. h.*

Quomodo distinguitur?

1. Vel opponitur, quia factum est quod fieri oportuit; uti est exceptio rei judicatæ, rei venditæ & traditæ. *l. 1. 2. ff. de except. rei vend. vel quia factum est, quod fieri non oportuit; ut exceptio doli, metus. l. 20. ff. h. vel quia non factum est, quod fieri debuit; ut exceptio bonorum possessionis non datæ. d. l. 20. 2. Cohæret vel personæ, & sic non transit ad alios. l. 7. pr. vel rei, & sic transit. d. l. 7. §. 1. 3. Est alia peremptoria ac perpetua, alia dilatoria vel temporalis. §. 8. & seqq. Inst. h.*

Qua est dilatoria?

Qua ad tempus lis differtur. §. 10. Inst. eod. Habita causa propter judicem, aut judicium, aut litigantes, aut ipsam causam.

Qua respectu judicii & judicis est dilatoria?

Vel quia locus non est tutus, vel quia judex est suspectus, vel incompetens, vel inhabilis, & similis.

Qua respectu litigantium?

Cum litigantes non habent personam standi in iudicio: vel ineptam qualitatem actor adsumit aut reo tribuit: vel quis vocatus est sine venia, qui vocari non debebat: vel procurator nullum vel non idoneum habet
manda-

mandatum, aut causa est talis, quæ non admittit procuratorem.

Quæ est respectu causæ?

Quando in ipsa causâ quid est, quod suadet dilationem; qualis est pacti conventi, ne intra certum tempus petatur, plus petitionis, præjudicialis, ordinis, spoli, & similis.

Quæ est perpetua sive peremptoria?

Quæ ipsam litem perimit, ita ut postea non possit agi: quales sunt exceptiones doli, metus, & similes. §. 9. *Inst. h. l. 3. D. h.*

Exceptio non numerata pecunia estne perpetua?

Est perpetua, quia cum est opposita, totam litem tollit, & non ad tempus sed perpetuo agentibus obstat, modo intra biennium proponatur. *l. 1. §. 4. C. de l. 30.*

Quomodo distinguitur peremptoria?

Est vel ex factis, ut rei venditæ & traditæ, pacti conventi, doli, præscriptionis; vel ex beneficio juris, uti Macedoniani, Velleiani.

Quæ regulæ sunt circa exceptionem observandæ?

1. Qui factum in exceptione allegat, debet id probare. *l. 19. D. de probat.* 2. Nemo prohibetur pluribus exceptionibus uti, modo non sint contrariæ. *l. 5. D. h.* & reus non fuerit convictus mendacii. 3. Non confiteatur intentionem adversarii, quicum agitur, qui exceptione utitur. *l. 9. D. h.*

Quando dilatoria est proponenda?

Ante litem contestatam. *l. ult. C. h.* quia causæ merito non respicit, unde & Advocatus punitur, si omisam postea voluerit exercere, secundum *l. penult. C. h.* nisi postea emerferit, vel reus ante non sciverit, de quo jurabit, vel nisi antea sit protestatus. *l. 4. x. h.* vel sit talis, quæ iudicium reddit nullum, qualis est in *l. 24. C. de procurat.*

Quando probanda est dilatoria?

Ante litem contestatam, si sit declinatoria vel similis, pertinens ad iudicem vel iudicium declinandum. *d. l. ult. ff. h.* vel post litem contestatam, cum ad causam refertur. *l. 19. C. de probat.*

Quando est proponenda peremptoria?

Post litem contestatam, ante sententiam; modo ante contesta-

contestatio de ea fiat, hoc est, utrimque de ea disceptetur. *l. 9. C. h.*

An & post sententiam?

Quoties exceptio non ex facto speciali, sed ex beneficio juris datur, uti est exceptio ex beneficio SConsulti Vellejani, Macedoniani. *l. 11. ff. ad SConsult. Maced.* vel cum restitutio dari potest. *arg. l. 36. ff. de minor.*

Suntne etiam aliqua peremptoria, quæ ante contestationem litis proponi debent?

Sunt ea, quæ non tantum merita causæ, sed & instantiam concernunt: uti rei judicatæ, transactionis, jurisjurandi: vel quibus reus excipit nullum esse jus actori; modo nullitas, quæ allegatur, in continenti probari possit. Si enim majorem indaginem res desiderat, rejicienda est exceptio in tempus post litem contestatam.

Quomodo concluditur in omni exceptione?

In peremptoria ad absolutionem: in declinatoria, reum non teneri peremptorie respondere, aut in ea qualitate qua agitur, eove tempore vel coram eo iudice litem contestari cum actore, & ad ulteriora procedere.

Tit. 2. De exceptione rei judicatæ.

Quæ est exceptio rei judicatæ?

Qua reus allegat sententiam de controversia latam esse, atque ob eam causam litem non posse resuscitari.

Quando ea habet locum?

Cum est eadem res, eadem causa agendi, ac eadem personæ, ac earum eadem qualitas. *l. 3. & seq. l. 11. 13. 14. ff. h.* Vtrum autem sit diversum genus live modus actionis an idem, non interest, modo eadem res eademque causa agendi maneat. *d. l. 5.*

Quid, si quis partem petat, qui totum ante petiit?

Manet eadem res, & sic exceptio hæc nocebit. *l. 7. ff. h.* Nec interest utrum in corpore hoc quaeratur, vel in quantitate, vel in jure, id est, cum domus ante est petita, nunc solum, vel superficies petatur, vel cum decem sunt petita, nunc quinque, & sic deinceps. *d. l. 7. ff. h.*

Tit. 3.

Tit. 3. De diversis temporalibus præscriptionibus, & de accessionibus possessionum.

Suntne diversæ temporales præscriptiones sive exceptiones?

Sunt tot, quot sunt modi præscribendi vel usucapiendi, videl. dierum, mensium, annorum, ut dictum est supra de usucap.

Quod tempus intelligimus per utile, & quod per continuum?

Utile est, quo facultas agendi est cum ratione adversarii, tum judicis, ut & aëtoris ipsius. *l. 1. D. h. l. 55. D. de adilit. edict. l. 4. in fin. D. de accus.* Continuum est, quo omnes dies tam feriati quam alii computantur. *l. 1. D. h.*

Debetne dies cæptus in usucapione haberi pro completo?

Omnino, licet etiam minimo momento novissimi diei res sit possessa. *l. pen. pr. D. h.*

An & tempora inter possessores conjunguntur?

Conjunguntur non tantum inter hæredes, sed & singulares successores. *l. 14. pr. & §. 1. l. 15. §. 1. D. h. §. penult. Inst. de usucap. auctores in bona fide fuerint. l. 5. D. h. l. 13. §. fin. D. de acq. possess.*

Potestne nobis prodesse accessio, sine nostro tempore?

Non. *l. fin. D. h. d. l. 13. §. penult. D. de acquir. possess.* Si autem medius aliquis ex auctoribus non possederit, præcedentium auctorum possessio non proderit, quia conjuncta non est. *d. l. 15. §. 1. D. h.*

Tit. 4. De dolo malo, & metus exceptione.

Quando habet locum exceptio doli?

Moveretur ex eadem causa, ex qua de dolo actio: specialiter vero exprimendum est, cujus dolo quid actum. *l. 2. §. 1. D. h.* Oritur hæc exceptio ex omnibus in factum actionibus, quia dolo facit qui quod per exceptionem elidi potest, petit: nam, licet initio nihil dolo malo facit, attamen petendo committit dolum, nisi sit talis ignorantia, quæ dolo careat. *d. l. 2. §. 5.*

Contra

Contra quos datur ?

Contra omnes, qui deceperunt, non alios. *l. 11. D. h.*
Non adversus parentes aliasque personas, quibus reverentia debetur. *l. 4. §. 16.* sive ex suo sive alieno contractu convenientur. *d. §. 16.* sed adversus eos excipiendum est in factum.

Potestne emptori objici exceptio de dolo auctoris ?

Siquidem ejus accessione utatur, æquissimum est pariatur dolum ejus, & exceptio rei coherens emptori noceat; ea vero, quæ oritur ex delicto personæ, non nocet. *d. l. 4. §. 26.*

Potestne dolus procuratoris objici ?

Si in rem suam sit datus, etiam de præterito excipi potest. Si in rem alienam speciale datum sit mandatum, dolus præsens in exceptione proponetur. Si omnium rerum commissæ sit administratio, de omni dolo excipi poterit. *d. l. 4. §. 18.*

Quamdiu durat hæc exceptio, & quos habet effectus ?

Finitur non biennio, uti actio. *l. fin. C. de dol.* sed perpetua est. *l. 5. §. fin. ff. h.* Nec ita famam violat, ut actio.

In quo distinguitur exceptio metus ab exceptione doli ?

Uti actio ita exceptio metus in rem scripta, & in eâ non quaeritur, uti in exceptione doli, utrum actor metum intulerit, an alius. *d. l. 4. §. 33.* sed tantum, an metus sit illatus. *d. §. 33.*

Tit. 5. Quarum rerum actio non datur.

Estne semper opus, ut exceptio proponatur ?

Nequaquam: aliquando enim ipso jure non datur actio, ut si quis ad delationem juraverit se non debere. *l. 1. in pr. ff. h. l. 7. ff. de jur. jur.* si dolus contractui bonæ fidei causam dederit. *l. 7. D. de dol. mal.* si liquido constet, fæminam pro alio intercessisse. *l. 2. D. ad S. Consult. Vellejan.* vel mutuum datum esse filiofamilias. *l. 1. D. ad Macedon.* si quis contrahat lege prohibente contrahere. *l. 5. C. de legib.*

Tit. 6. De Litigiosis. Tit. 37. Lib. 8. Cod.

Quæ est exceptio litigiosi ?

Qua repellitur is, qui rem litigiosam ex aliquo contractu

tractu persequitur. Irrita enim est ejus alienatio, & lis per eos peragenda per quos fuit coepta. *l. 2. C. h.*

Qua res est proprie litigiosa?

Res fit litigiosa in actionibus personalibus per lris contestationem. *l. 2. C. h.* in realibus sufficit sola denunciatio sive citatio. *Nov. 112. cap. 1.*

Facitne & hypotheca rem litigiosam?

Nulla modo. *Nov. 112. c. 1.* uti nec denunciatio impediendæ venditionis causa. *l. 1. D. h.*

Habetne exceptio litigiosi locum contra eum, qui rem litigiosam petit ex causa legati vel fideicommissi?

Nequaquam: uti nec ex causa dotis, donationis propter nuptias. *l. ult. C. h. d. Nov. 112.* quia in hac alienatione animus vexandi abest.

Quid praestabitur legatario, si res litigiosa sit legata?

Nihil aliud, quam litis eventus: adeoque omne periculum legatarii erit. Potest autem legatarius si velit judicio adesse, ne quid in fraudem committatur.

De Replicationibus. *Tit. 14. Lib. 4. Inst.*

Quid est replicatio?

Est defensio Actoris contra exceptionem Rei. *princ. Inst. h.*

Quid opponitur replicationi?

Duplicatio Rei, & si ulterius procedant partes, procedit triplicatio ab actore, & quadruplicatio à Reo. *§. 1. & 2. Inst. h.*

Tit. 7. De Obligationibus & actionibus.

Tit. 10. Lib. 8. Cod.

Quid est obligatio?

In genere, est vinculum juris, quo quis alteri est astrictus ad quid dandum, præstandum, vel faciendum. *l. 3. D. h.* vel est juris vinculum, quo necessitate astringimur alicujus rei solvendæ secundum civitatis jura. *pr. Inst. h.*

Videtur inepta esse definitio, cum omissa sit factorum mentio, de quibus etiam potest esse obligatio. §. fin. Inst. de Verb. Oblig.?

Rei nomen late hic accipitur, ut etiam facta compleatur. *l. rei. D. de Verb. Signif.*

Quomodo distinguitur ?

Est alia naturalis, alia civilis, alia mixta. Naturalis, quæ solo æquitatis, non juris civilis, vinculo sustinetur. *l. 95. §. 4. de solut.* Hæc oritur, cum nudum est pactum sive conventio, sine justa causa obligandi. *l. 7. §. 4. D. de pact.* cum servus quid promisit. *§. 1. Inst. de fidejussor. l. 13. D. de condict. indeb.* cum pater filio, vel filius patri in cujus est potestate, sese obstrinxit, vel cum fratres in ejusdem patris potestate constituti sibi invicem se obligarunt. *arg. l. 38. D. de condict. indeb.* vel cum filiusfamilias ex mutuo sese obligavit. *arg. l. 9. §. fin. l. 10. D. de S Consult. Macedon.*

Quæ est civilis tantum ?

Quæ tantum juris civilis vinculum habet, vel cum naturalis æquitas ex aliis præsumitur, non directo probatur, ut in literarum obligatione: vel cum subtilitas juris, qua obligatio sustinetur, pugnat cum æquitate; uti si quid metu vel dolo sit gestum: Illo modo habet efficaciam: Hoc vel nullas habet vires, vel per restitutionem in integrum rescindi potest.

Quæ est mixta.

Quæ subsidium & ex æquitate naturali & ex jure civili habet, ac omni ex parte est valida, uti fit in societate, in mutuo.

Nullos igitur habet effectus naturalis obligatio ?

Habet nonnullos. Proficit ad exceptionem. *d. l. 7. §. 4. ff. de pact.* Impedit conditionem indebiti. *l. 10. ff. de oblig. & action. l. 16. §. 4. ff. de fidejuss. l. 13. 46. ff. de condict. indeb.* Admittit fidejussorem. *d. l. 16. §. 3. ff. de fidejussor. §. 1. Inst. eod. pignus. l. 14. ff. de pignor. Compensationem. l. 6. ff. de compensat. Novationem. l. 1. §. 1. ff. de novat. Constitutum. l. 1. §. ff. de const. pec.*

Atqui videtur & ex naturali obligatione esse actio.

d. l. 10. d. l. 16. §. 4. l. 84. D. de reg. jur.

Obligatio naturalis duplici modo accipitur. 1. Pro ea, quæ ex jure gentium est & confirmata simul jure civili. In hac verum est, quod & actio detur & condictio indebiti inhibeatur. *d. l. 10. d. l. 16. §. 4.* 2. Pro ea, quæ tantum est juris gentium, & destituta est adminiculo juriscivilis. Ex hac quidem jure gentium ac natura potest peti. *d. l. 84. §. 1.* & condictio indebiti propter æquitatem cessat, sed non datur actio jure civili. *An?*

Annon & aliter dividitur obligatio ?

Est alia civilis, quæ ex omni juris Romani parte est, excepto prætorio, ac etiam ex jure gentium, ut ex mutuo, emptione & similibus: alia prætoria, quæ tantum est à prætore, uti de constituta pecunia, jurejurando, & similis. §. 1. *Inst. h.*

Annon & aliter distinguitur ?

Est ex contractu, vel quasi; est ex maleficio, vel quasi. Contractus est conventio cum causa obligationem producens, vel ultro citroque obligatio. l. 19. ff. de *Verb. Signif.* hoc est, conventio efficax, qua ultro citroque hoc agitur ut ex justa causa obligatio contrahatur.

Quot modis fit contractus ?

Re, verbis, consensu & literis. §. 2. *Inst. h.*

Quibus modis re contrahitur obligatio.

Tit. 15. Lib. 3. *Inst.*

Quomodo dicitur re contrahi obligatio ?

Non, quod alii contractus rem non desiderent. sine re enim non potest esse obligatio. *pr. Inst. de Oblig. nec,* quod contractus qui re fiunt, non desiderent consensum vel verba aut literas. sed quod præter consensum de re (verbis vel literis aut alio modo expositum) requirant traditionem rei ad perfectionem. ita mutuum non est ex conventionem de mutuo habendo, sed ex numeratione. l. 30. *D. de reb. cred.* Ita commodatum non est, nisi res ad usum alteri sit tradita. §. 2. *Inst. h.*

Quæ sunt species contractuum realium ?

1. Mutuum. 2. Solutio indebiti, facta cum pacto de eo, quod solutum est, si postea deprehendatur non esse debitum, restituendo. 3. Commodatum. 4. Depositum. 5. Pignus.

Qui contractus verbis initur ?

Stipulatio, de qua post.

De Obligationibus ex consensu. Tit. 23.

Lib. 3. *Inst.*

Quomodo consensu contrahitur ?

Cum non præcise ad perfectionem requiritur, ut res actualiter præstetur, vel literæ aut verba interveniant,

sed sufficiat, ut consensus, qui sit vel verbis vel literis expositus, de re interveniat.

Quæ sunt species horum contractuum?

Emptio, venditio, locatio, conductio, societas, mandatum.

Quid statuendum de donatione, de hypotheca, de nuptiis?

Donatio est pactum legitimum, quia causam, quam iustitia commutativa desiderat, non habet. *arg. §. 2. Inst. de don.* Pariter & hypotheca est pactum legitimum. *l. 17. §. 2. & de pact.* Nuptiæ vero, non sunt vere contractus de re aliqua acquirenda, amittenda vel conservanda, nisi indirecto vel per consequentiam; sed tantum conventio de individuo vitæ consortio. *l. 1. D. de rit. nupt.*

De obligationibus, quæ ex quasi contractu nascuntur. Tit. 28. Inst.

Quæ sunt obligationes ex quasi contractu?

Quæ citra conventionem ex solo facto honesto ac alteri utili, vel præsumta voluntate nascuntur: uti ex negotiorum gestione. *§. 1. tutelæ administratione. §. 2. communiõne rerum singularium vel hæreditatis, si quidem sumptus sint facti vel fructus percepti. §. 3. & 4. Inst. h. hæreditatis adicione. §. 5. Inst. h. l. 3. §. fin. l. 4. D. ex quib. caus. in possess. solutione indebiti erroneè facta, cujus datur repetitio, nisi per inficiationem his crescat. §. 6. 7. Inst. h.*

De Obligationibus, quæ ex delicto nascuntur. Tit. 1. Lib. 4. Inst.

Quæ sunt obligationes ex delicto?

Cum quis maleficium commisit. *pr. Inst. h. veluti ex furto, rapina, damno, aut injuria. d. pr.*

De Obligationibus, quæ ex quasi delicto nascuntur. Tit. 5. Lib. 4. Inst.

Quomodo ex quasi maleficio nascitur obligatio?

Cum iudex male iudicavit, & sic litem suam fecit; vel cum quid est effusum ejectumve ex cœnaculo, quod nocuit; vel cum quid positum, quod nocere possit; vel
cum

cum per eos, quorum opera quis utitur in navi, caupona, stabulo, damnum inferitur iis, qui custodiæ eorum quid commiserunt.

Ad quid tenetur iudex male judicans?

Sive dolo, sive culpa id fecerit, litem suam facit, cogiturque præstare quantum religioni iudicis æquum visum fuerit. *pr. Inst. h. l. ult ff. de var. & extraord. cognit.*

An equalis est pœna ob dolum & culpam litem ff. de iudic. male judicantis?

Non tantum hac pœna ut litem suam faciat, punitur iudex dolo male judicans, sed & graviori, ut dictum ad tit. *Cod. de pœn. judic. mal. judicant.*

Sed qua est ratio, quod iudex ex quasi maleficio, litem faciat?

Medicus, ex vero, quod lege Aquilia vindicatur, conveniri possit?

Quia iudicis officium sua natura ex necessitate imponitur, cum sit publicum: Medicus vero suscipit suum munus ex voluntate.

Suntne nonnulla generalia circa obligationes observanda?

Per obligationes ex contractu vel quasi nihil immediate acquiritur, sed tantum causa constituitur, ex qua alteri incumbat necessitas quid faciendi, dandi, aut præstandi. *l. 3. ff. de obl. & act.* Deinde initium omnium obligationum debet esse à personis contrahentium. *l. 11. ff. h.* Prioriores sunt leges ad liberandum, quam obligandum. *l. 47. ff. de oblig. & act. & c.*

De Actionibus. Tit. 6. Lib. 4. Inst.

Ad quod juris objectum pertinent actiones?

Qua in bonis reputantur & commodum earum spectatur ex facultate agendi, ad objectum rerum. *arg. l. 52. ff. de acquir. rer. dom. l. 49. ff. de verb. signif.* qua vero quis per eas realiter ac actu ipso, iudicio persequitur jus suum & ab invito quid extorquet, proprium objectum juris constituunt. *pr. h. n.*

Quid est actio?

Accipitur aliquando pro omnibus remediis, quibus vel ordinario vel extraordinario, publice vel privatim, civiliter vel criminaliter jus suum quis persequitur:

aliquando refertur ad causas civiles ; aliquando ordinariastantum , vel tantum personales complectitur. In genere autem definitur , jus sive remedium persequendi (cum effectu) in iudicio , quod sibi (suo vel alieno , publico vel privato nomine) debetur ex qualibet causa , vel ut quid detur aut fiat aut præstetur , vel ut quid restituantur. *arg. l. 178. §. 3. D. de verb. signif.*

Quomodo distinguitur ?

1. Est vel privata , vel publica. 2. Pertinet ad proprietatem vel ad possessionem.

Actio privata ad proprietatem relata quomodo distinguitur ?

1. Est vel in rem , vel in personam. In rem , quæ est ex jure domini , vel quasi , aut servitutis , aut alterius , competens contra possessores vel quasi. Personalis , quæ est ex qualibet obligatione. §. 1. *Inst. h.*

An etiam sunt mixta & duplices ?

Negatur Mixta tam in rem quam personam , non quidem ex primogenea sua natura , sed ex accidenti tantum. Harum mentio in §. 20. *Inst. h.* duplices sunt , in quibus idem actor & reus est.

Quæ sunt in rem scriptæ ?

Quæ sua natura sunt personales , ita scriptæ à lege , ut contra quosvis possessores intentari possint ; qualis est actio quod metus causa. *l. 9. §. fin. D. quod. met. caus.*

Quomodo distinguitur actio in rem ?

Est vel civilis vel prætoria. Civilis aut ex jure domini , quæ est vel universalis , ut petitio hereditatis , vel singularis , ut rei vindicatio. §. 1. *Inst. h.* aut ex jure servitutis , vel alio , qualis est confessoria vel negatoria. §. 2. *eod.* Prætoria est à prætore introducta in subsidium juris civilis , qualis est Publiciana. §. 3. & 4. Rescissoria usucapionis ex justa causa. §. 5. Revocatoria gestorum infraudem. §. 6. Serviana vel quasi. de quibus singulis suis locis.

Annon & personalis distinguitur in civilem & prætoriam ?

Recte : quia & obligationum modi sunt vel ex jure civili vel prætorio. Prætoria ex conventionem est , de constituta pecunia. §. 9. de peculio. §. 10. de jurejurando. §. 11. Ex maleficio , de albo corrupto , de patre in us vocato sine venia , & similes. §. 12. *Inst. h.* Actio

Actio prejudicialis qualis est?

Non in personam, nisi causam ex obligatione habeat, sed in rem, qua citra obligationis causam instituitur. §. 15. *Inst. h.*

Qua est forma actionis in rem & in personam?

Actionis in personam, ut adversarius condemnetur ad dandum, præstandum vel faciendum cum usuris, damnis & interesse. In rem, ut jus actoris declaretur tale, quale intendit, & adversarius condemnetur ad restituendum cum omni causa.

Da aliam distinctionem actionis?

Est alia rei tantum persecutoria, alia poenæ, alia mixta. Rei, cum id quod abest persequimur, ut fit in iis, quæ descendunt ex contractu. Poenæ tantum, cum poenam, & non id quod abest petimus, ut fit in actione furti, quæ poenalis est. Mixta, qua agitur ad poenam & rem simul. §. 16. & *seqq. Inst. h.*

Quomodo distinguitur rei persecutoria ab in rem?

Amplior est rei persecutoria: quia non tantum complectitur actionem in rem, sed & in personam, quæ ex contractu est, & ex maleficio, cum rem & id quod abest tantum persequimur.

Qualis est ea, qua ad poenam conventionalem agimus?

Rei persecutoria: quia poena conventionalis est loco ejus quod interest. §. *fin. Inst. de verb. oblig. arg. l. 44. ff. de usur.*

Da aliam actionis divisionem?

Competit vel in simplum, uti omnis actio rei persecutoria; vel in duplum, uti furti non manifesti vel similis; vel in triplum, uti actio in damnum ex temeraria litigatione sive plus petitione. §. 21. & *seqq. Inst. h.* vel in quadruplum, ut furti manifesti.

An & aliter dividitur?

Alia bonæ fidei, alia stricti juris, alia arbitraria. §. 28. & *seqq. Inst. h.*

Qua est bonæ fidei?

Non omnis ea, quæ ex bona fide datur, sic enim omnis actio esset bonæ fidei; sed in qua iudex laxiorem habet facultatem condemnandi, quomodo & quantum actori ex bono & æquo satisfieri debeat. §. 30. *Inst. h.*

Estne harum numerus certus ?

Ex contractu re inito sunt commodati, depositi, pignoratitia: ex stipulatione est unica de dote: ex consensu omnes: ex quasi contractu, negotiorum gestorum, tutelæ, communi dividundo, familiæ erciscundæ: ex contractu innominato, æstimatoria, de permutacione: denique una realis actio, petitio hæreditatis. *d. §. 28. Inst. h.*

Quæ est stricti Iuris ?

In qua iudex non excedit formam contractus, & nihil supplet: uti ex mutuo, condictio indebiti, ex stipulatione, & similibus negotiis.

Quæ est ratio, quod alia actio sit bonæ fidei, alia stricti juris ?

Quia actio bonæ fidei cum utrinque quid præstandum datur, vel dari potest, sua natura, & propter frequentiam, fidei exuberantiam maiorem desiderans; actio autem stricti juris ab una parte tantum competit.

Ostende diversitatem effectuum in stricti juris & bonæ fidei actionibus ?

2991 §. t. In bonæ fidei habetur ratio omnium Exceptionum, licet initio non sint oppositæ. *l. 3. D. de rescind. vendit.* Usuræ a tempore moræ debentur. *l. 3. l. 32. D. de usur.* Dolus contractui dans causam, facit eum ipso jure nullum. In stricti juris judiciis exceptiones per litis contestationem tantum in iudicium sunt deducendæ. *l. 18. D. comm. divid.* Deinde ex stipulatione usuræ tantum debentur, vel post litis contestationem. *l. 3. Cod. l. 35. D. de usur.* & Dolus non facit contractum nullum, sed parit exceptionem. *pr. & §. Inst. de except. vel actionem de dolo. l. 1. & t. D. de dol.*

Quæ est actio arbitraria ?

In qua vel speciali interlocutione iudicis est opus, vel arbitrium aliquod necessarium est, qualis est Publiciana, Serviana vel quasi, de metu, de dolo, de eo quod certo loco, & ad exhibendum. *§. 31.*

Estne & alia divisio ?

Habet omnis actio vel effectum in solidum, vel non. Non in solidum, vel quia quid est impensum aut compensari potest, vel quia de peculio agitur. *§. 36. 37. & 39.* vel quia agitur contra eos qui beneficium competentie

rentiæ habent, & non ulterius quam facere possunt condemnantur: & haberi debet ratio secundum eorum qualitatem, ne egeant; ut si de dote contra maritum agatur, si liberi contra patronos, socii contra socios, donatarii contra donatores agant, vel debitor bonis cesserit. §. 38. & 40. *Inst. h.*

Da aliam divisionem.

Est ex nostro contractu, vel alieno. Ex alieno, uti exercitoria, institoria, quod iussu, tributoria, de peculio & de in rem verso. *tot. tit. Inst. quod cum eo qui in alien.*

Da aliam.

Ex noxalis ob maleficium servorum vel ob pauperiem quadrupedum. *tot. tit. Inst. de noxal. t. t. Si quadr. pauperiem. vel non noxalis, sive directa.*

De Perpetuis & temporalibus actionibus,
& quæ ad hæredes, & in hæredes trans-
eunt. *Tit. 12. Lib. 4. Inst.*

Potestne & actio aliter dividi?

1. Est vel perpetua, quæ durat ad triginta vel quadraginta annos; vel temporalis, quæ breviori tempore circumscribitur. *pr. Inst. h. qua de rein materia de præscript. actum.* 2. Datur vel hæredibus & contra hæredes, ut rei tantum persecutoria ex contractu; vel datur hæredibus & non contra eos, quia ex delicto est, nisi quatenus pervenit, vel lis sit contestata. *l. unic. C. ex delict. defunctor. vel non datur hæredibus nec contra eos, ut actio injuriarum. §. 1. Inst. h. revocatoria donationis ob ingratitudinem. l. ult. in fin. C. de revoc. donat.*

*Solentne actiones ex contractu aliquando negari
adversus hæredes?*

Non qua rei persecutoriæ sunt, sed qua delictum in contractu commissum est. §. 1. *Inst. h.* Imo & hæres aliquando in solidum conveniri potest in pœnam. §. 17. *in fin. Inst. de action. siquidem ipse deliquerit. d. §. 17.*

De iis per quos agere possumus. Tit. 10.
Lib. 4. Inst.

Per quos possumus actiones instituere?

Per nos ipsos, per tutores, curatores & procuratores nostros; nisi sit talis causa, quæ mandatum vel procuratorem non admittit. §. 1. & 2. Inst. h. de qua re traditum. tit. de procurator.

S E P T I M A
P A N D E C T A R U M


P A R S.

L I B E R XLV.

Tit. 1. De verborum obligationibus. Tit. 16.
Lib. 3. Inst.

De contrahenda, & committenda stipulatione. Tit. 38. Lib. 8. Cod.

Quid est stipulatio?



n specie est contractus, cujus forma consistit præter consensum de re, in verbis, ex interrogatione & apta ad eam responsione. l. 1. l. 5. §. 1. D. h. l. 1. §. 7. l. 52. pr. & §. 2. D. de oblig. & action.

Qua obligatio est ex hoc contractu?

Verborum. pr. Inst. h. sive ex stipulatu, vel certi, vel incerti. d. pr. Inst. h.

Qua est certi vel incerti?

Certi, cum res certa; incerti, cum incerta in stipulationem deducta est. Certa est, cujus species vel quantitas aut suo nomine, aut è demonstratione quæ nominis vice fungitur, qualis, quantaque sit, ostenditur. l. 6. D. de reb. cred. l. 74. D. h. Incerta, cum vel factum vel species indeterminata in genere in obligationem deducta est. l. 75. pr. & §§. seqq. D. h. junct. §. fin. Inst. h.

De

De divisione stipulationum. Tit. 19.
Lib. 3. Instit.

Quomodo distinguitur stipulatio ?

Varie. In genere in prætoriam, judicialem, communem & conventionalem. Prætoria est, cujus autor est prætor solus, non judex; ut damni infecti & legatorum. §. 2. *Inst. h. l. 5. pr. D. de verb. oblig.* ut & ea, quæ ab ædilibus præponitur. *d. §. 2.* Iudicialis, quæ à iudicis solius interlocutione penderet; uti cautio de dolo, aliaque similis. §. 1. *Inst. h.* Communis, tam prætoriam quam judicialis, cujus autor cum prætor tum judex est, prout res commodissime potest expediri; uti stipulatio de rato, rem pupilli salvam fore. §. *fin. Inst. h.* Conventionalis, quæ proprie est contractus. §. 3. *Inst. h.* *Quis tot modis sunt qd*

Da aliam distinctionem, eamque quæ ad contractus prætoriam & judicialem spectat.

Consistit vel in dando, vel in faciendo. *l. 2. D. de verb. oblig.* In dando, si quis quantitatem vel speciem sibi dari stipuletur. In faciendo, cum factum in stipulationem deducitur, ut domum ædificari. *l. 72. in fine Inst. eod.* Imo & aliquando consistit in non faciendo, vel in dando & faciendo simul. *l. 75. §. 7. D. h. l. 85. D. §. 1. de cond. 11. demonst.*

Quis est effectus in dandi vel faciendi obligationibus ?

In dandi præcise conventioni satisfaciendum est. *d. l. 75. §. fin. D. de verb. signif. l. 167. D. de reg. jur.* In faciendi, si promissor facere nolit, liberatur præstatione ejus quod interest. §. *fin. Inst. l. 72. l. 81. 84. 112. §. fin. D. de verb. oblig.* quia nimis durum videtur & contra libertatem, ut homo liber ad faciendum compellatur.

At sæpe id quod interest ad exiguam summam reducit. d. §. fin.

Præstat igitur adjicere certam pœnam, ut si non sit factum, ea præstetur. *d. §. fin. 68. 71. D. eod.*

Quomodo aliter distinguitur stipulatio ?

Est alia dividua, alia individua. Dividua est, quæ partium præstationem recipit. *l. 2. §. 1. D. eod.* Individua, quæ non admittit divisionem vel partium præstationem. *l. 2. §. 2. l. 72. D. h. l. 9. §. 1. D. de solut.*

Annon

Annon est regula aliqua generalis in hac re ?

Quatuor sunt causæ attendendæ. 1 Est , quod à singulis divisum consequi possumus , & pro parte peti , & solvi potest , ut si sit promissio pecuniæ certæ vel certi corporis facta. *l. 85. pr. & §. 1. D. eod.* 2 Est , quod totum peti necesse est , nec divisum præstari potest , uti fit in opere , quod testator fieri jussit. Singuli enim hæredes in solidum tenentur & agunt , quia operis effectus in partes scindi non potest. Quod & verum est in servitutibus realibus. *l. 72. d. l. 85. §. 2. D. eod.* 3 Est , quod pro parte petitur , solvi autem non potest nisi totum. Vti cum stipulatus quis est hominem incertum , vel alternative decem millia aut hominem : si alternative , petitio scinditur , solvi autem non potest , nisi alterutrum in solidum. *d. l. 85. §. 4. d. l. 9. in fin. D. de solut. d. l. 2. §. 1.* 4 Est , quod solidum petendum est , sed in solutione admittit secutionem. ut cum agitur de evictione. omnes enim debitores in solidum sunt denunciandi , omnesque debent subsistere , & quolibet fugiente omnes tenebuntur , sed unicuique pro parte sua , pro qua est obligatus , præstatio injungitur. *d. l. 85. §. 5. l. 61. §. 1. de Eviction.*

Quid , si ita stipulatio sit facta : Si fundus Titianus datus non erit , centum dabis ?

Nisi totus detur , pœna in centum committitur. nec prodest , si plures sint debitores , partem fundi tradere cessante uno : quemadmodum non prodest ad pignus liberandum , partem solvere. *d. l. 85. §. 6. l. 5. §. fin. eod.*

Quid , si factum sit promissum ?

Siquidem id actum sit in stipulatione , ut si cum non fuerit factum detur pecunia , stipulatio potest dividi. *l. 72. D. de verb. oblig.*

Quid , si individua stipulatione unus ex hæredibus solidum præstiterit ?

Habebit ejus repetitionem à cohærede judicio familiaris eriscundæ. *d. l. 2. §. 2. D. de verb. oblig.*

Da aliam divisionem ?

Secundum modum , quo stipulatio contrahitur , est alia pura , alia non pura. Pura est , quæ nec diem
nec

nec conditionem habet. Non pura, in qua addita est conditio vel dies. §. 2. & seqq. *Inst. de verb. oblig.*

Estne & pura stipulatio : annua decem dabitur donec vivam, dabo?

Respectu singularum pensionum annuarum est pura, ut ab initio anni decem dari possint. §. 3. 4. *Inst. eod.* ac perpetua est sua natura : sed propter verba *quoad vivam* datur exceptio pacti si post obitum petantur. d. §. 3.

Quis est effectus pura?

Et si quidem aliqua dilatio detur condemnatis. l. 31. *D. de re judic. l. fin. C. de usur. rei judic.* ac debitoribus fisci. l. 45. §. 10. *D. de jur. fisc.* & in constituto specialiter dari sint decem dies. l. 21. §. 1. *D. de constitut. pecun.* tamen cum pure est facta stipulatio, confestim potest agi. d. §. 2. *Inst. de verb. oblig.* dato eo temporis spatio, quo commode traditio fieri possit. §. fin. *Inst. de inutil. stipul. l. 105. D. de solution.*

Quibus modis dies dicitur adjici?

Aliquando à sola lege, ut si res mobiles dotales sunt restituendæ. l. unic. §. 7. *C. de rei ux. actio.* Aliquando ex re ipsa, cum res non existit, sed speratur. l. 73. *D. de verb. obl.* Aliquando ob adjectionem loci. §. 5. *Inst. eod.* quo casu moderanda est juris dictio, ut tantum temporis detur, quantum sufficiat, ut quis in eum locum venire possit, secundum formam. l. 137. §. 2. *D. eod.*

Quid juris, si dictum, Calendis solvam?

De primis id accipiendum. l. 41. *D. eod.*

Quis est effectus cum dies adjectus est?

Certa quidem est obligatio, sed solutio est dilata, ita ut agi ante non possit, quam omnibus adjecti temporis partibus præteritis. l. 42. *D. eod.*

Quid, si conditio sit adjecta?

Siquidem possibilis sit, servanda est : & obligatio non ante est contracta, quam conditio extiterit : quapropter tantum spes est ex ea debitum iri. §. 4. *Inst. h.*

Suntne ergo effectus stipulationis ejusmodi conditionalis?

Conditionalis creditor in bona debitoris ex primo decreto

decreto mittitur, & ejusmodi stipulatio statim vires
habet. l. 26. D. de stipul. serv. ut vendi possit. l. 17. 19.
D. de hered. de action. vend. admittit hypothecam.
l. 9. §. 10. l. 11. §. 1. D. qui potior. fidejussorem.
l. 6. §. fin. D. de fidejussor.

De inutilibus stipulationibus. Tit. 20.

Lib. 3. Inst.

Quot modis obligationes dicuntur esse inutiles?

Variis: vel ratione personarum, vel rerum, vel
modi.

Quomodo ratione personarum?

Vel respectu stipulantium, ut qui loqui non possunt.
sic muti, nisi tardius loquantur. l. 1. D. de verb. oblig.
aut qui judicio carent, uti minores septem annis. §. 10.
Inst. h. furiosi. §. 8. Inst. eod. Vel promittentium, ut
impuberes sine tutorum autoritate. §. 9. Inst. h. pro-
digi, licet recte stipulentur sibi quid dari. l. 6. D. de
verb. oblig. surdi, qui omnino non audiunt. Vel ra-
tione ejus, cui stipulatio est facta. Nemo enim alteri
potest stipulari. §. 4. Inst. h. l. 38. §. 17. D. de verb.
oblig. nisi stipulatoris intersit alteri dari. §. 19. Inst. h.
vel poena sit adjecta. §. 18. Inst. h. vel filiusfamilias
sit stipulatus patri. d. §. 4. Inst. h. vel pater filio ea quæ
juris sunt stipuletur, non quæ facti. l. 21. 130. D. de verb.
obl. quæ autem pater filio stipulatur & juris sunt, sibi
acquirat. d. l. vel nisi periculum sit, ne res amittatur.
hoc enim casu datur actio utilis. l. pen. C. ad exhib.
l. 3. C. de donat. quæ sub mod. vel solutionis causa alte-
rius persona adjiciatur. quo casu poterit ei, invito sti-
pulatore, fieri solutio. d. §. 4. vel si quis ratione officii
sui stipulationem interponat. *et contrahens contrahit velm p. p.*

Quid, si quis sibi & alteri quid stipuletur?

Valet conventio pro dimidia parte. d. §. 4. l. 110.
D. de verb. oblig. nisi sit res individua. arg. l. 5. D.
commun. prad.

Quomodo ratione rerum?

Si quis alium daturum vel facturum promiserit.
§. 3. Inst. h. Debet enim quisque de suo, non alieno
promittere l. 11. D. de oblig. & act. nisi poena sit
adjecta.

*De
lyz obligat. i.
contrariis
datur.*

adjecta. §. 20. *Inst. h.* vel curaturum promiserit. tunc enim præstanda est exactissima diligentia. Vel nisi opera fabriles deductæ sint in stipulationes. l. 5. *D. de duob. reis.* quia habentur pro mercede præstanda fabris.

At qui fidejussores ad dationem & facta aliorum accedunt?

illegitimus & v. o

Fidejussores, se daturos vel facturos promittunt, si reus non det vel faciat; alias si factum alienum simpliciter promittant, nullas vires habet obligatio. l. 65. *D. de fidejussor.*

Annon & aliter propter conditionem rerum inutilis est stipulatio?

1. Si promissa sit res quæ non est, nec fuit, nec spectatur, vel quæ desit esse in rerum natura. §. 1. *Inst. h.*
2. Si non sit in commercio, licet ex post facto in commercio esse cœperit. §. 2. *Inst. h.*
3. Si sit res propria stipulatoris. d. §. 2. nisi quid ejus nomine absit. l. 82. *D. de verb. oblig.*
4. Si sit res turpis, vel factum, quod est contra bonos mores. §. 23. *Inst. h. l. 123. D. de verb. oblig.*

Quid, si res, quæ erat in commercio, desierit esse in commercio?

Æque erit inutilis stipulatio. d. §. 2. *Inst. h. junct. l. 98. D. de verb. oblig.*

At ob stare videtur l. 85. §. 1. D. de reg. jur.

Siquidem res ipsa inciderit in illam conditionem, ut præstari non possit, concidit obligatio. d. l. 98. quia impossibile non est obligatio. Sin autem quid evenerit circa personam ex quo obligatio contrahi non posset, modo res præstari possit, durat obligatio. d. l. 85. §. 1. *D. de reg. jur.*

Potestne res in genere promitti?

Si species indeterminata promissa sit, valet obligatio, ut ante dictum: secus si quid in genere, quod nullam habet determinationem. uti si dos promissa ab extraneo. l. 1. 6. *de dot. promiss.* non à patre, quia ejus officium est dotare. l. 69. §. 4. *D. de jure dot.* vel si quis fundum stipuletur, quia corpus incertum est. d. l. 69. §. 4. *l. 1. de legat. i.*

Quomoda

Quomodo ratione modi?

342. Obl. 24
act.

1. Si promissor non responderit ad interrogata, vel quoad rem, vel quoad modum obligandi. §. 5. *Inst. h.*
2. Si non sint praesentes, qui contracturi sunt. §. 12. *Inst. h.*
3. Si impossibilis conditio fuerit addita. §. 11. *Inst. h.* siue natura talis, siue turpis fuerit.

*Quid, si stipulanti decem promissor respondet
quinque vel viginti, & illico placuerit
diversitas responsionis?*

Probandum est stipulationem valere; semper autem minor summa debebitur, l. 1. §. 3. in fin. §. 4. D. de verb. signific.

*Quid, si in instrumento sit scriptum quem
promisisse?*

Creditur isti scripturae. l. 30. D. de verb. oblig. §. 16. Inst. h. nisi promissor probare possit se alibi fuisse eo tempore, quo stipulatio est facta. §. 12. *Inst. h.*

*Quid, si quis interroget, dabitur? & alter
responderit, quidni?*

Et si quidem impersonaliter promissio facta non valeat. *Nov. 115. c. 6. Auth. si quando C. de const. pecun.* tamen hoc modo facta valet stipulatio. l. 1. §. 2. D. de verb. oblig.

Annon nutus obligat ut valeat pro pacto?

Potest quidem nutus sufficere, ut pro sit ad liberationem. l. 27. §. 9. in fin. D. de pact. l. 5. D. de resc. vendit. l. 8. 19. D. de acceptilat. si hoc sit actum arg. l. 65. §. 3. D. ad SC. Trebell. sed non ad obligationem. d. l. 1. §. 2.

*Quid, si praesens interrogaverit, & antequam
responderetur discesserit?*

Si reverso sit responsum, valida est obligatio: intervallum enim medium non vitiat actum. d. l. 1. §. 1.

Imo vitiat. l. 137. D. de verb. oblig.

Vitiat, si ad alia stipulationi contrariantia interim partes processerint. d. l. 137. secus si is, qui discessit, mox fuerit reversus. d. l. 1. §. 1.

Quid,

Quid, si circa rem dissenserint contrahentes?

Quod actum est, nullas habet vires. §. 22. *Inst. h. l. 83. §. 1. d. l. 137. §. 1. D. de verb. oblig. si circa corpus sit dissensus. Dd. Ll.*

Quid, si error sit in nomine vel materia, uti aneum pro aureo quis stipulatur annulum?

Æque valet stipulatio. *l. 22. 32. D. de verbor. oblig.* Is autem, qui circa materiam est à sciente deceptus, habet actionem doli. *d. l. 22.*

At emptio nulla est, si circa materiam sit error.

l. 9. in f. l. 14. D. de contr. emt.

Est alia ratio in Emptione, quia Emptoris interest, ne alia materia sit in obligatione, cum precium sit solvendum respondens valori rei. at in stipulatione satius est aliquid quam nihil esse in obligatione. Id, quod dictum de stipulatione, locum habet & in pignore. *l. 1. in f. D. de pig. act. in legato. l. 4. D. de legat. 1. l. 17. D. de condit. ac demonstr. in donatione. l. 18. in f. D. de donation.*

Quid, si res debita perierit?

Si species debita sit, petit creditori, nisi debitor in mora vel culpa fuerit. *l. 23. D. de V. Ob. si genus debitum sit, petit debitori.*

Quid, si per negligentiam vel culpam omissionis ante moram res perierit?

Non tenebitur promissor. *l. 91. D. de V. O. l. 21. D. de hered. vend. nisi lata fuerit & dolo proxima.*

Tit. 2. De duobus reis constituendis.

Tit. 40. Lib. 8. Cod.

Potestne unus tantum stipulari vel promittere?

Possunt plures esse stipulatores vel promissores, qui rei stipulandi vel promittendi dicuntur.

Quæ requiruntur, ut plures debendi vel stipulandi rei fiant?

1. Ut sit eadem res, quæ in stipulationem deducitur. *pr. Inst. h.* 2. Ut eadem sit causa obligationis. 3. Ut singuli in solidum expresse vel tacite sese obligent. 4. Ut quilibet sit principaliter obligatus. *l. 1. l. 2. l. 11. D. junct. pr. Inst. h.*

Ex

*Ex quibus causis possunt esse plures credendi
& debendi rei?*

Non tantum ex stipulatione, alioque quolibet contractu, sed & ex testamento. *l. 9. D. h.*

*Potestne solutio in solidum uni ex reis stipulandi fieri,
& peti ab uno ex correis promittendi?*

Vni ex reis stipulandi debitum solvi potest, & omnis dissolvitur obligatio si solidum sit solutum. §. 1. *Inst. h.* sin autem unus ex promittendi reis conveniatur, habet is, si velit, beneficium divisionis. *Nov. 99. c. 1. junct. l. 11. D. h.* ut solvat tantum rata, nisi correi sint non solvendo, vel absentes. *arg. auth. present C. de fidejussor. aut auth. hoc ita C. eod.* vel partes renunciaverint beneficio divisionis.

Quid, si unus in solidum conveniatur & solvat?

Reliqui quidem liberabuntur. *d. §. 1. l. 1. & 3. D. h.* nisi poena debeatur ex delicto. *l. 11. §. 2. in fin. D. ad l. Aquil.* Is vero, qui solvit, habet actionem negotiorum gestorum, vel ager cessā actione si sibi creditor cesserit eam.

*Quid, si diversus sit modus obligandi, unus pure,
alter sub conditione debeat?*

Et si disparitas summæ efficiat, ut non sint correi. *l. 3. §. 1. D. h.* tamen in modo idem dici nequit. §. *fin. Inst. l. 7. D. h.* *et c.*

Tit. 3. De stipulatione Servorum. Tit. 18.

Lib. 3. Inst.

Possuntne & servi stipulari?

Possunt ex personis dominorum, & ut ejus rei commodum dominis acquiratur. *pr. Inst. h.* nihil servis. *l. 22. D. de reg. jur.* nisi sit factum deductum in stipulationem. §. 2. *eod.*

P A N D E C T A R U M

L I B E R XLVI.

Tit. 1. De fidejussoribus, & mandatoribus.

Tit. 41. Lib. 8. Cod. 21. Lib. 3. Inst.

Quid est fidejussio?

Obligatio accessoria, qua quis mediante stipulatione alienam obligationem sua fide esse jubet; manente debitore æque obligato. *pr. Inst. h.*

Quomodo distinguitur inter mandatorem, expromissorem, constituentem, & fidejussorem?

Mandator præcedit obligationem, & principaliter sese obligat: Fidejussor etiam sequi potest, & tantum accessorie sese obstringit. *d. pr. Inst. h.* Mandator tantum ex consensu. Fidejussor ex stipulatione obligatur. *l. 8. D. l. 12. C. h.* Constituens se solo pacto obligat, & non tantum ad alienum sed & proprium debitum. *§. 8. Inst. de action.* Fidejussor tantum per stipulationem alienum debitum in se recipit. Expromissor proprie est, qui pro non obligato quid promittit ex suis bonis, vel quo intercedente liberatur reus, quasi novatione facta. *l. 37. in fin. D. de oper. libert.*

Qui possunt fidejubere?

Qui valide obligari, etiam filii familias. *l. 7. pr. 2. D. h.* In specie autem ex fidejussione non obligantur foeminae ob SC. Velleian. *l. 2. D. ad. SC. Vellei.* nec milites. *l. 8. §. 1. D. qui satisf. cog. l. 31. D. de loc. condict.* nisi in rem suam. *d. l. 8. §. 1.* non minores, qua restitui possunt. *l. 3. §. 7. D. de minor.*

Quid, si quis pro fidejussore alium æquo idoneum dare velit?

Non est audiendus nisi ex magna causa quod in pignore facilius est admittendum.

Ad quam obligationem dari potest fidejussor?

Ad omnem, etiam naturalem tantum. *§. 1. Inst. h. de contract.* *l. 12. l. 8. §. 1. l. 16. §. 3. D. h.* Est enim ea quidem arctior firmiorque, sed non durior quoad summam vel rem. Non autem pro dote. *l. 1. 2. C. ne fidejuss. dot. dent.* *Probativ.*

dent. non in crimine capitali. l. 56. §. fin. D. h. l. 3. 4. D. de custod. reor.

Quid, si sit obligatio pupilli, furiosi, aut prodigi?

Pro obligatione pupilli recte accedit fidejussor. Modo sit infantia major. l. 127. D. de verb. oblig. non pro furiosi vel prodigi. l. 6. D. de verb. oblig.

Atqui contrarium est in l. 25. D. h.
Non ibi tractatur de obligatione quæ est nulla, sed quæ est efficax, si ex re & utilitate nascatur. l. 46. D. de verb. oblig. & act.

Quid, si ex officio judicis tantum quid debeatur, cum actio competere non possit?

Aequè tenebitur fidejussor. l. 8. §. 12. D. h.

Quid, si fidejussor accesserit ad obligationem cui præscriptum est?

Non valet obligatio, nisi sciens fidejussor accesserit. l. 37. D. h. junct. l. 29. in fin. D. mandat.

Quid, si contractus, ad quem accedit, sit turpis vel impossibilis?

Nullas vires habet fidejussio. arg. l. 5. C. de legib. l. 16. d. h.

Quæ est forma fidejuben- di?

Necesse est ut interveniat stipulatio: non admittitur ut plus debeat fidejussor quam debitor. §. 5. Inst. h. rei, loci, aut temporis ratione. d. §. 5.

Quid, si quis sese obligaverit ad majorem summam quam principalis debet?

Probat. Nulla est fidejussio, quia alia obligatio est, ita quidem ut in concurrentem summam non teneatur de jure stricto. l. 8. §. 7. D. h. id ex jure certum est, quod qui ad majorem summam fidejusserit, quam rogatus erat, habeat mandati actionem tantum ad summam, ad quam rogatus est. l. 33. D. mandat.

Quid, si fidejussor obligaverit se ad interesse, cum reus ad factum teneatur?

Valide se obstrinxit, & id, quod interest, in locum facti succedit. §. fin. Inst. de verb. oblig.

Potestne fidejussor sese obligare ante principalem?

Non est dubitandum. §. 3. Inst. h. & si ita quis sit stipulatus: *quantam pecuniam Titio quandoque credidero, dare spondes?* & is Titio sæpe crediderit, obliga-

obligatus erit in omnes summas fidejussor. l. 55.

D. h.

Qui obligantur ex fidejussione?

Non tantum ipse fidejussor, sed & hæredes ejus.
§. 2. *Inst. h.* quia fidejussor vicem rei obtinet. l. 4.

D. h.

Quæ beneficia sunt tributa fidejussoribus?

Primum est ordinis sive excussionis, per quod datur fidejussori convento exceptio, ut principalis prius conveniatur ac discutiatur. *Nov. 4. c. 1. auth. presente. C. h.* Secundum est, Epistolæ divi Hadriani sive divisionis, quo habet exceptionem unus ex pluribus fidejussoribus conventus, ut creditor cogatur dividere actionem, & à singulis, qui litis contestatæ tempore solvendo sunt, portionem virilem petere. §. 4. *Inst. h.* Tertium est cedendarum actionum, quo fidejussori convento datur exceptio, ne compellatur ad solvendum nisi creditor paratus sit ei cedere actiones adversus debitorem & confidejussores. l. 11. *C. h.* l. 17. *D. de solut.*

Quibus modis cessat beneficium ordinis sive excussionis?

1. Si ejus renunciatio facta sit. arg. l. penult. *C. de pact.* 2. Si debitor si absens. *auth. present. C. h.* vel notorie inops. 3. Si reus non sit solvendo. d. *auth. l. 6. D. de dol. mal.* 4. Si fidejussor inficietur se fidejussisse. arg. l. 10. §. 1. *D. h. l. 37. D. de minor.* 5. Si quis intercesserit pro eo, qui naturaliter tantum erat obligatus, cum reus ipse excuti nequeat. 6. Si fidejussor successerit reo. l. 24. *C. h.* atque aliis modis.

Habetne & hoc beneficium is, qui se ut principalem obligavit & suscepit solutionem ejus tanquam proprii debiti?

Id pro renunciatione tacita habendum est, cum verba non debeant esse otiosa & sine virtute operandi. l. 1. §. 1. *D. quod quisque injur. l. 109. D. de leg. 1.*

Quid, si quis juravit se soluturum omnia quæ reus debet?

Distinguendum est: aut simpliciter promisit solutionem jurato, aut simul alia adjecit, ex quibus enixa

*Adoniam
fidejussor
si debili
obligatur?*

enixa voluntas & præsumtio de renunciando colligi potest. Primo casu non videtur renunciatio esse facta. arg. l. fin. C. de non numer. pec. altero utique. arg. l. 77. §. 23. D. de legat. 2. l. 1. C. si advers. vendit.

Quid, si quis renunciaverit generaliter omnibus beneficiis, & nihil fuerit dictum de speciali?

Verius est non admitti absolute illam generalitatem, nisi is renunciationem fecerit, cui nota fuerunt beneficia.

Quid, si fidejussor conventus sit absente reo, & reus lite contestata revertatur?

Magis est, ut non competat exceptio, quia uti coeptum ita finiri debet iudicium. l. 30. D. de judic. sed si rempus, quod petiit ad sistendum reum, etiamnum currat, non est ei deneganda exceptio.

Quibus modis cessat beneficium divisionis?

Cessat primo, si fidejussor neget se fidejussisse. l. 10.

§. 1. D. h. 11. Si reliqui fidejussores non sint solvendo: nam si post litis contest. definant solvendo esse, id pertinet ad damnum creditoris. d. §. 4. 3. Si plures fidejussores sint diversarum stipulationum, licet ejusdem summæ. l. 43. D. h. Illi enim proprie sunt confidejussores, qui eandem summam apud eundem eodemque contextu in se recipiunt. 4. Si quis fuerit principalis & fidejussoris fidejussor. l. 27. §. 4. D. h. 5. Si quis renunciaverit beneficio divisionis. l. penult. C. de pact. 6. Si quis intercesserit cum foemina. is enim in solidum obligatus est. l. 48. D. h.

Fidejussor solvens solidum potestne à confidejussoribus portionem suam consequi?

Non recuperabit, nisi cessa sit actio. Cedi autem potest non tantum antequam solverit, sed & post. l. 36. D. h. arg. l. 11. in pr. D. de action. emt.

Verum contrarium est, quod per solutionem debiti sublata sit omnis obligatio?

Id verum quidem est respectu creditoris, qui bona fide non potest denuo petere: sed non respectu solventis, quia is quasi emtor nomen solvit, non autem donat, unde creditor tradere suum jus, hoc est, cedere tenetur. d. l. 36. D. h.

Vehementer & obstat l. 76. D. de solution.

Is textus loquitur de tutore. Tutori enim aliunde prospectum, quia habet actionem ex causa tutelæ, qua agat adversus contutores. *l. 1. §. 13. D. de tutel. & ration. distrabend. l. 20. eod.* Fidejussori autem nulla contra confidejssores est parata actio, nisi cessat. *l. 39. D. h.* unde ne ipsi actio in totum pereat, cedi debet.

*Ratio, & labor
pripilli, & ro
facili, & hinc
pripilli, & hinc
pripilli, & hinc
pripilli, & hinc
pripilli, & hinc*

*Debetne fidejussori solvere parato in solidum
actio cedi, an pro parte virili?*

Cessio facienda est, non ut eam portionem, quæ solventem contingit, sed partes, quas confidejssores debent, recuperet.

*An & sine cessione potest fidejussor solvens
consequi à debitore quod solvit?*

Potest actione mandati contraria. *§. 6. Inst. h. vel negotiorum, si non sit rogatus. l. 20. §. 1. l. 53. D. mandat. si pro invito intercesserit, nihil restituetur. l. 40. D. eod. l. fin. C. de negot. gest.*

*Potestne fidejussor antequam solverit con-
venire reum ut liberetur?*

Regulariter non potest. *l. 14. 22. 51. D. mandat.* Verum sunt nonnulli casus speciales. 1. Si reus diu cessaverit in solutione. *l. 38. §. 1. D. eod. c. ult. h.* Nec enim in ancipiti quis fluctuare debet perpetuo. *arg. l. 3. in fin. ut in possess. legator.* Quid diu cessare sit, relinquendum arbitrio judicis. 2. Si debitor dilapidet patrimonium post fidejssionem. *l. 10. C. mandat. d. l. 38. §. 1.* 3. Si fidejussor sit condemnatus. *d. l. 10.* 4. Si aliter convenerit. *d. l. 10. junct. l. 1. §. 1. D. de pos.* 5. Si fidejussor quidem non solverit, sed id præstiterit quod cedit loco solutionis. ut si pecuniam in judicio obtulerit & deposuerit. *l. 46. D. h. l. 56. §. 1. D. mandat.* aut creditori debitorem suum delegaverit. *l. 18. D. h. l. 2. C. de novat.* aut debitum fuerit compensatum. *l. 5. D. compensat.* (est enim compensatio pro solutione) aut liberatus sit debitor per acceptilationem. 6. Si fidejussor discessurus sit ex eo loco. *arg. l. 23. D. de procurat. l. 15. D. de recept. arbitr. l. 18. D. de judic.* 7. Si quis negotia alterius gerens se eo nomine obligaverit. *l. 28. D. de negot. gest. junct. l. ult.*

l. ult. D. de contrar. tutel. 8. Si capitales inimicitiae inter debitorem & fidejussorem fuerint exortae : quia fidejussionis causa , quae consistit in officio & amicitia, sublata esse videtur cum inimicitiae intervenerunt. arg. l. 11. D. mandat.

An & cum repetit quod solvit, fidejussor tantum principale debet consequi?

Non tantum id, sed & omne damnum, expensas, & id quod interest. *c. 1. 2. x. h. d. §. 6. Inst. h. l. 20. 23. 35. D. mandat.*

Quibus modis tollitur fidejussio per factum & personam rei?

1. Solutione. *l. 37. D. h. 2. Novatione. l. novatione C. h. 3. Confusione. l. 93. §. fin. D. de solut. 4. Praescriptione. l. 3. 4. C. de praescript. long. temp. Qui enim usucepit, pro solvente habetur. 5. Pacto de non petendo. l. fin. D. de pact. & similibus causis.*

l. 293 Mandati

Quibus modis tollitur obligatio. Tit. 30. Lib. 3. Inst.

Tit. 2. De Novationibus & Delegationibus. Tit. 42. Lib. 8. Cod.

Quibus modis tollitur obligatio?

Sunt varii; aut enim est novatio, aut solutio, aut acceptilatio, aut contraria voluntas, similesque alii.

Quid est Novatio?

In genere accepta, est debiti prioris in aliam obligationem civilem vel naturalem transfusio. *l. 1. D. h.*

Quomodo distinguitur?

Est vel voluntaria, quae fit per conventionem; vel necessaria, quae fit per iudicium sive litis contestationem. *l. 29. D. h. l. 11. §. 1. D. h.*

Non videtur quod sit novatio per litis contestationem, quia per eam non tollitur sed firmatur tantum prior obligatio. l. 28. D. h.

Litis contestatio non essentiam obligationis tollit, sed in aliis mutat; ut, si quae peritura esset tempore,

tempore , fiat perpetua , & quæ morte interiisset , transeat in hæredes. *l. unic. C. ex delict. defunct. l. 87. D. de reg. jur.* Accedit & quasi contractus , qui est ex litis contestatione de iudicio , ac deinde iudicati actio.

Quid statuendum de pignoribus, fidejussoribus, usuru, & mora?

Per novationem voluntariam omnia mutantur. *l. 18. D. h.* In necessaria nec pignora nec hypothecæ nec fidejussores liberantur. *l. 3. §. 4. D. de pignor. l. 8. §. 3. D. de fidejussor. nec usura sistitur. l. 1. C. de iudic. nec mora purgatur. l. 84. D. de verb. oblig.* actor enim per eam nunquam facit conditionem suam deterio-rem.

Quomodo distinguitur novatio voluntaria?

Est vel novatio in specie , quæ fit , cum vel summa sive res, vel debiti causa vel modus obligandi manente eodem debitore & creditore mutatur ; vel est delegatio , cum alius debitor promittit solutionem creditori sui creditoris. *§. 3. Inst. h. l. 11. D. h.*

Quomodo delegatio distinguitur à cessione?

Delegatio fit , cum debitor alius promittit ei , cui delegatur, solutionem : cessio fit sine promissione ; imo cessio fieri potest invito vel ignorante debitore. *l. 1. C. h.* Sic delegatus non potest solvere suo priori creditori , & , si solverit , nihil agit : cum is , contra quem cessæ est actio , priusquam litem sit contestatus vel ei sit denunciatum vel is partem debiti solverit cessionario , recte primo creditori solvat & sic liberetur. *l. 3. C. h.*

Quæ obligatio tollitur per novationem?

Non distinguendum est , adeoque & in obligationem naturalem tantum potest fieri novatio. *l. 1. in fin. D. h. d. §. 3. Inst. h.* tolliturque per eam fidejussio. *l. 60. D. de fidejussor. l. 4. C. h.* Eo tantum attento , ut si conditionalis sit vel in diem incertum contracta obligatio , non statim novata dicatur , sed tunc cum conditio extiterit. *d. §. 3. l. 5. l. 8. §. 1. l. 14. D. h.* & si in diem sit contracta , ex ea agi non possit antequam dies venerit. *d. l. 5.*

Annon pœnali stipulatione novatur præcedens obligatio?

Non videtur, quia pœnalis stipulatio non additur, ut tollatur prior, sed firmior sit propter pœnam. §. ult. *Inst. de verb. obligat.* Nec contrarium est in l. 1. §. 8. *D. ad l. falcid. in l. 1. D. de pœn. legat. in l. 24. D. quand. dies legat. l. 44. §. fin. D. de oblig. & Action. l. 84. D. de verb. oblig.*

Debetne exprimi animus novandi?

Debet. *l. fin. C. h.* quia nemo præsumitur sibi quid adimere vel quid mutare. *d. l. fin.* interim certæ conjecturæ hic sunt admittendæ. Non autem potest colligi ex prorogatione diei solutionis novatio, nec fidejussor ex ea liberabitur, nisi ad certum tempus præcise fidejussor obligaverit. *l. 15. D. h. l. 25. §. fin. de recept. arbit.* Nec obstat *l. 7. C. de locat.* quia ibi conductio, non dies solutionis prorogatur.

Tit. 3. De solutionibus ac liberationibus.

Tit. 43. Lib. 8. Cod.

Quid est solutio?

In genere, est quælibet liberatio ab obligatione. *l. 54. D. h.* In specie, est præstatio naturalis ejus, quod debetur.

Quæ debent concurrere ut efficaciter fiat solutio in specie?

Concurrere debent nonnulla ratione personarum.
1. Ut is sit, qui solvere possit. sunt enim nonnulli, qui non possunt: ita pupilli sine tutoris autoritate, aliique, qui nihil alienare possunt, non solvunt, nec rem faciunt accipientis: imo quod solum est vindicare possunt. *l. 13. 14. §. fin. D. h. §. fin. Inst. de h. q. alien. non lic.* 2. Ut ei solvatur, qui liberare potest. *l. 14. D. h.*

Potestne & procuratori solvi?

Potest. *l. 12. D. h.* sive sit generalis. *l. 34. §. 3. D. h.* sive ad exigendum constitutus. *d. l. 12. D. h.* licet mandatum sit revocatum ignorante debitore. *d. l. 12. §. 2.* Non autem constituto ad litem agendam. *l. 86. D. h.* Imo & aliquando non procuratori solvitur,

solvitur, si nomen insertum sit stipulationi. *d. l. 12.*

§. 1. etiam creditore invito. *d. l. 12. §. 3.*

Debetne distinguere inter personas solventes quas solvere possunt, utrum pro se an pro alio solvant?

Licet pro alio solvere & ex mandato. *l. 49. 64. 66. D. h. & sine mandato, ignorante debitore, & pro invito. l. 23. 40. D. h. pr. Inst. quib. mod. toll. oblig.*

Qua debent concurrere ratione rerum?

1. Ut totum solvatur. *pr. Inst. eod. l. 3. D. famil. ercisc. nisi pars debiti sit illiquida. l. 21. D. de reb. cred. vel diversæ summæ debeantur. l. fin. D. quib. mod. pig. solvat. vel fiat partis solutio ex voluntate. §. 1. in fin. Inst. quib. mod. toll. oblig. vel lex aliud admittit; uti fit in hæredibus, inter quos ipso jure obligatio dividitur. l. 6. C. famil. ercisc. l. 11. l. ult. D. de distract. pig.* 2. Ut idem, non aliud solvatur. *l. 2. §. 2. D. de reb. cred. nisi necessitas, vel lex publica, vel creditoris voluntas aliud admiserit. Nov. 4. c. 3. l. 35. §. 3. C. de donat. junct. l. fin. §. 5. C. de commun. serv. manumiss. l. 57. D. h. vel de corpore sit actum cæ quantitate. l. 1. in fin. l. 35. junct. l. 9. D. de aur. & argent. vel postea sit petita æstimatio. l. 22. D. de reb. cred.*

l. 2. C. de reb. cred. l. 2. D. de reb. cred.

Qua concurrunt respectu modi?

Ut fiat suo loco. *l. 2. §. 7. l. 9. D. de eo quod cert. loco. adjecto tempore. l. 122. D. de verb. oblig. Ante diem vero solvere est permissum. l. 137. §. 2. D. eod. nisi creditoris gratia dies adjectus sit, quod probandum est, at non præsumitur.*

Si nummi sint solvendi, quales solvi debent?

In omni forma, modo nulla sit in ea re captio vel vexatio. *l. 99. D. h. & in specie non sit actum, ut in certa specie solverentur.*

Quid, si quid sit solutum ei, cui ex variis causis debetur?

Debitor potest in continenti constituere tempore solutionis, in quam causam velit esse solutum. *l. 1. C. h. Siquidem debitor nihil constituerit, potest creditor suo jure in continenti constituere, dummodo sic agat ut in re sua agi vellet. l. 1. in fin. 2. 3 D. h.*

Quid, si nihil dictum sit tempore solutionis?

Semper in duriorē causam creditor sibi acceptum ferre debet. *d. l. 3. D. h.* ac sic videtur quid solutum esse 1. in debitum sub infamia. *l. 7. D. h.* 2. In debitum sub pœna. *l. 4. D. h.* 3. In debitum sub pignore. *l. 5. §. 2. D. h.* 4. Magis in proprium quam alienum. *d. l. 4. D. h.* His vero cessantibus semper in vetustiorē causam. *d. l. 5. pr. & prius in usuras, quam fortem. d. l. 5. §. 2. & 3.* & si omnia nomina sint similia ratione temporis & causæ, pro rata ex singulis summis videtur quid esse solutum. *d. l. 5. l. 8. D. h.*

Tit. 4. De Acceptilationibus. Tit. 44.

Lib. 8. Cod.

Quid est acceptilatio?

Est solutio imaginaria, cum quod debetur acceptum fertur, ac si vere solutum esset. *§. 1. Inst. quib. mod. toll. oblig.* vel, ut Modestinus ait, est liberatio per mutuam interrogationem, per quam contingit ab obligationis nexu absolutio. *l. 1. D. h.*

Quomodo distinguitur?

Fit vel simpliciter, vel per Aquilianam stipulationem. Simpliciter, cum verborum obligatio verbis tollitur. *§. 1. Inst. eod.* Per Aquilianam stipulationem, cum quod ex alia causa debetur, prius transfunditur in obligationem verborum, & deinde verbis tollitur. *§. 2. Inst. eod.*

Acceptilatio inutilis habetne vim pacti?

Id affirmatur. *l. 8. D. h.* quod in stipulatione inutili non admittitur, quia per illam contrahenda est obligatio. *l. 1. §. 2. D. de verb. oblig.*

De dissensu & aliis nonnullis modis.

Quomodo dissensu solvitur obligatio?

Ea, quæ consensu facta est, contraria voluntate dissolvitur re integra. *§. fin. Inst. quib. mod. toll. oblig.* & si res defierit esse integra, non aliter, quam omnibus redintegratis. *l. 58. D. de pact.* salvo autem jure eorum, quibus jus interim quæsitum est.

Antony
mia

13 12 scribis de portat.

12 Qui fuerunt missi. ad litteras b. Sacerdot.

Quid,

Quid, si re contracta sit obligatio?

Non aliter solvitur, quam re restituta: quo enim modo quid ligatum est, eodem solvi debet. *l. 35. D. de reg. jur.*

Suntne & alii modi?

1. Est confusio, cum debitor creditori vel creditor debitori succedit. *l. 93. in fin. l. 95. §. 2. D. de solut.*
 2. Compensatio. *l. fin. §. 1. C. de compensat.* 3. Oblatio, consignatio & depositio rei debitæ. *l. 9. C. de solut. l. 6. 9. 19. C. de usur.* 4. Pactum expressum vel tacitum, vel transactio. 5. Interitus rei debitæ.

Tit. 5. De Prætoriiis stipulationibus.

Quæ sunt stipulationes prætorie?

In specie sunt ex, quas prætor interponit, de quibus *tit. sup. de divis. stipul.* In genere, quæ sunt ex edicto ejus. Hæ sunt vel judiciales, quæ propter judicium interponuntur, ut judicatum solvi; vel cautionales, quæ ad securitatem fiunt, uti sunt de legatis, de tutela; vel communes, quæ fiunt & causa judicii & securitatis, uti quæ fiunt iudicio sistendi causa.

Omnes cautiones prætorie requiruntne fidejussores?

Verum est, cum satisfactio in specie exigitur. *l. 7. D. h.* non cum in genere cautio. Sufficit enim nonnunquam nuda promissio. ita in operis novi nuntiatione, qui suo nomine caver, repromittit, qui alieno nomine satisfat. de opere, quod in privato factum, est satisfactio, de eo quod in publico, est repromissio. *l. 1. §. 6. D. h.* Ex causa damni infecti de ædibus est repromissio; de flumine publico satisfactio. *d. l. 1. §. 7.* Stipulatio duplex est repromissio, nisi aliter convenierit. *d. l. 1. §. 8.*

Potestne sæpius prætoria stipulatio interponi?

Potest, cum sine culpa stipulatoris cautum esse desiit. *l. 4. D. h.*

Quomodo ambiguus sermo interpretandus est?

Quia spectari debet mens prætoris, ipsius erit interpretari. *l. 9. D. h.*

Tit. 6. Rem pupilli vel adolescentis salvam fore.

*Qua est stipulatio rem pupilli vel adolescentis
salvam fore?*

Hac consulitur pupillis & minoribus ad securitatem
per satisfactionem. *l. 1. & 4. §. 4. D. h.*

Ex quibus causis ex hac agi potest?

Ex iisdem, quibus tutelæ. *d. l. 4. §. 6. l. 11. D. h.*
Nec solum quod in patrimonio est, sed quicquid etiam
accessorium est, hac stipulatione comprehenditur.
l. 9. 10.

Quid, si plures sint fidejussores?

Si pupillus agat, non dividitur actio, quia non
contraxit ipse; secus si alius. *l. fin. D. h. confir. Nov. 4.
c. 1.*

Tit. 7. Judicatum solvi.

Qua est stipulatio, judicatum solvi?

Hæc tres habet clausulas. *l. 6. D. h.* 1. De re judi-
cata, per quam præstatum quantum iudex pronuncia-
verit. *l. 9. D. h.* & quoad ipsam causam, & quoad
contumaciam aut delictum. *l. ult. C. de fidejuss.* 2. De
re defendenda ex boni viri arbitratu, & in solidum.
l. 35. §. 2. D. de procurat. l. 17. D. h. 3. De dolo
malo, ut is absit omni tempore. *l. 19. D. h.*

*in patre quod
continuat
sed ad vltra
huius iurisdictionis
l. ult. §. 2.
fidejuss.*

Tit. 8. Rem ratam haberi, & de rati- habitione.

Qua est satisfactio, rem ratam haberi?

Quæ præstatum, cum dubitatur de mandato procu-
ratoris. *l. 1. C. de procurat. ex qua agitur in id quod
interest. d. l. 19. D. h.*

P A N D E C T A R U M

L I B E R XLVII.

Tit. 1. De privatis delictis.

Delictum quomodo distinguitur?

Est aliud publicum, aliud non publicum. de publico infra agetur. Non publicum est, vel privatum vel popolare.

Quod est privatum?

Ad cuius pœnam tantum læsus agit, non alius.

Quomodo distinguitur privatum?

Est vel ordinarium, vel extraordinarium.

Quæ species sunt ordinarii delicti?

Furtum, rapina, damnum injuria datum, ac injuria.
pr. Inst. de obl. q. ex delict.

Quæ sunt communia in privatis delictis?

1. Quod læsi tantum agant. 2. Quod actiones pœnales pecuniariæ non dentur contra hæredes, nisi lite contestata vel quatenus ad hæredes pervenit. 3. Quod non desideretur inscriptio, nisi criminaliter agatur. *l. fin. D. b.* 4. Quod si multa concurrant, nullius debeat dari impunitas. *l. 2. D. b.*

Tit. 2. De furtis. Lib. 6. Cod.

Quid est furtum?

Est contrectatio (quæ sit per amotionem, vel aliam quamvis rei interceptionem. §. 6. Inst. de oblig. quæ ex delict.) fraudulosa rei, lucrificandi causa, rei, vel usus, vel possessionis. *l. 1. §. ult. D. b.*

Quid requiritur, ut furtum dicatur esse commissum?

1. Ut sint personæ doli capaces. *l. 23. D. b.* Hæc autem capacitas non ex annis certis, sed ex facto pro re nata, ad arbitrium judicis æstimanda est. 2. Ut pœnes furem sit affectus furandi. §. 7. Inst. eod. 3. Ut fiat invito domino. §. 8. Inst. eod. 4. Ut res sit talis, quæ possit cadere in furtum.

*Potestne filius patri, in cuius est potestate,
furtum facere?*

Non ex eo datur actio patri adversus filium, sed res fit furtiva, & reliqui, qui opem vel consilium dederunt, furti tenentur. §. 10. *Inst. eod.*

Quid, si quis opem vel consilium tulerit?

Non facit furtum, sed tenetur furti, modo sit securum. §. 1. *Inst. eod.* si opem tantum tulerit animo furti ab alio committendi, siue consilium tantum dederit sciens. l. 53. §. 1. *D. de verb. signif.*

Quarum rerum fit furtum?

*ali. quoad
possessione*

Tantum alienarum, non propriarum, nisi quatenus quid absit. §. 10. *Inst. eod.* Non liberorum hominum, nisi qua patri adimitur utilitas. l. 27. *de furt.*

Quomodo fit? l. 22. de sign. act.

Vel manifeste, cum fur deprehenditur in furto vel in loco, quo furtum fit, vel cum re antequam detulerit ad locum, in quem deferre voluit. §. 2. *Inst. eod.* Vel non manifeste. d. §. 2.

Debetne necessario deprehendi?

Debet. Nec sufficit, si fur tantum sit visus & non deprehensus. l. 7. *D. h.* *ad 3. 2*

Quibus datur actio?

l. 99. de furt.

Non tantum dominis, quibus furtum est factum, sed & omnibus, quorum interest ex honesta causa rem esse salvam, quique levi culpam præstare debent. §. 13. & seqq. *Inst. eod.* l. 11. 12. *D. h.*

Qua est poena furti?

Ordinaria est de jure civili tantum pecuniaria, in manifesto quadrupli, in non manifesto dupli. Præter hanc datur & vindicatio contra possessorem, vel condictio furtiva contra furem, aut ejus hæredem in solidum. §. fin. *Inst. eod.* l. 9. *D. de condict. furt.* Extraordinaria est criminalis. l. fin. *D. h.*

Estne fur ultimo supplicio afficiendus?

Si furtum sit simplex, nec de jure divino nec civili poena capitalis unquam ordinario statuta. Cæterum, si alia scelera concurrant, vel nimis frequentia sint delicta, exasperari secundum qualitatem rei potest supplicium. l. 16. §. fin. l. 28. §. penult. *D. de pæn.*

Licetne

Licetne rem furtivam querere in alienis ædibus?

Non aliter, quam cum suspicio est contra illum, in cujus ædibus inquisitio facienda est. arg. l. 1. §. hoc autem D. l. 2. C. de serv. fugitiv. vel publica utilitas urget. l. quosdam C. de metall. l. omnes in fin. C. de aqueduct. Nec aliter inquisitio fiet, quam præsentibus ad eam rem ex senatu deputatis. arg. §. 4. Inst. eod.

Tit. 3. De tigno juncto.

Quid juris in tigno furcivo juncto?

Dominus constante ædificio tignum non potest vindicare sed agit in duplum; ac prætereà habet conditionem, vel soluto ædificio vindicationem. l. v. 2. D. h.

*l. si bona
f. de juncto*

Tit. 4 Si quis testamento liber esse jussus fuerit, & post mortem domini, ante aditam hæreditatem, furripuisse aut corrupisse dicetur.

Quid si is, qui in testamento liber est jussus, ante aditam hæreditatem domini quid subriperit?

Datur in eum actio utilis in duplum. l. 1. D. h.

Tit. 5. Furti adversus nautas, cauponas, stabularios.

Quid, si furtum sit factum in navi, caupona, vel stabulo?

Si per eos, quorum opera exercentur naves, caupona, stabula, datur actio adversus exercitores in duplum: si per viatores, potest agi & adversus exercitores in simplum ad restituendum quod oblatum est, & adversus ipsos viatores furti in duplum. l. unic. D. h. l. 1. §. 2. l. 2. & 3. naut. caup. stabul.

Tit. 6. Si familia furtum fecisse dicetur.

Quid, si familia, hoc est omnes servi furati sint?

Habet dominus electionem, utrum velit solvere quantum solvendum esset si unus furtum commisisset, an velit omnes noxæ dare. l. 1. D. h.

Th.

Tit. 7. Arborum furtim cæsarum.

Quid, si arbores furtim fuerint cæsa?

Datur actio in duplum, facienda æstimatione quanti inter sit non cædi. l. 7. §. fin. & l. 8. D. h. & qui arbores & maxime vites cædunt, etiam tanquam latrones puniuntur. l. 2. D. h.

Quid est cadere furtim?

Ignorante domino vel succidere, vel ferire cædendi causa. l. 5. D. h.

Quid est cingere?

Est deglabrare abstracto cortice arborem. d. l. 5.

Quid, si cinxerit quis & exstirpaverit arborem?

Teneretur ex l. Aquilia quasi ruperit. l. 7. §. 7. junct. l. 5. §. 1.

Tit. 8. Vi bonorum raptorum & deturba.

Tit. 13. Lib. 6. Cod. 2. Lib. 4. Inst.

Quid est rapina, & qua actio ex hoc delicto?

Est contrectatio rei alterius violenta. Ex hac datur læso privata actio intra annum in quadruplum, cui rei persecutio inest; post annum in simplum. pr. Inst. h. aut iudicium publicum de vi publica vel privata.

Quid, si quis per errorem juris rem suam vel quam putabat esse suam raperit?

Si suam, amittit dominium: & si eam, quam putabat esse suam, restituet eam cum æstimatione. §. 1. Inst. eod.

Cui, & adversus quos datur hac actio?

Datur iis, quibus furti. §. fin. Inst. eod. adversus raptores, vel qui rapinam fieri curaverunt. l. 2. §. 8. D. h.

Tit. 9. De incendio, ruina, naufragio, rate, nave expugnata.

Quæ actio datur in eum, qui ex incendio, ruina, naufragio, dolo malo damnum dedit?

Actio intra annum in quadruplum; post annum in simplum. l. 1. D. h. q. æ. prætor. a. p. n. a. l. 1. §. 1.

Quid, act. furti manifesti.

Quid, si orto incendio ædes dissipatæ sint?

Si ædes necessario essent perituræ, nulla dabitur actio. l. 3. §. 7. D. h.

Quid jure novo cautum est de naufragiis?

Quod tam ipsa navigia, quam navigantium bona integra servari debeant, nisi exercuerint piraticam pravitatem. Nec fisco datur ex hac re actio: non enim ex aliena calamitate & re luctuosa compendium sectari debet.

Tit. 10. De injuriis & famosis libellis.

Tit. 35. Lib. 9. Cod. 4. Lib. 4. Inst.

Quid est injuria?

In genere est omne factum contra jus. *pr. Inst. h.* Ita in l. Aquil. damnum injuria committi dicitur. §. 2. *Inst. de leg. Aquil.* In specie, est delictum privatum, quo liberi hominis corpus aut fama læditur. *d. pr. & §. 1. h.*

Quæ debent concurrere ut injuria sit illata?

1. Affectus injuriandi. l. 3. 4. D. l. 9. l. 10. C. h. qui in facto per se contumelioso semper præsumitur. *arg. l. 41. D. ad l. falcid. nisi contrarium probetur. l. 5. C. h. junct. l. 42. D. de verb. signific.*

Quomodo distinguitur?

Est vel realis, quæ re & facto, uti pulsatione, vulneratione; vel verbalis, quæ verbis per convitia, per famosos libellos inferitur. §. 1. *Inst. h. l. 1. §. 3. D. h.*

Qui possunt injuriam inferre?

Qui doli sunt capaces. l. 3. §. 1. D. h. Prodigii itaque etiam inferre possunt. *arg. l. 111. D. de reg. jur.*

Per quos & quibus inferitur injuria?

Et per eos, qui intulerunt, & per eos, qui dolo malo curarunt. §. *penult. Inst. h.* Patimurque non tantum per nos, sed & per liberos, uxores. §. 2. *Inst. h.* per defunctum, cujus hæredes sumus, si post obitum fama ejus læsa, vel cadaveri sit illata injuria, aut funeri. *d. l. 1. §. 4. 6. D. h.*

Quid, si injuriam inferens nesciat, cujus sit filius vel uxor?

Æque dabitur actio patri vel marito. *d. l. 1. §. penult.*

Si quidem filio vel uxori sit illata injuria, annon consumetur actio, si ex unius persona sit actum?

Nulla modo: spectantur enim singulorum personarum.
d. l. 1. §. fin.

Quomodo per servos & famulos nostros infertur?

In illis, qui sunt in potestate, vindicatur tantum ea, quæ atrox est, vel directa in contumeliam nostram.
§. 3. *Inst. h.* Liberis hominibus nobis inservientibus si sit illata, tunc tantum à nobis vindicanda est, quæ pertinet ad diminutionem nostræ existimationis.

Quæ est pœna injuriarum?

Cum alia sit atrocior, alia levior; siue civiliter siue criminaliter agatur, est arbitraria in omnibus, in quibus non est specialis constituta pœna. §. 7. 8. 10.
Inst. h.

Quæ est atrox injuria?

Ex loco, ex tempore, ex persona, vel aliis circumstantiis id dijudicandum est. l. 7. §. atrocem. l. 8. l. 9.
D. l. 4. C. §. 9. *Inst. h.*

Potestne & per procuratores hæc actio expediri?

Recte quidem civilis. l. 11. §. 2. l. 17. §. 19. D. h. non criminalis, nisi persona sit illustris. §. 10. *Inst. l. ult. C. h.*

Actio ad recantationem estne civilis vel criminalis?

Magis est civilis, quia per eam honor læsus restituitur.

Quibus modis extinguitur actio injuriarum?

1. Morte. l. 13. pr. l. 15. & 14. D. h. nisi lis fuerit contestata. l. 139. D. de reg. jur. 2. Dissimulatione, siue à principio siue ex intervallo interveniat. §. fin. *Inst. h.* 3. Pacto. l. 17. §. 1. D. de pact. 4. Transactione. l. 11. §. 1. 5. Juramento. d. l. 11. §. 1. D. h. 6. lapsu unius anni. l. 5. C. l. 17. §. 6. D. h. tam in reali, quam verbali. 7. Solutione. arg. §. fin. de perp. & temporal. action. l. solutionem D. solution.

An etiam injuria scripta anno tollitur?

Omnino. arg. d. l. 5. modo scriptum non maneat, tunc enim quotidie renascitur.

De famosis libellis. Tit. 36. Lib. 9. Cod.

Estne pœna in famoso libello specialis?

1. Qui condemnatus est ob eum fit intestabilis. *l. 5. §. 9. D. de injur. l. 21. D. de testib.* Imo qui scripsit vel scribi curavit, vel inventum non suppressit, capitali sententiæ subjicitur. *l. unic. C. h. quod moribus limitatur sc. habere locum, cum capitale crimen objicitur.*

Quid, si verum crimen objicitur?

Æque habet actio injuriarum locum, si animo injuriandi id objectum sit; nisi reipublicæ intersit delictum i illud patefieri. *l. 18. D. de injur.*

Tit. 11. De extraordinariis criminibus.

Enumera aliquas species extraordinariorum criminum?

1. Si quis sollicitaverit alienas nuptias, licet effectus sceleris non sit potitus. *l. 1. pr. h.* 2. Siquis fimo corrupto aliquem perfuderit, luto oblinuerit, aqua spurcaverit. *d. l. 1. §. 1.* 3. Si quis habere cœtus illicitos vel religionis vel voti solvendi specie tentaverit. *l. 2.* 4. Si quis partum abegerit. *l. 4. D. h.* 5. Si quis quid impudicitiae gratia vel cum pueris vel cum puellis commiserit. *d. l. 1. §. 2.* 6. Si quis sit Dardanarius, & annonam attenet & vexet. *l. 6. pr. h.* 7. Si quis sit Saccularius, qui veritas in sacculo artes exercet, ac partem subducit & subtrahit. 8. Si quis sit Directarius, qui in aliena cœnacula se dirigit furandi animo. *d. l. 7.* 9. Si quis scopelismo det operam & lapidem ponat indicio, quo sit periturus, qui agrum eum coluerit. *l. 9. D. h.* 10. Si quis Circulator serpentes circumferat ac damnum dederit. *l. fin. D. h.*

De Nili aggeribus non rumpendis. Tit. 38. Lib. 9. Cod.

Suntne plura extraordinaria?

Si quis tentaverit rumpere & perforare chomata, i.e. Aggeres Nili, antequam incrementum ejus excesserit cubitum duodecimum. *l. 10. D. de extraord. crimin. l. unic. C. h.*

Tit. 12. De Sepulchro violato. Tit. 19.
Lib. 9. Cod.

Estne & aliud extraordinarium?

Violatio sepulchri, quæ fit, cum reliquiæ vel ossa contrectantur, vel sepulchra destruuntur. *l. 4. C. h.*

Quæ est pœna hujus?

Est vel civilis, quæ datur agenti, primo ei cujus interest, deinde, si ille non agat, cuivis è populo ad centum aureos, vel si quis in sepulchro dolo malo habitet, aut ædificium ibi fecerit, ad ducentos. *l. 3. in princ. D. h.* Vel est criminalis, quæ est capitis in illos, qui armata manu cadavera spoliant. *d. l. 3. §. 7. vel alia. l. 3. 4. 5. C. l. ult. D. h.*

Estne quid in specie constitutum circa sepulchra debitorum?

Si quis debitorem defunctum impediverit sepeliri, vel alias tristem familiam graver, debito suo cadit, ac alterum tantum hæredibus inferre jubetur, confiscatis bonis pro tertia parte, & infamia notatur. *auth. item qui. C. h.* Deinde constitutum, ne intra novem dies quis ulla ratione inquietetur ex persona defuncti. *auth. sed neque. C. h.*

Tit. 13. De concussione.

Estne aliud extraordinarium?

Est crimen concussionis, quo sub prætextu potestatis, quam quis habet, terror injicitur pecuniæ vel rei alterius extorquendæ causa, aut in accusationem innocentium coitur, aut ob accusandum vel non denunciandum testimonium pecunia recipitur. *l. 1. & 2. D. h.*

Tit. 14. De abigeis.

Da aliud extraordinarium.

Est crimen abactus. Abigei autem proprie sunt, qui pecora ex pascuis vel ex armentis subtrahunt, deprædantur, ac hoc studium quasi artem exercent. cæterum, si bovem errantem, vel equum in solitudine relictum quis abduxerit, fur magis quam abigeus dicitur. *l. 1. §. 1. D. h.* Itaque si decem oves, porcos quinque vel qua-

tuor.

tuor abegerit, abactus est; si pauciores, furtum. equum. autem, bovem vel unum si quis abegerit, committit abigeatum. *l. 3. D. h.*

Quæ est pœna abigeorum?

Si se gladio defendant durissime puniuntur & ad gladium solent condemnari, vel bestiis objici, aliàs aliam pœnam sustinent. *l. 1. pr. §. 3. l. 2. D. h.*

Tit. 15. De prævaricatione.

Estne aliud extraordinarium?

Prævaricatio, quæ committitur, cum adversa pars adjuvatur prodita sua causa. *l. 1. pr. D. h.* Si ipse litigans fuerit prævaricatus in publico judicio, publicum erit judicium; si in privato, privatum. *d. l. 1. §. 1. l. 3. pr. & §. 1. D. h.* Et si ideo quis accusetur, quod destituerit crimen judicii publici, non est judicium publicum. *d. l. 3. §. fin.* Advocatus vero, sive in publico sive in privato prodiderit causam, non incidit in crimen judicii publici, sed extraordinarium. *d. l. 1. §. 1. d. l. 3. §. 2.*

Tit. 16. De Receptatoribus.

De his, qui latrones, vel aliis criminibus reos occultaverunt. Tit. 39. Lib. 9. Cod.

Da aliud extraordinarium?

Est crimen receptationis: quod pessimum est, cum quis receptat latrones vel alios sceleratos; qui eadem pœna, qua scelerati ipsi, sunt afficiendi. *l. 1. D. h.* nisi sit affinis vel cognatus, cum quo mitius est agendum, licet non sit absolvendus. *l. 2. D. h.*

Quid, si quis reum non exhibuerit, cum monitus esset?

Dominus possessionis privatur dominio, procurator mittitur in exilium. *l. 2. C. h.*

Tit. 17. De furibus balneariis.

Da aliud extraordinarium?

Furtum, quod in balneo committitur; cujus pœna est extraordinaria. *l. 1. D. h.*

Tit. 18.

Tit. 18. De effraCTORIBUS, & expilatoribus.

Da aliud extraordinarium ?

Id committitur, cum quis effregit carcerem, domum, aut ostium. l. 53. D. de furt. arcam, armarium vel feramenta ad hoc accommodavit. l. 54. §. 4. D. de furt.

Quæ est pœna eorum, qui effregerunt carcerem ?

Est arbitraria, pro modo delicti. l. 1. D. h. add. l. 3. 8. §. pen. D. de pœn. l. 13. §. pen. D. de remilitar.

Quæ est pœna Commentariensis, cum carcere effraCTOR fontes evaserunt ?

Siquidem dolo ejus id sit factum, eadem pœna est afficiendus ex rigore juris, qua ii, qui fugerunt; alias, si culpa ejus tantum intervenerit, puniendus est arbitrarie. l. 4. C. de custod.

Da aliud extraordinarium crimen ?

Est, quod expilatores committunt, sic dicti quod ædes alienas vel villas expilent, vel homines in itinere spolient, ut ne pilum quidem relinquant. hi extra ordinem puniendi sunt. l. 1. §. 1. D. h.

Tit. 19. Expilatae hæreditatis. Tit. 32.
Lib. 9. Cod.

Da aliam speciem criminum extraordinariorum ?

Est crimen expilatae hæreditatis, quod committitur, cum quis jacentem hæreditatem antequam hæres adierit, vel possessionem ejus receperit, expilat. cujus pœna est extraordinaria. l. 1. l. 2. §. 1. D. h.

Daturne accusatio ex hoc crimine adversus omnes ?

Non datur adversus uxorem, quia nec furti adversus eam agitur. l. penult. D. h. sed si ea possideat, convenietur in rem actione. l. 4. C. h. non adversus cohæredem, cui hæreditariae arcæ claves sunt traditæ; sed ad exhibendum agitur. l. 1. C. h. vel familiae erciscundæ. l. 3. C. famil. ercisc. aliterque punietur.

Potestne & hæres aliam instituere actionem ?

Potest & vindicationem. l. 3. D. h. siquidem hoc iudicio agere nolit.

Tit. 20.

Tit. 20. Stellionatus. Tit. 34. Lib. 9. Cod.

Da aliam speciem?

Est crimen stellionatus, quod generalius accipitur pro crimine omni, in quo speciale non est nomen nec specialis forma. *l. 3. §. 1. D. h.*

Da casus aliquos, quibus committitur?

Si quis sciens rem alienam in alterum translulerit ex titulo ad rem transferendam habili. *l. 1. 2. vel aliud quid dolo fecerit*, quod in ordinarium crimen non incidit.

Quæ est pœna?

Etiam extraordinaria. *l. 3. §. 2. quæ evitari potest, & debitum offeratur & ante litem solutio fiat. l. 1. C. h.*

Tit. 21. De termino moto.

Da aliam speciem?

Est crimen moti termini, cuius duplex pœna est, & criminalis, de qua in *l. 2. 3. §. 1. & pecuniaria, de qua in d. l. 3. pr. D. h.*

Ad quem pertinebit pœna pecuniaria?

Ad agentem. verba enim *in publico* in *d. l. 3. pr.* sic sunt accipienda, quod non fisco pœna solvatur, sed in publico, hoc est, illi, qui ex populo agit.

Tit. 22. De collegiis & corporibus.

Da aliam speciem?

Qui collegia, vel corpora illicita usurpaverit, tenetur pœna, qua is qui armatis hominibus loca publica vel templa occupasse fuerit iudicatus. *l. 2. D. h. & sic quoque Majestatis læsæ. l. 1. §. 1. D. ad l. Iul. majest. si sc. id fiat in perniciem Reip.*

Quæ collegia sunt licita?

Quæ religionis causa habentur. *d. l. 1. §. 1. Cætera, si non sint permessa, illicita censenda sunt.*

Tit. 23. De Popularibus actionibus.

Quæ sunt actiones populares?

Quæ suum jus populo tuentur. *l. 1. D. h. & quibus quilibet ex populo agere potest.*

Quis

Quis ordo in hisce servatur?

Præfertur is, cuius interest. *l. 3. §. 1. h. licet sit pupillus vel mulier. l. 6. D. h.* Deinde quilibet admittitur, modo postulare non prohibeatur. *l. 4. D. h.* Et, si plures agant, Prætor eligat maxime idoneum. *l. 2. D. h.*

Dantur ne & contra hæredes?

Hæredibus quidem eorum, quorum interest, sed non in hæredes, nec post annum competunt. *l. 8. §. 1.*

Ad quem pertinebit pœna huic rei præstituta?

Ad actorem, nisi speciatim aliud in lege sit dispositum.

P A N D E C T A R U M

L I B E R XLVIII.

Tit. 1. De publicis judiciis. Tit. 18. Lib. 4.
Inst.

Quæ sunt publica judicia?

Quæ certis legibus sunt publicè constituta. *l. 1. D. h.* & regulariter quidem cuius ex populo permittuntur. *§. 1. Inst. h.* quibusque nunquam ad commodum privatum sed ad publicam vindictam agitur.

Quomodo distinguuntur?

Sunt vel capitalia, de quibus est pœna mortis, naturalis vel civilis; vel non capitalia, in quibus est levior coërcitio. *l. 2. D. h.*

Suntne nonnulla generalia in publicis delictis?

Plurima sunt. 1. Non est publicum crimen, nisi quod ex legibus publicorum judiciorum venit. *l. 1. D. h.* 2. Ad publicum crimen sive accusationem regulariter quilibet admittitur. *§. 1. Inst. h.* 3. Omne publicum crimen infamat. *l. 7. D. h.* 4. Publico crimini non sit præjudicium per privatum. *l. 1. & tot. tit. C. quando civilis actio.* 5. Ad crimen iudicii publici persequendum frustra procurator vel defensor intervenit. *l. 13. §. 1. D. h.* nisi agatur de relegatione, vel pœna, quæ relegatione est minor, aut in id, ob quod absens condemnari potest, vel nisi absentia tantum excusetur. *l. 33. §. 2. D.*

*l. 9, 10 de accusat.
de l. 11*

de procurat. l. 3. C. de accusat. d. l. 13. §. 1. 6. Omne crimen ejusque pœna morte extinguatur. l. 6. D. h. 7. Præscriptione viginti annorum tollitur accusatio, nisi aliter sit constitutum. l. 12. C. ad l. Corn. de fals.

Tit. 2. De accusationibus & inscriptionibus. Tit. 2. Lib. 9. Cod.

De his qui accusare non possunt. Tit. 1. Lib. 9. Cod.

Quomodo proceditur in publicis judiciis ?

Duplici modo, vel perviam inquisitionis, quam ex officio magistratus facit. *arg. Nov. 128. cap. 21. l. 1. C. de custod. reor. l. 10. C. de episcop. & cleric. l. 7. 14. C. de appellat. vel per modum accusationis, quæ fit ab aliquo ex populo, ac hodie à procuratore Fisci.*

Quomodo per viam inquisitionis ?

Generaliter, cum de delicto tantum constat. *l. 1. §. 25. D. ad S. Consultum Syllan.* quo casu testes rogandi, quis delicti sit author, ac inquirendum est judici de veritate facti ejusque circumstantiis: specialiter, cum de delicto & delinquente constat vel ex fama publica vel ex denunciatione magistratui facta.

Quomodo per accusationem ?

Cum is cui permissum est accusare offert libellum, & pœnam reo infligi postulat.

Qui possunt accusare ?

Regulariter omnes, qui non prohibentur. Prohibentur autem nonnulli ob sexum, ut mulieres. *l. 8. D. h.* At lex ob publicum bonum speciatim id concessit. ut in crimine Majestatis. *l. 8. D. ad l. Iul. majest. & Antonæ. l. fin. D. ad l. Iul. de annon.* Nonnulli ob ætatem; uti impuberes, etiamsi authore tutore agere vel-
lent. *l. 8. D. h.* Nonnulli ob statum; uti servi. *l. 53. D. de judic.* Nonnulli ob reverentiam, quam debent accusandis; uti liberi, liberti. *d. l. 8. D. h.* Nonnulli ob munus publicum, ut magistratus. *d. l. 8.* Nonnulli propter sacramentum, ut milites, qui stipendium merent. *d. l. 8.* Nonnulli propter delictum proprium, ut
infames.

l. 20. de accusat.

infames. *d. l. 8. junct. l. 4. D. h.* Nonnulli propter suspicionem calumnie, ut qui falsum testimonium subornati dixerunt. *d. l. 8. & seqq.* Nonnulli, quia duo judicia adversus duos subscripta habent. *d. l. 8.* Nonnulli propter paupertatem, qui minus quam quinquaginta aureos in bonis habent. *l. 10. D. h.* Hi autem omnes recte suam injuriam vindicant ac propinquorum mortem accusant. *l. 11. D. h.*

Possuntne & omnes accusari?

*Crimen morte
absoluitur
ult ad legem
phil. p. 1. 1. 1.*
Possunt omnes, paucis exceptis. Excipiuntur Legati & Magistratus populi. *l. 12. pr. D. h.* hi enim post depositam provinciam conveniuntur. *l. unic. C. ut judices post administ.* Mortui. *l. 20. D. h.* nisi casibus *d. l. 20. expressis.* Accusati quoque certa lege, rei fieri nequeunt de eodem crimine ex aliis legibus. *l. 14. D. h.*

Quomodo concipi debet libellus accusationis?

Non tantum persona, locus, tempus, ac crimen designari debent, sed & subscribendum est in crimen. *l. 3. D. h.*

An & hora vel dies apponi debent?

Non est quidem de substantia: cæterum, si reus petat, addi debent. *d. l. 3. in fin. princ.*

Quid, si libelli inscriptionum legitime non sint ordinati?

Absolvitur accusatus ab instantia, verum ex integro repetendi reum potestas fiet. *d. l. 3. §. 1.*

Quid, si accusator decesserit, vel alia sit justa causa, ob quam impediatur accusare?

Aboletur nomen rei, postulante id reo. *d. l. 3. §. fin.* Non autem eidem, sed alii licebit postmodum ex integro reum repetere. *d. l. 3. §. fin. junct. l. 4. in fin. D. ad Tertul.*

Tit. 3. De custodia & exhibitione reorum.

Tit. 3. & 4. Lib. 9. Cod.

Quid primum judici in delatione vel accusatione gravato est faciendum?

Æstimabit magistratus, cui est ea jurisdictio, utrum reus carceri sit committendus, an militibus vel fidejussoribus, vel etiam sibi. *l. 1. D. h.* & si carceri sit inclu-

inclusus, eum quam primùm audiet & accusationem brevissimo tempore terminabit.

Quando fidejussoribus committetur reus?

Si non sit nimis grave crimen. *l. 3. D. h.* Grave autem dicitur, cùm ad pœnam corporalem agitur.

Quid præstabit fidejussor, si reum, pro quo satisfecit, non exhibuerit?

Plectitur pœnâ pecuniariâ: eaque quantitas, quæ expressa est, præstabitur; si non sit expressa, ea quam inferre jussit iudex. *d. l. 4.*

De privatis carceribus inhibendis. *Tit. 5.*

Lib. 9. Cod.

Licetne privatos habere carceres?

Nequaquam. Hac de re statutum, ut qui carceres privatos habuerit, in crimen læsæ majestatis incidisse videatur. *l. 1. C. h.* & qui aliquem iis incluserit, per tot dies patiatur pœnam publici carceris, quot retinuit alium in privato, & causâ, quam habebat adversus inclusum, cadat. *d. l. 1. C. h.*

Nunquam ergo permissum est privatis alios includere?

Permissum est parentibus liberos contumaces domi continere. *arg. l. unic. C. d. emendat. propinq.* ut & dominis servos suos inobedientes. *arg. l. 35. §. 3. D. de hered. instit.* marito adulterum cum uxore deprehensum per horas viginti diurnas nocturnasque retinendæ & probandæ ejus rei causâ domi suæ retinere. *l. 25. D. ad l. Iul. de adult.* cuivis etiam latronem, maleficum, furem nocturnum apprehendere & detinere, ut judici eum offerat. *l. 2. C. de his qui latron. l. fin. C. de malefic. huc fac. l. 4. §. D. ad Aquil.*

Tit. 4. Ad legem Juliam Majestatis.

Tit. 8. Lib. 9. Cod.

Quæ sunt species publicorum judiciorum?

Sunt varix. Prima est læsæ majestatis, cujus distincti sunt gradus. aut enim committitur cùm quis directò adversus rempublicam quid hostile molitur, vel Principis personam offendit vel saltem offendere cogitat. *l. 1. 2. 3. 4. D. l. 5. C. h. §. 4. Inst. de publ. jud.* quod crimen appellatur Perduellio. aut committitur, cùm

cum quis ea, quæ majestatis sunt, violat & sibi arrogat, veluti si quis adulterinam moneram cudat, privatos habeat carceres, vel statuas aut imagines Imperatoris jam consecratas violaverit. l. 2. C. de fals. monet. l. 1. C. de privat. carcer. l. 6. D. h.

A quibus committitur proprie crimen perduellionis?

Tantum à subditis. cap. pastoralis 2. §. rursus. De sentent. in re judic. in clementin. unde & Vassallum Principis, si non sit ejus subditus, crimen hoc non committere verius est.

Quæ est ejus pœna?

Ultimum supplicium, damnatio memoriæ post obitum, & bonorum confiscatio. In filiis reorum statutum est, ne ex proximorum successione quid capiant, ad nullos honores, ad nulla sacramenta perveniant. In filiabus, ut tantum legitimam ex bonis matris consequantur. In consciis ac ministris, ut eadem in iis pœna vigeat, quæ in ipsis reis. l. 5. §. 1. 3. 6. C. h. ii que, qui pro reis interveniunt, infames sint. d. l. 5. §. 2.

Ad quem pertinebunt bona, quæ filiis obveniunt?

Non ad fiscum, sed legitimos alios hæredes. arg. l. 1. C. de hered. instit. sunt enim magis liberi incapaces, quam indigni.

Quid, si quis Consiliarium Principis interfecerit?

Si ex odio privato, tenetur ex l. Corn. de Sicar. si ex odio in principem, reus erit criminis læsæ majestatis. arg. d. l. 5. C. h.

Si quis Imperatori maledixerit. Tit. 7.

Lib. 9. Cod.

Committiturne crimen læsæ majestatis tantum secuto effectu?

Non tantum effectus punitur, sed & voluntas, quæ innotuit, & conspiratio. d. l. 5.

Quid, si quis Imperatori maledixerit?

Si id processerit ex temulentia, nulli pœnæ subjungitur: si ex infania, miseratione dignus: si ab injuria, remittetur. Cæterum, negotium hoc ad principem referendum est; ut is ex personis hominum dicta pensitet, & utrum prætermitti an exquiri debeat, censeat. l. unic. C. h.

De

De seditiosis, & de his, qui plebem contra rempubl. audent colligere.

Tit. 30. Lib. 9. Cod.

Quid, si quis seditionem in republica moveat?

Pro qualitate facinoris, aut laqueo, aut gladio, aut flammis, aut membrorum distractione, aliave dura poena coërcetur, semperque ei denegantur ea, quæ per tumultum obtinuit. *l. 2. C. h.*

Quid, si tota plebs exsurgat in magistratum?

Præcipuè in authores animadvertitur. *l. 38. §. 2. D. de poen. ac plebs multâ, exactionibus & privilegiorum ademptione punitur. Cl. 1. h.*

Tit. 5. Ad l. Iul. de adulteriis coërcendis.

Tit. 9. Lib. 9. Cod.

Quæ est secunda species?

Adulterium, quod est violatio nuptiarum alienarum. hujus poena ex jure divino & constitutione Constantini, est ultimum supplicium. *Gen. 38. v. 24. Lev. 20. 10. l. 30. §. 1. C. h. alia poena describitur Nov. 134. c. fin.*

Qui propriè committunt adulterium?

Iure civili ab uxore indistinctè, sive cum soluto sive conjugato: à marito, cum cum nupta se commiscet. *l. 6. §. 1. l. 34. §. 1. D. h. l. 101. l. 225. D. de verb. sig.* Iure verò divino & canonico non distinguitur etiam in marito. *Matth. 5. 27. ibid. c. 19. vers. 9. Marc. 10. 11. canon. nemo 4. caus. 32. qu. 4. can. non mæchaberis 15. can. præcepit. 19. caus. 32. q. 5.*

Quid de sponsa in hac re statuendum?

Cum ea adulterium committi verius est. *l. 13. §. 3. D. h. l. 7. Cod. h.*

Quis ordo servatur in accusatione adulterii?

Primo loco maritus, post illum pater, ac deinde frater, patruus, & avunculus admittuntur. *l. 14. l. 30. C. h.* Maritus jure mariti, pater jure patris, intra 60 dies utiles à soluto matrimonio. *l. 6. C. h.* imò & post 60 dies maritus rectè accusat, non jure mariti sed extranei. *d. l. 6.*

Quæ

*Qua differentia est inter jure mariti accusare,
vel jure extranei ?*

Qui jure mariti accusat, non cogitur se inscribere, abolere potest suo arbitrio accusationem, nec de calumnia tenetur, nisi ea fuerit evidens. *l. 14. §. fin. l. 30. D. h.* Secus, si jure extranei accusat.

Potestne ergo & uxor maritum accusare ?

Nequaquam jure mariti. *l. 1. C. h.* sed jure extranei. *l. 8. junct. 11. D. de accusat.* Et recte aget ad thori separationem, dotis suae restitutionem, & lucrum donationis propter nuptias, quod ei innocenti addicitur.

Potestne maritus adulteram uxorem interficere ?

& pater filiam ?

Pater jure interficit filiam, quam habet in potestate, deprehensam in adulterio domi suae, vel generi. *l. 20. §. 1. D. h.* & maritus adulterum uxoris recte interficit domi suae. *l. 24. D. h.*

Qua est tertia species ?

Est stuprum, quod est coitus illicitus cum virgine vel vidua extra speciem concubinatus. cujus, si fuerit violentum, poena est capitalis. *l. 1. in fin. D. de extraordin. crimin.* si voluntarium, lenior, ac secundum mores multis locis incumbit stupranti necessitas dotandi vel educendi stupratam.

Qua est quarta species ?

Est incestus, qui est coitus illicitus inter eos, qui ob necessitudinem matrimonio jungi nequeunt. Hujus varii sunt gradus. Est enim alius inter ascendentes, alius inter collaterales proximiores vel remotiores. Primi generis poena est ultimum supplicium. *Deut. 27. 20. & seqq.* Secundi pro ratione circumstantiarum varia. *l. 4. C. de incest. nupt.*

Qua est quinta species ?

Est nefandum Sodomiae crimen, cujus poena est ultimum supplicium gladio vel igne inferendum. *Deut. 22. v. 13. Lev. 20. v. 13.*

Si quis eam, cujus tutor fuerit, corrumpit. *Tit. 10. Lib. 9. Cod.*

Quid, si quis eam, cujus tutor fuerit, corruperit ?

Deportabitur cum proscriptione omnium bonorum. *l. unie. C. h.*

De

De mulieribus, quæ se propriis servis
junxerunt. Tit. 11. Lib. 9. Cod.

Quid, si mulier proprio servo se junxerit ?

Servus flammis exuretur, ac domina capitali supplicio afficienda est. *l. unic. C. h.*

Tit. 6. Ad legem Iuliam de vi Publica.

Tit. 12. Lib. 9. Cod.

Quæ est sexta species ?

Vis publica, quæ fit cum vel vis infertur armis. §. 8. *Inst. de publ. jud.* vel sine armis à persona publica. *l. 7. D. h. l. 1. C. h.* vel à privato personæ publicæ. *d. l. 7. in fin.* sive modo publico aut tali, quo interdictum est privatis. *l. 1. & seqq. D. h.*

Quid, si quis domum oppugnaverit non secuta effractione ?

Etiam hoc casu judicium de vi publica datur. *per. l. 1. & seqq. D. h.*

Quæ est hujus pœna ?

Ex jure civili deportatio, vel, concurrentibus aliis, ultimum supplicium. *l. 10. §. 2. D. l. 6. 7. 8. C. h.* Hodie plerumque pœna gladii est.

Tit. 7. Ad legem Iuliam de vi privata.

d. Tit. 12.

Quæ est septima species ?

Vis privata, quæ committitur, quoties privatus sine armis lædit privatum. §. 8. *Inst. de publ. jud.* §. 6. *Inst. de interd.* vel per injuriam convocatis hominibus ex alienis bonis quid rapit, aut aliquem dejicit de possessione. *l. 5. D. h.* vel etiam non convocatis hominibus alterum lædit. *l. 4. C. h.* aut bona debitoris vi occupat. *l. 5. C. h.* ac ex ea datur accusatio, quoties & publica committitur. *arg. l. 10. §. 1. D. de vi publ. l. 2. & seqq. D. h.*

Quid in dubio statuendum an publica aut privata sit ?

Mitior sententia eligenda est, ideoque privatam censemus. *arg. l. 42. D. de pœn. l. 20. D. de reb. dub.*

Qua est hujus pœna?

Publicationis bonorum, & infamia. l. 1. ult. D. h.

De raptu virginum, nec non viduarum, & sanctimonialium. Tit. 13. lib. 9. Cod.

Qua est octava species?

Est raptus, quo mulier honesta, virgo, vel vidua, vel etiam sanctimonialis, improbè abducitur. l. unic. C. h.

Quid est ejus pœna?

Non tantum hujus criminis rei, sed & omnes, qui opem ferunt, socii ac ministri sunt, capitis supplicio & bonorum proscriptione damnantur, quæ raptæ addi-
cuntur. d. l. unic. §. 1. siue crimen perpetraverint, siue perpetrare conati sint. d. l. unic. C. h.

Quibus vindicta hæc competit?

Parentibus, consanguineis, tutoribus & curatoribus, adeò ut & iis liceat deprehensum in hoc crimine raptorem occidere. d. l. unic. princip.

Quid, si raptā dicat se non vi raptam esse?

Eadem pœna locum habet. d. l. unic. §. 2. C. h. nisi ipsa raptum suaserit.

Quid, si raptā postea raptori nupserit?

Nullum lucrum, etiam ex testamento raptoris capere potest, siquidem citra voluntatem parentum nupserit; sed bona transferuntur ad parentes raptæ vel ad fiscum. Nov. 134. in fin. 150.

Quid, si parentes remiscent crimen raptori?

Deportantur. d. l. unic. §. 2. in fin. vel in exilium mittuntur. d. Nov. 150.

Quid, si nupta sit raptā, vel sponsa?

Eadem pœna locum habet. d. l. unic. pr. versic. quæ multò.

Quid, si pudicitia raptæ non sit violata?

Æque locus erit huic pœnæ. d. l. unic. junct. l. 5. in fin. D. ad l. Iul. de vi publ. l. 54. C. de episc. & cler.

Quid, si fœmina virum rapuerit?

Eidem pœnæ subjicietur. arg. l. 1. D. de verb. signif. maxime si ad effectum plenum res sit perducta. Non enim in violatione pudicitiae sola hujus pœnæ est ratio, sed in raptu.

Tit. 8.

Tit. 8. ad legem Corneliam de sicariis & veneficiis. Tit. 16. Lib. 9. Cod.

Quæ est nona species?

Homicidium. §. 5. *Inst. de public. jud. modo sit voluntarium.*

Cur voluntarium dicitur? suntne & alia species?

Homicidium est, vel voluntarium, cum dolo malo quis hominem cujuscunque conditionis, sive sit masculus sive femina, sive liber sive servus. *l. 1. §. 2. D. l. penult. C. h.* sive infans sive adultus, sive furiosus sive mentis compos. *l. pen. C. h.* occidit. Vel necessarium, quod fit ad defensionem cum moderamine inculpatae tutelæ. *l. 1. C. unde vi l. 1. 2. 3. C. h.* Vel casuale, quod citra propositum occidendi & necessitatem casu committitur. *l. 7. D. h.*

Quæ pœna est in voluntario?

Pœna gladii. *d. §. 5. Inst. de publ. jud.*

Vnde probabitur animus occidendi?

Ex qualitate instrumenti ipsiusque facti. *l. 1. §. 3. D. h.* *De factis*
Et, si dolus probari non possit, sed culpa tantum, licet *etiam l. 1. d. h.*
etiam sit lata, infligetur pœna arbitraria. *l. 7. D. h.* *etiam l. 1. d. h.*

An tantum hac pœna tenentur qui occiderunt hominem?

Etiâ illi qui hominis occidendi causa cum telo ambulant, hoc est, diu & studiose hoc agunt, ut hominem necent. *l. 7. C. h. d. §. 5.* & illi, qui abortionis poculum propinant ad fœtum formatum extinguendum, licet nec mulier nec fœtus interierit. *l. 38. §. 5. D. de pœn.*
Etiâ ii, qui aggressi sunt necare infantem. *l. penult. C. h.*

Valetne & hodie pœna in eo, qui hominis occidendi causa cum telo ambulat?

Mitius cum eo agitur, nisi alia delicta simul concurrant. Itaque arbitraria in hac re est pœna.

Quid, si fœtum quis informatum abegerit?

Vindicatur id delictum pœna exilii vel relegationis. *l. 39. D. de pœn.* licet etiam mulier ipsa visceribus suis vim intulerit. *l. 8. D. h. l. 4. D. extraord. crimin.*

*Quid juris in infante, impubere, minore,
ebrio, occidentibus?*

Infans non punitur. *l. 12. D. h.* Impubes non aliter quàm si doli capax. *l. 112. D. de reg. jur.* Si autem sit doli capax, mitiorem decernet pœnam iudex. *arg. l. 37. §. 1. D. de jur. minor.* Minor verò non excusabitur. *l. 6. C. h.* Ebrius, si docere possit, profundam fuisse ebrietatem, arbitraria pœna punietur. *arg. l. 6. §. 7. D. de re militar.* Sin autem ebriosus fuerit, non facile quid de pœna remitteretur.

Quid, si quis mandaverit hominem interfici?

Punitur tanquam homicida. *l. 15. §. 2. D. h.* nisi revocaverit mandatum re integra. *arg. l. 19. D. de fals.* Si autem tantum quis mandaverit, ut percuteret vel vulneraret leviter, & mandatarius occiderit, non habet locum pœna homicidii. *arg. §. 8. Inst. de mandat.*

Quid, si quis consilium in hac re præbuerit?

Si necandi animo consilium dederit vel opem tulerit, ordinaria pœna tenebitur. *arg. d. l. 15. in princ.*

Quid, si homicidium à pluribus sit commissum?

Si conspiraverint omnes in necem alterius, omnes tenebuntur, licet ignoretur quis vulnus intulerit. *arg. l. 1. §. 3. D. junct. l. 7. C. h.* Si in rixa sit commissum homicidium, & ignoretur quis commiserit, omnes extraordinariâ pœnâ plectentur. *d. l. 1. §. 3. l. fin. D. h.* Sin autem constet, quis interfecerit, is solus tenebitur. *arg. d. l. 1. §. 3.*

Estne præter pœnam gladii etiam civilis in homicidio voluntario?

Est, tenetur enim homicida ad damni reparationem, ac indignum se reddit hæreditate occisi ex testamento vel ab intestato sibi delatâ. *l. 6. §. penult. D. de bonis Damnatis.*

Estne necessarium homicidium permissum?

Omnes leges permittunt se tueri adversus vim. *l. 3. D. de justit. & jur. l. 45. §. 4. D. ad l. Aquil.* modò defensio fiat in continente ab eo, qui in periculo vitæ est constitutus, cum sese tueri non posset nisi occidendo; sive paribus sive imparibus armis sit usus.

Quid,

*Quid, si quis, ad aliorum defensionem,
interfecerit aggressorem?*

Rectè fecit. arg. l. 8. §. 3. D. quod met. caus. Prov.
cap. 24. can. Non inferenda. & seq. & fin. caus. 23. qu. 3.

*Quid statuendum si quis defendat suam pudicitiam
vel res suas & invadentem interficiat?*

Si attentetur pudicitia per vim præsentem & minas
mortis, vel rapturus rem, invadat dominum rei, impu-
nè ipsi cedit homicidium. arg. d. l. 8. §. 2. & l. 1. C.
unde vi.

Casuale homicidium habetne pœnam?

Nequaquam, nisi culpa accesserit. l. 7. D. h. Culpa
autem non interveniit præsumitur, si casus directo
probari possit.

De maleficis, & mathematicis, & cæteris
similibus. Tit. 18. Lib. 9. Cod.

Qua est decima species?

Est crimen maleficii, quod committitur ab illis, qui
carminibus, præstigiis & similibus nequitias vitas inno-
centium labefaciunt, ac pudicos animos ad libidinem
deflectunt, quique Deo deserto cum dæmone pactum
ineunt. Hosce manet pœna gladii. l. 4. §. 6. C. h. Quibus
& accensendi sunt Mathematici, non qui siderum mo-
tus & effectus qui ex iis sequuntur inquirunt; sed qui
fusurris magicis, & artibus nefandis alios circumve-
niunt, & scelestas seditiones sæpe in republica movent,
de quibus l. 3. §. 7. C. h. Etiam ad hunc maleficorum
ordinem sunt referendi venefici, qui venena vendunt
ad necandos homines. §. 5. Inst. de publ. judic.

De Emendatione servorum. Tit. 14.

Lib. 9. Cod.

Licetne servos suos emendare?

Concessa est domino moderata castigatio. l. unic. C. h.
prohibita vero est crudelitas. d. l. unic. & §. 2. Inst. de
hu qui sunt sui vel alien. jur.

De Emendatione propinquorum. Tit. 15.
Lib. 9. Cod.

Potestne pro lubitu pater in liberos favire ?

Concessa est patribus filiorum, & senioribus propinquis juniorum modica tantum emendatio, ut quos ad vitæ decora domesticæ laudis exempla non provocant, serio corrigant. *l. unic. C. h.*

Quid, si atrocius delictum à filio sit perpetratum ?

Non potest pater eum interficere, verum eum accusabit apud ordinarium judicem, ut ab eo auditus condemnetur. *l. 2. D. ad l. Corn. de sicar.*

Tit. 9. Ad legem Pompeiam de parricidis.
De his qui parentes vel liberos occiderunt.
Tit. 17. Lib. 9. Cod.

Qua est undecima species ?

Est Parricidium, quod committitur in genere ab iis, qui sanguine vel affinitate sibi junctos necant. *l. 1. D. h.* in specie ab iis, qui aliquem ex parentibus vel liberis vel affinitate junctis occidunt. §. 6. *Inst. de public. judic.*

Qua est parricidii pœna ?

Iure civili, si in specie sit commissum, delinquens virgis sanguineis cæsus, cum cane, gallo gallinaceo, vipera & simia, culeo insutus in mare vel proximum amnem projicitur. *d. §. 6. & l. un. C. h.* Si aliter sit commissum, locum habet pœna ordinaria homicidii. *d. §. 6.* Secundum mores parricidium in specie committens, vel conjugem interficiens multis locis gravius punitur, ut vel membra caudenti forcipe discerpantur, vel confringantur, vel vivus defodiatur delinquens.

Quid in hac re de conscis & iis, qui tantum hoc crimen committere conati sunt ?

Conscii & sceleris participes, quamvis sint extranei, eadem pœnâ afficiuntur. *l. 6. D. h.* & conatus qui processit ad proximum actum, eodem modo punitur, quo ipsum delictum. *l. 1. D. h.*

Quid

*Quid in eo, qui scit delictum, non vero est
particeps sceleris?*

Extraordinariâ pœnâ debet affici. *l. 2. D. h.*

Tit. 1. ad legem Corneliam de falsis, & de
SCto Liboniano. Tit. 22. Lib. 9. Cod.

Quæ est duodecima species?

Est crimen falsi, quod committitur dolo malo per
immutationem veritatis. In hoc crimine varia facta
vindicanur. 1. Si quis vendat rem duobus. *l. 21. D. h.*
2. Si creditor colludens cum debitore suo fundum quasi
pignorum vendiderit, cum sibi solutum esset. *l. 15.
C. h.* 3. Si quis partum alienum supposuerit. *l. 19. §. 1.
l. 30. §. 1. D. h.* cuius rei accusatio solis parentibus, iis-
que quorum interest competit. *d. l. 30. §. 1.* 4. Si quis
falsum testimonium dixerit vel malitiose veritatem ce-
laverit. *l. 1. §. 2. D. h.* 5. Si quis publicum vel privatum
scriptum adulteraverit. *l. 1. 16. 23. D. h.* aliisque multis
modis alterum fefellerit dolosè.

Quæ est hujus pœna?

Hodie fere est arbitraria, quæ & ad mortem extendi
possit, uti fit casu *l. 1. §. 1. D. ad l. Corn. de sicar.*

De falsa moneta. Tit. 24. Lib. 9. Cod.

Quid, si quis falsam monetam cuderit?

Sive quis cuderit, sive raserit, vel falsum signum
nummis imposuerit, flammæ exustionibus manci-
patur, bonis fisco addictis. *l. 2. C. h.*

Quid, si conscii sint tantum?

Eâdem pœnâ afficiuntur, nisi deferant reos. *l. 1. in
fin. C. h.*

Quid, si proba sit moneta & iusti ponderis?

Iure civili infligitur eadem pœna: secundum mores
mitius cum delinquente agitur. *Probat van Glinck.*

*Quid, si quis preparaverit materiam, non
tamen ex ea nummos formaverit?*

Et si pœnitentiâ nemo reddatur innocens, tamen hoc
casu suffragio justæ pœnitentiæ absolvetur. *l. 19. D. ad
l. Corn. de fals.*

De mutatione nominis. Tit. 25. L. 9. Cod.

Quid, si quis nomen mutaverit?

Si quis vel falso diplomate vel falso nomine aut signo in alterius fraudem sit usus dolo malo, poena falsi coërcetur. *l. 27. §. fin. D. ad l. Corn. de fals.* secus si id fiat sine dolo. *l. unic. C. h.*

De his qui sibi adscribunt in testamento.

Tit. 23. L. 9. Cod.

Quid, si quis sibi quid testamento adscripsit?

Licet testator scribentibus testamenta quid legare possit. *l. 22. C. de testam.* tamen, si quis sibi adscribat legatum, poenâ falsi coërcetur. *l. 3. C. h.* sive sit maritus. *l. 4. C. h.* sive alius, sive sibi quid adscripserit, sive ei, qui in ejus potestate est. *l. 10. 15. D. ad l. Corn. de fals.* sive testamentum ritè factum postea rumpatur sive non. *l. 6. D. h.*

An nullis casibus datur excusatio?

Datur 1. Si testator declaraverit se speciatim hoc voluisse. *l. 2. C. h.* 2. Si quis adscripserit filio emancipato vel in adoptionem dato. *l. 22. §. 1. ff. ad l. Corn. de fals.* vel matri, cum hoc jussit testator. *l. 11. §. 1. eod.* 3. Si pater filio suo militi, quem habet in potestate, in testamento commilitonis filii aliquid adscripserit, quem commilitonem in militia novit. *d. l. 11. in princ.* 4. Si filius emancipatus se patre dictante heredem scripserit, cum emancipatus justus successor æquè futurus esset. *l. 1. C. h.* 5. Si princeps veniam indulserit. quo casu poena remittitur, sed adscriptum amittitur. *l. penult. C. h.*

Quid, si testator dictaverit?

Non sufficit excusatio, verùm is, qui ita sibi adscripsit, potest deprecari veniam ob ignorantiam, ac amittere quod relictum est.

Quid, si sit testamentum nuncupativum, ac deinde, qua relictâ sunt, in mundum sint redacta à legatario?

Non nocebit id legatario, modò probari possit legatum.

Tit. II. Ad legem Iuliam repetundarum.

Tit. 27. Lib. 9. Cod.

*Qua est decima tertia species?**29 C. 12 apud Valerianum
Maximianum*

Crimen repetundarum, quod committunt, qui pecunias in magistratu, potestate, curatione, legatione, vel alio munere publico acceperunt ob judicandum vel decernendum, vel quo magis aut minus ex officio sua facerent. l. 1. 3. 4. D. h.

Qua est poena?

Præter accepti quadruplum. l. 1. l. ult. in fin. C. h. fisco applicandum. d. l. ult. in fin. hujus criminis Rei extra ordinem puniuntur. l. 7. §. 3. D. h. Pecuniaria autem poena etiam exigi potest ab hæredibus reorum intra annum, l. 20. D. de accusat. l. 2. D. h. l. fin. D. ad l. Iul. peculat.

Annon & comites judicum poena coercentur?

Etiam in hos poena eadem ex hac lege exercebitur. l. 1. l. 4. D. h.

Tit. 12. ad legem Iuliam de annonæ.

Qua est decima quarta species?

Est crimen annonæ, quod committunt, qui contra annonam faciunt, societatemve coeunt, quo annonæ fiat carior. Hujus poena hodie est arbitraria. l. 53 ff. de Juri.

Tit. 13. Ad legem Iuliam peculatus, & de sacrilegis, & de residuis.

De crimine peculatus. Tit. 28. Lib. 9. Cod.

Qua est decima quinta species?

Est crimen Peculatus, quod in specie committitur ab eo, qui pecuniam publicam subripuit. l. 9. §. D. h. vel in tabulis publicis quid delevit vel induxit. l. 8. §. 1. vel minorem pecuniam, quam qua quid venierit, adscripsit, aliudve quid simile commisit. l. 10. D. h.

Quid, si civitati pecuniam quis surripuerit;

Si sit pecunia usibus reipubl. destinata, erit Peculatus. l. 4. §. fin. D. h. si fuerit in patrimonio civitatis, furtum. l. 81. D. de furt.

C. c. 5.

Qua

Quæ est hujus pœna?

Varia fuit olim. l. 3. penult. D. h. & sic pro delicti qualitate hodie est arbitraria, & qua ad pœnam pecuniariam agitur, etiam adversus hæredem datur. l. fin. D. h.

Quæ est decima sexta species?

Crimen sacrilegii, quod L. Julia Peculatus quoque continetur: estque furtum rei sacræ. l. 1. 4. 6. D. ad l. Jul. pecul. sive ex loco sacro sive profano quid auferatur.

Quid, si ex loco sacro res non sacra sit ablata?

Furtum est, non sacrilegium. l. 5. D. eod.

Quæ est hujus pœna?

Ea varia est de jure civili pro qualitate personarum & circumstantiis facti. d. l. 4. §. 2. & d. l. 6. pr. verum hodie secundum mores ultimum supplicium. l. 9. §. 1.

Quæ est decima septima species?

Est furtum rei religiosæ. l. 1. l. 4. ff. ad l. Jul. pecul. cujus pœna est arbitraria.

Quæ est decima octava species?

Est crimen de residuis, quod committunt, qui pecuniam publicis usibus destinatum in suos convertunt. l. 2. ff. ad l. Jul. pecul. vel pecuniam publicam retinent, nec erogant. d. l. 4. §. 4. Hac lege damnati, jure civili amplius tertiâ parte quam debent puniuntur. d. l. 4. §. 5. secundum mores verò pœna arbitraria est.

Tit. 14. De lege Julia ambitus. Tit. 25.

L. 9. Cod.

Quæ est decima nona species?

Est crimen ambitus, quod committitur in specie ab illis, qui pecuniâ honores aut magistratus redimunt. Hujus pœna est de jure civili, quod cassatis iis, quæ hoc modo sunt impetrata, ad solutionem debiti primitus urgeantur, & pœnam deportationis excipiant. l. an. C. b. Verum secundum mores hæc vix attenditur.

Quæ est vicesima?

Est crimen Simonia, quod committunt, qui res spirituales emunt vel vendunt. cap. 1. tot. & tit. x. de Simon. Hujus pœna est præsentio ab officio & privatio beneficii, ac præterea coercitio extraordinaria. cap. infirmum x. eod.

Tit. 15.

Tit. 15. De lege Fabia de plagiariis. Tit. 20.
Lib. 9. Cod.

Quæ est vicesima prima?

Est crimen plagii, quod committunt, qui scientes dolo malo liberos homines vel servos subripiunt. *l. 7. 9. C. l. 4. 6. §. fin. ff. h.*

Quæ est ejus pœna?

Ea est varia pro qualitate criminis. *d. l. fin. C. h.*

Ad legem Viselliam. Tit. 21. Lib. 9.
Cod.

Quid comprehensum lege Visellia?

Quemadmodum lex Fabia personas, ita Visellia dignitates hominum ingenuorum tuetur, non enim admittit, ut libertini se pro ingenuis gerant. *l. unic. C. h.*

Tit. 16. Ad S^Crum Turpillianum & de abolitionibus criminum. Tit. 45. Lib. 9. Cod.
& De calumniatoribus. Tit. 46.
Lib. 9. Cod.

Accusatorum temeritas quot modis detegitur ac punitur?

Variis, aut enim calumniantur, aut prævaricantur, aut tergiversantur. Calumniantur, qui falsa crimina intendunt dolo malo. *l. 3. l. penult. C. h.* non qui per errorem accusarunt & non probant. *d. l. 3.* Prævaricantur, qui colludunt cum reo, & translatitiae munere accusandi defunguntur, abscondentes veras probationes, admittentes falsas excusationes. *d. l. 1. §. 1. & 6. h.* Tergiversantur, qui ab accusatione in universum desistunt. *d. l. 1. §. 2.*

Suntne nonnulli casus, quibus sine calumnia metu quis accusare potest?

Sunt, ut si mater sui filii. *l. 1. C. de calum.* Filius patris necem vindicer. *l. 4. C. eod.* vel extraneus exequatur suspi-

suspicionem, quam defunctus de sua morte habuit. *d. l. 2. in fin.* vel mulier desistat errore comperto ab accusatione, quam facere nequibat, vel statim per poenitentiam. *l. 1. §. qui v. atque l. 4. D. h.*

Qua est poena calumnia?

In criminalibus est talionis. *l. 7. l. fin. C. eod.* seu potius arbitraria: in civilibus sive privatis, poena pecuniaria. *§. hac autem Inst. de poen. rem. litig. l. 1. D. de calum.*

Qua est poena ejus, qui tergiversatur?

Præter infamiam extraordinaria coërcitio. *l. 2. C. h.* & qui semel destitit, postea ad accusationem admitti nequit. *l. 3. & 4. C. l. 2. D. eod.*

De abolitionibus. Tit. 42. L. 9. Cod.

Suntne nonnulli casus, quibus impuna quis desistere potest ab accusatione?

Sunt nonnulli. quorum primus est, cum transactio fit de crimine capitali sanguinis poenam ingerente. *l. 18. C. de transact.* Secundus, cum minor desistit vel mulier. *l. 1. §. 10. in fin. D. ad Turpill.* sc. cum femina suam & suorum injuriam non exequitur. *l. 5. C. eod.* Tertius, si abolitio obrenta fuerit. *d. l. 1. §. 7.*

Quid est abolitio?

Est criminis ipsius vel accusationis remissio. Criminis, quoties & accusatio & poena tollitur. Accusationis, cum quis ita eximitur ab accusatione, ut post repeti possit.

Quis concedit abolitionem?

Vel princeps, vel præses, vel alius, ad quem ea res pertinet. *d. l. 1. §. 8.*

Quid, si multa crimina eidem sint illata?

Singulorum debet abolitio specialiter peri. *d. l. 1. §. 9.* Alioquin si quod omisum, ejus nomine Senatus Consultum habebit locum. *d. §. 9. junct. l. 1. C. h.*

Turpillianum

Qua est ratio quod abolitio sit petenda?

Ne crimina maneant impunita, & ne facile quis proficiat ad accusandum. *arg. a. l. 1.*

Potestne qui abolitionem obtinuit, redire ad accusationem?

Nequaquam. *l. 4. §. 1. ff. ad Turpill.* nisi specialiter princeps permittat. *l. 1. §. h. & si repetas crimen post*

post abolitionem ex rescripto principis, eo jure re-
ter, quo accusaverat. Nec ipsi poterunt obesse præscri-
ptiones, quæ ante non fuerunt objectæ. l. 7. ff. ad Turpill.

De generali abolitione. Tit. 43. Lib. 9. Cod.

Quomodo distinguitur abolitio?

Est alia publica, alia privata. Publica generalis ap-
pellatur, privata specialis.

Quæ est Privata?

Quæ conceditur à judice accusatori causâ cognitâ,
cum accusator confitetur se per errorem vel temerita-
tem aut calorem ad accusandum profiliisse, ut suam &
suorum cognatorum injuriam defenderet. l. 2. C. de
abolit.

Potestne illa absolute concedi?

Potest re integrâ intra 30 dies; secus, si res non sit in-
tegra, & reus nonnulla injuriosa sit perpessus. hoc enim
casu desideratur consensus rei. l. 3. C. de abolit. addo
l. fin. ff. ad SC. Turpill.

Annon sunt casus, quibus abolitio non potest concedi?

Sunt varii: ut si testibus tormenta sunt illata, si aga-
tur de læsa majestate, patriâ oppugnata vel prodita,
peculatu admisso, sacramento deserto, & non admitti-
tur in omnibus, in quibus judex non minus accusato-
rem ad docenda ea, quæ detulit, quam reum ad pur-
ganda quæ negat, debet urgere. d. l. 3. in fin. vel si
quis ad accusandum vel ad desistendum ab accusatione
pecuniam acceperit, aut manifestè sit calumniarius.
d. l. 2. & 3.

Quæ est generalis?

Quæ publicè & ipso jure comperit, vel ad tempus,
vel in perpetuum. Ad tempus propter ferias. l. 3. C. de
epis. aud. In perpetuum, cum rei ob publicam læti-
tiam liberantur, ex speciali principis indulgentia. Si ad
tempus fiat abolitio, potest accusatio repeti. l. 1. &
2. C. h. intra tempus 30 dierum. l. 10. §. 2. ff. ad
Turpill.

Tit.

Tit. 17. De requirendis reis vel absentibus
damnandis. Tit. 40. Lib. 9. Cod.

*Debentne absentes delinquentes ex judicio publico
condemnari ?*

Sunt primò requirendi & edictis evocandi , ut compareant & se purgent : præterea sunt & bona annotanda , quæ rei recipiunt , si intra annum se à crimine purgent. l. 1. C. h.

*Quid, si redierit reus , sed antequam se purgaverit ,
intra annum sit mortuus ?*

Tollitur causa criminis, & bona hæredibus restituntur. d. l. 1. C. l. 1. §. fin. D. h.

Quid , si reversus sit post annum ?

Et si innocentiam suam purget , tamen bona non recuperat. l. 2. C. h.

An nullo casu absentes possunt damnari ?

Possunt , si legitimè vocati fuerint contumaces pœnaque sit relegationis vel ea minor. l. 5. D. de pœnis. *supra*

si supra relegationem 299 a potest condemnari l. 13

De exhibendis & transmittendis reis. C. d. 211.

Tit. 3. Lib. 9. Cod.

Quis potest capere delinquentem ?

Tantum hoc fieri oportet autoritate judicis. l. ult. C. h. Nulli verò privato , nisi certis causis , de quibus supra.

*Debentne etiam delinquentes remitti ad
locum delicti ?*

Debent , quoties judex ejus loci hoc petierit , vel superior jussit. l. 11. §. 1. D. de custod. reor. Nov. 134. cap. 5.

*Potestne judex , qui in reum non habet jurisdictionem ,
reum apprehendere & ad judicem loci, in quo delictum est commissum, transmittere ?*

Potest. d. Nov. 134 c. 5. ubi enim delinquens invenitur, capi potest. l. 1. C. ubi de crimin.

*Daturne delinquenti transmittendo aliquod tempus,
quo res suas componat ?*

Siquidem in longinqua loca sit transmittendus , concedendi

P A R S S E P T I M A. 617
cedendi sunt 30 dies ad res suas disponendas & mœstos
penates componendos. l. 2. C. h. t.

Tit. 18. De quæstionibus. Tit. 41. Lib. 9.
Codic.

Quæ probationes desiderantur in criminalibus?

Luce meridiana clatiores. l. fin. C. de probat. Et, si
reus fere certis & verisimilibus argumentis sit convi-
ctus, solet subjici quæstionibus sive torturæ. l. 1. C.
t. t. D. & C. h.

Quæ requiruntur, ut quæstionibus sit locus?

Præcedere debent ejusmodi indicia, ob quæ judex
non dubitat, quin delinquens sit reus. l. 8. §. 1. C. h. Dein-
de debet esse persona, quæ possit torqueri. arg. l. 1. D. h.
& causa talis, in qua tortura admittitur.

*Suntne sufficientia indicia, testis unus, fama publica,
confessio socii criminis, mina præcedentes, con-
fessio offensi morientis?*

Conjunctim quidem sed non separatim. De unico
teste, est textus in l. 9. §. 1. C. de testib. l. 20. ff. h.
De fama est textus in l. 3. §. 2. de test. cap. 26. x. de de-
sponsat. De confessione socii criminis, textus in cap.
veniens x. de test. in l. 3. §. 20. ff. eod. De minis est textus
in l. 9. C. de his quæ met. caus. in l. 7. §. hoc autem. ff. ad
l. Iul. maj. De confessione offensi morientis est textus,
in l. 3. §. 1. ff. ad Sillan. junct. l. 21. §. at cum hu-
mana C. de testam.

Sufficitne & unum indicium?

Sufficit, si sit valdèurgens. arg. d. l. 8. §. 1. C. h.

Quid de fuga statuendum est?

Suspicionem quidem criminis commissi ea inducit.
Nov. 54. c. 4. §. 1. sed non confert certam præsumptionem:
debet verò judex ex qualitate personarum & circum-
stantiis circumspectè agere, ut pronior sit ad non tor-
quendum, propter rationes in l. 1. §. 23. 27. ff. h. *quæ est periculosa*

Qui possunt torqueri?

Et viri & mulieres. l. 3. §. 1. C. h. non vero impubes. *moreb. f. 179*
res, nisi sit crimen læsæ majestatis. l. 14. pr. §. 1. ff. h. *est Iacob*
sed terteri debent, vel ferula cædi. l. 1. §. 33. ff. ad *his in un. h. 179*
Sillan. Non leues ætate defecti. l. 3. §. 7. ff. de Sillan. nisi *St. n. n. 179*
levi- *post 40. 179*

leviter. Non foemina pragnans. *arg. l. 3. ff. de pœn.* Non illi, qui sunt in dignitate, nec eorum liberi. *l. 11. C. h.* non milites honeste dimissi. *l. 8. C. h.*

In quibus causis admittitur tortura?

Non in pecuniariis, sed tantum gravioribus criminalibus. *l. 1. pr. ff. h.*

Quid in tortura fiet?

Judex magis pondere & gravitate sermonis animum delinquentis anget, quam corpus doloribus cruciabit. Nullo modo quaestiones tyrannicae, & per quas membra redduntur inutilia, admitti debent. *l. 7. ff.* Priusquam ad torturam procedatur, praestat summa capita indiciorum reo proponere.

Estne credendum delinquenti propter confessionem in tortura?

Non plene, verum exactè rimabitur judex, an circumstantiae omnes convenient; si autem non convenient, vel rursus ad quaestionem procedet, cum ipsi ita videbitur. *l. 18. §. 1. D. h.* vel ipsum absolvet ab instantia. *l. 1. §. 27. D. h.*

Ut intra certum tempus criminalis quaestio terminetur. Tit. 94. Lib. 9. Cod.

Intra quod tempus quaestio criminalis est terminanda?

Intra biennium à tempore litis contestatae. *l. fin. C. h.* Moribus nullum certum tempus praestitutum est.

Tit. 19. De pœnis. Tit. 47. Lib. 2. Codic.

Quomodo distinguuntur & infligenda sunt pœnae criminum?

Sunt, vel capitales, quae mortem naturalem vel civilem inferunt; vel non capitales. In genere autem iudici perspicendum, ne quid durius vel remissius quam res poscit statuat; sit in levioribus pronior ad lenitatem, in gravioribus legis severitatem temperamento benignitatis subsequatur. *l. 11. D. h.* In omnibus hæc examinet. 1. Causam, ex qua delictum est ortum. 2. Personam, quæ commisit. 3. Locum & tempus, quo perpetratum est.

4. Qua-

4. Qualitatem, secundum quam factum. 5. Quantitatem facinoris. 6. Eventum qui est subsecutus. l. 16. §. 1. & seqq. D. h. Semper pœnam molliat interpretatione, & graffantibus delictis supplicia exasperet. d. l. 16. §. fin. l. pen. D. h.

Qui debent puniri?

Tantum delinquentes, non ipsorum hæredes. l. 22. C. l. 26. D. h. licet etiam sint filii. dd. ll. Imò ob patris delictum nec publicabuntur bona filii, licet ex fideicommisso per patrem obveniant. l. 3. D. de interd. & de legat.

Possuntne pœnae remitti?

Nequaquam, nisi ex maximâ causâ princeps existimaverit differendam esse pœnam, quia populo hoc profuturum est, ut si ejus sit roboris vel artificii, vel talia ejus sint merita in rempublicam & esse possint, ut cum summo detrimento status publici delinquens occideretur. l. 31. D. h.

Tit. 20. De bonis damnatorum. Tit. 49.
Lib. 9. Cod.

Quid juris in bonis damnatorum?

Ea jure novissimo non sunt lucro iudicibus aut eorum officiis, nec fisco, sed descendantibus & ascendentibus, & ex latere usque ad tertium gradum si supersint applicantur. Vxores dotem & ante nuptias donationem accipiunt: si verò sine dote sint, de substantia mariti accipient partem legibus definitam, siue filios habeant siue non. Si neminem horum habeant delinquentes, admittetur fiscus. Nov. 134. cap. fin.

Nullumne ergo crimen excipitur?

Solum majestatis læsæ. d. Nov 134. cap. ult. auth. bona damnatorum C. h. cui addi potest crimen hæreseos. auth. Gazaros C. de hæretic. ex const. Frideric. *hæc constitutio non est recepta in legibus Romanis, sed est agnoscitur.*

Ne sine jussu Principis certis iudicibus liceat confiscare. Tit. 48. Lib. 9. Cod.

Possuntne iudices confiscare per sententias bona delinquentium?

Nullis hoc est permissum sine principis assensu,
nisi

nisi in summa potestate administrationis sint positi, quales sunt præfecti prætorio. *l. unic. C. h.*

Tit. 21. De bonis eorum, qui ante sententiam vel mortem sibi consciverunt, vel accusatorem corruperunt. Tit. 50.

Lib. 9. Cod.

Quid juris in illis, qui ante sententiam mortem sibi consciverunt?

Si id fuerit factum post accusationem institutam, vel, cum in scelere deprehensi essent, metu condemnationis, etiam bona fisco addicentur. *l. 3. ff. h. si istius criminis rei fuerint, ex quo bona essent publicanda. d. l. 3. §. 2. & 3.*

Quid, si ex tadio vitæ, vel impatientia doloris, vel alio modo manus violentas sibi quis intulerit?

Bona ad successores pertinebunt. *d. l. 3. §. 4. l. 1. C. h.*

Quid, si morte conscita, nulla iusta causa precedente, in reatu decesserit, & heredes parati sint causam suscipere?

Si parati sint hæredes ostendere, defunctum esse innocentem, non sunt publicanda bona, nisi de crimine fuerit probatum. *d. l. 3. §. fin.*

Estne puniendus graviter, qui manus sibi intulit, non se occidit?

Si sine causa, graviter puniendus est: qui enim sibi non pepercit, nec aliis parceret. *d. l. 3. §. 6.* Si autem quis ex tadio vitæ vel ob dolorem id commiserit, non ita severè punietur. *d. §. 6.*

Quæ erit præsumptio in dubio, an ex an sine causa id factum?

Semper in melius. *arg. d. l. 3. §. penult.* ideoque si incarceratus inveniatur occisus, & sit causa excusandi, is non præsumetur sese occidisse.

Tit.

Tit. 22. De interdictis, & relegatis, & deportatis.

*Quid est relegatio?**Lib. 9. Cod.*

Ejus duo sunt genera. Aut certa insula assignatur, aut non, sed provinciis tantum interdicitur. Si assignetur, est deportatio. *l. 7. pr. h.* quæ tollit jus civitatis. Si non assignetur, est relegatio, quæ nec bona, nec civitatem adimit. *l. 1. l. 7. pr. & §. 4. D. h. § 3 sed etiam civibus manet liber ad p. etiam p. relegatus*

Tit. 23. De sententiam passis & restitutis.

Tit. 51. Lib. 9. Cod.

Potestne qui sententiam est passus ob crimina restitui?

Non potest, nisi ex magnâ causâ, & non à iudice, sed à principe, nec in præjudicium privati, sed tantum in detrimentum sui fisci. *l. 7. & 10. D. h. l. 51. 6 §. 1.*

Quid, si in genere sit restitutio facta?

Stricte debet id accipi, quod magis remissa videatur esse pœna, quam restitutio secundum omnia facta.

Tit. 24. De cadaveribus punitorum.

Quid dispositum jure circa cadavera damnatorum?

Non sunt neganda cognatis vel quibuscumque aliis parentibus ad sepulturam. *l. 1. & 3. D. h. nisi exemplum sit statuendum. arg. d. l. 1.*

P A N D E C T A R U M

L I B E R X L I X.

De relationibus. Tit. 61. Lib. 7. Cod.

Si sententia sit ferenda, annon potest causa dubia remissio ad superiorem fieri?

Potest fieri non quidem in quæstionibus facti. *l. 79. §. 1. D. de judic. sed juris. d. l. 79. §. 1. junct. l. fin. C. de legib. non tantum relatio ad supremum judi-*

judicem. *l. 1. & t. tit. h.* verum etiam ad principem.
l. 1. & t. t. C. h.

*Annon relatio est sublata jure novissimo per
Nov. 125. C. 1. ?*

Non omnis relatio *d. Nov.* est sublata, sed ejus facilitas antequam causa perfecte fuerit examinata.

Quid fieri debet, cum relatio facienda est ?

Teneretur judex, qui de relatione facienda interlocutus est, consultationis sive relationis exemplum litigatoribus apud acta edere, ut si cui forte minus plena vel contraria videatur, is refutatorias preces, quæ judicis relationem refutent, apud acta sine dilatione offerre possit.
l. 1. 2. C. h.

Poteritne judex interim pronunciare sententiam ?

Non, sed expectandum est responsum Principis. *l. 1. C. h.* & quod ex rescripto Principis pronunciabitur, non pro Principis sed reputabitur pro judicis sententia, adeoque ab ea poterit appellari. *l. 1. §. 1. ff. de appellat. adde l. 1. ff. quand. appell.*

Tit. 1. De appellationibus & relationibus.

Tit. 62. Lib. 7. Cod.

Quibus modis sibi consulet, qui per sententiam se gravatum arbitratur ?

Sunt varii; verum inter alios præcipuè eminet appellatio.

Quid est appellatio ?

Est ab inferiori judice ad superiorem, à sententia vel gravamine facta provocatio. *l. 1. ff. h. §. 1. 2.*

Quomodo distinguitur ?

Est alia judicialis, alia extrajudicialis. Illa est à sententiis definitivis vel interlocutoriis. *d. l. 1.* Hæc fit ab actibus extrajudicialibus; veluti, si quis ad honorem vel munus publicum sit nominatus vel electus. *l. 4. 7. C. h. l. 1. §. 2. D. quand. appell.*

Si unus ex pluribus appellaverit. Tit. 68.

Lib. 7. Cod.

Qui possunt appellare ?

Nontantum condemnati sive suo. *l. 20. §. 1. D. de appellat.*

pellat. sive alieno nomine. l. 1. §. 13. D. quand. appellat. verum etiam omnes, quorum interest. l. 1. D. de appell. recip. l. 2. §. 1. D. quand. appell. l. 5. D. de appellat.

L. 6. §.

Quid, si unus ex pluribus appellaverit?

Etiam ejus appellatio proderit non appellantis, adeoque victoria in causa appellationis proficiet omnibus. l. 1. C. b. modò sit una atque eadem defensionis causa & condemnatio. l. 2. C. h. junct. l. 17. D. de appellat.

Quid, si condemnatio in causa appellationis sit facta adversus plures, & unus appellaverit?

Tantum nocebit condemnatio appellanti. l. 3. §. 2. D. eod. strictior enim est interpretatio in condemnatione, in victoria verò latior.

X

Si de momentanea possessione fuerit appellatum. Tit. 69. Lib. 7. Cod.

In quibus causis admittitur appellatio?

In omnibus tam civilibus quam criminalibus, tam majoribus quam minoribus. l. 20. C. de appell. nisi statuti locorum aliter sit receptum.

Quid, si de momentanea possessione fuerit appellatum?

Vix permittitur appellatio, & ea non obstante sententia mandabitur executioni. l. unic. C. h.

A qua sententia ergò permissum est appellare?

Non tantum à definitiva, atque valida. l. 23. §. l. 1. D. 21. C. de appell. verum etiam ab interlocutoria, quæ vim definitivæ vel gravamen irreparabile habet. l. 7. §. 2. D. de minor. l. 2. ff. de appellat. recip.

Quando interlocutoria vim definitivæ habet?

Cum determinat articulum, qui facit per consequentiam ad victoriam, vel per quam absolvitur reus ab instantia.

Quid jure Canonico statutum circa appellationem ab interlocutoria?

Eo jure permissum est sine ulla distinctione ab interlocutoria appellare. cap. super. x. h. Clement. 1. in fin. de sequest. fruct.

Quid,

Quid, si sententia diversas habeat particulas?

Licebit etiam à minima appellare. *cap. 11. x. de appell.* nec reliquæ rescinduntur, nisi connexæ sint. *l. 29. §. 1. D. de minor.*

Tit. 2. A quibus appellare non licet.

De sententiis præfectorum prætorio.

Tit. 42. Lib. 7. Cod.

A quibus appellare non licet?

Non licet à Principe. *l. 1. §. 1. D. h.* Nec à senatu supremo, sive à præfecto prætorio, qui vice Principis iudicat. *d. l. 1. §. 2. l. unic. C. h.* Nec ab eo, à quo non appellari ante convenerat. *d. l. 1. §. 3.* Nec ab eo, qui à Principe datus est, ne liceret ab eo provocare. *d. l. 1. §. fin.* Nec à sententiæ executore. *l. 4. de appell.* nisi modum in executione excedat. *l. 2. C. quorum appell. vel gravamen aliter non possit reparari. l. 2. D. appell. recip. vel, nisi executor perperam interpretetur sententiam. d. l. 4. §. 1.*

Tit. 3. Quis à quo appelletur.

Ad quem appellandum?

Semper ad maiorem iudicem. *l. 1. ff. de appell.* non ad parem. *l. 4. D. de recept. arbit.* multo minus ad minorem. *l. 6. C. de appell.* Requiritur deinde ut gradatim proxime superior appelletur: & si omissio medio ad superiorem sit provocatio facta, remitti debet causa ad iudicem præteritum. *l. 21. D. de appell. quod jure canonico secus est. t. 7. x. eod.*

Quid, si quis errans ad minorem appellaverit?

Non intelligitur esse facta appellatio. *l. 1. §. 3. D. h.* Sin autem quis ad parem vel maiorem appellaverit, error non nocebit. *d. l. 1. §. penult.* sed causa ad illum remittetur, qui appellari debuit.

Ad quem provocabitur à delegato?

Ad delegantem, vel eum, à quo datus est. *l. 1. 2. ff. h.* verum ab eo, cui mandata est jurisdictio, appellabitur is, ad quem à mandante appellaretur. *l. 1. §. 1. D. h.* uti & à vicario, non ad substituentem, sed ad eum, qui à substituente provocaretur. *l. 2. Cod.*

Tit. 4.

Tit. 4. Quando appellandum sit & intra quæ tempora.

De temporibus & reparationibus appellationum seu consultationum. Tit. 63.

Lib. 9. Codic.

Quomodo est appellatio instituenda?

Vel in continenti stante iudicio, cum sententia definitiva pronuntiata est, vel ex intervallo. In continenti fieri potest viva voce. l. 2. D. de appell. ex intervallo tantum in scriptis. l. 1. §. ult. ff. de appellat. l. 28. C. eod.

An eodem modo ab interlocutoria, quo à definitiva appellatur?

Ab interlocutoria, & ab extrajudicialibus tantum in scriptis appellatur. cap. cord. de appellat. in 6. expressis gravaminum causis. arg. l. 18. C. de appellat.

Intra quæ tempora appellandum est?

Iure novissimo intra decendium. auth. hodie. C. de *olim intra* appellat. computandum à die sententiæ latæ. Nov. 23. *bidem pro* l. 1. §. 5. ff. h. siquidem victus sciat sententiam contra se *alio pro* esse latam. d. §. 5. *intra residu*

Curritne hoc decendium perpetuo?

Non currit, si compromissum in causis sit factum. auth. si tamen. C. h. t.

Ne liceat in unâ eademque causâ tertio provocare, vel post duas sententias iudicum, quas definitio præfectorum roboraverit, eas retractare. Tit. 70. Lib. 7. Cod.

Licetne sæpius provocare?

In unâ atque eâdem causâ, super iisdem articulis, & inter eosdem litigantes non licet provocare tertio. l. unic. C. h. nisi iudex in sententiâ tertiâ novum gravamen imposuerit. *mor. 82 fallit quoniam proferunt*

quælibet appellare Tit. 5.

Tit. 5. De appellationibus recipiendis vel non.
Tit. 65. Lib. 7. Cod.

Solentne omnes appellationes recipi?

Variis ex causis non recipitur appellatio. 1. est, si quis ex contumacia vere sit condemnatus. l. 1. C. h. t. quod procedit perpetuo in civilibus, non ita in criminalibus, in quibus etiam invito vel non urgente reo provocatio est permessa. l. 6. ff. l. 29. C. de appellat. nisi publicè inter sit statim puniri. 2. Si quis male gesserit officium publicum. l. 3. C. h. 3. Si quis crimen sine tormentis sit confessus. l. 2. C. h. 4. Si officialis à suo iudice ex delicto sit condemnatus. l. 3. C. h. 5. Si sententia sit lata super iuramento. arg. l. 2. D. de iurisdic. junct. l. 1. §. 3. D. à quib. appell. non lic.

Tit. 6. De libellis dimissoriis, qui apostoli dicuntur.

Quid fieri debet ubi appellatio intra tempus legitimum est facta?

Petendi sunt intra triginta dies, ex die sententiæ numerandos. l. 24. C. de appellat. apostoli, qui sunt literæ dimissoriæ, ab eo à quo appellatum est, ad eum qui appellatur. l. unic. C. h.

Sufficitne semel vel sæpius petiisse?

Solent hac formula peti; *instante*, *instantius*, *instantissime*. sufficit autem petiisse intra dictum tempus. d. l. unic. §. 2.

Intra quod tempus offerendi sunt hi apostoli?

Solet iudex, à quo provocatio est facta, addere tempus, quod sufficere videtur.

Intra quod tempus instantia appellationis ad finem est perducenda?

Hodie secundum mores certum tempus non est huic rei præscriptum. ast jure civili est annus, vel ex justâ causâ biennium. *auth. ei qui*. C. h. Nov. 49. in princ.

Tit. 7. Nihil novari appellatione interposita.

Potestne sententia executioni mandari appellatione pendente?

Nihil innovari aut executioni interim mandari potest. *l. unic. C. h.*

Estne innovatio, si expensæ coram iudice, à quo appellatum est, taxentur?

Nequaquam. *arg. l. 21. §. 1. & §. sed et si. D. qui testam. fac. poss.* Est enim hæc taxatio sequela prioris sententiæ.

Quid, si appellans quid attentaverit vel innovaverit?

Indignus est beneficio appellationis, & iudex, à quo contra ipsum procedit, acti non esset appellatum. *huc fac. cap. an sit deferendum 42. x. de appellat.*

Quid, si appellatus quid innovet?

Revocatur innovatio per viam attentati. *cap. 1. x. de appellat.*

Tit. 8. Quæ sententiæ sine appellatione rescindantur.

Quando provocare non est necesse. Tit. 64. Lib. 7. Cod.

Quæ sententia sine appellatione rescinduntur?

Omnes, quæ ipso jure sunt nullæ; uti si directò expressum errorem juris contineant. *l. 19. ff. de appellat.*
 2. Si contra rem judicatam prolatae sint. *l. 1. C. h.*
 3. Si iudex incompetens eas tulerit. *tot. tit. C. si à non competent. jud.*
 4. Si contra ordinem judiciorum sint pronunciatae. *l. 4. C. de sentent. & interlocut.*
 5. Si non omnes iudices dati dixerint sententiam. *l. 4. C. h.*
 6. Si sine prorogatione partium iudex delegatus judicaverit ultra diem suæ commissionis. *l. 6. C. h.* vel modum suæ potestatis excesserit. *l. 5. C. h.* vel in calculo erraverit, vel quis ob contumaciam sit condemnatus, aut impossibile sit præceptum iudicis, vel condemnatus eo tempore quo iudex est datus vel pronunciatum est, non sit in rebus humanis. *l. 1. 2. 3. C. h.*

**Tit. 9. An per alium possunt reddi causæ
appellationis.**

Possuntne per alios causa appellationis reddi?

In pecuniariis procurator intervenire potest. *l. 1. D. h.* In criminalibus verò, etsi quidem pro eo, qui ad supplicium ducitur, quivis possit appellare, sive sit mandatarius sive non, sive ejus intersit sive non, tamen causa appellationis per procuratorem defendi non potest in aliis, quàm in quibus est pœna relegationis vel minor. *d. l. 1. ff. h.*

**Tit. 10. Si tutor, vel curator, vel magistratus
creatus appellaverit.**

*Quid, si illi, qui nominati sunt ad munera
publica, appellaverint?*

Si causas justas excusandi non probaverint, periculum medii temporis ad ipsos pertinebit. *l. 1. ff. h.* Et, si tutor vel curator retentus provocaverit, & ante causam actam moriatur, successores ejus propter periculum medii temporis causas appellationis necesse habent red-
dere. *l. 2. ff. h.*

**Tit. 11. Eum qui appellaverit in pro-
vincia defendi.**

Is, qui appellavit, ubi defendetur?

In provincia quoad alias causas, licet appellationis causa peregrinetur. *l. 1. ff. h.*

Quid, si reipubl. causa quis absuerit?

Non habebit necesse se defendere in provincia. *l. 2. ff. h. l. 2. ff. in jus vocand.*

**Tit. 12. Apud eum à quo appellatur aliam
causam agere compellendum.**

*Potestne is, qui appellavit, suspectum in aliis
causis dicere judicem?*

Hoc jure utimur, compellendum esse eum, qui ap-
pellavit,

pellavit, apud judicem, à quo appellavit, causas quas habet, agere, nec is utetur hoc prætextu, quod apud offensum judicem non debeat experiri: quia potest denuo provocare. *l. 1. D. h.*

Tit. 13. Si pendente appellatione reus moriatur.

Quid, si pendente appellatione mors intervenerit?

Si appellans hæredem non reliquerit, appellatio evanescit: si verò ei extiterit hæres, is causam appellationis defendet, sed non aliter quam si fisci vel alterius interfit. *l. unic. pr. ff. h.*

Quid, si tutor in pupilli negotio appellatione interposita decesserit?

Hæres ejus defendet causam appellationis, nisi rationes sint redditæ. *d. l. unic. §. 1.*

Suntne & alii modi, quibus consulitur condemnatis?

Sunt plurimi; uti inter alios sunt Restitutio in integrum, de qua *lib. 4. Digest.* actum est, Supplicatio, Querela nullitatis, Revilio, Syndicatus.

Quid est supplicatio?

Est petitio propolita principi in hunc finem, ut detur facultas proponendi errorem in judicato. de quâ *in auth. quæ supplicatio. C. de precib. imperat. offerend.*

Quis error hic intelligitur?

Tantum facti, non juris. *l. præfecti D. de minor.*

Quæ differentia est inter appellationem & supplicationem?

1. Appellatio est remedium juris communis; supplicatio gratiæ sive benignitatis. 2. Appellatio suspendit executionem. *tot. tit. nihil novand. appell. pendent.* non supplicatio. *d. auth. quæ supplicatio.* 3. Appellatur intra decennium. *auth. hodie C. de appellat.* supplicationi datur alterius tempus. 4. Appellatio fit ob iniquitatem judicis; supplicatio ob errorem. *d. l. præfecti.* 5. De appellatione cognoscit alius judex. *l. 1. ff. de appellat.* de supplicatione, qui ante judicavit, vel cum illo alii. *d. auth.* 6. Appellari potest bis. *l. unic. C. ne lic. in un. eademque.* supplicari tantum semel. *d. auth. & l. si quis. C. de præc. imperat.*

Quæ est querela nullitatis?

Per quam allegatur nullitas sententiæ, atque ob eam prior sententia reformari & corrigi petitur. habetque hæc multas causas, vel ob defectum, vel ob præposterationem. Defectus est, vel in legitimatione personarum iudicii, vel in actione instituta, vel in ordine processus neglecto. Præposteratio, quando causæ cognitio & examinatio non præcepit, sed sequitur sententiam latam.

Quid est revisio?

Est beneficium obtentum à Principe, ut processus, in quo à supremo senatu sententia est dicta, rursus examinetur ex iisdem actis, per eos, qui isti rei sunt præfecti. Hujus effectus est, ut, si fiat intra decem dies à sententia lata, executio quidem non impediatur, sed cogatur pars adversa fidejussores præstare de restituendo, si sententia fuerit retractata: si verò fiat post decem diem ac intra biennium, possit fieri executio nulla præstata à victore cautione. *d. auth. quæ supplicatio.* Et à sententia revisorum non datur appellatio, revisio, vel supplicatio.

Quid est Syndicatus?

Est accusatio iudicis ob sententiam; uti si litem suam fecerit dolo aut concessione aliqua nimis iniquâ. Hanc ob causam constitutum est jure civili, ut iudices post depositam administrationem quinquaginta dies in certis locis permaneant. *l. unic. C. ut omnes iudices.*

De nonnullis ex jure publico. Tit. 14.

De jure fisci.

Suntne nonnulla privilegia fisci?

Sunt plurima. 1. Fisco datur jus pignoris ex omni contractu. *l. 46. §. 3. ff. h.* In pœnis verò omnibus creditoribus postponitur. *l. 17. ff. h.* 2. Retinere potest conductores vectigalium etiam invitos post tempus conductionis, siquidem conductores maximos fructus receperint. *l. 11. §. fin. ff. de publican.* 3. Cogere potest etiam reos ad editionem instrumentorum, quæ ad causam, de qua agitur, pertinent. *l. 3. ff. de edendo.* 4. Potest convenire debitores debitorum, si vel principales

cipales debitores defecerint, vel ex rationibus fisci nomina facta probentur, vel ex contractu fiscali debitores conveniantur. l. 3. §. 8. ff. h. 5. Pacti dato pretio etiam modico cum delatoribus in fisci causis habentur pro confessis, &c.

Tit. 15. De captivis & postliminio & redemptis ab hostibus. Tit. 21. Lib. 8. Cod.

Quid juris in captivis reversis?

Si ab hostibus, qui sunt, quibus publicè bellum est à populo indictum, reversi fuerint, jure postliminii restituantur & quoad res & quoad personarum jura. l. 3. D. h. junct. l. 24. D. eod.

Quid, si qui sint redempti ab hostibus?

Sunt nexu pignoris obligati quamdiu redemptori satis-fecerint. l. 12. §. 4. D. h. nisi animo donandi sit lytron erogatum. l. 17. C. h.

1. *postliminium redemptio* Tit. 16. De re militari. *fac. poss.*

Possuntne ad militiam cogi cives?

Possunt. l. 4. §. 10. & 11. ff. h. nisi excusentur ob ætatem vel similem aliam causam, aut privilegium singulare.

Quomodo distinguuntur?

Sunt vel tirones, qui ad militiam instituuntur, vel veterani, vel gregarii, vel centuriones, vel tribuni, vel præpositi, vel duces, &c.

Quomodo puniuntur ob delicta?

In delictis militaribus remitti debent ad ducem etiam in levioribus, sed in communibus gravioribus exemplo opus est, ab ordinario puniuntur. l. 3. D. h.

Tit. 17. De Castrensi peculio.

Quid est peculium castrense?

Quod filiofamilias in militia agenti à parentibus vel aliis est donatum, vel ex causa militiæ acquisitum, quod non haberet nisi militaret. l. 11. D. h.

Quæ sunt in eo privilegia?

Filiusfamilias in eo est loco patris-familias. l. 2. ff. ad S. Cr. Maced. & plenum habet dominium & admi-

nistrationem, cum potestate quolibet modo inter vivos vel ultima voluntate disponendi.

Tit. 18. De veteranorum privilegiis.

Qui sunt veterani?

Aliquando sunt, qui tyrocinium deposuerunt: aliquando qui honeste sacramento sunt missi. Hi qui militia sunt missi, habent prærogativam, ut nec fustibus cædi, nec bestiis objici possint. *l. 1. D. h. Et excusantur à personalibus. l. 2. D. h. suntque loco decurionum. l. 3. eod.*

P A N D E C T A R U M

L I B E R L.

Tit. 1. Ad municipalem & de incolis.

Tit. 38. & 39. Lib. 10. Cod.

Qui sunt municipes?

In genere, suæ cujusque civitatis cives, & qui in eodem municipio sunt nati. *l. 1. §. 1. ff. h. l. 228. ff. de verb. signif.* In specie cives Romani ex municipiis, suis legibus utentes. *d. l. 1. §. 1. sic dicti, quod munera civilia capiant. l. 18. in fin. ff. de verb. signif.*

Quid facit municipem?

Nativitas, sive origo, manumissio, adoptio. *l. 1. princ. & §. 2. ff. h. junct. l. 6. §. fin. l. 7. §. 5. l. 16. ff. h.*

Quid in municipibus receptum est?

Vt cogantur tam ad munera personalia, quam realia, sive sint patres sive filii, ibi, unde originem ducunt. *l. 6. l. 22. §. 2. ff. h. licet alibi habeant domicilium. Dd. Ll. junct. §. 1. d. l. 6.* Pariter quoque fruuntur omnibus commodis & honoribus municipii.

Quid, si quis subire munera nolit?

Damnum reipubl. præstabit. *l. 21. pr. ff. h. nisi justam habuerit causam excusandi.*

Quis est incola?

Qui domicilium tantum in municipio habet, & munerum & honorum non est particeps. *l. 239. §. 2. ff. de verb. signif. l. 20. C. h.*

Potestne

Potestne pro lubitu domicilium quis constituere?

Potest quisque habere domicilium ubi velit, modo ipsi non sit interdictum. l. 31. ff. h. etiam in pluribus locis, si utrobique se quis instruxit tanquam incola, d. l. 6. §. penult.

Quomodo constituitur domicilium?

Non solà emtione domus, vel ejus possessione. l. 17. §. 5. & 13. ff. h. l. 4. C. de incol. nec sola contestatione; sed re & factio. l. 20. 27. §. penult. ff. h.

Quo tempore studiosus domicilium in civitate habet?

In dubio, cum per decennium eodem in loco habitavit. l. 2. C. de incol.

Quid, si incola muneribus publicis destinatus, renunciaret incolatui?

Non poterit, nisi perfecto munere. l. 34. ff. h.

De Decurionibus & filiis eorum. Tit. 31.

Lib. 10. Cod.

Qui sunt decuriones?

Curatores sive defensores civitatum. in quorum ordinem sunt eligendi potiores ac ditiores, & quidem gradatim. l. 6. 7. 11. ff. h. l. 11. ff. de muner. & honor. etiam spurii, nisi legitime quaesitus sit competitor. l. 3. §. 2. ff. h.

Qui non possunt esse decuriones?

Relegati, ignominiose ordine moti, criminum capitalium rei, & qui pluribus functionibus distringuntur. l. 2. 3. 13. D. h. l. 15. 17. §. 4. 12. D. ad municip.

Quid pertinet ad officium decurionum?

Administare rempublicam, tributa exigere, tractare pecuniam publicam. arg. l. 2. §. 1. l. 8. l. 17. §. 7. D. ad municip.

Quae sunt privilegia decurionum?

Non possunt torqueri de jure civili, & si pauperes sint, ex publico alendi sunt. l. 8. D. h.

Tit. 3. De albo scribendo.

Quo ordine scribi debent nomina decurionum in albo?

Ut lege municipali praecipitur: quæ si cesset, primo loco collocandi, qui dignitates Principis judicio consecuti sunt; secundo autem secundum tempus,

quo quisque munere est functus. Qui ordo & in sententiis dicendis observandus est.

Tit. 4. De muneribus & honoribus.

Tit. 40. & 41. Lib. 10. Cod.

Quomodo distinguuntur munera?

Sunt vel patrimonii, in quibus sumtus exigitur; vel personalia, quæ labore & sollicitudine animi geruntur; vel mixta, quæ non tantum labore & sollicitudine, sed & cum sumtu expediuntur. l. 1. pr. §. 1. & seqq. l. 18. pr. §. 1. & seqq. ff. h.

Da species munerum patrimonialium?

Sunt munitiones viarum, collationes prædiorum, aliæque contributiones.

Da exempla personalium?

Administrationes reipubl. tutelæ, vel curæ.

Tit. 5. De vacatione & excusatione munerum.

Incumbitne omnibus necessitas obeundi munera sibi demandata?

Necessitas omnibus est imposita, adeò ut pignoribus captis compelli possint, nisi justam habeant causam excusandi.

Propter quas causas datur excusatio?

In personalibus 1. Propter ætatem. l. 3. C. qui ætate lib. 10. ita ob senectutem. l. 1. C. eod. l. 2. §. 1. ff. h. minores vero viginti quinque annis ad honores & rempublicam administrandam non admittuntur. l. 8. ff. de muner. 2. Propter numerum liberorum, non quoad honores, sed alia personalia. l. 3. §. 12. ff. de muner. & honor. l. 2. §. 3. ff. h. 3. Ob adversam valetudinem. d. l. 2. §. 7. ac alias multas causas. l. 1. §. 2. ff. h. *Quæ immunit.*

Tit. 6. De jure immunitatis.

Annon possunt aliqui esse singulariter immunes ex beneficio principis?

Possunt, siquidem à principe id fuerit concessum. quod privilegium ad hæredes non pertinet. l. 1. §. 1. ff. h. nisi ita fuerit concessum. l. 4. ff. h.

Quid,

Quid, si simpliciter collegio sit immunitas concessa?

Immunitas ea perpetua est. l. penult. §. penult. D. h.

1. q. 2. de Collegiis

Tit. 7. De legationibus. Tit. 93.

Lib. 10. Cod.

Habentne & legati vacationem à muneribus?

Habent, non tantum tempore legationis, sed & post eam, usque ad biennium. quam & habet pater, si filius decurio pro patre legationis munus susceperit. l. 7. 8. ff. h.

Quis proprie legatus dicitur & esse potest?

Qui reipublicæ nomine missus est. Legatus vero esse non potest is, qui postulare nequit.

Potestne legatus contra rempublicam suam postulare quid à principe?

Potest, non per se, sed per alium. l. 2. pr. D. h.

Daturne actio adversus legatum?

Non tam interest, ubi quis crediderit an stipulatus sit, quam illud, an actum sit, ut legationis tempore solveretur. l. 3. ff. h. l. 2. §. 3. ff. de iudic.

Tit. 8. De administratione rerum ad civitatem pertinentium.

Quod est officium eorum, qui administrant res civitatum?

Ut rationes secundum fidem datorum & acceptorum ponant. l. 2. §. 2. D. h. Fundus reipublicæ locent: non committant exactiones operum sine cautione. l. fin. §. 2. D. h. & omnia faciant, ut viri boni facerent.

Quam culpam præstare debent?

Et latam, & levem. l. 6. D. h. si negligentiores in rebus distrahendis fuerint, tenentur in simplum: ob fraudem autem in duplum conveniuntur. l. fin. §. 4. D. h.

Debetne unus alterius collega nomine teneri?

Debet, si intervenire & prohibere eum potuerit. d. l. fin. §. 8.

Debentne administratores pericula nominum præstare?

Abitorum Debent præstare periculum non omnium nominum, sed eorum duntaxat, quæ deteriora facta sunt tempore administrationis. *d. l. fin. §. 9.*

Tit. 9. De decretis ab ordine faciendis.

Valentne decreta decurionum?

Valent hisce concurrentibus. 1. Si fiant non ambiciose & de iis quæ pertinent ad salutem civium, ut de Medicis constituendis, vel salariis in causam utilem. *l. 1. l. 4. §. 2. ff. h.* 2. Si fiant ab omnibus vel duabus, tertiis partibus præsentibus. *l. 2. 3. ff. h.*

Quos tenent decreta l. fin. ff. h.?

Eos, qui subsunt decurionibus, & non ignorant decreta. *l. fin. ff. h.*

Debentne decreta mutari?

Non, nisi rescissio prioris decreti ad publicam utilitatem respiciat. *l. 5. ff. h.*

Tit. 10. De operibus publicis. Tit. 12.

Lib. 8. Cod.

Quid juris est in operibus publicis?

Quod, si ad utilitatem publicam pertineat, ut sunt mœnia, nihil fieri queat, nisi consulto Principe. *l. penult. ff. h.* Nec inscribi potest ullius quam principis nomen, & illius, cujus liberalitate opus est factum. *l. 2. ff. h.* Opera autem alia publica ad utilitatem reipublicæ quisque potest suo sumptu struere, etiam sine auctoritate Principis, modo nihil fiat ad amulationem vel materiam seditionis, nec ea extruantur circum theatrum & amphitheatrum. *l. 3. princ.*

De ratiociniis operum publicorum, & de patribus civitatis. Tit. 13. Lib. 8. Cod.

Quis examinabit rationes operum publicorum?

Curator sive pater civitatis. *l. unic. C. h.* adeo ut nomine cessationis teneatur. *l. 1. ff. de oper. publ.*

Tit.

Tit. II. De Nundinis. Tit. 6. Lib. 4. Cod.

Quis potest constituere nundinas?

Solus Princeps, & cum constitutæ sunt, non utendo decennii tempore amittuntur. *l. 1. ff. h.*

Quæ sunt privilegia nundinarum?

In iis ob debitum privatum nemo conveniri, præcludi vel arrestari potest. *l. unic. C. h. quâ sc. agitur de contractibus ante initis.* Ex iis enim, quæ in nundinis fiunt, actio iuste instituitur.

Tit. 12. De Pollicitationibus.

Quid, si quis pollicitus sit reipubl. aliquod opus?

Siquidem sine causâ pollicitatio sit facta, ea est nullius momenti. *l. 1. §. 1. nisi opus cœperit fieri. d. l. 1. §. 2. & seqq.* Causa autem iusta est, si honoris vel decreti impetrandi gratia, aut ob incendium aliudve damnum reipublicæ illatum pollicitatio sit facta. *d. l. 1. §. 1. l. 4. D. h.*

Quid juris est in voto?

Si quis rem aliquam voverit, hoc est, Deo obligaverit, obligatur voto, & hæc res personam voventis, non rem quæ vovetur obligat. *l. 2. ff. h.*

Tit. 13. De variis extraordinariis cognitionibus, & si iudex litem suam fecisse dicetur.

Quomodo judicatur in omnibus causis?

Prætor ipse ordinario non judicat, sed constituit iudices pedaneos ad judicandum. Sunt verò nonnulla causarum genera, in quibus ipse extra ordinem cognoscit, non per ordinarium modum procedendi, sed extraordinarium.

Quomodo distinguuntur cognitiones?

In quatuor genera. Aut enim de honoribus sive muneribus gerendis, aut de re pecuniaria, aut de existimatione alicujus, aut de capitali crimine quaeritur. *l. 5. ff. h.*

Quomodo in re pecuniaria?

Variis ex causis: ut si agatur de salariis præceptorum

rura

rum in studiis liberalibus; quales sunt Rhetores, grammatici, & similes. l. 1. pr. & §. 1. 2. 3. 4. 5. 10. 11. 12. D. h.

Tit. 14. De proxeneticis.

Quid sunt proxenetica?

Sunt remunerationes, quæ solvuntur iis, qui præstant contrahentibus operam in negotiis contrahendis.

Possuntne jure licito peti?

Non est dubium, modo modus secundum qualitatem operæ servetur. l. 1. 3. C. h.

Teneturne proxeneta actione mandati, quod præfuerit mutuo contrahendo?

Nulla modo: quia monstrat magis nomen quam mandat, tamen si serio laudat. l. 2. ff. h.

Tit. 15. De Censibus.

Quomodo distinguitur census?

Census solet præstari vel ratione personarum per hominum capita. l. 3. ff. h. vel ratione rerum, præcipue quidem immobilium. l. 4. ff. h.

Tit. 16. De verborum Significationibus.

Quid comprehensum est hoc titulo?

Quæ sit nominum, verborum, & rerum, quæ per nomina exprimuntur, significatio.

Tit. 17. De Regulis Juris.

Quid sunt regulae Juris?

Sunt definitiones, quæ rem breviter explicant, & quasi gnomæ & axiomata generalia, ex quibus percipiuntur principia sive rationes, quibus jura singularia sustentantur.

DEO SIT GLORIA.

INDEX



I N D E X

Omniū Titulorum qui hoc libello continentur.

D E

| | | | |
|---------------------------------------|-----|--|-----|
| A bigeis. | 590 | Ad legem Corneliam de falsis. | 607 |
| A bolitionibus. | 612 | Ad legem Corneliam de Sicariis. | 603 |
| Acceptilationibus. | 580 | Ad legem Falcidiam. | 457 |
| Accusationibus & inscriptionibus. | 595 | Ad legem fabiam de plagiaris. | 611 |
| Acquirenda vel omittenda hereditate. | 425 | Ad legem Iuliam de adulteris & stupris. | 599 |
| Acquirenda vel amittenda possessione. | 498 | Ad legem Iuliam de ambitu. | 610 |
| Acquirendo rerum dominio. | 490 | Ad legem Iuliam de annona. | 609 |
| Acquisitione per arrogationem. | 37 | Ad legem Iuliam maiestatis. | 597 |
| Actione pigneratitia. | 251 | Ad legem Iuliam peculatus & de sacrilegiis & de re-siduis. | 609 |
| Actione rerum amotarum. | 364 | Ad legem Iuliam repetundarum. | 609 |
| Actionibus. | 557 | Ad legem Iuliam de vi privata. | 601 |
| Actionibus empti & venditi. | 298 | Ad legem Iuliam de vi publica. | 601 |
| Actionibus & Obligationibus. | 553 | Ad legem Pompejam de parricidiis. | 606 |
| Actionibus ex pignore. | 326 | Ad legem Rhodiam de ja-ctu. | 256 |
| Actore à tutore seu curatore dando. | 374 | Ad legem Viselliam. | 611 |
| Ademptione & translatione legat. | 447 | Administratione & periculo | |
| Ademptione libertatis. | 486 | | |
| Adimendus legatis. | 447 | | |
| Ad exhibendum. | 214 | | |
| Ad legem Aquiliam. | 199 | | |

| | | | |
|--|-----|---|-----|
| Id tutorum | 377 | Aleatoribus. | 219 |
| Administratione tutorum vel curatorum, de pecu- nia pupillari <i>facienda</i> vel deponenda. <i>ibid.</i> | | Alendis liberis ac parenti- bus. | 365 |
| Administratione rerum ad civitatem pertinentium. | 633 | Alienatione iudicii mutan- di causa facta. | 127 |
| Ad municipalem, & de incolis. | 630 | Alimentis & cibariis lega- tis. | 445 |
| Adoptionibus & emanci- pationibus. | 37 | Alimentis pupillo prestan- dis. | 388 |
| Ad SConsultum Macedo- nianum. | 260 | Alluvionibus, & paludi- bus, & pascuis ad alium statum translatis. | 494 |
| Ad SConsultum Orfitia- num. | 472 | Annali exceptione Italici contractus tollenda, & diversis temporibus, & exceptionibus, & pra- scriptionibus & interrup- tionibus earum. | 502 |
| Ad SCons. Pegasianum. | 459 | Annonis, & capitatione administrentium & eo- rum assessorum, aliorum- que publicas sollicitudines gerentium, vel eorum qui aliquas consecuti sunt dignitates. | 56 |
| Ad SCons. Syllanianum. | 429 | Annuus legatis & mensuris legatis & fideic. | 437 |
| Ad SCons. Tertullianum. | 472 | An per alium causa appel- lationis reddi possunt. | 626 |
| Ad SConsultum Trebellia- num. | 459 | An servus pro suo facto ma- numissus teneatur. | 150 |
| Ad SCons. Turpillianum. | 611 | Appellationibus & consul- tationibus. | 623 |
| Ad SCons. Vellejanum. | 266 | Appellationibus recipiendis vel non. | 624 |
| Adsertione tollenda. | 489 | Apud eum, à quo appella- tur, aliam causam agere compellendum. | 626 |
| Adfessoribus, domesticis, cancellariis. | 55 | Aqua & aqua pluvia ar- cenda. | 480 |
| Adsignandis libertis. | 468 | Aqua quotidiana & esti- va. | |
| Advocatis diversorum iudi- cium. | 91 | | |
| Advocatis diversorum ju- diciorum. | 91 | | |
| Advocatis fisci. | 92 | | |
| Edificiis privatis. | 479 | | |
| Edilitiis actionibus. | 327 | | |
| Edilitio edicto & redhi- bitoria. | 327 | | |
| Estimatoria actione. | 307 | | |
| Agnoscentis & alendis li- beris vel parentibus. | 365 | | |
| Albo corrupto. | 60 | | |
| Albo scribendo. | 631 | | |

I N D E X.

| | | | |
|---|------------|---|------------|
| <i>Da.</i> | <u>542</u> | Bonorum possessione furioso, | |
| <i>A quibus appellare non licet.</i> | 622 | infanti, &c. competenti. | 464 |
| <i>Arbitrium tutela.</i> | 389 | Bonorum possessione secundum tabulas. | <u>467</u> |
| <i>Arboribus cadendis.</i> | <u>545</u> | Bonorum possessione ex Testamento Militis. | ibid. |
| <i>Arborum furtim casarum.</i> | 586 | Bonorum possessionibus. | 463 |
| <i>Attiliano Tutore, & eo, qui ex lege Julia & Tertia dabatur.</i> | <u>372</u> | C. | |
| <i>Auro, argento, mundo legato.</i> | <u>445</u> | Cadaveribus punitorum, | 619 |
| <i>Authoritate & consensu tutorum vel curatorum.</i> | 379 | Caducis tollendis. | <u>454</u> |
| <i>Authoritate prestanda. ib.</i> | | Calumniatoribus. | 106 |
| B. | | Capitis diminutione. | 129 |
| <i>De Bonis autoritate judicis possidendis.</i> | <u>524</u> | Capite minutis. | ibid. |
| <i>Bonus damnatorum.</i> | 617 | Captivis & postliminio re- versis. | 629 |
| <i>Bonis eorum qui ante sententiam sibi mortem consciverunt.</i> | <u>618</u> | Carboniano edicto. | <u>467</u> |
| <i>Bonis libertorum.</i> | <u>468</u> | Castrensi peculio. | 629 |
| <i>Bonis maternis & materni generis.</i> | <u>475</u> | Censibus. | <u>636</u> |
| <i>Bonis proscriptorum.</i> | <u>617</u> | Cessione bonorum. | <u>522</u> |
| <i>Bonis quæ liberis in potestate constitutus ex matrimonio vel aliam acquiruntur, & eorum administratione.</i> | <u>475</u> | Certi conditione. | <u>244</u> |
| <i>Bonorum possessione contra tabulas.</i> | <u>464</u> | Clausula codicillari. | 431 |
| <i>Bonorum possessione contra tabulas liberi qui patronis liberisque eorum datur.</i> | <u>467</u> | Cloacis. | 542 |
| <i>Bonorum possessione contra tabulas quamprator liberis pollicetur.</i> | ibid. | Codicillis. | 430 |
| | | Collatione bonorum. | <u>465</u> |
| | | Collatione dotis. | <u>466</u> |
| | | Collationibus. | <u>465</u> |
| | | Collegiis & corporibus. | <u>593</u> |
| | | Collusione detegenda. | <u>490</u> |
| | | Concursu actionum. | <u>156</u> |
| | | Commerciis & mercatoribus. | <u>284</u> |
| | | Comminationes, epistolas, programmata, subscriptiones auctoritatem rei judicata non habere. | <u>517</u> |
| | | Commodati vel contra. | <u>247</u> |
| | | Communia de legatis & fideicommissis, de in remissione tollenda. | 456 |
| | | Communi- | |

nibus. 489
 Communia prediorum tam
 urbanorum quam rusti-
 corum. 194
 Communia de successioni-
 bus. 472
 Communia de usucapioni-
 bus. 500
 Communia utriusque judi-
 cii, tam familiae erci-
 scunda, quam communi
 dividundo. 213
 Communi dividundo. 212
 Communi servo manumisso. 486
 Communium rerum alie-
 natione. 292
 De Compensationibus. 268
 Concubinis. 366
 Concussionibus. 590
 Condiictione causa data cau-
 sa non secuta. 238
 Condiictione ex lege. 244
 Condiictione sine causa vel
 injusta causa. 242
 Condiictione furtiva. 243
 Condiictione indebiti. 240
 Condiictione ob causam da-
 torum. 238
 Condiictione ob turpem vel
 injustam causam. 239
 Condiictione triticaria. 244
 Conditionibus & Demon-
 strationibus. 452
 Condiictionibus insertis tam
 in legatis quam in fidei-
 commissis, &c. ibid.
 Conditionibus institutio-
 num. 534
 Confessis. 520

ratore. 370
 Conjungendis cum emanci-
 pato liberis ejus. 467
 Consortibus ejusdem litis. 149
 Constituta pecunia. 246
 Constitutionibus principum. 20
 Consulibus. 50
 Contractibus Iudicum, &c. 55
 Contrahenda & commit-
 tenda stipulatione. 562
 Contrahenda emptione. 282
 Contraria & utili actione
 tutela. 391
 Contrario indicio tutela. ibid.
 Creditorem evictionem pi-
 gnoris non debere. 333
 Crimine expilata heredita-
 tis. 592
 Crimine peculatus. 609
 Crimine sacrilegii. 609
 Crimine stellionatus. 593
 Culpa, dolo & casu fortuito. 248
 Cumulatione actionum. 158
 Curatore bonus dando. 528
 Curatore furioso & prodigi. 397
 Curatoribus. 373
 Curatoribus furioso & aliis
 extra minores dandus. 397
 Custodia & exhibitione reo-
 rum. 596
 D.
 De Damno infecto. 479
 Debitorem venditionem
 pignoris.

| | | | |
|--|-----|--|-----|
| pignoris impedire non posse. | 322 | Donationibus causa mortis & capionibus. | 483 |
| Decretis ab ordine faciendis. | 634 | Donationibus inter virum & uxorem. | 360 |
| Decurionibus & filiis eorum. | 631 | Donationibus quæ sub modo vel conditione, &c. | 483 |
| De eo quod met. caus. | 110 | Dotis collatione. | 460 |
| | 532 | Dotis promissione & nuda pollicitatione. | 356 |
| Dedititia libertate tollenda. | 486 | Dote causa non numerata. | 359 |
| Defensoribus. | 102 | Dote prælegata vel relegata. | 440 |
| Defensoribus civitatum. | 54 | Duobus reus stipulandi vel promittendi. | 569 |
| De locis & itineribus publicis. | 535 | E. | |
| Depositi vel contra. | 270 | De Edendo. | 77 |
| Dilationibus. | 76 | Edicto prætorum. | 26 |
| Distractione pignorum & hypothecarum. | 321 | Edicto divi Hadriani tollendo. | 427 |
| Diversis regulis juris antiqui. | 636 | Effectu patriæ potestatis. | 39 |
| Diversis rescriptis, & pragmaticis sanctionibus. | 23 | Effractoribus & expilatoribus. | 292 |
| Diversis & temporalibus præscriptionibus & accessionibus possession. | 551 | Emancipationibus liberorum. | 41 |
| Dividenda tutela. | 379 | Emendatione propinquorum. | 606 |
| Divisione & qualitate rerum. | 43 | Emendatione servorum. | 605 |
| Divisione stipulationum. | 563 | Emtione & venditione. | 282 |
| Divortio factò apud quem liberi morari & educari debeant. | 362 | Eo per quem factum erit quo minus quis in judicio se sistat. | 72 |
| Divortii & repudiis. | 361 | Eo qui pro tutore vel curatore negotia gessit. | 391 |
| Doli mali & metus exceptione. | 551 | Eo quod certo loco dari oportet. | 244 |
| Dolo malo. | 112 | Eo quod metus causa gestum erit. | 110 |
| Dominica potestate. | 33 | Errore Advocatorum. | 93 |
| Donationibus. | 482 | Errore calculi. | 90 |
| Donationibus ante nuptias & propter nuptias & sponsalitiis. | 349 | Etiam ob Chirographariam pecu- | |

| | |
|--|---|
| pecuniam pignus retineri posse. 315 | F. |
| Etiam per procuratorem causam in integrum re- stitutionis agi posse. 108 | De Falsa causa adjecta le- gato vel fideicom. 453 |
| Eviotionibus & dupla sti- pulatione. 330 | Falsa moneta. 607 |
| Eum, qui appellaverit, in provincia defendi. 626 | Familia erciscunda. 210 |
| Eunuchis. 294 | Famosis libellis. 589 |
| Executione rei judicata. 518 | Feris. 74 |
| Exceptione rei judicata. 550 | Fideicommissaria heredi- tatis petitione. 169 |
| Exceptione rei vendita & tradita. 333 | Fideicommissarius heredi- tatibus. 455 |
| Exceptionibus. 548 | Fideicommissariis liberta- tibus. 485 |
| Exercitoria actione. 254 | Fideicommissis. 455 |
| Excusationibus tutorum vel curatorum. 384 | Fide instrumentorum. 342 |
| Excusationibus veterano- rum. ibid. | Fidejussoribus & Manda- toribus. 571 |
| Ex delictis defunctorum in quantum heredes conve- niantur. 151 | Fidejussoribus & nomina- toribus tutorum vel cu- ratorum. 393 |
| Executione rei judicata. 518 | Fidejussoribus minorum. 116 |
| Exheredatione liberorum. 406 | Fiduciaria tutela. 371 |
| Exhibendis & transmit- tendis reis. 614 | Filios familias minore. 111 |
| Expilata hereditatis. 592 | Finium regundorum. 208 |
| Ex quibus causis infamia interrogatur. 94 | Fluminibus & ne quid in flum. ripave ejus fiat. 537 |
| Ex quibus causis majores 25 annis in integrum re- stituuntur. 126 | Fonte. 542 |
| Ex quibus causis manumit- tere non licet. 487 | Formulis & impetrationi- bus actionum sublatis. 152 |
| Extraordinariis cognitioni- bus. 635 | Foro competente. 138 |
| Extraordinariis crimini- bus. 589 | Foro uxorum. 143 |
| | Fructibus & litium expen- sis. 514 |
| | Fugitivis servis. 219 |
| | Fundo dotali. 359 |
| | Fundo instructo vel instru- mento legato. 443 |
| | Furibus balneariis. 591 |
| | Furtis. 583 |
| | Furti adversus nautas, cau- pones, stabularios. 585 |
| | De |

G.

De Generali abolitione. 613

Glande legenda. 545

Gradibus & affinibus, &c.

H. 470

Heredibus instituendis, & quæ persona institui non possunt. 411

Heredibus Tutorum vel Curatorum. 392

Hereditarius actionibus. 151

Hereditate vel actione vendita. 291

Hereditatibus decurionum, naviculariorum, &c. 477

Hereditatibus quæ ab intestato deferuntur. 472

Heredum qualitate & differentia. 425

His quæ in testamento delentur. 410

His, quæ pœnæ nomine in testamento vel codicillis scribuntur. 420

His quæ pro non scriptis habentur. ibid.

His, quæ sub modo legati vel fideic. relinquuntur. 452

His, quæ vi metusve causa gesta sunt. 110

His quæ ut indignis auferuntur. 450

His qui accusare non possunt. 595

His, qui ad statuas confugiunt. 25

His qui à non domino manumissi sunt. 487

His qui ante apertas tabulas hereditatem transmittunt. 428

His qui dejecerunt vel effuderunt. 205

His qui in priorum creditorum locum succedunt. 320

His, qui latrones, vel aliis criminibus reos occulaverunt. 591

His qui notantur infamia. 94

His qui parentes vel liberos occiderunt. 606

His, qui potentiorum nomine titulos pradiis affigunt, &c. 97

His, qui propter metum iudicis non appellarunt. 626

His, qui sibi asscribunt in testamento. 608

His, qui sunt sui, vel alieni juris. 33

His, qui veniam ætatis impetraverunt. 124

His, quibus ut indigni hereditates auferuntur & ad SConsult. Syl. 450

Homine libero exhibendo.

I. 545

Iis per quos agere poss. 562

Impensis in res dotales factis. 364

Impuberum & aliis substitutionibus. 414

Incendio, ruina, naufragio, nave expugnata. 586

Incertis personis. 433

Incestis & inutilibus nuptiis. 352

Incolis. 630

Indicta viduitate & lege Julia miscella tollenda.

453

In

| | | | |
|-------------------------------|----------|-------------------------------|-----|
| In diem addictione. | 288 | In rem verso. | 264 |
| Infantibus expositis. | 42 | Inspiciendo ventre & custo- | |
| Ingenuis. | 31 | diendo partu. | 366 |
| Ingenus manumissis. | 488 | Institutionibus, substitutio- | |
| Ingratis liberis. | 43 | nibus & restitutionibus | |
| In integrum restitutioni- | | sub conditione factis. | |
| bus. | 107 | | 418 |
| Institoria actione. | 258 | Instructo vel instrumento | |
| Integrum restitutione mi- | | legato. | 444 |
| norum viginti quinque | | Inter alios acta vel judica- | |
| annis. | 115 | ta alius non nocere. | 519 |
| In integrum restit., postula- | | Interdicto matrimonio in- | |
| ta ne quid novi fiat. | 108 | ter pupillam & tutorem | |
| Injuriis & famosis libel- | | seu curatorem filiosque | |
| lis. | 587 | eorum. | 358 |
| Injusto rupto & irrito facto | | Interdictis seu extraordina- | |
| testamento. | 407 | riis actionibus quæ pro his | |
| In jus vocando. | 63 | competunt. | 530 |
| In jus vocati ut eant, vel | | Interdictis, relegatis & | |
| satisdent. | 68 | deportatis. | 619 |
| In litem dando tutore vel | | Interpretatione legis. | 17 |
| curatore. | 374 | Interrogationibus in jure | |
| In litem jurando. | 236. 390 | faciendis, & de inter- | |
| Inofficioso testamento. | 159 | rogatoriis actionibus sub- | |
| Inofficiosis donationibus. | | latis. | 216 |
| | 164 | Inutilibus stipulationibus. | |
| Inofficiosis dotibus. | 165 | | 566 |
| In quibus causis tutorem | | Itinere actuque privato. | |
| vel curatorem habenti | | | 542 |
| tutor vel curator dari | | Iudicatum solvi. | 582 |
| potest. | 374 | Iudice. | 136 |
| In quibus causis cessat longi | | Iudicio finium regundo- | |
| temporis prescriptio. | 503 | rum. | 208 |
| In quibus causis in inte- | | Iudiciis, & ubi quisque a- | |
| grum restitutio necessaria | | gere vel convenire de- | |
| non est. | 122 | beat. | 134 |
| In quibus causis militantes | | Iure aureorum annulorum. | |
| fori prescriptione uti non | | | 488 |
| possunt. | 141 | Iure canonico. | 4 |
| In quibus causis pignus vel | | Iure codicillorum. | 430 |
| hypotheca tacite contra- | | Iure civili, ejusque libris. | 6 |
| hatur. | 313 | Iure | |

I N D E X.

| | | | |
|--|-------------|--------------------------------------|-------|
| <i>Iure deliberandi.</i> | 420 | <i>longa consuetudine.</i> | 15 |
| <i>Iure divino.</i> | 3 | <i>Legitima.</i> | 163 |
| <i>Iure domini impetrando.</i> | 324 | <i>Legitima agnatorum suc-</i> | |
| | | <i>cessione.</i> | 469 |
| <i>Iure dotium.</i> | 357 | <i>Legitimatione.</i> | 35 |
| <i>Iure emphyteutico.</i> | 303 | <i>Legitima tutela agnato-</i> | |
| <i>Iure fisci.</i> | 628 | <i>rum.</i> | 370 |
| <i>Iure immunitatis.</i> | 632 | <i>Legitima patronorum tute-</i> | |
| <i>Iurejurando propter ca-</i> | | <i>la.</i> | ibid. |
| <i>lumniam dando.</i> | 155 | <i>Legitima parentum tutela.</i> | ibid. |
| <i>Iurejurando, siue volunta-</i> | | | |
| <i>rio, siue necessario, siue</i> | | <i>Legitimis heredibus.</i> | 472 |
| <i>judiciali.</i> | 232 | <i>Libello.</i> | 79 |
| <i>Iure naturali, gentium, &</i> | | <i>Libellis dimissoriis, qui</i> | |
| <i>civili.</i> | 13 | <i>apostoli dicuntur.</i> | 624 |
| <i>Iure patronatus.</i> | 468 | <i>Liberali causa.</i> | 489 |
| <i>Iure personarum.</i> | 29 | <i>Liberatione legata.</i> | 447 |
| <i>Iure veteri enucleando.</i> | 7 | <i>Liberis agnoscendis & a-</i> | |
| <i>Iurisdictione.</i> | 57 | <i>tendis a parentibus, vel</i> | |
| <i>Iurisdictione omnium Iu-</i> | | <i>a patronis, vel a liber-</i> | |
| <i>dicum, & de foro com-</i> | | <i>tis.</i> | 365 |
| <i>petenti.</i> | 137 | <i>Liberis vel posthumis here-</i> | |
| <i>Iuris & facti ignorantia.</i> | 347 | <i>dibus instituendis, vel</i> | |
| | | <i>exheredandis vel prae-</i> | |
| <i>Iustitia & jure.</i> | I | <i>teritis.</i> | 405 |
| L. | | <i>Liberis exhibendis seu de</i> | |
| <i>De Latina libertate tollen-</i> | | <i>ducendis.</i> | 546 |
| <i>da.</i> | 486 | <i>Libero homine exhibendo.</i> | |
| <i>Legatis & fideicommissis.</i> | | | 545 |
| 1.2.3. | 432.435.437 | <i>Libertinis.</i> | 31 |
| <i>Legatis praestandis contra</i> | | <i>Libertis Muncipum, &c.</i> | 36 |
| <i>tabulas bonorum posses-</i> | | <i>Literarum obligationibus.</i> | |
| <i>sione petita.</i> | 465 | | 230 |
| <i>Legationibus.</i> | 633 | <i>Litigiosis.</i> | 552 |
| <i>Lege Aquilia.</i> | 199 | <i>Litis contestatione.</i> | 152 |
| <i>Lege commissoria.</i> | 289 | <i>Locati conducti.</i> | 299 |
| <i>Lege Falcidia.</i> | 457 | <i>Loco publico fruendo.</i> | 535 |
| <i>Lege fusia Laninia tollen-</i> | | <i>Locis & itineribus publi-</i> | |
| <i>da.</i> | 486 | <i>cis.</i> | ibid. |
| <i>Lege Rhodia de jactu.</i> | 256 | <i>Longi temporis praescriptio-</i> | |
| <i>Legibus, & Consultis, &</i> | | <i>ne quae pro libertate non</i> | |
| | | <i>adver-</i> | |

| | | |
|------------------------------|-------|-------------------------------|
| adversus libertatem op- | | Naturalibus liberis & ma- |
| ponitur. | 503 | tribus eorum, ex quibus |
| Luitione pignoris. | 326 | causis justis efficiantur. 35 |
| M. | | Nauta, caupones, stabularii, |
| De Magistratibus conve- | | ut recepta restituant. 132 |
| niendus & eorum heredi- | | Nautico fanore. 339 |
| bus. | 393 | Necessarius servis heredibus |
| Magistratibus municipali- | | instituendis vel substi- |
| bus. | 54 | tuendis. 418 |
| Maleficis mathematicis, & | | Ne de statu defunctorum |
| ceteris similibus. | 605 | post quinquennium qua- |
| Mandati & contra. | 274 | ratur. 490 |
| Mandatus principum. | 21 | Ne fidejussores vel manda- |
| Manumissionibus. | 485 | tores dotium dentur. 358 |
| Manumissionibus, quae ser- | | Ne filius pro patre, vel pa- |
| vis ad universitatem per- | | ter pro filio emancipato, |
| inentibus imponuntur. | ibid. | vel libertus pro patrono, |
| Manumissis testamento. ib. | | vel servus pro domino |
| Manumissis vindicta. 485 | | conveniatur. 149 |
| Methodo juris studii que ju- | | Ne fiscus vel resp. procura- |
| ridici. | 9 | tionem alicui patrocini |
| Migrando. | 546 | causa praestet. 58 |
| Militari testamento. | 423 | Negotiis gestis. 104 |
| Minoribus 25 annis. | 115 | Ne liceat in una eademque |
| Modo mulctarum quae a ju- | | causa tertio provocare, |
| dicibus infliguntur. | 56 | vel post duas sententias |
| Monopoliis, &c. | 290 | judicium, quas definitio |
| Mortis causa donationibus | | praefectorum roboravit, |
| & capionibus. 483. & seq. | | eas retractare. 623 |
| Mortuo inferendo & sepul- | | Ne liceat potentioribus pa- |
| chro edificando. | 224 | tracinium litigantibus |
| Mulieribus, quae se propriis | | praestare, vel actiones in |
| servis junxerunt. | 601 | se transferre. 97 |
| Muneribus & honoribus. | | Ne pro dote mulierum bona |
| | 632 | quondam mariti addi- |
| Mutatione nominis. | 608 | cantur, id est, in solidum |
| Mutuo. | 225 | dentur. 365 |
| N. | | Ne quid in flumine publico, |
| De Natalibus restituendo. | 489 | ripae ejus fiat, quo ali- |
| Naturalibus liberis. | 367 | ter aqua fluat atque prio- |
| | | re aestate fluxit. 537 |
| | | Ne |

| | |
|---|--|
| Ne quid in loco publico vel itinere fiat. 535 | Obligationibus ex consensu. 555 |
| Ne quid in loco sacro fiat. 534 | Obligationibus qua ex deli- cto nascuntur. 556 |
| Ne quis eum, qui in jus vo- catus est, vi eximat. 68 | Obligationibus qua ex qua- si contractu nascuntur. ib. |
| Ne quis in sua causa judicet vel sibi jus dicat. 147 | Obligationibus qua ex qua- si delicto nascuntur. ibid. |
| Ne rei dominica vel tem- plorum vindicatio longi temporis prescriptione submoveatur. 501 | Obsequiis parentibus & pa- tronis prestandis. 468 |
| Ne rei militaris comiti- bus vel tribunis lavacra prestentur. 53 | Officio assessorum. 55 |
| Ne sine jussu principis certis judicibus liceat confisca- re. 617 | Civilium judicium. ibid. |
| Ne tutor vel curator vecti- galia conducat. 384 | Comitis Orientis. 52 |
| Ne vis fiat ei qui in posses- sionem missus est. 533 | Comitis rerum privata- rum. 53 |
| Ne uxor pro marito, vel ma- ritus pro uxore, vel ma- ter pro filio conveniatur. 149 | Comitis sacrarum largi- tionum. ibid. |
| Nihil innovari appellatio- ne interposita. 625 | Comitis sacri palatii. ib. |
| De Nili aggeribus non rumpendis. 589 | Comitis sacri patrimonii. 53 |
| Non numerata pecunia. 230 | Diversorum judicium. 55 |
| Notariis. 344 | Ejus cui mandata est ju- risdictio. 54 |
| Novationibus & delegatio- nibus. 576 | Ejus qui vicem alicujus judicis vel praesidis ob- tinet. ibid. |
| Novi operis nunciatione. 477 | Indicis. 507 |
| Noxalibus actionibus. 208 | Iuridici Alexandriae. 53 |
| Nundinis. 635 | Magistri militum. ibid. |
| Nuptiis. 350 | Magistri officiorum. 51 |
| O. | Militarium judicium. 55 |
| De Obligationibus & actio- nibus. 553 | Praefecti annonae. 51 |
| | Praefecti Augustalis. 52 |
| | Praefecti praetorio. 50 |
| | Praefecti Africa & omni ejusdem diacesis statu. ib. |
| | Praefecti praetorio Orien- tis & Illyrici. 50 |
| | Praefecti vigilum. 51 |
| | Praefecti urbi. ibid. |
| | Praesidis. 52 |
| | Praeco- |

I N D E X.

| | | | |
|------------------------------|---------|-------------------------------|-----|
| Prætorum. | 51 | Periculo & commodo rei | |
| Proconsulis & Legati. | | vendite. | 297 |
| | 52 | Periculo tutorum vel cu- | |
| Procuratoris Cæsaris vel | | ratorum. | 379 |
| rationalis. | 52 | Perpetuis & temporalibus | |
| Quæstoris. | 51 | actionibus, & quæ ad | |
| Rectoris provincia. | 52 | heredes & in heredes | |
| Vicarii. | 54 | transeunt. | 561 |
| De operibus publicis. | 634 | Per quas personas nobis ac- | |
| Operis novi nunciato. | 477 | quiritur dominium. | 490 |
| Operis libertorum. | 468 | Per quas personas nobis ac- | |
| Operis servorum. | 185 | quiritur obligatio. | 254 |
| Optione legata. | 441 | Petitione hereditatis. | 166 |
| Ordine cognitionum. | 489. | Pignoratitia actione, vel | |
| | 508 | contra. | 251 |
| Ordine judiciorum. | 155.508 | Pignoribus & hypothecis. | |
| Origine juris & omnium | | | 311 |
| magistratuum, & succes- | | Plebescitis. | 19 |
| sione prudentum. | 11 | Plus petitionibus. | 154 |
| P. | | Plus valere quod agitur, | |
| De Pactis. | 81 | quam quod simulate | |
| Pactis conventis tam super | | concipitur. | 345 |
| dote quam donatione | | Pœna judicis qui male ju- | |
| propter nuptias & para- | | dicavit, vel ejus qui | |
| phernis. | 358 | judicem vel adversa- | |
| Pactis dotalibus. | 358 | rium corrumpere cura- | |
| Pactis inter emptorem & | | vit. | 517 |
| venditorem compositis. | | Pœna temere litigantium. | |
| | 286 | | 153 |
| Pactis pignorum & com- | | Pœnis. | 616 |
| missoria lege in pignori- | | Pollicitationibus. | 635 |
| bus rescindenda. | 318 | Popularibus actionibus. | 593 |
| Paru pignoris & omni | | Possessoria hereditatis peti- | |
| causa. | ibid. | itione. | 169 |
| Patria potestate. | 34 | Postulando. | 90 |
| Patribus qui filios suos di- | | Posthumis heredibus insti- | |
| straxerunt. | 294 | tuendis, vel exheredan- | |
| Peculio. | 262 | dis, vel præteritis. | 405 |
| Peculio legato. | 443 | Præceptis juris. | 10 |
| Pedaneis iudiciis. | 136 | Prædiis & aliis rebus mi- | |
| Pennilegata. | 444 | norum sine decreto non | |
| | | alic- | |

alienandis siue obligandis.

394

Prescriptione longi tempo-
ris 10 vel 20 annorum.

305

Prescriptione 30 vel 40 an-
norum.

504

Prescriptis verbis & in fa-
ctam actionibus.

309

Prætorio pignore, & ut
etiam in actionibus debi-
torum missio prætorii pi-
gnoris procedat.

312

Prætorii stipulationibus.

581

Prævaricationibus.

591

Precario.

544

Precibus Imperat. offeren-
dis, & de quibus rebus
supplicare liceat.

21

Privatis carceribus inhi-
bendis.

597

Privatis delictis.

583

Privilegio dotis.

525

Privilegio studiosorum.

143

Privilegio fisci.

525

Privilegiis creditorum. ib.

Privilegiis veteranorum.

630

Probationibus & presump-
tionibus.

340

Procuratoribus & defenso-
ribus.

96

Pro derelicto.

506

Pro donato.

ibid.

Pro dote.

506

Pro emptore.

505

Pro hærede vel possessore.

506

Prohibita sequestratione pe-
cunia.

272

Pro legato.

506

Pro quibus causis servi pro
premio libertatem reci-
piant.

488

Pro socio.

279

Pro soluto.

Pro suo.

507

Proxenetis.

636

Publicanis, vectigalibus, &
commisissis.

481

Publicana in rem actione.

173

Publicis judiciis.

594

Pupillari substitutione.

416

Q.

De Quadriennii prescri-
ptione.

502

Qua in fraudem credito-
rum facta sint ut resti-
tuantur.

529

Qua res exportari non de-
beant.

297

Qua res pignori vel hypo-
theca data obligari non
possint.

315

Qua res venire non possunt,
& qui vendere veleme-
re vetantur.

290

Qua sententia sine appella-
tione rescindantur.

625

Qua sit longa consuetudo.

27

De Quaestionibus.

615

Quando actio de peculio
annalis est.

264

Quando appellandum sit
& intra que tempora.

622

Quando civilis actio crimi-
nali præjudicet, & an
utraque ab eodem exerce-
ri

E e

| | | | |
|--|-----|--|-----|
| ri possit. | 508 | Quemadmodum testame- ta aperiantur, describan- tur & inspiciantur. | 428 |
| Quando decreto opus non est. | 395 | Qui accusare non poss. | 595 |
| Quando dies legati vel fi- dei commissi cedat. | 461 | Qui admitti ad bonorum possessionem possunt, & intra quod tempus. | 463 |
| Quando dies ususfructus legati cedat. | 181 | Qui a tate se excusant. | 384 |
| Quando ex facto tutoris vel curatoris minores agere vel convenire possunt. | 382 | Qui bonis cedere poss. | 522 |
| Quando fiscus vel privatus, debitoris sui debitores convenire possit vel de- beat. | 151 | Quibus ad libertatem pro- clamare non licet. | 489 |
| Quando Imp. inter pupil- los, & viduas vel mise- rabiles personas cognoscat & ne exhibeantur. | 141 | Quibus alienare licet vel non. | 497 |
| Quando libellus principi datus litis contestat. fa- ciat. | 22 | Quibus ex causis in posses- sionem eatur. | 523 |
| Quando liceat ab emptione recedere. | 295 | Quibus ex causis majores in integrum restituantur. | 126 |
| Quando liceat unicuique sine iudice se vindicare vel publicam devotio- nem. | 147 | Quibus ex causis manu- mittere non licet. | 487 |
| Quando mulier officio tute- lae fungi potest. | 371 | Quibus ex causis servi pro premio libertatem acci- piunt. | 488 |
| Quando non petentium partes petentibus accre- scant. | 469 | Quibus modis jus patria po- testatis solvitur. | 40 |
| Quando provocare non est necesse. | 625 | Quibus modis pignus vel hypotheca solvitur. | 324 |
| Quando tutores vel curato- res esse desinunt. | 381 | Quibus modis re contrahi- tur obligatio. | 555 |
| Quarum rerum actio non datur, & de exceptione juris iurandi. | 552 | Quibus modis testamenta infirmantur. | 407 |
| Quemadmodum servitutes amittantur. | 195 | Quibus modis tollitur obli- gatio. | 576 |
| | | Quibus modis tutela fini- tur. | 381 |
| | | Quibus modis ususfructus vel usus amittatur. | 181 |
| | | Quibus rebus ad eundem iudicem eatur. | 217 |
| | | Quibus non competit bono- rum possessio. | 472 |
| | | Qui- | |

I N D E X.

Quibus non obicitur longi
temporis praescriptio. 504

Quibus res judicata non
nocet. 519

Qui dare tutores vel cura-
tores, & qui dari possunt,
vel non. 372

Qui & adversus quos in
integrum restitui non
possunt. 122

Qui & a quibus manumif-
si liberi non fiant ad le-
gem Aeliam Sentiam. 487

Qui legitimam personam
standi in iudicio habent
vel non. 147

Qui manumittere possunt
vel non, & ne in fraudem
credit. manumitt. 487

Qui morbo se excusant. 384

Qui non possunt ad liberta-
tem pervenire. 489

Qui numero liberorum se
excusant. 384

Qui numero tutelarum. ib.

Qui petant tutores vel cu-
rator. & ubi petantur. 375

Qui potiores in pignore vel
hypotheca habeantur, &
qui in priorum credito-
rum locum succedant. 319

Qui pro sua surisd. Iud. dare
dari ve possunt. 136

Qui satisdare cogantur vel
jurato promittant vel sua
promiss. committantur. 69

Quis & a quo appell. 623

Quis ordo in bonorum pos-
sessione servetur. 472

Qui sine manu. ad liber-

tatem perveniant. 487

Qui testamenta facere pos-
sunt vel non. 400

Qui tutores dari possunt. 373

Quod certo loco dari oportet. 244

Quod cuiusque universita-
tis nomine vel contra
eam agatur. 103

Quod cum eo qui in aliena
potestate est negotium ge-
stum esse dicetur. 260

Quod falso tutore authore
gestum esse dicetur. 392

Quod iussu. 265

Quod legatorum. 532

Quod quisque juris in alie-
num statuit ut ipse eo-
dem utatur. 65

Quod vi aut clam. 543

Quomodo & quando iudex
sententiam ferre debeat
praesentibus partibus vel
una parte absente. 515

Quorum appellationes non
recipiantur. 624

Quorum Bonorum. 535

R.

De Raptu virginum seu
viduarum, nec non san-
ctimonialium. 602

Ratiociniis operum publi-
corum & de patribus ci-
vitatum. 634

Rebus alienis non alienan-
dis & de prohibita rerum
alienatione vel hypothe-
ca. 293

Rebus auctoritate iudicis
possidendis. 524

| | | | |
|---|--------------|--|-------------|
| <i>Rebus corporalibus & in-</i> | | <i>hereditate.</i> | <u>427</u> |
| <i>corporalibus.</i> | <u>49</u> | <i>Repudiis & iudicio de mo-</i> | |
| <i>Rebus creditis.</i> | <u>225</u> | <i>ribus sublato.</i> | <u>361</u> |
| <i>Rebus dubiis.</i> | <u>449</u> | <i>Reputationibus, quæ sunt</i> | |
| <i>Rebus eorum qui sub tutela</i> | | <i>in iudicio in integrum</i> | |
| <i>vel cura sunt sine decre-</i> | | <i>restitutionis.</i> | <u>125</u> |
| <i>to non alienandis vel sup-</i> | | <i>Requirendis reis vel absen-</i> | |
| <i>ponendis.</i> | <u>394</u> | <i>tibus damnandis.</i> | <u>614</u> |
| <i>Receptatoribus.</i> | <u>591</u> | <i>Rerum amotarum.</i> | <u>364</u> |
| <i>Receptis arbitris, & qui ar-</i> | | <i>Rerum divisione.</i> | <u>43</u> |
| <i>bitrium recipiunt ut sen-</i> | | <i>Rerum permutatione.</i> | <u>308</u> |
| <i>tentiam dicant.</i> | <u>128</u> | <i>Rescindenda venditione.</i> | |
| <i>Reconventione.</i> | <u>217</u> | | <u>295</u> |
| <i>Regula Catoniana.</i> | <u>450</u> | <i>Res inter alios acta vel ju-</i> | |
| <i>Regulis juris.</i> | <u>636</u> | <i>dicata aliis non nocet.</i> | |
| <i>Rejudicata, & de effectu</i> | | | <u>519</u> |
| <i>sententiarum, & de in-</i> | | <i>Responsis prudentum.</i> | <u>26</u> |
| <i>terlocutionibus.</i> | <u>509</u> | <i>Restitutione militum &</i> | |
| <i>Rei vindicatione.</i> | <u>170</u> | <i>eorum, qui reip. causa</i> | |
| <i>Rei uxoris actione, in ex-</i> | | <i>absunt.</i> | <u>126</u> |
| <i>stipulatu actionem trans-</i> | | <i>Retentione.</i> | <u>270</u> |
| <i>fusa.</i> | <u>362</u> | <i>Revocandis donationibus.</i> | |
| <i>Reus promittendi.</i> | <u>569</u> | | <u>484</u> |
| <i>Relationibus.</i> | <u>619</u> | <i>Revocandis iis quæ in frau-</i> | |
| <i>Religiosis & sumptibus fu-</i> | | <i>dem creditorum alienata</i> | |
| <i>nerum & ut funus ducere</i> | | <i>sunt.</i> | <u>529</u> |
| <i>liceat.</i> | <u>221</u> | <i>Ripa munienda.</i> | <u>583</u> |
| <i>Rem alienam gerentibus</i> | | <i>Ritu nuptiarum.</i> | <u>350</u> |
| <i>non interdici rerum sua-</i> | | <i>Rivis.</i> | <u>542</u> |
| <i>rum administratione.</i> | <u>284</u> | | |
| <i>Rem pupilli vel adolescen-</i> | | <p style="text-align: center;">S.</p> | |
| <i>tis salvam fore.</i> | <u>582</u> | <i>De Salviano interdicto.</i> | |
| <i>Rem ratam haberi & de</i> | | | <u>547</u> |
| <i>ratihabitione.</i> | <u>ibid.</u> | <i>Satisfando.</i> | <u>69</u> |
| <i>Re militari.</i> | <u>629</u> | <i>Satisfactione tutorum &</i> | |
| <i>Remissione pignoris.</i> | <u>325</u> | <i>curatorum.</i> | <u>376</u> |
| <i>Remissionibus.</i> | <u>544</u> | <i>Secundis nuptiis.</i> | <u>355</u> |
| <i>Repressaliis.</i> | <u>150</u> | <i>Seditiosis & iis qui plebem</i> | |
| <i>Replicationibus.</i> | <u>553</u> | <i>audent contra remp. col-</i> | |
| <i>Repudianda possessione.</i> | <u>498</u> | <i>ligere.</i> | <u>599</u> |
| <i>Repudianda & abstinenda</i> | | <i>Senatoribus.</i> | <u>50</u> |
| | | <i>Senatusconsultis.</i> | <u>20</u> |
| | | | <u>SCIO</u> |

| | | | |
|--------------------------------------|-----|------------------------------|-------|
| S ^C to Claudiano. | 429 | Si adversus creditorem præ- | |
| S ^C to Macedoniano. | 260 | scriptio opponatur. | 504 |
| S ^C to Orfitiano. | 427 | Si adversus delictum resti- | |
| S ^C to Syllaniano & Clau- | | tutio postuletur. | 120 |
| diano, quorum testamen- | | Si adversus donationem. | |
| ta ne aperiuntur. | 429 | | 118 |
| S ^C to Tertulliano. | 427 | Si adversus dotem restitu- | |
| Sententia quæ sine certa | | tio postuletur. | 119 |
| quantitate profertur. | 512 | Si adversus Fiscum. | 120 |
| Sententiam passis & resti- | | Si adversus libertatem. | 118 |
| tatus. | 619 | Si adversus rem judicatam | |
| Sententiam rescindi non | | restitutio postuletur. | 117 |
| posse. | 516 | Si adversus solutionem a | |
| Sententiis & interlocutio- | | tutore vel &c. factam. | |
| nibus omnium judicum. | | | 119 |
| | 509 | Si adversus transactionem | |
| Sententiis ex breviculo re- | | vel divisionem minor in | |
| citandis. | 516 | integrum restitui velit. | |
| Sententiis præfector. præto- | | | ibid. |
| rio. | 511 | Si adversus venditionem. | |
| Sententiis quæ pro eo quod | | | 117 |
| interest proferuntur. | 512 | Si adversus venditionem | |
| Separationibus. | 527 | pignorum. | 118 |
| Sepulchro violato. | 590 | Si adversus usucapionem re- | |
| Servis exportandis, vel si | | stitutio postuletur. | 120 |
| mancipium ita venierit | | Si ager vectigalis, hoc est, | |
| ut manumittatur, vel | | emphyteuticarius petat- | |
| contra. | 298 | tur. | 173 |
| Servis fugitivis. | 219 | Si aliena res pignori data | |
| Servis reip. manumitten- | | sit. | 316 |
| dis. | 485 | Si a non competente iudice | |
| Servitute legata. | 440 | judicatum esse dicatur. | |
| Servitutibus. | 189 | | 510 |
| Servitutibus prædiorum | | Si antiquior creditor pignus | |
| rusticorum. | 192 | vendiderit. | 322 |
| Servitutibus urbanorum | | Si certum petatur. | 228 |
| prædiorum. | 191 | Si communis res pignori da- | |
| Servo corrupto. | 219 | ta sit. | 317 |
| Servo pignori dato manu- | | Si contra jus, vel utilita- | |
| misso. | 486 | tem publicam, vel per | |
| Si adversus creditorem. | 121 | mendacium fuerit ali- | |

- quid postulatū vel im-
petratū. 23
- Si contra matris volunta-
tem tutor datus sit. 373
- Si cui plus quam per legem
falcidiam licet, legatum
esse dicetur. 458
- Si de momentanea possessio-
ne fuerit appellatum. 621
- Si dos constante matrimonio
soluta fuerit. 363
- Si ex falsis instrumentis
vel testamentis judica-
tum erit. 518
- Si ex noxali causa agatur
quemadmodum cavea-
tur. 71
- Si ex pluribus tutoribus vel
curatoribus, omnes, vel
unus agere pro minore
vel conveniri possint. 382
- Si familia furtum fecisse
dicatur. 585
- Si in causa iudicati pignus
captum sit. 313
- Si in communi eademque
causa in integrum resti-
tutio postuletur. 117
- Si ingenuus esse dicatur.
490
- Si quis qui testamento li-
ber, &c. 585
- Si major factus alienatio-
nem factam sine decreto
ratam habuerit. 396
- Si major fructus ratum ha-
buerit. 124
- Si mancipium ita fuerit
alienatum ut manumit-
tatur vel contra. 298
- Si mancipium ita venierit,
ne prostituatur. ibid.
- Si mater indemnitatem
promiserit. 391
- Si mensor falsum modum
dixerit. 220
- Si minor ab hereditate se
abstineat. 121
- Si minor se maiorem dixe-
rit vel major probatus
fuerit. 123
- Si mulier ventris nomine
in possessione calumnie
causa esse dicatur. 366
- Sine censu vel reliquis fun-
dum comparari non posse.
297
- Singulis rebus, per fidei-
commissum relictis. 456
- Si nuptia ex rescripto
petantur. 354
- Si omissa sit causa test. 122
- Si pars hered. petatur. 169
- Si pendente appellatione
mors intervenerit. 627
- Si per vim, vel alio modo
absentis possessio turbata
sit. 540
- Si pignoris conventionem
numeratio pecunie secuta
non sit. 324
- Si pignus pignori datum
sit. 317
- Si plures una sententia con-
demnati sint. 520
- Si propter publicas pensita-
tiones venditio fuerit ce-
lebrata. 296
- Si quacunque praeiud. po-
testate, vel ad eum perti-
nentes, ad suppositarum
jurisd. sua aspirare ten-
saver.

tauerint nuptias. 354
 Si quadrupes pauperiem fecisse dicatur. 197
 Si quid in fraudem patroni &c. 469
 Si quis aliquem testari prohib. vel coegerit. 430
 Si quis alteri vel sibi sub alterius nomine, vel aliena pec. quid emerit. 284
 Si quis a parente manumissus fuerit. 467
 Si quis cautioni iudicio sistend. causa facta non obtemperaverit. 73
 Si quis eam, cuius tutor fuerit, corruerit. 600
 Si quis ignorans rem minoris esse sine decreto comparauerit. 396
 Si quis Imp. maled. 589
 Si quis in ius vocatus non ierit, siue quis eum uocauerit, quem ex edicto non debuit. 67
 Si quis ius dicenti non obtemperaverit. 62
 Si quis omissa causa testamenti, ab intestato, vel alio modo possideat. 429
 Si quis testamento liber esse iussus fuerit, & post mortem Domini ante aditam hereditatem surripuisse aut corrupisse dolo malo dicatur. 585
 Si rector provincia vel ad rem pertinentes sponsalicias dederint arrhas. 349
 Si res aliena pignori data sit. 316
 Si reus vel accusator mor-

tuus fuerit. 595
 Si sapius in integrum restitutio post. fuer. 123
 Si secundo nupserit mulier, cui maritus usumfructum reliquit. 356
 Si servitus vindic. &c. 195
 Si servus extero se emi mandaverit. 279
 Si tabulae testamenti extabunt. 464
 Si tabulae testamenti nullae extabunt. 469
 Si tutor contra matris voluntatem datus sit. 373
 Si tutor vel curator falsis allegat. sit excusatus. 387
 Si tutor vel curator interuenerit. 116
 Si tutor vel Curator non gesserit. 390
 Si tutor vel curator reip. causa abfuerit. 384
 Si tutor vel curator vel magistratus creatus appellauerit. 626
 Si vendito pignore agatur. 323
 Si ventris nomine muliere in possessionem missa, eadem possessio dolo malo ad alium translata esse dicatur. 366
 Si unus ex pluribus appellauerit. 620
 Si unus ex pluribus heredibus creditoris, vel debitoris, partem sui debiti solverit vel acceperit. 323
 Si ususfr. petatur vel ad alium pertinere negetur. 184

I N D E X.

| | | | |
|--|-----|--|-----|
| <i>Si ut omiffam hereditatem, vel Bonorum possessionem, vel quid aliud acquisiverit.</i> | 122 | <i>Temporibus in integrum restitutionum tam minorum & aliarum personarum, quæ restitui possunt, quam heredum earum.</i> | 109 |
| <i>Societate.</i> | 279 | <i>Termino moto.</i> | 593 |
| <i>Solemnitatibus Testamentorum.</i> | 402 | <i>Testamenta quemadmodum aperiantur, &c.</i> | 428 |
| <i>Solutionibus & liberationibus.</i> | 578 | <i>Testamentaria manumissione.</i> | 485 |
| <i>Soluto matrimonio quemadmodum dos petatur.</i> | 362 | <i>Testamentaria tutela.</i> | 368 |
| <i>Sponsalibus & arrhis sponsalitiis & proxeneticis.</i> | 384 | <i>Testamento militari.</i> | 423 |
| <i>Sportulis, & sumptibus in diversis judiciis faciendis, & de executionibus litium.</i> | 135 | <i>Testamenti ordinandis & quemadmodum testamenta ordinentur.</i> | 398 |
| <i>Statu hominum.</i> | 29 | <i>Testibus.</i> | 345 |
| <i>Status & imaginibus.</i> | 25 | <i>Tigno juncto.</i> | 585 |
| <i>Status liberis.</i> | 487 | <i>Transactionibus.</i> | 86 |
| <i>Statutis.</i> | 19 | <i>Tributoria actione.</i> | 258 |
| <i>Stellionatus.</i> | 593 | <i>Tritico, vino, & oleo legato.</i> | 442 |
| <i>Stipulatione servorum.</i> | 570 | <i>Tutelis.</i> | 367 |
| <i>Succeffione conjugum.</i> | 476 | <i>Tutela & rationibus distrahendis, & utili curationis causa actione.</i> | 389 |
| <i>Succeffione Fisci.</i> | 477 | <i>Tutore & Curatore, qui satis non dedit.</i> | 376 |
| <i>Succefforio edicto.</i> | 469 | <i>Tutoribus & Curatoribus datis ab his, qui jus dandi habent, & qui, & in quibus causis specialiter dari possunt.</i> | 372 |
| <i>Suffragio.</i> | 230 | <i>Tutoribus & Curatoribus Illustrissimarum vel clariss. personarum.</i> | 372 |
| <i>Suis & legitimis liberis & filia nepotibus ab intestato venientibus.</i> | 472 | | |
| <i>Supellekti legata.</i> | 444 | | |
| <i>Superficiebus.</i> | 541 | | |
| <i>Suspectis tutoribus vel curatoribus.</i> | 383 | | |
| T. | | V. | |
| <i>Tabulis exhibendis.</i> | 533 | <i>Vacatione & excusatione munerum.</i> | 632 |
| <i>Temporibus & reparationibus appellationum seu consultationum.</i> | 623 | <i>Variis & extraordinariis cognitionibus.</i> | 635 |
| | | | Vbi |

| | | | |
|---|--------------|---|-----------------------|
| <i>Vbi causa fiscales vel divina dominus hominumque ejus agantur.</i> | <i>144</i> | <i>Ventre in possessionem mittendo & curatore ejus.</i> | <i>467</i> |
| <i>Vbi causa status agi debeat.</i> | <i>147</i> | <i>Ventre inspiciendo custodiendoque partu.</i> | <i>366</i> |
| <i>Vbi conveniatur, qui certo loco dare promisit.</i> | <i>146</i> | <i>Verborum & rerum significatione.</i> | <i>449. & 636</i> |
| <i>Vbi de criminibus agi oporteat.</i> | <i>144</i> | <i>Verborum obligationibus.</i> | <i>562</i> |
| <i>Vbi de hereditate agatur, vel ubi heredes scripti in possessionem mitti postulare debeant.</i> | <i>146</i> | <i>Veteranorum militum successione.</i> | <i>471</i> |
| <i>Vbi de possessione agi oporteat.</i> | <i>145</i> | <i>Veteranorum privilegiis.</i> | <i>630</i> |
| <i>Vbi de ratiociniis tam publicis quam privatis agi oporteat.</i> | <i>147</i> | <i>Veteri jure enucleando & autoritate Iurisp. qui in digestis referuntur.</i> | <i>7</i> |
| <i>Vbi & apud quem cognitio restitutionis in integrum agitanda.</i> | <i>107</i> | <i>Via & itinere publico reficiendo.</i> | <i>536</i> |
| <i>Vbi fideicommissum pet. oporteat.</i> | <i>145</i> | <i>Via publica, & siquid in ea factum esse dicatur.</i> | <i>535</i> |
| <i>Vbi in rem actio exerceri debeat.</i> | <i>146</i> | <i>Vi bonorum raptorum.</i> | <i>587</i> |
| <i>Vbi petantur tutores vel curatores.</i> | <i>375</i> | <i>Vi & vi armata.</i> | <i>538</i> |
| <i>Vbi pupillus educari vel morari debeat, & de alimentis iis prestandis.</i> | <i>388</i> | <i>Vnde legitimi.</i> | <i>469</i> |
| <i>Vbi quis de cohortali aliave conditione conveniatur.</i> | <i>143</i> | <i>Vnde cognati.</i> | <i>ibid.</i> |
| <i>Vbi senatores vel clariss. civiliter vel criminaliter conveniantur.</i> | <i>149</i> | <i>Vnde liberi.</i> | <i>ibid.</i> |
| <i>Vectigalia nova institui, &c.</i> | <i>481</i> | <i>Vnde vi.</i> | <i>538</i> |
| <i>Vectigalibus & commissis.</i> | <i>ibid.</i> | <i>Vnde vir & uxor.</i> | <i>471</i> |
| | | <i>Vsucapione pro donato.</i> | <i>506</i> |
| | | <i>Vsucapione pro dote.</i> | <i>ibid.</i> |
| | | <i>Vsucapione pro emtore vel transactione.</i> | <i>505</i> |
| | | <i>Vsucapione pro herede.</i> | <i>ib.</i> |
| | | <i>Vsucapione transformanda, & sublata differentia rerum Mancipi nec Mancipi.</i> | <i>500</i> |
| | | <i>Vsucapionibus seu usurpationibus & longi temporis prescript.</i> | <i>ibid.</i> |
| | | <i>Vsu & habitatione.</i> | <i>185</i> |
| | | <i>Vsu</i> | |

I N D E X.

| | | | |
|--|-------|--|-----|
| <i>Vsu & Vsufructu, & reditu, & habitat. & operis per legat. vel fideic. relict.</i> | 439 | <i>Vt intra certum tempus criminalis questio terminetur.</i> | 616 |
| <i>Vsufructu, & quemadmodum quis utatur fruatur.</i> | 174 | <i>Vti possidetis.</i> | 540 |
| <i>Vsufructu accrescendo.</i> | 179 | <i>Vt legat. vel fideic. causa caveatur.</i> | 460 |
| <i>Vsufr. earum rerum, quae usu consumuntur vel minuantur.</i> | 182 | <i>Vt lite pendente, vel post provocat. aut definitivam sententiam nulli liceat Imp. supplicare.</i> | 22 |
| <i>Vsufructuarius quemadmodum caveat.</i> | 187 | <i>Vt nemini liceat sine iudicis autoritate signarebus alienis imponere.</i> | 98 |
| <i>Vsuris & fructibus & causis & omnibus accessionibus & mora.</i> | 334 | <i>Vt nemo invitatus agere vel accusare cogatur.</i> | 148 |
| <i>Vsuris & fructibus legatorum & fideicommissorum.</i> | 455 | <i>Vt nemo privatus titulos praedii suis vel alienis imponat, vel vela regia suspendat.</i> | 98 |
| <i>Vsuris pupillaribus.</i> | 390 | <i>Vt nulli patriae administratio permittatur sine permissu principis.</i> | 52 |
| <i>Vsuris rei iudicatae.</i> | 519 | <i>Vt omnes iudices, tam civiles quam militares, post administrationem depositam per 50 dies in civitatibus vel certis locis permaneant.</i> | 56 |
| <i>Vt actiones ab heredibus & contra heredes incipiant.</i> | 11 | <i>Vt quae desunt advocatis partium, iudex suppleat.</i> | 93 |
| <i>Vt causa post pubertatem tutor adsit.</i> | 381 | <i>Vtrubi.</i> | 546 |
| <i>Vt ex legibus vel Sctis bonorum possessio deferatur.</i> | 472 | <i>Vulgari & pupillari substitutione.</i> | 414 |
| <i>Vt in flumine publico navigare liceat.</i> | 537 | <i>Vxoribus militum, & qui reip. causa absunt.</i> | 127 |
| <i>Vt in possessione legatorum vel fideic. servandorum causa esse liceat.</i> | 462 | | |
| <i>Vt in poss. legat. seu fideic. serv. causa mittantur, & quando satisfacere debeat.</i> | ibid. | | |

